

*image
not
available*

50/4


COLLECTIO


LATINORVM SCRIPTORVM


CVM NOTIS.

TAVDINI

PER D. G. H. H. H. H. H.








Recd Dr Manning C. 73

L. ANNAEI
SENECAE
OPERA OMNIA
TOM. IV.





L. ANNAEI
SENECAE
OPERA OMNIA

QVAE SVPERSVNT

EX RECENSIONE

F. ERN. RVHKOPF.

TOMVS QVARTVS

AVGVSTAE TAVRINORVM
EX TYPIS IOSEPHI POMBA
ANNO MDCCCXII.



L. ANNAEI SENECAE

AD LVCILIVM

EPISTOLAE MORALES.

EPISTOLA LXXXIX.

PHILOSOPHIAE DIVISIO : DE LVXV. ET AVARITIA SVAE AETATIS.

Roganti amico, ut discrimen explicet Philosophiae et Sapientiae, ita illud statuit, ut sit illa studium virtutis, haec illius effectus et praemium. Illius quidem tres partes, moralem, naturalem et rationalem constitui affert, ab aliis aliter. Senecae tripartitam esse placet: quarum quamque rursus dividit, moralem in tres, naturalem in duas, rationalem s. Logicam in Dialecticam et Rhetoricam. Quae omnia quancquam suadet ut legat amicus, tamen monet, ut ad mores et suos et publicos emendandos omnibus utatur, atque divitiarum luxusque cupidissimos castiget.

Iam etsi accuratis et subtilioribus Philosophiae cultoribus noster vix satisfacisse videri debeat, quandoquidem principia divisionis non satis subtiliter posuerit deduxeritque, tamen conspectum haudquaquam contemnendum dedit, nec quidquam aliud daturum sese professus est. Atque si qui sint qui multa in hac divisione omisisse eum querantur, ii cogitent, quaeso, ea omnia haudquaquam latuisse nostrum, veteresque philosophos, sed non sub iis eos titulis posuisse, quibus nostri ea assignare solent. Sic leges cogitandi in loco qui erat de animo tractaverunt.

SENECA LVCILIO SVO SALVTBM.

Rem utilem desideras, et ad Sapientiam properanti utique necessariam, *dividi Philosophiam*, et ingens corpus eius in membra disponi. Facilius enim per partes in cognitionem totius adducimur. Vtinam quidem, quemadmodum universa mundi facies in conspectum venit, ita Philosophia tota nobis posset occurrere, simillimum mundo spectaculum! Profecto enim omnes mortales in admirationem sui raperet, relictis his, quae nunc magna, magnorum ignorantia, credimus. Sed, quia contingere hoc non potest, sic erit a nobis aspicienda, quemadmodum mundi secreta cernuntur. Sapientis quidem animus totam molem eius amplectitur, nec minus illam velociter obit, quam caelum acies nostra: nobis autem, quibus perumpenda caligo est, et quorum visus in proximo deficit, singula quaeque ostendi facilius possunt, universi nondum capacibus. Faciam ergo quod exis, et Philosophiam in partes, non in frusta, dividam: dividi enim illa, non concidi, utile est: nam comprehendere, quemadmodum maxima, ita minima, difficile est. Describitur in tribus populus, in centurias exercitus. Quidquid in maius crevit, facilius agnoscitur, si discessit in partes; quas, ut dixi, in-

Vtinam quidem. Posteriores vocem adiecit ed. A et ma. a et Gruteri libris. Schw.

Universa. non universal, dedere R A. e. Schw.

Profecto enim.... raperet. Conferri videtur Philosophiae lausa Cic. Tusc. Disp. V, 2 celebrata: ob oculos ei forsitan fuerint illa Platonis in Phaedro tom. X, p. 329 bip.: ἡ πρόνοια

ὅλη ὁράται θεοῖς γὰρ αὖ παρὶν ἄνθρωποις, εἰ τοιοῦτον ἑαυτῆς ἐμπειρίαν ἔδωκεν παρὶν εἰς ἄνθρωπον. Quae verba Cic. de Off. I, 5, et de Fin. II, 16 respexit et expressit. Ruhk.

Aspicienda. Mirum quid ita libri in vocula nota turbent. Nam alii, *abscondenda, adscienda; meus abscondenda.* Lips.

numerabiles esse et parvulas non oportet. Idem enim vitii habet nimia quod nulla divisio; simile confuso est, quidquid usque in pulverem sectum est.

Primum itaque, sicut videtur, tibi dicam, inter Sapientiam et Philosophiam quid intersit. *Sapientia* perfectum bonum est mentis humanae, *Philosophia* sapientiae amor est et affectatio. Haec ostendit, quo illa pervenit. *Philosophia* unde dicta sit, apparet; ipso enim nomine fatetur. Quidam *Sapientiam* ita finierunt, ut dicerent eam « divinorum et humanorum scientiam. » Quidam ita: « *Sapientia* est, nosse divina et humana, et horum causas. » Supervacua mihi videtur haec adiectio, quia *causae* divinorum humanorumque partes sunt. *Philosophiam* quoque fuerunt qui aliter atque aliter finirent: alii *studium*

Parvulas. Ed. A cum ms. e e Grut. omnibus. Vulgo *parvas* ex ed. R. Schw.

Sicut videtur, tibi dicam. Rectius puto inungitur ista, *sicut videtur tibi*, quomodo distincta oratio in ed. R. Vitiose si ut videtur ed. A. et ms. e. Schw.

Inter Sapientiam et Philosophiam quid intersit. Eam ob causam haec distinctio affertur, quod aliter visum erat Platoni c. e. in *Enthydemo* tom. III, p. 40 bip. *philosophia* est acquisitio sapientiae; quum esse debeat questio studiumque. De Rep. V, p. 57, Vol. VII bip. appellat *philosophos τοὺς τῆς ἀληθείας φιλοψάμους*: item Aristoteli *Metaphys.* II, 1 (modo hic liber pro sincero haberi debeat) scientia veritatis (ὁρθῶς δὲ ἔχει, καὶ τὸ καλεῖσθαι τὴν φιλοσοφίαν, ἐπιστήμην τῆς ἀληθείας θεωρητικῆν). Ciceroni laudem: *Nec quidquam aliud est Philosophia praeter studium sapientiae.*

Cf. Lipsii *Monnd.* ad stoic. philos. II, 4. Ruhk.

Philosophia unde... fatetur. Cic. de Legg. I, 22: *Ita fit, ut mater omnium bonorum artium sapientia sit: a cuius amore graeco verbo Philosophia nomen invenit etc.* Pythagoras verum inventum esse hoc nomen constat ex Pontico Heraclide apud Cic. *Tusc.* V, 3. Ruhk.

Divinorum. Hieronymus in *Isaiae* cap. v: *Inter sapientiam et prudentiam hoc dicunt interesse Stoici, quod illa sit rerum divinarum et humanarum notitia, ista autem tantum mortalium.* Nota de Stoicis: nam Platonici aliter distinguunt, et illam in contemplatione, hanc in actione ponant. Lips.

Horum causas. Stoicas esse has definitiones constat, vel e Plut. de Placit. Philos. tom. XII, pag. 345 Hutt. οὐ μὲν γὰρ θεωρεῖν ἔπασσεν, σοφίαν εἶναι θεωρεῖν καὶ ἀνθρωπίνων ἐπιστήμην.

illam *virtutis* esse dixerunt; alii *studium corrigendae mentis*; a quibusdam dicta est *appetitio rectae rationis*. Illud quasi constitit, aliquid inter Philosophiam et Sapientiam interesse: neque enim fieri potest, ut idem sit quod affectatur, et quod affectat. Quomodo multum inter avaritiam et pecuniam interest, quum illa cupiat, haec concupiscatur; sic inter philosophiam et sapientiam. Haec enim illius effectus et præmium est; illa venit, ad hanc itur. *Sapientia* est, quam Graeci *σοφία* vocant. Hoc verbo Romani quoque utebantur, sicut *philosophiū* nunc quoque utuntur. Quod et togatae tibi antiquae probabunt, et inscriptus Dossenni monumento titulus:

Hospes resiste, et sophiam Dossenni lege.

Quidam ex nostris, quamvis philosophia *studium virtutis* esset, et haec peteretur, illa peteret, tamen non putaverunt illas distrahi posse: nam nec philosophia sine virtute est, nec sine philosophia virtus est. Philosophia *studium virtutis* est, sed per ipsam virtutem;

Nota est haec definitio e Cicrone at bene explicata ab Ernestio in Clav. Cic. voc. *Divinus*. Cf. Ep. Senec. 98, 28 et 30. Rerum cognoscere causas Virg. Georg. II, 490 iam pro scopo philosophiae declaravit. Caeteras definitiones, quas noster affert, esse stoicas observavit etiam Lipsius in Manod. II, 2. R.

Constitit R. A. e. Pinc. Grut. Vulgo constet ab Erasmo. Schw.

Togatae. Fabulae dicuntur, quae scriptae sunt secundum ritus et habitus hominum togatorum, id est, Romanorum: toga namque Romana est: sicut graecae fabulas, ab habitu aequo, palliatas Varro ait nominari, quia palliom Graecorum erat. (Dio-

med. de Arte Grammat. lib. 3, p. 486; inter Grammat. Lat. Auct. Antiq. ed. Hanov. 1605). Confer. et Fest. de verbor. signif. voce *Togatarum* lib. 18. (E notis Lagrange.)

Dossenni. Fuit Fabius Dossennus auctor satis celeberrimus fabularum togatarum, in quibus mores vestitusque romani erant. Laodat eum Plio. N. H. XIV, 15 bip. nec Fabric. Bibl. Lat. Vol. III, p. 238, 240, nominare eum in Comicis vet. lat. omisit R. — Eidem Dosseno Horatius exprobrat quod negligenter fabulas scribat, et nihil aliud quam lucrum ex illis capiet: Epist. 1, lib. II, v. 173 et sqq. *Quantus sit Dossennus edacibus in parasitis; quam non adstricto per-*

nec virtus autem esse sine studio sui potest, nec virtutis studium sine ipsa. Non enim, quemadmodum in his, qui aliquid ex distante loco ferire conantur, alibi est qui petit, alibi quod petitur; nec, quemadmodum itinera, quae ad urbes perducunt, extra ipsas sunt. Ad virtutem venit per ipsam. Cohae-
rent ergo inter se Philosophia Virtusque.

Philosophiae tres partes esse dixerunt et maximi et plurimi auctores: Moralem, Naturalem et Rationalem. Prima componit animum; secunda rerum naturam scrutatur; tertia proprietates verborum exigit, et structuram, et argumentationes, ne pro vero falsa subre-
pant. Caeterum inventi sunt, et qui in pauciora philosophiam, et qui in plura diducere. Quidam ex Peripateticis quartam partem adiecerunt, *Civilem*; quia propriam quamdam exercitationem desideret, et circa aliam materiam occupata sit. Quidam adie-
cerunt his partem, quam Graeci *οἶκονομικὴν* vocant, *administrandae rei familiaris scientiam*. Quidam et *de generibus vitae* locum separaverunt. Nihil autem horum non in illa parte Morali reperietur. Epicurei

currat pulpitae socco; Gestit enim nummum in loculos demittere, post hoc Securus cadat, an recto stet fabula talo.

Nec virtus autem. I. e. nec praeterea, adhaec. Cf. Heusing. ad Cic. Off. I, 28, 9. I, 4, 2. Ruhk.

Philosophiae tres partes. Facilis est transgressus a praecedentibus ad ea, quae nunc sequuntur. Quam nimirum virtus et philosophia inter se aptae et nexae sunt, sequitur, et philosophiae easdem esse partes tres, quas virtuti tribuimus. Moneo hoc propter Tiedemannii System, I, p. 8 qui Senecam negligentiae iasimulavit. Ruhk.

Tres partes.... dixerunt...auctores. Aristoteles, Xenocrates et Stoici: cf. Lipsii Maund. II, 6 9. Ruhk.

Civilem, Politicam. — Easdem omnino divisiones praebet et persequitur Cicero, Acad. I, c. 5, §. 19, etc.

Quidam... separaverunt. Nihil autem, etc.. Quia hi fuerint, non liquet. Recte observat Seneca, his partibus tribus contineri moralem partem. Ethica enim, civilis s. politica, et oeconomica nunc cum technica (*de generibus vitae*) constituerent Aristotelis philosophiam practicam.

Non in illa parte Morali reperietur. Vulgo reperitur, in illis libris nostris et Gruteri. Cum hoc verbo

duas partes philosophiae putaverunt esse, *naturalem* atque *moralem*; rationalem removerunt. Deinde, quum ipsis rebus cogerentur ambigua secernere, falsa sub specie veri latentia coarguere, ipsi quoque locum, quem *de Iudicio et Regula* appellant, alio nomine rationalem induxerunt; sed eum accessionem¹⁰ esse naturalis partis existimant. Cyrenaici naturalia cum rationalibus sustulerunt, et contenti fuerunt Moralibus: sed hi quoque, quae remouent, aliter inducunt. In quinque enim partes Moralia dividunt; ut una sit de Fugiendis et Expetendis, altera de Affectibus, tertia de Actionibus, quarta de Causis, quinta de Argumentis. Causae rerum ex naturali parte sunt; argumenta ex rationali; actiones ex morali.
 11 Ariston Chius, « non tantum supervacuas esse dixit, naturalem et rationalem, sed etiam contrarias: » moralem quoque, quam solam reliquerat, circumcidit. Nam eum locum, qui *Monitiones* continet, sustulit,

vulgu iugebatur non particola, quam nos, vesteres libris seculi, ante ista in illa parte posuimus. Schv.

Epicurei.... remouent.... existimant. Confirmant haec Diog. Laërt. X, 31; Sext. Emp. adv. Mathem. VII, 223. Epicurus, apud et tricus dialecticis, quas Megarici et Stoici commenti erant, reiectis, panes tantum praecepta de vero et falso quae recte tradidit, omnium omnino insignire, quam Dialecticis, maluit, et exposuit de iis in libro unius, qui Canon s. Regula inscribatur. Epicurei Canonicam Naturali coniungere consueti appellant illum librum, inducendi instrumentum et principium s. prima philosophiae elementa. Diog. Laërt. X, 30. Adde Buhlii Commentat. in Commentat. Soc. Reg. Gntt. vol. XI, p. 257 sqq. Ruhk.

Cyrenaici.... actiones ex morali. Idem narrat Sextus Empir. adv. Mathem. VII, 11. Alii aliter de his Aristippi (cuius vitam moresque egregia nuper descripsit Wielandus) discipulis indicaverunt. Ruhk.

Quae remouent. Sic recte ed. R. Volgo qui remouent com. A. s. S.

Ariston Chius. De Aristone Chio cf. philol. Bibl. II, 1 sq. Fuit stoicus philosophus. Zenonis auditor, Cleanthis amicus, Chrysippi inimicus. Caeterum idem et Sextus Emp. p. 340, narrat, qui ex eodem fonte haurisse videtur, quo noster usus est. Contra enim argumentator Seneca Ep. xciv. Ruhk.

Nam eum locum qui Monitiones continet. Practicam philosophiam moralem, quae quid cuique persona sciendum sit, docet, ideoque spe-

et *paedagogi* esse dixit, non *philosophi*: tanquam quidquam aliud sit *Sapiens*, quam humani generis *paedagogus*.

Ergo quum tripartita sit *Philosophia*, *Moralem* eius ¹² *partem* primum incipiamus disponere. Quam in tria rursus dividi placuit; ut prima esset *Inspectio suum cuique distribuens*, et aestimans quanto quidque dignum sit; maxime utilis: quid enim est tam necessarium, quam pretia rebus imponere? secunda *de Impetu*; tertia *de Actionibus*. Primum enim est, ut quanti, ¹³ quidque sit, iudices: secundum, ut impetum ad illa capias ordinatum temperatumque: tertium, ut inter impetum tuum, actionemque conveniat, ut in omnibus istis tibi ipse consentias. Quidquid ex his tribus defuerit, turbat et caelera. Quid enim prodest, intus aestimata habere omnia, si sis impetu nimius? quid prodest, impetus repressisse, et habere cupiditates in tua potestate, si in ipsa rerum actione tempora ignores; nec scias, quando quidque, et ubi, et quemad-

cialia praecepta continet, τόνους ὑπο-
δρακούς, s. παραυτακούς vocat Sex-
tus Emp. l: i. *Ruhk.*

Prima esset Inspectio. Haec divisio tenuis aut sterilis est, inquit Lips., prae illa quae in Laërtio ponitur, ex mente et usu plurimum stoicorum (de qua infra). — Contra autem *Ruhk.* Egregiam hanc, inquit, divisionem esse omnes cum veteres tam recentiores agnoverant. Quare Catonem induxit Cic. de Fin. III, 23 eximie laudantem Stoaе auctores et stoicos philos. Aliam divisionem tradit Diog. Laërt. VII, 84, quae quidem diffusior est, sed non plura completitur. In ordine tamen aliam nostri philosophi dispositionem optoverunt,

ut qui metaphysicum, s. malis, theoreticum ethices locum, qui est de officiorum principiis notationeque, non in calce, sed in fronte totius disciplinae rectius collocant. *Ruhk.*

Secunda, de impetu, etc. Receptum lect. invertens Schweigh., dat *secunda de actionibus*; tertia, *de impetu*. Sic, inquit, vet. libri, *R. A. c.* et Grut. Vulgo, *secunda de impetu, tertia de actionibus*, ex Erasmi ingenio; scilicet, quia impetus, ut mox ipse auctor significat, praecedere debet actionem. At nihil magis obstat, quo minus credamus in ordine docendi praemissum fuisse caput *de actionibus* alteri *de impetu*

44 modum agi debeat? Aliud est enim, dignitates et pretia rerum nosse, aliud articulos, aliud impetus refrænare, et ad agenda ire, non ruere. Tunc ergo vita sibi concors est, ubi actio non destituit impetum, Impetus ex dignitate rei cuiusque concipitur: proinde remissus acriorque, prout illa digna est peti.

45 *Naturalis pars philosophiae* in duo scinditur: Corporalia, et Incorporalia. Vtraque dividuntur in suos, ut ita dicam, gradus. Corporum locus in hos: primum in ea quae faciunt, et quae ex his gignuntur; gignuntur autem elementa. Ipse elementi locus, ut quidam putant, simplex est; ut quidam, in materiam. et causam omnia moventem, et elementa, dividi-
46 tur. — Superest ut *Rationalem partem philosophiae* dividamus. Omnis oratio aut continua est, aut inter respondentem et interrogantem discissa. Hanc διαλεκτικὴν, illam ῥητορικὴν placuit vocari. Haec verba cu-

Articulos. Temporis. Officia enim, καθήκοντα περιστάσεις καὶ ἄλλα περιστάσεις; Diog. Laërt. VII, 109. *R.*

Actio non destituit impetum. H. e. hic cum illa convenit, illa hunc comitatur. *Ruhk.*

Proinde remissus acriorque. Sic *R. A.* et Grut. non ni vulgo *perinde remissus acriorque*, Schw.

In duo scinditur. Secundum Diog. Laërt VII, 132, 133 alii aliam divisionem auxplexi sunt. Physicam autem Stoea plura continuisse quam nostram, facile est intelligere; ut quae et Theologiae et Ontologiae locum prebuit, atque adeo multa comprehendit, quae licet ad nos, tamen supra oculos sint. *Ruhk.*

Corp. locus in hos: primum in eo quae faciunt. I. e. Doctrina de corporibus dividitur in hos gradus: primum in ea quae gignunt, deinde in

ea quae ex his gignuntur. — Duo sunt prima principia, Deus et materia.

Ipse elementi locus. Non satis haec capio: ut quid enim iam elementa cum principiis confundit? Nisi si Elementum aliter a quibusdam capi vult, et ut ipsa principia continent, atque etiam elementa: hoc apparet. *Lips.*

Simplex est. Int. in partes dividi non potest.

Causam omnia moventem. Ipsum Deum, sive (ut Stoici saepe) eius rationem.

Rationalem partem Philosophiae dividamus. De hac quoque *rationalis partis* divisione non omnes Stoici sibi conveniebant. Cf. Diog. Laërt, VII, 40 sqq., qui et reliquas divisiones attulit. *Ruhk.*

Discissa. *A. c.* et Grut. *Diffusa* ed. *R.* Inde *diffuso* ed. *Er.* *Divisa* ed. *Mur.* et sqq. *Schw.*

rat, et sensus, et ordinem. Διαλεκτικῇ in duas partes dividitur, in verba et significationes; id est, in res, quae dicuntur, et vocabula, quibus dicuntur. Ingens deinde sequitur utriusque divisio. Itaque hoc loco finem faciam;

.... *Et summa sequar fastigia rerum.*

alioqui, si voluero facere partium partes, quaestionum liber fiet.

Hæc, Lucili, virorum optime, quo minus legas non deterreo, dummodo, quidquid legeris, ad mores statim referas. Illos compesce, marcentia in te excita, soluta constringe, contumacia doma, cupiditates tuas publicasque, quantum potes, vexe; et istis dicentibus: *Quousque eadem?* responde: «Ego debebam dicere: *Quousque eadem peccabitis?* Remedia ante vultis, quam vitia desinere: ego vero eo magis dicam, et, quia recusatis, perseverabo. Tunc incipit medicina proficere, ubi in corpore alienato dolorem tactus expressit. Dicam etiam invitis profutura. Aliquando aliqua ad vos non blanda vox veniat; et, quia verum singuli audire non vultis, publice audite. Quousque fines possessionum propagabitis? ager uni domino, qui populum cepit, angustus est. Quousque arationes vestras porrigetis, ne provinciarum quidem satione contenti circumscribere praediorum modum?

Rerum. Hemistichium est Virg. Aen. 1, 3½. *Ruhk.*

Hæc, Lucili, virorum optime. Meas alique scripti hic ordiuntur novam epistolam: neque abs re videtur. *Lips.* — At saltem non ulla deesse facile crediderim.

Debebam. Scripsi cum *A. c. Pol.* 2. et *Col.* Vulgo *debeo*, ex ed. *R. S.* *Quousque fines possessionum.* Spe-

ctant hæc ad latifundiorum possessiones, quae causa praecipua Reip. laborantis erat: de quibus cf. Sen. de Vita Beal. cap. 17, 3. Ep. cxiv, 6. 7. Horat. Carm. 1, 1, 9 et 10 ubi vid. Mitscherlich. *Ruhk.*

Qui populum cepit. In quo populus continetur.

Ne provinciarum quidem. En vix credenda latifundia, et his sequenti-

- 19 Illustrium fluminum per privatum decursus est, et amnes magni, magnarumque gentium termini, usque ad ostium a fonte vestri sunt. Hoc quoque parum est, nisi latifundiis vestris maria cinxistis; nisi trans Hadriam et Ionium Aegaeumque vester villicus regnet: nisi insulae, ducum domicilia magnorum, inter vilissima rerum numerentur. Quam vultis late possidete; sit fundus, quod aliquando imperium vocabatur: facite vestrum, quidquid potestis, dum plus sit alieni. Nunc vobiscum loquor, quorum aequae spatiosae luxuria, quam illorum avaritia, diffunditur. Vobis
20 dico: Quousque nullus erit lacus, cui non villarumstrarum fastigia immineant? nullum flumen, cuius non ripas aedificia vestra praetexant? Vbicumque scatebunt aquarum calentium venae, ibi nova diversoria luxuriae excitabuntur. Vbicumque in aliquem sinum litus curvabitur, vos protinus fundamenta iacietis; nec contenti solo, nisi quod manu feceritis,
21 maria ageris introrsus. Omnibus licet locis tecta vestra resplendeant, alicubi imposita montibus in vastum terrarum marisque prospectum, alicubi ex plano in altitudinem montium educta; quum multa aedifi-

lusque lucem, aut sive etiam mutare ex III de Benef. cap. viii; item Epist. lxxiv, et nostris Admirandis libro II, cap. xv. Lips.

Decursus est. Alerat est vulgo: dedit ed. A. cum ms. c. Picciani et Gruteri. Schiv.

Facite vestrum.... dum plus sit alieni. Intell. et si omnia appetatis, non omnia habebitis, et plus erit semper, quod alii possideant.

Quousque... immineant. Conf. Ifor. II, 18, 20; III, 1, 33-40; III, 24 init. et Gronovii Quatribe ad Statium c. 33. Ruhk.

Diversoria) *Deversoria* praebent edd. Mat. aliis refragentibus libris. Schiv.

Vbicumque excitabuntur. E. c. Ba-lis, Cutillae, Tbesprotiae etc, Gronov. Distrib. l. I. Ruhk.

Nec contenti solo. Aggeres, pilae a. moles in ipso mari struebant, iisque aedificia superstruebant, ut notum est. Cf. Tibull. II, 3, 45; Heyne ad Virg. Aen. IX, 711. Conf. Sallust. Bell. Cat. 13. Horst. II, Carm. 2, 9 sq. III, 1, 45. Ruhk.

Omnibus licet locis.... in altitud.... educta. Similia et illustrantia loca

caveritis, quum ingentia, tamen et singula corpora estis, et parvula. Quid prosunt multa cubicula? in uno iacetis. Non est vestrum, ubicumque non estis. Ad vos deinde transeo, quorum profunda et insatiabilis gula hinc maria scrutatur, hinc terras. Alia²² hamis, alia laqueis, alia retium variis generibus cum magno labore persequitur; nullis animalibus, nisi ex fastidio, pax est. Quantum enim ex istis epulis, quae per tot comparatis manus, fesso voluptatibus ore libatis? quantum ex ista fera, periculose capta, dominus crudus ac nauseans gustat? quantum ex tot conchyliis, tam longe advectis, per istum stomachum inexplabilem labitur? Infelices etiam, quod non intelligitis, maiorem vos famem habere, quam ventrem. » — Haec aliis dic, ut, dum dicis, audias ipse; scribe, ut, dum scribis, legas; omnia ad mores, et ad sedandam rabiem affectuum referens. Stude, non ut plus aliquid scias, sed ut melius. Vale.

collegit Mitscherlich. ad Horat. tom. I, pag. 384; et tom. II, pag. 15 et 19: ubi inter alia legimus haec: *Nonne hoc ipso animum inquietum produunt divites Romani, quod, prioribus in fastidiis adductis, novis usque sese immergant deliciarum generibus? Iam quibus opes suas expleant, animique aegritudinem et fatorentur, et expellere conarentur, plura genera floratus adnumerat: ac primo quidem loco tangit saeculi sui insaniam, villas in mari aedificandi: tum pisces ipsos inducit contractis aequora sentientes*

iaculis in altum molibus; et sis piscinarum maritimarum amplitudinem praeclara oculis subiicit: denique aedificia splendida, pretiosum suppellectilem, etc. — Resplendeant R. A. c. Vulgo splendeant. Schw.

Non est vestrum. Vau videlicet: quorsum solum sine usu? Lips.

Nisi ex fastidio. Quae iam edisse non libet. Lips.

Non ut) Sic Rahk. Editio Paris. ut non. Vtrum ex ingenio, an ex editione Schw., mihi non liquet. T.

EPISTOLA XC.

LAYS PHILOSOPHIAE: AD ILLAM SOLIVS ANIMI CVRAM PERTINERE.

Laudes continet Philosophiae, quae hoc efficit, ut bene vivamus. A Diis quidem non data est, sed facultas philosophandi omnibus tributa est. Ea de gravissimis, i. e. de divinis humanisque rebus verum invenire docuit, vitam formavit, consortia et imperia instituit, natura duce. Primo enim saeculo, quod aureum vocant, sapientes regnabant, quibus primae leges debentur. Artes quoque invenit Philosophia. Hactenus Posidonio assentiendum est: sed reliquas artes, quibus vita communis quotidie utitur, Philosophiae non tribuendas esse, quippe quae neque avaritiae neque luxuriae aliisque vitiis inservisse non dicenda est. Neque feramenta fabrilia, neque ferri metalla et aeris, neque malleus foreipesve, etc., sapientibus viris ortum suum debent, quum sapientiae sit, necessaria emendare, delicias despicere, verbo, naturam sequi; quippe quae non omisit offerre omnia, quae ad vestitum, ad frigoris calorisve vim arcendam idonea, et ubique facilia inventu, sine tot artibus, praesto essent. Enimvero a natura descivimus, nec contenti iis, quae terra in summo ferret, magnas multasque artes convenienti sumus, quae supervacua, contraria quaerunt et corpori atque libidinibus inserviunt. Parum itaque Posidonio assentiaris, qui textricem adeo artem a sapientibus dixit inventam et agriculturam, pistrinum panificiungue. Sed enim ratio quidem humana haec invenit, sed non recta ratio. Nec a sapiente inventa sunt illa minora, quae ut se minus digna, sordidioribus commisit ministris reperienda: qui idcirco etiam nunc ea tractant, ut multa exempli earum artium Senecae tempore inventarum doceant, a vilissimis servis profectarum. Enimvero Philosophia alia eademque praestantiora invenit et curat: utilia molitur, paci favet, genus humanum ad concordiam vocat, vitam format instruitque, regit vitam ideoque artes. Nil aliud adhaec monstrat, iis homines liberat, etc. Proinde ad illas artes quippe non dignas perpetuo usu non venit, nec Anacharsis rotam figuli tanquam sapiens invenit, sed qua homo. Quod de aliis inventis item valet.

Praestantiora sunt, quae sapiens stoicus invenit, § 34 sq. At-

tamen sapientes illo rudi saeculo, quod aureum vocant, nondam fuisse verisimile est. Omni quidem fortunae genere fruebantur illi homines primi, sed quum ars sit, bonum et sapientem fieri, illa autem nondum iis esset, sequitur sapientia eos caruisse. Virtutis et sapientiae materia iis erat, virtus et sapientia non erat.

Memorabilis est haec epistola duplici nomine. Ac primum quidem ideo, quod decretum de sapiente Stoeae tractat contra Posidonium, quem hoc in loco de Stoicis veteribus descivisse videmus. Deinde propterea pretii non contemnendi est, quod artium historiam egregie iuvat, atque adeo a Goguetto, in primis vtre a Io. Beckmanno aliisque harum rerum curiosis saepe in partes vocata est.

SENeca LUCILIO SVO SALUTEM.

Quis dubitare, mi Lucili, potest, quin Deorum immortalium munus sit, quod vivimus; Philosophiae, quod bene vivimus? itaque tanto plus huic nos debere, quam Diis, quanto maius beneficium est bona vita, quam vita? Pro certo deberetur, nisi ipsam Dii philosophiam tribuissent; cuius scientiam nulli dederunt, facultatem omnibus. Nam si hanc quoque bonum vulgare fecissent, et prudentes nasceremur; sapientia, quod in se optimum habet, perdidisset, inter fortuita esset. Nunc enim hoc in illa pretiosum

Philosophiae, quod bene. Aristotelis illud assidet: Qui docuissent nos, magis venerabiles debere esse iis qui nos genuissent; hos enim vivendi tantum, illos bene vivendi esse nuctores. *Laps.* — Egregie hanc et sequentem Philosophiae laudem iam exornaverat Cic. Tusc. Disp. V, 2 in loco celeberrimo: *O vitae Philosophin dux! o virtutis indagatrix*, etc. quae Muretus opinatur Ciceronem e Posidonio hausisse. Ab eodem, de Fin. III, 2, 21, philosophia ars vitae vocatur.

SEN. TOM. IV.

Alligit haec Vpton. ad Arriani Diss. Epict. I, 15 init. p. 184 ed. Schweigh. *Rullk.*

Pro certo deberetur. Int. certum est nos debituros magis Philosophiae quam Deo, nisi, etc.

Inter fortuita esset. Senecae sermoni et sententiae ordini haec lectio aptissima est, quam cum Gron. ex Gruteri conj. recepi. Codd. enim dabant vel, *quin inter fortuita nunc esset*, vel *quod*, sive *quin inter fortuita esset*, vel, *quia inter f. non e.*

B

atque magnificum est, quod non obvenit, quod illam
 2 sibi quisque debet, quod non ab alio petitur. Quid
 haberes quod in Philosophia suspiceres, si beneficia-
 ria res esset? Huius opus unum est, de divinis hu-
 manisque verum invenire; ab hac nunquam recedit
 iustitia, pietas, religio, et omnis alius comitatus vir-
 tutum consortiarum, et inter se cohaerentium. Haec
 docuit colere divina, humana diligere, et penes Deos
 imperium esse, inter homines consortium; quod ali-
 quandiu inviolatum mansit, antequam societatem
 avaritia distraxit, et paupertatis causa etiam his, quos
 fecit locupletissimos, fuit. Desierunt enim omnia pos-
 3 sidere, dum volunt propria. Sed primi mortalium,
 quique ex his geniti naturam incorrupti sequebantur,
 eandem habebant et ducem, et legem, commissi me-
 lioris arbitrio. Naturae est enim, potioribus deteriora
 submittere. Mutis quidem gregibus aut maxima cor-
 pora praesunt, aut vehementissima. Non praecedit
 armenta degener taurus, sed qui magnitudine actoris
 caeteros mares vicit; elephantorum gregem excel-

Edizio vetus: quia inter fortuita iam
 est. Vides vacillationem codd. Quod
 inter fortuita non est occupavit ple-
 rasque edd. auctore Mureto. R.

Si beneficiaria res. Beneficii alieni,
 quaeque tribui posset. Lips.

Ab hac nunquam... cohaerentium.
 Stoicum hoc dogma esse, et virtutes
 esse pares et ioler et consortas, saepe
 iam attigimus. Ruhk.

Paupertatis causa... fuit. Nam eo les
 omoia possidebant cum caeteris ho-
 minibus commuoliter: nunc, eliam si
 multa habent, pauperes sunt, si
 respicias ad illa quae amiserunt.

Desierunt enim omnia... propria.
 Avaritia fecit, ut ea, quae commu-

oia fuerant, singulis dividerentur
 laquam propria. Ruhk.

Commissi melioris arbitrio. Vertil
 Lagrange: Ils remettaient leurs in-
 térêts entre les mains du meilleur
 d'entre eux.

Naturae est... submittere. Iam an-
 tiqua est opinio virorum prudentium,
 a natura illa omnia esse constituta,
 ut deteriora potioribus submittantur:
 quas, modo ne cupide interpreteris
 et premas, veritate sua non destitui-
 tur. Paucis attigit haec Vploo. p. 325
 ad Arrian. Diss. I, 29, 13: τὸ χεῖρον
 ἀπὸ τοῦ καλλίονος τοῦ χείρονος. Cf.
 Galacker ad M. Antonin. VII, 55.
 Ruhk.

sissimus ducit; inter homines pro maximo est optimum. Animo itaque rector eligebatur; ideoque summa felicitas erat gentium, in quibus non poterat potentior esse, nisi melior. Tantum enim, quantum vult, potest, qui se, nisi quod debet, non putet posse.

Illo ergo saeculo, quod aureum perhibent, penes Sapientes fuisse regnum, Posidonius indicat. Hi continebant manus, et infirmiores a validioribus tuebantur; suadebant, dissuadebantque, et utilia atque inutilia monstrabant. Horum prudentia, ne quid deesset suis, providebat; fortitudo arcebat pericula; beneficentia augebat ornabatque subiectos. Officium, erat imperare, non regnum. Nemo, quantum posset adversus eos, experiebatur, per quos coeperat posse; nec erat cuiquam aut animus in iniuriam,

Excellentissimus. Sic A. c. Excellentissimus ed. R. et aliae ante Gron. quod teneri fortasse debebat, quum praesertim mox dical, inter homines pro maximo. Schw.

Pro maximo est optimum) Pro summo vulgo, ex ed. Ven. Vitiose proximos ed. R. Proximo A. c. Veram script. pro maximo unus servavit Pal. 3. Dein placuit quidem optimum, quod cum ed. Ven. agnoscit ed. A. et ms. c. sed in optimum consentiunt ed. R. et Gruteri eodd. omnes. Schw.

Posidonius. Posidonii Rhodii, s. Apameensis (non Olhiopolitae, quod male affirmat Fabric. Bibl. Gr. III, p. 573) magos ut philosophi et historici fama erat in Antiquitate: sed nihil nisi fragmenta operum eius satis copiosorum nobis relieta sunt: quae utinam collecta haberemus! Celebrerrimum eius opus τὰ πρὸς τοὺς

Πολύβιον expressit Trogos Pompeius ideoque Iustinus etiam lib. 36-42, quod sentissime observavit amicus. Heeren. Vnde autem haec, quas Seneca offert, petita sint, non liquet. Locus tamen huic tractationi de sapiente esse potuit in libro eius πρὸς τὸν δὲν (de summo bono, quem Diog. Laërt. VII, 87; cf. ibi Menag. laudat.): ubi quom posuisset, summum bonum esse, ita vivere, ut ei veritatem et ordinem omnium rerum contempleris (τὸ ἔχειν θεωρεῖν τὴν τῶν ὄντων ἀλήθειαν καὶ τάξιν) imaginem quoque sapientis atque eius virtutem depinxisse videri potest. R.

Iudicat. Sequens Aeschylom Prometh. vinct. 446 sq. Egregie sententiam hanc extulit Horat. Art. poet. 396 sq. Cf. I Serm. 3, 99 sqq. qui Lucret. V, 523 sq. expressit. Ruhk.

Beneficentia augebat ornabatque s. Recte: quanquam alii Codd. et plu-

aut causa; quum bene imperanti bene pareretur, nihilque rex maius minari male parentibus posset, quam ut abiret e regno. Sed postquam, subrepentibus vitiis, in tyrannidem regna conversa sunt, opus esse coepit legibus, quas et ipsas inter initia tulere Sapientes. Solon, qui Athenas aequo iure fundavit, inter septem aevi sapientia notus: Lycurgum si eadem aetas tulisset, sacro illi numero arcessisset octavum: Zaleuci leges Charondaeque laudantur. Hi non in foro, nec in consultorum atrio, sed in Pythagorae tacito illo sanctoque secessu didicerunt iura, quae florenti tunc Siciliae et per Italiam Graeciae ponerent.

Hactenus Posidonio assentio: artes quidem a phi-

rimi habent agebat. Accedit quod augere et ornare iungi solent. Conf. Graevii Leett. Hesiod. p. 2 sqq. Ruhk.

Quam ut abiret e regno. Mss. abirent. Sed placeret magis: quam abire se regno. Gronov. — Si de countu intellexeris, locum tneberis. R.

Conversa, R. A. e. Versa vulgo, ab Erasmo. Schw.

Notus. Tenui eum Ruhkopsio, non quidem (ut ille putabat) Pinciani codicibus firmatum, sed ex coniectura editum ab Erasmo: notus ex libris suis commendaverat Pincianus, quod receperunt Mur. Lips. et Gron. consentientibus nostris A. e. Pal. 2. et Col. Alii notos cum ed. R. Schw.

Arcessisset octavum. Hoc verum iudicavi cum Grutero. Arcessisset octavum ed. Er. Vulgo arcessisset octavus, a Mur. ex ora Erasmi, nullo libro prorsus assentiente. Arcessisset dedit quidem ed. R. cum ms. c. et Pol. 3. sed arcessisset ed. A. et ms. Col. Arcessisset Pal. 2. Posterior vox

miris modis in vet. libris corrupta. Schw.

Zaleuci leges... ponerent. Hos legumlatores, illum Locrorom Epizephyriorum in Italia (circa ann. ante Christ. 660), hunc haud ita longe post Calaoae, verum diu ante Pythagoram floruisse constat. Nam istum errorem cum multis aliis, quos Bentleyus in Diss. supra Phalaridis Epist. p. 338 sq. ed. Lips. refellit, airnase ne putes Posidonium ἱστορημάτων hominem, cui Aristoteles de Rep. II, 12, ob oculos fuisse videtur, sed hanc intelligas potius Posidonii fuisse sententiam: hos legumlatores, more aliorum legumlatorum, e. e. Minos, Numae in solitudine, quali Pythagoras utebatur, meditados, praeparasse sese ad leges ferendas. Sic (Tacit.) et Dialog. c. 13 init. malo securum secretum Virgilii secessum; i. e. eum, quem Virgil. amabat. Vide Heynii Opuse. aead. Vol. II. R.

Assentio) Assentior vulgo, invitis libris vet. Schw.

losophia inventas; quibus in quotidiano usu vita utitur, non concesserim; nec illi fabricae asseram gloriam. « Illa, inquit, sparsos, et aut cavis tectos, aut aliqua rupe sufflossa, aut exesae arboris trunco, docuit tecta moliri. » Ego vero philosophiam iudico⁷ non magis excogitasse has machinationes tectorum supra tecta surgentium; et urbium urbes prementium, quam vitaria piscium in hoc clusa, ut tempestatum pericula non adiret gula, et, quamvis acerrime pelago saeviente, haberet luxuria portus suos, in quibus distinctos piscium greges saginaret. Quid ais? Philosophia docuit homines habere clavem et seram? Et quid aliud erat, avaritiae signum dare? Philosophia haec cum tanto habitantium periculo imminencia tecta suspendit? Parum enim erat fortuitis tegi, et sine arte et difficultate naturale sibi invenire aliquod receptaculum! Mihi crede, felix illud sae-

Nec illi fabricae asseram gloriam.
Sic edd. anta Mur. cum R. A. c. et Gruteri libris. *Nec illam fabr.* ed. Mur. et seqq. ex Pinciani libris. Denique *assertam* ed. Lips. et Gron. non ex sphalm. typogr. ut Ruhk. existimavit, sed ex Lipsii conjectura. S. — Ruhkopfius edidit: *nec illam fabr.* *Illam,* inquit, Pinc. ex vet. lect. scriberemus avariis. Obsecutus est Muretus recte. Erasmus et alii, *illi.* Gruterus quid sibi velit *illam*, non satis assequi se fatebitur. Scelus est? non concedo illis artibus villoribus gloriam ipsas quoque esse inventas a philosophia. *Assertam* per plures edd. propositum instill.

Et aut cavis tectos. Hanc Lipsii et Gronov. conjecturam, et sequentibus auctoribus verbis optime consentaneam, et scriptorum lectionibus caucasis, caucalis, caussis, ensis, quam

maxime propinquam nos omnihus aliis praetulimus, — et e *Caucasis* lectas, ut unice verum, toclor Ruhk. Ego mea de conject. et *caussis* tectos scripsi. *Cassia* autem non solum vocabatur, ut Lexicographi veteres docent, *pilei barbarici genus*; sed eodem nomine etiam intelligebatur (ut ex Veget. IV, 15, discimus) *vineae* sive *crates*. Itaque in loco huic parallelo (paulo infra §. 15) ubi ad idem argumentum redit auctor, ait: *Quid ergo? nun quamlibet virgeam cratem texerant manu?* Eodemque pertinet (§. 9) *spissata ramalia, ac frons congesta et in-proclive disposita.* Schw.

Et urbium urbes prementium. Sic Gronovii et quique Grot. codd. cum Erasmo. et edit. vet. Antea: et *urbes prementium.* Ruhk.

Vivaria, iam Tibell. II, 3, 45 et

culum ante ἀρχιτέκτονας fuit. Ista nata sunt iam nascente luxuria, in quadratum tigna decidere, et, serra per designata corrente, certa manu trabem scindere.

Nam primi cuneis scindebant fissile lignum.

Non enim tecta coenationi, epulum recepturae, parabantur; nec in hunc usum pinus aut abies deferbatur longo vehiculorum ordine, vicis intrementibus, ut ex illa lacunaria auro gravia penderent. Furcae utrimque suspensae fulciebant casam: spissatis ramalibus, ac fronde congesta et in proclive disposita, decursus imbribus, quamvis magnis, erat. Sub his tectis habitare securi. Culmus liberos texit: sub marmore atque auro servitus habitat. In illo quoque dissentio a Posidonio, quod «ferramenta fabrilia excogitata a sapientibus viris iudicat.» Isto enim modo dicat licet *Sapientes*, per quos

*Tunc laqueis captare feras, et fallere visco
Inventum, et magnos canibus circumdare saltus.*

⁴⁰ Omnia enim ista sagacitas hominum, non sapientia invenit. In hoc quoque dissentio, «Sapientes fuisse, qui ferri metalla et aeris invenerint, quum incendio

Varro R. R. III, 17, memorant hanc luxum. *Ruhk.*

Serra cum Grut. Lips. et Gron. e codd. Ptoe. al. recepi. *Aulea ferro.* *Ruhk.*

Lignum. Versus est Virgilii, Georg. I, 144. *Ruhk.*

Epulum. Magnam et amplum convivium. Nec displiceat scribi, *populum*; ita Seneca epist. cxv, *Capacem populi coenationem.* *L.* — *Epulum*, inquit *Ruhk.*, quod populo dabatur convivium. De Benef. I, 12.

Vicis intrementibus. Iavensis Sat.

III: ... *Modo longa coruscat Sar-
raeo veniente abies, atque altera pi-
num Plaustra vehunt: nutant alte,
populoque minantur.*

Lacunaria. Quae oos plafonds vocamus. Cf. Hor. Carm. II, 18, 2 in alp. Erosli ad Suet. Neron. 34. *R.*

Saltus. Mox versus est Virgilii Georg. I, 139. De progressu humanitatis similis habet Vitruv. II, 1 ed. Rodii. *Ruhk.*

Invenerint. A. c. Vulgo *invenerunt.* Schw.

silvarum adusta tellus in summo venas iacentes liquefactas fudisset. » Ista tales inveniunt, quales colunt. Ne illa quidem tam subtilis quaestio mihi videtur, quam Posidonio: « Vtrum malleus in usu esse prius an forcipes coeperint. » Vtraque invenit aliquis exercitati ingenii, acuti, non magni, nec elati; et quidquid aliud corpore incurvato, et animo humum spectante, quaerendum est. Sapiens facilis victu fuit. Quidni? quum hoc quoque saeculo esse quam expeditissimus cupiat.

Quomodo, oro te, convenit, ut et Diogenem mire-
ris, et Daedalum? Vter ex his sapiens tibi videtur?
qui serram commentus est? an ille, qui, quum vi-
disset puerum cava manu bibentem aquam, fregit
protinus exemptum e perula calicem, hac obiurgatio-
ne sui: « Quamdiu homo stultus supervacuas sarcin-
ulas habui? » qui se complicit in dolio, et in eo
cubitavit? Hodie utrum tandem sapientiore putas,¹²
qui invenit quemadmodum in immensam altitudi-
nem crocum latentibus fistulis exprimat; qui Euri-

Sapiens facilis victu fuit. Paraton
victum habet, nullo labore impenso.
De hac loquendi formula cf. Heynium
ad Virgil. Aen. I, 443 Exc. Casaub.
ad Sueton. Caes. 53 init. Ruhk.

Quomodo convenit. Quomodo
haec simul stare possunt, ut tam di-
versos homines aliquis miretur? Do
dolio Diogenis Sinopensis nullum
disputatum est: et quidni in eo cu-
bitasse dicatur? Cf. Bruckeri Hist.
crit. I, pag. 872 sq. Ruhk.

Et Diogenem R. A. c. Abest vulgo
prior vocula, quamvis ad sententiam
necessaria. Schw.

Daedalum. Sic omnes codd. Grot.
atq. edd. Muretus tamen invenisse di-

xit in uno codice. *Talum:* et verius
est hoc. Sed Seneca neque Daedalum
scripsit ac postea Plin. Nat. H. VII, 56
fabricam materiariam invenit Dae-
dalus et in ea serram. Ruhk. — At
Ovidius serrae inventorem fecit *Per-
dicem*, Daedali sororis filium. Ita
enim de eo scribit octavo *Metamor-
phoseon*: *Ille etiam medio spinas in
pisce notatas Traxit in exemplum;
ferroque incidit austo Perpetuus den-
tes, et serrae reperit usum Primus.*

Hodie. tenent libri omnes. Cui
Hoc die scriberet Ruhk. nulla causa
erat. — Qui Ruhk. e margine codd.
Palatini tertii recepit se dicebat.

Crocum latentibus fistulis expri-

pos subito aquarum impetu implet, aut siccatur, et versatilia coenationum laquearia ita coagmentat, ut subinde alia facies atque alia succedat, et tollit tecta, quoties fercula, mutantur? an eum, qui et aliis et sibi hoc monstrat, quam nihil nobis natura durum ac difficile imperaverit? posse nos habitare sine marmorario ac fabro; posse nos vestitos esse sine commercio Serum; posse nos habere usus nostris necessaria, si contenti fuerimus his, quae terra
 13 posuit in summo. Quem si audire humanum genus voluerit, tam supervacuum sciet sibi coquum esse, quam militem. Illi, sapientes fuerunt, aut certe sapientibus similes, quibus expedita erat tutela corporis.
 14 Simplici cura constant necessaria; in deliciis laboratur. Non desiderabis artifices, si sequeris naturam: illa noluit esse districtos; ad quaecumque nos cogebat, instruxit. Frigus intolerabile est corpori nudo. Quid ergo? non pelles ferarum et aliorum

mat. Iam Ovidius A. A. I, 103: *Tuno neque marmoreo pendebant vela theatro, Nec fuerant liquido pulpita rubra croco.* Prop. IV, 1, 15 et 16 ubi conf. Burmann. Nat. Quesl. II, 9. Erat haec inventio romana, sed diu ante Senecam facta. R.

Qui Euripos. Fossas s. canales, quibus Caesarem Dictatorem primum aream sive Circum circumdedisse refert Plin. Nalor. Hist. VIII, 7. Locum Frontini de Aquaeduct. rom. c. 97, de inundatione Circi per occultos canales ex aquaeductibus facta, ut Naomachiae fierent, intellexerim: unde liquet iam ante Senecae aevum haec etiam esse inventa. Ruhk.

Versatilia... mutantur. I. e. quocumque novo ferculo subministrato lecta conclavia (coenationis) mutaban-

tar. Attigil Snelon. Nerôn. 31, 34, ubi vide nol. Ruhk.

Serum. Seres in Sinæ finibus occidentales, nunc Tangut, habitabant. Vestes inde Romam advectae, sericae vocatae. Cf. Intpp. ad Virgil. Georg. II, 121. Ruhk.

Terra posuit in summo. Non in imo, ut metallum. In summo sunt herbae, fruges, stirpes. Lps.

Quam militem. Nam bella e talibus, ex auro, inquam, et laxa. L. — Nec ista locus eget interpretatione: supervacuum esset miles, quia sapiens omnes doceret virtutem, ideoque humanitatem; coquos inutilis, quia doceret sapiens temperantiam.

Districtos. Scil. multis negotiis ad illas delicias comparandas. Ruhk.

Non pelles. A. c. Pal. 2 et Col.

animalium a frigore satis abundeque defendere que-
unt? non corticibus arborum pleraeque gentes tegunt
corpora? non avium plumae in usum vestis conse-
runtur? non hodieque magna Scytharum pars tergis
vulpium induitur aq. murium, quae tactu mollia et
impenetrabilia ventis sunt? — Opus est tamen calo-
rem solis aestivi umbra crassiore propellere. — Quid
ergo? non vetustas multa abdedit loca, quae vel in-
iuria temporis, vel alio quolibet casu excavata in spe-
cum recesserunt? Quid ergo? non quamlibet virgeam
cratem texuerunt manu, et vili oblinierunt luto, dein-
de stipula aliisque silvestribus operuere fastigium, et,
pluviis per devexa labentibus, hiemem transiere se-
curi? Quid ergo? non in defosso latent Syrticae gentes? 16
quibus propter nimios solis ardores nullum tegumen-
tum satis repellendis caloribus solidum est, nisi ipsa
arens humus.

Non fuit tam inimica natura, ut, quum omnibus
aliis animalibus facilem actum vitae daret, homo so-

Delevi numquid, e scholio vulgo prae-
positum. Schw.

Non corticibus corpora? Sunt
ἀσβήτης φλοιὴν ap. Herodot. al. de
quibus vide Forster. de hyssu anti-
quor. p. 30 sq. E cortice mori papy-
riferae hodieque Otobitas vestes sibi
conficere notum est. Ruhl.

Non avium.... conseruntur. Exem-
plo est Philoctetes in insula Lemno
relictus, Attii ap. Cic. de Fin. V,
11: Configo tardus celeres, stans vo-
latiles, Pro veste pinnis membra
textis contegens. Ovid. Met. XIII,
53. Quotus Calab. IX, 356 sq., et
Americaoi a Lipsio citati, qui pla-
mentili veste hac utuntur. Ruhl.

Non hodieque magna Scytharum...
sunt. Sicut isti mures Scythici Mar-

lium et Hermelinum nomine noti-

— Iustinus: Lanæ iis usus ignotus:
pellibus tantum ferinis aut murinis
vestiuntur. De murinis haud temere
mutem: nam et io Tacito est de
pellibus beluarum, quas exterior Ocea-
nus gignit. Tamen alii murinis, quod
esset hic pro Seneca, de muribus.
Quod de Scythiis Seneca, idem de
Germania Tacitus: Gerunt et fera-
rum pelles, proximi ripae negligenti-
us, ultiores exquisitius. Isidorus:
Mastruca, vestis Germanica ex pel-
liculis ferrarum. Lips.

Oblinierunt. R. A. c. Vulgo obtleve-
runt. Schw.

Quid ergo? non in defosso... arens
humus. Vnde haec sumpserit, dicere
non habeo. Herodotus quidem de

lus non posset sine tot artibus vivere. Nihil horum
 ab illa nobis imperatum est, nihil aegre quaerendum,
 * ut possit vita produci. Ad parata nati sumus: nos
 47 omnia nobis difficilia faciliū fastidio fecimus. Tecta
 tegumentaue, et fomenta corporum, et cibi, et quae
 nunc ingens negotium facta sunt, obvia erant, et gra-
 tuita, et opera levi parabilia; modus enim omnium,
 prout postulabat necessitas, erat; nos ista pretiosa,
 nos mira, nos magnis multisque conquirenda artibus
 fecimus. Sufficit ad id natura, quod poscit. A natura
 luxuria descivit; quae quotidie se ipsa incitat, et tot
 48 saeculis crescit, et ingenio adiuvat vitia. Primo su-
 pervacua coepit concupiscere, inde contraria, novis-
 sime animum corpori addixit, et illius deservire libi-
 dini iussit. Omnes istae artes, quibus aut excitatur
 civitas aut strepit, corporis negotium gerunt; cui
 omnia olim tanquam servo praestabantur, nunc tan-
 quam domino parantur. Itaque hinc textorum, hinc
 fabrorum officinae sunt, hinc odores coquentium,
 hinc molles corporis motus docentium, mollesque
 49 cantus et infractos. Recessit enim ille naturalis mo-
 dus, desideria ope necessaria finiens: iam rusticitatis
 et miseriae est, velle quantum sat est.

de his populis, qui syrticam Africae
 regionem ad mare mediterraneum ai-
 tate incolunt, exponens IV, 168 sq.
 huius rei non meminit. Troglodytas
 ibi non habitasse constat. Rubk.

Ad parata. Εὐτάλη, quae in prae-
 plu, ad manum sunt omnibus. Sic
 Horat. Carm. I, 31, 17 precatur: *Frui*
paratis et salido mihi, Latos, donec.
 Rubk.

Excitatur. Pro *excitatur*, quae vul-
 gata lectio optimam praebet sententiam,
 Schweigh. dat *circitatur* quod vix le-

lionum est, sed quod praestant ed. R.
 cum ms. Arg. a (nam nunc tandem,
 inquit, nobis suppetias venit noster
 ille vetustissimus cude), et Irea
 Pal. et Col. *Vulgatum excitatur dare*
A. c. fastidit.

Itaque hinc... infractos. Cf. ad Ep.
 15, 6. *Luxum*, quem hic laxat, re-
 cte caput omnium harum inventio-
 num et artium prodit Seneca, qui
 tamen in fervore, quem Russavia-
 num merito vocaveris, naturalem re-
 rum indolem habitumque laudandi,
 modum excedit. Rubk.

Incredibile est, mi Lucili, quam facile etiam magnos viros dulcedo orationis abducat a vero. Ecce Posidonius (ut mea fert opinio, ex his qui plurimum philosophiae contulerunt), dum vult describere primum, quemadmodum alia torqueantur fila, alia ex molli solutoque ducantur; deinde, quemadmodum tela suspensis ponderibus rectum stamen extendat; ²⁰ quemadmodum subtemen insertum, quod duritiâ utrimque comprimentis tramae remolliat, spatha coire cogatur et iungi; textriini quoque artem a sapientibus dixit inventam, oblitus, postea repertum hoc subtilius genus, in quo

*Tela iugo iuncta est, stamen secernit arundo;
Inseritur medium radiis subtemen acutis,
Quod lato feriunt insecti pectine dentes.*

Ecce Posidonius... sed nullum pudori est. Descripserat itaque Posidonius, quomodo alia fila plura in unum torqueantur, gyrgillu adhibito, alia ex molli solutoque i. e. e lana ducantur, neantur; deinde explicaverat antiquiorem texendi artem, quom telae sive tramae stamina (*Kettae*) a ligno transmissio suspensa, ideoque ad perpendiculum directa lapidum ponderibus infra appensis extenderentur, et subtemen mollius intertramae stamina doria immixtum suum versus *spathâ* s. radio, non pectine, textorio, quam textrix manu regebat, impulsu perenteretur, atque ita tela densaretur. *Rubk.* — Non facile est ex hac bri. *Rubk.* explicatione plane intelligere qua ratione tela apud antiquos fieret. (Propterea, maioris explicationis gratia, Cl. Editor Paris. huic Epistolae brevem Lagrangii excursuum de hac re subiunxerat. At, quum haec eadem egregie et fusius

explicaverit Schneider in Ind. Script. R. R., sub voce *Tela*; ideo gallicum Lagrangii Excursum praetermisi. *T.*)

Ex his. Sic ms. a. cum R. *A. c.* Vulgo unus ex iis. Schw.

Textriini. Hanc lect. dant Pinciani et Grut. codd. omnes. *Textricum* receperant iam Lips. et Gron. *R.*

Subtilius genus textriini, derelicta tela pendula atque recta, inventum est, scilicet tela plaus s. iugalis, quum versibus Ovid. Met. VI, 54 sq. uno mela omisso, describit Seneca.

Feriant. Plerique scripti dant *pariunt*, pro quo Schweigh. coniecit *paviant*, quod idem fere significant ac *feriant*. Gallice enim venituri: *Battre pour aplanir*. Scripsi, inquit, ex certissima Gruteri coniect., quum *pariunt* dedisset veteres libri amnes. *Feriant* ex vulgata Ovidii libris invenit Mur. Schw.

- ²¹ Quid si contigisset illi addere has nostri temporis telas, quibus vestis nihil celatura conficitur, in qua non dico nullum corpori auxilium, sed nullum pudori est? Transit deinde ad agricolas, nec minus facunde describit prosciissum aratro solum, et iteratum, quo solutior terra facilius pateat radicibus; tunc sparsa semina, et collectas manu herbas, ne quid fortuitum et agreste succrescat, quod necet segelem. Hoc quoque opus ait esse sapientium; tanquam non nunc quoque plurima cultores agrorum nova inveniant, per quae fertilitas augeatur. Deinde non est contentus his artibus, sed in pistrinum sapientem submittit. Narrat enim, quemadmodum, rerum naturam imitatus, panem coeperit facere: « Receptas, inquit, in os fruges concurrens inter se duritia dentium frangit, et, quidquid excidit, ad eosdem dentes lingua refertur; tunc vero miscetur, ut facilius per fauces lubricas transeat: quum pervenit in ventrem, aqualiculi fervore concoquitur; tunc demum corpori
- ²² accedit. Hoc aliquis secutus exemplar, lapidem asperum aspero imposuit, ad similitudinem dentium, quo-

Si contigisset illi addere, i. e. si addere potuisset, si contigisset illi ut addere potuisset. Vulgo *viders*, ex Erasmi ing. Schw.

Vestis nihil celatura. Int. bombycina, quae Suidas *διὰ παντὶ ἀφανίζουσα* vocal, voce *διὰ παντὶ*. Sunt autem vestes Cnae, tenuitate sua infames, nebula linea ap. Publum Syrum Petronii 55. Hinc Horat. Seru. I, 2, 101: *Cois tibi paene videns est nudam*. Cf. post Lipsium ad Tacit. Annal. II, 33, Heynium ad Tibull. II, 3, 54. *Rubb*.

Et iteratum a Pinciano cal, etiam omnes mss. habent *inter aratrum*.

Sed bene bonus censor, ait Lipsius; est enim agriculturae vox. *R*.

Tunc vero miscetur. Sic ed. R. et A. cum ms. a. et c. quibus et alii (ut suspicor) veteres libri assentiuntur. Vulgo tunc vero *salivas* miscetur, ab Erasmo. Sed, ut vinum miscere dicimus, intelligentes *aqua*, sic et hic nude *miscetur* stare potuerit. *S*. — Sens.: Quidquid excidit miscetur saliva, et in minutissimas partes teritur, ut dempta expectitate, non laedat fauces delicatas, et facilius descendat.

Aqualiculi. I. stomachi. Spectat hic aenigma Symposii LJ in Werns-

rum pars immobilis, motum alterius expectat; deinde utriusque attritu grana franguntur, et saepius regeruntur, donec ad minutiam frequenter trita redigantur. Tunc farinam aqua sparsit, et assidua tractatione perdomuit, finxitque panem; quem primo cinis calidus et servens testa percoxit: deinde furni paulatim reperti, et alia genera, quorum fervor serviret arbitrio.» — Non multum absuit, quin sutrinum²⁴ quoque inventum a sapientibus diceret.

Omnia ista ratio quidem, sed non recta ratio, commenta est. Hominis enim, non Sapientis, inventa sunt; tam mehercules, quam navigia, quibus amnes, quibusque maria transivimus, aptatis ad excipiendum ventorum impetum velis, et additis a tergo gubernaculis, quae huc atque illuc cursum navigii torqueant: exemplum a piscibus tractum est, qui cauda reguntur, et levi eius in utrumque momento velocitatem suam flectunt. «Omnia, inquit, haec Sapiens quidem invenit; sed minora, quam ut ipse tractaret, sordidioribus ministris dedit.» Imo non ab aliis excogitata ista sunt, quam a quibus hodieque curantur. Quaedam nostra demum prodiisse memoria scimus: ut speculariorum usum, perlucente testa clarum trans-

dorf. Poët. Lat. Min. VI, 2. p. 527. De panificio eruditissime egit Heynius in Opusc. Acad. Vol. 1, pag. 363 sq., nostri loci non immemor. Rulik.

Non multum absuit... diceret. Satis facile his verbis pro lemmate usus est Petrus Camperus in libro celebratissimo, *sur la meilleure forme des Soulers*, 1781. Rulik.

Velocitatem suam flectunt. Vide Buffon verbo *cygne* pulcherrimam huius avis cum nave comparisonem.

Non ab aliis...quam a quibus. Duae

praepositiones, *ab* et *a* desunt veteribus libris omnibus. Schw.

Speculariorum usum. Specularia, quadrae sive orbes fenestras inserti, ad lucem intermillendam, ventos excludendos: vicem et usum hodie vitreorum. Dicta a lapide speculati: cui hoc nomen a natura translucente. Creber olim in Hispania, Cypro, Capadocia, Africa; nunc sitae in solitis, nescio, vix in usu, at olim frequentiori: neque enim coenationes solum aut cubacula illustrabant, sed

mittentium lumen; ut suspensuras balneorum, et impressos parietibus tubos, per quos circumfunderetur calor, qui ima simul ac summa foveret aequaliter. Quid loquar marmora, quibus templa, quibus domus fulgent? Quid lapideas moles in rotundum ac leve formatas, quibus porticus et capacia populorum tecta suscipimus? quid verborum notas, quibus quamvis citata excipitur oratio, et celeritatem linguae manus sequitur? Vilissimorum mancipiorum ista commenta sunt: sapientia altius sedet, nec manus edocet; animorum magistra est. Vis scire, quid illa eruerit, quid effecerit? Non dedecoros corporis motus, nec varios per tubam ac tibiam cantus, quibus exceptus spiritus, aut in exitu, aut in transitu, formatur in vocem; non arma, nec muros, nec bella: utilia molitur, paci favet, et genus humanum

balnea (supra Epist. lxxxvi) sed totas porticus, in Plinii Epist. xvii lib. II. Item pomaria et hortos (tanta copia erat) contra caeli iniurias sic claudebant: ex Martiali palam lib. viii, Epig. xiv et lxxvii; adde nostrum de Provid. cap. iv, § 9. — Saepe occurrit speculariorum usus, v. c. Ep. 86, 9. Cf. Wernsdorf. Poët. Lat. Min. VI, 2, p. 542 sq. *Ruhk.*

Suspensuras balneorum. Recte explicat Lipsius de balneis autem simpliciter solo instructis, nunc autem a terra paulum allevatis super hypocausta et camerationes suppositas, ubi ignis erat; at superiora per impressos parietibus tubos calefebant. Cf. ad 4, 9 de Provid. Propter hanc elevationem pensilia balnea vocata, de quibus cf. Schneider. ad Pallad. I, 40 p. 44. *Ruhk.*

Quid loquar marmora...fulgent? Vid. ad Ep. lxxxvi, 5. *Ruhk.*

Quid lapideas... suscipimus? I. e. quare columnas, quibus suspendimus, aufalcimus etc. *Ruhk.*

Verborum notas. De verborum notis, *Short hand* vocant Angli, exaeculus est Lipsius in Epist. xxvii Centur. I ad Belgas, Wower de Polymathia c. VI, p. 40 sq. (notas praepetes, quibus tachygraphi utebantur, *στυλίζ*, Manil. IV, 197. Plot. Caen. min. tom. I. p. 770. B. C.) *Ruhk.* — Quae ars apud nos, *steno-graphia* nomina nota, nunc a multis excolitur.

Quid effecerit. Sic a. c. *A.* Vulgo quidve eff. ex ed. *R. Schw.*

Dedecoros. dedere a. c. A. Dedecores ed. *R.* ne id quidem male. *In-decoros* vulgo. *Schw.*

Aut in exitu. Sicut in tuba. *L.*

Aut in trans. In fortitili tibia. *L.*

ad concordiam vocat. Non est, inquam, instrumentorum ad usus necessarios opifex.

Quid illi tam parvula assignas? Artificem vides vitae. Alias quidem artes sub dominio habet; nam cui vita, illi vitae quoque ornamenta serviunt: caeterum ad beatum statum tendit: illo ducit, illo vias aperit. Quae sint mala, quae videantur, ostendit; vanitatem 28 exnit mentibus, dat magnitudinem solidam; inflatam vero, et ex inani speciosam reprimat; nec ignorari sinit, inter magna quid intersit et tumida: totius naturae notitiam, ac suae, tradit. Quid sint Dii, qualesque, declarat; quid inferi, quid lares et genii; quid in secundam numinum formam animae perpetitae; ubi consistent, quid agant, quid possint, quid velint. Haec eius initiamenta sunt, per quae non 29 municipale sacrum, sed ingens Deorum omnium templum, mundus ipse, reseratur; cuius vera simulacra, verasque facies cernendas mentibus protulit: nam ad spectacula tam magna hebes visus est. Ad initia deinde rerum redit, aeternamque rationem toti inditam,

Quae sint mala, quae vid. I. e. quae sint vere mala, quae tantum in opinione. — Vides hic et sqq. §. compendium totius philosophiae stoicae, quod in Epist. LXXXIX, 12 sq. pluribus exsecutus est. Moralis pars pertinet usque ad verba: Quid sint dii etc. ubi naturalis pars incipit, quem §. 30 excipit pars rationalis. Ruhl.

Ac suae, tradit. Alludit ad finem, vivere secundam naturam universi, ac suam: de quo ego Mund. III aliquot Dissertationibus. Lips.

Lares et genii. Quum totam mundum, caelum et terram animae repleat, tum caelum I. e. aetherem heroibus, lares et genii attribuebat stoici. Genii per totum sparsi

tutales agunt, lares cuique domo praesunt. Cf. Lips. Physiol. I, 18, R.

In secundam numinum formam animae perpetitae Numinum a coniect. correxit Erasim. Mendose nomen R. A. a. c. (Similiter pro numinis est nominis in ms. a.) Tum vero perpetitae dedit idem ms. a. id est, perpetuae, immortalitate donatae et in secundam numinum formam (I. e. ordinem) translatae. Alii vulgo perpetuae. Schw.

Ubi consistent. Circa immum aethereum, et caelum lunae. Nos in Physiol. Diss. XIV. Lips.

Sacrum. Intelligit sedem sacram, ἱερόν: ut apud Quintil. I. 4, 6. Schw.

Rationem toti inditam. In corpora-

et vim omnium seminum singula proprie figurantem. Tum de animo coepit inquirere, unde esset, ubi, quam-
 30 diu, in quot membra divisus. Deinde a corporibus se ad incorporalia transtulit, veritatemque et argumenta eius excussit: post haec, quemadmodum discernenterentur vitae ac vocis ambigua; in utraque enim falsa veris immixta sunt.

Non abduxit, inquam, se, ut Posidonio videtur, ab istis artibus Sapiens, sed ad illas omnino non venit. Nihil enim dignum inventu iudicasset, quod non erat dignum perpetuo usu iudicaturus; ponenda non
 31 sumeret. — « Anacharsis, inquit, invenit rotam figuli, cuius circuitu vasa formantur. » Deinde, quia apud Homerum invenitur figuli rota, mavult videri versus falsos esse, quam fabulam. Ego nec Anacharsin auctorem huius rei fuisse contendo; et, si fuit, sapiens quidem hoc invenit, sed non tanquam sapiens; sicut multa sapientes faciunt, qua homines sunt, non qua sapientes. Puta velocissimum esse sapientem: cursu omnes anteibit, qua velox est, non qua sapiens. Cu-

lem illam rationem, de qua Physiol. I. Diss. VII. Toti autem id est Mundo. Nam stoicos sermo disparat hoc ab universo. Nos quoque in Physiol. II Dissert. V. Lips.

Vim omnium seminum. De qua vide Physiol. Stoic. lib. III, Dissertation. IV. Lips.

In quot membra. Ita partes appellat, quae Stoicis octo sunt. Vide Physiol. Stoic. lib. III, Dissertation. XVII. Lips.

Deinde a corporibus. I. e. animo. Cf. Ep. 113. Rohk.

Vitae ac vocis ambigua. Sic noster ms. c. Sed vitae aut vocis ambigua praefertent eisd. R. A. c. et ms. a. quibus haud dubie alii codices assen-

tiuntur. Mireris vero ridiculum erratum, vitae ac vocis, ex ed. Er. in alias omnes editiones propagatum, nemine ne dubitationem quidem ullam significante, nedum melius quidpiam requirente. Schw.

Non abduxit... venit. Spectant ad §. 25. Omnia, inquit, haec sapiens quidem invenit, sed minora, quam ut ipse tractaret, sordidioribus ministris dedit: quae refutat Seneca. — Ponenda; i. e. deponenda. Rohk.

Anacharsis, inquit... formantur... fabulam. Diogen. Laërt. I, 105, ubi Menog. Ephorus Strabonis VII, 3, 9, p. 370 ed. Lips. idem tradunt. R.

Apud Homerum. Homeri versus

perem Posidonio aliquem vitriarium ostendere, qui spiritu vitrum in habitus plurimos format, qui vix diligenti manu effingerentur. Haec inventa sunt, postquam sapientem invenire desivimus. — «Democritus, inquit, invenisse dicitur fornicem, ut lapidum curvatura paulatim inclinatorum medio saxo alligaretur.» — Hoc dicam falsum esse. Necesse est enim, ante Democritum et pontes et portas fuisse, quarum fere summa curvantur. Excidit porro vobis, eundem Democritum invenisse, quemadmodum ebur molliretur, quemadmodum decoctus calculus in smaragdum converteretur, qua hodieque coctura inventi lapides hoc utiles colorantur. Ista sapiens licet invenerit, non,

exstat Iliad., v. 600, ubi cf. Hysae. Ruhk.

Cuperem... effingerentur. Hanc formationem, quas hodieque obtinet, novo isto tempore fuisse videtur. Ruhk.

Vitriarium, non *vitriarium* dedere libri nostri. Sahn.

Democritus. De Democrito unus Posidonius haec exposuit: quas quum Seneca refellat, non cogitavit, et pontes portasque fuisse ligneos nullam curvaturam poscentis. Ruhk.

Vobis. Sis ms. a. cum sdd. Nobis dant A. c. Schw.

Molliretur. Sic optime codd. et vult. edd. Poliretur sat Pincianus conjectura non admittenda. — Ebur enim molliebatur *l'ebur*, carevisius genere, si fides habeunda est Plut. Vol. X. p. 89, quum Gronovio ad. h. l. dabeo. Plura dedit Heyne in Nov. Commentar. Soc. Reg. Gott. to. I. nr. VI, de veterum eboris surnisquis signis. cf. Schneider ad Eclog. phys. p. 16. R.

Decoctus... colorantur. De fluore vitreo intelligam, quo gemmas, murichinas a. murrhinas etc. imitari solebant

vetros, colore metallica vitreo crystallino purissimo iam liquefacto addita. Sic colorantur. Hoc hodieque fit. Jo. Beckmann tamen in *Beiträgen zur Gesch. der Erf.* I, p. 376 de caemulatione, que crystallo montano color viridis additus est, intelligere mavult. Ruhk. — Sic Lagrange hunc locum explicat in notis: *On suit, dans la préparation des émaux, un procédé qui nous donne l'explication de ce passage de Sénèque. On parvient à communiquer à une même composition d'émail une certaine dégradation de nuances, en exposant à un recuit plus ou moins long les plaques des émaux. C'est le procédé qu'on suit dans l'atelier où se préparent les émaux, pour servir au travail de la mosaïque de Rome.*

In hoc utiles. Mira hic utique ed. R. Coctiles vulgo, ex ed. Van. cum Pal. 2 quae scriptura efficitur est ex ea quum habet ad. A. si ms. c. coctiles. Exsertis vero hoc utiles exhibet ms. a. In ora Erasmi. notatur ad hoc utiles; quod in quatuor e suis repertum est

qua sapiens erat, invenit: multa enim facit, quae ab imprudentissimis aut aequae fieri vidimus, aut peritius, aut exercitatius.

- 34 Quid Sapiens investigaverit, quid in lucem protraxerit, quaeris? Primum rerum naturam; quam non, ut caetera animalia, oculis secutus est, tardis ad divina. Deinde vitae legem; quam ad universa direxit: nec nosse tantum, sed sequi Deos docuit, et accidentia non aliter excipere, quam imperata. Vetuit parere opinionibus falsis, et, quanti quidque esset, vera
- 35 aestimatione perpendit: damnavit mixtas poenitentiae voluptates, et bona semper placitura laudavit; et palam fecit, felicissimum esse, cui felicitate non opus est; potentissimum esse, qui se habet in potestate. Non de ea philosophia loquor, quae civem extra patriam posuit, extra mundum Deos, quae virtutem donavit voluptati; sed de illa, quae nullum bonum putat, nisi quod honestum est; quae nec hominis, nec fortunae muneribus deleniri potest; cuius hoc pretium est, non posse pretio capi.
- 36 Hanc philosophiam fuisse illo rudi saeculo, quo adhuc artificia deerant et ipso usu discebantur uti-

Cruterea. Puto utrumque virum doctum voculam ad ex coniectura edicisse: certe, si praepositionem edicisset Seneca, in hoc saeculo dicturus fuisse nobis videtur (quomodo equidem mea de coniectura edidi), non ad hoc. Sed videendum est, ne familiariter sermone etiam ouden sic dicere latine licuerit, hoc utiles, pro in vel ad hoc utiles: rectius quidem nunc me facturum fuisse mihi videor, si istud levissem. Schw.

Felicissimum... potestate. Sapiens est, de quo saepe ooster, e. c. Ep.

75, 14, 93, 2. Horat. Serm. II, 7, 83 sqq. Ruhl.

Non de ea... voluptati. De Epicuro loquitur, qui a republica suos removeret, et sibi ipsis vivere iubet, societatem solvit, etc. idem, voluptas Epicuri, hic taxatur male intellecta. Est enim nil nisi felicitas, quae ex conscientia virtutis in vite oritur. Ruhl.

Sed de illa, scilicet aeterna philosophia. Ruhl.

lia, non credo: sicut ante, fortunatoque tempore, quum in medio iacerent beneficia naturae promiscue utenda, antequam avaritia atque luxuria dissociavere mortales, et ad rapinam ex consortio discurrere, non erant illi sapientes viri, etiamsi faciebant facienda sapientibus. Statum quidem generis humani non 37 alium quisquam suspexerit magis; nec, si cui permittat Deus terrena formare et dare gentibus mores, aliud probaverit, quam quod apud illos fuisse memoratur, apud quos

..... Nulli subigebant arva coloni,
Nec signare quidem aut partiri limite campum
Fas erat: in medium quaerebant; ipsaque tellus
Omnia liberior, nullo poscente, ferebat.

Quid hominum illo genere felicius? In commune rerum natura fruebantur; sufficebat illa, ut parens, in tutelam omnium: haec erat publicarum opum segura possessio. Quidni ego illud locupletissimum mortalium genus dixerim, in quo pauperem invenire non posses? Irrupit in res optime positas avaritia, et, dum seducere aliquid cupit atque in suum vertere, omnia fecit aliena et in angustum ex immenso redacta; paupertatem intulit, et, multa concupiscendo, omnia amisit. Licet itaque velit nunc concurrere, et reparare

Sicut ante, fortunato tempore, quum, etc. Vulgo *sicut ante fortunata tempora*, et sic edd. vell. et ms. c. habente oratione. Vitiosius ms. a. *sicut aut fortunata tempora*. Gruterus in anis partim aut, partim autem scribi ait: quid Ruhk. autem accipiens, confectam rem esse existimavit, si, tanquam hinc nova orationis periodus inciperet, ita scripisset: *Sicut autem fortunata tempora etc.* non videns, aeque hiale et sensu cassam, atque

snle, prodire orationem. Vixit probanda atque adeo adoptanda mihi visa est Lipsii coniectura, *sicut ante, fortunato tempore, etc.* Sic quidem omnia recte procedunt. Schw.

Signare) *Senare* dabant R. A. c. a. ex scholio. Schw.

Ferebat. Versus sunt Virgilii Geo. I, 125 sqq. Sunt Ovidii versus similes, Metam. I, v. 102 seq. Ruhk.

Concurrere. Bene edd. cum libr. vell. i. e. agitare se, et magno motu

quod perdidit; licet agros agris adiiciat, vicinum vel pretio pellat aeris, vel iniuria; licet in provinciarum spatium rura dilatet, et possessionem vocet per sua longam peregrinationem: nulla nos finium propagatio eo reducet, unde discessimus. Quum omnia fecerimus, multum habebimus: universum habebamus. Terra ipsa fertilior erat illaborata, et in usus popu-
 40 lorum non diripientium larga. Quidquid natura protulerat, id non minus invenisse, quam inventum monstrare alteri, voluptas erat; nec ulli aut superare poterat, aut deesse: inter concordēs dividebatur. Nondum valentior imposuerat infirmiori manum; nondum avarus, abscondendo quod sibi iaceret, alium necessariis quoque excluserat: par erat alterius, ac
 41 sui, cura. Arma cessabant, incruentaeque humano sanguine manus odium omne in feras verterant. Illi, quos aliquod nēmus densum a sole protexerat, qui adversus saevitiam hiemis aut imbris vili receptaculo tuti sub fronde vivebant, placidas transigebant sine suspirio noctes. Sollicitudo nos in nostra purpura

laborare; quo sensu saepe *concurrationeque* dixit Noster, ut Epp. III, et XVII, ubi *concurrationes divitum ad divitius euntium*. Quo minus opus erat *occurrere* ex uno aut altero codice Gruteri adsciscere, quod Ruhk. faciendum sibi putavit. S. — Ruhk. diversas edidit script. lect.: Margo unius cod. *congerere*. Lipsios emend. *convertere*: Gronovius *conquirere*, qui tamen ei *occurrere* probat. De circumcursione sedula, *πολυπραγματούν* intelligas.

Vel pretio pellat aeris. Erasmus debet, qui tamen *arvis* coniciebat, unde a Mureto factum *agris*. Codd. habent *eris*, unus eius, unde Grut. fecit ex *his*, quomodo et adscriptum

erat Palut. tertio. Lipsios, ex eis vel terris. Vulgata tamen ferri potest. R. — *Pellat aeris*, ut inde ab ed. Ven. vulgatur, recte ms. a. In A. deest posterius vocab. Vitiosae duo verba in unum contracta sunt in ms. a. et ed. R. Schw.

Per sua. Perperam vulgo *per suam*, quod et primum in ms. a. fuerat, sed littera m obelo transfixa ab eadem manu. Schw.

Terra ipsa illaborata: auget magis quam poëtae, qui fertilitatem praedicantes, non deprimunt diligentiam cultorum. Conf. Moschion Stobaei Ecl. p. 242 ed. Heer. Μόλινα καρπὸν βάλος ὀμνήλου τροφὴς rel. Ruhk.

Quod sibi iaceret. Sine usu et fru-

versat et acerrimis excitat stimulis: at quam mollem somnum illis dura tellus dabat! Non impendebant⁴² caelata laquearia, sed in aperto iacentes sidera superlabebantur, et insigne spectâculum noctium; mundus in praeceps agebatur; silentio tantum opus ducens. Tam interdum illis, quam noctu, patebant prospectus huius pulcherrimae domus; libebat intueri signa, ex media caeli parte vergentia, rursus ex occulto alia surgentia. Quidni iuaret vagari inter tam⁴³ late sparsa miracula? At vos ad omnem tectorum pavetis sonum, et, inter picturas vestras si quid increpuit, fugitis attoniti. Non habebant domos instar urbium. Spiritus, ac liber⁴⁴ inter aperta perflatus, et levis umbra rupis aut arboris, et perlucidi fontes, rivique non opere, nec fistula, nec ullo coacto itinere obsolefacti, sed sponte currentes, et prata sine arte formosa; inter haec agreste domicilium, rustica positum manu. Haec erat secundum naturam domus; in qua libebat habitare, nec ipsam, nec pro ipsa, timentem: nunc magna pars nostri metus tecta sunt.

cto: additum est sepositum. Lipsius.

At quam mollem... dura tellus dabat! Sic Gruter. et Gronovii mss. Haud dubie verum. Edd. multae carent voculis at quam. Ruhk.

Caelata laquearia. Cf. supra ad §. 8, ubi lacunaria i. q. laquearia. R.

Mundus in praeceps agebatur. Natura, mundus et Deus idem valent ap. Stoicos. Hinc Manilius II, 114: *Materiaeque datum est cogi, sed co-gere mundo.* Cf. Lipsii *Physiol. stoic.* I, 5. Ruhk.

Patebant, a. c. R. A. Non patebat. Schw.

Pavetis sonum. Romae metu. L. Non habebant domos instar urbium.

Conf. supra ad §. 7. Lipsius docuit in *Admirandis*, Romae sic fuisse. R.

Perflatus dedit ms. a. Vulgo flatus. Schw.

Rivique... obsolefacti. I. e. ad utilitatem redacti ac servitutem. Rivus, aqua ad libram exacle, opere arcuato, et substructionibus supra terram ducebantur in castella s. dividiola (bassins), unde per fistulas, aqua quaquaversus in fundum etc., et tandem Romam dirigebatur ibique dividebatur. Ruhk.

Positum. Sic omnes edd. Schw. dat positum, nulla allata ratione, ita ut timeundum sit, ne sit typographi sphalma. Non despiciendas tamen sensus.

- 44 Sed, quamvis egregia illis vita fuerit et carens fraude, non fuere sapientes, quando hoc iam in opere maximo nomen est. Non tamen negaverim fuisse alti spiritus viros, *et*, ut ita dicam, a Diis recentes: neque enim dubium est, quin meliora mundus nondum effoetus ediderit. Quemadmodum autem omnibus indoles fortior fuit, et ad labores paratior, ita non erant ingenia omnibus consummata. Non enim
45 dat natura virtutem: ars est, bonum fieri. Illi quidem non aurum, nec argentum, nec perlucidos lapides [in] ima terrarum faece quaerebant, parcebantque adhuc etiam mutis animalibus: tantum ab-erat, ut homo hominem, non iratus, non timens, tantum spectaturns, occideret. Nondum vestis illis erat picta, nondum texebatur aurum; adhuc nec

A Diis recentes. Ab illis conditos factosque, nulla adhuc progenie humana ab illis separatos.

Neque enim dubium est... ediderit. Poëtarum hanc opinionem de mundo, effoeto i. tam imbecilli et affecto, ut mulieri aetate iam defessae similis, animalia deteriora pareret, ideoque cognatam cum illa opinione de saeculo aureo, Democrito acceptam retolit, opinor, Epicurus Lucretii II, 1150, rel. et Stoici recentiores, quorum peculiare hoc erat dogma, primos mortales multo sapientiores fuisse posteris. Hoc ipsum monuit Sextus Empir. p. 353 Fabric. Conf. Lipsii Physiol. stoic. III. c. 4 et 5. *Ruhk.*

Ars est bonum fieri. Nam Stoa docet, virtutem disci debere et posse. Lipsii Manuduct. in Philos. stoic. II, 10. Ars est Philosophia vitae. Conf. Cic. Fin. lib. III, cap. 2. Vpton. ad Arrian. Diss. Epict. p. 184 Schweighaeus. *Ruhk.*

Perlucidos lapides (in) ima terrarum faece. Voculam in, quae ante ima excidere facile poterat, ex coniectura adieci. Vocab. lapides, ex ed. R. vulgatum, desideratur in mss. a. c. et ed. A. Nescio utrum ex vulgari sermonis uso potuerit abesse, an post quaerebant poni deberit (ubi in Pal. sec. ponitur), et dein temere fuerit omissum. — Leviora nonnulla, passim e veteribus libris a nobis correctis, aut iam a Ruhkopffio, sive ante eum ab aliis recte corata, praetermitto. *Schw.*

Mutis animalibus. I. e. brutis, caeteris animalibus, hominum respecto. Bene haec observavit contra Lipsium, qui pines intellectos maleerat, Gron. Cf. Nostrum, Epist. xcii, 7. *Ruhk.*

Nondum texebatur aurum. VI fila laevis tramam, aurea subtemen constituerant. Plin. Nat. Hist. lib. VIII, cap. 48 tribuit hanc artem Attalo Pergae regi, unde nomen venit Attalicia. *Ruhk.*

ernebatur. Quid ergo? ignorantia rerum innocentes erant: multum autem interest, utrum peccare aliquis nolit, an nesciat. Deerat illis iustitia, deerat prudentia, deerat temperantia ac fortitudo. Omnibus his virtutibus habebat similia quaedam rudis vita: Virtus non contingit animo, nisi instituto ac edocto, et ad summum assidua exercitatione perducto. Ad hoc quidem, sed sine hoc, nascimur: et in optimis quoque, antequam erudias, virtutis materia, non virtus est. Vale.

EPISTOLA XCI.

DE INCENDIO LVGDVNI: INDE, DE MORTE COGITATIONES.

Commemorat, quomodo amicum communem, Liberalem, Lugdunensi colonia oriundum, atque eius amantissimum, quum horribili incendio exusta esset, consolatus sit. Magnitudine huius calamitatis vividis coloribus depicta, atque adeo tristitiae causis concessis, monuerat, nihil ex humanis rebus non esse fragile, ideoque in omnia, quae accidere possint, praemittendum esse animum, eumque ad ea praeparandum, quum fortuna parcat nemini, et multis modis calamitatum et mortis utatur, quin nimia felicitas ipsa cladis causas inveniatur, et cito pereant subitoque, quae diu crevissent. Deinde cogitemus, non esse tam magnum, quicquid acciderit, quam rumore iactetur. Tum, esse hanc quum omnium rerum, tum naturae communem sortem. Omnia cadent quomodocumque id fiat. Accedit, quod maior fortuna saepe ex iniuria oriatur: quod et Lugduno eventurum esse auguratur et optat. Quum itaque nihil inausum intentatumque sit fortunae, vel his legibus, quas det haec necessitas, parendum vel subtrahendum est quacunque via velis: omnes autem hoc respectu similes parere sumus. Exemplo est Alexander magnus. Aequanimitate omnia feruntur, quum nihil eorum malum sit, nisi verba quae metum iniiciunt sine causa: ut adeo mors et iniqui rumores eodem loco habendi sint.

Comparari meretur Senecae liber de Tranquillitate animi egregius pluribus locis: nec ei, qui tres Consolationes Senecae tribui solitas legerit, occurrent nondum dicta.

SENECA LUGDUNO SVU SALVTEM.

Liberalis noster nunc tristis est, nuntiato incendio, quo Lugdunensis colonia exusta est. Movere hic casus quemlibet posset, nedum hominem patriae suae amantissimum. Quae res effecit, ut firmitatem animi sui quaerat; quam videlicet ad ea, quae timeri posse putabat, exercuit. Hoc vero tam inopinatum malum, et paene inaudlitum, non miror si sine metu fuit, quum esset sine exemplo: multas enim civitates incendium vexavit, nullam abstulit. Nam etiam ubi hostili manu in tecta ignis immissus est, multis locis defecit; et, quamvis subinde excitetur, raro tamen sic cuncta depascitur, ut nihil ferro relinquat. Terrarum quoque vix unquam tam gravis et perniciosus fuit motus, ut tota oppida everteret. Nunquam denique tam infestum ulli exarsit incendium, ut nihil

Liberalis. Videtur esse idem illa Aebutius Liberalis, cui de Beneficiis inscripsit, de quo vid. nostrae edit. II vol. (pag. 285.)

Lugdunensis colonia exusta est. Illa colonia, quae nunc Lyon audit, ducta est a L. Munat. Planceo, a. V. C. 711 (cf. Dio Cass. xlvii, 50) et exusta est a. V. C. 811, post Chr. nat. 59, regnante Nerone. E caelesti igne incendium erat. Conf. Tacit. Ann. xvi, 13. Huius cladis vestigia apparere et nunc Lugduni docemur ab auctore Antiquitatum lugdunensium, p. 248. Conf. Mémoires in Histoire civile et consulaire de la ville de Lyon. fol. Lyon. 1696.

Si sine metu fuit. Si nullo timendum visum sit, si nemo de eo timendo cogitaverit.

Terrarum... everteret. Ipse tamen haud raro memoravit Burin Heliconque, Achaeae urbes, quae terrarum hiatu et aquarum irruptione, penitus dirutae sunt. Conf. Nat. Q. I. VI, c. 23; Strab. I. Omnibus praeterea occurrit urbis illius florentissimae, Olisipponis, caesa, quae proxime elapso saeculo (1755) iam terribili et inopino terrarum molu oppressa fuit ut vix ullae aedes superstiterint.

Tam infestum ulli. Scilicet oppido, urbi: moneo, ne eum Lipsio utilis vel ullum emendes. Ruhk.

alteri superesset incendio. Tot pulcherrima opera, quae singula illustrare urbes singulas possent, una nox stravit; et in tanta pace, quantum ne bello quidem timeri potest, accidit. Quis hoc credat? ubique armis quiescentibus, quàm toto orbe terrarum diffusa securitas sit, Lugdunum, quod ostendebatur in Gallia, quaeritur! Omnibus fortuna, quos publice afflixit, quod passuri erant timere permisit; nulla res magna non aliquod habuit ruinae suae spatium: in hac, una nox interfuit inter urbem maximam, et nullam. Denique diutius illam tibi perisse, quam periit, narro. Haec omnia Liberalis nostri affectum inclinant, dum adversus sua firmum et erectum. Nec sine causa concussus est: inexpectata plus aggravanti novitas adiicit calamitatibus pondus: nec quisquam mortalium non magis, quod etiam miratus est, doluit.

Ideo nihil nobis improvisum esse debet. In omnia

Exarsit... superasset incendio. Hoc tamen de Troia narrant veteres. Et notissime apud nos, urbs Galliae (Salina) flammis fere tota deleta est, ita ut pars incolarum maxima, habitationibus destituta, vicinarum urbium hospitium implorare coacta fuerit, donec urbs patria ex collecta per totam Galliam pecunia iterum instauraretur.

In tanta pace. Nam bellum parthienum sequenti demum anno 813 acriter saeviebat. Tacit. Ann. XIII, 34. Ruhk.

Quaeritur, tuentur a. c. R. A. *Quaeri?* ed. Ruhk. ex nonnullis Pinc. et Grut. Schw. — *Quaeritur.* Int. desideratur, quaeritur ubi sit.

Interfuit. Plurimi codd. et edd. sic praestant. Ex uno Gruteri recepit

Lipsius *una nox fuit inter* etc. At est haec loquendi ratio Schœcae familiaris, e. c. Ep. 101, 9. Gron. — Nonnulli codd. *una nox non interf.* Ruhk.

Affectum inclinant, dum adversus sua firmum. I. e. quum interim adversus sua firmus sit. Vulgo *inclinant*, absque *dum*. At *inclinandum* dabant a. c. R. A. in quo duae istae voces laud dubie latebant. In ed. R. est *inclinandum movent adv.* ubi sc. movent ex scholio interpolatum. Schw.

Adversus sua. I. e. ea, quae ad ipsum pertinebant, ideoque privata et propria. Ruhk.

Nec quisquam mortalium... doluit. Nec quisquam maiorem percepit dolorem eius rei, quam, quam accideret, etiam miratus erat ut inopinabilem et insolitam. Ruhk.

praemittendus est animus, cogitandumque, non quidquid solet, sed quidquid potest fieri. Quid enim est, quod non fortuna, quum voluit, ex florentissimo detrahat? quod non eo magis aggrediatur et quatiat, quo speciosius fulget? Quid illi arduum, quidve difficile est? Non una via semper, ne tota quidem, incurrit. Modo nostras in nos manus advocat; modo, suis contenta viribus, invenit pericula sine auctore. ^s Nullum tempus exceptum est; in ipsis voluptatibus causae doloris oriuntur. Bellum in media pace consurgit, et auxilia securitatis in metum transeunt; ex amico inimicus, hostis ex socio. In subitas tempestates, hibernisque maiores, agitur aestiva tranquillitas. Sine hoste patimur hostilia; et cladis causas, si alia deficiunt, nimia sibi felicitas invenit. Invadit temperantissimos morbus, validissimos phthisis, innocentissimos poena, secretissimos tumultus. ^e Eligit aliquid novi casus, per quod velut oblitis vires suas ingerat. Quidquid longa series multis laboribus, multa Deum indulgentia, struxit, id unus dies spargit ac dissipat.

Cogitandumque... fieri. Pertinet hic versus Puhlii Syri mimographi, cuius potest accidere, quod cuiquam potest, laudatus a Seneca in Consol. ad Marc. c. 9 lib. de Tranq. an. 11, 6. Ruhl.

Quod non fortune. Saepius Noster eadem habet, c. c. de Tranq. an. 10, 2; 11, 4; et quis non? Ruhl.

Ex florentissimo. Sic omnes Gruteri codices et editio vetus. Antes et florent. Ruhl.

Eligit aliquid novi casus. In illa Lugdunensi calamitata.

Quidquid longa series. Scilicet temporis. De tempore simpliciter vox series aetvo Senecae usurpari coepta: quem morem etiam postea, v. c. ap.

Ausoniam nondum oblitteratum videmus. Ruhl.

Longam moram.... suffragere. Est Eripides, in cuius Phoenissis 561 nunc legitur ὁ δὲ δῖλος οὐ βίβλος, ἀλλ' ἀπῆμερος: et in fragm. ex si. Innoce, dramate nunc deperdito: ὧς μετακὰ τὰ σφάλματα, καὶ μὲν ἡμεῖς τὰ μὲν παλαιὰν ὑπόθεσιν, τὰ δ' ἐπ' αὐτοῖς. Οὐδὲς τυράννης διὰ μακρῶν ἡδύκαμνος. (Vides tyrannos, longo tempore potentiam adeptos, quam parva labefactent, et una dies hunc ab alto deiecit, illum evexit.) In quibus versibus Demetrius Phalereus, quem sequitur Seneca, observavit, praestare, si non unam diem, sed paucotum temporis dixisset Euripides,

Longam moram dedit malis properantibus, qui diem dixit: hora momentumque temporis evertendis imperiis suffecere. Esset aliquod imbecillitatis nostrae solatium rerumque nostrarum, si tam tarde perirent cuncta, quam fiunt; nunc incrementa lente exeunt, festinatur in damnum. Nihil privatim, nihil publice stabile est; tam hominum, quam urbium, fata volvantur. Inter placidissima terror exsistit; nihilque extra tumultuantibus causis, mala, unde minime expectabantur, erumpunt. Quae domesticis bellis steterant regna, quae externis, impellente nullo ruunt. Quotaquaeque felicitatem civitas pertulit?

Cogitanda ergo sunt omnia, et animus adversus ea, quae possunt evenire, firmandus. Exsilia, tormenta, bella, morbos, naufragia meditare! Potest te patriae, potest patriam tibi casus eripere; potest te in solitudinem abiicere; potest hoc ipsum, in quo turba suffocatur, fieri solitudo. Tota ante oculos sortis humanae conditio ponatur; nec, quantum frequenter evenit, sed quantum plurimum potest evenire, praesumamus animo, si nolumus opprimi, nec ullis inusitatis velut novis obstupescere. In plenum cogitanda fortuna est: quoties Asiae, quoties Aethiopiae urbes uno tremore ceciderunt? quot oppida in Syria? quot in

ap. Plutarch. Consol. ad Apollon. Vol. VII, p. 3a3 Hott. Cf. Valcken. ad Enrip. Phoen. p. 211; et Distrib. p. 177. Ruhk.

Qui diem dixit: hora... suffecere. Ex Gruteri emendatione: Lipsius enim Gronov. probat. Antea: horum m. suff. Ruhk.

Si tam tarde perirent cuncta, quam fiunt. Gruterus, Lipsius et Gron. e codd. nonnullis receperunt: aliis alia

praebentibus, ut in sententia sit, quae a scolis et librariis saepe mutari, augeri, depravari solent. R.

Nihilque extra tumultuantibus causis. Int. et quom nullae externae causae tumultum denuntiant.

Quoties Asiae. De his calamitatibus cf. Senec. Nat. Quaest. VI, 1 et Geographi, imprimis Mannerius, quocum confecti meretur Villouan, Prolegom. Homer. Ruhk.

Macedonia devorata sunt? Cyprum quoties vastavit haec clades? quoties in se Paphus corrui? Frequenter nobis nuntiati sunt totarum urbium interitus; et, nos, inter quos frequenter ista nuntiantur, quota pars omnium sumus? Consurgamus itaque adversus fortuita; et, quidquid inciderit, sciamus non esse tam magnum, quam rumore iactetur. Civitas arsit opulenta, ornamentumque provinciarum, quibus et inserta erat, et excepta; uni tamen imposita, et huic non altissimo, monti. Omnium istarum civitatum, quas nunc magnificas ac nobiles audis, vestigia quoque tempus eradet. Non vides, quemadmodum in Achaia clarissimarum urbium iam fundamenta consumpta sint, nec quidquam exstet, ex quo appareat illas saltem fuisse? Non tantum manu facta labuntur; non tantum humana arte atque industria posita vertit dies: iuga montium diffluunt; totae desedere regiones; operta sunt fluctibus, quae procul a conspectu

Frequenter nobis nuntiati...interitus. Interpretatione vocem *interitus* mitiges, ne sibi ipse adversetur Seneca. Cf. § 1, 2. Rohk.

Civitas... monti. Erat quidem Lugdunum urbs opulenta et ornamentum provinciarum Galliae, quibus loco et posita inserta erat, i. annumerabatur, sed conditione excepta, quam colonia iuris romani (conf. Lacary Histor. Culoe. pag. 191) facta esset, ideoque multo praestantior eius conditio quam status urbium provinciarum. Conf. Heineccii antiquil. rom. synagma, pag. 365 sq. 391 sqq. ed. IV. Multas familias romanas habebat Lugdunum. Cf. P. de Marca de primatu Lug. Vienna erat iuris italici colonia. Ambitus tamen Lugduni non ita magnus erat, et unum

tantum montem occupabat. Nunc tamen quum ambitus eius multo amplior est, tum plures montes s. cli-vos tenet, ut secunda post Parisios urbs Regni gallici habeatur, at sit. Conf. Busching III, p. 807. ed. VIII. Rohk.

Fui tantum... monti. Sic ed. Rohk. ex Pal. 3. et 4. Alii libri omnes vulgatum olim tamen tenent, quod restitutum velim. Schw.

Non vides, quemadmodum... fuisse. Imprimis Helice et Bura, quae terrae motu demergebantur. Cf. Ovid. Met. XV, 293; Senec. Q. Natur. VI, 1 fin. 23, 25, 32. Si tamen Scrofa-ni, qui copae illas regiones adiit, itinerario fides haberi possit, Helices mersae urbis interdum et muri, domus ac templa hodieque aeque ac

maris stabant; vastavit ignis colles per quos relucebat, erosit et quondam altissimos vertices, solatia navigantium; ac speculas ad humile deduxit. Ipsius naturae opera vexantur, et ideo aequo animo ferre debemus urbium excidia. Casura exstant; omnes hic exitus manet: sive interna vis, flatusque praeclusi violentia, pondus, sub quo tenentur, excusserint; sive torrentium in abdito vastior obstantia effregerit; sive flammarum violentia compaginem soli ruperit; sive vetustas, a qua nihil tutum est, expugnaverit minutatim; sive gravitas caeli eiecerit populos, et situs deserta

Ovidii tempore conspiciantur. R.

Vastavit... relucebat (sic Schw. vulgo *eluceb.*) Vertit Lagrange: *Le feu a ravagé entièrement des collines dont il annonçait autrefois les habitations dispersées*. Videtur enim Seneca eoululisse incendium ingens quo omnes collis glomus vorantur, cum spectaculo ignium vespere ex intervallo in colle relucendum.

Solatia navigantium; ac speculas ad humile deduxit. Rectius sic distinguatur oratio, *solatia navigantium ac speculas, ad etc.* Vulgo *ad humilem arenam deduxit*, inde ab ed. Ven. et sic ms. Pal. 3. Col. et Lipsii codex: sed *nuda ad humile deduxit* ed. R. et A. cum ms. Pal. 4, quod et Pincianus laudaverat. Casu factum arbitror, ut *ad humilem* scriberetur in nonnullis, ut in Arg. a. e. et Pal. 1, 3, unde *tumulum* legendum suspicatus est Grut. Alii *arenam* adiecerunt, quod in ms. a. adlevit recentissima manus. Schw.

Casura exstant; omnes (intell. urbes) *hic exitus manet*. Sic plane et commodissime ms. a. nec multum abeunt A. et c. Vulgo, *Casura omnia exstant; omnibus exitus manet*. S.

Interna vis, flatusque praeclusi violentia. Tenui hoc a doctissimo Matth. ex coniect. editum: nec male vero Ruhkopfius, *interna vis, flatusque praeclusi ac violenti*. Vulgo olim, *interna vi flatusque praeclusa violenti*. Sed *vis flatusque* habet ma. a. cum Pinc. tenet autem *praeclusa violenti*. Schw. — Alias addit variantes Ruhkopfius: Plurimi codd. *interna vis flatusque praeclusa violenti*, unde Pinc. smesd. *praeclusi*. Lipsius probabat, et *violente* adiciebat. Hinc faci: *praeclusi ac violenti*. Muretus habet *interna vi flatusque praeclusi venti*. R.

Torrentium in abdito vastior. Sic a. c. R. A. Vbi ex praeced. et aeqq. *facile violentia* subintelligebatur. Nec vero displicet *vastorum*, quod in suorum nonnullis repererat Pincianus. *Fit vastior* edidit Ruhk. e Mss. ut ait; quos quidem nec ipse nominavit, nec nos ullos novimus. Nuda *vis* posuit Matth. omisso voce *vastior*, quam libri tamen omnes agnoscunt. Schw.

A qua nihil ele. Sic vulgo. Schw. dat *in qua*, eom n. c. R. A.

Eicærit. Ex Murcii coui. primus

corruerit. Enumerare omnes fatorum vias, longum est. Hoc unum scio: omnia mortalium opera mortalitate damnata sunt; inter peritura vivimus.

- 13 Haec ergo atque eiusmodi solatia admoveo Liberali nostro, incredibili quodam patriae suae amore flagranti; quae fortasse consumpta est, ut in melius excitaretur. Saepe maiori fortunae locum fecit iniuria; multa ceciderunt, ut altius surgerent, et in maius. Timagenes, felicitati Urbis inimicus, aiebat, Romae sibi incendia ob hoc unum dolori esse, quod sciret meliora resurrectura, quam arsissent. In hac quoque urbe verisimile est certaturos omnes esse, ut maiora
14 certioraque, quam amisere, restituant. Sint utinam

recepit Lipsius, dein ed. Bipont. et Ruhk. Et ego hoc praefereudum indicavi vulgato olim egressit, quod quidam veteres libri dabant, et tacite revocaverat Gron. Saepe homines isti, quorum manibus olim exempla harum Epistolarum multiplicata sunt, dictantis vocem minus recte accipientes, litteram g et i, item e et s, vel ss, inter se permutarunt. Sic pro eodem verbo eiecit, Ep. xxiv, quod recte ibi noster cod. Arg. b. tenet, eiecit scribitur in ed. A. et novo secedente errore egressit in ms. a. quomodo hic egressit scribitur in vetusto nostro ms. a. Obiter hic observemus, a vetustissimis mss. atque etiam a codicibus multo vetustioribus quam his, qui ad aetatem nostram pervenerunt, propagatos esse illos errores, qui e male accepta dictantis voce nati sunt. Tum, quod ad nostrum ms. a. spectat, illud moueo, quod in Praef. monere oblitus sum, codicem hunc, vetustate quidem praesentem aliis omnibus, ab eo hominem esse exaratum, qui eorum

quae scriberet nihil intellexerat; ita imperite frequenter verba (quae in exemplari, quod sub oculos habueret, nullis interstitiis distincta fuerant) vel iungit vel disiungit, multaque alia verborum et orationum monstra ostendit ex iuscitia prognata. Contra, idem codex multo verior, quam alii libri, interpolationibus habet; nihil ex scribae ingenio mutatum; plurimas autem verissimas lectiones ex vetustiore exemplari propagatas, ubi corrupti sunt recentiores libri. Schw.

Haec ergo. Sic enim Gruterus et edd. rescripsi. Antea, haec ago. R.

Ut altius surgerent, et in maius. Ceterum mox Longueum ita surrexit, ut vix novem annis a clade alepsis pro Vitellio contra Galbam steterit, Tacito Hist. I, 51, 65, narrante. Ruhk.

Timagenes. Nic. Faber sic emend. optime lect. codd. ymagines, imagines. — Timagenes ille, ait Lagrange in notis, vixit aetate Augusti. Seneca pater sic hominem descripsit:

diuturna, et melioribus auspiciis in aevum longius condita! Nam huic coloniae ab origine sua centesimus annus est, aetas ne homini quidem extrema. A Planco deducta, in hanc frequentiam, loci opportunitate, convaluit; quae tamen gravissimos casus intra spatium humanae pertulit senectutis.

Itaque formetur animus ad intellectum patientiam.¹⁵ que sortis suae, et sciat nihil inausum esse fortunae; adversus imperia illam idem habere iuris, quod adversus imperantes; adversus urbes idem posse, quod adversus homines. Nihil horum indignandum est: in eum intravimus mundum, in quo his legibus vivitur. Placet? pare! non placet? quacumque vis, exi! Indignare, si quid in te iniqui proprie constitutum est: sed si haec summos imosque necessitas alligat, in gratiam cum fato revertere, a quo omnia resolvuntur. Non est quod nos tumultis metiaris, et his monumen-¹⁶ tis, quae viam disparia praetexunt; aequat omnes cinis: impares nascimur, pares morimur. Idem de

Aninius Pollio saepe solebat apud Caesarem cum Timagene confligere, homine acidus linguae, et qui nimis liber erat; puto quia diu non fuerat. Ex captivo coquus, ex coquo lexicarius, ex lexicario usque ad amicitiam Caesaris felix, usque eo utramque fortunam contempsit, et in qua erat, et in qua fuerat, ut quum illi multis de causis iratus Caesar interdixisset domo, combureret historias rerum ab illo gestarum; quasi et ipse illi ingenio suo interdiceret, disertus homo et dicax, a quo multa improbe, sed venuste dicta. Controversa. lib. V. Coortov. 34, circa fin. p. 392. Tom. III. edit. varior. — De hoc Timagene, conf. ad III de Ira 23, 3. sqq. not. Non hic Timageneus idem fuisse vi-

detur ac ille, quem Quotil. lost. or. X, 1, 75 post Clitarchum recenset, et ex quo I, 10, 10 quaedam affert, sed rhetor et historicos eiusdem aetatis, Alexandria ortus. Ruhk.

A Planco. A Lucio Planco deductos Viennenses, qui ab Allobrogibus ad Rhodani et Araris confluentiam conederant, a. V. c. 711 narrat Dio Cass. 46, 50. Nero Lugduvum hanc cladem passum adiuvit quadragies sestertio, circiter 815,166 fr. nostrae monetae. Conf. Tacit. Ann. lib. XVI, cap. 13. Ruhk.

Non est quod nos tumultis metiaris, et his monumentis. Spectat haec ad sepulcra, ideoque ad monumenta cum inscriptionibus iuxta viam publicam erecta, et pro cuiusque fortuna ma-

urbibus, quod de urbium incolis dico; tam Ardea capta, quam Roma est. Conditor ille iuris humani non natalibus nos, nec nominum claritate distinxit, nisi dum sumus. Vbi vero ad finem mortalium ventum est: « Discede, inquit, ambitio! omnium, quae
 47 terram premunt, siremps lex esto. » Ad omnia patientia pares sumus: nemo altero fragilior est, nemo in crastinum sui certior. Alexander Macedonum rex discere geometriam coeperat; infelix! sciturus quam pusilla terra esset, ex qua minimum occupaverat: ita dico, *infelix*, ob hoc, quod intelligere debebat falsum se gerere cognomen; quis enim esse *magnus* in pusillo potest? Erant illa quae tradebantur, subtilia, et diligenti intentione discenda: non quae percipere posset vesanus homo, et trans oceanum cogitationes suas mittens.

18 « Facilia, inquit, me doce! » — Cui praeceptor: « Ista, inquit, omnibus eadem sunt, aequae difficilia. » — Hoc puta rerum Naturam dicere: « Ista, de quibus quereris, omnibus eadem sunt; nulli dari faciliora possunt: sed, quisquis volet, sibi ipsi illa reddet faciliora. » Quomodo? Aequanimitate. Et doleas opor-

gna, parva, atque adeo disparia. Nunc pares sunt omnes, quorum disparia sepulcra. *Rohk.*

Ardea. Pusilla urbs, comparata cum Roma, cui erat vicina. Cf. Liv. 1, 57. Virg. Aen. VII, 412 not. *R.*

Siremps lex esto. Ex em. Mureli. In libris erat: *Sere miles esto.* Vulgaverant: *similes esto vel servus miles* e. *Rohk.* — *Siremps* vetus verbum in legibus senatusque consillis usitatum: est autem idem, ac si diceret similis lex omnibus posita esto. Hanc emendationem debemus summo la-cobo Cuiacio. *Moretus.*

Alexander. Quae de Alexandro M. hic narrantur, nullo historiae testimonio subnixae sunt, sed p̄tita e declamationibus, quibus hoc propositum erat, libertate sublata, ut fictis argumentis in saeculis, controversiis etc. uteretur ad eloquentiam umbratilem excolendam, docendam, discendam. Verum est, Alexandrum paeram, non regem, magistro Aristotele Geometriam didicisse, et Persis postea devictis cupidum fuisse visendi Oceanum. Reliqua ad Alexandrum deprimendum declamatores mentiti sunt, quos noster pallo iudi-

tel, et sitias, et esurias, et senescas, si tibi longior contigerit inter homines mora, et aegrotas, et perdas aliquid, et pereas. Non est tamen quod istis, qui te circumstrepunt, credas; nihil horum malum est, nihil intolerabile, aut durum. Ex consensu istis metus 19 est: sic mortem times, quomodo famam. Quid autem stultius homine verba metuente? Eleganter Demetrius noster solet dicere, « eodem loco sibi esse voces imperitorum, quo ventre redditos crepitus. Quid enim, inquit, mea refert, sursum isti an deorsum sonent? » — Quanta dementia est, vereri ne infameris ab infamibus? Quemadmodum famam extimuisi sine causa, sic et illa, quae nunquam timeretis, nisi fama iussisset. Num quid detrimenti faceret vir bonus iniquis 20 rumoribus sparsus? Ne morti quidem hoc apud nos noceat: et haec malam auditionem habet. Nemo eo-

cio critico usus h. l. et alia secutus est, et laueval. X, 168: *Unus Pellaeo iuveni non sufficit orbis.* etc. Cf. Io. Schelling. ad M. Senecae Suasor. 1. Ruhk.

Si tibi longior. Recte ms. a. Alii vulgo et, si tibi etc. Schw.

Demetrius. De Demetrio cynico, amico Seocetae, cf. ad III, 3 de Pravidencia. Caeterum simile facete dictum Butleri, Angli, auctoris carminis epici Hudibras, eiusdem fere arguementi notum est. Ruhk.

Ne morti quidem hoc... noceat. Hoc, scilicet iniqui rursus ne morti quidem noceant: ne moveamur calumniis hominum de illo.

Malam auditionem habet. Vulgo *malam molitionem*, quod nulla emendatione iudgere existimavit Ruhk. Ego, nisi probabilius aliquid occurrisset, Gronovium probassem, *opinionem* corrigentem. Sed, io *malam*

olitionem, quod ms. a. dabat, persuasum habui latere id quod dedi, *malam auditionem habet*, i. e. male audit, malam famam habet. S. — *Molitionem* sic descendit Ruhk. « Hanc aliquam lectionem fuisse, docent codd. mss.; veram esse, monstrat uexus: uoli credere uel iniquis rumoribus atque his deprimi, uel sagittis, quas de morte narratur. Nec morti... habet: i. e. nec morti haec fama de ea speciem horribilem circumdet: ut illa fama in bono viro aspergendo, ita in morte accusanda successu homo destituitur: *molitionem* enim est machinatio, Nat. Qu. III, 3o loit. *Haec laeva malam* i. malignam, uobis terrorem incutientem, *molitionem*, i. conatum habet. Quae si vera sint, Gronovii emendatione, *malam opinionem*, non indigeamus. » Quae interpretatio ipsa re non minus obscura uobis videtur.

SEN. TOM. IV.

D

rum, qui illam accusant, expertus est: interim temeritas est, damnare quod nescias. At illud scis, quam multis utilis sit, quam multos liberet tormentis, egestate, quærelis, suppliciis, taedio. Non sumus in ulius potestate, quum mors in nostra potestate sit. Vale.

EPISTOLA XCII.

IN EPICUREOS INVENITUR: NIHIL VOLUPTATEM AD BEATITUDINEM
CONFERRE.

Quum amicum sibi convenire dicat in eo, ut corpus animi causa adsit eique serviat, sequatur necesse est, beatam vitam in hoc uno positam esse, ut in nobis ratio perfecta sit, quæ una id quod honestum est, et beata vita paratur, omni auxilio externo, omni fortuito, omni irrationali, excluso. Ita animus sapientis viri exoritur talis, qualis Deum decet, sola honestate contentus. Proinde ἀσυχία admittitur, voluptas non item: quidquid contra dicant Epicurei, quoniam virtus et voluptas sibi adversantur. Attamen bono iudicio ea, quæ ad voluptatem spectant, ut bona valetudo, quies et dolorum vacatio, eligi debent et possunt, quia secundum naturam sunt, etsi bona non sunt. Non in re bonum est, sed in electione: quæ in re similis est vestis, quæ corpus velat, corpori, quod animi velamentum est. Concedenti, virtutem qui habeat miserum esse non posse, beatissimum non esse posse qui naturalibus bonis destituatur, respondet, hoc discrimen statui non posse, quum commoda et incommoda extra nos, imprimis virum bonum, sint; quæ itaque sive adsint, sive absint, non impedirent, quominus beatus et beatissimus fiat. Obstat quidem possunt incommoda virtuti, uti quædam soli quoque obstant, sed non minus illam impediunt, quam illum. Falsus itaque est qui sapientem parum prospero corpore usum nec miserum esse, nec beatum dicat; ideoque in medio constitutum. Nec in beatitatem tempus aliquid potest: non intenditur virtus, ergo ne beata quidem vita, quæ ex virtute est. Non quo longior, sed quo melior et honestior vita sit, quaeri debet. Non solum Diis virtus et beata vita contingit, sed no-

his quoque contingere potest; atque ideo ad similitudinem Deorum accedere debemus, quorum socii et membra sumus.

Conferas Senecae libellum De Vita Beata.

SENECA LVCILIO SVO SALVTEN.

Puto, inter me teque conveniet, externa corpori acquiri, corpus in honorem animi coli; in animo esse partes ministras, per quas movemur alimurque, propter ipsum principale nobis datas. In hoc principali est aliquid irrationale, est et rationale. Illud huic servit; hoc unum est, quod alio non refertur, sed omnia ad se perfert. Nam illa quoque divina ratio omnibus praeposita est, ipsa sub nullo est; et haec autem nostra eadem est, quae ex illa est. Si de hoc inter nos² convenit, sequitur ut de illo quoque conveniat, in hoc uno positam esse beatam vitam, ut in nobis ratio perfecta sit. Haec enim sola non submittit animum; stat contra fortunam; in quolibet rerum habitu securos servat. Id autem unum bonum est, quod nunquam defringitur. Is est, inquam, beatus, quem nulla res minorem facit; tenet summa, et ne ulli quidem,

Externa corpori. In usum corporis omnia, quae sortita sunt, v. c. valetudo, opes, τὰ οὐκ ἐπ' αὐτῶν, non nostra, aliena, acquirit. Ruhk.

Partes ministras. I. quae famulantur, ancillenturque rationi, sensus facultas loquendi quaerentique, atque principale, τὸ ἀναισθητόν (sensum internum), quod dividitur, in partem rationalem, i. facultatem cogitandi et colligendi, et in partem irrationalem, quae in affectibus et concupiscentia posita est. Ita Io. Stobaeus Eclog. P. I. tom. II, p. 878 Heer. Cf. Lipsii Physiol. stoic. III, c. 17. R.

Nam illa... ratio... quae ex illa est. Int. nam aeternae divina ratio quam mundus regitur nulli subiecta est; sic ratio nostra, quae originem ab illa divina trahit, se habet.

Quae ex illa. Sic a. c. R. A. Vulgo quia ex illa. Schw.

Securos servat. Vnice probavi hoc, quod servatum in cod. Pal. 4. Vulgo olim servata servat ex Ercani iug. quum vario aberrassent veteres libri, servatus servat, servitus servit, servitus servat quod postremum habet ms. a. eum Pal. 1 et 3. Se virtus servat ora Col. quod adoptavit Ruhk.

nisi sibi, est innixus: nam qui aliquo auxilio sustentur, potest cadere. Si aliter est, incipient multum in nobis valere non nostra. Quis autem vult constare fortuna, aut quis se prudens ob aliena miratur? Quid est beata vita? securitas et perpetua tranquillitas. Hanc dabit animi magnitudo; dabit constantia bene iudicati tenax. Ad haec quomodo pervenitur? si veritas tota perspecta est; si servatus est in rebus agendis ordo, modus, decor, innoxia voluntas ac benigna, intenta rationi, nec unquam ab illa recedens, amabilis simul, mirabilisque. Denique, ut breviter tibi formulam scribam, talis animus esse sapientis viri debet, qualis Deum deceat. Quid potest desiderare is, cui omnia honesta contingunt? Nam si possunt aliquid non honesta conferre ad optimum statum, in his erit beata vita sine quibus non est. Et quid stultius turpiusve, quam bonum rationalis animi ex irrationalibusnectere!

Quidam tamen augeri summum bonum iudicant,

Schw. — Gronov. emend. in quolibet rerum habitu se rectam servat, h. e. et integram et nesciam flecti. Equidem expectabam h. l. libertatis mentionem. *Ruhk.*

Quis autem vult constare fortuna? I. dependere ab externis fortuitisque. *Ruhk.*

Quid est vita beata... Deum deceat. Similia saepe inveniunt noster et reliqui Stoici. Cf. Senec. de Constant. Sap. c. 8. *Ruhk.*

Veritas, ἀλήθεια. Ep. LXXIV, 28: *Beatum sine scientia divinarum humanarumque non potest effici.* Cf. M. Antonii. II, 16; III, 6; V, 9. *Ruhk.*

Decor, καμψύτης, i. scientia bonorum et turpium motionum. Stob.

II, 7, p. 106. Spectant haec ad prudentiam, temperantiam rel. Est itaque τὸ καλόν (Ep. LXVI, 16), naturae atque dignitati hominis conveniens. Diog. Laërt. VII, 101. *Ruhk.*

Non honesta, ἀδυστορα, e. c. vita, opes, polchritudo, nobilitas rel. Cf. Ep. LXVI, LXXVII, 5. LXXIV, 1, etc. *Ruhk.*

Sine quibus non est. Cum quibus non est ed. *Ruhk.* a Gronovii membr. invitis aliis omnibus. *Schw.* — Sensus est: si admitteretur non honesta ad optimum statum conferre, dicendum esset beatam vitam in his esse, ex his constare, sine quibus (admissa hypothesi) non esse posset, nempe ex non honestis; sed quid stultius, etc.

quia parum plenum sit, fortuitis repugnantibus. Antipater quoque, inter magnos sectae huius auctores, «aliquid se tribuere dixit externis, sed exiguum admodum.» Vides autem quale sit, die non esse contentum, nisi aliquis igniculus alluxerit? Quod potest in hac claritate solis habere scintilla momentam? Si non es sola honestate contentus, necesse est aut quietem adiaci velis, quam ἀσχηνοσύνη vocant Graeci, aut voluptatem. Horum alterum utcumque recipi potest; vacat enim animus molestia, liber ad inspectum universi, nihilque illum avocat a contemplatione naturae: alterum illud, voluptas, bonum pecoris est. Adicimus rationali irrationale, honesto inhonestum. (Magnam voluptatem) facit titillatio corporis: quid ergo dubitatis dicere, bene esse homini, si palato bene est? Et hunc tu, non dico inter viros numeras, sed inter homines, cuius summum bonum saporibus, et coloribus, et sonis constat? Excedat ex hoc anima-

Parum plenum sit, fortuitis repugnantibus. Iot. quum quocumque ex fortibus pendent, repogneut, obstant, quominus plenum sit. *

Antipater. Cf. ad Ep. LXXXVII, 34, ubi Antipater vel non clare opinionem suam diversam exprompsit; nam discessit a veteribus, qui omnino sine externis vitam beatam constare dicebant: vel noster eius scripta non nisi ex aliorum auctorum mentione cognoverat. *Rohk.*

Ἀσχηνοσύνη. Sic satis perspicua (sola terminatio excepta) ms. a. idque ipsum haud obscure debuerat ms. a. Voesh. miris modis ab aliis deformatum, aut ex coniect. correctum, ut *ασχηνοσύνη* ab Erasmo. *ἡσυχία* a Mur. Sonat autem ἀσχηνοσύνη latine vacuitatem molestiorum, ut mox ipse Seneca interpretatur. Graccon vocab.

habes etiam apud Sextum Empir. *Pyrrh.* I, 10. *Schw.*

Inspectum. Dedere ms. a. e. et ed. A. *Volga conspectam.* *Schw.*

(*Magnam voluptatem*) *facit titillatio corporis.* Verbis ex coniect. correctis uncus circumdedit. *Magnam vitam facit* vulgo, ex Moreti emend. *Magno vitam facit* edd. velt. et ms. c. *Magne vitam facit* ms. a. Equidem non dubito, vitam ex vocabulo voluptatem compendiose scripto originem traxisse. Tum vero, ut ad vocem magno intercidisse pusillum coniectaverat Erasmus, sic ego suspicatus sum in hunc fere modum scripsisse Senecam, *honestum inhonesto, magno vile. Voluptatem facit* etc. S. — Epicureos laugit, quos in propria felicitate promovenda atque evahenda virtutem ideoque vitam beatam po-

lium numero pulcherrimo, ac Diis secundo; mutis aggregetur, animal pabulo laetum! Irrationalis pars animi duas habet partes: alteram animosam, ambitionem, impotentem, positam in affectionibus; alteram humilem, languidam, voluptatibus deditam. Illam effraenatam, meliorem tamen, certe fortiolem ac digniorem viro, reliquerunt; hanc necessariam beatam vitae putaverunt, innervem et abiectam. Huic rationem servire iusserunt, et fecerunt animalis generosissimi bonum, demissum et ignobile; praeterea mixtum, portentosumque, et ex diversis ac male congruentibus membris. Nam, ut ait Virgilius noster, in *Scylla*,

*Prima hominis facies, et pulchro pectore virgo
Pube tenus; postrema immani corpore pistrix,
Delphinum caudas utero commissa luporum.*

Huic tamen Scyllae fera animalia iuncta sunt, hor-

uisse constat. Cf. de Vita Beata 5, 4. Ruhk.

Ac Diis secundo. Imo, a Diis secundo, sicut dicimus secundus a rege, et similis. Schw.

Pabulo laetum. Sic omnes mss. ante Gronov. pabulo natum. Ruhk.

Irrationalis pars animi.... deditum. Altera est affectionibus dedita, τὸ θυμικόν, irascens, animosum illud et irritabile; aliter τὸ πᾶθος: altera est concupiscens, τὸ ἐπιθυμητικόν. Cf. ad §. 1. Ruhk.

Reliquerunt. Qui? nempe Epicurei: et de iis loquitur. Illi, inquit, relicto τῷ θυμικῷ, solum ἐπιθυμητικόν sunt secuti. Lips.

Innervem. Vulgo enervem. Schw.

Ac male congruentibus. Ea. conject.

correx. Olim animalium congruentibus ex Erasmi coniect. Animalis congr. mss. a. et c. Animalibus congr. edij. R. A. Animalium incongr. ed. Matt. Schw. — Ruhk. edidit animalis non congr. Mss. omnes, inquit, animalis: non inserui sententiae poscente: nam mirum portentosumque est, diversa animalium membra tamen congruere. Gronov. emend. vel, ex diversis qui incongruentibus membris, vel, ex diverso animali congr. i. e. ei quod homini diversum vel oppositum est, nempe muto et irrationali. Ruhk.

In Scylla.... luporum. Virgilii versus exstant in Aen. III, 426 sqq. In Scylla i. in loco de Scylla, aut potius iungenda suat in Scylla prima h. f. iudice Heyuo Prooem. in Cirin. Ruhk.

renda, velocia: at isti Sapientiam ex quibusdam com-
posuere portentis? « Prima hominis pars est ipsa
virtus: huic committitur inutilis caro, et fluida, et
receptandis tantum cibis habilis, » ut ait Posidonius.
Virtus illa divina in lubricum desinit, et superioribus
partibus venerandis atque caelestibus animal iners
ac marcidum attexitur. Illa, utcumque alta, quies
nihil quidem ipsa praestabat animo, sed impedimenta
removebat; voluptas ultro dissolvit, et omne robur
emollit. Quae invenietur tam discors inter se iunctu-
ra corporum? Fortissimae rei inertissima adstruitur; 40
severissimae parum seria; sanctissimae intemperans
usque ad incesta.

Quid ergo, inquit, si virtutem nihil impeditura sit
bona valetudo, et quies, et dolorum vacatio; non pe-
tes illas? — Quidni petam? non quia bona sunt,
sed quia secundum naturam sunt, et quia bono a me
iudicio sumuntur. Quod erit tunc in illis bonum?
hoc unum; bene eligi. Nam quum vestem, qualem
deceat, sumo, quum ambulo ut oportet, quum coeno
quemadmodum debeo; non coena, aut ambulatio,
aut vestis bona sunt, sed meum in his propositum,

Velocia) Volatilia habet sola ed.
A. Ferocia suspicatus eram; sed ve-
loci opponi potuit iners quod infra.
Schw.

Inutilis. Sic dedit Erasmus et mss.
Gruteri; Murelus dederat *futilis*. R.

In lubricum desinit. Horatius Ari.
Poëti. Iulio: Desinit in piscem mulier
formosa superne.

Illam, utcumque alta, quies. De qua
vid. §. 6, 7.

Pisces ad incesta. Quod mss. et
editio vetus male praebeant u. a. in-
gesta. Erasm. et Muret.: ad indige-
sta. Rulh.

Quid ergo? inquit. Epicureus.
Sermo est de adiaphoris s. mediis,
quae bona sunt electione, mala sen-
tem reiectione nostra. Confer. Epist.
LXVI, 4, et argumentum illi epistolae
praefixum. Rulh.

Illas, non illa, a. e. R. A. Schw.

Sumuntur. Sic a. e. A. Volgo su-
muntur. Schw. — Hoc stoicum, in
adiaphoris, sive mediis eligere et su-
mere quae sunt secundum naturam.
Ipsa bona non sunt; sed iudicium
tale bonum. Nos in Manud. lib. II,
Dissert. xxiii. Lips.

servantis in quaque re rationi convenientem modum. Etiam nunc adiciam: mundae vestis electio appetenda est homini; natura enim homo mundum et elegans animal est. Itaque non est bonum per se munda vestis, sed mundae vestis electio; quia non in re bonum est, sed in electione, qua actiones nostrae honestae sunt, non ipsa quae aguntur. Quod de veste dixi, idem me dicere de corpore existima. Nam hoc quoque natura, ut quamdam vestem, animo circumdedit; velamentum eius est. Quis autem unquam vestimenta aestimavit arcula? Nec bonum nec malum
 13 vagina gladium fecit. Ergo de corpore quoque idem tibi respondeo; sumpturum quidem me, si detur electio, et sanitatem et vires; bonum autem futurum iudicium de illis meum, non ipsa.

« Est quidem, inquit, Sapiens beatus; summum tamen illud bonum non consequitur, nisi illi et na-

Servantis. Sic omnes mss. palat. et Gron. etc. Genitivum e pronom. possessivo oriri nunc satis nota res est. Aulca servandi. Ruhk.

Qua. Pro vulgata qua, Schw. dat quali, quod praebent mss. a. c. A. Quia est ed. R.

Arcula. In qua reconduntur et aservantur. Cf. De Tranquilli. l. 3, 8 R.

Fecit. Sic ms. a. Alii facit cum vulgg. edd. Schw.

Inquit. Adversarios academicos et peripateticos: quippe qui contraduot, a virtute quidem beatitudinem esse, sed non plenam et summam, nisi exterius etiam accedant, quae naturalia instrumenta s. bona vocant. Cic. Tuscul. Q. V, 8, 16 sqq. Stoici tamen haec non bona corporis appellavit, sed neutra, media, interiecta, creberrime indifferentia: de quibus et cum Pyrrhonissaeclis disputaverant,

omnia, quae Stoici de virtute, vitio, bono etc. posuerunt, labefactantibus. Vsum habent commoda s. prodicta, non utilitatem s. bonum; sumuntur quidem, sed non expetuntur: sint apud nos, sed ita ut meminerimus, extra nos esse, i. extra animam, primam et paene totam nostri partem. Bona illa sunt vera, quae ratio dat; caetera tantum opinione sunt bona. Epist. lxxiv, 16. Lipsii Manud. II, 23. Stoici itaque contendebant in re, beatissimum esse posse et debere, etiamsi his naturalibus bonis s. commodis destitutor, nec miserum, etiamsi sit sub incommodis, s. iis quae fugienda sint. R. — De illa rerum divisione in reiecta, vitanda etc., cf. Cic. Acad. I ubi plura Gorenz hae de re.

Consequitur, ms. a. Sequitur c. R. A. Asequitur vulgo, S.

turalia instrumenta respondeant. Ita miser quidem esse, qui virtutem habet, non potest: beatissimus autem non est, qui naturalibus bonis destituitur, ut valetudine, ut membrorum integritate. — Quod incredibile videtur, id concedis, aliquem in maximis et continuis doloribus non esse miserum, esse etiam beatum; quod levius est, negas beatissimum esse. Atqui, si potest virtus efficere, ne miser aliquis sit, facilius efficiet, ut beatissimus sit: minus enim intervalli a beato ad beatissimum restat, quam a misero ad beatum. An, quae res tantum valet, ut ereptum calamitatibus inter beatos locet, non potest adicere quod superest, ut beatissimum faciat? in summo deficit clivo? Commoda sunt in vita, et incommoda; utraque extra nos. Si non est miser vir bonus, quamvis omnibus prematur incommodis; quomodo non est beatissimus, si aliquibus comodis deficitur? Nam quemadmodum incommodorum onere usque ad miserum non deprimitur, sic commodorum inopia non deducitur a beatissimo; sed tam sine commodis beatissimus est, quam non est sub incommodis miser: aut potest illi eripi bonum suum, si potest minui. Paulo ante dicebam, igniculum nihil conferre lumini solis; claritate enim eius, quidquid sine illo lucebat, absconditur. — Sed quaedam, inquit, soli quoque ob-

Pt membrorum, ms. a. et ed. A.
Volgo et membr. S.

Non est beatissimus, si. Sic libri nostri. Vulgo non beatissimus, et si etc. S.

Aut potest illi eripi. Sic recte libri veti. Vulgo autem ex Erasmi coniect. S.

Paulo, diceb. Sopra, §-5. Quam

Stoicis virtus abstracti locosil, atque cum ratione perfecta conveniat, responsio repellit obiectionem, quam vide Ep. LXXIV, 16. LXVI, 7 et 19. Cic. de Fin. III, 14, ubi eadem imagine et caeteros Stoicos ad illustrandam hanc doctrinam usos esse patet. R.

Quidquid sine illo luceret, ms. a.
Vulgo quidquid sine eo lucet. S.

stant. » — At solis vis et lux integra est, etiam inter opposita; et, quamvis aliquid interiacet, quod nos prohibeat eius aspectu, in opere est, cursu suo fertur. Quoties inter nubila luxit, non est sereno minor, ne tardior quidem; quoniam multum interest, utrum
 17 aliquid obstat tantum, an impediat. Eodem modo Virtuti opposita nihil detrahunt. Non est minor, sed minus fulget: nobis forsitan non aequè apparet ac nitet; sibi eadem est, et, more solis obscuri, in occulto viam suam exercet. Hoc itaque adversus Virtutem possunt calamitates, et damna, et iniuriae, quod adversus solem potest nebula.

Invenitur qui dicat, Sapientem corpore parum prospero usum, nec miserum esse, nec beatum. Hic quoque fallitur: exaequat enim fortuita virtutibus, et tantumdem tribuit honestis, quantum honestate
 18 carentibus. Quid autem foedius, quid indignius, quam comparari veneranda contemptis? Veneranda enim sunt, iustitia, pietas, fides, fortitudo, prudentia: e contrario vilia sunt, quae saepe contingunt pleniora vilissimis, crus solidum, et lacertus, et dentes, et horum sanitas firmitasque. Deinde si sapiens, cui corpus molestum est, nec miser habebitur, nec beatus, sed medio relinquetur; vita quoque eius nec
 19 appetenda erit, nec fugienda. Quid autem tam absur-

Interiacet. dederunt a. c. R. A. Vulgo *interiacet*. Schw.

Sereno minor. Subaudi sole sereno: id est, non est minor quam sol idem, quam fertur per coelum serenum.

Eodem modo.... detrahunt. Noli putare hic nollones commentari: nam quae de virtute valent, praedicantur quoque de beatitudine, quippe quae ex virtute est. Ruhk.

Invenitur.... nec beatum. Academicorum al. sententia haec fuit, uti supra vidimus. Ruhk.

Exaequat.... fortuita virtutibus. Qui enim contendit tam posse fortuitis hominem beatitudinem orbari, quam virtute beatum effici.

Comparari, a. c. A. Vulgo *comparare*. Schw.

Sed medio relinquetur. Sic mss a. c. R. A. et mss. Gruteri; nec vero

Jam, quam sapientis vitam appetendam non esse? aut quid tam extra fidem, quam esse aliquam vitam nec appetendam, nec fugiendam? Deinde, si damna corporis miserum non faciunt, beatum esse patiuntur. Nam quibus potentia non est in peiorem transferendi statum, ne interpellandi quidem optimum. — « Frigidum, inquit, aliquid, et calidum novimus; inter utrumque tepidum est: sic aliquis beatus est, aliquis miser; aliquis nec miser, nec beatus. » — Volo hanc contra nos positam imaginem excutere. Si ²⁰ tepido illi plus frigidi ingessero, fiet frigidum; si plus calidi affudero, fiet novissime calidum. At huic, nec misero nec beato, quantumcumque ad miseria adiecero, miser non erit, quemadmodum dicitis: ergo imago ista dissimilis est. Deinde trado tibi hominem nec miserum nec beatum: huic adiicio caecitatem, non fit miser; adiicio debilitatem, non fit miser; adiicio dolores continuos et graves, miser non fit. Quem ²¹ tam multa mala in miseram vitam non transferunt, ne ex beata quidem educunt. Si non potest, ut dicitis, sapiens ex beato in miserum decidere, non potest in non beatum. Quare enim, qui illa coepit, alicubi subsistat? Quae res illum non patitur ad imum devolvi, retinet in summo. Quidni non possit beata vita rescindi? ne

spernendum est vulgatum, sed in med. rel. Schw.

Frigidum, inquit.... nec beatus. In primis Aristotelicorum hanc esse obiectionem patet. Ruhl.

Qui illa (illā, cum circumflexa nota) coepit, alicubi subsistat? Sic vet. libri omnes. I. e. qui ea via incedere coepit, scil. qui ex beato coepit decidere in non beatum. Vulgo *qui tibi coepit*, ex iug. Mur. S. — Cur desinet decrescere beatitudo, semper

crescentibus malis, si id semel malum potuerunt, ut beatitudinem minuerent.

Quae res.... in summo. Idem quod impedit ne miser fiat, ne ad imum infelicitatis devolvatur idem impedit, quum summa finitur beatitudine, ne quid illi detrahatur, ne ex hoc apice beatæ vitæ amoveatur.

Quidni.... rescindi? Obiectioni Academicorum esse videtur et Peripateticorum. Ruhl.

remitti quidem potest : et ideo virtus ad illam per se ipsa satis est. — « Quid ergo? inquit, Sapiens non est beator, qui diutius vixit, quem nullus avocavit dolor, quam ille, qui cum mala fortuna semper luctatus est? » — Responde mihi : Numquid et melior est, et honestior? si haec non sunt, ne beatior quidem est. Rectius vivat oportet, ut beatius vivat : si rectius non potest, ne beatius quidem. Non intenditur virtus; ergo ne beata quidem vita, quae ex virtute est. Virtus enim tantum bonum est, ut istas accessiones minutas non sentiat, brevitatem aevi, et dolorem, et corporis varias offensiones. Nam voluptas non est digna, ad quam respiciat. Quid est in virtute praeceptum? futuro non indigere, nec dies suos computare : in quantulo libet tempore bona aeterna consummat.

Incredibilia nobis haec videntur, et supra humanam naturam excurrentia : maiestatem enim eius ex nostra imbecillitate metimur, et vitiis nostris nomen virtutis imponimus. Quid porro, non aequae incredibile videtur, aliquem in summis cruciatibus positum, dicere: Beatus sum? Atqui haec vox in ipsa officina voluptatis audita est. Beatissimum, inquit, hunc et ultimum diem ago, Epicurus, quum illum

Quid ergo? luctatus est? Et haec est obiectio Academicæ et Lycei. Cf. Lipsii Maud. III, 3. Rulh.

In quantulo libet tempore bona aeterna consummat. Sic ms. a. cum aliis. S. — Quae lect. per se optime intelligitur. Vulgo in quantolibet tempore aeterna consummare. Hanc lectionem invenerat Gronov. in ms. et recepit. Quam Rulhkopf. sic, nec satis lucide, interpretatur: in quantolibet tempore ad aeternitatem per-

venire, vel certe illa, quae aeterna sunt, nempe vera et unica bona perficere ac manerere, ad quod in aliis temporis intervalla requiruntur. Antea: in quantolibet tempore bona aeterna consummat.

Epicurus. Cf. ad Ep. xxvi, 17, 18. Sunt haec desumpta ex Epistola Hermacho missa, quae exstat ap. Ding. Laërt. X, 22, versus in latinum sermonem ap. Ciceron. de Fin. II, 30: Epicurus Hermacho Salut. d. Quum

hinc urinae difficultas torqueret, hinc insanabilis exulcerati dolor ventris. Quare ergo incredibilia ista sint apud eos, qui virtutem colunt; quum apud eos quoque reperiantur, apud quos voluptas imperavit? Hi quoque degeneres, et humillimae mentis, aiunt, in summis doloribus, in summis calamitatibus, sapientem nec miserum futurum, nec beatum. Atqui hoc quoque incredibile est, imo incredibilis. Non ²⁵ video enim, quomodo non in infimum agatur e fastigio suo deiecta virtus. Aut beatum praestare debet; aut, si ab hoc depulsa est, non prohibebit fieri miserum. Stans non potest mitti; aut vincatur oportet, aut vincat. — « Diis, inquit, immortalibus solis et virtus, et beata vita contigit; nobis umbra quaedam illorum honorum et similitudo: accedimus ad illa, non pervenimus. » — Ratio vero Diis hominibusque communis est; haec in illis consummata est, in nobis consummabilis. Sed ad desperationem nos vitia ²⁶ nostra perducunt. Nam ille alter secundus est ut aliquis parum constans ad custodienda optima, cuius iudicium labat etiam nunc et incertum est. Desiderat ocu-

ageremus vitae beatum et eundem animum diem, scribebamus haec. Tanti autem morbi aderant versione et viscerum, ut nihil ad eorum magnitudinem possit accedere etc. Ruk.

Stans (vel. io acie) non potest mitti. Sic recto oss. n. et Lipsii cod. Inepte vulgo, non potest vinci, cum e. R. A. Schw. — Tot: qui in proelio contra hostium laesentium assultus stetit, uno potest dimitti a proelio et relinqui ab assultantibus: oportet aut illum duci, aut ab eo hostes.

Diis, inquit. Acad. et Peripatet. R. Secundus est ut (i. sicut) etc. Perpetram omissum verbum est in ed.

Mur. et sqq. S. — Ille alter secundus, i. e. ille noudum perfectus in sapientia. Solet primum distinguere Socrates virum perfectum a tolerabili, et imperfecto, et proficiente (Ep. xvi, 1. lvi, 2. xciv, 47); illum, quem et sapientem et bonum vocat, qui ad summum gradum virtutis ac vitae beatae pervenit; hunc, quem vocat secundum, qui multum profecit, oedum tamen apicem consecutus est, noudum veritatem perspexit, atque contemptum externorum noudum iudat. Gron.

Desiderat. Sic vulgo. Schweigh. dat desideret, ex suis niss.

lorum atque aurium sensum, bonam valetudinem, et non foedum aspectum corporis, et habitu manentem suo, aetatis praeterea longius spatium; per hanc potest non poenitenda agitare? Imperfecto viro huic malitiae vis quaedam inest: quia animum habet mobilem, ad prava illum agit haerens malitia, et ea agitata abest de bono. Non est adhuc bonus, sed in bonum fingitur; cuicumque autem deest aliquid ad bonum, malus est.

Sed, si cui virtus animusque in corpore praesens,

hic Deos aequat; illo tendit, originis suae memor. Nemo improbe eo conatur ascendere, unde descendit. Quid est autem, cur non existimes in eo divini aliquid existere, qui Dei pars est? Totum hoc, quo continemur, et unum est, et Deus: et socii sumus eius, et membra. Capax est noster animus; perferitur illo, si vitia non deprimant. Quemadmodum cor-

Aurium sensum, bonam valetudinem. Sic vulgo alim, cum a. c. R. *A. Aurium caeterarumque sensuum bonam valetudinem* ed. Rulík. cum Pal. sec. Col. et ms. Gron. S.

Spatium... agitare? Imperf. Nas interrogacionia panelum de nostra posuimos post *non poenitenda agitare*, quo haec sententia cum sequentibus melius haereret. Caeterum totus locus, a verbis *nam ille alter*, ita obscurus et ab editaribus vexatus est ut aliquid deesse facile crediderimus. Rulík. In tam buoc locum sic edidit puncto maximo post *spatium* interponens. *Per hanc potest non poenitenda agitari: at imperfecto viro huic malitiam vis quaedam inest, quia unum habet mobilem: ad prava illum agit haerens malitia* etc. In his,

inquit, constituendis sequar et Grul. et Gronavium: nisi quod huius emendationem: *Per hunc potest...* non necessariam pulem. Aalen: ut in *imperfecto viro. Huic... mobilem ad prava. Ille agit carens malitia: quae secus carebant.* Rulík. — *Imperfecto viro huic.* Sic a. et R. Sed *fatiasse* nan male. *Et imperfecto viro, huic* etc. ms. c. et ed. A. Tum infra *quia*, non *qua*, a. c. R. A. Eademque linea *ad prava illum agit haerens malitia* recte ed. Rulík. cum ms. Siculo Mur. Schw.

Ea agitata abest de bona. Sic dedere libri vet. ubi vulgo *ea agitata abest a bono.* Schw.

Practens. Versus Virgil. est Aen. V, 363; sed leg. *pectore*.

Quid est... membra. Stoicum haec

porum nostrorum habitus erigitur, et spectat in caelum: ita animus, cui, in quantum vult, licet porrigi, in hoc a natura rerum formatus est, ut paria Diis velit, et sic utatur suis viribus, ac se in spatium suum extendat. Non aliena via ad summa nititur; 29 magnus erat labor, ire in caelum: redit! in hoc iter natus est. Vadit audacter, contemptor omnium; nec ad pecuniam respicit: aurum argentumque, illis, in quibus iacuere, tenebris dignissima, non ab hoc aestimat splendore, quo imperitorum verberant oculos, sed a vetere coeno, ex quo illa secrevit cupidi-

dogma saepe iam vidimus. Multas est in eo exequendo Lipsius Physiologist. I, 8. Ruhk.

Et sic utatur. Sic vulgo. Schw. nimio mutationem abreptus studio in textum recepit etsi utatur quod dant a. e. A.

Non aliena via ad summa nititur. Sic mss. a. e. cum ed. A. et Ven. nisi quod aliena vita habent a. e. et aliena vi ed. Ven. Nos via ex facili coniect. corraximus. Vulgo, Nam si aliena via ad summa niteretur ex Erasmi maxime coniect. S.

In hoc iter natus est. Primam voculam ex coniect. correxi; nam perperam cū (sic) hoc iter natus est dabant mss. a. Tum alii, cum hoc iter ad quod natus est. Denique vulgo, quum hoc iter natus est. Schw.

Contemptor. Vulgo et contemptor, assuta iuutili copula. Schw.

Aurum argentumque. vulgo ex ed. R. Sed aurumque et argentum a. e. A. Schw.

Illis, in quibus iacuere, tenebris dignissima. Sic et Horatius lib. III, Od. III: Aurum irreperitum et sis melius situm, Dum terra ocelat spernere fortior, Quam ongere humanos

in usus Omne sacrum rapiente dextra.

Non ab hoc aestimat splendore. Sic perspicit Robenius apud Gron. partim a veteribus libris partim e coniectura. Veleres edd. et scripti, non ad hoc aestimat splendor; splendorem mss. a. Pal. 1, 2 et Col. Splendore Pal. 4. Vulgo ad hunc aestimat splendorem, ex Gruteri coniectura. Schw. — Idem Horatius Carm. II, Od. XXIII: Regnum et diadema tutum Deferens uni, propriumque laurum, Quisquis ingentes oculo irretorto Spectat acervor: ubi Mitscherlich nostro loco bene usus est. Ruhk.

Sed a vetere coeno, ex quo, etc. Scriptura haec, quas Robenii debetur Ingenio, haud dubio latebat sub ista vetere, sed avertere celo, quam offert mss. e. a qua parum abeunt mss. a. et ed. A. sed avertero caelo; et ed. R. sed advertere celo. Seiterui e coeno dat ed. Lips. et Gron. ex Gruteri coniect. et averterunt a caelo ed. Ven. Er. et Mur. quod revocavit Ruhk. Schw. — Sic Ruhkopius soam explicat lectionem: ex quo tempore cupiditas nostra secrevit aurum argentumque atque effudit, illa averterunt

tas nostra et effodit. Scit, inquam, aliubi positas
 esse divitias, quam quo congeruntur; animum im-
 30 pleri debere, non arcam. Hunc imponere dominio
 rerum omnium licet, hunc in possessionem rerum
 naturae inducere, ut sua Orientis Occidentisque ter-
 minis finiat, Deorumque ritu cuncta possideat; quum
 opibus suis divites superne despiciat, quorum nemo,
 tam suo laetus est, quam tristis alieno. Quum se in
 hanc sublimitatem tulit, corporis quoque, velut one-
 ris necessarii, non amator, sed procurator est; nec
 31 se illi, cui impositus est, subiicit. Nemo liber est,
 qui corpori servit. Nam ut alios dominos, quos nimia
 pro illo sollicitudo invenit, transeas, ipsius morosum
 imperium delicatumque est. Ab hoc, modo aequo
 animo exit, modo magno prosilit; nec, quis deinde
 reliquiis eius futurus sit exitus, quaerit. Sed, ut ex
 barba capillos detonsos negligimus; ita ille divinus
 animus egressurus hominem, quo receptaculum suum
 conferatur, ignis illud exurat, an terra contegat, an

nostros animos a caelo, unde origi-
 nem ducimus etc.

*Aliubi. Ms. a. et sic constanter pro
 vulgato alibi. Perperam alibi ed.
 R. Schw.*

*Et sua Orientis Occidentisque ter-
 minis finiat.* Sic ms. a. c. et ed. A.
 nisi quod in ms. a. et ed. A. perperam
 fiat scribitur, pro finiat, quod ver-
 bum ms. c. compendiose quidem,
 sed haud dubie, exhibet. Ista scrip-
 tura varie ab aliis vel interpolata
 vel mutata est. Schw. — Ruhk. edi-
 dit: *Et suarum* (sc. animi) *posses-
 sionum Orientis Occidentisque terminus
 fiat.* Lectio, ut ait, bona codd. plu-
 rimorum et edd. Pincianus autem
 innotuit, scripturam veterem habere
 et compendiosius et elegantius (sed

veretur ut clarius): *ut suae Orientis
 Occidentisque terminus fiat.* Hic Mu-
 retus hariolatione fecerat: *ut suorum
 Oriens Occidentisque terminus fiat.* R.

Deorumque ritu cuncta possideat.
 Omnis sapientium esse, ἀντάφρη τῆς
 τῶν σοφῶν φύσεως γὰρ αὐτοῦ ἔστι τῶν
 ἄλλων, quatenus oculis et animo usar-
 pet, Cynismi et Stoicismi commune
 dogma. Lipsius in Manud. III, 11. R.

Ab hoc... prosilit. I. vel manet,
 usque dum naturaliter moriatur, vel
 sponte exit, vi sibi illata. Ruhk.

Nec, quis... quaerit. Vt Diog. Si-
 nopena. et Anaxagoras apud Cic. Tus-
 Q. I. 43. Ruhk.

Exurat Excludat mss. a, c, R. A.
 Schw.

ferae distrahant, non magis ad se iudicat pertinere, quam secundas ad editum infantem. Vtrum proiectum ³² aves differant, an consumatur

..... *Canibus data praeda marinis,*

quid ad illum? Qui tunc quoque, quum inter homines est, nullas minas timet; ullasne timebit post mortem minas eorum, quibus usque ad mortem timeri parum est? Non conterret, inquit, me nec uncus, nec proiecti ad contumeliam cadaveris laceratio foeda visuris. Neminem de supremo officio rogo; nulli reliquias meas commendo: ne quis insepultus esset, rerum natura prospexit. Quem saevitia proiecerit, dies condet. Diserte Maecenas ait:

Nec tumulum curo; sepelit natura relictos!

Alte cinctum putes dixisse: habuit enim ingenium et grande et virile, nisi illud secum discinxisset. Vale.

Secundas. Membranas, quibus infans in utero involvitur, editumque in lucem sequuntur; unde secundae. Graecis a simili causa, τὰ δεύτερα. L. — Alias et vocantur secundinae. R.

Vtrum differant. Huc illuctrabant et deportent. Sic Horat. Ep. v, 99: *Post insepulta membra differant lupi Et Esquilinas alites.* Cf. Seneca de Tranq. c. 14. Versus Virgilii Aen. IX, 465 ad parodiam deflexit. B.

Quibus... parum est. Tyrannorum, qui in cadavera saeviunt.

Conterret, Lipsius a coni. textui immisit, probante Gronovio. Antea conterret. At neque unciens conterere, sed trahere. Et de terrore agitur. — *Non conterret... uncus* quo improbi ac damnati traherentur ab Hammistratoribus. Cf. Festus h. v. Seneca de Ira III, 3, 6. Rubk.

Natura prospexit. His paria Lu-

canus lib. VII in Caesarem, qui insepultos cives in Pharsalia reliquit: *Nil agis haec ira: tabasne cadavera solvat? An rogas, haud refert: placido Natura receptat Cuncta sinu.*

Alte cinctum. I. e. industrium, militare, patientem laboris: molliculi s. remissi lunicas demiserunt; unde una eum veste et corpore ingenium dissolvit, enervavit et affeminavit. Horat. I, Sermon. v, 5: *Hoc ita ignavi divisimus, altius ac nos Praevincitis unum.* Rubk.

Secum discinxisset. I. una cum veste et corpore ingenium dissolvisset. Alii: *illud ipse discinxisset.* At mens et quidam *secundis cinxisset*: itaque legas etiam cum Grutero *secunda discinxisset*; scilicet res nimis prosperae et floentes fluxum illum et mollem reddiderunt. Lipsius.

SEN. TOM. IV.

E

EPISTOLA XCH.

VITAM NON EX SPATIO, SED EX ACTV METIENDAM.

Querela Lucilii de morte Metronactis philosophi, qui iuvenis obiit, ansam dedit Senecae, ad aequitatem adversus Deum cohortandi et ad obsequium, quod naturae debemus, praestandum. Non multum refert, iuvenis an senex obeas, sed utrum officiis tuis bene functus sis: itaque vita non aetate s. spatio temporis, sed actu metienda est, quae longa est, modo bona fuerit. Accedit quod actus inter fortuita s. externa est, quum, quamdiu bonus vir sis, in tua potestate sit, et quamdiu ad sapientiam vivas. Cf. Senecae tres Consolationes, quas secundo Volumine exhibuimus.

SENECA LUCILIO SVO SALUTEM.

In epistola, qua de morte Metronactis philosophi querebaris, tanquam et potuisset diutius vivere, et debuisset, aequitatem tuam desideravi; quae tibi in omni persona, in omni negotio superest; in una re deest, in qua omnibus. Multos inveni aequos adversus homines; adversus Deos neminem. Obiurgamus quotidie fatum: Quare ille in medio cursu raptus est? quare ille non rapitur? quare senectutem et sibi et aliis gravem extendit? Vtrum, obsecro te, aequius iudicas, te naturae, an tibi parere naturam? Quid autem interest, quam cito exeas, unde utique exeundum est? Non ut diu vivamus, curandum est, sed

Metronactis. Qui Neapoli (philosophiam) docuit et abiit, ut discas ex Epist. LXXVI, 1. *Lps.*

In omni persona, quam geris, muneris, officio publico. Cf. Perizon. ad

Sanctii Minerv. I, 12, 4 et Ernesti Clav. Cic. h. v. *Ruhk.*

Non ut diu.... satis. Saepè hoc No-ster et alii inculcavit, c. c. Ep. XXII, 13. LXX, 3: *Non enim vivere bonum*

ut satis. Nam, ut diu vivas, fato opus est; ut satis, animo. Longa est vita, si plena est: impletur autem, quum animus sibi bonum suum reddidit, et ad se potestatem sui transtulit. Quid illum octoginta anni iuvant per inertiam exacti? non vixit iste, sed in vita moratus est; nec sero mortuus est, sed diu. Octoginta, annis vixit! Interest, mortem eius, ex quo die numeres. — At ille obiit viridis! — Sed officia boni civis, boni amici, boni filii, exsecutus est; in nulla parte cessavit. Licet eius aetas imperfecta sit, vita perfecta est. Octoginta annis vixit! Imo octoginta annis *fuit*! nisi forte sic *vixisse* eum dicis, quomodo dicuntur arbores vivere. Obsecro te, Lucili, hoc agamus, ut, quemadmodum pretiosa rerum, sic vita nostra non pateat multum, sed multum pendat. Actum illam metiamur, non tempore. Vis scire, quid inter hunc intersit vegetum contemptoremque fortunae, functum omnibus vitae humanae stipendiis, atque in summum bonum eius evectum, et illum, cui multi anni transmissi sunt? Alter post mortem quoque est; alter ante mortem periiit. Laudemus itaque, et in numero felicitum re-

est, sed bene vivere. Et Ep. LXXVII, passim. *Ruhk.*

Longa est vita, si plena est. In hanc sententiam Plutarchus, consol. ad Apollonium: *Non longissima vita optima, sed honestissima.* Et addit: *Neque enim qui plurimum cithara cecinit, aut oravit, aut in navi gubernavit, sed qui bene, commendatur. Bonum autem non est in temporis diuturnitate situm, sed in virtute et decora proportionis.* (A Lipsio e graeco versum.)

Non vixit iste. Similis quoque Simonidis, qui interrogatus, quanto tempore vixisset? *Tempus haud mul-*

tum, inquit, annos vero complures. Quasi in temporis rationem non veniat, nisi vita bene acta.

Pretiosa rerum. Gemmae et lapides, etc. quae in brevitate pretium habent. *Lips.*

Stipendia. I. muneribus officiisque: ideoque nactum illud, quod summum est in vita. Allusio ad militiam est manifesta, quam attigit Wernsdorf. Esc. XVIII ad Poët. Lat. min. tom. II, pag. 351. *Ruhk.*

Ante mortem periiit. Acumen facile intelligis. Vita nimirum ei proprie non fuit vera, sed quae arboribus est: iam ante eam desiit, quam morte sublatus est. *Ruhk.*

ponamus eum, cui, quantulumcumque temporis contigit, bene collocatum est. Vidit enim veram lucem, non fuit unus e multis: et vixit, et vixit: aliquando sereno usus est; aliquando, ut solet, validi sideris fulgor per nubila emicuit. Quid quaeris, quamdiu vixerit? vixit, ad posteros usque transilivit et se in memoriam dedit.

Nec ideo mihi plures annos accedere recusaverim; nihil tamen mihi ad beatam vitam defuisse dicam, si spatium eius inciditur. Non enim ad eum diem me aptavi, quem ultimum mihi spes avida promiserat; sed nullum non tanquam ultimum aspexi. Quid me interrogas, quando natus sim? an inter iuniores adhuc censear? Habeo meum. Quemadmodum in minore corporis habitu potest homo esse perfectus; sic et, in minore temporis modo potest vita esse perfecta. Aetas inter externa est. Quamdiu sim, alienum est; quamdiu vero sum, vir bonus ut sim, meum est. Hoc a me exige, ne velut per tenebras aevum ignobile emetiar; ut agam vitam, non ut praetervehar.

Quaeris, quod sit amplissimum vitae spatium? Vsque, ad Sapientiam vivere! Qui ad illam pervenit, attingit non longissimum finem, sed maximum. Ille vero gloriatur audacter, et Diis agat gratias; interque eos sibi

Non fuit unus e multis. Int. novus, ut tam multi sunt, unus e grege hominum.

Et vixit. Ante haec verba, et Lipsius et Ruhk. addunt *et vixit*: nunc in caelo, ait Lipsius; ac male haec voces a vulgaris exulant. Miramur Schw. in criticis notis de hoc siluisse.

Nihil tamen mihi, a. e. R. A. Aberrat vulgo mihi. Schw. — *Nihil tamen...* inciditur. Spectant haec ad duas stoicum, quod saepius iam vi-

dimus, vitam beatam non magis intendi quam virtutem, unde oritur, e. c. Ep. xcix, 22. Ruhk.

Habeo meum. Id quod mihi assignatum et in potestate meo est. R.

Aetas inter externa est. I. fortuito, commoda, sumenda, producta, *προνυμνα*. Ruhk.

Quamdiu vero sum, vir bonus ut sim, meum est. Scripturam hanc e duabus aliis composui. Nimis concise et nullo sensu mss. a. e. et ed,

et rerum naturae imputet, quod fuit. Merito enim imputabit: meliorem illi vitam reddidit, quam accepit. Exemplar boni viri posuit; qualis quantusque esset, ostendit: si quid adiecisset, fuisset simile praeterito. Et tamen, quousque vivimus? Omnium rerum cognitione frui sumus. Scimus, a quibus principalis natura se attollat; quemadmodum ordinet mundum; per quas vices annum revocet; quemadmodum omnia, quae usquam erant, cluserit, et seipsam finem sui fecerit. Scimus, sidera impetu suo vadere: praeter terram nihil stare, caetera continua velocitate decurrere. Scimus, quemadmodum solem luna praetereat; quare tardior velociorem post se relinquat; quomodo lumen accipiat, aut perdat; quae causa inducat noctem, quae reducat diem. Illuc eundum est, ubi ista propius aspi-

A. quamdiu vero ut sim, meum est.
Ed. R. *quamdiu vero ut vir bonus sim,*
etc. Schw.

Imputet, quod fuit. Sensus postulare videtur, ut intelligas: illud quod a praestitit, nempe virum sapientem.

Si quid adj... simile praet. l. e. quod vitae adiecisset, fuisset simile praeteritae vitae.

Et tamen, quousque vivimus? Omnium rerum etc. Hand satis liquet huius loci sententia. Interrogandi singulum primus opposuit Muretus, quod delendum videtur, et cum praecedentibus connectenda ista, omnium rerum etc. ut hoc fere dixisse intelligat Philosophus: «Habet quidem » hoc commodi longior vita, ut, » quousque vivimus, magis magisque » fruamur cognitione naturae rerum. » Nec vero idcirco molasse ferre debemus exitum a vite: illuc enim » eundum est, ubi ista propius aspicias.» Schw. — Si vero vulgatam

interpunct. servaveris, optimus sensus erit: et nos tamen quem ad finem vitam continuare cupimus? omnis novimus quae cognoscende erant, ita ut longiore vita non opus sit. Sic intelligunt locum Rulík. et Lagrange.

Frui. Vt vulgo, sic ed. A. *Fructi* ms. a. quod et debnerat ms. c. in quo vitiose *fracti. Cogitatione functi* ed. R. Schw.

A quibus principalis natura. Sola ed. R. *ad quid princ.* *Principalis* tenent libri omnes, quod defendit Rulík. coll. Cic. N. D. II, 11, 29. Equidem cum Lipsio *principis* suspicatus eram: sed nil temere mutaverim. Nescio si *principalis natura* b. l. eadem dicatur, quae *summa illa ac pulcherrima omnium natura* appellatur Epist. xcv, scilicet *supremus Deus*, cui subiecti sunt quos *Deos* (plurali numero) appellat Noster. S. — *Scimus a quibus principalis etc.* In vita nostris rescii-

cias. — Nec hac spe, inquit Sapiens, illo fortius exeo, quod patere mihi ad Deos meos iter iudico. Merui quidem admitti, et iam inter illos fui; animumque illo meum misi, et ad me illi suum miserant. Sed tolli me de medio puta, et post mortem nihil ex homine restare; aequè magnum animum habeo, etiam si nusquam transitorius excedo. — Non tam multis vixit annis, quam potuit! — Et paucorum versuum liber est, et quidem laudandus, atque utilis. Annales Tanusii scis quam ponderosi sint, et quid vocentur.

vimos, quae sint ea, unde illa aeternitas unius penetrans et regens se attollat: *principalis, ὑπερσυνή*, quae rationis perfecta praedita ad illam maiestatem se sustulit. Caeterum dicere haud habeo, utrum modestiam in his, sa nimiam istius cognitionis aestimationem mirer. *Ruhk.*

Nec hac spe... iudico. Non illa spes propius istis aspiciendi mihi maiorem fortitudinem dedit e vita exeundi ad deos meos, quorum membrum et pars sum. Sed etiamsi totus essem periturus, sequē mortem eam contemnerem, postquam defuncto mihi nusquam locus esset. *Ruhk.*

Illo fortius. Vulgo, inquit sapiens ille, fortius exeo, cum *ms. o.* et *R. A.* Placuit illo fortius exeo, quod dedit *ms. o.* sive eo fortius intelligas, sive illo pro illuc accipias, ut saepius alibi; cui dein respondeat quod sequitur, *nusquam transitorius*. Si ille *b. l.* scripsit Seneca, referendum hoc fuerit ad ea quae supra: ille vero gloriatur audacter; et vocab. *sapiens* e scholio fuerit interpolatum. *Schw.*

Miserant. *a. c. A.* Vulgo miserant. *Schw.*

Tanusii recto *ms. a.* Nec aliud debuerant *c. R. A.* in quibus legitur

Tanusii. *Schw.* — *Tanusii* praestant codd. et praefert *Ger. lo. Vossius* de *Hist. Lat. 1, p. 59* ed. *Frej.* Antea: *Tanusii.* *Ruhk.*

Pond... vocentur. Quod vulgo hic legebatur, *non decori*, ant, quod ex multis quibusdam (quibus accedit noster *c.* et ed. *A.*) ascivit *Ruhkopf.* non decorosi, id alienum erat ab hoc loco, ubi vel longus liber, vel brevis erat nominandus. Vnice verum erat *ponderosi*, quod latebat in *nonderosi*, quod habet noster *ms. o.* cum aliis apud *Pine.* Nec vero nobis debetur haec emendatio; nam in eodem *ms. o.* litteram *p.* ad monstruosam vocem *nonderosi* isem alia manus superne appinxerat. Similiter vero et *Cicero* *ponderosam epistolam* dixerat, *longam* significans. *Schw.* — Opposit Seneca librum exiguae molis sed utilem: quem cum brevi at landanda vita comparat *Annalibus Tanusii*, libro satis amplo sed pravo et deriso, quem comparat cum vita longa at parum utili. Fuit quum arbitraret, *annales Tanusii* explicationis esse loco libri paucorum versuum atque utilis. Sed Seneca magis digna videtur ratio, quam secutus sum. *Ruhk.* — In *Sustonii Iulio, c. 9, Historia Tanusii*

Hoc est vita quorundam longa, quod Tanusii sequitur Annales. Numquid feliciorem iudicas eum, qui summo die muneris, quam eum, qui medio occiditur? numquid aliquem tam stulte cupidum esse vitae putas, ut iugulari in spoliario, quam in arena malit? Non maiore spatio alter alterum praecedimus. Mors per omnes it: qui occidit, consequitur occisum. Minimum est, de quo sollicitissime agitur. Quid autem ad rem pertinet, quamdiu vites quod evitare non possis? Vale.

Gemini memoratur: nec vero distat, esse istum. *Lipsius.* — Et quid vocentur, nempe quod illi Catullianis: *Annales Polusi, cacata charta.* L.

Hoc est vita quorundam longa, quod Tanusii, etc. Sic optima noster ms. c. item ms. a. nisi quod hic perperam habeat et quod Tanus. Volgo olim, *Haec est...* et quod Tan. quod revocavit Ruhn. postquam ex Mureting. editum fuisset *Haec est...* et

quod Tan. Schw. — Intel. vita quorundam est longa hoc, id est idcirco, quod sequitur, imitator annales Tanusii, quod ponderosa et tediosa est.

In spoliario. Pars arenae s. amphitheatri fuit, in qua indui, exui solebant, et laedi ac deinceps inutiles occidebant. Ego § Saturn. c. 18. *Lips.* — Sensus est: Ut occidi post proelium, quam in proelio melius.

EPISTOLA XCIV.

AN UTILIA SINT SPECIALIA DE OFFICIIS PRAECEPTA?

An praecepta moralia cuique personae proprie data necessaria sint, hac Epistola inquit. Nam Aristo stoicus quaestionem negat: quum ille, qui decreta philosophiae s. generalia praecepta intellexerit didiceritque, sibi ipse praecepiat, quid in quaque re faciendum sit 1—3. Cleanthes contra et universa et cuique personae propria, quae specialia vocamus, utiliter coniungenda esse statuit — 4. At primum, quod ad Aristonis sententiam attinet, repudiat illa specialia praecepta. Sunt enim nullius utilitatis illa praecepta et regulae, quamdiu menti error offusus est: quo demum discusso apparebit et ultro, quid cuique debeat officio — 5. Deinde non statim ita ad vivum exprimi possunt

illa praecepta, uti tamen fieri deberet, si actum progerminare et ad eum pertinere oportet, quum praecipiens non in hac ipsa conditione sit, de qua ipsi sermo est—10. Tum nec manifesta regulis indigent, et obscura ambiguaque probationibus adiuvari debent: itaque illa, per quae probas, satis per se sunt—13. Ad haec caput omnium errorum pravis opinionibus et praedudiciis continetur: quae non nisi universali Ethica corriguntur—14. Denique Ethica specialis incomprehensibile opus est, quum officiorum ambitus immensus sit—17. His respondet Seneca: Primum non esse satis, impedimenta, errores rel. amovisse, nisi et statim rectam viam monstraveris—24. Deinde non solum docere est propositum regulis, sed ut quae iam didiceris, reminiscaris. Regulae, quae formam sententiarum induunt, aut carmini intexta sunt, hoc assequuntur: excitant animum—31. Tum regulae speciales animum nostrum expergefaciunt, et indolem naturalem impellunt diriguntque ad ea, quae, si forte incidant quaedam, facienda sint—35. Tandem certus numerus praeceptorum cur non esse possit, haudquaquam clarum est—37.

Iam quum ab Aristone dicatur, legum et praeceptorum eadem fere esse conditionem, huic obiectioni ita obviam it, ut dicat, esse quidem hoc concedendum, sed inde non sequi, ea esse inutilia. Si enim consuetudo cum sapiente utilis est, quidni et eius praecepta conducant?—45. Adhaec praecepta vim praesentem habent in actiones nostras, fiduciam in nobismetipsis firman—48.

Supervacua sunt praecepta, obicitur, quoniam virtus in cognitione et animi habitu cognitionem illam sequendi constat. Respondetur, hoc tantum de sapiente valet, minime vero de imperfecto, qui impelli atque incitari debet, quin etiam in rectam viam dirigi. Sequitur ex his, esse in hac vita illam philosophiam paraeneticam s. praeceptivam necessariam: quare errores et praedudicia removenda sunt.

SENECA LVCILIO SVO SALVTEN.

Eam partem Philosophiae, quae dat propria cuique personae praecepta, nec in universum componit ho-

Eam partem... complexus est. Notat Epist. xcy, 1 παραπαιτικὴν, s. praeceptivam appellat hanc partem,

quam nos practicam vocare solemus, philosophiam moralem, quae plerumque obligationes imperfectas, quae

minem, sed marito suadet, quomodo se gerat adversus uxorem; patri, quomodo educet liberos; domino, quomodo servos regat; quidam solam receperunt, caeteras quasi extra utilitatem nostram vagantes reliquerunt: tanquam quis possit de parte suadere, nisi qui summam prius totius vitae complexus est. Sed 2 Aristo Stoicus e contrario hanc partem levem existimat, et quae non descendat in pectus usque. Ad illam habentem praecepta plurimum ait proficere ipsa decreta philosophiae constitutionemque summi boni; quam qui bene intellexit ac didicit, quid in quaque re faciendum sit, sibi ipse praecepit. Quemadmodum, qui iaculari discit, destinatum locum captat, et manum format ad dirigenda quae mittit; quum hanc vim ex disciplina et exercitatione percepit, quocum- 3 que vult, illa utitur (didicit enim non hoc aut illud ferire, sed quodcumque voluerit): sic, qui se ad totam vitam instruxit, non desiderat particulatim admoneri, doctus in totum; non enim quomodo cum uxore aut cum filio viveret, sed quomodo bene viveret: in hoc est et quomodo cum uxore ac liberis vivat. Cleanthes utilem quidem iudicat et hanc partem, 4

dicimus, continet, quoniam esse civium arbitrio relinquuntur, nec legibus diserte definiuntur. Instrumentum autem huius philosophiae practicae est Ethica, quae voluntatis emendandae, constituendae et ad bonum dirigendae regulas et rationes docet. *Ruhk.*

Aristo Stoicus. Conf. ad Epist. LXXXIX, 11. Fortasse haec excerptit Seneca ex Epist. Aristonis ad Cleanthes, quas solas Aristoni tribuebant (multa alia opera ab aliis ei adscripta excludebant) Pansaetina et Sositrotes, teste Diog. Laërt. VII, 163. *Ruhk.*

Ad illam habentem.... summi boni

Locum, misera vulgo deformatum, hand dubie restitimus ex vet. libris, praesertim ex ed. R. et m. a. Turbavarat et scribas nonnullos et interpres pronomen *illam*, quod opponi putaverunt ei, quam modo dixerat, *hanc partem*; non autem huic opponitur, sed ad eandem, quae proxima nominabatur, refertur. S. — Vulgo legebatur: *At illam non habentem praecepta, plurimum ait proficere; ipsaque decreta philosophiae, constitutionem aze summi boni.*

Cleanthes utilem, etc. Non verosimile est, epistolarum amoebarum

sed imbecillam, nisi ab universo fluit, nisi decreta ipsa philosophiae et capita cognovit.

In duas ergo quaestiones locus iste dividitur: Vtrum utilis, an inutilis sit; et an solus virum bonum possit efficere; id est, utrum supervacuus sit, an omnes faciat supervacuos. Qui hanc partem videri volunt supervacuam, hoc aiunt: Si quid oculis oppositum moratur aciem, removendum est: illo quidem obiecto operam perdidit, qui praecepit: « Sic ambulabis, illo manum porriges! » Eodem modo, ubi aliqua res obcaecat animum, et ad officiorum dispiciendum ordinem impedit, nihil agit, qui praecepit: « Sic vives cum patre, sic cum uxore. » Nihil enim proficient praecepta, quamdiu menti error offusus est: si ille discutitur, apparebit quid cuique debeatur officio. Alioquin doces illum, quid sano faciendum sit, non efficias sanum. Pauperi, ut agat divitem,* monstras; hoc quomodo manente paupertate fieri potest? Ostendis esurienti, quid tanquam satur faciat; fixam potius medullis famem detrahe. Idem tibi de omnibus vitiis dico: ipsa removenda sunt; non praecipiendum, quod fieri illis manentibus non potest. Nisi opiniones falsas, quibus laboramus, expuleris; nec avarus, quomodo pecunia utendum sit, exaudiet; nec timidus, quomodo periculosa contemnat. Efficias oportet, ut sciat, pecuniam nec bonum, nec malum esse; ostendas illi miserrimos divites: efficias, ut, quidquid publice ex-

Cleanthis et Aristonis argumenta fuisse posita in disquisitione huius rei. Cleanthes itaque illam philosophiae partem utilem esse dixit. Aristo autem inutilem esse censebat. Ruhk.

Vtrum supervacuus sit (ille locus de specialibus praeceptis), an omnes

faciat supervacuos. Suppl. alios locos, alius scientiae partes.

Qui hanc partem videri volunt, sc. Aristo eiusque assectae. Ruhk.

Illo quidem obiecto, in vitiis libris vulgo, illo non obiecto. Schw.

Periculosa, a. q. d. Vulgo pericula. Schw.

pavimus, sciat non esse tam timendum quam fama circumfert, nec dolere quoque, nec mori. Saepe in morte, quam pati lex est, magnum esse solatium, quod ad neminem redit: in dolore pro remedio futuram obstinationem animi, qui levius sibi facit quidquid contumaciter passus est. Optimam doloris esse naturam, quod non potest, nec, qui extenditur, magnus esse; nec qui est magnus, extendi. Omnia fortiter excipienda, quae nobis mundi necessitas imperat. His decretis quum illum in conspectum suae conditionis adduxeris, et cognoverit beatam esse vitam, non quae secundum voluptatem est, sed secundum naturam; quum virtutem unicum bonum hominis adamaverit, turpitudinem solum malum fugerit; reliqua omnia, divitias, honores, bonam valetudinem, vires, imperia, scierit esse mediam partem, nec bonis annumerandam, nec malis: monitorem non desiderabit ad singula, qui dicat: « Sic incede, sic coena! Hoc viro, hoc feminae, hoc marito, hoc caelibus convenit! » Ista enim qui diligentissime monent, ipsi facere non possunt. Haec paedagogus puero, haec avia nepoti praecipit; et, irascendum non esse, magister iracundissimus disputat. Si ludum litterarium intraveris, scies ista,

Nec dolere quoque, nec mori. Int. nec dolorem, nec mortem ipsam tam timendum esse quam fama circumfert.

Ad nem.... redit. Quod mortis dolorem semel tantum pati possumus.

In dolore. Supple sciat.

Qui levius sibi facit quidquid cont. passus est. Sic et Horatius Od. xx, lib. I: *Sed levius fit patientia Quid quid corrigere est nefas.*

Excipienda, a. e. R. A. una accipienda, ut vulgo. Schw.

Ista enim... non possunt. Specialia non possumus ex doctrina ista di-

scere, sed ex exemplis, quae videmus ei ad quae nos comparamus. Exempla autem praecceptores isti dura non possunt multis ex causis, e. g. quia aetas, conditio, etc. impediunt, quia res, de quibus praeccepta dant, saepe mutantur, etc. Sic paedagogus, qui est servus, puero libero, sic avia, quae est vetula, nepoti praecipunt. R.

Si ludum... praescripto, vulgaris et trita esse ac pueris tantum digna, non qualibet aetate et nullis probationibus adita, etc. Rohk. — *In praescripto,* i. e. in generis et sententia

quae ingenti supercilio philosophi iactant, in puerili esse praescripto.

- ¹⁰ Vtrum deinde manifesta, an dubia praecipies? Non desiderant manifesta monitorem; praecipienti dubia non creditur: supervacuum est ergo praecipere. Id adeo sic disce. Si id mones, quod obscurum est et ambiguum, probationibus adiuvandum erit: si probaturus es, illa per quae probas plus valent, satisque per se sunt. «Sic amico utere, sic cive, sic socio! — Quare? — quia iustum est.» Omnia ista mihi *de Iustitia* locus ¹¹ tradit. Illic invenio aequitatem per se expetendam, nec metu nos ad illam cogi, nec mercede conduci; non esse iustum, cui quidquam in hac virtute placet, praeter ipsam. Haec quum persuasi mihi et perbibui, quid ista praecepta proficiunt, quae eruditum docent? Praecepta dare scienti, supervacuum est; nescienti, parum. Audire enim debet, non tantum quid sibi ¹² praecipiat, sed etiam quare. Vtrum, inquam, veras opiniones habenti de bonis malisque sunt necessaria, an non habenti? Qui non habet, nihil a te adiuva-bitur; aures eius contraria monitionibus tuis fama

quae describendae et ediscendae proponuntur. Ita infra: *Pueri ad praescriptum discunt, digiti illorum tenentur.* Praescriptum ergo exemplat. *L.*

Vtrum deinde manifesta. Ruhkopf. *utrum manifesta deinde:* sic, inquit, Pinc. et Grut. mss. omnes. Antea legebatur *utrum manifesta demum.*

Non desiderant manifesta monitorem. Ruhk. qui scripsit *monitores*, interpretatur: non id agnot, ut certa proferant, quasi censuisset vocem *monitores* esse phrasin nominativum. Sensus est: Manifesta non egent monitore ut monstrantur.

Id adeo, i. e. igitur tali modo rem animo complectaris. Ruhk.

Perbibui Perhibui, prohibui, aberrationes librariorum. Ruhk.

Quae eruditum docent. At nubis in eo videtur utilis esse moralis praecipitiva, quod quum omnes consentiant de regula generali ponenda, plurimi saepe de eadem regula applicanda dissensiant. Apud omnes populos semper constitit coleunda aequitas: sed aliud aliis iustum saepe visum est: ideo specialia praecepta utilia videntur, ut doceantur homines quomodo iustitiam in variis vitae officiis exercent.

possedit: qui habet exactum iudicium de fugiendis petendisque, scit quid sibi faciendum sit, etiam te tacente. Tota ergo pars ista philosophiae submoveri potest.

Duo sunt, propter quae delinquimus: aut inest animo pravis opinionibus malitia contracta; aut, etiam si non est falsis occupatus, ad falsa proclivis est, et cito, specie quo non oportet trahente, corrumpitur. Itaque debemus aut percurare mentem aegram, et vitiis liberare; aut vacantem quidem, sed ad peiora pronam, praeoccupare. Vtrumque decreta philosophiae faciunt; ergo tale praecipendi genus nil agit.

Praeterea, si praecepta singulis damus, incomprehensibile opus est. Alia enim dare debemus foeneranti, alia colenti agrum, alia negotianti; alia regum amicitias sequenti; alia pares, alia inferiores amaturum. In matrimonio praecipies, quomodo vivat cum uxore aliquis, quam virginem duxit; quomodo cum ea, quae alicuius ante matrimonium experta est; quemadmo-

Aures eius.... possedit. I. opinio ab aliis admota si persuasionem dedit contrariam lais monitionibus, quas itaque nihil proficient. *Ruhk.*

Ad falsa proclivis est. Quam omnes *παρταξις* (vicia, species) per sensus cum animo, quippe qui in nascens infante cum pura chara comparabatur, communicentur, illi autem neque de bono, neque de malo iudicare possint; recta vel malitia pravis opinionibus (*ὁμιλίαι*) contrahi, vel animus ad falsa proclivis esse dicebatur, donec ratio, sine qua nullam bonam est, excoleretur. *R.*

Percurare m. ae. Sic recte codic. neque opus religi curare, aut dabi-

lari, annon procurare, quod Erasmus et quidam habuere, sit praepone-dam. *Gronov.* — Vnum vocis confusionem lexica. *Ruhk.*

Aut vacantem quidem, i. e., nullis pravis opinionibus occupatam: male in aliis libris legebatur *vagamtem*. *Muretus.*

Negotianti i. e. mercatori, qui pecunia in provincia foenori locandis et quovis emptiois venditionis genera quaestum faceret, sub imperatoribus. *Cf. Ernesti clavis Cic. h. v. et Petr. Burmann. ad Petron. 101. Ruhk.*

Praecipies. Vulgo praecipias. Schw.

- dum cum locuplete; quemadmodum cum indotata.
- ¹⁵ An non putas aliquid esse discriminis inter sterilem et foecundam, inter proveciorem et puellam, inter matrem et novercam? Omnes species complecti non possumus: atqui singulae propria exigunt. Leges autem
- ¹⁶ philosophiae breves sunt, et omnia alligant. Adice nunc, quod sapientiae praecepta finita esse debent, et certa: si qua finiri non possunt, extra sapientiam sunt; sapientiam rerum terminos novit. Ergo ista praeceptiva pars submovenda est: quia, quod paucis promittit, praestare omnibus non potest: sapientia
- ¹⁷ autem omnes tenet. Inter insaniam publicam, et hanc, quae medicis traditur, nihil interest, nisi quod haec morbo laborat, illa opinionibus falsis. Altera causas furoris traxit ex valetudine; altera, animi mala valetudo est. Si quis furioso praecepta det, quomodo loqui debeat, quomodo procedere, quomodo in publico se gerere, quomodo in privato; erit ipso, quem monebit, insanior: scilicet bilis nigra curanda est, et ipsa furoris causa removenda. Idem in hoc alio animi furore faciendum est: ipse discuti debet; alioquin abibunt in vanum monentium verba.
- ¹⁸ Haec ab Aristone dicuntur. — Cui respondebimus ad singula. Primum adversus illud, quod ait, « si

Sapientiae praecepta. Vulgo legitur in edd. *sapientis praec.* Schw.

Paucis promittit, praestare omnibus non potest: praecepta enim dantur paucioribus tantum conditionibus, ut liberis in parentes, parentibus in liberis; sed non dari possunt omnibus conditionibus humanis, quae diversis personarum qualitatibus, ingeniis, temporum et locorum respectu, ad infinitum variantur.

Inter insaniam publicam qua po-

puli gentesque laborant, praeter sapientem. Vide illud paradoxon stoicorum: omnes stultos (qui neque philosophiae student, neque sunt proficientes, neque sapientes) insanire. Horatium Serm. II, 3 hoc paradoxon tenuisse constat. Ruhk.

Scilicet bilis nigra. E Grut. mss. qui habent *Si*, probante Grutero, recepi. Ruhk.

Primum adversus illud, etc. Spectant haec ad §. 4 sq.: *Si quid oculus*

quid obstat oculo, et impedit visum, debere removeri. » Fateor, huic non esse opus praeceptis ad videndum, sed remedio quo purgetur acies, et officientem sibi moram effugiat. Natura enim videmus; cui¹⁹ usum sui reddit, qui removet obstantia. Quid autem cuique debeatur officio, natura non docet. Deinde cuius curata suffusio est, is non protinus, quum visum recepit, aliis quoque potest reddere: malitia liberatus et liberat. Non opus est exhortatione, ne consilio quidem, ut colorum proprietates oculus intelligat; a nigro album, etiam nullo monente, distinguat: multis contra praeceptis eget animus, ut videat, quid agendum sit in vita. Quamquam oculis quoque²⁰ aegros medicus non tantum curat, sed etiam monet. Non est, inquit, quod protinus imbecillam aciem committas improbo lumini; a tenebris primum ad umbrosa procede, deinde plus aude, et paulatim claram lucem pati assuesce; non est quod post cibum studeas; non est quod plenis oculis ac tumentibus imperes;

*oppositum moratur aciem, removen-
dum est, etc. Docet noster, compo-
sitionem, qua Aristo usus erat, non
convenire. Ruhk.*

*Suffusio oculorum, ὑπόχθσις. Cels.
VI, 6, 35, p. 37: hip.: suffusio, sit,
quam Graeci ὑπόχθσις nominant, in-
terdum oculi potentiae, quae cernit,
se opponit. Ruhk.*

*Malitia liberatus et liberat. Int.
Contra, qui malitia liberatus est,
qui a vitiorum laqueis clapsus est, is
alius docera potest quomodo vitia
effugiant.*

*Non opus est exhortatione. Hic in-
cipit aliud argumentum quo demon-
stratur quam falsa sit comparatio,*

*Oculis quoque aegros. Sic recte ma-
a. non oculos, ut vulgo: nec enim*

oculos monet medicus, sed aegros. S.

Non est, inquit medicus. Ruhk.

*Improbo, i. nimis forti. Cf. Hey-
nius ad Virgil. Georg. I, 119. Ruhk.*

*Oculis plenis ac tumentibus imperes.
Nuper vir doctus (in novis litteris
univ.) abiecto verbo evita, iungenda
ista censuit, imperes offlatum... oc-
currentis. Schw. — Lipsius explicans
plenis ac tumentibus, sic, inquit,
Sueton. Tiber. c. 7 contentibus an-
tumentibus oculis prosequi: quod sit,
ubi figimus oculos, atque ipsos velat
intendimus, et spiritu implemus. Fit
in amore, fit in distino intuitu. Ex
qua nota parum auxilii petendum est.
Ruhkopf, locum pro suspecto habet.
Ambulor, inquit, aut tale quid exspe-
ctabam. Fuit, quum arbitrarer scri-*

afflatum et vim frigoris in os occurrentis evita. Alia eiusmodi, quae non minus quam medicamenta proficiunt, adiecit remediis medicina consilia. — « Error, inquit, est causa peccandi; hunc nobis praecepta non detrahunt, nec expugnant opiniones de bonis ac malis falsas. » Concedo, per se efficacia praecepta non esse ad evertendam pravam animi persuasionem; sed non ideo, ne aliis quidem adiecta, proficiunt? Primum memoriam renovant; deinde, quae in universo confusius videbantur, in partes divisa diligentius considerantur. Aut tu isto modo licet et consolationes dicas supervacuas, et exhortationes; atqui non sunt supervacuae; ergo ne monitiones quidem. — « Stultum est, inquit, praecipere aegro, quid facere tanquam sanus debeat; quum restituenda sanitas sit, sine qua irrita sunt praecepta. » Quid, quod habent aegri quaedam sanique communia, de quibus

plum esse non: est, quod p. a. s. o. ingeras afflatum et vim frigoris in os incurrentis: evita alia, etc. Amat autem sic uti noster τὸ ingere; c. c. §. 68: Omnia ista exempla, quae oculis atque auribus ingeruntur. — Locum optime interpret. Lagrange: Ne forcez point vos yeux quand ils sont pleins et gonflés. Schwaign. interpretatur quasi post imperes, intelligendum esset: ut post cibum libris et studiis viol. solenti (oculi).

Alia eiusmodi... adiecit remediis medicina consilia. Postremum vocab. exconjectura correxi. Vulgo consilium libri omnes: quod vocab. prorsus abiciendum censui idem, quem modo dicebam, vir doctus. Si tenens consilium, distinguenda fuerit oratio, ut in superioribus editionibus: in os occurrentis evita: alia eiusmodi... proficiunt. Adiecit rem. med. consilium.

At sicoliose repetitum fuerit id quod paulo ante dixerat, medicus non tantum curat, sed etiam monet. Schw.

Error, inquit... proficiunt? Aristot. §. 5: Nihil enim proficiunt praecepta, quamdiu menti error offusus est. Sed an ideo nullam utilitatem habent, nec si aliis e. c. memorias adiecta fuerint? (nisi enim post proficiunt signum interrog. ponas, nullum sensum elicias satis idoneum.) Rohk.

Aut tu. Sic libri vet. At tu add. a Gronov. Schw.

Ergo ne monitiones quidem. Recte hoc monet Seneca: magna adeo educationis pars et legum in vauis alibit. Quumvero non recte hic omisio videtur sententiam Aristonis quum de virtute, quam in sola scientia boni malique, atque in habitu animi, quam didicit, scitis sua expromendi (πορῆτα & ἐπιστήμη), tum de vitiis,

admonendi sunt? tanquam, ne avide cibos appetant, ut lassitudinem vitent. Habent quaedam praecepta communia pauper et dives. — «Sana, inquit, avaritiam, et nihil habebis quod admoneas aut pauperem, aut divitem, si cupiditas utriusque considet.» Quid quod aliud est, non concupiscere pecuniam, aliud, uti pecunia scire? cuius avari modum ignorant, etiam non avari usum. «Tolle, inquit, errores; supervacua praecepta sunt.» Falsum est! puta enim avaritiam relaxatam; puta adstrictam esse luxuriam, temeritati fraenos iniectos, ignaviae subditum calcar: etiam remotis vitiis, quid, et quemadmodum, debeamus facere, discendum est. — «Nihil, inquit, efficient monitiones, admotae gravibus vitiis.» Ne medicina quidem morbos insanabiles vincit; tamen adhibetur aliis in remedium, aliis in levamentum. Ne ipsa quidem universae philosophiae vis, licet tota in hoc vires suas advocet, duram iam et veterem animis extrahit pestem; sed non ideo nihil sanat, quia non omnia. — «Quid prodest, inquit, aperta monstrare?» Plurimum! interdum enim scimus, nec attendimus. Non docet admonitio, sed advertit, sed excitat, sed memoriam continet, nec patitur elabi. Pleraque ante oculos posita transimus; admonere genus adhortandi est. Saepe animus etiam aperta dissimulat; ingerenda est itaque illi notitia rerum notissimarum. Illa hoc

quod in sua inscientia ponebat. Contra hanc divisionem et definitionem Chrysippus disputavit. Cf. Philolog. Bibl. I. I. Rohk.

Consideret teneat a. e. A. cum edd. Consedit malebam, aut considerit. Consideret habet ed. R. pro quo oecio an considerit dare debuerit, a verbo Considero. Schw.

Quid quod... usum. Refutat Noster comparationem Aristonis. Vitia, quibus uterque laborat, non ex eodem fonte manant: ille ignorat modum, hic pauper malum usum. R.

Discendum est. Carere enim vitiis, ea innocentia est: at philosophia non solum innocentem, sed etiam virtute praeditum efficere tendit. Ergo nos

loco in Vatinius Calvi repetenda sententia est: « Factum esse ambitum, scitis; et, hoc vos scire, omnes sciunt. » Scis, amicitias sancte colendas esse; sed non
 26 facis: scis improbum esse, qui ab uxore pudicitiam exigit, ipse alienarum corruptor uxorū: scis, ut illi nil cum adultero, sic tibi nil esse debere cum pellice; et non facis. Itaque subinde reducendus es ad memoriam: non enim reposita illa esse oportet, sed in promptu. Quaecumque salutaria sunt, saepe agitari debent, saepe versari; ut non tantum nota sint no-
 27 bis, sed etiam parata. Adiice nunc, quod aperta quoque apertiora fieri solent. — « Si dubia sunt, inquit, quae praecipis, probationes adiicere debebis: ergo illae, non praecepta, proficient. » — Quid quod, etiam sine probationibus, ipsa monentis auctoritas prodest? sic quomodo iurisconsultorum valent responsa, etiam si ratio non redditur. Praeterea ipsa, quae praeciipiuntur, per se multum habent ponderis, utique si aut carmini intexta sunt, aut prosa oratione
 28 in sententiam coarctata; sicut illa Catoniana, « Emas, non quod opus est, sed quod necesse est. Quod non opus est, asse carum est. » Qualia sunt illa, aut red-dita oracula, aut similia: « Tempori parce! Te nosce! » Numquid rationem exiges, quum tibi aliquis hos dixerit versus?

Iniuriarum remedium est oblivio.

Audentes fortuna iuvat.

Piger ipse sibi obstat.

docere debet quomodo virtus exercenda sit.

Vatinius, quem in gratiam Caesaris et Pompeii Cicero defendit, C. Licinius Calvus accusavit ambitus crimine. Cf. Nie. Faber ad M. Senecae III Controvers. 19, 8. Ruhl.

Si dubia sunt, inquit, Aristo supra §. 10. Ruhl.

Quid... redditur. Seneca est responsio. Vides tamen, haec et multa alia, quae hic profert Noster, parum ponderis habere posse ad Aristonis sententiam evolvendam, quippe qui omnia ad rectam sententiam et habitum animi retulerit. Ruhl.

Catoniana. Cf. Erasmi Adag. Chil. IV. Cent. IV, penult.

Advocatum ista non quaerunt; affectus ipsos tangunt, 29
et natura vim suam exercente proficiunt. Omnium
honestarum rerum semina animi gerunt, quae admo-
nitione excitantur; non aliter quam scintilla, flatu
levi adiuta, ignem suum explicat. Erigitur virtus,
quum tacta est et impulsa. Praeterea quaedam sunt
quidem in animo, sed parum prompta; quae incipiunt
in expedito esse, quum dicta sunt. Quaedam diver-
sis locis iacent sparsa, quae contrahere inexercitata
mens non potest. Itaque in unum conferenda sunt, 30
et iungenda, ut plus valeant, animumque magis al-
levant. Aut, si praecepta nihil adiuvant, omnis insti-
tutio tollenda est; ipsa natura contenti esse debemus.
Hoc qui dicunt, non vident, alium ingenii esse mo-
bilis et erecti, alium tardi et hebetis; utique alium
alio ingeniosorem. Ingenii vis praeceptis alitur et
crescit, novasque persuasiones adiicit innatis, et de-
pravata corrigit.

« Si quis, inquit, non habet recta decreta, quid 31
illum admonitiones iuvabunt vitiis obligatum? » Hoc
scilicet, ut illis liberetur. Non enim extincta in illo
indoles naturalis est, sed obscurata, et oppressa: sic
quoque tentat resurgere, et contra prava nititur:
nacta vero praesidium, et adiuta praeceptis, conva-
lescit; si tamen illam diutina pestis non infecit, nec

Iniuriarum... obstat. Versus hi-
forasse a Publii Syri mimis, quos
Nostrum magni fecisse constat, repe-
liti sunt: mox in proverbium abierunt,
idque merito. *Rohk.*

Hoc qui dicunt, scilicet praecepta
nihil proficere ad virtutem suaden-
dam.

Alium alio ingeniosorem Sic a. a.
A. Vulgo *alius alio ingeniosior est*
ex ed. R. Schw.

Convalescit. Sic vulgo. *Evalescit*
dat Schw. ex a. c. A.

Si tamen illam diutina pestis non
infecit, nec e. Sic omnes mss. Mu-
retus tamen Pincianum secutus dedit:
pestis infecit. — *Si tamen...* caecum,
i. e. Praeceptorum ope bona iudoles
naturalis convalescit, ea tamen con-
ditione, ut morbo diutino non om-
nino corrupta ac interempta sit. Sic

enecuit; hanc enim ne disciplina quidem philosophiae,
³² toto impetu suo connisa, restituet. Quid enim inter-
 est inter decreta philosophiae et praecepta, nisi quod
 illa generalia praecepta sunt, haec specialia? Vtraque
 res praecipit: sed altera in totum, particulatim al-
 tera. — «Si quis, inquit, recta habet et honesta de-
 creta; hic ex supervacuo monetur.» Minime! nam
 hic quoque doctus quidem est facere, quae debet;
³³ sed haec non satis perspicit. Non enim tantum affe-
 ctibus impedimur, quo minus probanda faciamus,
 sed imperitia inveniendi quid quaeque res exigat.
 Habemus interdum compositum animum, sed resi-
 dem, et inexercitatum ad inveniendam officiorum
 viam, quam admonitio demonstrat. — «Expelle, in-
 quit, falsas opiniones de bonis et malis, in locum
 autem earum veras repone; et nihil habebit admo-
³⁴ nitio quod agat. «Ordinatur sine dubio ista ratione
 animus; sed non ista tantum. Nam quamvis argumen-
 tis collectum sit, quae bona, quae mala sint; ni-
 hilominus habent praecepta partes suas: et prudentia,
 et iustitia officiis constant; officia praeceptis disponun-
 tur. Praeterea ipsum de bonis malisque iudicium
 confirmatur officiorum executione, ad quam prae-
 cepta perducunt. Vtraque enim inter se consentiunt:
 nec illa possunt praecedere, ut non haec sequantur;
 et haec ordinem sequuntur suum: unde apparet illa
³⁵ praecedere. — «Infinita, inquit, praecepta sunt.»

periodus haec antecedenti satis bene
 iungitur. Rukh.

Sed haec non satis perspicit. Sic a.
 c. Vulgo *sed ad haec* (adhuc Mar.)
 n. s. p. S. — I. e. non perspicit quae
 debet facere. Rukh. interpret. non
 ita profecit, ut particulatim omnia
 praelegeret, quae obstat, quo minus

virtutem exerceat, officiisque satis-
 faciat: etiamsi sit *compositus animus*,
 ad virtutem proclivis, ordinatusque.

Nec illa possunt praecedere. Int.
 nec generalia principia quibus de bo-
 nis malisque iudicamus possunt prae-
 cedere, quin praecepta specialia se-
 quantur: nam illa specialia necessario

Falsum est! Nam de maximis ac necessariis rebus non sunt infinita; tennes autem differentias habent, quas exigunt tempora, loca, personae. Sed his quo-³⁶ que dantur praecepta generalia. — «Nemo, inquit, praeceptis curat insaniam; ergo ne malitiam quidem.» Dissimile est! Nam si insaniam sustuleris, sanitas reddita est: si falsas opiniones exclusimus, non statim sequitur dispectus rerum agendarum: ut sequatur, tamen admonitio corroborabit rectam de bonis malisque sententiam. Illud quoque falsum est, nihil apud insanos proficere praecepta: nam quemadmodum sola non prosunt, sic curationem adiuvant; et denunciatio, et castigatio insanos coërcuit. De illis insanis nunc loquor, quibus mens mota est, non erepta.

«Leges, inquit, ut faciamus quod oportet, non ef-³⁷ ficiunt: et quid aliud sunt, quam minis mixta praecepta?» Primum omnium, ob hoc illae non persuadent, quia minantur; et haec non cogunt, sed exorant. Deinde leges a scelere deterrent; praecepta in officium adhortantur. His adice, quod leges quoque proficiunt ad bonos mores; utique si non tantum imperant, sed docent. In hac re dissentio a Posidonio;³⁸ qui: «Non probo quod Platonis legibus adiecta prin-

derivantur a generalibus praeceptis, quorum nihil aliud sunt quam applicatio.

Inquit. Haec Aristo §. 17.

Denuntiatio, i. e. criminalis, periculi admonitio. Lips.

Utique si non tantum imperant, sed docent... Posidonio. Censebat igitur Posidonius, leges proœmiis atque explicationibus carere debere, in quo discedebat Noster ab eo. Quidam tamen, et inter illos Ruhk. con-

trariam Posidonio tribuunt opinionem, et Senecam *principia legibus adiecta* improbare signant. Vid. ant. sq.

Qui: «Non probo quod. Sic nos tentavimus ex Mureto, qui ex ingenio: non probo quod (sine qui) dedit, ab omni editionibus dia receptum, et ex Schw. qui dedit, qui pro eo quod ex mss. a. et Pal. 2; pro eo quod (absque qui) c. R. A. Supplendum est, ait Posidonius, post probo.

cipia sunt: Legem enim brevem esse oportet, quo facilius ab imperitis teneatur. Velut emissâ divinitus vox sit: iubeat, non disputet. Nihil videtur mihi frigidius, nihil ineptius, quam lex cum prologo. Mone, dic, quid me velis fecisse! non disco, sed pareo.» Proficiunt vero: itaque malis moribus uti videbis civitates usas malis legibus. — «At non apud omnes proficiunt!» — Ne philosophia quidem: nec ideo inutilis, et formandis animis inefficax est: quid autem Philosophia, nisi vitae lex est? Sed, putemus non proficere leges; non ideo sequitur, ut ne monitiones quidem proficiant: aut sic et consolationes nega proficere, dissuasionisque, et adhortationes, et obiurga-

Legibus edicta pr. sunt. Quod probat Cicero de Legg. II, 6: Sed ut... fecit Plato, id mihi credo faciendum, ut, priusquam ipsam legem recitem, de eius legis laude (i. e. commendatione) dicam. Egregio monet Heynius Opusc. acad. II, p. 43, in tam diversa indicis eisdem hanc rem distrahi posse pro diversa hominum sensu, pro diversoque rerum hominumque respectu: alter servilibus ingenuis imperari, ingenuis at civilibus praecipere vult alter. Seneca respexit leges romanas: ea enim, quas iura civili constituuntur, vix proemia vulgus de iuris aut ratione aut aequitate edocentis admittunt: et in istis legibus, quam politiam vocamus, vel maxime continebatur una cum ethica. Plato de Proemia legibus praemittendis exposuit De Legg. IV, p. 198 et init. I. V, l. VIII bip. R.

Legem enim. Hic tantum in ed. Schw. incipit Posidonius inquit: itaque adiect ex conject. verbum ait, quod abest libris. Suspiciari poterat, in-

quit, delendam vocem anim, et eius loco ponendum verbum ait. S. — Omnia sunt perspicua, si verba Posidonii incipiant a Non probo.

Lex cum prologo. Mone, dic, etc. Sic vulgè ex conject. Erasmi. Lex cum prolegomene. Dis etc. ms. a. c. Prologomene R. A. Pralegomene e suis citavit Grul. Schw.

Proficiunt vero (supple leges, quas omnesque sint). Da nostra hoc conjectura est. Proficiuntur dabit ms. a. cum Pal. 1, et 4, ubi sub duabus ultimis litteris particulam verna suspensam emulatore. Vulgo nuda Proficiunt: itaque malis morib. etc. Coniectare etiam poteras, collatis praesertim Gruterianis lectionibus, Proficiunt utique: itaque, etc. S.

Itaque malis moribus. Itaque videmus malis moribus uti eas civitates, quae malis legibus utebantur. R.

At non.... proficiunt. Obiectio nova est Aristonis: cui respondet illa: Na philosophia.... est? Rubb.

tiones, et laudationes. Omnia ista monitionum genera 40 sunt; per ista ad perfectum animi statum perveniuntur. Nulla res magis animis honesta induit, dubiosque et in pravam inclinabiles revocat ad rectum, quam bonorum virorum conversatio. Paulatim enim descendit in pectora, et vim praecepti obtinet, frequenter aspici, frequenter audiri. Occursus mehercules ipse sapientium iuvat; et est aliquid, quod ex magno vel tacente proficias. Nec tibi facile dixerim quemadmo- 41 dum prosit, sicut illud intelligo, profuisse. « Minuta quaedam, ut ait Phaedo, animalia, quum mordent, non sentiuntur; adeo tenuis illis et fallens in periculum vis est: tumor indicat morsum, et in ipso tumore nullum vulnus apparet. Idem tibi in conversatione virorum sapientium eveniet: non deprehendes quemadmodum, aut quando tibi prosit; profuisse deprehendes. » Quorsus, inquis, hoc pertinet? Aequae 42 praecepta bona, si saepe tecum sint, profutura quam bona exempla. Pythagoras ait, « alium animum fieri intrantibus templum, Deorumque simulacra ex vicino cernentibus, et alicuius oraculi opperientibus vocem. »

Nulla res magis animis honesta induit. Sic ms. a. ut vulgo. Sed animos a. R. a. nude cum Grulero coniicias, animos honestos induit. Schw.

Sicut illud intelligo. Et hoc nostra da coniect. Vulgo sic ut illud intelligam. Schw.

Nec tibi... profuisse. Id. quamquam facile intelligo mihi profuisse, non possum facile dicere quemadmodum profuerit mihi conversatio illa bonorum.

Phaedo. Phaedo Eliensis, Eliacae sectae auctor, Socratis discipulus, cuius nomine Dialogum celeberrimum

de immortalitate animae inscripsit Plato. Scripsit Dialogos, qui omnes perierunt, et unde haec, quas laudavit noster, desumpta sunt. Cf. Fabricii Bibl. Graec. lib. II, c. 23, §. 39. H.

Inquis recte libri veti. Vulgo inquit. Schw.

Pythagoras. Hoc ita apud Cic. II de Legg. c. 11: *Et illud bene dictum est a Pythagora, doctissimo viro, tum maxime et pietatem et religionem versari in animis, quum rebus divinis operam daremus.* Lips.

Et alicuius oraculi etc. Sic a. s. R. A. ut vulgo: sed videtur com Piss.

Quis autem negaverit, feriri quibusdam praeceptis
 43 efficaciter etiam imperitissimos? velut his brevissimis
 vocibus, sed multum habentibus ponderis:

..... *Nihil nimis!*

Avarus animus nullo satiatur lucro.

Ab alio exspectes, alteri quod feceris.

Haec cum ictu quodam audimus, nec ulli licet dubitare, aut interrogare, *quare?* adeo, etiam sine ratione, ipsa veritas ducit. Si reverentia fraenat animos ac vitia compescit, cur non et admonitio idem possit?

- 44 Si imponit pudorem castigatio, cur admonitio non faciat, etiam si nudis praeceptis utitur? Illa vero efficacior est, et altius penetrat, quae adjuvat ratione quod praecipit; quae adiecit, quare quidque faciendum sit, et quis facientem obedientemque praeceptis fructus exspectet. Si imperio proficitur, et admonitione: atqui proficitur imperio; ergo et admonitione.
- 45 In duas partes virtus dividitur, in contemplationem veri, et actionem; contemplationem institutio tradit, actionem admonitio. Virtutem et exercet, et ostendit recta actio: acturo autem si prodest qui suadet, et, qui monet, proderit. Ergo si recta actio virtuti necessaria est, rectas autem actiones admonitio demonstrat; et admonitio necessaria est. Duae res plurimum roboris animo dant, fides veri, et fiducia: utramque
- 46 admonitio facit. Nam et creditur illi, et, quum cre-

et Palat. 2. et Col. in hunc modum supplenda oratio, et *alium ante fores alicuius* etc. nisi uberius eliam, et *alium ante fores stantibus*, et *alicuius*, etc. Schw.

Nihil nimis. Chilonis effatum. Plinius lib. VII, cap. 32 dicit huius sapientis praecepta litteris aureis in fronte templi Delphici scripta fuisse.

Avarus, etc. Hic versus et sequens e Publii Syri sententiis repetiti esse videntur. Ruhk.

In duas partes. Haec est Stoen divisio, quam saepe explicat Noster, c. c. de Vita Beat. 31, 32, cf. supra ad §. 22. Attigit hanc divisionem Lipsius in *Mœand.* II, 5. Ruhk.

ditum est, magnos animus spiritus concipit ac fiducia impletur: ergo admonitio non est supervacua. M. Agrippa, vir ingentis animi, qui solus ex his, quos civilia bella claros potentesque fecerunt, felix in publicum fuit, dicere solebat, multum se huic debere sententiae: « Nam concordia parvae res crescunt, discordia maximae dilabuntur. » Hac se, aiebat, et fratrem, et amicum optimum factum. Si eiusmodi sententiae, familiariter in animum receptae, formant eum; cur non haec pars philosophiae, quae talibus sententiis constat, idem possit? Pars virtutis disciplina constat, pars exercitatione: et discas oportet, et, quod didicisti, agendo confirmes. Quod si ita est, non tantum scita sapientiae prosunt, sed etiam praecepta, quae affectus nostros velut edicto coercerent, et alligant.

« Philosophia, inquit, dividitur in haec, scientiam, 48

M. Agrippa. M. Vipsanius Agrippa inde ab a. V. 733 gener Augusti, cuius fortunam iam diu antegregie auxerat: a. V. 714 erat praetor, deinde victor Sext. Pompeii et M. Antonii pluribus proeliis: mort. a. V. C. 742, ante Christ. 12. Cf. de viro hoc praestantissimo *l'Histoire de l'Acad. des Inscriptions*. Vol. XL, 37 sqq. Rohk.

Felix in publicum fuit) Lagrange verit: *Fut seul heureux contre la république*. Quid solum? Caesar, Augustus non fuere felices in reipublicam, qui libertatem everterunt? deinde vox *publicum* non sonatur pro republica: prorsus quid intellexerit Seneca, non facile est dicere: forsitan, si ad sequentia respexeris, credas sensum esse, Agrippam minime inimicitia laboravisse, atque omnium partium aequae sibi existimationem conciliasse. Praeterea *publicum* pti-

vetae vilis, quae non bestissimam fuisse vultum est, opponitur.

Nam concordia. Abesse malles conjunctionem *nam*, sed teneat eam libri omnes. Schw.

Velut edicto. Aliis enim est ad morem eius aevi, quo principes edicta in io publico proponebant, populo admonendo, castigando, coercendo. Notavi ad lib. III *Annal. Taciti*. L.

Coercerent et alligant. Quam Pinc. in nonnullis codd. invenisset e. et *ablegant*, et sic Gruteriani duo habent, illum egregium criticum quidam secuti sunt, qui vulgate, quam codd. tenentur, sublatis, *ablegant* recipere mallent. Sed recte Gronov. defendit vulgata, qui opportune meminuerit, placere tō *alligare* auctori pro *ligere* et *colligare*, ubi nempe his vulgaribus utimur. Rohk.

Philosophia, inquit. Aristot. Cf. su-

et habitum animi. Illam qui didicit, et facienda ac vitanda percepit, nondum sapiens est, nisi in ea, quae didicit, animus eius transfiguratus est. Tertia ista pars praecipienda, ex utroque est, et ex decretis, et ex habitu: itaque supervacua est ad implendam virtutem, 49 quum duo illa sufficiant. » Isto ergo modo et consolatio supervacua est, nam haec quoque ex utroque est; et adhortatio, et suasio, et ipsa argumentatio; nam et haec ab habitu animi compositi validique proficiscitur. Sed quamvis ista ex optimo habitu animi veniant; optimus animi habitus et facit illa, et ex illis ipse fit. Deinde istud, quod dicis, iam perfecti viri est, ac summam consecuti felicitatis humanae. Ad haec autem tarde pervenitur; interim etiam imperfecto, sed proficienti, demonstranda est in rebus agen- 50 dis via. Hanc forsitan etiam sine admonitione dabit sibi ipsa Sapientia, quae iam eo perduxit animum, ut moveri nequeat, nisi in rectum: imbecillioribus quidem ingeniis necessarium est aliquem praeire, « Hoc vitabis, hoc facies. » Praeterea, si exspectat tempus, quo per se sciat, quid optimum factu sit; interim errabit, et errando impediatur, quo minus ad illud perveniat quo possit se esse contentus: regi 51 ergo debet, dum incipit posse se regere. Pueri ad

pra ad §. 22. Quia Aristu animum nostrum una iudicandi vi (λογικὴ καὶ ποικιλὴ δύναμις) contineri putabat, unam quoque animi virtutem statuebat, scientiam boni malique. Haec contemplativam partem constituibat. Activa constabat, secundum eum, habitu animi, prudentia (προνοία), quae et temperantia (σωφροσύνη), iustitia, fortitudo vocaretur. Ruhk.

Scientiam et habitum. Scientiam, quae decretis constat: habitum, qui

ab actione at exercitio illorum paratur. Lips.

Tertia ista pars praecipienda. Tot. tertia ista pars quam philosophiae addere vultis et quae praeceptis constaret.

Sed quamvis... et ex illis ipse fit. Sic percommode ms. a. S. — Vulgo abest optimo aoto habitu, et pro et facit illa, et ex illis ipse fit, legitur et ex his est, et ex illis.

praescriptum discunt; digiti illorum tenentur, et aliena manu per litterarum simulacra ducuntur; deinde imitari iubentur proposita, et ad illa reformare chi-rographum: sic animus noster, dum eruditur ad prae-scriptum, iuvatur.

Haec sunt per quae probatur, hanc Philosophiae partem supervacuam non esse. Quaeritur deinde, an ad faciendum Sapientem sola sufficiat. Huic quaestio-ni suum diem dabimus: interim, omissis argumentis, nonne apparet opus esse nobis aliquo advocato, qui contra populi praecepta praecipiat? Nulla ad aures nostras vox impune perfertur: nocent, qui optant; nocent, qui execrantur: nam et horum imprecatio falsos nobis metus inserit, et illorum amor male docet bene optando. Mittit enim nos ad longinqua bona, et incerta et errantia, quum possimus felicitatem do-mo promere. Non licet, inquam, ire recta via: trahunt in pravum parentes, trahunt servi; nemo errat uni sibi, sed dementia spargit in proximos, accipitque invicem. Et ideo in singulis vitia populorum sunt, quia illa populus dedit. Dum facit quisque peiorem, factus est: didicit deteriora, deinde docuit; effecta-que est ingens illa nequitia; congesto in unum, quod cuique pessimum scitur. Sit ergo aliquis custos, et aurem subinde pervellat, abigatque rumores, et re-clamet populis laudantibus. Erras enim, si existimas

Quaeritur deinde.... dabimus. Hoc praestitit Noster in Ep. cxv. Transit ad ea, quae iam saepius, inopr. Ep. LXXIX sq. tractaverat, inculcanda, ut, subtiliori disputatione omissa, monstraret, monitionibus contra populi praecepta, i. e. praesudicia et vitia opus esse. Ruhk.

Suum diem dabimus. In epistola

sequenti §. 1: *Petis a me, ut id quod in diem suum dixeram debere referri repraesentem.*

Male docet bene optando. Optando nobis ea quae bona existimant, ani-mum nostrum in errorem inducunt de appetendis fugiendisque: optant enim divitias, potentiam, et caetera fortuita.

nobiscum vitia nasci: supervenerunt, ingesta sunt. Itaque monitionibus crebris convicia, quae nos circumsonant, repellantur. Nulli nos vitio natura conciliat; integros ac liberos genuit. Nihil, quo avaritiam nostram irritaret, posuit in aperto; pedibus aurum argentumque subiecit; calcandumque ac premendum dedit quidquid est, propter quod calcamur ac premimur. Illa vultus nostros erexit ad caelum, et, quidquid magnificum mirumque fecerat, videri a suspicientibus voluit; ortus occasusque, et properantis mundi volubilem cursum, interdiu terrena aperiens, noctu caelestia; tardos siderum incessus, si compares toti; citatissimos, si cogites quanta spatia nunquam intermissa velocitate circumeant; defectus solis ac lunae, invicem obstantium; alia deinceps digna miratu, sive per ordinem subeunt, sive subitis causis

Nobiscum vitia nasci. Hoc enim Stoici fortiter abnuunt, et volunt naturam bonos esse. Vide *Manud.* II, *Dissert.* x. *Lips.*

Convicia, quae nos circumsonant, repellantur. Vulgo, *opiniones... com-pescamus.* Sed repellantur dedere a. c. *A. Pal.* 2 et *Pinc.* Tum *opiniones* quidem cum aliis tenet etiam m. a. in contextu; sed superne scriptum est antiqua manu *voesh. convicia* (i. e. confusae voces, clamores), quod haud dubie ex vetere veraque scriptura servatum esse indicavi. *Schw.*

Nulli nos... genuit. Anima infantis nascentis quam ante corpus suum non adsit, sequitur, ante eius cum corpore coniunctionem nullas notiones ideaeque innatas, quas vocamus, habere; atque propterea comparabant veteres, utique Stoici, eam cum para charta, in qua para rationalis s. principalis (τὸ ὑπερῶν μέρος τῆς

ψυχῆς) quasi inscriberet, quae per sensus et experientiam allapsa essent. Non autem dat natura virtutem, ait Noster *Ep.* xc. *ars est bonum fieri* etc. Cf. *Plutarch. de Placit. ph.* IV, 11. 10m. XII, p. 448 *Hutten. R.*

Nihil... premimur. Conf. supra, p. 63, n. 6. Alii: *nihil quidem quod.*

Vultus erex. Ovid: *Os homini sublime dedit caelumque tueri iussit, et erectos ad sidera tollere vultus.*

Si compares toti. I. caelo quod percurrunt.

Obstantium; alia. Pro maximo puncto, quod vulgo hic ponitur, nos tantummodo semicirculo adhibuimus, quoniam enumerationis sit suis. Nec abest quod nocturni tractus, quod sequitur, est in plurali numero, quoniam intelligendum sit *prorulant.*

Subitis causis. Recte ed. *Ruhk.* et sic a. c. *A.* non *subditis.* Praefero il-

mota prosiliunt, ut nocturni ignium tractus, et sine ullo ictu sonituque fulgores caeli fatiscentis, columnaeque ac trabes, et varia simulacra flammarum. Haec supra nos itura disposuit: aurum quidem et argentum, et propter ista nunquam pacem agens ferrum, quasi male nobis committerentur, abscondit. Nos in lucem, propter quae pugnaremus, extulimus; nos et causas periculorum nostrorum, et instrumenta, disiecto terrarum pondere, eruimus; nos fortunae mala nostra tradidimus, nec erubescimus summa apud nos haberi, quae fuerant ima terrarum. Vis scire, quam falsus oculos tuos deceperit fulgor? nihil est

lud, ut oppositorum his, quae per ordinem veniunt. Schv.

Sine ullo ictu sonituque. Vide Nat. Quaest. I, 14 et 15. Ruhk.

Fatiscentis. Vulgata est lectio, quaecum patens. s. patiscentis in codd. confunditur, et ap. Tibull. I. 5, 67. *vis fatiscere* interpretamentum est *patescere*. Ruhk. — Schweig. dat *fatiscentes*. *Patescentes* dabant ms. a. cum ed. R. et codicibus Pinc. et Grut. omnibus; ubi sic distincta verba voluit Pinc. *fulgoras, caeli patiscentes*, quod et Lipsio placuit, *patiscentis* tamen scribenti, nempe terminatione *is* pro *es*. *Fulgores caeli fatiscentis* primus edidit Erasmus, nescio utrum ex coniect. an e vet. cod. quem quidem nullam novimus. Placuit tamen id verbum, sed ea terminatione quam codices nostri praeiverunt: nec vero satis nobis liquet. Erasmi scripturam tenuit Mur. et revocavit Ruhk. Ms. e. et ed. A. vitiose hand dubie, *fulgores caeli columnasque patiscentes*, et omittunt duas voces ac trabes, quas agnoscit ms. a. cum aliis. Sed columnasque agnoscunt item alii vet. libri omnes. Schv.

Haec supra nos itura d. omnes codd. dant. Ante Grut. *haec supra nos natura d.* Ruhk. — *Disposuit.* Sic, sudente Schweigh., correxi ex a. o. R. A. Pinc. et Grut. Vulgo *disponit.* Typ.

Aurum quidem et argentum. Similis sententia quaedam de Benef. VII, 10, et Plin. XXXIII init.: *Terra et haec (iuvantia) summa sui parte tribuit, ut minime parca facilisque ign omnibus, quae prosunt. Illa nos premunt, illa nos ad inferos agant, quae occultavit atque demersit.* R.

Nos fortunae mala nostra tradidimus. Beus vertit *Lagrange*: *Nous avons rendu la fortune l'arbitre de nos maux.* Etenim quum felicitatem in divitiis posuerimus, illa felicitas in manibus est fortunae, quae arbitrio suo divitias largitor et aufert.

Vis scire... fulgor. Cf. Mietherlich ad Horat. Carm. II, 2, 2: *Nullus argento color est, avaria Abditio terris.* Ruhk.

Deceperit. *Perperam decipit* vulg. edd. Schv.

istis, quamdiu mersa et involuta coeno suo iacent, foedius, nihil obscurius. Quidni? quando per longissimorum cuniculorum tenebras extrahuntur, nihil est illis, dum fiunt et a faece sua separantur, informius. Denique ipsos opifices intueri, per quorum manus sterile terrae genus et informe perpurgatur; videbis, quanta fuligine oblinantur. Atqui ista magis inquinant animos, quam corpora; et in possessore eorum, quam in artifice, plus sordium est.

- 59 Necessarium itaque est admoneri, et habere aliquem advocatum bonae mentis, et in tanto fremitu tumultuque falsorum unam denique audire vocem. Quae erit illa vox? ea scilicet, quae tibi tantis clamoribus ambitiosis exsurdato, salubria insusurret verba; quae dicat: Non est, quod inideas istis, quos magnos felicesque populus vocat; non est, quod tibi compositae mentis habitum et sanitatem plausus excutiat;
- 60 non est, quod tibi tranquillitatis tuae fastidium faciat ille, sub illis fascibus, purpura cultus; non est, quod feliciorem eum iudices cui submovetur, quam te, quem lictor semita delicit. Si vis exercere tibi utile, nulli autem grave imperium, submove vitia. Multi inveniuntur, qui ignem inferant urbibus; qui inexpugnabilia saeculis, et per aliquot aetates tuta, prosternant; qui aequum arcibus aggerem attollant, et

Et in tanta. ex coniect. correxi. *Monstruose et tanto* scribitur in a. nec minus vitiose e tanto in a. R. A. Vulgo eque tanto. Schw.

Viam denique audire. Pincianus vellet v. am: proas et vivam.

Sub illis fascibus. Qui erecti praeceunt: ideo sub illis. Intelligit magistratum aut imperium. L. — Similia sunt Horatii Carm. II, 16, 8 sqq. ubi cf. Mitacherlich: *Otium non gem-*

mis, neque purpura venale neque auro. Non enim gazae, neque consularis *Submovet lictor* miseros tumultus *Mentis* etc. Rubk.

Te omnes codd. servavit, omissam ab omnibus edd. restitui, R.

Quem lictor semita. Nam io submoveudo populo manu et virga etiam lictores impellebant. Vide me de tota re Electus. I, cap. xxii. Lps.

muros in miram altitudinem eductos arietibus ac machinis quassent; multi sunt, qui ante se agant agmina, et tergis hostium graves insistent, et ad mare magnum perfusi caede gentium veniant: sed hi quoque, ut vincerent hostem, cupiditate victi sunt. Nemo illis venientibus restitit; sed nec ipsi ambitioni crudelitique restiterant: tunc, quum agere visi sunt alios, agebantur. Agebat infelicem Alexandrum furor aliena vastandi, et ad ignota mittebat. An tu putas sanum, 62 qui a Graeciae primum cladibus, in qua eruditus est, incipit? qui, quod cuique optimum est, eripit; Lacedaemona servire iubet, Athenas tacere; non contentus tot civitatum strage, quas aut vicerat Philippus, aut emerat, alia alio loco proiicit, et toto orbe afra circumfert; nec subsistit usquam lassa crudelitas, immanium ferarum modo, quae plus, quam exigit fames, mordent? Iam in unum regnum multa regna 63 coniecit, iam Graeci Persaeque eundem timent; iam etiam a Dario liberae nationes iugum accipiunt: ita tamen ultra Oceanum solemque; indignatur ab Hercu-

Infelicem Alexandrum. De Alexandro, quem non ex Historia, sed ex declamationibus cognitum habebat Noster, iniquum esse iudicium, tota eius historia clamat: etiamsi eorum consilii, Alexandrum dumandorum populorum fuisse cupidum, tamen inde non sequitur, eum furore aliena vastandi esse correptum. Alexandris ab eo exstructa testimonio est aulis luculento, quo illa acerbius quam iustior accusatio refutetur. Cf. ad Ep. xci, 17. *Ruhk.*

An tu putas sanum... mordent. Priora spectant ad Thebas eversas et ad libertatem Graeciae ereptam: al hoc non factum esse ab Alexandro Magno,

sed ab eius patre Philippo constat. *Ruhk.*

Lacedaemona... tacere. Lacedaemon proprie libera mansit, sed imperio Graeciae abstinere coacta est: Athenarum oratores et demagogi contumaciter. Reliquae declamatorie posita sunt, historia vel reclamante, vel mitigante. *Ruhk.* — Tertullianus Athenas *linguam civitatem* dixit: Sidonius *Athenis loquacior* adagii forma. *Lips.*

Ita tamen. Sic ms. a. Schw. quam lectionem iam coniecerat Lips. — Vulgo *hic tamen.* Sic, inquit *Ruhk.* qui vulg. tenet, duo boni codd. ap. Grot. alii *huc t.* alius *is t.* Erasmus

lis Liberique vestigiis victoriam flectere; ipsi naturae vim parat. Non ille ire vult, sed non potest stare; non aliter, quam in praeceps deiecta pondera, quibus eun-
 64 di finis est, iacuisse. Ne Cn. quidem Pompeio externa bella ac domestica virtus aut ratio suadebat, sed insanus amor magnitudinis falsae. Modo in Hispaniam et Sertoriana arma, modo ad colligendos piratas ac maria pacanda vadebat; hae praetexebantur causae ad continuandam potentiam. Quid illum in Africam, quid in Septemtrionem, quid in Mithridatem, et Armeniam, et omnes Asiae angulos traxit? infinita scilicet cupido crescendi, quum sibi uni parum magnus
 65 videretur. Quid C. Caesarem in sua fata, pariter ac publica, immisit? gloria et ambitio, et nullus supra caeteros eminendi modus. Vnum ante se ferre non
 66 potuit, quum respublica supra se duos ferret. Quid, tu C. Marium semel consulem (unum enim consulatum accepit, caeteros rapuit), quum Teutonos Cim-

idem t. Muretus: Ire tamen vult ultra O. 2.

Pompeio externa bella falsae. Nonnulli codd. et edd. *Ne Cn. quidem Pompeio externa inire b. maior tamen numerus recte rō inire omittit. Rubk.* — Idem semiculo tantum post falsae interpunxit. — Iudicio huic ds Cn. Pompeio, ste. quemlibet rerum harum antiquarum, quae sunt notissimae, gnarum subscribere constat.

Ad colligendos piratas. Ita scripti libri: contra quos Muretos cogendos ediderat. Sed illud bene. Fudit enim fugavitque piratas; sed ut finis belli esset, reliquias eorum contractas (ait Velleius) in urbibus, remotoque a mari luco, in certa sede constituit. Ita, qui sparsi per omnia maria erant, collegit ei fregit. *Lips.*

In Africam. Bello Mariano, missos eo contra Domitium et regem Iarham. *Lips.*

Septemtrionem. In Galliam ivit, eodem bello, et res ibi cum Metello feliciter gessit: au et Mithridatis bello intelligit, petitos Colchos, Iberos, Albanos? *Lips.*

Vnum ante se ferre....ferret. Nota suot Lucani I, 125: *Neo quemquam iam ferre potest Caesaris priorem, Pompeiusve parem.* Rubk.

Caeteros rapuit. Non videtur profecto, si duos ultimos excipias. Num priores, in discrimine patriae, absenti delati. Vide Plutarchum. *L.*

Teutonos ms. a. Theutonos c. d. Theutonicos vulgo. Schw.

brosque concideret, quum Iugurtham per Africae deserta sequeretur, tot pericula putas appetisse virtutis instinctu? Marius exercitum, Marium ambitio ducebat. Isti, quum omnia concuterent, concutiebantur; turbinum more, qui rapta convolvunt, sed ipsi ante volvuntur, et ob hoc maiore impetu incurrun-⁶⁷ runt, quia nullum illis sui regimen est. Ideoque, quum multis fuerunt malo, pestiferam illam vim, qua plerisque nocuerunt, ipsi quoque sentiunt. Non est, quod credas, quemquam fieri aliena infelicitate felicem.

Omnia ista exempla, quae oculis atque auribus⁶⁸ nostris ingeruntur, retexenda sunt, et plenum malis sermonibus pectus exhauriendum. Inducenda in occupatum locum virtus; quae mendacia et contra verum placentia extirpet, quae nos a populo, cui nimis credimus, separet, ac sinceris opinionibus reddat. Hoc est enim Sapientia, in naturam converti et eo⁶⁹ restitui, unde publicus error expulerit. Magna pars sanitatis est, hortatores insaniae reliquisse, et ex isto coetu invicem noxio procul abiisse. Hoc ut esse verum scias, aspice, quanto aliter unusquisque populo vivat, aliter sibi. Non est per se magistra innocentiae solitudo, nec frugalitatem docent rura; sed, ubi testis ac spectator abscessit, vitia subsidunt, quorum monstrari et conspici fructus est. Quis cam, quam nulli⁷⁰

Malo: alii dant, mali.

Omnia ista exempla... retexenda sunt. I. e. accurate rursus perpendenda; consideranda, adeoque ad nihilum redigenda, s. rescindenda sunt, inque eorum loco virtus repomenda est. *Ruhk.*

Malis sermonibus. Scilicet quibus iuctatur falsa gloria illorum virorum,

et quasi concupiscenda ostentatur.

Et contra. Et reduxi a mas. Grut. quum ante decesset. *Ruhk.*

Quae nos... reddat. Sic Horat. II Carm. 2, 19: *Redditum Cyri solio Phraaten* *Disidens plebi numero beatorum* *Eximit Virtus, populumque falsis* *Dadocet uti vocibus. R.*

SEN. Tom. IV.

G

ostenderet, induit purpuram? quis posuit secretam in anro dapem? quis, sub alicuius arboris rusticae proiectus umbra, luxuriae suae pompam solus explicuit? Nemo oculis suis lautus est, ne paucorum quidem et familiarium; sed apparatus vitiorum suorum pro modo turbae spectantis expandit. Ita est: irritamentum est omnium in quae insanimus, admirator
 71 et conscius. Ne concupiscamus efficies, si, ne ostendamus, effeceris. Ambitio, et luxuria, et impotentia, scenam desiderant; sanabis ista, si absconderis. Itaque, si in medio urbium fremitu collocati sumus, stet ad latus monitor, et contra laudatores ingentium patrimoniorum landet parvo divitem, et usu opes metientem. Contra illos, qui gratiam ac potentiam attol-
 72 lunt, otium ipse suspiciat traditum litteris, et animum ab externis ad sua reversum. Ostendat ex constitutione vulgi beatos, in isto invidioso fastigio suo trementes et attonitos, longeque aliam de se opinionem habentes, quam ab aliis habetur. Nam, quae aliis excelsa videntur, ipsis praerupta sunt. Itaque exanimantur, et trepidant, quoties despexerunt in illud magnitudinis
 73 suae praeceps. Cogitant enim varios casus, et in sublimi maxime lubricos: tunc appetita formidant, et, quae illos graves aliis reddit, gravior ipsis felicitas incubat: tunc laudant otium lene et sui iuris; odio est fulgor, et fuga a rebus adhuc stantibus quaeritur:

Ita est. Sic, ex more Senecae, a. c. A. Vulgo itaque. Schw.

Trementes et attonitos. Cui non soccurreret in his ex constitutione vulgi bonis describendis Damocles ille Dionysii maioris parasitus s. assentator, cuius mentionem egregie fecit Cicero Tusc. Disp. V, 21. Ruhl.

Et, quae illos. Perperam vulgo et

quae et illos. Schw.

Incubat, non incumbit, dedere libri nostri et Gruteri. Schw.

Et fuga a rebus. Vulgo et fugam a rebus. Schw.

Et fuga a rebus adhuc stantibus quaeritur. Bene vertit Lagrange: *Ils cherchent à quitter leur grandeur, avant qu'elle ne s'écroule.*

tunc demum videas philosophantes metu, et aegrae fortunae sana consilia. Nam, quasi ista inter se contraria sint, bona fortuna, et mens bona; ita melius in malis sapimus, secunda rectum auferunt. Vale.

Philosophantes metu. Mureti ingenio haec debetur scriptura; quam licet iussuam indicasset Gruterus, tenuit tamen Lipsius, et revocarunt Bipontini et Ruhk. *Philosophantis metus* dubant vet. libri omnes, quod restitutum voluerat Grut. et hactenus restituit Gronovius, ut terminationem is pro es pluralis numeri acciperet, scriberetque *philosophantes metus*:

quam scripturam Gallicus interpres his verbis expressit: *Vous verrez alors la crainte philosopher.* Schw. — Nos lectionem in textu receptam optimam iudicavimus, nisi quod *philosophantes metu* male quadrat cum *bona consilia*, quum in priori de ipsis hominibus, in posteriori de rebus agatur.

EPISTOLA XCV

SOLIS PRAECEPTIS VIRTUTEM NON GIGNI POSSE: NECESSARIA ESSE
DECRETA.

Iocoso de levitate hominum saepe petentium quod proprie nolunt prooemio praemisso, quaestionem tractat inde a § 4: an praecepta ad vitam beatam sufficiant, atque negat. Primum enim saepe opiniones pravae impediunt: deinde quaelibet actiones aestimatione tunc demum dignae sunt et honestae, quum persuasione nituntur clara de praestantia ipsarum; quippe quae ex decretis fieri debent — 7. Artes autem omnes praeceptis contentae non comparari possunt cum sapientia. Nam cunctae artes vitae humanae secundo loco gaudent, sc. circa instrumenta vitae occupatae sunt, atque ab iis impediuntur, iisque se accommodant, quum contra sapientia impedimenta discutiat et vincat. Accedit, quod in illis artibus peccata adeo voluntaria excusentur, quae sapientiae vitio maximo vertuntur. Quid, quod omnes artes, utique contemplativae decreta habent? Sequitur itaque, Philosophiam sine eis esse non posse, ut in qua rationes ideoque decreta praeceptorum causae sunt — 13. Nec illa objectio stare potest, antiquos sine Ethica ista artificiosa longe tamen meliores fuisse. Nam ex quo nequitia creverit et tam late se sparserit, remediis quoque diligentioribus opus erat. Eadem erat et est conditio meli-

cinæ, quæ, quum vita hominum simplex esset, paucarum fuit scientia herbarum, etc. Qua occasione in supplicia luxuriæ, atque nequitiae exspatiatur, atque adeo necessitatem efficacium remedium monstrat, quæ opinionibus pravis evertendis ac virtute insinuanda et docenda continetur. Sunt quidem, qui sine institutione subtili evaserint boni, at hebetibus illis et obtusis aut mala consuetudine obsessis auxiliandum est, causis vitiorum eximendis, adeoque liberando atque erudiendo animo — 40. Deinde actiones nostræ fiunt demum ethicæ secundum formam quam dicimus: iam quum præcepta nonnisi materiam spectent, adeoque ad virtutem non perducant, quandoquidem non in facto laus est, sed in eo quemadmodum fiat; sequitur, sicut actiones honestæ demum fiunt, si honestum accesserit, ita præcepta nonnisi legales actiones efficientia adiuvari debere decretis sive persuasionem ad totam pertinente vitam ideoque necessaria — 47: ac primum quidem in diis colendis, quos satis coluit, quisquis imitatus eos est — 51: deinde in eo, quomodo hominibus sit utendum — 54; tum, quomodo rebus sit utendum. Ita præcepta de virtutibus adiuvari debent doctrina et decretis de natura virtutis: quia sine immutabili certoque iudicio fluctuemur necesse est. Nonnisi decreta proinde dant veritatem — 60. Hoc ii ipsi confirmant, qui necessitatem decretorum negant, decreta tollendo et præcepta suadendo, ipsum decretum inculcantes. Iam quum scopus rationis unicus sit veritas, et ad eam reperiendam probationes necessariae sint, sequitur sine decretis philosophiam esse non posse. Via ad philosophiæ adytum per ea est — 65. Adicit quidem Posidonius quædam alia tanquam necessaria, suasionem, consolationem, exhortationem, et utilem futuram ait cuiusque virtutis descriptionem: non sine Senecæ assensu.

SENECA LVCILIO SVO SALUTEM.

Petis a me, ut id, quod in diem suum dixeram debere differri, repræsentem, et scribam tibi, « an

Petis a me... differri. Spectant hæc ad Ep. xciv, 52, ubi docuerat contra Aristonem, Philosophiæ partem,

quæ præceptiones continent, supervacuum non esse. Nunc quaerit, an ad faciendum sapientem sola sufficiat.

Rohk.

haec pars Philosophiae, quam Graeci *πραξιτεχνία* vocant, nos Praeceptivam dicimus, satis sit ad consummandam Sapientiam. » — Scio te in bonam partem accepturum, si negavero. Eo magis promitto, et verbum publicum perire non patior: «Postea noli rogare, quod impetrare nolueris. » Interdum enim obnixè petimus id, quod recusaremus, si quis offerret. Haec sive levitas est, sive vernilitas, punienda² est promittendi facilitate. Multa videri volumus velle, sed nolumus. Recitator Historiam ingentem attulit, minutissime scriptam, arctissime plicatam, et, magna parte perfecta: «Desinam, inquit, si vultis. » Acclamatur «Recita, recita!» ab his qui illum obmutescere illico cupiunt. Saepe aliud volumus, aliud optamus, et verum ne Diis quidem dicimus: sed Dii aut non exaudiunt, aut miserentur. Ego me, omissa³ misericordia, vindicabo, et tibi ingentem epistolam impingam; quam tu si invitus leges, dicito: Ego mihi

Si negavero. Quia res intricata et minime blanda aut grata est: ideo facile feres abnudentem. Tamen faciam, ne frustra petiveris, et ne vulgi verbum (*publicum*) pereat: noli rogare quod impetratum etiam nolis. Nam sunt, qui petant, quasi in alterius gratiam aut honorem: ut, Recita hoc carmen, Diem illum mihi adsis: et in acie velint negotium honorem aut gratiam. Haec sententia horum et sequentium est, a qua alii mihi videntur abivisse. *Lips.*

Recitator. Hic mos scripta sua amicis recitandi iam libera republ. erat, sed magis invaluit sub Augusto, Pollione quippe Asinio publice eum inducente. Cf. Wieland. ad Horat. I Epp. xix, 42; et Gierig in Excursu hac de re ad Plinii Epist. Vol. II. R.

Aliud volumus, aliud optamus. I. e. aliud nobiscum tacite volumus, aliud palam efferimus, dicimus optantes. *Ruhk.* — *Optamus* a Diis nempe, ait Lipsius, ubi palam, et audientibus aliis vota concipimus: tunc enim saepe hic dissensus. Pro vita et victoria mali principis precor, servus pro domini, maritus uxoris, et quae sunt talia, animo abdicante. An et refers ad vota etiam tacita et libera? Nimirum errore eligendi mala petimus, etsi bona intendimus, ut opes, honores, famam. Itaque aliud volumus communiter; distincte autem vivendo, abimus. *Lips.*

Aut non exaudiunt, aut miserentur. Si enim Dii precibus nostris annocerent, mala nobis saepe maxima, et

hoc contraxi! teque inter illos numera, quos uxor, magno ducta ambitu, torquet; inter illos, quos divitiarum, per summum acquisitae sudorem, male habent; inter illos, quos honores, nulla non arte atque opera petiti, discruciant: et caeteros malorum suorum compotes.

- 4 Sed ut, omisso principio, rem ipsam aggrediar: « Beata, inquit, vita constat ex actionibus rectis; ad actiones rectas praecepta perducunt: ergo ad beatam vitam praecepta sufficiunt. » — Non semper ad actiones rectas praecepta perducunt, sed quum obsequens ingenium est: aliquando frustra admoventur, si animum opiniones obsident pravae. Deinde, etiam si recte faciunt, nesciunt facere se recte. Non potest enim quisquam, nisi ab initio formatus et tota ratione compositus, omnes exsequi numeros, ut sciat, quando oporteat, et in quantum, et cum quo, et quemadmodum. Quare non potest toto animo ad honesta conari, ne constanter quidem, aut libenter; 6 sed respiciet, sed haesitabit. — « Si honesta, inquit, actio ex praeceptis venit, ad beatam vitam praecepta abunde sunt: atqui est illud: ergo et hoc. » — Illis

ea quae minime vellemus impingerent. *Muretus.*

Magno ducta ambitu. Cui assidue et summo studio famulatus es, ut tecum habere dignaretur.

Et caeteros malorum suorum compotes. Argute expressa sententia est: et inter caeteros numera te, qui quum votorum suorum compotes facti sint, locorum mala nauscantur, quae tamen sibi ipsis tribuere debent. *R.*

Beata, inquit. Se. Stone adversarii et eniualibel philosophiae dogmaticae. — Propositio minor: ad act. rect. etc. recte impugnat. *Ruhk.*

Non semper. Sic omnes codd. mss. Ante Grut. *Non tamen s. Ruhk.*

Deinde... recte. Conscientia deest iis, hoc tantum ratione uti debere ad rectum faciendum. *R.* — Neque enim causam tenent, cur quidque fieri debet. Atque hoc quidem recte et vero a Stoicis dicebatur: illud absurde, quod dicebant, ex miserimo beatum posse fieri aliquem, qui tamen nullum prorsus sensum haberet tantae illius mutationis suae. *Muretus.*

Omnes... numeros. Officiorum partes et noscere et exercere: numerus enim proprie partem (a *vīva* tribuo)

respondemus: actiones honestas *et praeceptis* fieri;
non, *tantum praeceptis*

« Si aliae, inquit, artes contentae sunt praeceptis,⁷
contenta erit et sapientia; nam et haec ars vitae est.
Atqui gubernatorem facit ille, qui praecipit: Sic
move gubernaculum, sic vela submitte, sic secundo
vento utere, sic adverso resiste, sic dubium com-
munemque tibi vindica. Alios quoque artifices prae-
cepta confirmant: ergo in hoc idem poterunt artifi-
ces vivendi. » — Omnes istae artes circa instrumenta
vitae occupatae sunt, non circa totam vitam. Itaque
multa illas inhihent extrinsecus, et impediunt: spes,
cupiditas, timor. At haec, quae artem vitae professa
est, nulla re, quo minus se exerceat, vetari potest:
discutit enim impedimenta, et tractat obstantia. Vis
scire quam dissimilis sit aliarum artium conditio,
et huius? In illis excusatius est, voluntate peccare,
quam casu; in hac, maxima culpa est, sponte de-
linquere. Quod dico, tale est. Grammaticus non
erubescet soloecismo, si sciens fecit; erubescet, si

denotat. Cf. Ernesti Clav. Cic. h. voce.
Ruhk.

Et praeceptis, a. e. A. Perperam
ex decretis edd. ex R. Schw. — Ruhk.
qui edidit ex decretis, sic addit: In
hoc ratiocinio hypothetico recte ma-
ior impugatur. Decreta sunt prin-
cipia, quae nos vocamus, unde prae-
cepta deducuntur. Ruhk.

Ars vitae. Iam supra Ep. xc, 44
vidimus: *ars est bonum fieri*; hinc
philosophi, sapientes dicuntur seq. §.
artifices vivendi. Ita auctor p. 6 matris
olim sub nomine Severi, nunc apud
Wernsdorf. Poët. min. lat. IV sub
nomine Lucilii Iunioris, utriusque
temere publicali, vers. 186: *Nunc*

opus Artistem incendit, ubi Werns-
dorf. recte explicat, philosophum. R.

Ergo in hoc (i. e. ad hoc, scil.
ut artem vitae talis praeceptis do-
ceant alios), recte a. e. A. *Ergo ne*
hoc ed. R. Ven. Er. *Tum ergo non*
hoc etc. cum interrogationis signo,
ed. Mur. et seqq. Schw.

Vis scire. Locus hic erudite tra-
ctatur ab Aristotele lib. II Ethicorum.
Muretus.

Non erubescet soloecismo, si sciens
fecit; erubescet etc. Vulgo *erubescit*
soloecismum, si sciens facit: *erubescit*
etc. Schw. — Vitium orationis par-
titali vel Latinitati contrarium soloec-
ismus est, quum in verbis pluribus

nesciens. Medicus, si deficere aegrum non intelligit, quantum ad artem magis peccat, quam si se intelligere dissimulat. At in hac arte vivendi, turpior volentium culpa est. Adiice nunc, quod artes quoque pleraeque, imo ex omnibus liberalissimae, habent decreta sua, non tantum praecepta, sicut Medicina. Itaque alia est Hippocratis secta, alia Asclepiadis, alia Themisonis. Praeterea nulla ars contemplativa sine decretis suis est, quae Graeci vocant *δόγματα*, nobis vel *decreta* licet appellare, vel *scita*, vel *placita*; quae in Geometria et in Astronomia invenies. Philosophia autem et contemplativa est, et activa; spectat simul, agitque. Erras enim, si illam putas tantum terrestres operas promittere; altius spirat. Totum, inquit, mundum scrutor, nec me intra contubernium mortale contineo, suadere vobis, ac dissuadere contenta; magna me vocant, supraque vos posita:

11 *Nam tibi de summa caeli ratione, Deumque,
Disserere incipiam, et rerum primordia pandam;*

verbum superiori non accommodetur et compositura partium orationis impar et inconveniens fiat: sribligo alias dieta. Cf. Ernesti Lexicon Technologic. Graec. et Lat. h. v. Comparat cum soloecismo Graecum *σχημα* Valcken. ad Lesbian. post Ammon. not. III, p. 177 sqq. Ruhk.

Habent decreta sua non tantum praecepta. Adversarii Senecae, ut impugnant decreta, vitae artem caeteris artibus comparant: ipse Seneca respondet, si tandem ars vitae caeteris artibus comparari possit, ex hoc colligi illam artem solis constare praeceptis non posse, quoniam caeteras artes non tantum praecepta, sed etiam decreta contineant: sic ista comparatione ab adversariis prolata utitur,

ut ipsos profliget.

Itaque alia est Hippocratis... Asclepiadis... Themisonis. Cf. de his medicis in antiquitate celeberrimis, Hippocrate Coo, qui Socratis coaevus erat, Asclepiade et eius auditors Themisone, qui Ciceronis tempore Romae vixerunt, et quorum Plin. Nat. Hist. 29, 1, Celsus praefat. p. 13 bip. al. mentionem honorificam iniicere, imprimis Cortii Sprengelli Historia Medicinae. Ruhk.

Contemplativa. Quae caeteris rerum spectat, in eas inquit, et in systema ordioat colligitque, atque adeo theoria, quam vocamus, nititur. R.

Quae Graeci vocant δόγματα. Da his ego Manuduct. II, Dissert. xii. L. *Spectat simul, agitque.* Vulgo spe-

*Vnde omnis natura creet res, auctet, alatque,
Quoque eadem rursus natura perempta resolvat,*

ut ait Lucretius. Sequitur ergo, ut, quum contemplativa sit, habeat decreta sua. Quid, quod facienda quoque nemo rite obibit, nisi is, cui ratio erit tradita, qua in quaque re omnes officiorum numeros exsequi possit? quos non servabit, qui in rem praecepta acceperit, non in omne. Imbecilla sunt per se, ¹² et, ut ita dicam, sine radice, quae partibus dantur. Decreta sunt, quae muniant, quae securitatem nostram tranquillitatemque tueantur, quae totam vitam, totamque rerum naturam simul contineant. Hoc interest inter decreta philosophiae et praecepta, quod inter elementa et membra: haec ex illis dependent, illa et horum causae sunt et omnium.

« Antiqua, inquit, Sapientia nihil aliud, quam ¹³

ctat, simulque agit. Schw.

Resolvat. Versus Lucretii I, 49 sqq. sunt. Ruhk.

Qui in rem praecepta acceperit, non in *anne*. Sic quidem (ut inde a Gron. editur) habet ms. a. et Pinciani codd. ubi in omne idem valet ac in totum, in universum, vel in omnem vitam, ut est in c. A. et in ora Er. Sed ed. R. cum aliis sic habet, *qui in rem... non in nomine*: unde videndum, ut verum sit *qui in rem... non in nomen*, sive (ut est in ed. Er. et in Pal. 1 et 3) *qui in re... non in nomine*: ubi, quemadmodum *res* intelligitur *res singularis*, sic nomen intelligitur totum genus, cui nomen aliquod competit. Schw. — Muretus satis confidenter: *Qui mera praecepta acceperit*. Lipsius coniecit: *non in commune*. — *Qui in rem... omne*, h. e. qui in res singulas praecepta acceperit (exemplo habes in Ep. xciv,

14 sqq.) nec ea, quae totam officiorum ambitum complectuntur. Ruhk. — Confer Cic. Tusc. III, xxxiv, 81.

Elementa, et membra. Comparatio haec optimo iudicio electa est a nostro. Nam illa elementa (*στοιχεῖα καὶ ἀρχαί*), non solum (*τὸ ὑποκείμενον*) rem subiectam et eam primariam, unde reliqua formantur (*membra*), materiam, sed quoque principia s. illum vim vitalem primariam continent. Ruhk.

Antiqua... praecepit. Docet hoc historia de processu generis humani ad meliorem ingenii vitaeque culturam. Hinc antiquissima praecepta eiusmodi attributa semper sunt auctoribus et statutoribus humanitatis, s. c. Orpheo, Lino, Esomolpo, Musaeo: vide e. c. Aristophan. Ran. 1032 sq. 1054 Brunk. ed. Hesiodi quoque, poetarum gnomiorum et septem sic dictorum sapientum exemplo res patet.

facienda ac vitanda, praecepit; et tunc longe meliores erant viri: postquam docti prodierunt, boni desunt. Simplex enim illa et aperta Virtus in obscuram et solertem scientiam versa est, docemurque
 44 disputare, non vivere. » — Fuit sine dubio, ut dicitis, vetus illa Sapientia, quum maxime nascens, rudis; non minus, quam caeterae artes, quarum in processu subtilitas crevit. Sed ne opus quidem adhuc erat remediis diligentibus. Nondum in tantum nequitia surrexerat, nec tam late se sparserat: poterant vitiis simplicibus obstare remedia simplicia. Nunc necesse est tanto operosiora esse munimenta, quanto
 45 valentiora sunt quibus petimur. Medicina quondam paucarum fuit scientia herbarum, quibus sisteretur fluens sanguis, vulnera coirent: paulatim deinde in hanc pervenit tam multiplicem varietatem. Nec est mirum, tunc illam minus negotii habuisse, firmis adhuc solidisque corporibus, et facili cibo, nec per artem voluptatemque corrupto: qui postquam coepit non ad tollendam, sed ad irritandam famem quaeri, et inventae sunt mille conditurae, quibus aviditas excitaretur; quae desiderantibus alimenta erant,
 46 onera sunt plenis. Inde pallor, et nervorum vino madentium tremor, et miserabilior ex cruditatibus, quam ex fame, macies; inde incerti labantium pedes, et semper, qualis in ipsa ebrietate, titubatio; inde in totam cutem humor admissus, distensusque venter, dum male assuescit plus capere, quam poterat; inde suffusio luridae bilis, et decolor vultus, tabesque in se putrescentium, et retorridi digiti articulis obrige-

Quos quidem omnes Philosophiae subtiliori prolusisse constat. Cf. Heynii Opusc. acad. Vol. I, p. 172 sq. 212 sq. et eiusdem praefat. Sententiosius

velustissimorum Geomicor. poetar Opp. ed. Lips. 1776 praemissam. R.

Retorridi digiti ms. a. vocabulo

scētibus, nervorumque sine sensu iacentium torpor,
aut palpitatio [corporum] sine intermissione vi-
brantium. Quid capitis vertigines dicam? quid ¹⁷
oculorum auriumque tormenta, et cerebri exae-
stuantis verminationes; ¹ et omnia, per quae exone-
ramur, internis ulceribus affecta? innumerabilia
praeterea febrium genera, aliarum impetu saevien-
tium, aliarum tenui peste repentium, aliarum cum
horrore et multa membrorum quassatione venien-
tium? Quid alios referam innumerabiles morbos, ¹⁸
supplicia luxuriae? Immunes erant ab istis malis, qui
nondum se deliciis solverant, qui sibi imperabant,
sibi ministrabant. Corpora opere ac vero labore du-
rabant, aut cursu defatigati, aut venatu, aut tellure
versata. Excipiebat illos cibus, qui, nisi esurientibus,
placere non posset. Itaque nihil opus erat tam ma-
gna medicorum suppellectile, nec tot ferramentis at-
que pyxidibus. Simplex erat ex causa simplici vale- ¹⁹
tudo; multos morbos multa fercula fecerunt. Vide,
quantum rerum per unam gulam transitarum per-

et alias frequentato Senecae. Vulg.
retorti dig. Schw.

Aut palpitatio (corporum) sine intermissione vibrantium. Vocab. corporum, quod exhibent quidem veteres libri omnes, enimode siectum a Mureto; revocavit Ruhk. tantum non necessarium iudicans. Equidem uncis circumdedit, ut merita suspectum; rectius facturus, si denon ablegassem, al praeterea ab hoc loco alienum, ubi manifeste opponuntur torpor nervorum sine sensu iacentium, al palpitatio (nervorum) sine intermissione vibrantium. Schw. — Corporum et in Erasmi ed. et in quinque Palat. codd. invenitur. Ruhk.

(1) *Ces chalceurs devorantes du cerveau.* LAGR.

Omnia, per quae exoneramur. Int. canales illos intestinos exoneranda corpori destinatos.

Qui nondum se deliciis solverant. I. qui nondum nimis mollitie et voluptate vires suas fregerant. R.

Aut tellure versata. Sic Erasmi. Nonnulli codd. Pinc. et Grut. praestant aut tellurem versantia. Ruhk.

Ferramentis. I. instrumentis chirurgicis. Ruhk.

Multos morbos multa fercula. f. Vide in hanc rem Plutarchi Quast. conviv. VIII, c. 9. Lips.

misceat luxuria, terrarum marisque vastatrix! Necesse est itaque inter se tam diversa dissideant, et hausta male digerantur, aliis alio nitentibus. Nec mirum, quod inconstans variusque ex discordi cibo morbus est, et illa ex contrariis naturae partibus in
 20 eundem compulsa redundant. Inde tam nullo aegrotamus genere, quam vivimus. Maximus ille Medicorum, et huius scientiae conditor, «feminis nec capillos defluere, dixit, nec pedes laborare» Atqui et capillis destituuntur, et pedibus aegrae sunt. Non mutata feminarum natura, sed vita est: nam quum virorum licentiam aequaverint, corporum quoque
 24 virilium incommoda aequarunt. Non minus pervigilant, non minus potant, et oleo et mero viros provocant; aequae invitis ingesta visceribus per os red-
 dunt, et vinum omne vomitu remeliuntur; aequae

Et illa ex contrariis... redundant.

Senans est: non mirum est, quod illa tam contraria alimenta in unum cibum compulsa s. collecta fermentationem subeant naxiam si nimio impetu venas implent. *Ruhk.*

Inde tam nullo... vivimus. Inde fit, ut tam diversa et mixta perplexaeque morborum genera sint, quam vivendi ratio nostra est discors propter ciborum genera multiformia. *Ruhk.* — Miror quod nulli edd. coniecerint multo, quod facilius intelligeretur.

Maximus ille medicorum... laborare. Hippocrates in iis scriptis, quae aetatem tulerunt, haec memoria non prodidit. Similia tamen occurrunt in libro de natura Pueri, p. 241 ad. Genev. 1667. fol.: Galenus quoque ad lib. VI Aphorism. notat, olim id ita fuisse Hippocratis aequo, quam moderate victitarent: si ano tempore propter intemperantiam victis et en-

nuchos, si feminas saepe podagra laborare. Caeterum Aristoteles de Generali. Animal. V, 3 causas affert, cur nonnisi viri, nunquam pueri, mulieres et eunuchi fiant calvi. *R.*

Incommoda aequarunt, a. c. A. Pal. 2. 4. Col. Vulg. vitia aequaverunt. *Schw.*

Non minus pervigilant. In conviviis illis intempestivis. Quibusdam tamen libris tria haec verba absunt, etiam optimo meo; in aliis, *pervigilantur* scriptum, ex quo Pincianus ingeniose, *pugillantur*. Lips.

Oleo. l. luctando. Ruhk.

Vinum omne vomitu remeliuntur. Totidem fere verbis, de Provid. cap. III: *Hi quidquid biberint, vomitu remeliuntur, tristes, et bilem suam regurgitantes.* Mos autem invaluerat, medicis quamvis reluctantibus, ante coenam hibere, et vomita refundere. Iuvenalis de ipsis feminis: *Tanquam*

nivem rodunt, solatium stomachi aestuantis. Libidine vero ne maribus quidem cedunt: pati natae (Dii illas Deaeque male perdant!) adeo perversum commentae genus impudicitiae, viros ineunt. Quid ergo mirandum est, maximum Medicorum, ac naturae peritissimum, in mendacio prendi, quum tot feminae podagricae calvaeque sint? Beneficium sexus suis vitiis perdiderunt; et, quia feminam exuerunt, damnatae sunt morbis virilibus. Antiqui Medici nesciebant dare cibum saepius, et vino fulcire venas cadentes; nesciebant sanguinem mittere, et diutinam aegrotationem balneo sudoribusque laxare; nesciebant, crurum vinculo brachiorumque, latentem vim, et in medio seden-

alta in dolia longus Deciderit serpens, bibit et vomit. Et Martialis: Nec coenat prius, aut prius recumbit, Quam septem vomuit meri deinceps. Coepisse mos, aut invaluisse videtur, Pompeii magni temporibus, quum Asclepiades medicus vixit, de quo Plinius lib. XXVI, c. iiii: Damnavit merito et vomitiones tunc supra modum frequentes. Damnat et Celsus lib. I, cap. iiii, qui istud luxuriae causa fieri non oportere coostat, interdum valetudinis causa recte fieri experimentis credit. L.

Viros ineunt. Flagitium et foeditas mihi quidem ignota, et aspe a viris ipsis meo voto. Vtne hoc patiamur? Nego recte scribi: quo enim ausu? ut feminas in equo sedent, quod brevibus puellis Ovidius concedit? Atqui na illud schema est, quod sic merito exsecratur Seneca: et vel ita ineuntur, non ineunt. An ad Ligures, aut fellantes referas? Non convenit hoc verbi de *incundo*: nec feminarum etiam ista magis, quam virorum. Mihi lubet corrigere, *vir*

sunt, ineunt; et ad Tribadas referre illae profecto virum agunt, et da istis Clemens Alexandrius: *Et feminae viri sunt contra naturam, et nubunt, et item ducunt uxores.* Lips. — *Naigeon*, in notis inedit. ad gallicam versionem, interpretatur de feminis hermaphroditis quae, paene viri, pueros, virorum more, amabant; et affert Martialis lib. VII, Epigr. 66: *Paediceat pueros tribas Philaenis.*

Vino fulcire venas cadentes quod Noster de Benef. III, 9 effert: cadentes venas vino refecisse, oblinendo puta lavandoque. Sic Ovid. Pont. I, 3: *Et iam deficiens sic ad tua verba revixi, P't solet infuso vena redire mero.* Cf. Bentlei. ad Horat. Serm. II, 3, r54. *Rubk.*

Sanguinem mittere, a. c. A. Alii valgo *sang. emitt.* et sic ed. *Rubk.* Schw. — Lipsius ex ingenio in textum intruserat temere: *sanicem mittere* propter morem in balnea sudandi. *R.*

Nesciebant... revocare. Intelligam de suppuratione excitanda, quam

- 23 tem, ad extrema revocare. Non erat necesse, circumspicere multa auxiliorum genera, quum essent periculorum paucissima. Nunc vero quam longe processerunt mala^a valetudinis? Has usuras voluptatum pendimus, ultra modum fasque concupitarum. Innumerabiles esse morbos non miraberis; coquos numerosa. Cessat omne studium; et liberalia professi, sine ulla frequentia, desertis angulis praesident. In Rhetorum ac Philosophorum scholis solitudo est; at quam celebres culinae sunt, quanta circa nepotum
 24 focos iuventus premit! Transeo puerorum infelicium greges, quos, post transacta convivia, aliae cubiculi contumeliae expectant. Transeo agmina exoletorum, per nationes coloresque descripta, ut eadem omnibus laevis sit, eadem primae mensura lanuginis, eadem species capillorum; ne quis, cui rector est coma, crispulis misceatur. Transeo pistorum turbam, transeo ministratorum, per quos signo dato ad inferendam coenam discurritur. Dii boni, quantum hominum
 25 unius venter exercet! Quid? tu illos boletos, voluptarium venenum, nihil occulti operis iudicas facere, etiam si praesentanei non fuerunt? Quid? tu

posito sinapi efficiebant et candentibus ferramentis, ut materia inutilis evocaretur, teste Celso IV, 1, p. 193, c. 22, p. 239. *Ruhk.*

Non miraberis? Sic Etasm. et codd. palat. *Innumerabiles esse morbos miraris?* Muretus dedit propria auctoritate. *Ruhk.*

Cessat omne studium... solitudo est. Cf. ad Ep. LXXVI, 1. *Ruhk.*

Nepotum. Gulae famulorum. R.

Quos post transacta... expectant. Vt aut patiantur, aut faciant obscena. Faciunt etiam, dico, ex Ep. XLIII, 1. *Lips.*

Per nationes coloresque. Ita solent, atque item per aetates. Vide de Brevit. Vitae c. XII. *L.* — Alii exoletorum erant glabri laevesque, alii barba decori. *Ruhk.*

Laevitas. Scribendum sic putavi, quum levitas darent omnes. *Schw.*

Signo dato. Ibidem de Brevitate: Quanta celeritate signo dato, glabri ad ministeria discurrant. *L.*

Boletos, etc. Etiam si boleti, aestiva ostrea, Sociorum garum, non statim noceant, mox tamen facient. *R.*

Fuerunt dedere a. R. Fuerint o. A. Fuerant vulgo. Schw.

illam aestivam nivem non putas callum iecinoribus obducere? Quid? illa ostrea, inertissimam carnem coeno saginatam, nihil existimas limosae gravitatis inferre? Quid? illud Sociorum garum, pretiosam malorum piscium sanie, non credis urere salsa tabe praecordia? Quid? illa purulenta, et quae tantum non ex ipso igne in os transferuntur, iudicas sine noxa in ipsis visceribus exstingui? Quam foedi itaque pestilentesque ructus sunt! quantum fastidium sui, exhalantibus crapulam veterem! Scias putrescere sumpta, non concoqui. Memini fuisse quondam in sermone nobilem patinam, in quam, quidquid apud lautos solet diem ducere, properans in damnum suum popina congesserat: veneriae spondylisque, et ostrea 27

Sociorum garum. Horatius, Plinius, Ausonius, Martialis, Petronius, Apicius, Strabo, et Athenaeus famosi illius condimenti mentionem faciunt, quod e diversorum piscium, in primis scombri, sanie constabat, solisque divitum mensis observabatur: ut e Martiali liquet l. XIII, epigr. ciii: *Antipolitani, fateor, sum filia Thyani: Essem si scombri, non tibi missa forem.* Id. lib. XIII, Epig. ciii: *Expirantis adhuc scombri de sanguine primo Accipe faecum, munera cara, garum.* Sociorum autem garum appellabatur ab inventoribus Sociis, qui videntur fuisse publicani negotiationis illius conductores. Vide Horat. Sat. 8, lib. II, v. 46; Plin. Nat. Hist. lib. XXXI, cap. vii et viii, et lib. IX, cap. xviij Auson. Epist. xxi; Petron. Satiric. c. xxxvi; Apicium de Arte coquina. lib. VII, cap. vii, not. 5; lib. VII, cap. xxi, not. 4.

Salsa tabe. Quia piscium putrescentium s. malorum sanie constabat garum, teste Plinio l. I. R.

Foedi itaque pestilentesque, a. c. R. A. Vulgo fondi atque pest. S.

Memini fuisse quondam in sermone... patinam. Omnes codd. et edd. dant in sermone; at Muretus coniecturam Pinciaui recepit: quondam Aesopi a. p. cuius meminit Plin. X, 72, XXXV, 46, etc. Sed nihil mutandum est. — Errant, qui Nostrium de Aesopi patina, cuius meminit Plin. X, 72, XXXV, 46, cogitasse putant: illa enim avium, haec piscium erat. Ruhk.

Diem ducere. Non mnto, et intelligo diem extrahi variis ferculis, et aeuum ita longioris coenae instrui. Si tamen legas solent deducere, haud improhem. Lips.

Properans in damnum suum pop. I. c. quo delictior est conditura et ara coqui, eo celerior mors aderit eorum, in quorum usum cibi apponantur. Ruhk.

Veneriae, spondylisque. Quid propria veneriae, uescio: an conchulae aliquae hoc nomine, quia Venus in

eatenus circumcisa, qua eduntur, intervenientibus distinguebantur echinis; totam destrecti sine ullis ossibus nulli constraverant. Piget iam esse singula; coguntur in unum saporis; in coena fit, quod fieri debet saturo in ventre: exspecto iam ut manducata ponantur. Quantulo autem hoc minus est, testas excerpere atque ossa, et dentium opera coquum fungi?

²⁸ Grave est luxuriari per singula: omnia semel, et in eundem saporis versa, ponantur. Quare ego ad unam rem manum porrigam? plura veniant simul; multorum ferculorum ornamenta coeant et cohaereant. Sciant protinus hi, qui iactationem ex istis peti et gloriam aiebant, non ostendi ista, sed conscientiae dari. Pariter sint, quae disponi solent, uno iure per-

vecta? Inter pisces quidem sunt, et Plinii melioribus libris nominantur in XXXII, cap. XI. *Spondyli* autem in eodem loco nominantur, et Macrobio inter lautitias, in coena pontificia III Saturnalium, Martiali lib. VII, Epig. XVII. *Lips.* — Vides hic coeum et concharum diversis generibus et nullis, adeoque et piscibus marinis tam artificiose apparatus, ut omnes hi pisces, quamvis diversi saporis, tamen in unum eundemque saporis versi sint, etque partim natura, partim conditura ac coetura ita molliti et mixti, ut nulla dentium opera indigerent convivae. Descriptionem autem accuratioris ab Apiciis urhium marinarum petas. Macrobius laudat Roudetium lib. II de testaceis cap. XXXIV. *Ruhk.*

• *Totam destrecti* (sc. ossibus extractis) *sine ullis ossibus*, etc. Vulgo olim *torti distractique* ex ed. R. dein *torti distractique* ad. *Ruhk.* Probavi *totam*, sc. patinam, quod cum ed. R. dabet *ma. a.* Tum *destrecti* absque copula

ex coniect. scripsi. Vitiose *destruetique* *ma. a.* *Distinctique* c. *A.* *Distric-tique* *Pal. 1.* et *Pinc. Schv.*

Piget iam esse singula. De his sic Gronovius: anescio quid de *pituita* hic ingerere libris iam observavit Erasmus. Perplacet, quod in membranis invenimus et ex *Pal.* secundo annotavit Gruterus, *Piget esse iam pituitam singula.* Oportuit omnia simul misceri, ut fastidium gulae tanta copia pituitae satietetur. — Acquiesco vulgata: *piget iam esse* (i. e. comedere) *singula: coguntur in unum saporis.* *Ruhk.*

Quod fieri debet saturo in ventre. Quia mutus est stomachi congestos cibos in unum coquere et sic eorum saporis miscere.

Quantulo hoc minus est, testas excerpere, etc. l. e. non multo minus est quam manducata poni.

Non ostendi ista, sed conscientiae dari. *Ruhk.* interpretatur quasi haec ipse Seneca indignans (non iam coe-nae Amphitryo) diceret, et post con-

fusa: nihil intersit: ostrea, echini, spondyli, nulli, perturbati. concoctique ponantur. — Non esset confusior vomentium cibus. Quomodo ista perplexa sunt, sic ex istis non singulares morbi nascuntur, sed inexplicabiles, diversi, multiformes: adversus quos et Medicina armare se coepit multigeneribus observationibus.

Idem tibi de Philosophia dico. Fuit aliquando simplicior inter minora peccantes, et levi quoque cura remediabiles: adversus tantam morum eversionem omnia conanda sunt. Et utinam sic denique lues ista vindicetur! Non privatim solum, sed publice furimus. Homicidia compescimus et singulas caedes: quid bella, et occisarum gentium gloriosum scelus? Non

scientiae dari supplet: propter multitudinem morborum, qui inde oriuntur. Nobis autem multo magis probabile videtur, haec et sequentia usque ad non esset, ab eodem die. Itaque gallico interpreti potius assentimur, qui: Je veux faire voir à ceux qui m'accusaient de ne songer qu'à faire un vain dialogue de magnificence, que c'est moins un repas que je leur fais admirer, qu'une énigme, dont je me réserve le secret, que je leur donne à deviner; nisi quod conscientiae aliter intelligamus. Nobis enim tō conscientiae dari voci ostendi opponi videtur: ita ut sensus sit: sciunt convivae ista non tantum oculis ostendi (ut saepe fit), sed ipsarum gustui dari; ut manducentur, non ut tantum spectentur.

Ostrea, echini, spondyli, nulli, perturb. etc. Sic ms. a. Vulgo, ostrea echinus, spondyli perturbati nullis.

Non esset confusio vomentium cibus. Adeo miscetur variae dapes, ut non magis misceretur, si iam stomacho

concoctae evomerentur.

Quomodo... observationibus. Totius huius loci sensus est: Miscete quam plurimas dapes; quo plures miscuentis, eo plures morbos et inexplicabiles et multiformes convocaveritis.

Multigeneribus observ. scripsi ex Lipsii colect. Nec enim ferendum videbatur vulgatum multis generibus, multis observationibus. Scilicet repelita vox multis interpretamentum fuerat vocabuli multigeneribus. Schw.

Remediabiles. Sic membranae et quinq. Palat. cum edd. priscis. Gron. probat. Compositum est ap. Senec. Ep. cxiv, 5. Plin. XI, 115; XXVIII, 23: irremediabiles. Simplex habet Cassiodor. Var. III, 14: remediabile bonum est in peccatum accelerata correctio. Ruhl. — Ruhl. probat Schw. additque auctoritatem ms. a. c. R. A. Olim medicabiles edd.

Conanda sunt, a. c. A. Absterge sunt vulgo. Schw.

Vindicetur, a. c. R. A. Vulgo vincretur. Schw.

avaritia, non crudelitas modum novit. Et ista, quamdiu furtim et a singulis fiunt, minus noxia minusque monstrosa sunt: ex senatusconsultis plebisque scitis saeva exercentur, et publice iubentur vetita privalim.

- 31 Quae clam commissa capite luerent, iam, quia paludati fecere, laudamus. Non pudet homines, mitissimum genus, gaudere sanguine alterno, et bella gerere, gerendaque liberis tradere, quum inter se etiam mutis ac feris pax sit. Adversus tam potentem explicitumque late furorem operosior Philosophia facta est, et tantum sibi virium sumpsit, quantum his, ad-
- 32 versus quae parabatur, accesserat. Expeditum erat, obiurgare indulgentes mero, et petentes delicatiorum cibum; non erat animus ad frugalitatem magna vi reducendus, a qua paululum discesserat.

Nunc manibus rapidis opus est, nunc arte magistra.

- Voluptas ex omni parte quaeritur; nullum intra se manet vitium. In avaritiam luxuria praeceptus est: honesti oblivio invasit; nihil turpe est, cuius placet
- 33 pretium. Homo, sacra res homini, iam per lusum et iocum occiditur; et, quem erudiri ad infrenda ac-

Iam, quia, etc. Tamen quia ed. R. Ven. Er. Eadem quia vulgo ex Moreti iug. Tum quia ms. a. Tam quia ms. c. Iam dedit ed. A. quod aut ipsum verum erat, aut prorsus abicienda vox controversa, Schv.

Paludati. Sic Erasmus et codd. nonnulli. Moretus *palam* suffecit. *Paulatim* habent codd. Alii. Ruhk: — *Paludati.* Ita enim, et eo habitu, id est, coccineo paludamento (*coite d'armes*) iudati, proficisci ad bellum solent. Lips.

Quum inter se...pax sit? Errasse nostrum declamatorio ardore abre-

ptum monui ad II de Ira 8, 2. R.

Magistra. Versus est Virgil. Aen. VIII, 442. Ruhk.

Ex omni parte, a. R. Vulgo ab omni parte, ut Pinclan. codd. Erasmus dicit *ex omni q.* unde Lipsius coniecit: *voluptas ex homine q. S.*

Nihil...pretium. Nihil nobis turpe videtur, si nobis viam aperit ad ea, quae libido nostra occupavit, comparanda.

Homo, sacra res homini. Sic plurimi codd. Alii: *Homo, sacra res, homo.* Mox ex homine plurimi codd. Erasmus tenet *in homine. R.*

cupiendaeque vulnera nefas erat, is iam nudus inermisque producitur; satisque spectaculi ex homine, mors est.

In hac ergo morum perversitate desideratur solito vehementius aliquid, quod mala inveterata discutiat: decretis agendum est, ut revellatur penitus falsorum recepta persuasio. His si adiunxerimus praecepta, 34 consolationes, adhortationes, poterunt valere; per se inefficaces sunt. Si volumus habere obligatos, et malis, quibus iam tenentur, avellere; discant, quid malum, quid bonum sit; sciant, omnia, praeter virtutem, mutare nomen, modo mala fieri, modo bona. Quem- 35 admodum primum militiae vinculum est religio, et signorum amor, et deserendi nefas; tunc deinde facile caetera exiguntur mandanturque iusiurandum adactis: ita in his, quos velis ad beatam vitam perducere, prima fundamenta iacienda sunt, et insinuanda virtus. Huius quaedam superstitione teneantur; hanc ament; cum hac vivere velint, sine hac nolint.

Quid ergo? non quidam sine institutione subtili 36 evaserunt probi, magnosque profectus assecuti sunt, dum nudis lapsum praeceptis obsequuntur? Fateor: sed felix illis ingenium fuit, et salutaria intransitu rapuit. Nam, ut Dii immortales nullam didicere virtutem, cum omni editi, et pars naturae eorum est,

Nudus... producitur. Ut solent meridiani gladiatores. Cf. Nostrum, Ep. vii. Lips.

Satisque spectaculi ex homine, mors est. Seoteulia est quas io Epistola xc: Homo hominem, non tuncas, nec iratus, tantum spectaturus occidit.

Si volumus habere obligatos. Recte sic exhibeat ed. Gronov. et Ruhk.

cum a. c. R. A. et al. Perperam si nolumus dant ed. Lips. Bipoot. et Matth. Schw.

Religio et signorum amor. Iuramenti religionem intelligit: in quo haec ipsa de ulgois comprehensa; vide Militiam nostram lib. I. Lips.

Iusiurandum adactis. Barissima in prosa constructio, quum vulgo di-

bonos esse; ita quidam ex hominibus, egregiam sortiti indolem, in ea, quae tradi solent, perveniunt sine longo magisterio; et honesta complexi sunt, quum primum audire: unde ista tam rapacia virtutis inge-
 37 uia, vel ex se fertilia. At illis aut hebetibus et obtusis, aut mala consuetudine obsessis, diu rubigo animorum effricanda est. Caeterum, ut illos in bonum pronos citius educit ad summa, et hos imbecilliores adiuvabit, malisque opinionibus extrahet, qui illis Philosophiae placita tradiderit; quae quam sint ne-
 38 cessaria, scilicet videas. Quaedam insident nobis, quae nos ad alia pigros, ad alia temerarios faciunt. Nec haec audacia reprimi potest, nec illa inertia suscitari, nisi causae eorum eximantur, falsa admiratio, et falsa formido. Haec nos quamdiu possident, dicas licet:
 * «Hoc patri praestare debes, hoc liberis, hoc amicis, hoc hospitibus.» Tentantem avaritia retinebit: sciet pro patria pugnandum esse; dissuadebit timor: sciet pro amicis desudandum esse ad extremum usque su-
 39 dorem; sed deliciae vetabunt: sciet in uxorem gravissimum esse genus injuriae pellicem; sed illum libido in contraria impingit. Nihil ergo proderit dare praecepta, nisi prius amoveris obstantia praeceptis; non magis, quam proderit arma in conspectu posuisse propiusque admovisse, nisi usurae manus expediuntur.

catur iureiurando, seu ad iusi. adactia. Intelligendum est quasi esset, per metathesis, pro actis ad iusiurandum, qui se iureiurando militari obligaverunt.

Vel ex se fertilia. Subaudi: sunt. *Scilicet videas.* Sic h. l. a. c. R. A. vulgo licet videas, a Mar. quomodo elibi saepius legitur apud Nostrum. Schw.

Et falsa formido. Perperam et

abest edd. vulg. Schw.

In uxorem ed. ex R. sed in uxore dant a. c. A. nec ita male fortasse. Recte enim latine dicitur *in iuria in uxore* (i. q. in uxorem) *admissa*. S.

Pellicem) *Habere pellicem* edd. in vitis vell. libris nostris et Pinciani Gruterique. Schw.

Nisi usurae manus expediuntur. I. e. nisi manus, quae omnis usurae sint, exp. Haec monuit Gronov.

Vt ad praecepta, quae damus, possit animus ire, solvendus est. Putemus aliquem facere, quod oportet; non faciet assidue, non faciet aequaliter: nesciet enim quare faciat. Aliqua vel casu, vel exercitatione, exhibunt recta; sed non erit in manu regula, ad quam exigantur, cui credat, recta esse quae fecit. Non promittet se talem in perpetuum, qui casu bonus est.

Deinde, praestabunt tibi fortasse praecepta, ut quod oportet facias; non praestabunt, ut, quemadmodum oportet: et, si hoc non praestant, ad virtutem non perducunt. Faciet quod oportet monitus; concedo: sed id parum est, quoniam quidem non in facto laus est, sed in eo, quemadmodum fiat. Quid est coena sumptuosa flagitiosius, et equestrem censum consummente? Quid tam dignum censoria nota, si quis, ut isti ganeones loquuntur, sibi hoc et genio suo praestet? et toties tamen sestertio aditiales coenae frugalissimis viris constiterunt. Eadem res, si gulae datur, turpis est; si honori, reprehensionem effugit. Non enim luxuria, sed impensa solemnitas est. Mullum in-

Deinde praestabunt... oportet. Legaliter, sed non moraliter ages, nullum casuum respectu habito, nec persuasionem motus. Ruhl.

Quoniam quidem... in facto... fiat. Secundum Stoen dogma, omnia praeter virtutem mutari nomen, modo mala fieri, modo bona fieri, proot ita utaris. Ita sumptuosissima coena luxuriae causa apparata, censoria nota i. publica reprehensione cum ignominia digna est; at coena aditialis, epulum, quod in adita et auspicio liquorum dabatur (repas de réception), quamvis atque sumptuosa, non reprehenditur. Ruhl.

Sibi hoc, a. e. Non sibi haec. S. — Sibi... et genio, i. e. sibi suli; nam

genius ab homine gnem comitalur non est distinguendus.

Et toties tamen sestertio. Sic recte libri veteres, quod revocavit Robk.— Sensus est: Et tamen aditiales coenae a frugalissimis viris oblatae non constiterunt minoris quam illis sumptuosa coena equestrem censum consummens, scilicet toties sestertio, quoties requirebatur ad censum equestrem, nempe quater: erat enim equestris census quadringenta sestertia, id est, breviora formula, quater sestertio. Immane itaque falsus erat Muretus, tricies scribens pro toties vel totiens, quod habent R. A. e. cum Grut. libris.

Non enim luxuria... solemnitas est. Non enim luxuria, sed impensa res

- gentis formae (quare autem non pondus adiicio, et aliquorum gulam irritum? quatuor pondo et ad selibram fuisse aiebant) Tiberius Caesar, missum sibi, quum in macellum deferri et venire iussisset: « Amici, inquit, omnia me fallunt, nisi istum nullum aut
- 43 Apicius emerit, aut P. Octavius. » Ultra spem illi consecutura processit: licitati sunt; vicit Octavius, et ingentem consecutus est inter suos gloriam, quum quinque sestertiis emisset piscem, quem Caesar venderat, ne Apicius quidem emerat. Numerare tantum Octavio fuit turpe: nam ille, qui emerat, ut Tiberio mitteret (quanquam illum quoque reprehenderim), admiratus est rem, qua putavit Caesarem dignum.
- 44 Amico aegro aliquis assidet; probamus: at, hoc si hereditatis causa facit, vultur est, cadaver expectat.

pretium accipit. *Rohk.* — Nallum prurum offert sensum *Rohk.* ipsi interpretatio: sensus tamen in promptu est: scilicet, quum tantum peneina datur honori, non est hoc luxuriosum convivium, sed impensa solennis, id est, usu consecrata impensa: heus vertit *Lagrange*; *Il (le festin)* n'est plus regardé comme luxe, mais comme une magnificence d'usage.

Mullum ingentis formae. Similem rhombi cuiusdam historiam carpit *Juvenal. Sat. IV. Rohk.*

Quatuor pondo et ad selibram. *Conf. Plin. N. H. IX, 17*, qui ait: *Binas libras ponderis raro admodum exsuperare, nec in vivariis piscibusque crescere. Rohk.*

Apicius. De Apicio cf. ad *Comel. ad Helv. 10, 2. Rohk.* — de P. Octavio, nil aliud notum.

Quinque sestertiis. Quinque millibus HS. edd. a *Mur.* non diversa quidem sententia, sed in vitis libris veti. *Schw.* — *Il: 5000 sestertii efficiunt secun-*

dum Romé de l'Isle 250 thal. Rohk.

Numerare tantum Oct... turpe. Tantum summam impendere soli Oct. fuit turpe, non illi qui ad Caesarem miserat; nam pretium illud, magnum per se consideratum, non turpitudinem habuit, luxuria dabat. *R.*

Nam ille, etc. Sic quidam edd. ex *R.* consentiente nostro *ma. a* et *Ginteri* omnibus. At commodior, atque etiam vera haud dubie fuerit scriptura a *Pinc.* e suis commendata, et dea a *Mur.* recepta, ab aliis vero deserta, non illi qui emerat ut Tiberio mitteret, quanquam illum quoque reprehenderim: admiratus est, etc. Servatum etiam non illi in nostro *ma. c.* et ex parte in ed. *A* in qua non *ille. Reprehenderim pro vulg. reprehend.* dedit *ma. a. Schw.*

Admiratus est rem... dignum. Non emit luxuriae causa, sed ut mulla donaret Caesarem, quem solum tam pretioso munere dignum putabat.

Futur est. Conviciam in heredi-

Eadem aut turpia sunt, aut honesta; refert, quare, aut quemadmodum fiant. Omnia autem honeste fient, si honesto nos addixerimus, idque unum in rebus humanis bonum iudicaverimus, quaeque ex eo sunt. Caetera, in diem bona sunt. Ergo infigi debet persuasio ad totam pertinens vitam; hoc est, quod *decretum* voco. Qualis haec persuasio fuerit, talia erunt, ⁴⁵ quae agentur, quae cogitabuntur: qualia autem haec fuerint, talis vita erit. In particulas suasisse, totum ordinanti parum est. M. Brutus in eo libro, quem *περὶ Καθήκοντος* inscripsit, dat multa praecepta et parentibus et liberis et fratribus: haec nemo faciet, quemadmodum debet, nisi habuerit, quo referat. Proponamus oportet finem summi Boni; ad quem nitamur, ad quem omne factum nostrum dictumque respiciat; veluti navigantibus ad aliquod sidus dirigendus est cursus. Vita sine proposito vaga est. Quod ⁴⁶ si utique proponendum est, incipiunt necessaria esse decreta. Illud, ut puto, concedes, nihil esse turpius dubio et incerto ac timido, pedem modo referente, modo producente. Hoc in omnibus rebus accidet nobis, nisi eximantur, quae reprehendunt animos ac detinent, perconarique totos vetant.

petas, et qui funus expectant: a natura avis, quae cadaveribus pascitur. Catullus: *Suscitat a caeno vulturium capite*. Martialis: *Cuius vulturis hoc erit cadaver?* Erasmus proverb. pag. 283 ed. Wechel. 1643, sic explicat hoc adagium: *Qui vero duntaxat obsequiis et adulationibus occupantur, ut misceantur testamentis, vultures proverbio dicuntur.*

Aut turpia sunt, aut honesta. Et... et hon. ed. Mar. et sqq. in vitis libris vett. Schw.

Honeste fient. Temere honesta fient

ed. Bib. et Ruhk. Schw.

In particulas suasisse... est. Qui decretis totum complectitur, ei parum est in particulas totius suasisse. Ruhk.

M. Brutus... inscripsit. Omnia scripta huius statoris libertalis interiere praeter epistulas. Caetera laudant Bayle, *Brute*; G. Fabric. *Bibl. Graec.* Vol. III, p. 545; Saxa in *Onomast.* I, p. 170. Librum hunc citant et Choriassus et Priscianus sub titulo: *de officii*. Ruhk.

Perconarique) Et conari edd. a

- 47 Quomodo sint Dii colendi, solet praecipui. Accendere aliquem lucernas sabbatis prohibeamus; quoniam nec lumine Dii egent, et ne homines quidem delectantur fuligine. Vetemus salutationibus matutinis fungi, et foribus assidere templorum: humana ambitio istis officiis capitur; Deum colit, qui novit. Vetemus lintea et strigiles Iovi ferre, et speculum tenere Iunoni: non quaerit ministros Deus; quidni? ipse humano generi ministrat; ubique et omnibus praesto
48 est. Audiat licet quem modum servare in sacrificiis

Mur. *Et personarum a. c. R. A. Delevi et; personarum aulem correxii, praerente Erasmo, in Nolus. Schw.*

Accendere aliquem. sabbatis. Lucernae accendere in honorem Deorum aut principum festis diebus mos apud Romanos: sed ut apparet, paulatim indicii ritus invaluerunt, et Sabbatidie illa superstitione caluerunt. Petrus Sat. V, 179 sq. (ubi cf. Cassiodorus. p. 465 sq.): *Et, quoniam Herodias venerat dies unaque fenestra dispositae pinguem nebulam vomere lucernae, etc.* Ruhk. — *Lucernas, non lucernam, a. c. R. A. S.*

Vetemus salutationibus. Ecce officia, quae hominibus tribuebant, ad Deos eadem transtulere, et ut potentes salutare mans, sic etiam istos instituerunt. Apuleius XI: *Inchoatae lucis salutationibus religiosi primam nuntiantes horam, perstrepunt.* Prudentius: *Mane salutatum concurrunt, omnis adorat Pubee.* Plautus, atque alii, crebro. Lips.

Foribus assidere. Nondum scilicet spectis: nam cum prima luce, sote nocte, fuciebant. Lips.

Lintea et strigiles. Quasi lotionis Dii egent; sunt enim haec buloeria instrumenta. (Vertit Lagrange:

Des linges et des grattoirs de bain.) Nec miremur: nam et cibum esui appocubant. Vide me II Elector. cap. xviii. Lips.

Speculum tenere Iunoni. Hic locus lucem accepit ab alio eiusdem auctoris ex illius operibus emissis excerpto, quem tamen servavit Augustinus insertum in opere suo de civitate Dei: *In Capitolium perveni, inquit Seneca: pulchritudo publicitas dementiae, quod sibi vanus furor attribuit officio: alius nomina Deo subicit, alius horas Iovi nunciat; alius licetor est, alius unctor, qui vano motu brachiorum imitatur unguentem: sunt quae Iunoni et Minervae capillos disponant, longe a templo, non tantum simulacra stantes, digitos movent ornamentum modo, sunt quae speculum teneant.* Saepe occurrunt etismunc in monumentis antiquis specula, et in pompa Isidis ab Apuleio descripta, Metam. XI, p. 770 ubi vid. Colv. et Oudendorp. nostri loci memores. Ruhk.

Quem modum servare. Sic recte annua Pal. 3. Volgo quemadmodum se gerere edd. a Mur. cum Pal. 2. Quemadmodum servare ed. Er. cum ms. Col. Quemadmodum servare, a. c. R. A. Schw. — Suspicio reliquise

debeat, quam procul resilire a molestis superstitionibus: nunquam satis profectum erit, nisi, qualem debet, Deum mente conceperit, omnia habentem, omnia tribuentem, beneficium gratis dantem. Quae causa est Diis benefaciendi? Natura. Errat, si quis putat illos nocere nolle: non possunt; nec accipere iniuriam queunt, nec facere. Laedere etenim laedique, coniunctum est. Summa illa ac pulcherrima omnium natura, quos periculum exemit, ne periculosos quidem fecit. Primus est Deorum cultus, Deos credere; deinde, reddere illis maiestatem suam, reddere bonitatem, sine qua nulla maiestas est; scire, illos esse qui praesident mundo, qui universa vi sua temperant, qui humani generis tutelam gerunt, interdum curiosi singulorum. Hi nec dant malum, nec habent: caeterum castigant quosdam, et coercent, et irrogant poenas, et aliquando specie boni puniunt. Vis Deos propitiare? bonus esto! Satis illos coluit, quisquis imitatus est.

Ecce altera quaestio, Quomodo hominibus sit uten-

Senecam: quemadmodum servare in s. uti est in Tarvis. et Veneta. Servare est observare, etc. Gronov.

Molestis superstitionibus. Vulgo molestiis ac superstit. Schw.

Beneficium non beneficia, a. c. R. A. Schw.

Natura. Totus hic locus de Diis, quorum cultus decretis etiam niti debet, tam egregius est, ut non mirum sit, quod inde et multis alijs locis eiusmodi perperam inducitur: multi ad credendum Senecae fuisse cum Paulo Apostolo consuetudinem, unde haec ei talia acceperit, nemina scilicet nisi Christiano homine digna. Tamen interdum curiosi singulorum et caeterum castigant

quosdam.... puniunt excidisse Nostro nolles, quippe quae sanior philosophia repudiat, quia etiam Stoa et ipsae; nisi postrema mitiges interpretatione, quam M. Anton. et Epictetus passim suppeditant. Caeterum a Platonis libris de rep. inprimis e libr. X de Legg. toto haec hausta videri possunt. *Ruhk.*

Nocere nolle. Sic recte ms. a. Perperam vulgo *nocere velle*, ex parum intellecto loquendi more, familiari Senecae. *Schw.*

Et aliquando.... puniunt. Id est, dant bona externa, quae in malum cedunt. Videntur indulgere, castigant. *Lips.*

Quomodo hominibus sit utendum.

dum. Quid agimus? quae damus praecepta? Vt parcamus sanguini humano? quantulum est, ei non nocere, cui debeas prodesse! Magna scilicet laus est, si homo mansuetus homini est! Praecipiemus ut naufrago manum porrigat, erranti viam monstret, cum
 52 esuriante panem suum dividat? Quando omnia, quae praestanda sunt ac vitanda, dicam? quum possim breviter hanc illi formulam humani officii tradere: Omne hoc, quod vides, quod una atque humana conclusa sunt, unum est: membra sumus corporis magni. Natura nos cognatos edidit, quum ex iisdem et in eadem
 53 gigneret. Haec nobis amorem indidit mutuum, et sociabiles fecit; illa aequum iustumque composuit: ex illius constitutione miserius est nocere, quam laedi: ex illius imperio paratae sunt iuvantis manus. Iste versus et in pectore, et in ore sit

Homo sum, humani nihil a me alienum puto!

Habeamus! In commune nati sumus. Societas nostra lapidum fornicationi simillima est; quae casura, nisi invicem obstarent, hoc ipso sustinetur.

De usu et consuetudine cum hominibus. Sunt communes sententiae (κοινὰ ἔννοια), quae et educatio et lectio poetarum epicorum et gnomicorum animis in rebus instillabatur. Cf. Cic. de Offic. lib. I, capp. prioribus. R.

Cum esuriante. Notat Moretus, proximum hoc Sacrorum illi praecepto esse: Esurienti frange panem tuum.

Formulam humani officii. Est decretum, δόγμα, stoicum, de quo vid. Lipsii Physiol. stoic. I, 3; et Casaub. ad Persium p. 176 sqq. R.

Quum ex iisdem. Elegantia, et item astris, secundum stoicos. Et in eadem, vel in actionibus eadem, et

finem: vel resolvendos in illa eadem, e quibus sumus. Lips.

Paratae sunt iuvantis manus. Sic ed. R. Er. et Mur. Iuvandis a. a. A. Ad iuvandam ed. Lips. et seqq. cum mss. Pinc. et Grut. Schw. — Int. Haec nobis imperavit ut semper manus nostrae paratae essent ad ceteros adiuvandos.

Homo... puto! Versus Terentii Heautontim. act. I, sc. I, 54. Ruhk.

Habeamus! (scil. in pectore et in ore.) In commune nati sumus. Vulgo habeamus in commune, quod nati sumus. Sed quod ignorat ms. a eum optime Pinciani cod. Schw.

Post Deos hominesque, dispiciamus, Quomodo re-
bus sit utendum. In supervacuum praecepta iacta-
vimus, nisi illud praecesserit, qualem de quacumque
re habere debeamus opinionem, de paupertate, de
divitiis, de gloria, de ignominia, de patria, de exilio.
Aestimemus singula, fama remota; et quaeramus, quid
sint, non quid vocentur.

Ad *Virtutes* transeamus. Praecipiet aliquis, ut pru-
dentiam magni aestimemus, ut fortitudinem comple-
ctamur; temperantiam amemus; iustitiam, si fieri
potest, propius etiam, quam caeteras, nobis applice-
mus. Sed nihil agetur, si ignoramus, quid sit virtus;
una sit, an plures; separatae, an innexae; an, qui
unam habet, et caeteras habeat; quo inter se differant.
Non est necesse fabro de fabrica quaerere, quod eius
initium, quis usus sit; non magis quam pantomimo,
de arte saltandi. Omnes istae artes se sciunt, nihil
deest; non enim ad totam pertinent vitam. Virtus et
aliorum scientia est et sui. Discendum de ipsa est,
ut ipsa discatur. Actio recta non erit, nisi recta fue-
rit voluntas: ab hac enim est actio. Rursus, voluntas
non erit recta, nisi habitus animi rectus fuerit: ab hoc

Rebus sit utendum. De rebus, quae
nec bonae, nec meliores esse statebant,
ut constat, Stoici. *Rohk.*

Vna sit...innexae. Sic Schw. Vulgo
annexae. Unam, et annexas omnes
inter se virtutes statebant Stoici, ut
saepe iam vidimus. Lipsii *Manuduc.*
Stoic. III, 4. *Rohk.*

Quo. Sic Schw. Vulgo *quomodo.*

Omnes istae artes se sciunt. Am-
bitus artium iis ipsis censetur et con-
tinetur: in se consummatae, non opus
habent, ut aliud quid cognoscant. *R.*

Discendum de ipsa est, ut ipsa di-
scatur. Sic a. c. *A. Pel.* 1. 2. et *Col.*

(et parum ebit ed. *R.* cum aliis, ut
in ipsa discatur). Hoc dicit: ipsa vir-
tus nos docet, quomodo ipse discenda
sit. Sententia paulo obscurior induxit
editores, ut interpolarent locum; in
quo quidem non nimis callide ver-
satos esse vident. *Vt in ipsa voluntas*
discatur ed. *Er.* *Vt ipsa voluntas di-*
scatur ed. *Mur.* et sqq. *S.*

Habitus animi. *ἔξῃς*, quem nos
barbare praedispositionem vocamus.
Stob. Eclog. ph. Vol. II, 7, p. 299
Heer. *ἔξῃς δὲ, καὶ δὲ πρὸς ταῦτά πως*
ἔχοντες, καὶ δὲ ὅς ἐστι τοῦτο (*δυνά-*

enim est voluntas. Habitus porro animi non erit in optimo, nisi totius vitae leges perceperit, et, quid de quoque iudicandum sit, exegerit; nisi res ad verum redegerit. Non contingit tranquillitas, nisi immutabile certumque iudicium adeptis: caeteri decidunt subinde, et reponuntur, et inter missa appetitaque
 58 alternis fluctuantur. Causa usque iactationis est, quod nihil liquet incertissimo regimine utentibus, fama. Si vis eadem semper velle, vera oportet velis. Ad verum sine decretis non pervenitur; continent vitam. Bona et mala, honesta et turpia, iusta et iniusta, pia et impia, virtutes ususque virtutum, rerum commodarum possessio, existimatio ac dignitas, valetudo, vires, forma, sagacitas sensuum, haec omnia aestimatorum desiderant. Scire liceat, quanti quidque in cen-
 59 sum deferendum sit. Falleris enim, et pluris quaedam, quam sunt, putas: adeoque falleris, ut, quae maxima inter nos habentur, divitiae, grātia, potentia, sestertio nummo aestimanda sint. Hoc pescies, nisi constitutionem ipsam, qua ista inter se aestimantur,

μετων) ἐνέργεια τῷ ἢ κατὰς ἀποτέλει-
 ται. Ruhk.

Causa usque iactationis est. (I. e., causa perpetuae iactationis.) Sic ed. R. Idque ipsam debuisse videntur alii libri vet. in quibus vel usque, vel usque scribitur. Vulgo causa huius iact. ex Mureti coniect. Lips. conj. causa iusor. Schw.

Rerum commodarum. Stoica phrasi res externas ita dici, quae vulgo bona, constat: commoda. Ruhk.

Existimatio, a c. R. A. non aestimatio. Idem libri cum aliis inserenda dedere duo verba, scire liceat, quae aberant vulgo, a Mureto subiecta. li-

dem in sqq. inter nos, non inter vos. Schw.

Aestimatorem desiderant. Int. Ea omnia necesse est ut vero suo pretio aestimentur, ab illis qui sibi quiddam vitae certum regimen constituere volunt, nec semper ex fama pendere.

Sestertio nummo, i. e. minimo, supple: valet. Communis ita sermo et velot formula, in imaginario pretio aut nullo. Cf. Cuius. lib. XIX. Obs. c. xxi. L. — Vide Bentley ad Horat. Serm. I, 4, 14, qui et nostri loci meminit. Ruhk.

Constitutionem ipsam. Rationem internam, ex qua ista aestimatio sit. Ruhk.

inspexeris. Quemadmodum folia virere per se non possunt; rimum desiderant, qui inhaereant, ex quo trahant succum; sic ista praecepta, si sola sunt, marcent; infigi volunt sectae.

Praeterea, non intelligunt hi, qui decreta tollunt, eo ipso confirmari illa, quo tolluntur. Quid enim dicunt? praeceptis vitam satis explicari; superflua esse decreta sapientiae, id est, dogmata. Atqui hoc ipsum, quod dicunt, decretum est: tam, hercules, quam si nunc ego dicerem, recedendum esse a praeceptis velut supervacuis, utendum esse decretis, in haec sola studium conferendum; hoc ipso, quo negarem curanda esse praecepta, praeciperem. Quaedam admonitionem in Philosophia desiderant, quaedam probationem, et quidem multa; quia involuta sunt, vixque summa diligentia ac summa subtilitate aperiuntur. Si probationes necessariae sunt, necessaria sunt decreta, quae veritatem argumentis colligunt. Quaedam aperta sunt, quaedam obscura. Aperta, quae sensu comprehenduntur, quae memoria; obscura, quae extra haec sunt. Ratio autem non impletur manifestis; ma-

Sectae. I. decreto. Ruhk.

Recedendum esse a praeceptis velut supervacuis, utendum esse decretis, in haec sola etc. Vocah. velut et tria verba, utendum esse decretis, vulgg. edd. ignota, absque quibus oco constabat sententia, opportuno oobis obtulit ms. a. Schw.

In philosophia. Ms. a. Alii vulgo philosophiae. Schw.

Et quidem multa. Dixerat quaedam probationem desiderare: velut corrigil, imo multa, loquit, quia involuta et obscura. Lips.

Si prob. necess. sunt, necessaria sunt decreta. Volgo brevius. Si prob. necessaria sunt, et decreta: quod

ferri poterat, intelligendo necessaria etiam sunt decreta. Sed, quoniam particulam et igoorat ibi ms. a., temere omitta potavi duo verba, necessaria sunt, scilicet a proxime praecedentibus absorpta; quae duo verba his deinde diserle, §. 62, repetuolur. Schw.

Quae veritatem... colligunt. Principia voces: ut ratio decretorum et praeceptorum sit eadem, quae est Ethicae purae et applicatae. Ruhk.

Aperta quae... memoria. I. quae sensu exteriori et interiori comprehenduntur. Ruhk.

Ratio... manifestis. Plura comprehendit quam ea, quae sensibus in

- ⁶² ior eius pars pulcriorque in occultis est. Occulta probationem exigunt, probatio non sine decretis est; necessaria ergo decreta sunt. Quae res communem sensum facit, eadem perfectum, certa rerum persuasio, sine qua si omnia in animo natant, necessaria sunt decreta, quae dant animis inflexibile iudicium.
- ⁶³ Denique quum monemus aliquem, ut amicum eodem habeat loco quo se; ut ex inimico cogitet fieri posse amicum; in illo amorem incitet, in hoc moderetur odium; adiicimus: « iustum est et honestum. » Iustum autem honestumque decretorum nostrorum continet ratio; ergo haec necessaria est, sine qua nec illa sunt.
- ⁶⁴ Sed utraque iungamus: namque et sine radice inutiles rami sunt; et ipsae radices his, quae genuere, adiuvantur. Quantum utilitatis manus habeant, nescire nulli licet; aperte iuvant: cor, illud quo manus vivunt, ex quo impetum sumunt, quo moventur, latet. Idem dicere de praeceptis possum: aperta sunt; decreta vero sapientiae in abdito. Sicut sanctorum tantum initiati sciunt; ita in Philosophia, arcana illa admissis receptisque in sacra ostenduntur; at praecepta, et alia eiusmodi, profanis quoque nota sunt.

memoriam perveniunt. *Ruhk.*

Quae res... persuasio. I. e. quod afficit, ut omnibus hominibus eadem sententia sit de rebus, id efficit quoque perfectum et evidentem conceptum; atqui hanc sententiam praestatal persuasio de rebus, quae certae sunt. *Ruhk.*

Certa rerum persuasio. Vulgo certarum rerum persuasio: sed verum non agnoscit ms. a. Itaque vocem

certarum ex duabus certa rerum peperam conlitem existimavi. *Solv.*

Sine qua si omnia in animo natant, necessaria sunt decreta. Sic a. c. d. cum Pinc. *Natant* tenent libri omnes, ne de natant cogites, ul xxxv, et lxxiv. *Solv.*

Iustum... ratio. Decreta nitentur ratione, quae iustum honestumque continet, ex his systema principiorum exstuit. *Ruhk.*

Posidonius non tantum *praeceptionem* (nihil enim⁶⁵ nos hoc verbo uti prohibet), sed etiam *suasionem*, et *consolationem*, et *exhortationem* necessariam indicat. His adiicit *causarum inquisitionem*, *etymologiam*; quam quare dicere nos non audeamus, quum Grammatici, custodes Latini sermonis, suo iure ita appellant, non video. Ait utilem futuram et descriptionem⁶⁶ cuiusque virtutis: hanc Posidonius *ethologiam* vocat; quidam *characterismon* appellant, signa cuiusque virtutis ac vitii et notas reddentem, quibus inter se similia discriminantur. Haec res eandem vim habet, quam praecipere. Nam, qui praecipit, dicit: Illa facies, si voles temperans esse. Qui describit, ait: Temperans⁶⁷ est, qui illa facit, qui illis abstinet. Quaeris, quid intersit? alter praecepta virtutis dat, alter exemplar. Descriptiones has, et (ut publicanorum utar verbo) *iconismos*, ex usu esse confiteor. Proponamus lau-

⁶⁵ Posidonius itaque et in his non solum pure praecipere, sed et, etc., iubet, sed inquirere quoque in causis, unde haec omnia fieri nunc debent. Rohk.

Etymologiam; quam quare dicere nos non audeamus. Sic plane ms. a. nisi quod *ethimologiam* scribit. *Ethimologiam* ed. R. sed perperam praeposit et copulam, et sequentia verba turbat, quae ex coniect. emendavit Erasmus. *Ethologiam* ms. c. *Ethologiam* vel *ethimologiam* ed. A. Denique vulgo, quam cur *aetiologiam* dicere non audeamus, ex H. Stephani et Mureti speciose ulique emendatione. Sed *aetiologiam* (puto *aetiologiam* voluerat) ex vtti. libr. etiam laudaverat Pinc. quorum ex praescripto delenda etiam cenauerat duo verba praecedentia, *causarum inqui-*

sitionem, ut ex glossamata iuncta. Schw.

Utilem futuram et descript. Sic recte ms. a. cum Pinc. Perperam vulgo esse, absque et. Schw.

Ethologiam recte ms. a. et ed. A. Absurde rursus *aetiologiam* hic ponunt edd. et olim *etymologiam*. S. — Exemplum illustre ex Antiquitate nobis praestant Theophrasti characteres, quibus praecluserunt rhetores, sive technologi, e. e. Aristoteles: imitati sunt Angli de ethica exponentes, e nostratibus Gellertus, al. Rohk?

Iconismos (vulgo graecis litt. scribitur), verti potest *significamentum*. — *Publicanorum utar verbo*. Quare, aut ubi, publicanis hoc verbum in usu? Puta in portoria fuisse, ubi servi traieciabantur, et equi, etque alia maius pretii. Ut constaret tales et

danda: inveniatur imitator. Putas utile, dari tibi argumenta, per quae intelligas nobilem equum, ne fallaris empturus, ne operam perdas in ignavo? Quanto hoc utilius est, excellentis animi notas nosse, quas ex alio in se transferre permittitur?

*Continuo pecoris generosi pulvis in arvis
 Altius ingreditur, et mollia crura reponit:
 Primus et ire viam, et fluvios tentare minantes
 Audet, et ignoto sese committere ponti,*
 Nec vanos horret strepitus: illi ardua cervix,
 Argutumque caput, brevis alvus, obesaque terga,
 Luxuriatque toris animosum pectus.....
 Tum, si qua sonum procul arma dedere,
 Stare loco nescit, micat auribus, et tremat artus,
 Collectumque premens volvit sub naribus ignem.*

⁶⁹ Dum aliud agit Virgilius noster, descripsit virum fortem; ego certe non aliam imaginem magno viro dedero. Sit mihi Cato exprimendus, inter fragores bellorum civilium impavidus, et primus incessens admotus iam exercitus Alpibus, civilique se bello ferens obvium; non alium illi assignaverim vultum, non alium habitum. Altius certe nemo ingredi potuit, quam qui simul contra Caesarem Pompeiumque se sustulit, et,

tales solvime portorium, nec alios, describebant formam faciemque singulorum. Et id vocabant *σινωπιός*. Potuit et in pecunia assignanda, aut deleganda locum habere. Dabis tali, et tali forma, neve, nota: ut hodiequa interdum qui pecuniam in Italia, aut alibi capiendam transcribunt. *Lips.*

Notas nosse recte dedit ms. a. quod et debuerit ed. R. in qua nosse Perperam vulgo notas esse. Schw.

Primus et ire, a. c. R. A. non primus ire. Tum minantes iidem non minantes. Schw.

Ponti, non ponto, ms. a. Ponto vel ponti ed. A. Schw.

Micat, a. R. ut vulgo: notat c. A. S.—Virgil. vers. Georg. III, 75.

Sit mihi Cato exprimendus. Ex conj. sic scripsi, pro vulgato Si mihi, etc. Schw.—De Catone eadem saepius affert. Cf. de Provid. II, 6 sq. Epist. xxiv, 14, 11 sq. Idem laudat in Catone Vellut. Paleic. II, 49. Horat. II Carm. 11, 24, sic. Res nota R.

Incessens. Vartii Lagrange: Accablant de reproches.

aliis Caesarianas opes, aliis Pompeianas sibi foventibus, utrumque provocavit, ostenditque aliquas esse et reipublicae partes. Nam parum est in Catone, dicere:

Nec vanos horret strepitus.....

Quidni? quum veros vicinosque non horreat; quum contra decem legiones, et Gallica auxilia, et mixta barbarica arma civilibus, vocem liberam mittat, et Rempublicam hortetur, ne pro libertate decidat, sed omnia experiatur, honestius in servitutem casura, quam itura? Quantum in illo vigoris ac spiritus, quantum in publica trepidatione fiducia est! Scit se unum esse, de cuius statu non agatur; non enim quaeri, an liber Cato, sed an inter liberos sit. Inde periculorum gladiatorumque contemptus. Libet admirantem invictam constantiam viri, inter publicas ruinas non labantis, dicere:

Luxuriatque toris animosum pectus....

Proderit non tantum, quales esse soleant boni viri, dicere, formamque eorum et lineamenta deducere; sed, quales fuerint, narrare, et exponere Catonis illud ultimum ac forissimum vulnus, per quod libertas emisit animam; Laelii sapientiam, et cum suo Scipione

Sibi foventibus) Sibi, i. e. soi causa, suum io commodum, non reipublicae causa. Prooemio hoc temere abiectum ab Erasmo, opportuna dedit ed. R. Idem debuerunt s. c. A. io quibus vitiose tibi scribitur. S.

Esse et Reipubl. partes. Vocabam et, qua carebant vulgo, commode dedit ms. a. Schw.

Casura, quam itura) Casura, si vinceretur a tyranni exercitu: itura,

si sponte semetipsam tyranni imperio submitteret.

Libet admirantem invictam, etc. Int. aliquis admirans invictam... merito potest dicere.

Sed, quales fuerint. Temere omisa est sed particula in ed. Bipont. et Muhl. Schw.

Emisit. Sic recte H. Stephanus Epial. V ad Dalecamp. emendavit. Aotica amisit. Rhlk.

SEN. TORN. IV.

I

concordiam; alterius Catonis domi forisque egregia facta; Tuberonis ligneos lectulos, quum in publicum sternerent, hoedinasque pro stragulis pelles, et ante ipsius Iovis cellam apposita convivis vasa fictilia. Quid aliud est, paupertatem in Capitolio consecrare? Vt nulum aliud factum eius habeam, quo illum Catonibus inseram, hoc parum credimus? Censura fuit illa, ⁷³ non coena. O quam ignorant homines cupidi gloriae, quid illa sit, aut quemadmodum petenda! Illo die populus Romanus multorum supellectilem spectavit, unius miratus est. Omnium illorum aurum argentumque fractum est, et millies conflatum; at omnibus saeculis Tuberonis fictilia durabunt. Vale.

Tuberonis ligneos lectulos. Q. Aelii Tuberonis. De eo Cicero in Orat. pro Murena c. 36 haec habet: Fuit eodem et studio eruditus apud patres nostros et honestus homo et nobilis Q. Tuberus. Is, quum epulum Q. Maximus Africani patris sui nomine populo Rom. daret, rogatus est a Maximo, ut triclinium sterneret, quum esset Tuberus eiusdem Africani sororis filius: atque ille homo eruditissimus ac stoicus stravit pelliculis hoedinis lectulos proficanos et exposuit vasa samia: quos vero esset Diogenes Cynicus occurtus et non divini hominis Africani mors honestaretur!... Graviter tulit populus Rom. hanc perversam sapientiam Tuberonis. Exscripait Ciceronem Valer. Maxim. Vlt. 5. Ruhk.

Quum in public. sternerent (scil.

Romani). Sic recte exhibent a. c. A. non ut vulgatae edd. sternerentur. S.

Ante ipsius Iovis. Epulo publico, in Capitolio. Adde Epist. xviij. Lipsius.

Apposita, sic ed. A. non proposita, ut vulgo. Schw.

Et millies conflatum, a Pinciano ex uno codice (sed eo alioquin probato) laudatum recepit Mur. nec fortasse immerito (quam lection. accuratus bene Lagrange vertit: Et mille fois refandu). Schw. dat in millies conflatum ex ms. a. (quod intelligi poterat conflatum, in ingentem pecuniae summam prociusum). Sic item ed. R. et Gruteri codd. omnes, in quibus quidem milies, pro more, simplici littera scribitur. Vitiose in milites ed. Et. In vile as (i. e. in vile as) Ms. c. et ed. A.

EPISTOLA XCVI

OMNIA PATIENTER FERENDA.

Contra querulos scripta est haec epistola, in qua docetur, omnia a fato venire, quae decernuntur, non accidunt. Non parandum est Deo, sed assentiendum: et carere velle incommodis omnibus est votum effeminatum, quod virum haud decet.

SENECA LUCILIO SVU SALVTEM.

Tamen tu indignaris aliquid, aut quereris; et non intelligis, nihil esse in istis mali, nisi hoc unum, quod indignaris, et quereris? — Si me interrogas, nihil puto viro miserum, nisi aliquid esse in rerum natura quod putet miserum. Non feram me, quo die aliquid ferre non potero. Male valeo? pars fati est. Familia decubuit? foenus offendit? domus crepuit? damna, vulnera, labores, metus incurrerunt? Solet fieri. Hoc parum est; debuit fieri. Decernuntur ista, non accidunt. Si quid credis mihi, intimos affectus meos tibi quum maxime delego; in omnibus, quae adversa videntur et dura, sic foratus sum; non pareo Deo, sed assentior; ex animo illum, non quia necesse est, sequor. Nihil unquam mihi incidet, quod tristis ex-

Tamen tu indignaris (scilicet quamvis meliora scire debeat). Sic ms. a. et Pal. 1. 3. 4. cum edd. a Mor. *Tantum tu* edd. ex R. *Tantum*, absque tu, c. A. Pal. 2. Col. Schw. *Quod putet miserum*. Perperam omisum volgo prooemio quod, iuda ab ed. Mur. Schw.

Non feram me. J. e. male mihi erit, de me querar et angar. Lips.

Incurrerunt (*Incucurrerunt* ms. a. Schw.

Decernuntur ista. Int. non es quasi fortuita habere debeo; ex lege fiunt; nam ea lex humanitatis est, ut talibus obnoxia sit.

Non pareo Deo... sequor. Stoica dogmata et praecepta sunt, quae saepe iam vidimus a Nostro exposita his ipsius Epistolis. Ruhl.

cupiam, quod malo vultu: nullum tributum invitus conferam. Omnia autem, ad quae gemimus, quae expavescimus, tributa vitae sunt. Horum, mi Lucili, nec speraveris immunitatem, nec petieris. Vesicae te dolor inquietavit; epulae fuerunt parum dulces; detrimenta continua; propius accedam: de capite timuisti. Quid tu, nesciebas haec te optare, quum optares senectutem? Omnia ista in longa vita sunt, quomodo in longa via et pulvis et lutum et pluvia. — Sed volebam vivere, carere tamen incommodis omnibus! — Tam effeminata vox virum dedecet. Videris, quemadmodum hoc votum meum excipias; ego illud magno animo, non tantum bono facio: neque Dii, neque Deae faciant, ut te fortuna in deliciis habeat! Ipse te interroga, si quis potestatem tibi Deus faciat, utrum velis vivere in macello, an in castris. Atqui vivere, mi Lucili, militare est. Itaque hi, qui iactantur,

Tristis excipiam. Temere et absurde incipiam dant ed. Bipont: et Ruhk. Schw.

Epulae fuerunt parum dulces. Sic edd. iude a Mur. et epulae quidem ex ed: R. cum ms. Pal. 2, et Col. Sed verum videtur *epistolae*, quod praefert ms. a. cum Pal. 1. 3. et 4. Scil. *epistolae* in vetustis codd. olim scribebatur; quam scripseram (per n pro o) ut tibi constanter, sic et h. l. m. 3. exhibat: idemque vocab. *epistolae* in ms. c. et ed. *Ascompendiosa* scriptura significatur. Schw. — Ruhkopf. (vid. not. infer.)* probat *Epistolae*. Lagrange interpretatur epulae: *Les alimens n'ont plus de douceur pour vous.* — Porro sciet lector, verbum fuerunt ex Moretling. esse, quum vet. libri omnes vero erunt exhibeant: sed particulae vero non videtur hic fuisse locus, at

verbum potius in praet. quam in fut. positum requirebatur: quare admodum probabilis haecenus fuerit Mureti emendatio. Schw.

De capite timuisti. Refert haec Lipsios ad Ep. xxiv, ubi de iudicii eventa sollicitum fuisse Lucilium scribit noster. Ita non opus est, ut cum Gentero statuamus, haec et lra quatuor quae praecedunt lineas hiulcnam quid habere: praesertim si non epulae, sed epistolae cum mss. nonnullis ap. Grat. legamus. Sensus esset: Epistolae parum dulces allatae sunt, quae detrimenta continua nunciant; quid, quod periculum capitis i. e. vitae tibi afferunt. Ruhk.

Fortuna in deliciis. Tale de Providentia, c. 1: *Deus bonum virum in deliciis non habet.*

Atqui... militare est. Conf. ad Epist. l. 1, § 5; l. ix, § 6 sq. Ruhk.

et per operosa atque ardua sursum ac deorsum eunt, et expeditiones periculosissimas obeunt, fortes viri sunt, primoresque castrorum: isti, quos putida quies, aliis laborantibus, molliter habet, turturillae sunt, tuti contumeliae causa. Vale.

Putida quies. Recte illa vix servata in duobus mss. Pol. quorum in uno quidem *putrida* scribitur, qua scriptura et alias saepe in hoc vocab. utuntur libri postri. Mendose *putica* a. c. A. Schw. — *Publica* dant edd. ex R. quod probuit Ruhkopfius, dicens ad publicam pacem referendum esse.

Turturillae. I. molles: sive vocem derives ab ave turture, sive, quod Lipsius probat, a Turturilla. In Excerptis Pithonensis est: *Turturilla, ita dicitur locus, in quo corruptelae fiebant, quod ibi tarturi opera daretur, i. e. spanem.* Vbi Lipsius emendat: *i. e. ganeas*, et addit: Talis autem loca at homines tuti, non per

honorem, sed contumeliam, et quia spernuntur. Gruter. ad h. l. et Tsubmann. ad Plauti Bacch. I, 4, 35, quo Caeuer in Thea. Stephan. h. v. nos oblegat, nihil amiserunt. Ruhk. — Opaopoeus legebat: *Turdi illi sunt*, et dicebat Senecam respexisse ad quemdam *Turdum* numine, de quo Seneca pater lib. IX Contror. 4, ut de homina mollitia sua famoso loquitur, unde forsitan huius nomen ad designandos delicatiores inerebuisse potuisset. Alii legendum esse arbitrantur *Turdilli sunt*: Notum est turdillos avis delectari; unde latini hoc nomine dissolutos notare potuissent, ut apud Gallas vox *grivois* a voce *grive* (turdus) facta esse videtur. (E uotis *Lagrange* versum.)

EPISTOLA XCVII.

ET NUNC ET OLIM FUISSE MALOS: DE VI CONSCIËNTIAE.

Lucilium de saeculi vitiis questum refutat, et nunc docet et olim fuisse malos, exemplo petito a iudicio Clodiano, quod Clodius nummis et adulteriis, idque Catonis tempore, corruperat. Suo tamen tempore docet fuisse frugaliorem iuventutem, et quamvis vitia erumpant, quoniam ad deteriora faciles sumus, vitae peccata delectant, et prava consuetudo iuvat; tamen boni sensus animis subest, et bona conscientia, quae prodire vult et conspici, quum nequitia ipsas tenebras timeat, nec latendi fiduciam,

Epicuro monente, habeat. Nam mala faciaora conscientia damnantur, atque etiam interno flagello aut moris puniuntur.

Cf. Nostrium Epist. CV, et Cicero de Fin. I, 11.

SENECA LUCILIO SVO SALVTEM.

Erras, mi Lucili, si existimas nostri saeculi esse vitium luxuriam et negligentiam boni moris, et alia, quae obiecit suis quisque temporibus. Hominum sunt ista, non temporum; nulla aetas vacavit a culpa. Et, si aestimare licentiam cuiusque saeculi incipias, pudet dicere, nunquam apertius, quam coram Catone, peccatum est. Credat aliquis pecuniam esse versatam in eo iudicio, in quo reus erat Clodius ob id adulterium, quod cum Caesaris uxore in aperto commiserat, violatis religionibus eius sacrificii, quod pro populo fieri dicitur, sic submotis extra conspectum omnibus viris, ut picturae quoque masculorum animalium contegantur? Atqui dati iudicibus nummi sunt; et quod,

Obiecit in praet. pro more Nostri, a. o. A. Vulgo obiecit. Schw. — Quae obiecit... quisque temporibus. Notum est Hesiodum Opp. ei D. 157. sq. et Horat. in Art. poet. 173 in descriptione senis: *Difficilis, querulus, laudator temporis octi Se puero; censor castigatoremq; minarum.* Cf. Galock. ad M. Anton. VII, 1. *Ruhk.*

Credat aliquis, etc. Fiebat hoc facinus a. V. 691. Vide Cicern. Epp. ad Attic. I, 13, 14, 16, et Middleton's *Life of Cicero* ad h. ann. *Ruhk.*

P. Clodius. Quaeq; et senator, homin nobilis (Appii filius), disertus, audax, malorum propositorum executor, infamis etiam sororis stupro (Vellei. Pat. II, 45), adulterium cum Pompeia, C. Jul. Caesaris uxore, in oculis Pontificis maximi,

ubi sacra Bonae Deae non adeunda viris (vide Tibull. I, 6, 32. Iuvenal. VI, 339. interpp. Cic. Harusp. resp. 17) quas ad Phallii (Lingam vocant Orientalem) religiosem spectasse videntur, per virgines vestales incredibili cerimonia quotannis celebrabatur, commiserat, ut Seneca h. l. et Din Cass. XXXVII, 45, tradunt, s. commissurus erat teste Cicerone l. l.; sed detectus a senatu est. *Ruhk.*

In aperto. *In aperto* ed. Lips. et saepe ex uno Pal. 4. *Schw.*

Atqui. Etiam si hoc facinus horrendum esset, tamen. — Quaeq; extra ordinem fuit. Quam enim Pontifices, ad quos res delata fuerat, velus esse decrevisset, Clodiani pertulerunt, ut non iudicium populi, sed praetoris et sex et quinquaginta

hac etiam nunc pactione turpius est, supra insuper matronarum et adolescentulorum nobilium stillarii loco exacta sunt. Minus crimine, quam absolute, peccatum est. Adulterii reus adulteria divisit, nec ante fuit de salute securus, quam similes sui iudices suos reddidit. Haec in eo iudicio facta sunt, in quo, si nihil aliud, Cato testimonium dixerat. Ipsa ponam verba Ciceronis, quia res fidem excedit (*Epistolarum ad Atticum* libro I): «Accessivit ad se, promisit, intercessit, dedit. Iam vero, o Dii boni, rem perditam? etiam noctes certarum mulierum, atque adolescentulorum nobilium introductiones, nonnullis iudicibus pro mercedis cumulo fuerunt.» — Non vacat de pretio queri, plus in accessionibus fuit. Vis severi illius uxorem? dabo illam. Vis divitis? huius quoque tibi praestabo concubitum. Adulterium nisi feceris, damna. Illa formosa, quam desideras, ve-

iudicium ad id selectorum committeretur, a quibus Clodius absolutus est. R.

Stillarii loco. (Conf. *Duange* Glossar. voc. *stillatura*.) Recte vet. libri omnes, nisi quod nonnulli simpl. *l.* ponunt, et in fine *i*, pro more, pro *ii*. Vulgo *salarii* ex edit. Ven. Schv. — Sive stillarium aliquis interpretetur pro additamento vel augmento, quod supra legitimam mensuram in liquidis velut stillando datur, et hinc metaphora (vulgari sermone: *Par-dessus le marché*). Ipse mox Seneca, *accessionem* vocat: et Cicero, *mercedis cumulum*; scilicet non contenti nummis iudices, mercedis cumulum petierunt, ut sibi matronae nobiles et adolescentuli in stuprum traderentur.

Cato testimonium. Catonem testimonium contra Clodium dixisse,

alioquin, opinor, non constat. Ruhk.

Cicero excedit... lib. I. Haec verba Schweigh. solus textui inseruit; ex ms. a. *Epistolarum ad Atticum* libro, quod a Romanorum consuetudine prorsus abhorreere nobis videtur. Caeterum haec ex Ep. xvi desumpta sunt.

Accessivit ad se. Non Clodius ipse, sed Crassus, qui corrumpeudos iudices susceperat, ut patet ex illa Ciceronis epistola, nude verba, a Seneca allata petita sunt.

Adulterium nisi faceris, damna. Ex uno eod. pal. sic optima restituit Grul., quocum consentit editio vetus. Erasmi ed. *adulterium ubi fueris damna.* — *Lagrange*, Erasmi lect. suae secutus, vertit: *Après cela, condamnez l'adultère, quand vous en serez comptable vous même* — Sensus vero, admissa nostra lect.,

niet; illius tibi noctem promitto, nec differo: intra comperendinationem fides promissi mei exstabit. Plus est distribuere adulteria, quam facere: illud est, matribus familiae denuntiare; hoc, illudere. Hi iudices Clodiani a senatu petierant praesidium, quod non erat, nisi damnaturis, necessarium; et impetraverant. 6 Itaque eleganter illis Catulus, absoluto reo: « Quid vos, inquit, praesidium a nobis petebatis? an, ne nummi vobis eriperentur? » Inter hos tamen iocos, impune tulit ante iudicium adulter, in iudicio leno; qui damnationem peius effugit, quam meruit. Quidquam fuisse corruptius illis moribus credis, quibus libido non sacris inhiberi, non iudiciis poterat; quibus in ea ipsa quaestione, quae extra ordinem senatusconsulto exercebatur, plus; quam quaerebatur, admissum est? Quaerebatur, an post adulterium ali-

videtur esse: si promissum adulterium obo obtinueris, mea te damnavi annuo.

Intra comperendinationem fides promissi m. Ita alius legi nolitam ad oram edit. Eras., quae habet: *intra comparandi f.* quocumq. mss. codd. conscripserunt; nullo auctu. — *Intra comperendinationem.* I. e. priusquam io suffragia de me vocentur iudices: itaque, hac io causa, actione secunda i. comperendinatione admissa. Cf. Heinzeii Aotiq. rom. syntagm. IV, 18, 30. Ruhk.

Exstabit, a. c. R. A. Vulgg. edd. stabit. Schw.

Matribus... denuntiare. Velut impetium in eas exercere; et per minas ad aliam mittere: quod plus est, quam per blanditias subreperere et illudere. Lips.

Hoc, illudere. Duo verba igoqueant alii libri omnes; excepto uo-

Piociani (et eo quidem aliquo non optimo) et Palatinus sec. e quibus illa primus recepit Mur. Schw.

Nisi damnaturis, necessarium. Quia Clodius torbulecentissimis civibus oitebatur, quos divitiis publicis rapinisque quotidie pascebat; quique, eo damnato, io iudices foras deaervisscot, nisi publico praesidio illi defecsi fuissent.

Ne nummi vobis eriperentur. Da his omoibus vide Ciceron. Ep. ad Attic. lib. I. Ep. xvi.

Impune tulit. Int. Impunitus dimissus est Clodius, nec ulla poena affectus, etiamsi adulter et leno esset.

Plus, quam quaerebatur, admissum est? Scilicet maius crimen, quam illud de quo io iudicio quaerebatur, in ipso iudicio admissum est: continetio est eius scotentiae, torpiorem fuisse Clodii absolutionem quam scelus.

quis posset tutus esse; apparuit, sine adulterio tutum esse non posse. Hoc inter Pompeium et Caesarem, inter Ciceronem Catonemque commissum est; Catonem, inquam, illum, quo sedente populus negatur permisisse sibi postulare Florales iocos nudandarum meretricum. Credis spectasse tunc severius homines, quam iudicasse? Et fient, et facta ista sunt: et licentia urbium, aliquando disciplina metuque, nunquam sponte, considet. Non est itaque quod credas, nunc plurimum libidini permissum esse, legibus minimum. Longe enim frugalior haec iuventus, quam illa, est, quum reus adulterium apud iudices negaret, iudices apud reum confiterentur; quum stuprum committeretur rei iudicandae causa; quum Clodius iisdem vitiis gratus, quibus nocens, conciliaturas exercebat in ipsa causae dictione. Credat hoc quisquam? qui dampnabatur uno adulterio, absolutus est multis!

Omne tempus Clodios, non omne Catones feret. Ad deteriora faciles sumus, quia nec dux potest, nec comes deesse: et res etiam ipsa sine duce, sine comite, procedit; non primum [iter] est tantum ad

Florales iocis. Floralia Aprili ex-cunte celebrata, ut omnia bene deflorescerent (Plin. XVIII, 29), in honorem Nymphae Chloridis, Ovid. Fast. V, 195. Lactant. I, 20, 1 de falsa Relig.: Celebrantur illi ludii cum omni lascivia convenientes memoriae meretricis. Nam praeter verborum licentiam, quibus obscenitas carnis effunditur, exuperant etiam vestibus populo flagitante meretrices, quae tunc mimarum funguntur officio, et in conspectu populi usque ad satietatem impudicorum luminum cum pudendis moribus detinentur. Laudet Val. Max. II, 11, 8; Martial. I, Epigr. 4. Ruhn.

Non est itaque... minimum. Bene vertit Lagrange: Ne croyez donc pas que la débauche ait acquis des forces dans notre siècle, et que les lois en aient perdu.

Conciliaturas. Honesto nomine vocavit lenocinia (fonctions d'entremetteur). Conciliandi enim verbum proprie in (uequilia et) matrimonio dicitur. Ovid. Amor. I, 13, 42: Num me nupti consiliante seni. Mur.

Pronum (iter.) Perperam praenuncius, a. e. R. A. et omnes Pinc. et Gruteri codic. Pronum iter primum edidit Erasmi. (nescio an ex vet. cod. Brit. quem in Append. laudat) et tenuit, Mur. Deu nuda primum ed-

vitia, sed praeceps. Et, quod plerosque ineniendabiles facit, omnium aliarum artium peccata artificibus pudori sunt, offenduntque deerrantem; vitae peccata
 10 delectant. Non gaudet navigio gubernator everso; non gaudet aegro medicus elato; non gaudet orator, si patroni culpa reus cecidit: at, contra, omnibus crimen suum voluptati est. Laetatur ille adulterio, in quod irritatus est ipsa difficultate; laetatur ille circumscriptione furtoque; nec ante illi culpa, quam culpae fortuna, displicuit. Id prava consuetudine evenit. Alioquin, ut scias subesse animis, etiam in pessima abductis, boni sensum, nec ignorari turpe; sed negligi; omnes peccata dissimulant, et, quamvis feliciter cesserint, fructu illorum utuntur, ipsa sub-
 11 ducunt. At bona conscientia prodire vult et conspici; ipsas nequitia tenebras timet. Eleganter itaque ab Epicuro dictum puto: «Potest nocenti contingere ut lateat, latendi fides non potest:» aut, si hoc modo melius hunc explicari posse iudicas sensum: Ideo non prodest latere peccantibus, quia latendi etiam si felicitatem habent, fiduciam non habent. Ita est! tuta scelera esse possunt, segura non possunt.

Lips. Gron. et Bip. quod revocavit Matthiae, qui tamen in Progr. ait male se dedisse integrum *pronum iter*. Equidem substantivum nomen oneis inclusi, ut suspectum: nunc vero prorsus abiectum malum: nam sicut nomina *praeceps* substantive ulitur Noster (conf. Epist. xciv), sic et *pronum* substantive accipi poterat. Praenuntius revocavit Rulicopius; tum sua aetoritate *praeceps* in *praescriptor* mutavit, quod merito repudiavit Matth. Schw.

Deerrantem: *vita*, p. d. Omnium

fere eodd. lectio est. Erasmus: *dom errantem* v. p. d. Muretus in ed. rom. ex ingenio: *errantem in vitia* p. d. Rulic.

Nec ante... displicuit. I. e. non aliter culpa displicuit, quam si successus eventusque non placuit, ex voto non fuit. Lips.

Epicuro. Servavit Diog. Laert. X, 451, p. 671 Amstel. ubi sententia tota 38 haec est: «Οὐκ ἔστι τὴν λήθη τι ποιῶντα ὧν συνίδοντο πρὸς ἀλλήλους, εἰς τὸ μὴ βλάπτειν, μηδὲ βλάπτεσθαι, πιστεύειν ὅτι λήσω, καὶ μυριάκις ἐπὶ τοῦ παρόντος λαθάνω.

Hoc ego repugnare sectae nostrae, si sic expediat, non iudico. Quare? quia prima illa et maxima peccantium est poena, peccasse; nec ullum scelus, licet illud fortuna exornet muneribus suis, licet tueatur ac vindicet, impunitum est, quoniam sceleris in scelere supplicium est. Sed nihilominus et hae illam secundae poenae premunt ac sequuntur, timere semper, et expavescere, et securitati diffidere, Quare ego hoc supplicio nequitiam liberem? quare non semper illam in suspensio relinquam? Illic dissentiamus cum Epicuro, ubi dicit: «Nihil iustum esse natura, et crimina vitanda esse, quia vitari metus non possit.» Illic consentiamus, mala facinora conscientia flagellari, et plurimum illi tormentorum esse, eo quod perpetua illam sollicitudo urget ac verberat, quod sponsoribus securitatis suae non potest credere. Hoc enim ipsum argumentum est, Epicure, natura nos a

μήχρη γὰρ καταστροφῆς ὀδύνας εἰ καὶ λήθην. R.

Huc ego repugnare sectae nostrae. Stoicæ: quis Stoici peccatum ob ipsum fugi spectarique volebant, ut virtutem amari ob ipsam. At Epicuri praemia et potius in utrisque spectabant. Neque prorsus damna, ait Sen., neque pugnat nobiscum: quia, etsi in peccato malum est, tamen et poenae secundae adherent sequiturque; et eorum aspectu peccare atiam timeamus. Lips.

Prima illa. Temere omisso vox posterior in edd. iude a Mur. Schw.

Et hae illam. Recte a. c. A. Vulgo et hae, et illa. Schw.

Illic dissentiamus. Timor assiduus facit, Epicurus ait, ut vitia et crimina vitanda esse censeamus. Consentit Seneca, sed dissentit in eo, quod urget, actionum nostrarum cau-

sam hanc esse primariam. Apud Ding. Laert. l. I. 36, 37 agit Epicurus de iniustitia, quam per se et naturam malam esse negat, sed metu suspicionis, ne fortasse non lateat talium facinorum vindices et exactores. At contra Stoici ap. Cicéron. de Fin. III, 211 minime vero probatur huic disciplinae (stoicae), de qua loquar, aut Amicitiam, aut Iustitiam ob utilitates adscisci, aut probari. Ius autem, quod ita dici appellarique possit, id esse naturam, alienumque a sapiente non modo iniuriam cuiquam facere, verum etiam nocere. Rüb.

Plurimum. Temere plurima ed. Bip. et Rüb. Schw.

Argumentum est, Epicure, natura nos, etc. Argumentum Epicure, absque est, ms. A. Argumentum est Epicuri ms. c. et ed. A. Duobus scripturis inter se collatis, prodit nostris,

scelere abhorrere, quod nulli non etiam inter tuta
 14 timor est. Multos fortuna liberat poena, metu neminem. Quare? nisi quia infixa nobis eius rei aversatio est, quam natura damnavit? Ideo nunquam fides latendi sit etiam latentibus, quia coarguit illos conscientia, et ipsos sibi ostendit. Proprium autem est nocentium, trepidare. Male de nobis actum erat, quod multa scelera legem et iudicem effugiant et scripta supplicia, nisi illa naturalia et gravia de praesentibus solverent, et in locum patientiae timor cederet. Vale.

quam unico veram indicavi, eandemque iam Lipsius ex conject. proposuerat. Absurde vulgo, et prorsus contra Senecae mentem, argumentum Epicuri est. Schw.

Nisi quia, a. c. A. Pal. 2. Aberat vulgo nisi. Schw.

Et ipsos sibi ostendit. Sic Iovennalis XIII, 198: Nocte dieque suam gestare in pectore testes.

In locum patientiae timor. Scilicet, in locum poenarum, quae reuera accidere debent, timor earum cederet, succederet, quae accidere possunt. Ruhk.

EPISTOLA XCVIII.

BONIS EXTERNIS NON CONFIDENDUM.

Amicum hortatur, ut neminem felicem credat ex felicitate suspensum, ideoque ex iis quae fragilia sunt, nec in nostra potestate: sed illud, quod ex se ortum fidele firmumque est, et in nostra potestate, sapientiam puram et virtutem, prosequatur. Neque tamen illa externa omnino aspernanda sunt, sed consideranda tanquam materia bonorum malorumque prout iis aliquis utatur. Praeparandas itaque animus ad amissionem bonorum, et obfirmandas ad tolerandum: neque tamen ita, ut sit futuri anxius. Quidni? et alii tulerunt, et nos mala; quae terribilia videntur, non sunt, vincamus, inter exempla simus, et ipsam vitam, dum ea uti possis, non deseramus. Sic philoso-

phiam in opere discamus. — Vtiliter libri Senecae de Tranquillitate animi, de Vita beata, et de Constantia Sapi, una cum Consolationibus tribus conferentur.

SENECA LUCILIUS SVB SALVTIEM.

Nunquam credideris felicem quemquam ex felicitate suspensum! Fragilibus innititur, qui adventitio laetus est: exhibit gaudium, quod intravit. At illud ex se ortum fidele firmumque est, et crescit, et ad extremum usque prosequitur: caetera, quorum admiratio est vulgo, in diem bona sunt. — Quid ergo? non usui ac voluptati esse possunt? — Quis negat? sed ita, si illa ex nobis pendent, non ex illis nos. Omnia quae fortunam intuentur, ita fructifera ac incunda fiunt, si qui habet illa, se quoque habet, nec in rerum suarum potestate est. Errant enim, Lucili, qui aut boni aliquid nobis, aut mali iudicant tribuere fortunam: materiam dat bonorum ac malorum, et initia rerum apud nos in malum bonumve exiturarum. Valentior enim omni fortuna animus est; in utramque partem ipse res suas ducit, beataeque ac miserae vitae sibi causa est. Malus omnia in malum

Nunquam...suspensum. Contra Epicureos huiusdictum esse constat, quippe qui in felicitate acquirenda summum bonum et sapientiam collocaverunt, atque conscientiam rationis ad felicitatem ducentis virtutem nominis vertunt: quum Stoici in uno honesta sapientiam et virtutem, caetera in externis ponerent. *R.*

Si illa ex nobis pendent. Atqui ex nobis pendent, quum illis nos non tradamus totos, sed eis illa fruimur, ut nullo modo impediant suum ad vera bona tendentem; ut, si tollan-

tur, potius ea videantur a nobis relicta, quam nos ab illis; ad eam aequo animo illorum solamur iacturam!

(Qui habet illa) Qui ex coniect. errexerit, quum si quis dedissent vult. libri; quod tenens Erasmus, *habens* ex coniect. edidit (al sic alii deinceps). Schv.

Errant. Fere omnes praeter Stoicos, philosophi, atque de his rebus semper pugilati sunt invicem. Saepe iam inanimus. *Ruhk.*

Malus. *Ruhk.* cōm quinque codd. agidit animus.

vertit, etiam quae cum specie optimi venerant: rectus, atque integer corrigit prava fortunae, et dura atque aspera ferendi scientia mollit; idemque et secunda grate excipit modestaeque, et adversa constanter ac fortior. Qui licet prudens sit, licet exacto faciat cuncta iudicio, licet nihil supra vires suas tentet; non continget illi bonum illud integrum, et extra minas positum, nisi certus adversus incerta est. Sive alios observare volueris (liberius enim inter aliena iudicium est), sive te ipsum, favore seposito; et senties hoc, et confiteberis, nihil ex his optabilibus et caris utile esse, nisi te contra levitatem casus, rerumque casum sequentium, instruxeris; nisi illud frequenter, et sine querela, inter singula damna dixeris: Diis aliter visum est. Imo, mehercules, ut carmen fortius ac iustius repetam, quo animum tuum magis fulcias, hoc dicito, quoties aliquid aliter, quam cogitabas, evenit: Dū melius. Sic composito nihil accidet. Sic autem componetur, si, quid humanarum rerum varietas possit, cogitaverit, antequam senserit; si et

Cum specie. Sic exhibent a. c. R. A. Aberat cum vulgatis edd. Schw.

Rectus atque integer. I. sapiens. Saepa a nostro describitur eodem modo, nec absudit Horat. ad Licin. Carm. II, 10. III, 29 al. Fortunam ludem ludere cum hominibus saepe crudelem, minari ei malis hominum gaudere, nota est antiquitatis opinio vel ex Horatio Carm. supra laud. ad Maecen. Od. III, 29, vs. 49 sqq. R.

Continget. Vulgo contingit, et mox extra minas fortunae positum edd. fortis m. Schw.

Diis aliter visum. Quam beos convenit hoc Stoici sapientis dictum inter adversa fortunae, cum isto Christianorum voto: final voluntas tua?

Carmen. I. formulam. Rohk.

Repetam. Sic olim ad. Vuo. Et. at Mut. cursusque nuper Rohk. Sed rectius fortasse fuerit petam quod habet ed. Lips. Gron. et Bip. cum a. c. R. A. Pinc. et Grut. Schw.

Dū melius providabunt. Formulam autem loquendi hanc: *Dū melius dūint, Di meliora ferant, Di meliora, melius*, plerumque explicare licet per cōpōsi, velut Cicero de Senect. c. 14, interpretatur Sophoclis responsum ad Platon. Vol. VI, p. 150 Bip.; sed h. l. et aliis, quae Brisson. de formulis etc. colligit, suppleas: dabunt, ea sansu, quo Horatius Carm. II, 49, 17 cecinit: *Non si male aunc, et olim sic erit.* R.

liberos, et coniugem, atque patrimonium sic habuerit, tanquam non utique semper habiturus, et tanquam non futurus ob hoc miserior, si habere desierit. Calamitosus est animus futuri anxius, et ante miseria miser; qui sollicitus est, ut ea, quibus delectatur, ad extremum usque permaneant. Nullo enim tempore conquiescet; et expectatione venturi praesentia, quibus frui poterat, amittet. In aequo est autem amissio rei, et timor amittendae.

Nec ideo praecipio tibi negligentiam. Tu vero metuenda declina; quidquid consilio prospici potest, prospice; quodcumque laesurum est, multo ante, quam accadat, speculari et averte. In hoc ipsum tibi plurimum conferet fiducia, et ad tolerandum omnino obfirmata mens. Potest fortunam cavere, qui potest ferre; certe in tranquillo non tumultuatur. Nihil est nec miserius nec stultius, quam praetimere. Quae ista dementia est, malum suum antecedere? Denique, ut breviter includam quod sentio, et istos satagios, ac sibi molestos describam tibi: tam intemperantes in ipsis miseriis sunt, quam sunt ante illas. Plus dolet quam necesse est, qui ante dolet quam necesse sit. Eadem enim infirmitate dolorem non aestimat, qua non exspectat. Eadem intemperantia fingit sibi perpetuam felicitatem suam, fingit sibi crescere

Expectatione venturi ms. a. et ed. A. Vulgo futuri. Schw.

Tu vero. Perperam vulgo quin vero. Schw.

Averte. Perperam adverte vulgo scribitur. Schw.

Certe, in tranquillo non tumultuatur. Int. certe, quidquid accadat, si animus laus tranquillus est, et firma nititur virtute, in eo tumultum excitare fortuosa uox poterit.

Satagios, a. c. R. A. non satageos. Rubk. edidit *satageos* quod interpretatur anxios: a satagendo, sicut abigei ab abigendo.

Eadem infirmitate... exspectat. Dum veniat, i. e. neque errat in nimis aestimando dolere quam in exspectando. Rubk.

Suam, quod ab erat vulgo, dedere a. c. R. A. Ead. liu. ubi repetitur

9 debere quaecumque contigerunt, non tantum durare;
et, oblitus huius petauri, quo humana iactantur, sibi
uni fortuitorum constantiam spondet. Egregie itaque
videtur mihi Metrodorus dixisse in ea *Epistola*, qua
sororem, amisso optimae indolis filio, alloquitur:
«Mortale est omne mortalium bonum!» De his lo-
quitur bonis, ad quae concurritur: nam illud verum
bonum non moritur, certum est sempiternumque,
sapientia et virtus: hoc unum contingit immortale
10 mortalibus. Caeterum tam improbi sunt, tamque oblit
quo eant, quo illos singuli dies turbent, ut mirentur
aliquid ipsos amittere, amissuri uno die omnia. Quid-
quid est, cui dominus inscriberis, apud te est, tuum
non est; nihil firmum infirmo, nihil fragili aeternum
et invictum est. Tam necesse est perire quam perde-
re; et hoc ipsum, si intelligimus, solatium est, aequo
animo perdere, quod perituum est.

fingit sibi, amittit poterat pronomen
cum ms. a. Schw.

Et oblitus huius petauri. Pro pe-
tauri, quidam libri peccati; vulgo edi-
tur fati. Lips.—Petaurum (*πῆταυρον*,
dor. et aeol. i. q. *πεταυρον*, ut adeo
male a veteribus grammaticis deduc-
ta sit vox a *πῆτος* τὸν ἀπὸ τῆς πετῆδος)
machinatio quaedam propter sonum
bularum, cuius ope corpora in altum
vibrantur: huc *πῆταυρον τῆς τύχης*,
iactatu fortunae, apud Plutarchum.
Ruhk.—Adludi genus respicit, tunc
frequentis. Rota suspendebatur, per
quam motum corpora transiebant
saltu: atque ii petauristae diceban-
tur: ipsa illa petaurum. Videatur et
in petauo suspensi fuisse, et lu co-
elati, electi: quo voster maximus ap-
elati. Manilius lib. V: *Ad numeros*
etiam ille ciet cognata per artem Cor-
pore, quae valido saluant excussa pe-
tauro, Alternosque cient motus: ela-

tus et ille Nunc iacet, atque huius
casu suspenditur ille. Vide ibi da-
ctissimum Scaligerum. Et sane artifi-
cis cuiusdam oscillantis hoc genus
fuisse videtur. L.

Metrodorus. Amicus Epicuri not-
tus, in ea epistola, quae nunc deper-
dita est, et cuius mentio 00001a l.
I. et seq. Epist. lit. Ruhk.

Alloquitur. Consulatur. R.

Mortale... bonum. Ab Eupride
(fragm. LXVIII, T. II, p. 485, ed.
Lips.) hoc Metrodorus sumpsit: *Θνη-
τὸν δὲ Θνητὸς ὄλεος.* Muret.

De his... concurritur. De fortuitis,
e. g. divitiis, honoribus etc. R.

Turbent, a. c. R. A. cum aliis.
Vulga *trubant* ex nro cod. Pinc. et
duobus Gruteri. Schw.—*Trudant*
Muretus ex Erasmo, et Proc. conr. R.
Iptos. Habet se edd. a Mur. invli-
lis mstitis. Schw.

Quod perituum est. Tenui hoc,

Quid ergo adversus has amissiones auxilii invenimus? — Hoc, ut memoria teneamus amissa, nec cum ipsis fructum excidere patiamur, quem ex illis percipimus. Habere eripitur; habuisse nunquam. Peringratus est, qui, quum amisit, pro accepto nihil debet. Rem nobis eripit casus; usum fructumque apud nos reliquit, quem nos iniquitate desiderii perdidimus. Dic tibi: « Ex istis, quae terribilia videntur, nihil est invictum. Singula vicere iam multi: ignem Mucius; crucem Regulus; venenum Socrates; exilium Rutilius; mortem ferro adactam Cato: et nos vincamus ali, quid! Rursus ista, quae, ut speciosa et felicia, trahunt vulgum, a multis et saepe contempta sunt. Fabricius divitias imperator reiecit, censor notavit; Tubero paupertatem et se dignam et Capitolio iudicavit, quum, fictilibus in publica coena usus, ostendit, debere his hominem esse contentum, quibus Dii etiam nunc uterentur. Honores repulit pater Sextius,

editum ante Ruhk. ex ed. R. *Perperam pereundum est*, absque quod, ms. a. et tres Palat. *Quod pereundum est o. A.* cum Pal. sec. et Col. quod recepit Ruhk. *Quod perdendum est* unus probatissimus cod. Pinc. *Schw.*

Invenimus... omisit... reliquit... perdidimus. Omnia ex libris nostris correctis, pro vulgatis invenimus, audiverit, reliquit, perdidimus. S.

Mucius (Scaevola); crucem Regulus. Vide de Provid. III, 5. Fuisse varietatem in hac se narranda, tum ex hoc loco, tum ex Floro, II, 2, apparet. Nec ultimo illo sive carceris, sive crucis supplicio deformata Reguli maestas. Addas illa, quos in nota ad 3 de Prov. 5 laudavi, Roperti ad Sil. Ital. VI, 539: *Itoliani aruce sublimis spectant ab alta.* Ruhk.

Rutilius. De Rutilio cf. ad Consol. ad Marc. 22, 2. Athen. IV, 19. R.

Fabricius... reiecit. Et quom Pyrrhus illi magnifica munera, amicitias pignus, obtulit, et quom Saennitiū legis iugentem illi summam pecuniae offerentibus, ut gratum animū ob concessam pacem testificarentur, respondit se malle his imperare qui aurum haberent, quam aurum habere.

Tubero. Conf. ad Epistol. xcv, §. 72. Ruhk.

Fictilibus... uterentur. Confer. Ep. xxxi sup. Plin. 35, 46: *In sacris quidē etiam inter has opes hodie fictilibus probatur simplicitas.* Confer. Heynius ad Tibull. I, 1, 38. Ruhk.

Pater Sextius dignitatem senatoriam repudiavit et se ad philosophiam

- qui, ita natus, ut rempublicam deberet capessere, latum clavum, divo Iulio dante, non recepit: intelligebat enim, quod dari posset, et eripi posse. Nos quoque aliquid ipsi faciamus animose! simus inter
 44 exempla! Quare deficimus? quare desperamus? Quidquid fieri potuit, potest. Nos modo purgemus animum, sequamurque naturam; a qua aberranti cupiendum timendumque est, et fortuitis serviendum. Licet reverti in viam, licet in integrum restitui. Restituamur, ut possimus dolores, quocumque modo corpus invaserint, perferre, et fortunae dicere: Cum viro tibi negotium est; quaere quem vincas! »
- 45 His sermonibus, et his similibus, lenitur illa vis ulceris: quam opto mehercules mitigari, et aut sanari, aut stare et cum ipso senescere. Sed securus de illo sum: de nostro danno agitur, quibus senex egregius eripitur. Nam ipse vitae plenus est, cui adiici nihil
 46 desiderat sua causa, sed eorum quibus utilis est. Liberaliter facit, quod vivit. Alius iam hos cruciatus finisset: hic tam turpe putat mortem fugere, quam ad mortem confugere.— Quid ergo? non, si suadebit res, exhibit? — Quidni exeat, si nemo iam uti eo poterit? si nihil aliud, quam dolori operam dabit? Hoc

stoicae studium contulit. Is et filius celebres fuere primis sub imperatoribus rom. Cf. ad Ep. lxx, 6. Muretus hic laudat Plutarch. Vol. II, p. 77. E. Fref. Ruhk.

Latum clavum. Insigne senatorium, pectore demissum. Lips.

His sermonibus, et etc. Abrupta haec esse quis intelligit, inquit Ruhk. Quare Muretus ait: quum huius sevis nullam in superioribus mentionem fecerit Seneca, facile adducor, ut putem, multa huius epi-

stolae principio desiderari. At Stephanus Epist. ad Dalecamp. xxvii, crediderit potius, huius ipsius epistolae finem desiderari, et principium alicuius alius, ad quam pertinent *his sermonibus* etc. — Schw. vero: Nil opus esse videtur, ut cum viris doctis statim plura quaedam intercidisse ante ista verba. Respondere haec potuit Seneca ad praecedentem aliquam Lucilii Epistolam: ac sive casu, sive consulto omittere potuit viri illius nomen, de quo hic agitur.

est, mi Lucili, philosophiam in opere discere, et ad verum exerceri: videre quid homo prudens animi habeat contra mortem, contra dolorem; quum illa accedat, hic premat. Quid faciendum sit, a faciente¹⁷ discendum est. Adhuc argumentis actum est, an posset aliquis dolori resistere, an mors magnos quoque animos admota submitteret. Quid opus est verbis? In rem praesentem eamus! nec mors illum contra dolorem facit fortio-rem, nec dolor contra mortem: contra utrumque sibi fedit; nec spe mortis patienter dolet, nec taedio doloris libenter moritur: hunc fert, illam expectat. Vale.

In opere discere. Sic plurimi codd. at quidam in opus ducere, item bene, propter sequentia: in rem praesentem eamus. Rubk.

Quum illa accedat, hic premas) accedit malebam, et premit; ut ubi, ubi quum tempus significat. Sed nil mutant libri: nempe quum hic pen quamvis accipi debet. Schw.

Posset. Sic mss. a. R. A. Valgo

possit. Schw.

Submitteret dederunt a. c. A. Valgo submittere. Schw.

Nec mors illum.... contra mortem. Lux e sequentibus affulget: scilicet non ideo contra dolores fortis est, quod sperat dolorem brevi morte finiendum esse; nec ideo contra mortem fortis est, quod talis dolor vitam morte priorem facit.

EPISTOLA XCIX.

CONSOLATORIA IN MORTE FILII; NON INDVLGENDVM DOLORI.

Cum amico epistolam communicat Marullo scriptam, quum is filium parvulum amisisset morte. Magis obiurgat Marullum quam consolatur, quoniam molliter iacturam ferre dicebatur. Quum filius incertae spei decesserit parvulus, quid faceret Marullus si amicum amisisset? Causae doloris non sunt conquirendae, sed magis gaudendum eo, quod habuisset mortuum, quam moerendum, quod amisisset: dolor est quum ingratus, tum super-vacuis. Deinde omnes sequamur, quos amisimus, nos oportet. Mors

ex omnibus rebus certissima est. Nec lugendum, quod puer decessit. Vita enim et per se considerata et immenso comparata brevissima est. Accedit, quod vita nec bonum nec malum est; sed plus timeri poterat, ut spes egregias impleret, si consideraveris, qualis aetas sit. Atqui naturae tributum solvas; quod Stoeae praeceptis haudquaquam adversatur; sed absit omnis ostentatio doloris: omnia ad rationem revocanda sunt. Deinde memoria mortui celebranda, sapientius de eo cogitandum est, ut omnis acerbitas tristitiae abest: neque tristitiae indulgendum est, quicquid contra dicat Metrodorus; voluptatem aliquam cognatam esse tristitiae.
Cf. Senecae tres Consolationes, et superiorem Epistolam.

SENECA LVCILIO SVO SALVTEN.

Epistolam, quam scripsi Marullo, quum filium parvulum amisisset, et diceretur molliter ferre, misi tibi. In qua non sum solitum morem secutus, nec putavi leniter illum debere tractari, quum obiurgatione esset quam solatio dignior. Afflicto enim, et magnum vulnus male ferenti, paulisper cedendum est: exsatiat se, aut certe primum impetum effundat. Hi, qui sibi lugere sumpserunt, protinus castigentur, et discant, quasdam etiam lacrimarum ineptias esse.

² «Solatia exspectas? convicia accipe. Tam molliter tu fers mortem filii? quid faceres, si amicum perdidisses? Decessit filius incertae spei, parvulus: pusillum temporis periit. Causas doloris conquirimus, et

Epistolam.....misi tibi. Sequitur inde a §. 2. Rukk.

Marullo. De Marullo nihil amplius constat, quam quod hic legia.

Molliter ferre. Id est, luctui nimis indulgere.

Solatio. Sic a. a. A. Vulgo consolatione, quod ex scholio ductum videtur. Schw.

Ili qui sibi lugere sumpserunt. Qui

luctui dedita opera indulgent. La-grange: Celui qui se condamne volontairement aux pleurs.

Solatia exspectas? etc. Hic ego incipere ipsam epistolam ad Marullum (vel, ut alii libri, Morillum) opinor, et totam deinceps ad finem paui. Lips.

Pusillum temporis periit. Intellige, periit illi. Schw.

de fortuna etiam iniquo queri volumus, quasi non sit iustas querendi causas praebitura. At, mehercules,³ satis mihi iam videbaris animi habere, etiam adversus solida mala; nedum ad istas umbras malorum, quibus ingemiscunt homines moris causa. Quod damnorum omnium maximum est, si amicum perdidisses, danda opera erat, ut magis gauderes quod habueras, quam moereris quod amiseras. Sed plerique non computant, quanta praeceperint, quantum gavisi sint. Hoc habet⁴ inter reliqua mali dolor iste: non supervacuus tantum, sed ingratus est. Ergo, quod habuisti talem amicum, periit opera? tot annis, tanta coniunctione vitae, tam familiari studiorum societate, nihil actum est? Cum amico effers amicitiam? et quid doles amisisse, si habuisse non prodest? Mihi crede, magna pars ex his, quos amavimus, licet ipsos casus abstulerit, apud nos manet. Nostrum est, quod praeteriit,⁵ tempus; nec quidquam est loco tutiore, quam quod fuit. Ingrati adversus praecepta, spe futuri, sumus; quasi non, quod futurum est, si modo successerit nobis, cito in praeterita transiturum sit. Anguste

Iniquo. Ms. a. ut praepostero, directo, et similia, adverbialiter dicuntur. Alii vulgo *inique*; sed *iniqui* ed. Bip. et Ruhk. in vitis libris. S.

Quanta praeceperint. Vulgo *perceperint* b. l. libri omnes; sed infra pro vulgato *percepta* recte *praecepta* dederunt a. c. A. unde idem verbum hic restituere non dubitavi. S.

Quantum, pro vulg. *quantumve*, dedere a. c. A. cum Pinc. et Pal. 2. Schw.

Hoc.... mali dolor iste. Correxì ex ms. a. coll. Pinc. et Grul. *Dolor iste* latebat sub *doloris se*, quod est in ms. a. Vulgo: *inter res mala dolor*,

quod non, etc. Schw.

Cum amico effers amicitiam? Cum Stephano Prood. II, c. 4, interpunctione mutata, interrog. notam posui. Ruhk.

Nostrum est.... fuit. Stoicum dogma s. praeceptum erat: ne fularo torberis, τὰ μέλλοντα μὴ ταπαινώτω. M. Antonin. VII, 8. Epict. Diss. III, 24. Affine est, τὸ παρὸν τὸ ποιῆν, τὸ μέλλαι, Hemsterbus. ad Lucian. III, p. 365 sqq. Deinde cum nostra convenit hoc Virgilii Aen. I, 107: *olim meminisse iuvabit.* Cf. Ep. 1. R.

Præcepta. Int. ea quae praecepimus, ea quibus aules frui sumus.

fructus rerum determinat, qui tantum praesentibus laetus est: et futura et praeterita delectant; haec, expectatione; illa, memoria: sed alterum pendet, et non fieri potest; alterum non potest non fuisse. Quis ergo furor est, certissimo excidere? Acquiescamus his, quae iam hausimus; si modo non perforato animo hauriebamus, et transmittente quidquid acceperat.

« Innumerabilia sunt exempla eorum, qui liberos invenes sine lacrimis extulerint; qui in senatum, aut in aliquod publicum officium, a rogo redierint, et statim aliud egerint. Nec immerito: nam, primum, supervacuum est dolere, si nihil dolendo proficias; deinde, iniquum est queri de eo, quod uni accidit, omnibus restat. Deinde, desiderii stulta conquestio est, ubi minimum interest inter amissum et desiderantem: eo itaque aequiore animo esse debemus, quod, quos amisimus, sequimur. Respice celeritatem rapidissimi temporis; cogita brevitatem huius spatii, per quod citatissimi currimus; observa hunc comitatum generis humani, eodem tendentis, minimis intervallis distinctum, etiam ubi maxima videntur: quem putas perisse, praemissus est. Quid autem dementius, quam, quum idem tibi iter emetiendum sit, flere eum, qui antecessit? Flet aliquis factum, quod non ignoravit futurum? aut, si mortem in homine non cogitavit, sibi imposuit. Flet aliquis factum, quod aiebat non posse non fieri? Quisquis aliquem queri-

Quis ergo furor. Lagrange vertit: Quelle fureur de laisser échapper le plus sûr?

Perforato animo. Respicere videtur ad fabulam salis notam de Dansidibus, quorum dolia pertusis fundis

omnia transmisere hausta. Ovid. Heroid. XIV. Ruhk.

Innumerabilia sunt exempla eorum Cf. Valer. Max. V, 10. Ruhk.

Omn. restat. Omnes monst.

Sibi imposuit. Semetipsum fecellit.

]

tur mortuum esse, queritur hominem fuisse. Omnes eadem conditio devinxit: cui nasci contigit, mori restat. Intervallis distinguimur, exitu aequamur. Hoc,⁹ quod inter primum diem et ultimum iacet, varium incertumque est: si molestias aestimas, etiam puero longum; si velocitatem, etiam seni angustum. Nihil non lubricum et fallax, et omni tempestate mobilis. Iactantur cuncta, et in contrarium transeunt, iubente fortuna: et in tanta volutatione rerum humanarum nihil cuiquam, nisi mors, certum est. Tamen de eo¹⁰ queruntur omnes, in quo uno decipitur.

« Sed puer decessit! — Nondum dico, melius agi cum eo qui vita defungitur: ad eum transeamus qui consenuit; quantulo vincit infantem? Propone temporis profundi vastitatem, et universum complectere; deinde hoc, quod aetatem vocamus humanam, compara immenso: videbis quam exiguum sit, quod optamus, quod extendimus. Ex hoc quantum lacrimae,¹¹ quantum sollicitudines occupant? quantum mors, antequam veniat, optata? quantum valetudo, quantum timor, quantum teneri aut rudes, aut inutiles anni? dimidium ex hoc edormitur. Adiiice labores, luctus, pericula; et intelliges, etiam in longissima vita minimum esse quod vivitur. Sed quis tibi concedet, non melius se habere eum, cui cito reverti licet, cui ante lassitudinem peractum est iter? Vita¹² nec bonum nec malum est; boni ac mali locus est. Ita nihil ille perdidit, nisi aleam in damnum certio-rem. Potuit evadere modestus et prudens; potuit sub

Melius agi cum eo etc. Int. meliorem esse conditionem eius qui vita defungitur.

Sed quis... reverti licet. Sc. ad Deum, unde manavit. Cf. Consolat. ad Marc.

22. *Ruhk.* — Int. perinde ac si scriptum foret: quis negabit melius se habere, etc.

Aleam in damnum certio-rem. Sic Pinc. libri. Erasmus rel.: *nisi aleam.*

cura tua in meliora formari: sed (quod iustius time-
tur) potuit fieri pluribus similis. Aspice illos iuvenes,
quos ex nobilissimis domibus in arenam luxuria pro-
iecit; aspice illos, qui suam alienamque libidinem
exercent, mutuo impudici; quorum nullus sine ebrie-
tate, nullus sine aliquo insigni flagitio dies exit: plus
13 timeri quam sperari potuisse, manifestum erit. Non
debes itaque causas doloris arcessere, nec levia incom-
moda indignando cumulare. Non hortor, ut nitaris,
et surgas: non tam male de te iudico, ut tibi adver-
sus hoc totam putem virtutem advocandam. Non est
dolor iste, sed morsus: tu illum dolorem facis. Sine
dubio multum Philosophia profecit, si puerum, nu-
trici adhuc quam patri notio-rem, animo forti desi-
deras!

14 « Quid? nunc ergo duritiam suadeo, et in funere
ipso rigere vultum volo, et animum ne contrahi qui-
dem patior? Minime! Inhumanitas est ista, non vir-
tus, funera suorum iisdem oculis, quibus ipsos,
videre, nec commoveri ad primam familiarium divul-
sionem. Puta autem me votare; quaedam sunt sui
iuris: excidunt etiam retinentibus lacrimae, et ani-

In damnum certius potuit evadere.
Sed veniens est: alea ea certior est in
damnum, quae etsi aliquando Vene-
rem exhibeat, plures tamen habere
solet subsultantes canes. *Rubk.* —
Beuve vertit *Logrange* hanc senten-
tiam: *Mourir, c'est quitter un jeu*
de hasard où il y a plus à perdre
qu'à gagner.

Aspice... proiecit. De iis agitur qui
dissipata re familiari, eo redigeban-
tur, ut gladiatores fierent. Cf. ad Ep.
LXXXVII, 8 et Lips. *Saturnal.* I, c. 3.
Rubk. — Et alibi dictum a Nostro:
qui se locant ad gladium aut cultrum.

Causas doloris arcessere. Nam
causas tibi doloris arcessis, qui lugens
amissum filium, qui certius tibi dis-
solutum virum, quam bene moratum
promittebat.

Surgas. Sic a. e. *A.* Pal. 2, 4. Col.
I. e. te erigas, tollas animos, ut ait
infra. Vulgo *urgeas.* Schw.

Adversus hoc. Sic a. e. *R. A.* non
adv. hanc. Schw.

Divulsionem. Sic a. e. *R. A.* non
divisionem ut Erasmus. et unus Pelat.
Schw.

Quaedam sunt sui iuris, a. e. R.
A. ubi imperite non infulecrant vulgo-

num profusae levant. Quid ergo est? Permittamus illis cadere, non imperemus: fluat quantum affectus eiecerit, non quantum poscet imitatio. Nihil vero moerori adiciamus, nec illum ad alienum augeamus exemplum. Plus ostentatio doloris exigit, quam dolor: quotusquisque sibi tristis est? Clarius, quum audiuntur, gemunt; et, taciti quietique dum secretum est, quum aliquos videre, in fletus novos excitantur. Tunc capiti suo manus ingerunt; quod potuerant facere, nullo prohibente, liberius: tunc mortem comprecantur sibi; tunc lectulo devolvuntur. Sine spectatore cessat dolor. Sequitur nos, ut in aliis rebus, ita in hac quoque, hoc vitium, ad plurimum exempla componi; nec, quid oporteat, sed quid soleat, aspicere. A natura discēdimus: populo nos damus, nullius rei bono auctori, et in hac re, sicut in omnibus, instantissimo. Videt aliquem fortem in luctu suo; impium vocat, et efferatum: videt aliquem collabentem, et corpori affusum; effeminatum ait, et enervem. Omnia itaque ad rationem revocanda sunt.

« Stultius vero nihil est, quam famam captare tristitiae, et lacrimas approbare; quas iudico sapienti

Schw. — Int. Sunt libera: imperio alieno non, eguntur: se ostendunt nobismetipsis nolentibus.

Animum profusae levant. Apud Senecam potrem X Controv. 1: *Plerumque omnis dolor per lacrimas effluit.* Lips.

Permittamus... imperemus. Etenim multi sunt, qui lacrimas, suis oculis nolentibus, eliciunt, ut ingentem dolorem simulent; imperant lacrimis, ut cadant.

Fluat quantum dedere a. e. A. ut vulnerat Matthiae; non fluant ut vulgo. *Schw.*

Clarius, quum audiuntur, gemunt. Vt Gellium facere ait Martialis Epigr. I, 34: *Amisum non flet, quum sola est, Gellia patrem: Si quis adest, iussae prosiliunt lacrimae.* Verum autem est quod subiicitur: *Ille dolet vere, qui sine teste dolet.* Ruhk.

Quum aliquos videre. Sic ms. a. *Viderunt* ed. R. *Perperam viderint* vulgo. *Schw.*

Capiti suo manus. Sive ut crines vellat, sive ut frontem feriat. Lips.

Collabentem. Sic a. e. R. A. non *collabentem* ut vulgo.

Et lacrimas app. Vertit Lagrange: *Se faire un mérite de pleurer.*

viro alias permissas cadere, alias vi sua latas. Dicam quid intersit. Quum primus nos nuntius acerbi funeris perculit; quum tenemus corpus e complexu nostro in ignem transiturum; lacrimas naturalis necessitas exprimit; et spiritus, icu doloris impulsus, quemadmodum totum corpus quatit, ita oculos, quibus adiacentem humorem perpremit et expellit. Hae lacrimae per elisionem cadunt nolentibus nobis. Aliae sunt, quibus exitum damus, quum memoria eorum, quos amisimus, retractatur; et inest quiddam dulce tristitiae, quum occurrunt sermones eorum iucundi, conversatio hilaris, officiosa pietas: tunc oculi, velut in gaudio, relaxantur. His indulgemus; illis vincimur. Non est itaque, quod lacrimas propter circumstantem assidentemque aut contineas, aut exprimas: nec cessant, nec fluunt unquam tam turpiter, quam finguntur. Eant sua sponte; ire autem possunt placidis atque compositis. Saepe, salva sapientis auctoritate, fluxerunt; tanto temperamento, ut illis nec humanitas, nec dignitas deesset. Licet, inquam, naturae obsequi, gravitate servata. Vidi ego in funere suorum verendos, in quorum ore amor eminebat, remota omni lugentium scena. Nihil erat, nisi quod veris dabatur

Primus, a. c. A. non primum, ut vulgo. Schw.

Et inest quiddam dulce tristitiae. Ovidius, Trist. IV, 3, 37: Est quoddam flere voluptas: Expletur lacrimis egeriturque dolor.

His... vincimur. His indulgemus, quas memoria dilectorum elicit; nobis non invitis fluunt; illis autem vincimur, quas primus nuntius acerbi funeris expressit: non penes nos est illas cobibere.

Circumstantem assidentemque. Sic

nostri, pro vulg. circumstantes assidentesque. Schw.

Aut contineas; aut exprimas. Sen te flere pudeat, seu dolorem ostentare cupias.

Nec fluunt... finguntur. Omnium turpissimae habendae sunt lacrimae, quae fictae sunt. Ruhk.

Humanitas. Int. sensus illos humanos quos natura omnium pectoribus impressit, ut in funere nostrorum commoveremur.

Lugentium scena., i. apparatu ei

affectibus. Est aliquis et dolendi decor; hic sapienti servandus est; et, quemadmodum in caeteris rebus, ita et in lacrimis aliquid sat est. Imprudentium, ut ²⁰ gaudia, sic dolores exundavere. Aequo animo excipe necessaria. Quid incredibile, quid novum evenit? quam multis quum maxime funus locatur! quam multis vitalia emuntur! quam multi post luctum tuum lugent!

« Quoties cogitaveris puerum fuisse, cogita. et hominem; cui nihil certi promittitur, quem fortuna non utique perducit ad senectutem; unde visum est, dimittit. Caeterum frequenter de illo loquere, et me- ²¹ moriam eius, quantum potes, celebra; quae ad te saepius revertetur, si erit sine acerbitate ventura. Nemo enim libenter tristi conversatur, nedum tristitiae. Si quos sermones eius, si quos quamvis parvuli iocos cum voluptate audieras, saepius repete: po-

specie, nullo fuce adhibito. Hinc aena et pompa coniunguntur s. c. Cic. Orat. III, 45. *Ruhk.*

Quam multis... locatur. Haec *Ruhk.* glossæmatis loco habet et uncia includit; agnoscent tamen libri omnes — *Quam multis quum maxime* (i. e. hoc ipso momento) *funus locatur*, efferendum nempe, et urendum a libitinariis.

Quam multis vitalia emuntur? Sic plurimi codd. Alii, *q. multi v. emittunt.* Erasmus coniec. *eruantur*, quod Gronovius explicat salis contortis de aegrotis, qui a medicis curantur, ac confert Consol. ad Marc. c. 23, 1: *Adice incendia*, etc. Wersdorf ad Poët. Min. Lat. Vol. III, p. 312, *vō emuntur* probat, a quo Schefferi codd. (teste Heinsio in *Adversariis* p. 457) *quam multi vitalia emunt* praestantes

hand multum ablenont. *Ruhk.* — *Ruhkopfium* probat Schw. aspirantibus edd. ante Mar. et ms. s. et Pal. 1, 3, 4. — *Quam multis vitalia emuntur*, i. e. torus s. lectus feralis et funebria, quibus cadavera efferantur. *Vitalia* rariore hoc significata occurrunt etiam ap. Petron. c. 77 ubi verba sunt: *Interim, Stiche, profer vitalia, in quibus volo me offerri.* Paene ideam valent praecedentia: *quam multis quum maxime funus locatur.*

Promittitur, a. e. R. A. non promittatur. Schw.

Et memoriam eius. Plutarchus Consol. ad Apollonium: *Commodum aliquod est defunctis, si pia memoria eos colamus. Nemo enim bonus gemitu dignus est, sed hymnis et laudibus; neque luctu, sed recordatione laudabili.* Lipsius à Graeco vertit.

tuisse illum implere spes tuas, quas paterna mente conceperas, audacter asirma. Oblivisci quidem suorum, ac memoriam cum corporibus esferre; et effusissime flere, meminisse parcissime; inhumani animi 22 est. Sic aves, sic ferae suos diligunt foetus; quarum concitatus est amor, et paene rabidus, sed cum amissis totus exstinguitur. Hoc prudentem virum non decet: meminisse perseveret, lugere desinat.

« Illud nullo modo probo, quod ait Metrodorus: « esse aliquam cognatam tristitiae voluptatem; hanc « esse captandam in eiusmodi tempore. » Ipsa Metrodori verba subscripsi. *Μετροδώρου Επιστολῶν πρὸς πλὴν ἀδελφὴν α΄. Εστὶν γὰρ τις (λύπη συγγενὴς) ἡδονή, ἣν κομι-* 23 *γεταὶ κατὰ τοῦτον τὸν καιρὸν.* De quibus non dubito

Meminisse perseveret. Tacitus simile: Feminis lugere honestum est, viris meminisse.

Hanc esse captandam. Sic scripsi cum Pal. s, 3, 4, ut voluerat Pinc-Pro esse perperam ipsa habent a. c. R. A. quod in ipsam mutavit Er. S.

Μετροδώρου... καιρὸν. Graeca verba prorsus desunt editis ante Gronovium, desunt etiam nostro ms. c. Reperta quidem in mssis suis profitentur Erasmi. Lips. et Grut. sed ita depravata, ut nihil inde extricari potuerit. Gruterus tamen postrema verba haec fere fuisse ait, *καρπὸν ἡδονῆς ζητητὴν τοῦτον κατὰ τοῦτον τὸν καιρὸν.* Denique in ed. Gron. et seqq. Graecis exhibebantur in hunc modum scripta: *Μετθεῖσθαι ἡδονὴ ἀπὸ τῆς τῆς γὰρ ἐστὶ, οὗ μὲν ζητητὴν κατὰ τοῦτον τὸν καιρὸν, quum inficetam scripturam unde hausisset Gronovius diu inquirens, tandem ex ed. Th. De Juges cognovi, ex Dalecampii ingenio fuisse procusum. Nos nostrum ms. a. secuti sumus, qui ea ipsa verba, quae exhi-*

bimus, satis perspicue perscripta dedit, exceptis duobus *λύπη συγγενὴς*, quae, quum ibi desissent, nos ex Senecae latinis supplevimus. *Metrodori Epistolam, qua sororem amisso optimae indolis filio alloquitur, hanc multo ante memoraverat Noster, xcvi. Illud dissimulare non debeo, mea aliquatenus de coniectura factum, quod post ἀδελφὴν notam numerali α΄ adscripsi, qua Epistolarum ad Sororem liber primus significaretur. Ac, notam quidem aliquam numerali a Seneca hic adiectam fuisse, intelligi par erat ex genitivo Επιστολῶν, coll. xcvi, ubi simillima ratione scribitur Epistolarum ad Atticum lib. I. Quinam autem fuisset ille numerus, haviolatus eram ex eo, quod pro ΕΠΙΣΤΟΛΩΝ in cod. nostro ΕΠΙΣΤΟΛΑΩΝ scribitur, ubi litteram a alieno loco interiectam coniectaveram. Sed, sumpto hoc ipso, intelligo sic potius a me scribi debuisse, Επιστολῶν α΄ πρὸς τὴν ἀδελφὴν, i. e. Epistolarum libro primo,*

quid sis sensurus. Quid enim turpius, quam captare in ipso luctu voluptatem, imo per luctum; et inter lacrimas quoque, quod iuvet, quaerere? Ili sunt qui nobis obiciunt nimium rigorem, et infamant praecepta nostra duritia, quod dicamus dolorem aut admittendum in animum non esse, aut cito expellendum. Vtrum tandem est aut incredibilius, aut inhumanius, non sentire amisso amico dolorem, an voluptatem in ipso dolore aucupari? Nos quod praecipimus, honestum est: quum aliquid lacrimarum affectus effuderit, et, ut ita dicam, despumaverit, non esse tradendum animum dolori. Quid tu dicis? miscendam ipsi dolori voluptatem! Sic consolamur crustulo pueros, sic infantium fletum infuso lacte compescimus. Ne illo quidem tempore, quo filius ardet, aut amicus expirat, cessare poteris voluptatem, sed ipsum vis titillare moerorem. Vtrum honestius dolor ab animo submovetur, an voluptas ad dolorem quoque admit-

ad Sororem. — Κυψατῆς legitimum est graecum verbum, quod latino *captare* et *aucupari* (infra) Seneca expressit. S. — Locum hunc pro conelamato habuerat Rubkopius; qui lectionem graecam a Groo. prolutam secutus erat. Omnes, inquit, fere codd. vel laconam h. l., ut in graecis fit, habuere, vel tam corrupte et obscure praestiterunt verba graeca, ut viri doctissimi, Sylburg. Gruter. al. se inde expedire non possent. Dubito an sincera Metrodori verba tenemus. Quae enim ex iis argumetur Seneca, coguat nos colligere, et luctus et lacrimarum meminisse in iis Metrodorum. Quorum lameo in codd. nequa vola, neque vestigiom.

Quid enim turpius. Nisi fallor, (nam quum verba Metrodori sincera nun haberi videamur, nec certo de-

fioire possumus) Seneca non satis iustus in Metrodorum fuerit, quippe quem non diversam sententiam ab ea protulisse putem, quam noster §. 18 ipse attulit: *et inest quiddam dulce tristitiae*, etc. Sed hae sectae consueverant sic in se invicem invehiri, ut quaque occasione data vel levissima abuterecolur. Ita una τῆς ἡδονῆς, voluptatis (propr. felicitatis) mentio eandem iram coocitare Stoicis rigidis solebat, quum et nostra memoria felicitatis s. Eudaemonisui, quem vocant, mentionem interdum iusto rigidioribus Criticene philosophiae asseclis iisdemque virtutis propugnatoribus fortissimis excitare meminim. *Ruhk.*

Ili sunt, etc. Cf. de Constant. Sap. cap. 3, 1 not. *Ruhk.*

titur? *admittitur* dico? *captatur*, et quidem ex ipso!
 « Est aliqua, inquit, voluptas cognata tristitiae. »
 — Illud nobis licet dicere; vobis quidem non licet.
 Vnum bonum nostis, voluptatem; unum malum,
 dolorem. Quae potest inter bonum et malum esse
 cognatio? Sed puta esse; nunc potissimum eruitur?
 et ipsum dolorem scrutamur, an aliquid habeat iu-
 cundum circa se et voluptarium? Quaedam remedia,
 26 aliis partibus corporis salutaria, velut foeda et inde-
 cora adhiberi aliis nequeunt; et, quod aliubi pro-
 ddeset sine damno verecundiae, id fit inhonestum
 loco vulneris. Non te pudet luctum voluptate sanare?
 Severius ista plaga curanda est. Illud potius admone,
 nullum mali sensum ad eum, qui periit, pervenire;
 nam si pervenit, non periit. Nulla, inquam, eum res
 27 laedit, qui nullus est; vivit, si laeditur. Vtrum putas
 illi male esse, quod nullus est? an, quod est adhuc
 aliquis? Atqui nec ex eo potest ei tormentum esse,
 quod non est: quis enim nullius sensus est? nec ex
 eo, quod est; effugit enim maximum mortis incom-
 modum, non esse. Illud quoque dicamus ei, qui de-
 28 flet ac desiderat in aetate prima raptum: Omnes,
 quantum ad brevitatem aevi, si universo compares,
 et iuvenes et senes, in aequo sumus. Minus enim ad
 nos ex omni aetate venit, quam quod minimum esse
 quis dixerit; quoniam quidem minimum, aliqua pars
 est; hoc, quod vivimus, proximum nihilo est: et ta-
 men (o dementiam nostram!) late disponitur.

Voluptas cognata tristitiae. Silius:
Tunc flere, et scindere vestes, Fa-
taque, et iniustos rabidis pulsare que-
relis Coelicolas, solanien erat. Vide
Aristotelem I Rhetor. c. 11. Lips.

Nunc potissimum eruitur? Int. num
tempus est opportunum hanc volu-

ptatis cum morore cognationem
erueret, quam tibi filius aut amicus
expirat? Num decet ad illam tuam
confugere, et in dolorem inquirere
an habeat voluptatem circa se?

Male esse recte a. R. Malum e. d.
Vulgo mala esse. Schw.

« Haec tibi scripsi, non tanquam exspectaturus 29
esses remedium a me tam serum: liquet enim mihi,
te locutum tecum quidquid lecturus es: sed ut casti-
garem illam exiguam inoram, qua a te recessisti, et
in reliquum adhortarer, contra fortunam tolleres
animos, et omnia eius tela, non tanquam possent ve-
nire, sed tanquam utique essent ventura, prospice-
res. » Vale.

*Liquet enim mihi te locutum... le-
cturus es, Vêtit Lagrange perinde
ac si habuisset in contextu me locu-
tum: Ja me souviens d'ailleurs de*

*vous avoir déjà entretenu de tout ce
que vous y lirez.*

*A te recessisti. Intel. Te ipsum
oblitus es.*

EPISTOLA C.

DE PAPIRIO FABIANO PHILOSOPHO IUDICIUM, EIVSQUE SCRIPTIS.

*Fabianum Papirium philosophum, quem Seneca audiverat do-
centem et declamantem, defendit ab amici reprehensione. Com-
positionem is accusaverat: effundi verba, non fingi. Negat Noster
hanc censuram, quum Fabianus non negligens, sed securus in
oratione nec sine cura fuerit, non absimilis optimis sermonis
latini auctoribus. Sed etiamsi censura ista non usquequaque iniu-
sta fuerit, tamen id praecipue egisse Fabianum confitendum est,
ut omnia quae composuerit, animis scripserit, non auribus, ad pro-
fectum tendant et ad bonam mentem.*

SENECA LVCILIO SVO SALUTEM.

Fabiani Papirii libros, qui inscribuntur *Civilium*,
legisse te cupidissime scribis, sed non respondisse

*Fabiani Papirii. Cf. Consolat. ad
Marciam 23, 3, not. Ep. xi, 3; xl,
11; lxi, 10; lviii, 4. Not. Quæst.
lii, 27, ubi magna huius viri laus
celebratur. Scripta eius omnia pe-
cuerunt. Seneca quoque pater totum*

*virum describit et genus eloquii, de
quo hic censura occurrit: imo requi-
rit in eo, quae filius excusat et tue-
tur. Videsis Controv. II præf. Rubb.*

*Civilium. Ita plurimi codd. Alii
artium civ., alii artium et vilium,*

expectationi tuae: deinde, oblitus de philosopho agi, compositionem eius accusas. — Puta esse, quod dicis, et effundi verba, non fingi: primum, habet ista res suam gratiam; et est decor proprius orationis leniter lapsae. Multum enim interesse existimo, utrum exciderit, an fluxerit. Nunc in hoc quoque, quod dicturus sum, ingens differentia est. Fabianus mihi non effundere videtur orationem, sed fundere: adeo larga est; et sine perturbatione, non sine cursu tamen, veniens. Illud plane fatetur et praefert, non esse tractatam, nec diu tortam. Sed ita, ut vis, esse credamus: mores ille, non verba composuit, et animis scripsit ista, non auribus. Praeterea, ipso dicente non vacasset tibi

quidam *ortium iulium*, deuique *archinilum*. Vnde Lipsius, qui reuolentiores et graecae vocem subodorabatur, suspicatus est: αἰτῶν ποικίλων. Scripsit certe Pap. et citatur eo titulo a Charisio: *Causarum naturalium*. Civilia tamen Nat. Quaest. l. l. in not. quoque laudantur. — Civilia interpretor πολιτικά, in quibus de Republica egisse videtur Platonis, Aristotelis, Zenonis rel. more. Ruhk.

Effundi verba, non fingi Erasmus et unus Palatinus; alii et Pine. *eff. v. n. fingi*, probante Pineiano. Sed *fingi* praestat: est enim solemne de cura, et opponitur negligentiae in compositione. Ita τῶ *effundere* opponitur *fundere*. Cf. Ep. xi, 2. Ruhk. — *Fingi*. Sic edd. vulgo, cum c. R. *A.* quod poterat intelligi de orationis artificiose tractata actoria quam mox dicit. Sed parum apte opponuntur ista duo, *effundi* et *fingi*. Imo *fingi* scriptum oportebat, quod habet ms. a. cum Pal. 1, 2, 4, et Col. iamque olim e vet. libris commendaverat Pric. Refertur ad stimulos, quos desideraverat. Schv.

Leniter lapsae, quom Ep. iii, 11, inoffensam ac molliter lapsam vocat: alias fluens. Cf. t. Chr. Th. Eruesti Lexicon Technol. lat. rhet. p. 176 sq. Ruhk.

Non effundere, cum impetu videlicet, et turbide; sed fundere leniter et cum ordine. Lips. — Idem Pater Seneca l. l.: *Nunquam inopia verbi substitit, sed velocissimo cursu ac facillimo omnes res beata (i. uber) circumfluebat oratio*. Addit, verba velut iniussa fluxisse, ideoque non tractata, nec diu torta, nulla arte adhibita varie verba transferendi, immutandi, inflectendi, etc.

Esse tractatam) *Esse se tract.* edd. a Mur. iuvitis mstis. Schv.

Ita, ut vis. Bene e libris aliquot asseruit Gruterus. Sententia: Age, esto uti dicis, psam compositus aut constructus: nempe philosophus, non oratorem, agit. Lipsius.

Praeterea... relata. Spectant huc Patris Senecae verba: quoties incidebat aliqua materia, quae convivium saeculi reciperet, inspirabat magno magis quam acri animo. Ruhk.

partes intueri, adeo te summa rapuisset: et fere, quae impetu placent, minus praestant ad manum relata. Sed illud quoque multum est, primo aspectu oculos occupasse; etiam si contemplatioⁿ diligens inventura est quod arguat. Si me interrogas, maior ille est, qui iudicium abstulit, quam qui meruit: et scio hunc tutiorem esse; scio audacius sibi de futuro promittere.

Oratio sollicita Philosophum non decet. Vbi tandem erit fortis et constans, ubi periculum sui faciet, qui timet verbis? Fabianus non erat negligens in oratione, sed securus. Itaque nihil inuenies sordidum: electa verba sunt, non captata, nec huius saeculi more contra naturam suam posita et inversa; splendida tamen, quamvis sumantur e medio: sensus honestos et magnificos habes, non coactos in sententiam, sed latius dictos. Videbimus quod parum recisum sit,

Ad manum relata, in manum sompta et relecta, quum iudicium mora se collegit, et certius appendit ac librat. *Lipsius.*

Si me interrogas.... abstulit. Qui in dicendo rapuit, et veluti inuitam traxit inventorum et excogitatorum apta expositione adeoque tractatione, maior est quam qui meruit; quod cura dictionis et fingendi studio, saepe etiam opprimendo, irruendo, oppugando fieri solet. Vt Ernesti verbis in Lexico laud. p. 398, qui hoc elegans Senecae acumen comparavit cum illis Quintil. X, 1, 110, Ciceronem laudantis: Cui tanta unquam quam iocunditas affuit, ut ipsa illa, quae extorquasi, impetrare tam credas, et quum transversum vi sua indicem ferat, tamen ille non rapi videatur, sed sequi. *Lipsius* addit;

Plus illic ingenii et ignis, hic curas et intentionis. *Ruhk.*

Hunc (qui meruit) tutiorem esse. I. e. illi minus esse timendum ut quid in posterum perdat.

De futuro promittere. Vivere posse, et aetatem ferre. *Lipsius.*

Oratio sollicita, i. anxie timens, encephalus, nimis poliens. Cf. Ernesti Lexicon h. v. *Ruhk.*

Nec huius saeculi more. n. inversa. Cf. Ep. cxiv, et lo. Nic. Fonccii de imminente lat. ling. senectute (Murburgi 1736, 4). *Ruhk.*

Habes. Sic a. c. *A. Habet R. Habeas* vulgo. *Schw.*

Latius dictos, a. c. *A. Vulgo altius ductos.* *Schw.*

Videbimus: etc. Fortasse respexit Seneca patria sui iudicium: Saepe minus quam audienti sat est, elo-

quod parum structum, quod non huius recentis politurae: quum circumspexeris omnia, nullas videbis angustias inanes. Desit sane varietas marmorum, et concisura aquarum⁵ cubiculis interfluentium, et pauperis cella, et quidquid aliud luxuria, non contenta decore simplici, miscet: quod dici solet, domus *recta* est. Adice nunc, quod de compositione non constat. Quidam illam volunt esse ex horrido comptam; quidam usque eo aspera gaudent, ut etiam, quae mollius casus explicuit, ex industria dissipent, et clausulas⁶ abrumpant, ne ad expectatum respondeant. Lege

quitur: et in summa eius ad simplicissimam facultate dicendi, antiquorum tamen vitiorum remanent vestigia. Quaedam tam subito desinunt, at breviter sint, sed abrupta. Ruhk.

Quod... quod... quod ex ed. Ex. revocavi, inquit licet libris; in quibus quid... quid... quid ex vetere paradiorthosi erat. Schv.

Nullas videbis angustias inanes. Int. si Fabianus non micat vasis illis sententiarum fulgoribus nunc usitatis, at non vitiis nostris laborat, nempe nullas in eo videbis angustias inanes; angustias vocat Seores, sententias illas in quibus voces premuntur et velut in angustiis alliduntur, ut quoddam acumen eliciant: quas autem si interrogas sententias, atque introspicias, nihil in illis, nisi inane, raperis. Sentos quem verbo angustias damus, nobis cogatus esse videtur vocibus sop. coactos in sententiam. Ideo vobis acumen auctoris non intellexisse videtur Lagrange qui vertit: Vous ne trouverez nulle part le moindre vide. In eo difficultas est, quod non appareat ex duobus sententiae membris antithesis fieri, nulla nempe apposita particula, qua

oppositio membrorum indicetur: sed nobis satis ostendi oppositio videtur ex ipso motu et constructione totius sententiae.

Concisura. Divisio aquarum per minutos eaeales in coenationibus praesertim aestivis. Cf. de Tranq. an. 1, 5. Provid. 3, 9, not. Ruhk.

Pauperis cella. Beaehabet: neque aliud est, quam divites istos habuisse distinctam etiam coenationem, aut cubiculum, quod pauperis cellam dicerent: ubi certis diebus velut tenorem et pauperam victum imitarentur. Sic Coosol. ad Helv. c. 12: Sumunt illos divitiarum tedium cepit, quibus humi coeant, et remoto auro argentoque, fictilibus utantur. Dementes! hoc quod aliquando concupiscunt, semper timent. Conf. Ep. xviii, 4, not.

Domus recta est, i. sine vitio ac maudo. Sic recta coena, recte vivere, recte convivere, rectiora servitia apud Sueton. Iul. 47 ubi vide Graev. Oudendorp. et Ernesti. Ruhk.

De compositione non constat. I. alii aliam praestantioris indicant.

Ciceronem: compositio eius una est; pedem curvat lenta, et sine infamia mollis. At contra, Pollionis Asinii salebrosa, et exiliens, et, ubi minime exspectes, relictura. Denique, omnia apud Ciceronem desinunt, apud Pollionem cadunt; exceptis paucissimis, quae ad certum modum, et ad unum exemplar adstricta sunt. Humilia praeterea tibi videri dicis omnia, et parum erecta; quo vitio carere eum iudico. Non sunt enim humilia illa, sed placida, et ad animi tenorem quietum compositumque formata: nec depressa, sed plana. Deest illis oratorius vigor, stimuli, quos quaeris, et subiti ictus sententiarum; sed totum corpus (videris quam sit compositum) honestum est. Non habet oratio eius, sed debet dignitatem. Affer, quem Fabiano possis praeponere. Dic Ciceronem, cuius

Pedem curvat lenta dedere a. Pal. 1, 4. et ms. Lips. Ab equi grassuducta locutio. Ante curvat, verbum servat infulciunt c. A. R. unde vulgo pedem servat, curvato, lenta, ex Erasmi ing. Schw.

Pollionis Asinii. Idem indicant de eo Quint. X, 1, 113 aliique. Caeterum notissimus esse debet hic amicus Virgilii, Horatii, Augusti, cuius scripta diversi generis omnia periere, ex Horat. Carmen, II, 1. Virgil. Ecl. IV et VIII. Vide Heynium ad Eclog. III, 84, post Manutium ad Cic. Ep. fam. X, 31. Ruhk.

Humilia praeterea. Scilicet, in Fabiano.

Deest illis, etc. In eandem sententiam M. Ann. Seneca l. 1: Deerat illi oratorium robur at ille pugnatius muero: splendor vero velut voluntarius non a laboratae orationis aderat. Ruhk.

Stimuli, etc. et ictus sententiarum

sunt Ciceroni scolaei, *κίτρον*, comico Eupulidi de Pericle ap. Plin. Epp. 1, 20, de vi orationis alius in animos auditorum descendente, pungente, et veluti acriter expugnante persuasionem atque assensum. Conf. Ernesti Lexic. lat. s. v. *Auleus* at Ej. Lexic. gr. sub voca *κίτρον*. R.

Videris quam sit compositum, a. e. R. A. cum aliis. Possis signa parenthescos tollere, et colon post compositum signare: perinde erit. Vulgata lectio sed totum corpus vide: quamvis non sit compositum partim ex Erasmi, partim ex Gruteri conj. erat. Schw.

Debet dignitatem. Omnium eodd lectio est proba: i. e. non repraesentat quidem dignitatem, sed saepius audita, saepius lecta, exhibitura est. Ruhk. — Lipsius legi vult dabit. Quod sic interpretatur: oratio eius, esto, dignitatem non habet, sed eam dabit, id est, tota honesti et virtutis plena, ista animo inseret, et faciet le magnum et honestum.

libri ad Philosophiam pertinentes paene totidem sunt, quot Fabiani: cedam; sed non statim pusillum est, si quid maximo minus est. Dic Asinium Pollionem: cedam; et respondeamus: In re tanta eminere est, post duos esse. Nomina adhuc T. Livium: scripsit enim et Dialogos, quos non magis Philosophiae annumerare possis, quam Historiae, et ex professo Philosophiam continentes libros. Huic quoque dabo locum; vide tamen, quam multos antecedit, qui a tribus vincitur, et tribus eloquentissimis.

Sed non praestat omnia; non est fortis oratio eius, quamvis elata sit; non est violenta, nec torrens, quamvis effusa sit; non est perspicua, sed pura. Desideres, inquis, contra vitia aliquid aspere dici, contra pericula animose, contra fortunam superbe, contra ambitionem contumeliose: volo luxuriam obiurgari, libidinem traduci, impotentiam frangi; sit aliquid oratorie acre, tragice grande, comice exile. — Vis illum assidere pusillae rei, verbis? Ille rerum se magnitudini addixit; eloquentiam, velut umbram, non hoc agens, contrahit. Non erunt sine dubio singula
circumspecta, nec in se collecta, nec omne verbum excitabit ac punget, fateor; exhibunt multa, nec fe-

Nomina.... libros, Dialogos et libros philosophicos Livii periisse constat. Cf. Scibottum ad Aurel. Victor. Epitom. c. XLVIN, p. 598. a. Ruhl.

Non magis tenent libri omnes. Alius scriptor non minus Phil. quam Historiae dixisset; aut non magis Historiae, quam Philosophiae: sed similes inversiones orationis amat Noster, et multa occurrunt exempla in Epp. XII, XXXI, LXXXII, CII. Schiv.

Non est perspicua, sed pura. H. e. non nimis ornate translucida est, sed nativam simplicitatem habet. Cf.

Ernesti s. v. Purus. Lipsius non est perspicua de obscuritate intelligere mavult, parum attentus, opinor, ad oppositionem, quam sed pura exhibet. Ruhl.

Eloquentiam.... contrahit. Secum trahit eloquentiam, quantum non hoc agat, non hoc conetur ut eloquens sit, sicut nobiscum trahimus umbram inscii. Ideo bene vertit Lagrange: L'éloquence le suit comme son ombre, sans qu'il y pense.

Exhibunt multa, nec ferient. Locutio ducta a gladiatoribus, quorum

rient, et interdum otiosa praeterlabetur oratio: sed multum erit in omnibus lucis, et ingens sine taedio spatium. Denique illud praestabit, ut liqueat tibi, illum sensisse quae scripsit. Intelliges hoc actum, ut tu scires, quid illi placeret; non ut ille placeret tibi. Ad profectum omnia tendunt, ad bonam mentem; non quaeritur plausus. Talia esse scripta eius non dubito; etiamsi magis reminiscor, quam tenéo; haeretque mihi color eorum, non ex recenti conversatione familiariter, sed summatim, ut solet ex vetere notitia. Quum audirem certe illum, talia mihi videbantur; non solida, sed plena; quae adolescentem indolis bonae attollerent, et ad imitationem sui evocarent, sine desperatione vincendi: quae mihi adhortatio videtur efficacissima; deterret enim, qui imitandi cupiditatem fecit, spem abstulit. Caeterum verbis abundabat; sine commendatione partium singularum, in universum magnificus. Vale.

minus exire dicatur, quum parant ferire. Lips.

Sed multum erit in omnibus lucis... spatium. Multa lux adeat, omnia clara et aperta sunt, et percutere, perlegere potes omnis sine taedio, quod ex obscuritate etc. oriri solet. Lipsius intelligit lucis de splendore et dignitate. Ruhk.

Lucis. Recte praebuit ed. Ruhk.

cam maslis. Meudonum locis ex superioribus editt. adhucit ed. Matth. Schw.

Haeretque mihi color eorum. I. generalis orationis notio et species. Alio modo tñ color usi sunt rhetores. Vide Ern. Lexic. lat. h. voce. Ruhk.

Evocarent, a. c. A. ex more Nostri. Vocant vulgo. Schw.

EPISTOLA CI.

DE MORTE SENECTIONIS.

Subita amici cuiusdam morte ansam sumit docendi, nihil fidentum aut spondendum nobis esse, quum omnia sint incerta, ideoque vitare bonam non esse differendam, sed singulos dies singulas vitas putandas, neque ita vivendum ut futuri aviditate mortisque metu corripiamur. Ita Maecenatis votum exagitat, qui omnia mala in carmine quodam dixerat se perpeti quam mori malle.

SENECA LVCILIO SVO SALVTEM.

Omnis dies, omnis hora, quam nihil sumus, ostendit, et aliquo argumento recenti admonet fragilitatis oblitos; tum aeterna meditato respicere cogit ad mortem. — Quid sibi istud principium velit, quaeris? Senecionem Cornelium, equitem Romanum splendidum et officiosum noveras: ex tenui principio se ipse promoverat, et iam illi declivis erat cursus ad caetera. ²Facilius enim crescit dignitas, quam incipit. Pecunia quoque circa paupertatem plurimam moram habet, dum ex illa erepat. Hic etiam Senecio divitiis imminabat, ad quas illum duae res ducebant efficacissi-

Tum aeterna meditato. Vulgo *quum aeterna meditante.* Schw.

Senecionem Cornelium, ex hoc uo loco novimus. Ruhk.

Splendidum. Epithetoo ordinis equestria. — *officiosum.* Salutationibus, deductionibus, etc. Ruhk.

Pecunia, ... erepat. I. e. pecunia diu exigua est adeoque paupertati diu adhaerescit, dum crescat et deinceps ex ea, velut e nido angustiore, erepat. Muretus laodat Plutarch. Ao

Seoi sit gerenda Resp. c. vi, Vol. XII, p. 109 Hutt. de Lampide Demosthenis aequali, naucloso ditissimo, qui interrogatus, quomodo tantas opes sibi parasset? respondit: Parvas quidem magoo, magnas parvo labore. Ruhk.

Plurimam moram. Vulgo ex Mur. emend. Rectius fuerit *plurimum morae.* Nam *plurimum* amorem vel amoris scribitur in lib. vet. Schw.

Erepat ms. a. Vulgo *ereptat.* S.

mae, et quaerendi, et custodiendi scientia; quarum vel altera locupletem facere potuisset. Hic homo summae frugalitatis, non minus patrimonii quam corporis diligens, quum me ex consuetudine mane vidisset; quum per totum diem amico graviter affecto, et sine spe iacenti, usque in noctem assedisset; quum hilaris coenasset; genere valetudinis praecipiti arreptus, angina, vix compressum arctatis faucibus spiritum traxit in lucem. Intra paucissimas ergo horas, postquam omnibus erat sani ac valentis officiis functus, decessit. Ille, qui et terra et mari pecuniam agitabat; qui ad publica quoque, nullum relinquens inexpertum genus quaestus, accesserat; in ipso actu bene cedentium rerum, in ipso procurentis pecuniae impetu, raptus est.

Inserere nunc, Meliboe, puros; pone ordine vites!

Quam stultum est, aetatem disponere ne crastini quidem dominum! O quanta dementia est spes longas inchoantium! — Emam, aedificabo, credam, exigam,

Quum me ex consuetudine mane vidisset. Salutaudi gratia: summo enim loco constitutus erat Seneca, qui Senecioni divitiis inhianti utilissimos esse poterat. Multus solem hic erat in augenda pecunis negotiis, mercatura, praediis emendis, vendendis, etc. *Ruhk.*

Arreptus, a. c. R. A. quod valet adreptus vel correptus, non abreptus, ut add. a Mur. Schw.

Terra et mari. Ita Grut. quinque. Ante: *mari et t.* *Ruhk.*

Ad publica. Vectigalia conduenda. Cf. Graev ad Cicer. Verr. lib. III, c. xxxviii. *Ruhk.*

Inserere.... vites. Versus est Virgil. Ecl. I, 74: *trouice dictum est: quid*

iuvat nunc tot lantisque laboribus districtum anhelasse et divitias caplasse? *Ruhk.*

Quam stultum est... inchoantium? Similis habes Ep. xxi extr. 23 fu. Cf. Mitscherlich, ad Horat. I, Od. iv, 45; quem locum fortasse in animo habuit noster. *Ruhk.*

Ne crastini quidem dominum, a. c. A. Vulgo *ne crastino quidem dominamur.*

Emam... credam. Mutuam dabo, usuras exigam, et Alphius foenerator ap. Horat. Epod. II. Similis est Horat. I, Sermon. 4, 28, et egregia parabola ap. Evangel. Luc. XII, 16-20; ubi cf. Paulgum. *Ruhk.*

honores geram; tum demum lassam et plenam senectutem in otium referam. — Omnia, mihi crede, etiam felicibus dubia sunt; nihil sibi quisquam de futuro debet promittere; id quoque, quod tenetur, per manus exit; et ipsam, quam premimus, horam casus incidit. Volvitur tempus, rata quidem lege, sed per obscurum: quid autem ad me, an naturae certum sit, quod mihi incertum est? Navigationes longas, et pererratis littoribus alienis, seros in patriam reditus proponimus, militiam, et castrensiu laboru tarda manupretia, procurationes, officioruque per officia processus; quum interim ad latu mors est: quae quoniam nunquam cogitatur, nisi aliena, subinde nobis ingeruntur mortalitatis exempla, non diutius, quam dum miramur, haesura. Quid autem stultius, quam mirari, id ullo die factum, quod omni potest fieri? Stat quidem terminus nobis, ubi illum inexorabilis fatoru necessitas fixit; sed nemo scit nostrum, quam prope versetur.

Sic itaque formemus animu, tanquam ad extrema ventu sit; nihil differamus; quotidie cum vita paria faciamus. Maximum vitae vitium est, quod imperfecta semper est, quod in aliud ex alio differtur. Qui quo-

Nihil sibi. Horat. Carm. I, 11, 7:
Dum loquimur, sugerit invida aetas.
Ruhk.

Quam premimus, horam. Clarum est: et nec hora haec certa, et casus potest abruptere. At Morelo visum, oram legere et suum nauticu interpretari: libri sunt a vobis. Lips.

Quid autem ad me. Subaudi: pertinet. Quid mea refert, interest?

Tarda manupretia. *Χαποδίαυ.* Nam promotiones castrenses gradatim habebant, oec magna, nisi in extremis, praemia. Iuvanal XIV, 197: *Pt lo-*

eupletem equitam tibi sexagesimus annus Afferat. Lips.

Procuraciones. Nempe proviuciarum. Ruhk.

Nisi aliena. Nisi quum alios in conspectu nostro aufert.

Quotidie cum vita paria faciamus. Sc. nomina; tanquam oibis sit residui; non illa nobis, non nos illi obligemur. Cf. Ep. XIX, 9. Ruhk.

Quod in aliud ex alio differtur. Sic verissime Ploc. partim a mss. partim e coniect. Vulgo, quod etiam aliquid ex illa differtur. Schw. —

tidie vitae suae summam manum imposuit, non indiget tempore. Ex hac autem indigentia timor nascitur, et cupiditas futuri, exedens animum. Nihil est miserius dubitatione venientium, quorsus evadant. Quantum sit illud, quod restat, aut quale, [non] collecta mens inexplicabili formidine agitur. Quo modo effugiemus hanc volutationem? uno, si vita nostra non prominebit, si in se colligetur: ille enim ex futuro suspenditur, cui irritum est praesens. Ubi verò, quidquid mihi debui, redditum est; ubi stabilita mens scit, nihil interesse inter diem et saeculum; quidquid deinceps dierum rerumque venturum est, ex alto prospicit, et cum multo risu seriem temporum cogitat. Quid enim varietas mobilitasque casuum perturbabit, si certus sis adversus incerta? Ideo propera, 10

Nonnulli codd. etiam, alii quod in aliquid, ex quo Pincian. quod in olivud ex ulio. Lipsii codex in margine: quod meum aliquid, explicat: frater tota; manum iniciam, nihil incerto tempor. reservem. Fortasse eral quum imp. semper est, quod, etc. Ruhk.

Qui quotidie vitae suae...imposuit. I. e. extremam, ultimam vitae operam praestitit. Sic Ep. xii, 4, putatio extrema, quae christi summam manum imposuit, i. finit. Caeterum laudata epistola conferri maretur. R.

Dubitatione venientium. Ita plurimi codd. Alii dub. vehementer irruntum. Ea illo coniec. Pinc. voluntum sive voluntantium propter sequens: quomodo effugiemus hanc volutationem? ex hoc Grut. convic. sive verentium sive vehementer horrentium. Ruhk. — Intel. Nihil est miserius ista dubitatione quae torquemur, nescientes quo venientia, a. ventura evadant, i. e. quid futurum sit.

(Non) collecto mens. Ed. Ruhk. ex Pinciani coniect. Vulgo collecto libri omnes, absque negante particula; cui uncinos ideo circumdedit, quia haud satis certa est emendatio, atque aliud quidpiam fortasse hic latet. Fors. incollecto scriptum oportuerat: cuius vocaluli prima vocalis latebat in praecedente voce quoli, quam pro quole hic habent o. o. A. Schw. — Lipsio placuit: quale collecto, mens inexpl. Gronovio: aut qualis coniectantes inexpl. f. o. R. — Non collecto explicatur sequentibus: si in se colligetur, et verti potest: Qui n'est pas recueilli en elle-même.

Non prominebit. Int. in futurum. Quidquid mihi debui. Scilicet mihi debes, ut praesens tempus ad colendam sapientiam conferam.

Stabilita mens, collecta in se. Pertinent haec Horatiana illa Carm. III, 29, 41 sq. ubi Mitscherlic. et Doering. amicis. Senecae memoras fuere, quos videas. Ruhk.

Lucili mi, vivere; et singulos dies, singulas vitas puta. Qui hoc modo se aptavit; cui vita sua quotidie fuit tota; securus est. In spe viventibus, proximum quodque tempus elabitur, subitque aviditas, et miserrimus, ac miserrima omnia efficiens, metus mortis. Inde illud Maecenatis turpissimum votum, quo et debilitatem non recusat, et deformitatem, et novissime acutam crucem, dummodo inter haec mala spiritus prorogetur:

- 11 *Debilem facito manu,
Debilem pede, coxa;
Tuber aulstrue gibberum,
Lubricos quate dentes:
Vita dum superest, bene est!
Hanc mihi, vel acuta
Si sedeam cruce, sustine.*

- 12 Quod miserrimum erat, si incidisset, optatur; et

Aptavit. Sic rescripsi locum *aptabit*, Stephanum Epist. ad Dalecamp. 22 secutus. *Ruhk.*

Avid. Vivendi, futuri temporis.

Maecenatis. Parum amico animi in Maec. fuisse Senecam constat. Sapiens enim sum carpsit, quum propter lasciviam vitae, tum propter luxuriam styli. Vide de Provid. 3, 9; Ep. xcvi, 114. Praeter Meibomii librum; *Maecenas* Logd. Bat. 1653, 4, laudatur quoniam *les Recherches sur la vie de Mécène, par M. Souchay*. In scriptis eius fuisse etiam cormina, nude hi versus desumpti esse videntur, in quos Seneca acerbissime iuvebitur. Meibomius tamen, p. 154, excusat Maecenatem scholae Epicori, quam Maecenas sectabatur, dogmatibus, in quibus et illud laudat ap. Diog. Laër. X, 119, τὸν σὸφὸν καὶ πρῶτον τὰς ὁμῆς μελέτην τοῦ βίου. Enimvero

multo iustior defensio Maecenatis contra Senecam a natura poëseos utique lyricae peti posse: quam tamen angustia huius loci non capit. Versus 6 et 7 disquisitiuibus Ge. Calixti, Theologi olim helmatad. doctissimi, lucam acceperunt, probatis Salmasio et., et nuper Paulo ad Matth. XXVII, 32. (Vol. III, pag. 745 sqq. ed. t.) Demonstravit autem, praeter arcteariam stipitem ipsius crucis et aius antennam, cui manus infingerentur, fuisse in medio stipitis palum quemdam, instar sedilis, acutum, cui suspendendus insideret et velut inequigaret, ac defunctus putresceret. Cf. Meibom. c. 24, p. 152 sq. Quomodo Io. Gurliotto amicis. in *Wiedeburg. humanist. Magaz.* V, p. 353, de poema servorum ἡ σκῆψις dicta, palo par corpus adacto, explicanti assentiri possim, impediunt sequentia verba, et acutam sasmro crucem subdas. R.

tanquam vita petitur supplicii mora. Contemptissimum putarem, si vivere vellet usque ad crucem. Tu vero, inquit, me debilites licet, dum spiritus in corpore fracto et inutili maneat; depraves licet, dum monstroso et distorto, temporis aliquid accedat; suffigas licet, et acutam sessuro crucem subdas: est tanti, vulnus suum premere, et patibulo pendere destitutum, dum differat, id quod est in malis optimum, supplicii finem: est tanti, habere animam, ut agam!— Quid huic optes, nisi Deos faciles? quid sibi vult ista carminis effeminati turpitudine? quid timoris demerentissimi pactio? quid tam foeda vitae mendicatio? Cui putes unquam recitasse Virgilium,

Vsque adeone mori miserum est?

Optat ultima malorum, et, quae pati gravissimum est, extendi ac sustineri cupit: qua mercede? scilicet vitae longioris. Quod autem vivere est, diu mori? Invenitur aliquis, qui malit inter supplicia tabescere,

Supplicii mora. Nam erat in extremis Maecenatis, *susting*, id est, serva mihi vitam et extende, etiam in cruce, ultimisq; malis. Lips.

Distorto nonnulli pelat, at editio vetus deserta. Masgocod. Col. *discerpto*. Ruhk.

Est tanti, ac. pretii. Paulus tamen ad Matth. 27, 42, p. 748 ed. 1, emendat: *Est contentus*. — *Est tanti finem*. Num haec tantam scitacionem morentur? Ruhk.

Habere animam, ut agam (enim). Non alia fine vivere, quam ut moriens vivam; habeam animam ut semper amittam. Lips.

Deos faciles in eius vota: meruit ausudiri. Caeterum similia laudat

Lipinus ex Hom. Odyss. 2, 488. Eurip. Iphig. A. 1218 aqq. Ruhk.

Cui putes, a. e. A., Cui putas ed. R. *Huic putas* vulgo. Schw. — Caeterum patemus hic cui esse pro huic atque its intelligendum.

Vsque...miserum est? Virgilii verba est Aen. XII, 546. Ruhk.

Ultima malorum. Quae in malis aoni saevissima.

Quod autem vivere est? (I. e. quanam autem haec vita est?) a. e. A. Schw. — Vulgo: *quid autem huius vivere est?*

Qui malit inter se suppl. Sic edd. ex Erasmi emend. *qui velit dabant libri vell.* quod ferri non poterat, nisi dein poneret *potius quam*, etc. Schw.

et perire membratim, et toties per stillicidia amittere animam, quam semel exhalare? Invenitur qui velit adactus ad illud infelix lignum, iam debilis, iam pravus, et infoedum scapularum ac pectoris tuber elisus, cui multae moriendi causae etiam citra crucem fuerant, trahere animam tot tormenta tracturam?

“Nega nunc magnum beneficium esse naturae, quod necesse est mori. Multi peiora adhuc pacisci parati sunt; etiam amicum prodere, ut diutius vivant; et liberos ad stuprum manu sua tradere, ut contingat lucem videre, tot consciam scelerum. Executienda vitae cupido est, discendumque, nihil interesse, quando patiaris quod quandoque patiendum est. Quam bene vivas refert, non quamdiu; saepe autem in hoc est bene, ne diu. Vale.

Infelix lignum. Ita crucem vocari docuit Lips. in libellis de illa re.

In hoc est bene, ne diu. Quia saepe virtus suadet, ut vitam effundamus, v. c. pro patria.

EPISTOLA CII.

CLARITATEM POST MORTEM BONVM ESSE.

Occupato in cogitatione de aeternitate animarum sibi supervenisse narrat epistolam Lucilii, in qua obiicit Senecae, quod non solverit objectionem adversariorum, claritatem idcirco bonum non esse posse, quod ex distantibus constet. Quod quia non ad mores s. Ethicam pertineat, se distulisse profitetur. Iam quum doctrinam Stoicorum, de corporibus praemisisset, accedit ad probationem dogmatis, claritatem esse bonum: ac primum quidem laudare dignos esse actionem honestam. Deinde, quae unus bonus vir iudicat bona, ea omnes viri boni iudicent oportet: quandoquidem veritatis una vis, una facies est. Tum non est bonum ex distantibus constans; laus enim non vox est, quae bonum non est, sed sententia: aliud enim est laus, aliud laudatio quae

vocem exigit. Laus autem iudiciis continetur, atque refertur ad animum non ad verba. Claritas itaque laus est bonorum, quae sine voce contingere potest, quum gloria et fama vocem desiderent et multorum iudiciis censeantur. Laus est et laudati et laudantis. Sed satius est, in immensum mentem suam extendere, quam his disputationibus operam dare. Magna autem et generosa res humanus animus, cuius patria est mundus, cuius cogitationi omne tempus patet ad divina nati et aliquando subvolaturi.

SENECA LYCILIO SVO SALUTEM.

Quomodo molestus est iucundum somnium videnti, qui excitat (aufert enim voluptatem, etiamsi falsam, effectum tamen verae habentem): sic epistola tua mihi fecit iniuriam; revocavit enim me, cogitationi aptae traditum, et iturum, si licuisset, ulterius. Iuvabat *de Aeternitate animarum* quaerere, imo mehercules credere: credeham enim me facile opinionibus magnorum virorum; rem gratissimam promittentium magis, quam probantium. Dabam me spei tantae: iam eram fastidio mihi; iam reliquias aetatis infractae contemnebam, in immensum illud tempus, et in possessionem omnis aevi transiturus; quum subito experrectus sum epistola tua accepta, et tam bellum somnium perdidi. Quod repetam, si te dimisero, et redimam.

Negat me epistola prima totam quaestionem expli-

Aptae. I. invisem nexae. Lipsius emendat oltae. Rohk.

Iuvabat de aeternitate... probantium. Saepè iam vidimus, notare nostrum super hac re, et velle magis quam credere. Egit de hoc Lipsius *Physiol. stoic.* III, 11. Caeterum idem passus est quod Cicero *Tusc. Qn.* I, 11: Nescio quomodo, dum lego, assentior: quum posui librum et mecum ipse de immortalitate animarum coc-

pi cogitare, assensio omnis illa elabatur. Rohk.

Me facile. Sic omnes fere codices et vetustae edd. Autè sine me. R.

Negat me epistola prima. (I. e. initium huius epistolae negat me, etc.) Sic vet. libri. *Negas* edd. ex Eras. inperio. Alii *neget*. Schw. — Rohkopffius qui edidit *negas* sic de huius epistola prima disserit: Lipsius de epistola Senecae intelligit, quum ipse

cuisse, in qua probare conabar id, quod nostris placet, « claritatem, quae post mortem contingit, bonum esse. » Id enim me non solvisse, quod opponitur nobis: Nullum, inquit, bonum ex distantibus; hoc autem ex distantibus constat.— Quod interrogas, mi Lucili, eiusdem quaestionis est, loci alterius; et ideo non hoc tantum, sed alia quoque eodem pertinentia, distuleram. Quaedam enim, ut scis, moralibus rationalia immixta sunt. Itaque illam partem rectam, et ad mores pertinentem, tractavi: Numquid stultum sit ac supervacuum, ultra extremum diem curas transmittere? an cadant bona nostra nobiscum, nihilque sit eius, qui nullus est? an ex eo, quod, quum erit, sensuri non sumus, antequam sit, aliquis fructus percipi, aut peti possit? Haec omnia ad mores spectant, itaque suo loco posita sunt. At quae a dialecticis contra hanc opinionem dicuntur, segreganda fuerunt; et ideo seposita sunt. Nunc, quia omnia exigis, omnia, quae dicunt, persequar; deinde singulis occurram.

Nisi aliquid praedixero, intelligi non poterunt, quae refellentur. Quid est, quod praedicere velim? Quaedam continua esse corpora, ut hominem; quae-

observavit non exalare. Fortasse epistolo prima est prior tuae epistolae pars, in qua Lucilius explicare voluit, etc. Ita referas ad negas tñ: Id enim me non solvisse. Ruhk.

Ex distantibus., i. quorum partes separatae sunt. Ruhk.

Quod interrogas... alterius: i. e. ad eandem quaestionem pertinet; sed in altera disciplina, i. e. in Logica tractatur. Ruhk.

Rationalia. Logica, dialectica.

Rectam, et s. codd. pal. et edit.

vitari recepi. Aotes: recta ad ex inganio Mureti. Ruhk.

An ex eo, quod, quum erit, sensuri non sumus, antequam sit, aliquis. Cum Gronovio triam mss. lectionem dedi. — An ex eo... possit. i. e. an ex fama postuma, quam quum habebimus, sensuri non ammos, quippe mortui, notequm sit et existat postuma fama, sive antequam mortuis nobis sit superstes, nunc statim aliquis fructus percipiat. Gronov.

Quaedam continua esse corpora,

dam esse composita, ut navem, domum, omnia denique quorum diversae partes iunctura in unum coactae sunt; quaedam ex distantibus, quorum adhuc membra separata sunt, tanquam exercitus, populus, senatus: illi enim, per quos ista corpora efficiuntur, iure aut officio cohaerent, natura diducti et singuli sunt. Quid est, quod etiam nunc praedicere velim? Nullum bonum putamus esse, quod ex distantibus, constat: uno enim spiritu unum bonum contineri ac regi debet, unum esse unius boni principale. Hoc, si quando desideraveris, per se probatur; interim ponendum fuit, quia in nos nostra tela mittuntur.

* Dicitis, inquit, nullum bonum ex distantibus es-

etc. Vides hic subtilem Stoen divisionem corporum adumbratam, sed non plene explicatam. Attingit post Lipsii Physiol. II, 4. Etsi res non usquequaque clara sit, quoniam fontes primarii exaruerunt, tamen patet: primum voci *σύνεξ*, *corpus*, novam vim tribui a Stoicis, quippe qui quum omne id, quod quid efficit, tam actiones ita appellant: deinde omnes res vocarunt corporalia, 1.^o quae quia vere exstant nemo dubitat; 2.^o quae sensuum praesidio cognoscuntur; 3.^o omnia solida. Inrecomsultos rom. etiam hanc doctrinam de corporibus eorumque partibus recepisse notum est: cf. Gataker ad M. Antoniu. VII, 13, p. 264. Ruhk. — Ipsa haec divisio in Plutarchi praeceptis conchialibus: *Philosophi aiunt corporum alia ex distantibus constare, ut classem et exercitum; alia ex compositis, ut domum et navem: alia denique unita et continua esse ut quodque animalium*. Eadem in Pomponio lu. cto. q. xxx, de usurpationibus. Lipsius.

Nullum bonum putamus. Nexu sententiarum eo coniunctur, quod virtutes, vitia, alia, adeoque bonum in corporum numero esse, statuebant Stoici. Ruhk.

Uno enim... principale. Quae una vi, sola virtute reguntur, corpora continua, τὰ ὅντ' ἑνὶ ψυχῇ ἔχουσιν ἁπλοῦς ait Sext. Emp. adv. Phys. I, cap. 2. *Unus spiritus* est principium dirigens: *principale*, i. e. primum principium, respectu utique practico. R. — Sic Pomponius quae sunt continua corpora his ipsis verbis definiat: quae continentur uno spiritu.

Quia in nos nostra tela mittuntur. Sic ex coniect. correxi, quum nos ante nostra intercidisset in a. c. R. A. *Quo nostra tela nitatur* ed. Mus. Lips. et Bip. ex Murati ing. *Quia inde nostra tela mittuntur* ed. Gron. et Ruhk. ex Lipsii coniect. contra mentem auctoris. Schw. — *Lagrange* vertit: *Puisque c'est l'arsenal d'où nous tirons nos armes*, ut videntur eandem ac Ruhk. lectionem secutus. Inquit. Obiectio adversariorum,

se; claritas autem ista, bonorum virorum secunda opinio est. Nam quomodo fama non est unius sermo, nec infamia unius mala existimatio; sic nec claritas, uni bono placuisse. Consentire in hoc plures insignes et spectabiles viri debent, ut claritas sit. Haec autem ex iudiciis plurium efficitur, id est, distantium: ergo non est bonum. Claritas, inquit, laus est a bonis bono reddita; laus oratio; oratio vox est, aliquid significans; vox autem, licet bonorum virorum sit, bonum non est. Nec enim, quidquid vir bonus facit, bonum est: nam et plaudit, et sibilat; sed nec plausum quisquam, nec sibilum, licet omnia eius admiraretur et laudet, bonum dicit; non magis quam sternutamentum, aut tussim. Ergo claritas bonum non est. Ad summam, dicite nobis, utrum laudantis, an laudati bonum sit? Si laudantis bonum esse dicitis, tam ridiculam rem facitis, quam si affirmetis meum esse, quod alius bene valeat. Sed laudare dignos, honesta actio est: ita laudantis bonum est, cuius actio est; non nostrum, qui laudamur: atqui hoc quaerebatur. »

Respondebo nunc singulis cursim. Primum, an sit aliquod ex distantibus bonum, etiam nunc quaeritur; et pars utraque sententias habet. Deinde, claritas non desiderat multa suffragia; potest et unius boni viri

bonum non esse claritatem. *Ruhk.*
Secunda opinio. Amica et favens.
Lips.

Et spectabiles. Vulgo et praestantes, invitis *ms.* *Schw.*

Claritas, inquit. Transit ad aliam obiectionem.

Licet omnia... laudet. Int. idem ille qui omnia eius boni viri admittitur et laudet, non tamen dicit plausum eius vel sibilum bonum esse.

Sternutamentum. *Ms. a. sternumentum.* *Schw.*

Primum... habet. Nihil nobis uberius restat ex hisce disputationibus, nec quidquam eorum sciremus, nisi Seneca nobis servatus esset. Palet tamen, adhuc sub iudice litem fuisse; itaque nec ipse quidquam defuisse audent. *Ruhk.*

Unius boni viri, quasi in abstracto cogitati, aspicientis, cui non gloriam,

iudicio esse contenta: nam omnes bonos bonus unus iudicat. — « Quid ergo? inquit, et fama erit unius hominis existimatio, et infamia unius malignus sermo? Gloriam quoque, inquit, latius fusam intelligo; consensum enim multorum exigit. » — Diversa horum conditio est, et illius. Quare? quia, si de me bene vir bonus sentit, eodem loco sum, quo, si omnes boni idem sentirent; omnes enim, si me cognoverint, idem sentient. Par illis idemque iudicium est; aequè ¹³ vero insistitur ab his, qui dissidere non possunt. Ita pro eo est, ac si omnes idem sentiant, quia aliud sentire non possunt. Ad gloriam aut famam non est satis unius opinio. Illic idem potest unius sententia, quod omnium; quia omnium, si perrogetur, una erit: hic diversa dissimilium iudicia sunt, dissimiles affectus; dubia omnia invenias, levia, suspecta. Putas tu posse ¹⁴ unam omnium esse sententiam? non est unius una sententia. Illi placet verum; veritatis una vis, una

sed claritatem tribuebant, sicut quum non ἰνδοξον, sed εὐδοξὴν esse dicebant, probante Lipsio ex Philone iudaeco super verbis: *exigilavit* Noa. Rubk.

Nam omnes bonos bonus unus iudicat. Schweigh. dat nos bonos bonus iudicat, ex msa. a. c. R. — Rubkop. explicat vulgatam bonus unus quasi loco omnium. Eandem sententiam prodidit Apost. Petrus in Ep. 1 ad Corinth. II, 15, 16, ubi πνευματικός ὁ bonus, sensu stoico, omnia iudicare dicitur, a nemine eodem (ψυχικῶς, stulto, ἀπειθεύτως, ἰδιώτῃ) indicari posse.

Horum (nempe famae, gloriae, aliorumque, quae ut infra dicit, § 18, multorum iudiciis constant)... illius (nempe claritatis, quae iudi-

cium est bonorum).

Aequè vero insistitur ob his qui dissidere non possunt. Sic vulgo ex Erasmi maxime ing. Videndam quid latent sub veteri scripture, aequè vero (sic ms. a. *Vere c. A. Vere* ed. R.) inficitur (*inficitur* unus Pinciani, *prospicitur* ed. A.): *dissentire non p. S.* — Muretus aequè vero sentitur ab his q. d. n. p. Int. eoque viam illem veri boni omnes premunt. R.

Perrogetur. Supplet vox Curiae (quum Consul omnium sententias ordine exquirat), Lips.

Non est unius uno. Nam variant, et nemo, sapiente excepto, sibi constat. Lips.

Illū (sc. viro bono) s. c. R. A. Illis edd. a Murto. Schw.

facies est: apud hos falsa sunt, quibus assentiuntur. Nunquam autem falsis constantia est; variantur. et
 15 dissident. — «Sed laus, inquit, nihil aliud quam vox
 est: vox autem bonum non est.» — Quum dicant,
 claritatem esse laudem bonorum, a bonis redditam,
 iam non ad vocem referunt, sed ad sententiam. Licet
 enim vir bonus taceat, sed aliquem iudicet dignum
 laude esse, laudatus est. Praeterea, aliud est *laus*,
 aliud *laudatio*: haec et vocem exigit: itaque nemo di-
 cit *laudem funebrem*, sed *laudationem*, cuius officium
 16 oratione constat. Quum dicimus aliquem *laude di-*
gnum, non verba illi benigna hominum, sed iudicia
 promittimus. Ergo laus etiam taciti est bene sentien-
 tis, ac bonum virum apud se laudantis. Deinde, ut
 dixi, ad animum refertur laus, non ad verba, quae
 conceptam laudem egerunt, et in notitiam plurimum
 emittunt. Laudat, qui laudandum esse iudicat. Quum
 Tragicus ille apud nos ait, «Magnificum esse laudari
 17 a laudato viro;» laude digno, ait. Et quum aequae
 antiquus Poëta ait,

..... *Laus alit artes;*

non laudationem dicit, quae corrumpit artes: nihil
 enim aequae et eloquentiam, et omne aliud studium
 auribus deditum vitiavit. quam popularis assensio.
 Fama vocem utique desiderat, claritas non; potest

Laudatus est. Is scilicet, quem
 vir bonus vel tacite iudicat laude di-
 gnum esse.

Aliud est laus, aliud laudatio. En
 subtilitatem admodum arbitrariam!
 Interdum laus et laudatio synonyma
 fuerunt. Apud Liv. VIII, 40, laudes
 funebres occurrunt. Ruhk.

Ergo laus etiam... sentientis. I.
 Ergo ille etiam qui tacitus bene sen-

tit de viro bono, illi laudes dat.

Quum tragicus ille, etc. Cn. Naevius,
 qui tempore Scipionis mai.
 vixit Romae, respici putat Lipsius.
 Tragoediis et Comoediis scribendis
 bello punico I celeberrimus fuit. Laudat
 haec a Seneca adducta etiam Cicero
 Epist. ad Div. V, 12 nr. 25, 15, 6.

Aequae antiquus poëta, quis fuerit,
 non constat. Ruhk.

enim citra vocem contingere, contenta iudicio: plena est, non tantum inter tacentes, sed etiam inter reclamantes. Quid intersit inter claritatem et gloriam, dicam. Gloria multorum iudiciis constat, claritas bonorum.

«Cuius, inquit, bonum est claritas, id est, laus bono a bonis reddita? utrum laudati, an laudantis?» — Vtriusque: meum, qui laudor; quia natura me amantem omnium genuit, et bene fecisse gaudeo, et gratos me invenisse virtutum interpretes laetor. Hoc plurimum bonum est, quod grati sunt; sed et meum. Ita enim animo compositus sum, ut aliorum bonum meum iudicem; utique eorum, quibus ipse sum boni causa. Est istud laudantium bonum; virtute enim geritur: omnis autem virtutis actio bonum est. Hoc contingere illis non potuisset, nisi ego talis essem. Itaque utriusque bonum est, merito laudari; tam mehercule, quam bene iudicasse, iudicantis bonum est, et eius, secundum quem iudicatum est. Numquid dubitas, quin iustitia ei habentis bonum sit, et eius, cui debitum solvit? Merentem laudare, iustitia est: ergo utriusque bonum est.

Cavillatoribus istis abunde responderimus. Sed non 20 debet hoc nobis esse propositum, arguta disserere, et

Cuius, inquit... Vtriusque, etc. Nam bonum omne id est, quod prodest, nec ab utilitate distat, s. quod semper et sine mutatione iis, qui ratione praediti sunt prodest. *Ruhk.*

Meum, qui laudor. Int. quasi scriptum esset: *mei, qui laudor.*

Virtute enim geritur. Virtus enim eos impulit, ut laudarent virum bonum: ergo bene faciunt quum laudant laudem dignum; ideoque laus illa bonum laudantium est.

Bene iudicasse. Respicit Seneca iudicem in tribunali sedentem, affirmantque aequum iudicium et iudicis qui sequenti parat, et illius qui iure suo vicit, bonum esse.

Responderimus. Sic ed. Lips. et sqq. ex coniectura Pinc. *Respondebimus* dabat libri vet. *Respondimus* ed. Mur. Schw. — Int. possemus respondere; resp. facile esset.

Debet, a. a. A. Vulgo debuit. S.

philosophiam in has angustias ex sua maiestate detrahere. Quanto satius est, ire aperta via et recta, quam sibi ipsi flexus disponere, quos cum magna molestia debeas relegere? neque enim quidquam aliud istae disputationes sunt, quam inter se perite captantium
 21 lusus. Dic potius, quam naturale sit, in immensum mentem suam extendere. Magna et generosa res est humanus animus; nullos sibi poni, nisi communes et cum Deo, terminos patitur. Primum, humilem non accipit patriam, Ephesum aut Alexandriam, aut si quod est etiam nunc frequentius incolis, laetius tectis
 22 solum. Patria est illi, quodcumque suprema et universa circuitu suo cingit; hoc omne convexum, intra quod iacent maria cum terris; intra quod aër, humanis divina secernens, etiam coniungit; in quo disposita tot numina in actus suos excubant. Deinde, arctam aetatem sibi dari non sinit: omnes, inquit, anni mei sunt; nullum saeculum magnis ingeniis clusum est, nullum non cogitationi pervium tempus. Quum venerit dies ille, qui mixtum hoc divini humanique
 23 me Diis reddam. Nec nunc sine illis sum, sed gravi

Dic potius, quam naturale sit. L. e. quantopere necessarium sit naturam et rationis leges sequi. Ruhk.

Nullos sibi poni... patitur. De hac necessitudine inter Deos et homines multi sunt Stoici, imprimis Seneca; e. c. De Traaq. 20. 8. De Provident. 1, Ep. 21a, 11 eot. 66, etc. Epictet. Echioirid. c. 15. Ruhk.

Laetius. Perperam laetius edd. S.
Secernens, etiam coniungit. Nam super aërem caeluso statim excipit, ubi Di, i. e. aeterni Igoes. Idemque coniungit, quia terram cum caelo medius interiectus necit. Ruhk.

In quo diap. Sic Schw. ex suis mss. Vulgo *intra quod.* Schw.

Disposita tot numina. Partim caelo, partim aere, terra, mari; quae plebs scilicet omnia geniorum.

Corpus hic. Perperam *corpus hoc* add. a Mur. Schw.

Ipsae me. *Ipsae me Diis, e. a. S.*

Sed gravi terrenoque. Omnes quos novimus Stoicos corpus cum vinculis custodiasque ad exemplum Platonis aliorumque comparasse, nolim est. Cf. Senec. Consol. ad Helv. ad Marc. passim, Ep. 127, 16. Ruhk.

terrenoque detineor carcere. Per has mortalis aevi moras illi meliori vitae longiorique proluditur. Quemadmodum novem mensibus tenet nos maternus uterus, et praeparat non sibi, sed illi loco, in quem videmur emitti, iam idonei spiritum trahere, et in aperto durare; sic per hoc spatium, quod ab infantia patet in senectutem, in alium maturescimus partum. Alia origo nos exspectat, alius rerum status. Nondum caelum, nisi ex intervallo, pati possumus.

Proinde intrepidus horam illam decretoriam pro-²⁴spice; non est animo suprema, sed corpori. Quidquid circa te iacet rerum, tanquam hospitalis loci sarcinas specta; transeundum est. Excudit redeuntem natura, sicut intrantem. Non licet plus efferre, quam intuleris; imo etiam ex eo, quod ad vitam attulisti, pars magna ponenda est. Detrahetur tibi haec circum-²⁵iecta, novissimum velamentum tui, cutis; detrahetur caro et suffusus sanguis discurrensque per totum; de-

Carcere. Aberat vulgo: recepimus
es c. A. Schw.

Proluditur. L. praeluditur. Conf.
Gronov. ad Senec. trag. Hercul. fur-
222. Ruhk.

Quemadmodum...partum. Eandem
seculentiam pulchram ap. Iudae sa-
pientes, quos Brachmanas vocabant
(nunc Brahminos dicunt) viginti-
septem, quem Lipsius hic laudet et
perperam ab iis ad Graecos mansisse
statuit, quum potius a Zoroastre in
Iudiam profecto videri debeat. Ruhk.

*In alium naturae maturescimus
partum.* laepte olim edd. in alium na-
turae sumimur partum. Plures, na-
turae sumus aut sumus. Recte natu-
rescimus ed. Ruhk. et sic fere ms. a.
sed delendum erat vocab. naturae. S.

Horam illam decretoriam. Quasi
dicas *ἡμετέραν* et indicialem. Nam
decrevit iudex, quum sententiam
profert, et in alterutrum statuit:
hinc *arma decretoria* quae *lucoris*
noster opponit, Ep. cxvii, quibus
de victoria, aut vita certatur. Item
decretorius stylus, t. de Clem. cap.
26, quo pater filium damnat, et as-
sacerdem facit. Neque aliter Plinius,
caniculae sidus iouis decretorium diei
item, *Diem quo aquila oritur, floren-
tibus oleis decretorium.* Lips.

Excudit redeuntem. Inquiri in te,
ntrum alienis tecum afferas, nihil
enim praeter animum apportabis.
Ruhk.— Nobis autem videtur in-
quisitionis sensum non esse in verbo
excudit; sensus: nihil nobis defunctia
nisi animum relinquit natura; non
exiit omnibus externis.

trabentur ossa nervique, firmamenta fluidorum ac labentium. Dies iste, quem tanquam extremum reformidas, aeterni natalis est. Depone onus! quid cunctaris, tanquam non prius quoque, relicto, in quo
 26 latebas, corpore exieris? Haeres, reluctaris; tunc quoque magno nisu matris expulsus es. Gemis, ploras; et hoc ipsum flere, nascentis est. Sed tunc debebat ignosci: rudis et imperitus omnium veneras; ex maternorum viscerum calido mollique fomento emissum afflavit aura liberior, deinde offendit durae manus tactus; tenerque adhuc, et nullius rei gnarus, obstupuisti inter ignota. Nunc tibi non est novum, separari ab eo, cuius ante pars fueris; aequo animo membra iam supervacua dimitte, et istud corpus
 27 inhabitatum diu pone. Scindetur, obruetur, abolebitur. Quid contristaris? ita solet fieri! pereunt saepe velamenta nascentium. Quid ista sic diligis, quasi tua? istis opertus es! Veniet, qui te revelet, dies, et ex contubernio foedi atque olidi ventris educat.

Hinc nunc quoque tu, quantum potes, subvola; carisque etiam ac necessariis cohaere ut alienus. Iam

Aeterni natalis est. Scil. aeternae vitae. Facit ad immortalitatem animi, sensu quodam euo Stoicis creditam, et ambigue creditam. Phys. III, 12. Lips.

Nunc tibi non est novum... fueris. Non hoc tibi est novum: neminem olim separatus es a ventre matris cuius pars eras.

Saepe vet. libr. omnes. Semper edd. ex Pincieni consi. Aequo coniecit Grut. Schw.

Subvola; curisque, etc. Schw. in textum inserit duplicem lectionem: "Curisque, nisi etiam necessariis; (sive curisque etiam ac necessariis):

Locus, inquit, in vet. libr. omnibus misere corruptus, in quo latae coniecturae campus. Vulgo ex Lipsii maxime coniect. subvola; utique etiam necessariis, quae cohaerebant, alienus. Ms. a. eie bebet, subvoluptari quae nisi quae necessariis quae cohaerebant alienus. Ms. c. subvola ubique nisi a necessariis quae cohaerebant alienus. Sed hunc locum, itemque alios, quos transvolare nunc cogor, elio tempore, si Deo placuerit, excutiemus. Schw. — Ruhkopfius, qui Lipsii lectionem recitavit est: magna, inquit, et intricata varietas lectionis et emendationum est. Vulgata olim:

hinc altius aliquid sublimiusque meditare. Aliquando naturae tibi arcana reteguntur, discutietur ista caligo, et lux undique clara percutiet. Imaginare tecum, quantus ille sit fulgor, tot sideribus inter se lumen miscentibus. Nulla serenum umbra turbabit; aequa-²⁸ liter splendeat omne caeli latus; dies et nox aëris infimi vices sunt. Tunc in tenebris vixisse te dices, quum totam lucem totus aspexeris; quam nunc, per angustissimas oculorum vias, obscure intueris, et tamen admiraris illam iam procul. Quid tibi videbitur²⁹ divina lux, quum illam suo loco videris? Haec cogitatio nihil sordidum animo subsidere sinit, nihil humile, nihil crudele. Deos rerum omnium esse testes ait; illis nos approbari, illis in futurum parari iubet, et aeternitatem proponere; quam qui mente concepit, nullos horret exercitus, non terretur tuba, nullis ad timorem minis agitur. Quidni non timeat, qui³⁰ mori sperat? si is quoque, qui animum tamdiu iudi-

sub-voluntaris quae nisi etiam necessariis coh. Vnde Pinc. subvola: ab aliis nisi quae etiam necessariis. At ms. pal. et Gronovii: subvoluntaris qui utique necessariusque cohaerebit. Hinc Gronov. fecit: Hinc nunc quoque tu, quantum potes; subvola: caris quoque necessariisque cohaere, ut alienus. Manum abstinco. Ruhk.

Cohaere, ut alius. Int. sic vel eos primo iussu fortunae relicturus.

Altius aliquid sublimiusque. Nam videtur, inquit Themistius, ipsum τοῦ θανάτου, id est, mortis nomen, hominem a vita migrantem in sublime ferre, καὶ ὦν εἰς θέν, id est sursum ad Deum vehere. Lips.

Aliquando... reteguntur. Hoc Stoici agere volebant. Animum astris socia-

tem, illa et naturam rerum totam contemplari: quod ipsum et Deus illis erat. Cicero (in fragm. ex Hortensio): Una igitur erimus beatæ cognitionis Naturae et scientia: quae sola etiam Deorum est vita laudanda. Cf. Lipsii Physiol. III, 24. Ruhk.

Admiraris illam iam procul. Sic ms. a. cum ed. A. Illam procul. R. Illam tam procul. c. Vulgo tam procul, absque illam. Schw.

Illos nos approbari... iubet. Haec cogitatio iubet, et vitam nostram Diis probatam faciamus.

Quidni non timeat. Cur ille timor agitur? Ruhk.

Is quoque, qui. Epicuram tangere videtur, cuius de natura animi et immortalitate sensum explicavit Lucretius lib. tertio.

cat manere quamdiu retinetur corporis vinculo, solutum statim spargi, id agit, ut etiam post mortem utilis esse possit. Quamvis enim ipse ereptus sit oculis, tamen

*Multa viri virtus animo, multusque recursat
Gentis honos.*

Cogita, quantum nobis exempla bona prosint; scies magnorum virorum, non minus quam praesentiam, esse utilem memoriam. Vale.

Solutum, a. c. R. A. Vulgo exsolutum. Schw.

Multa...honos. Versus sunt Virgilii Aen. IV inil., quibus Dido Aeneam describit. Rnhk.

Non minus quam praesentiam, esse utilem memoriam. Sic Pol. 2 et 3. Alii libri veteres omnes, non minus

praesentiam esse utilem quam memoriam. Vade vulgo, non minus praesentia esse utilem memoriam, ex emendatione Erasmi. Poteras ei corrigere, non magis quam praesentiam etc. Sed veterem scripturam defendit Gruterus, ut mori Senecae convenientem. Conf. not. ad similem locum Epist. c. Schw.

EPISTOLA CIII.

HOMINI AB HOMINE PRÆCIPVE CAVERNVM.

Non ista circumspectenda et devitanda esse monet, quae forsitan eveniant, sed ea pericula, quae homini ab homine imminant, quippe quae subito sint. In qua cautione tamen semper cogitandum est, quid sit hominis officium: alterum intueri, ne laedaris; alterum ne laedas.

* SENECA LVCILIO SVO SALVTEN.

Quid ista circumspectis, quae tibi possunt fortasse evenire, sed possunt et non evenire? incidentium

Quid ista circumspectis. Sani qui laciniem superioris epistolae potent, sique ennectendam. Non idem ego.

Lps.

Incidentium. Recte ed. Rnhk. cum mos. Vulgo *incendium*. Schw.

dico ruinam. Aliqua nobis incidunt, non insidiantur: illa potius vide, illa devita, quae nos observant, quae captant. Rariores sunt casus, etiamsi graves, naufragium facere, vehiculo everti; ab homine homini quotidianum periculum. Adversus hoc te expedi, hoc integris oculis intueri: nullum est malum frequentius, nullum pertinacius, nullum blandius. Tempestas minatur, antequam surgat; crepant aedificia, antequam corruant; praenuntiat fumus incendium: subita est ex homine perniciēs, et eo diligentius tegitur, quo propius accedit. Erras, si istorum, tibi qui occurrunt, vultibus credis: hominum effigies habent, animos ferarum; nisi quod illarum perniciosior est primus incursus: quos transiere, non quaerunt; nunquam enim illas ad nocendum, nisi necessitas, iniicit. Hae aut fame, aut timore coguntur ad pugnam: homini perdere hominem libet. Tu tamen ita cogita quod ex homine periculum sit, ut cogites quod sit hominis officium. Alterum intueri, ne laedaris; alterum, ne laedas. Commodis omnium laeteris, movearis incommodis; et memineris, quae praestare debeas, quae cavere. Sic vivendo quid conse-

Quae captant. Explicatio Senecae mox sequitur: ab homine homini quotidianum periculum. Lipsius affert notam in Plauto (Asinar. II, 3, 88 ubi cf. Taubmann), paroemiam: *Homo hominilupus*. Contrario tamen sensu dicitur homo homini deus. Conf. Erasmi Adag. Chil. I, Centur. I, nr. 69, 70. Rubk.

Rariores ex Gruteri coniect. adscivi. *Rari* olim edd. ex Pinc. coniect. *Vitiose paries* ms. a. *Pures* a. R. A. quod tenens Rubk. innoxit praecedentibus *quae captant pares*. Schw.

Erras...quaerunt. Egregia sunt, quae in eandem sententiam leguntur in Arriani Diss. Epict. I, 3: *Quosdam hominum lupis similes esse, infidos, insidiosos, noxios; alios leonibus; agrestes, feroces, immanes; plerosque vulpeculis, detractores et fraudulentos.*

Quos transiere, non quaerunt. Sic recte ms. a. Vulgo *quos transire non queunt*. Schw.

Iniicit, a. R. et Pinc. Sic dicimus *incutere* s. *in medios hostes*. Vulgo *inigit* ex Lips. coni. Mitis a. A. S.

queris? non, ut ne noceant, sed ne fallant. Quantum potes autem, in Philosophiam secede: illa te siqu suo proteget; in huius sacrariū eris aut tutus, aut tutior. Non arietant inter se, nisi in eodem ambulantes. Quid autem? ipsam Philosophiam non debebis iactare: multis fuit periculi causa, insolenter tractata et contumaciter. Tibi vitia detrahat, non aliis exprobrat; non abhorreat a publicis moribus; nec hoc agat, ut, quidquid non facit, damnare videatur. Licet sapere sine pompa, sine invidia. Vale.

Sinu. Sic recte olim edd. ex Er. emend. pro vitioso *nisu*, quod dabant a. R. *Visu* ed. Ruhk. cum c. A. Schw. — *Visu* explicat Ruhk. vi vendendi, cavendi ne tibi noceant.

Non arietant... ambulantes. Simile est, quod in superiore quadam Epist. rixa est inter competitores.

Quid autem? *Quia autem* ms. a. *Quia etiam* ed. Bip. ex Gronovii coniectura. Schw.

Non abhorreat a publicis moribus. Tale Ciceronis inter fragmenta, ad Marcum filium: *Philosophiae quidem praecepta noscenda, vivendum autem civiliter.* Lips.

EPISTOLA CIV.

DE INVALESCENTIA AETATIS, ET CARITATE IN SE IPSON: ANIMI MALA PRAEGRINATIONE
NON SANARI: CVM PRISCIS ET MAGNIS VIRIS VIVENDVM.

Scripta est haec epistola e villa Senecae, Nomentano, haud procul Roma sito, quo se receperat ex urbe, ut febrem subrepentem fugeret, vel invita uxore Paulina, cuius ut curam et caritatem in se laudat, ita eius amore duci se fatetur, ut valetudini suae consulat. Loci quidem mutatione hac se refectum ac recreatum narrat, sed hoc potissimum animo tribuit. Nam peregrinatio per se omnem valetudinem non restituit, nec prodesse potest, nisi animus mutetur, emendetur, affectus cupiditatesque recedantur. Quibus denum factis omnia luca ac status iuvabunt et proderunt ad vana et pericula domanda. Tunc exemplis virtutum relictis, ad meliores transeundum peregrinatione pulcherrima, ad priscos et eos magnos viros, Zenonem, Socratem, Cato-

nem rel. quos cogitatione intueri atque imitari oportet, non ut scite loquaris, sed ut animum potius indures, adversus minas fortunae erigas, et in opere sis. Ita vitia tolluntur, virtutes insecruntur.

SENECA LYCILIO SVO SALUTEM.

In Nomentanum meum fugi, quid putas? Urbem? imo febrem, et quidem subrepentem. Iam manum mihi iniecerat, protinus itaque parare vehiculum iussi, Paulina mea retinente. Medicus initia esse dicebat, motis venis et incertis, et naturalem turbantibus modum. Exire perseveravi. Illud mihi in ore erat domini mei Gallionis, qui, quum in Achaia febrem habere coepisset, protinus navem ascendit, clamitans non corporis esse, sed loci morbum. Hoc ego Paulinae meae dixi; quae mihi valetudinem meam commendat. Nam, quum sciam spiritum illius in meo veriti, incipio, ut illi consulam, mihi consulere; et, quum me fortiorem senectus ad multa reddiderit, hoc beneficium aetatis amitto. Venit enim mihi in mentem, in

In Nomentanum, ubi praedium eius et vineae. Infra Ep. cx, 1, et Colcamella III, 3. L.—Sita erat haec villa duobus fere milliariis germanicis (70 stadiis) a Roma in Gabinis iuxta urbem cognominem, quo ducebant porta et via Numentana. Cf. Adler, p. 60. Ruhk.

Et incertis. Perperam sed incertis vulgo. Schw.

Domini mei Gallionis. Fratrismaximi natu M. Ann. Novati, qui a L. Gallione adoptatus post Caligulae excessum Iunii Annaei Gallionis nomen accepit, cui libros de Ira et de Vita Beata adscripsit Noster. Post nostri Senecae mortem propria se-

menam interfecit, Eusebio ad ann. 818 uarrante: cf. Dio Cass. 62, 25. Meminit eius Tacit. Ann. 15, 73. An sit ille Gallio, qui Actor. Apostol. 18, 12 memoratur proconsul Achaiae i. Graeciae, adhuc incertum est. Caeteram de more, patres atque fratres grandiores uatu per honorem et blanditias dominos appellandi, egit Lipsius in Excursu P. ad Tacit. Annul. II. Ruhk.

Spiritus. I. e. vitam. Sic Philippus medicus Regi Alexandro M. ap. Curt. III, 6, 10, ait: Rex, semper quidem spiritus meus ex te pependit.

Beneficium aetatis amitto. Cogor ut multa, quae spernere vellem, caveam.

hoc sene et adolescentem esse, cui parcitur. Itaque, quoniam ego ab illa non impetro, ut me fortius amet, ³ impetrat illa a me, ut me diligentius amem. Indulgendum est enim honestis affectibus: et interdum, etiam si premunt causae, spiritus in honorem suorum vel cum tormento revocandus, et in ipso ore retinendus est; quum bono viro vivendum sit, non quamdiu iuvat, sed quamdiu oportet. Ille, qui non uxorem, non amicum tanti putat, ut diutius in vita commoretur, qui perseverat mori, delicatus est. Hoc quoque imperet sibi animus, ubi utilitas suorum exigit; nec tantum, si vult mori, sed si coepit, intermittat, ⁴ et suis se commodet. Ingentis animi est, aliena causa ad vitam reverti; quod magni viri saepe fecerunt. Sed hoc quoque summae humanitatis existimo, senectutem suam, cuius maximus fructus est securior sui tutela, et vitae usus animosior, attentius conservare, si scias alicui tuorum esse dulce, utile, optabile. Habet praeterea in se non mediocre ista res

Itaque quoniam... amem. Nivis temere et indulgenter illa me amat, nec impetro, ut robustius: ad omnia mala mea collabitur. Ruhk.

Ut me fortius amet. Optime habet: nec Piuianus aut alii debebunt movere. Fortiter amat, qui non indulget, qui severo quodam amore, ut patres liberos, ut Deus bonos viros. Lips.

(A me). Verba a Mur. adiecta, commodum quidem, sed in vitis mss. Schw.

Quum bono viro... oportet. Seneca de Benefic. II, 18 sapientes quidquid oportet iuvat, i. e. quidquid opportunum et εὐαίριον est. Nam Cicero ita videtur reddere, ubi Cato Stoius apud eum de Fin. III, 18 disso-

rit: *At saepe officium est sapientis, desiscere a vita, quum sit beatissimus, si id opportune facere possit.* Et paullo ante: *Rectam affectionem, sive τὸ κατὰ φύσιν ponit in opportunitate: hic enim appellare se εὐαίριον.* Lips.

Delicatus est. Caret illo robore quo sapiens nititur, ut omnia incommoda pro caeterorum salute sustinent.

Ingentis animi... fecerunt. Ipse Noster exemplo est Ep. LXXVII init.: *Ad summam maciem deductus saepe impetum cepi abrumpendas vitas: patris me indulgentissimi senectus retinuit.* Ruhk.

Maximus fructus... animosior. Gignit senectus securiorem tutelam sui,

gaudium et mercedem: quid enim iucundius, quam uxori tam carum esse, ut propter hoc tibi carior fias? Potest itaque Paulina mea non tantum suum mihi, timorem imputare, sed etiam meum.

Quaeris ergo, quomodo mihi consilium profectio-
nis cesserit? Vt primum gravitatem Urbis excessi,
et illum odorem culinarum fumantium, quae motae,
quidquid pestiferi vaporis obruerant, cum pulvere
effundunt, protinus mutatam valetudinem sensi. Quan-
tum deinde adiectum putas viribus, postquam vineas⁶
attigi? In pascuum emissus, cibum meum invasi. Re-
petivi ergo iam me: non permansit marcor ille cor-
poris dubii et male cogitantis; incipio toto animo
studere. Non multum ad hoc locus confert, nisi se
sibi praestet animus, qui secretum, et in occupatio-
nibus melius, si volet, habebit. At ille, qui regiones⁷

sc. minus anxiam et sollicitam; et-
anim minore, ut par est, cura ii la-
borant ut se ipsos tueantur, quibus
mors paucissimam potest afferre
iacturam, nec megne poene impen-
det negligentioris tutelae: ideo se-
nes securiores esse debeat de se-
metipsis; quoniam minimum casibus
committunt: ideo enimosius uti vita
debent, quoniam non illis cavendum
est, ut invenibus, ne imprudentia
tuandi corporis, spem longioris vitae
amittant.

Potest itaque Paulina... meum.

Acute. Potest non solum hoc in ex-
pensis mihi ferre, quod pro me ti-
meat, sed et quod ego. Nam eius ti-
mor meum trehit, imo gignit. Lips.

Quomodo... cesserit. Quid mihi
profectio profuerit.

Illum odorem culinarum fuman-
tium. Cf. Epist. LXIV, 1, not. R.

Obruerant. I. considerant, teze-
rant. Rohk.

Vineas. Nomentane enim regio vi-
neis erat impleta. Columelle III, 3,
ubi et Scaevae sui coevi praediorum
meminit. Diligentem autem vi-
nearum fossorem se fuisse affirmat
Seneca Nat. Quaest. III, 7 init. R.

Repetivi ergo iam me. Recuperavi,
et reperi quasi amisum: tam, qui
ante fui. Lips.

Male cogitantis. Bene: meditaba-
tur et minabatur febri; sed nondum
erat. L. — Rubkopius intelligit de
vera cogitatione; interpretetur male,
aegre.

At ille, etc. Serpe haec iam in-
culcata vidimus a Nostro, imprimis
de Tranquill. An. c. 2, 11 sqq. Ep.
xxviii. Digne est quo conferatur
Horatii Epistole I, 11 ad Bullat. obi-
obiter moneo mihi legendum videri
vers. 6: *At Lobedum... viarum: Scire...
furentem.* Quae verba Bullatii re-
sponsum continent: ne quae in ho-
minem perarabuntur cedant, pot-

eligit, et otium captat, ubique, quo dstringatur, inveniet. Nam Socratem querenti cuidam, quod nihil sibi peregrinationes profuissent, respondisse ferunt: « Non immerito hoc tibi evenit! tecum enim peregrinabar. » O quam bene cum quibusdam ageretur, si a se aberrarent! Nunc primum se ipsos sollicitant, corrumpunt, territant.

Quid prodest mare traicere, et urbes mutare? Si vis ista, quibus urgeris, effugere, non aliubi sis oportet, sed alius. Puta venisse te Athenas, puta Rhodon: elige arbitrio tuo civitatem: quid ad rem pertinet, quos illa mores habeat? tuos asseres. Divitias iudicabis bonum: torquebit te paupertas, et, quod est miserrimum, falsa; quamvis enim multum possideas, tamen, quia aliquis plus habet, tanto tibi videberis defici, quanto vinceris. Honores iudicas bonum: male te habebit ille consul factus; ille etiam refectus; invidabis quoties aliquem in fastis saepius legeris. Tantus erit ambitionis furor, ut nemo tibi post te videatur, si aliquis ante te fuerit. Maximum malum iudicabis mortem; quum in illa nihil sit mali, nisi, quod ante ipsam est, timeri. Exterrebunt te non tantum pericula, sed suspiciones: vanis semper agitaberis. Quid enim proderit;

tac festivissimo in mentem venire poluisse credamus. Addas Horat. Carm. II, 16, 18 sqq. III, 1, 37, 5, 55. Ruhl.

Nam Socratem. Quae de Socrate narrat, aliunde non constauit: sed conveniunt cum Socratis moribus et ingenio. Cf. Plato Vol. I. p. 120 bip. Ruhl.

Nunc primum. Sic Erasmus. et omnes Pal. Alii primi.

Quid prodest... alius. Sic Hor. Ep.

I, 11, 25: ...Nam si ratio et prudentia curas, Non locus effusi late maris orbiter aufert: Coelum, non aeternum mutant, qui trans mare currunt... Quod petis hic est, Est Fluctibus: animus si te non deficit aequus.

Invidetis adscivi ex Pal. 2, 3. Col. et Pine. Alii omnes veti. libri vitiose videberis. Vulgalum ringeris ex Erasmi coniect. erat. Schw.

Quum in illa... timeri. I. e. quum in morte nullum malum sit praeter timorem, qui antecedit. Ruhl.

..... *Evasisse tot urbes
Argolicas, mediosque fugam tenuisse per hostes?*

ipsa pax timores subministrabit; ne tutis quidem habebitur fides, consternata semel mente; quae ubi consuetudinem pavoris improvidi fecit, et iam ad tutelam salutis suae inhabilis est. Non enim vitat, sed fugit; magis autem periculis patemus aversi. Gravissimum iudicabis malum, aliquem ex his; quos amabis, amittere; quum interim hoc tam ineptum erit, quam flere quod arboribus amoenis et domum tuam ornantibus decidant folia. Quidquid te delectat, aequè vide, ut vides eas, dum virent. Vtique alium alio die casus excutiet: sed, quemadmodum frondium iactura facilis est, quia renascuntur; sic istorum, quos amas, quosque oblectamenta vitae putas esse, damnum; quia reparantur, etiamsi non renascantur.—Sed non erunt iidem.—Ne tu quidem idem eris! Omnis dies, omnis hora te mutat: sed in aliis rapina facilius apparet;

Hostes? Versus sunt Virgilit Aen. III, 282 sqq. Ruhk.

Aequè vide, ut vides eas dum virent. Locum corruptum olim in mastis, et magis etiam in editis, commode restituerunt partim Ruhkopf. partim Matth. in eum fere modum, quo enim exhibuimus, vestigia veterum librorum quoad fieri potuit prementes. Schw. — Ruhkopf. dat: *aequè vide ut videris, dum virent.* Sic, inquit, refixi locum, quem omnes interpp. nodum Deo dignum vindicæ habent, a codd. In scriptis est: *videres, videris, videt aut viret.* Lipsius coniecit. Erasmi praetulit: *Quidquid te delectat, aequè viget, ut videras dum vireret.* Sensus est: quidquid te delectat, eodem oculo considera, quo considerare soles illa fo-

lia. Imago nota est Horat. Art. Poët. 60. R.

Vtique, ex Lipsii coniecit. est: uter, utinam, ut, dabant libri vet. S.

Alium. Iidem recte praebent *aliū* scilicet. amicum; non *aliud*, ut vulgo. Schw.

Frondium iactura. Haec tota imago ab Homero est, qui nobilem illum versum, et Pyrrhoni philosopho semper in ore versatum protulit: *ὄϊντιπρ φύλλων γενεή, τοιήδε καὶ ἀνδρῶν.* Tale quidem genus est hominum, quale est foliorum.

Quia reparantur. Quia in illorum locum alii parabantur.

Sed in aliis... apparet. Tibi partem aliquam vitae tuae quoque momento tempora cursus rapit; lumen ipse

hic latet, quia non ex aperto fit. Alii auferuntur; at
 13 ipsi nobis furto subducuntur. Horum nihil cogitabis,
 nec remedia vulneribus oppones; sed ipse tibi seres
 sollicitudinum causas, alia sperando, alia desperando.
 Si sapis, alterum alteri misceas; nec speraveris sine
 desperatione, nec desperaveris sine spe.

Quid per se peregrinatio prodesse cuiquam potuit?
 14 Non voluptates illa temperavit; non cupiditates re-
 fraenavit; non iras repressit; non indomitos amoris
 impetus fregit; nulla denique animo mala eduxit;
 non iudicium dedit; non discussit errorem: sed, ut
 puerum ignota mirantem, ad breve tempus rerum
 aliqua novitate detinuit. Caeterum inconstantiam men-
 tis, quae [quum] maxime aegra est, lacescit, mobi-
 15 liorem leviorcmque reddit ipsa iactatio. Itaque, quae
 petierant cupidissime loca, cupidius deserunt, et
 avium modo transvolant, citiusque, quam venerant,
 abeunt. Peregrinatio notitiam dabit gentium, novas
 tibi montium formas ostendet, inusitata spatia cam-
 porum, et irriguas perennibus aquis valles, et alicu-
 ius fluminis sub observatione naturam; sive, ut Ni-

non attendis: facilius rapina tempo-
 ris apparet, quum amici, non fur-
 tim, sed aperte et palam ex oculis
 tuis auferantur.

Hic. Scilicet in tua ipsius vita la-
 tet, quantum tempus auferat.

Oppones. Ita omnes codd. ex Erasmo.
 Sed editio rom. ex Pinc. coniectura
 appones. Ruhk.

Si sapis, alterum alteri misceas.
 Ita recte conij. Pinc. uos membrana
 firmante. Nullus sensus erat antea:
 Si satis. Ruhk.

Quid per se peregrinatio prodesse...
 potuit. Sc. ad animum emendandum.
 Nam hoc Seneca non negat, prodesse

peregrinationem corpori sanando:
 cuius quidem rei et ipse exemplum
 dedit multique dederunt dabuntque.
 Ruhk.

(Quum maxime) Quum ex conij.
 adiecit Mur. Schw.

Lacescit, mobiliorem. Pincianus
 latessitam vellet: ego cepula a flos
 educta lacescit et mobiliorem. Lips.

Inusitata) Invisitata ms. a. S.

Sub observatione. l. si observaveris.
 Ruhk.

Sive, ut Nilus, etc. Quae hic de
 Nilo, Tigride, et Mosandro narra-
 tur, nota sunt et firmantur a Geo-
 graphis et iis, qui recentioribus tem-

lus, aestivo incremento tumet; sive, ut Tigris, eripitur ex oculis, et acto per occulta cursu, integrae magnitudini redditur; sive, ut Macander, poetarum omnium exercitatio et ludus, implicatur crebris anfractibus, et saepe in vicinum alveo suo admotus, antequam sibi influat, flectitur: caeterum neque meliorem faciet, neque saniozem. Inter studia versandum est et inter auctores sapientiae, ut quaesita discamus, nondum inventa quaeramus. Sic eximendus animus ex miserrima servitute in libertatem asseritur. Quamdiu quidem nescieris, quid fugiendum, quid petendum, quid necessarium, quid supervacuum, quid iustum, quid honestum sit; non erit hoc peregrinari, sed errare. Nullam tibi opem feret iste discursus: peregrinaris enim cum affectibus tuis, et mala te tua sequuntur. Vtinam quidem sequerentur! longius abessent: nunc fers illa, non ducis. Itaque ubique te premunt, et paribus incommodis urunt. Medicina aegro, non regio, quaerenda est. Fregit aliquis crus, aut extorsit articulum? non vehiculum navemque conscendit, sed advocat medicum, ut fracta pars iungatur, ut luxata in locum reponatur. Quid ergo? animum, tot locis fractum et extortum, credis locorum mutatione posse sanari? Maius est istud malum, quam ut gestatione curetur. Peregrin-

poribus illas regiones adiere. Cf. Büsching. Tom. XI praef. quinquam hic p. 198 ubi de Tigride egit, cursum per occulta aequum non memoraverit, quem tamen Diooys. Perieg. 987 sq. ubi cf. Eustath. attigisse non oblitus est. R.

Nondum inventu quaeramus. Nam veteres philosophos, ait, multa sibi quaerenda reliquisse. Cf. Ep. xlv, 3 sqq. Ruhk.

Quam ut gestatione curetur. In cesso, succussione: quae solemmniter olim usurpata fuit veteribus, humoribus detrahendis, mentibus reserandis, calori excitando. Scripsi epistolam ad Ortelium super ea tota re, Centur. Miscellan. III, 11, Lips. — Coosferri meretur Böttigeri Sabios, ubi egregie, ut solet, de hac re egit. Ruhk.

natio non facit medicum, non oratorem; nulla ars loco discitur: quid ergo? sapientia, rerum omnium
 49 maxima, in itinere colligitur? Nullum, mihi crede, iter est, quod te extra cupiditates, extra iras, extra metus sistat: aut, si quod esset, agmine facto gens illuc humana pergeret. Tamdiu ista urgebunt mala, macerabuntque per terras ac maria vagum, quamdiu malorum gestaris causas.

Fugam tibi non prodesse miraris? tecum sunt, quae fugis. Te igitur emenda! Onera tibi detrahe, et desideria intra saltem modum contine! omnem ex
 20 animo erade nequitiam! Si vis peregrinationes habere iucundas, tuum comitem sana! Haerebit tibi avaritia, quamdiu avaro sordidoque convixeris; haerebit tumor, quamdiu cum superbo conversaberis; nunquam saevitiam in tortoris contubernio pones; incendent libidines tuas adulterorum sodalitia. Si velis vitiis exui, longe a vitiorum exemplis recedendum est.
 21 Avarus, corruptor, saevus, fraudulentus, multum nocituri, si prope a te fuissent, intra te sunt. Ad meliores transi! cum Catonibus vive, cum Laelio, cum Tuberone; quod si convivere etiam Graecis iuvat, cum Socrate, cum Zenone versare. Alter te docebit

Detrahe, et desideria intra saltem modum contine. Sic Schweigh. Ruhkopfius dat: *detrahe et desideria: saltem intra modum contine.* Sio, loquit, editio rom. al. Abeunt tamen codd. et Erasim., qui habent *emenda desideria, intra saltem modum contine*, unde Pincianus fecit: *Aut amanda* (i. abige, expelle), *aut intra modum saltem contine.* Sed illud *emenda* repetitioni librariorum debetur.

Si prope a te fuissent. Int. non

solum sunt tibi propiores, non solum te comitantur, sed intra te sunt.

Cum catonibus vive, etc. Sumptum est hoc praeceptum ex eo, quod Zenoni quaerenti, quomodo optime victurus esset, responsum oraculo dicitur: *si ἀνυχνώτιστο τοῖς νεκροῖς*: quo ille accepto loquum se ad legendos veterum libros contulit. E Diogene Laërt. VII, 2 notavit Mur. Rulik.

Alter. Socrates, qui mortem, si

mori, si necesse erit: alter, antequam necesse erit. Vive cum Chrysippo, cum Posidonio. Hi tibi tradent²² divinorum humanorumque notitiam: hi iubebunt in opere esse, nec tantum scite loqui, et in oblectationem audientium verba iactare, sed animum indurare, et adversus minas erigere. Vnus est enim huius vitae fluctuantis et turbidae portus, eventura contemnere, stare fidenter, apertum; tela fortunae adverso pectore excipere, non latitantem, nec tergiversantem, Magnanimos nos natura produxit; et, ut quibusdam²³ animalibus ferum dedit, quibusdam subdolum, quibusdam pavidum, ita nobis gloriosum et excelsum spiritum, quaerentem ubi honestissime, non ubi tutissime vivat; simillimum mundo, quem, quantum mortalibus passibus licet, sequitur aemulaturque. Profert se, laudari et adspici credit. Dominus omnium est, supra omnia est: itaque nulli se rei submittit; nihil illi videtur grave, nihil quod virum in-²⁴curvet.

advenerit, aequo animo ferre docet. *Ruhk.*

Alter. Zeno Citticus conditor Stoa, qui sine morbo sibi manus intulit, et id fas inique esse, inter dogmata prodiderat. Vide Manud. in philos. stoic. III, 22. *Lips.*

Apartum. Vitiose *appartum* ms. a. (scil. *appertum* fuerat in exemplari, de quo descriptus est ille codex). *Ad portum*, c. R. A. *Aperte* vulgo ex Mur. iug. *Schw.* — *Aperte* legendum esse contendit ex uno suorum Pincianus: ut reliqui codd. et edd. *ad portum*, unde Lipsius *ad portam*, vel ac *promptum*, Pontanus *ad proam*: Gron. ac *rectum*, qui confert Epist. xxxvii, 2. De Provid. c. 2 et 3. *Trollér*, obs. crit. III, 6, p. 179 *ad apertum*, i. e. nudum, liberum,

exsertum. Equidem *ad portum* retineam, i. e. in isto animi statu firmo eventura contemnendi. Locum tamen nondum persuasum puto. *R.*

Mundo. I. e. caelo atque aetheri. Nam et hoc mundus et a caelo noster spiritus, ut Stoici docent. *Lips.*

Profert se, laudari et aspici credit. I. e. ita egit, ut illi, qui in opere laudibus et conspectu eorum, quos reverentur, aut quibus se venditant, amentur: existimat, sibi theatrum esse, et in se plurimorum oculos conversos. *Gronov.*

Nihil quod virum incurvet. Sic. a. c. R. A. *Aperum* post *nihil* intererunt alii; quod si servatum velles, oportebat *nihil asperum*, *nihil quod*, etc. *Schw.*

Terribiles visu formae, letumque labosque:

minime quidem, si quis rectis oculis intueri illa possit, et tenebras perrumpere. Multa, per noctem habita terrori, dies vertit ad risum.

Terribiles visu formae, letumque labosque,

25 egregie Virgilius noster. Non *re* dixit *terribiles* esse, sed *visu*; id est, videri, non esse. Quid, inquam, in istis est tam formidabile, quam fama vulgavit? Quid est, obsecro te, Lucili, cur timeat laborem vir, mortem homo?

Toties mihi occurrunt isti, qui non putant fieri posse quidquid facere non possunt, et aiunt nos loqui maiora, quam quae natura humana sustineat. At quanto ego de illis melius existimo? Ipsi quoque haec
26 possunt facere, sed nolunt. Denique, quem unquam ista destituere tentantem? cui non faciliora apparuere in actu? Non, quia difficilia sunt, non audemus; sed, quia non audemus, difficilia sunt. Si tamen exemplum desideratis, accipite Socratem, perpessitum senem,

Labosque. Versus Virg. est Aen. VI. 277. *Ruhk.*

Minime quidem. Subaudi: *terribiles.*

Toties mihi occurrunt isti, qui. Int. saepissime mihi occ. Bene vertit *Lagrange*: *Rien de plus commun que ces hommes, qui, etc.*

Ipsi quoque... sed nolunt. Agit de sapiente stoico, quem ut virtutis imaginem vivam proposuisse Stoaec coeditores eoustat, quo virtutem, quum conspici non possit, ea dignitate commendarent, quae hominum animos in se convertere atque allicere queat. Quod quidam dogma quum saepenumcro impugnetur tauquam

res imagoaria et humanitatis viribus altior, summpere aonisi sunt Stoici docere, hominem illud virtutis fastigium attingere posse, quod Herculem (Epictet. Diss. II, 16; III, 24), Socratem, Zenonem, Diogenem, Catonem, Tuberonem al. consecutos esse monstraverit. Caeterum haec ita dicta sunt, ut paene nostra memoria ab amico et defensore Ethices, quam Philosophia critica docet, prolata esse putaveris. *Ruhk.*

Socratem perpessitum senem. Ita eum vocat quoque Ep. LIII, 6, qui multa perpessus est. Cf. de Ira II, 6, Epictet. Diss. II, 25, p. 290 Schweig. ed. *Ruhk.*

per omnia aspera iactatum; invictum tamen et paupertate, quam graviolem illi domestica onera faciebant, et laboribus, quos militares quoque pertulit, et quibus [ille] domi [est] exercitus, sive uxorem eius [spectes] moribus feram, lingua petulantem, sive liberos indociles, et matri, quam patri, similiores. Sic fere aut in bello fuit, aut in tyrannide, aut in libertate bellis ac tyrannis saeviore. Viginti et septem annis pugnatum est; post finita arma, triginta tyrannis noxae dedita est civitas, ex quibus plerique inimici erant. Novissima damnatio est sub gravissimis nominibus impleta: obiecta est et religionum violatio, et iuventutis corruptela, quam immittere in Deos, in patres, in rempublicam dictus est; post haec carcer, et venenum. Haec usque eo animum Socratis non moverunt, ut ne vultum quidem moverint. Illam mirabilem laudem, et singularem, usque ad extremum servavit: nec hilariorem quisquam, nec tristiorrem Socratem vidit; aequalis fuit in tanta inaequalitate fortunae.

Invictum tamen. Omnium eodd. et edd. lectio est. Pinc. ex uno ms. *invictum fame et paup.* Aliquid vitii maioris, ait Gruter. Istud quod non ego nunc detego. At equidem locum pro sano habeo. Ruhk.

Et quibus (ille) domi (est) exercitus. Copula et Mureto debetur; verbum est nos ex coniect. adiecimus. *Ille teneat alii, illi ms. a.* Equidem obiectam pronomen malebam. Schw. — Ruhk. eandem protulit lect. nisi quod est omisit. Sic, inquit, omnes fere eodd. et edd.: praeterquam quod alii: quibus ille domi exercitus, sine et.

Sive uxorem. Alii *sive in uxorem.* Ruhk.

Spectes. Verbum *spectes* ex Mureti coniect. adiectum est. Schw.

Sive liberos, etc. Mihi totus hic locus: et quibus... similiores non a Seneca esse videtur. Ruhk.

Viginti et septem. Tot annos et aliquot menses duravisse bellum Peloponnesiacum Thucydides atque alii testantur. Lips.

Triginta tyrannis. Quos Lysander Athenis imposuit. Conf. de Tranquill. cap. 3. Lips.

Nominibus scripsi. cum Gron. ex Lipsii coniect. *Hominibus* habuit vet. libri, quod revocant Bipont. et Ruhk. *Criminibus* ed. Mur. S.

Iuventutis corruptela. Tertullianus apolog. I: «Lego partem sententiae

- 29 Vis alterum exemplum? Accipe hunc M. Catonem recentiorem, cum quo et infestius fortuna egit, et pertinacius. Cui quum omnibus locis obstitisset, novissime et in morte; ostendit tamen virum fortem posse invita fortuna vivere, invita mori. Tota illi aetas aut in armis est exacta civilibus, aut in aetate concipiente iam civile bellum. Et hunc licet dicas non minus, quam Socratem, in servitute vixisse; nisi forte Cn. Pompeium, et Caesarem, et Crassum putas liberalis socios fuisse. Nemo mutatum Catonem, toties
30 mutata republica, vidit: eundem se in omni statu praestitit, in praetura, in repulsa, in accusatione, in provincia, in concione, in exercitu, in morte. Dentque in illa reipublicae trepidatione, quum illinc Caesar esset decem legionibus pugnacissimis subnixus, totque exterarum gentium praesidiis, hinc Cn. Pompeius, satis unus adversus omnia; quum alii ad Caesarem inclinarent, alii ad Pompeium; solus Cato fecit
31 aliquas et reipublicae partes. Si animo complecti vo- lueris illius imaginem temporis, videbis illinc plebem et

Alliae in Socratem, corruptionem adolescentium, pronunciatam. » Plato in Apolog. Diog. Laërtius, alii. Lips.

Hunc M. Catonem. De M. Catone extat egregia vitae descriptio Plutarchi. Conf. Cicero p. Mur. 29. Salust. coniural. Catil. 54. Senec. de Benef. lib. II, cap. 20, et Garvius ad Cic. de Offic. I, pag. 214 sq. Ruhk.

Novissime et in morte. Nempe quum non potuisset semetipsum adducto in pectus gladio occidere, ipse sua laceravit viscera, animamque, ut ait Seneca, eiecit.

In aetate. Membranae cum Tarvi-

sina edit. intacta, unde Gronov. emend. in pace. Ruhk.

Pompeium. Vitas C. Iul. Caesaris, Cn. Pompeii magni, et Crassi Plutarch. quoque descripsit. Ruhk.

Totque exterarum. Ruhk. dat totis exterarum. Sic, inquit, omnes codd. et edd. praeter unam rom., quam aliae postea seculas sunt: tot. Male Pincian. inverli voloit ordinem verborum: hinc Cn. Pompeius tot est. g. praes.: et Seneca statim addit: satis unus adversus omnia. Caesaris autem copias externis militibus constituisse notum est: contra Pompeius laus solus erat Romae. Ruhk.

Illinc plebem. A Caesare. Lips.

omnem erectum ad res novas vulgum; hinc optimates, et equestrem ordinem, quidquid erat in civitate sancti et electi; duos in medio relictos rempublicam et Catonem. Miraberis, inquam, quum animadverberis

Atridem, Priamumque, et saevum ambobus Achillem:

utrumque enim improbat, utrumque exarmat. Hanc ³² fert de utroque sententiam: ait «se, si Caesar vice-rit, moriturum; si Pompeius, exsulaturum.» Quid habebat quod timeret, qui [ea] sibi et victo, et victori constituerat, quae constituta esse ab hostibus iratissimis poterant? Periiit itaque ex decreto suo. Vides, posse homines laborem pati: per medias Africae solitudines pedes duxit exercitum. Vides, posse ³³ tolerare sitim: et in collibus arentibus, sine ullis impedimentis, victi exercitus reliquias trahens, inopiam humoris loricaus tulit; et, quoties aquae fuerat occasio, novissimus bibit. Vides, honorem et notam posse contemni: eodem, quo repulsus est, die in comitio pila ludit. Vides posse non timeri potentiam superiorum: et Pompeium, et Caesarem, quorum nemo alterum offendere audebat, nisi ut alterum demereretur, simul provocavit. Vides, tam mortem ³⁴

Optimates. A Pompeio, Lips.

Achillem. Versus est Virg. Aen. lib. I, vers. 458 ubi nunc vulgatur *Atridas*: sed cf. ibi Heynius. Ruhl.

Qui (ea) sibi. Alii *qui id sibi*. Rectius oblinitur vocula. Schw.

Per medias Africae solitudines... exercitum. A Cyrenis in Mauritiam contendit. Plutarchus in vita et maxime Luciani Pharsal. lib. IX graphicè iter atque eius incommoda exsequitur. Lips.

Novissimus bibit. Lucan. IX, 591: «... Vltimus haustor aquae, quum

londem fonte reperto Indiga constat laticia potare iuventus, Stet dum lixa bibit.» Ruhl.

Quo rep. die... pila ludit. Praetoriam postulaverat, quae Vatinius, despecto homini, prae se concessa fuit. Cf. Ep. LXXI, 8, et Plin. Hist. Nat. praef. — *In comitio*, non, ut vertit Langrange: dans l'assemblée des comices, sed dans le comice. Comitium enim (teste Ascovio Ped.) locus propter senatum qui coire equilibus et populo romano licet. Cf. Tit. Liv. XXVIII, c. 36.

posse contemni quam exsilium: et exsilium sibi indixit, et mortem, et interim bellum. Possumus itaque adversus ista tantum habere animi, libeat modo subducere iugo collum. In primis autem respuendae sunt voluptates: enervant, et effeminant, et multum petunt: multum autem a fortuna petendum est. Deinde spernendae opes: auctoramenta sunt servitutum. Aurum et argentum, et quidquid aliud felices domos onerat, relinquatur: non potest gratis constare libertas. Hanc si magno aestimas, omnia parvo aestimanda sunt. Vale.

Et interim bellum. Int. quom sibi mori decrevisset, si nulla libertatis spes reipublicae superesset; bellum fecit inleren, nec sibi mortem ipse adscivit antequam sibi opes omnes ad resistendum defuissent.

Resp. Sic Erasmi. edilio vel. et Mur. Lipsius dederat *despuendae*. Ruhk.

Multum petunt... est. Bene vertit Lagrange: Elles sont exigeantes, et ce qu'elles exigent dépend de la fortune.

Auctoramenta sunt servitutum. I. e. premium. Sic Cicero de Off. lib. I, cap. 42: « Est enim illis (mercenariis) ipsa merces auctoramentum servitutis. » Ruhk.

EPISTOLA CV.

QVID VITAM SECVRAM FACIAT.

Ad securitatem conservandam dat praecepta amico suo. Suadet ei, ut ea omnia consideret, quae hominem in hominis perniciem instigent. Haud dubie respexit in his exsequendis ad tempora sua, sed tam caute, ut nihil certo definiat, semper limites, quos migrare nefas sit, observet, et ea moneat, quae cuique possint esse usui. Amicus, ad quem haec epistola missa est, Lucilius, fuit homo mediocris fortunae, et haud semel metuit sibi insidias nescio a quo; et qui procuratorem Siciliae in tempus aliquod reliquisse videtur, ut amicos et res suas inviseret.

SENECÆ EPISTOLÆ SVO SALTVM.

Quae observanda tibi sint, ut tutior vivas, dicam. Tu tamen sic audias censeo ista praecepta, quomodo, si tibi praeciperem, qua ratione bonam valetudinem in Ardeatino tuereris. Considera, quae sint, quae hominem in perniciem hominis instigent; invenies spem, invidiam, odium, metum, contemptum. Ex omnibus istis adeo levissimum est contemptus, ut multi in illo, remedii causa, delituerint. Quem quis contemnit, calcat sine dubio, sed transit. Nemo homini contempto pertinaciter, nemo diligenter nocet. Etiam in acie iacens praeteritur; cum stante pugnat. Spem improborum vitabis, si nihil habueris quod cupiditatem alienam et improbam irritet, si nihil insigne possederis. Concupiscuntur enim insignia, etiamsi parum nota sunt. Sic vero invidiam effugies, si te non ingesseris oculis, si bona tua non iactaveris, si scieris in sinu gaudere. Odium autem ex offensa hoc vitabis,

Tu tamen... tuereris, i. e. summa amicitiae fiducia audis mea praecepta. *Ruhk.*

In Ardeatino. Ita Er. Pinc. quidam mss. adiciunt *sine metu corporis* quae cum Erasmo glossam putat *Ruhk.* — Erat villa, praedium, quo amicos secesserat. *Ardeatium* autem ager qui duobus fere miliar. germ. (70 stad.) a mari distabat, parum saevus habebatur. *Strabo* V, 3, 5 p. 156 ed. lips. vocat proinde eam et adiacentem regionem Latii ἡλιόδη καὶ νοτιάδα (palustrem et morbis expositam). Propter belli clades et vastationes non satis culta fuisse videtur haec regio. *Ruhk.*

Multi in illo... delituerint. Exemplo est Brutus olim ille liberator Romae a regibus, qui contemtu

tutus esse, ubi in iure parum praesidii esset, statuit. *Liv.* I, 56. Ipse Noster contempto tutus fuit sub imperatore Caligula, quem a consilio Senecae interficiendi reflexit meretricula persuasione, Senecam phthui laborantem, mox moriturum esse, referente Dione Cassio 59, 19. *R.*

Etiam si parum nota sunt. Etiam si natura insignium vera incognito sit, quippe quae molestiis plena possessorum magis premere quam recreare solent: sed specie falsa plerumque detrahetur homines. *Ruhk.*

In sinu gaudere, i. clam g. Sic *Tibull.* IV, 13, 8: « Qui sopit, in laeio gaudet ille sinu » ubi *Broekhus.* et *Volp.* proverbialem locutionis usum illustant. *Ruhk.*

Hoc (i. e. hac re) vitabis, a. c. R.

neminem lacessendo gratuito; a quo te sensus communis tuebitur. Fuit enim hoc multis periculosum: quidam odium habuerunt, nec inimicum. Illud, ne timearis, praestabit tibi et fortunae mediocritas, et ingenii lenitas. Eum esse te homines sciant, quem offendere sine periculo possint: reconciliatio tua et facilis sit, et certa. Timeri autem tam domi molestum est, quam foris; tam a servis, quam a liberis. Nulli non ad nocendum satis virium est. Adiice nunc, quod, qui timetur, timet: nemo potuit terribilis esse secure. Contemptus superest; cuius modum in sua potestate habet, qui illum sibi adiunxit; qui contemnitur quia voluit, non quia debuit. Huius incommodum et artes bonae discutiunt, et amicitiae eorum, qui apud aliquem potentem potentes sunt: quibus applicari expediet, non implicari; ne plaris remedium, quam periculum, constet. Nihil tamen aequae proderit, quam quiescere, et minimum cum aliis loqui, plurimum secum. Est quaedam dulcedo sermonis, quae irrepit, et blanditur; et, non aliter quam ebrietas aut amor, secreta producit. Nemo, quod audierit, tacebit; nemo, quantum audierit, loquetur. Qui rem non tacue-

A. Vulgo legitur sic vitab. Schw.

Quidam odium..... inimicum. Etsi neminem offensus, atque ideo nolum sibi inimicum fecissent, tamen in odium incurrerunt. Sic ex invidia odium oriri potest: exemplo sit Aristides iustus, Athenis eo uno nomine in exilium eieclus, qui cuique vel e Corn. Nepote notus est. *Rohk.*

Eum esse te homines sciant. Sic ms. a. et sciant etiam c. *R. A. Vulgo quom te esse hom. scient. S.*

Qui illum sibi adiunxit. Ut fecere illi, de quibus supra locutus est, qui in illo, remedii causa, deliquerint.

Huius incommodum etc. Susdet, ut qui contemptu tutari se velint, tum philosophiae studio se dedant, tum in clientelam et tutelam potentium veniant: qua de re verbum *applicare* proprium esse solci. Cf. Gronovii Obs. l. 9, p. 65 ed. Lips. *Rohk.*

Minimum cum aliis loqui. Tacturnitas utique Neronis aetate victus erat, quae vel maxime commendari et observari debebat, delatoribus imprimis tunc temporis vigentibus et grassantibus. *Rohk.*

Quantum audierit, loquetur. Noa

rit, non tacebit auctorem. Habet unusquisque ali-⁷
quem, cui tantum credat, quantum ipsi creditum
est: ut garrulitatem suam custodiat, et contentus sit
unius auribus, populum faciet: sic, quod modo se-
cretum erat, rumor est. Securitatis magna portio est,
nihil inique facere. Confusam vitam et perturbatam⁸
impotentes agunt; tantum metuunt, quantum nocent;
nec ullo tempore vacant. Trepidant enim, quum fe-
cerunt; haerent: conscientia aliud agere non patitur,
ac subinde *respondere* ad se cogit. Dat poenas, quis-
quis exspectat: quisquis autem meruit, exspectat.
Tutum aliqua res in mala conscientia praestat, nulla⁹
securum. Putat enim se, etiam si non deprehenditur,
posse deprehendi; et inter somnos movetur; et, quo-
ties alicuius scelus loquitur, de suo cogitat. Non sa-
tis illi oblitteratum videtur, non satis tectum. Nocens
habuit aliquando latendi fortunam; nunquam fidu-
ciam. Vale.

enim tantum dicet ea quae audio-
rit, sed etiam multa maiora, aut
multo plura.

Et garr.... custodiat. Int. utiamsi
garr. refrænet.

Populum faciet: id est, etiamsi
uni rem dixerit; ille porro uni, hic
alteri uni; sic rem etsi privatim
quisque audierit, populus tamen sciet.
—Laudat Plutarchus de Garrulitate
p. 112, Vol. X, c. 12. Hutt. a poeta
nescio quoniam: καὶ πρὸς ἀνδρῶν εἰς αὐτὸν ἔνα,
Πόποιον δὲν ἀπὸ τοῦ πάντες. Ruhk.

Respondere ad se, a. c. R. id est
sibi rationem reddere, respondere ad
conscientiam accusationes. *Respiciere*
ad se vulgo, ab Erasmo. S.—Ruhk.
qui tuetur *respiciere* explicat: intel-
ligit Seneca conscientiam suggeren-
tem: quid feci? quid fiet? quid patiar?

Tutum aliqua res etc. Cf. Ep. xcvi,
11, ubi similia occurrunt, et dictum
Epicuri: Potest nocenti contingere,
ut lateat, latendi fides non potest.
Cf. VVytenboch. ad Plutarch. de
Sera Numinis Vindicta p. 59. R.

EPISTOLA CVI

AN BONVM SIT CORPVS.

Amico, qui quaesiverat, bonum an corpus sit, respondet secundum disciplinam Stoae: bonum esse corpus, quoniam faciat; idcirco affectus, virtutes morbosque animorum esse corpora. Tandem monet, esse argutias hasce disputationes, quae non faciant bonos, sed doctos, ideoque supervacuis esse annumerandas.

Singularis hic locus naturalis Philosophiae de Corporibus, saepenumero Stoae adversariis ansam ridendi praebuit, uti v. c. videre licet e Plutarchi libro de Stoicorum Repugnantibus (Vol. XIII Hutt.) Recte quidem observat Tiedemann (System der stoischen Philos. II, 15 sqq.) post Lipsium in Physiol. Stoic. II, 4 sq. ortum suum duxisse ex divisione omnium rerum in duas classes, quarum altera omnes eas complectebatur, quae efficiant aliquid, aut moveri queant: has omnes σώματα, vi vocabuli a communi usu deflecta ac philosophia in materialismum, quem vocant, conversa, vocaverunt: altera incorporeales res tenuit, ἀσώματα, effatum (τὸ λεκτὸν), vacuum spatium, locus, tempus.

SENECA. LVCILIO SVO SALVTEM.

Tardius rescribo ad Epistolas tuas; non quia districtus occupationibus sum: hanc excusationem cave audias: vaco; et omnes vacant, qui volunt. Neminem res sequuntur; ipsi illas amplexantur, et argumentum esse felicitatis occupationem putant. Quid ergo fuit, quare non protinus rescriberem ei, de quo quae-

Hanc excusationem cave audias. Int. soli unquam talem excusationem admittere.

Et. Sic plerimi codd. et Erasmi. probante Gronov., qui laodat M. Se-

necae praef. III, Excerpt. « Illius orationes non legunt nisi eas, quibus Cestius rescripsit. » Moretus ex uno Pine. cod. restituit tibi, quam lectionem et editio vet. habet. Ruhk.

rebas? Veniebat in contextum operis mei; scis enim,² me *Moralem Philosophiam* velle complecti, et omnes ad eam pertinentes quaestiones explicare. Itaque dubitavi, utrum differrem te, an, donec suus isti rei veniret locus, ius tibi extra ordinem dicerem: humanius visum est, tam longe venientem non detinere. Itaque et hoc ex illa serie rerum cohaerentium ex-³cerptam, et, si qua erunt huiusmodi, non quaerenti tibi ultro mittam. Quae sint haec, interrogas? Quae scire magis iuvat, quam prodest; sicut hoc, de quo quaeris: *An bonum Corpus sit?*

Bonum facit; prodest enim: quod facit, corpus est.⁴ Bonum agitat animum, et quodammodo format et continet: quae propria sunt corporis. Quae corporis bona sunt, corpora sunt; ergo et quae animi sunt; nam et hic corpus est. Bonum hominis necesse est corpus sit, quum ipse sit corporalis. Mentior, nisi et quae⁵

Scis enim me moralem philosophiam... explicare. Nos Moralem libros a Lactantio II, 3 et alibi citatos, quos et noster Ep. cix, 14 commemorat, periisse constat. Spectat autem haec quaestio, aliaeque eiusdem argumenti ad moralem philosophiam, quippe quae de bono et malo exponere debet. Ruhk.

Tam longe venientem. E Sicilia scribentem. Lips.

An bonum corpus sit. Ruhk. dicit: bonum an e. Ita, inquit, omnes codd. et edd. praeter Muret. qui habet an bonum e. Ruhk.

Bonum facit: prodest enim. Sic necessario corrigendum putavi. Vulgo Bonum prodest: facit enim. confer. Ep. cxvii, iuit. Schw.—Ruhk. qui dedit bonum prodest, sic explicat: Bonum prodest. Haec est Boetii definitio stoica. Prodest autem, quatenus

ad virtutem nos evchit s. moralem hominis statum consummat, ideoque facit, actionibus se monstrat, indicat. Cf. Tiedemanni System. II, 34 sq. Nos quidem enotiassemus haec sic fere: Omnia quae corpori, quod agitat moventque, propriis sunt, et quum eius bonis, tum vero etiam ipsa corpora sunt. Atqui totius quippe facies est corpus. Ergo bonis, quae eundem agitant, etque propriis sunt, etiam corpora sunt. Ruhk.

Quae propria sunt corporis. Vulgo libri omnes, quae ergo propria corporis sunt, tenere iotrusa particula ergo. Schw.

Quae corporis bona sunt, corpora sunt; ergo et quae animi sunt. Correximus ex a. e. A. Perperam vulgo, ea corporis bona sunt: corpora ergo sunt, et quae, etc. Schw.

alunt illud, et quae valetudinem eius vel custodiunt, vel restituunt, *corpora* sunt: ergo et Bonum eius, *corpus* est. Non puto te dubitaturum, an *affectus corpora* sint (ut aliud quoque, de quo non quaeris, infulciam), tanquam ira, amor, tristitia: si dubitas, vide an vultum nobis mutant, an frontem adstringant, an faciem diffundant, an ruborem evocent, an fugent sanguinem. Quid ergo? tam manifestas corpori notas credis imprimi, nisi a corpore? Si *affectus corpora* sunt; et *morbi animorum*, avaritia, crudelitas, indurata vitia, et in statum inemendabilem adducta: ergo et *malitia*, et species eius omnes, malignitas, invidia, superbia: ergo et *Bona*; primum, quia contraria istis sunt; deinde, quia eadem tibi indicia praestabunt.

7 An non vides, quantum oculis det vigorem fortitudo? quantam intensionem prudentia? quantam modestiam et quietem reverentia? quantam serenitatem laetitia? quantum rigorem severitas? quantam remissionem

8 veritas? *Corpora* ergo sunt; quae colorem habitumque corporum mutant, quae in illis regnum suum exercent. Omnes autem, quas retuli, *virtutes*, *Bona* sunt, et quidquid ex illis est. Numquid est dubium, an id, quo quid *tangi* potest, *corpus* sit?

An frontem astringant, propter iram: sollemnis loquendi formula est, frontem contrahere, adducere: cf. Wernsdorf ad Poët. Min., Lat. IV p. 260: eadem ratione usi sunt Graeci, τὰς ὀφθαλμοὺς ἀνασπᾶν, ἀνέχτειν, etc. vide Hemsterhus. ad Aristoph. Plut. p. 255 et ad Lucian. II 45; hip. unde sua haecit Bach. ad Xenoph. Sympos. III, 10. Rubk.

An faciem diffundant, διὰ τοῦ προσώπου reddant, exporrigant frontem. Video nunc Trillerum utriusque linguae peritissimum olim medicum in

Obs. crit. III, 12, p. 202 sqq. eadem ratione exposuisse hunc locum, mihi quae otium fecisse. Rubk.

Nisi a corpore. Supple imprimantur. Quia nihil nisi corpus corpore tangi potest, ut paulo infra, § 8, declarat Noster. Rubk.

Ergo et Bona. Supple: corpora sunt.

Remissionum veritas. Animus simplex et apertus, non se custodiens. Marcus hilaritas fecerat contra omnes libros: et certe praevit iam laetitia. Lips.

Tangere enim et tangi, nisi corpus, nulla potest res,

ut ait Lucretius: omnia autem ista, quae dixi, non 9
mutarent corpus, nisi *tangerent*; ergo *corpora* sunt.
Etiamnunc, cui tanta *vis* est, ut impellat et cogat
et retineat et iubeat, *corpus* est. Quid ergo? Non
timor retinet? non audacia impellit? non fortitudo
immittit et impetum dat? non moderatio refrænat ac
revocat? non gaudium extollit? non tristitia adducit?
Denique, quidquid facimus, aut malitiae, aut virtutis 10
gerimus imperio: quod imperat corpori, *corpus* est;
quod vim corpori affert, *corpus*. Bonum corporis cor-
porale est; bonum hominis, et corporis bonum est:
itaque corporale est.

Quoniam, ut voluisti, morem gessi tibi, nunc ipse
dicam mihi, quod dicturum esse te video. Latrun- 11
culis ludimus; in supervacuis subtilitas teritur: non
faciunt bonos ista, sed doctos. Apertior res est sa-
pere, imo simplicior. Paucis est ad mentem bonam
uti litteris. Sed nos, ut caetera in supervacuum dif-

Tangere..... res. Versus Lucretii
I, 305. Cf. Aul. Gell. V, 15. *Ruhk.*

Etiamnunc. I. c. praeterea. Saepe
hoc sensu occurrit ap. Senecam, c. c.
de Benef. V, 6, 10, 12. Ep. CIX, 8,
CXVII, 3. *Ruhk.*

Latrunculis ludimus. Ludos erat,
cui alii nostrum *Tueatigli* (*Aus und
ein*) alii ludum scaccorum et Dami-
lodiam assimilant. Vide ad de Tranq.
An. c. 14, 4; et cf. Wernsdorf. ad
Pœt. m. l. To. IV, Excurs. XI, p. 406,
et *Barthélemy*, *Voyage du jeune
Anach.* II, c. 20. — *Vergit Lagrange*:
Nous jouons aux échecs. — Saepe
autem Nostrum Dislecticam impu-
gnare, quin totum genus istud extur-
bandum indicare, iam vidimus, c. c.

Ep. XLV, XLVIII, LXXI, LXXIII, LXXXVIII,
LXXXIX, CXIII. Cautiorem se praestitit
Epictetus, qui duabus diss. (I, 7
et 8) utilitatem huius artis tuitus est.
Ruhk.

*Paucis est ad mentem bonam uti
litteris.* Vulgo, *paucis opus est* (al.
satis est) *ad ment. bon. litteris.* At
verbum *uti* agnoscunt vet. libri om-
nes: est autem (*absque opus vel
satis*) recte ms. a. et ed. R. Adiciuntur
hoc exemplum verbi est, pro *opus*
est positi, aliis a Gronovio collectis
Observ. lib. IV, c. 8. Schw. Quidli-
bet dicat Schw. *Intendum est* inso-
lentiorum esse hanc dicendi formam,
et quae firmissima auctoritate niti
debuisset. Si tamen correctionem ad-

fundimus, ita philosophiam ipsam. Quemadmodum omnium rerum, sic litterarum quoque intemperantia laboramus: non vitae, sed scholae discimus. Vale.

miseris, satius erit interpretari quasi
esset licet, quod frequenter occurrit.

Non vitae, sed scholae discimus.
Similiter queritur Epicet. Eucherid.
c. 51. Ruhl.

EPISTOLA CVII.

FIRMANDVM ESSE ANIMVM CONTRA FORTVITA ET NECESSARIA.

Amicum de fuga servorum suorum sollicitum consolatur. Monet autem talibus rebus offendi, et de iis queri ridiculum esse, quippe quae quotidie accidunt ex lege et conditione vitae atque naturae omnia sapientissime ordinantis. Quare contra omnes et maiores calamitates praeparatur animus, quandoquidem ea effugere non licet. Contemnendae proinde sunt, futura saepe cogitando et praesumendo quae et maiora esse possunt, quam accidere solent. Quidni enim maius malum accidere potuisset, quam fuga servorum, quae multis accidit? Iam vero nihil eorum miremur, ad quae nati sumus omnes: nam omnia mutationibus exposita sunt, et Deo auctore proveniunt, quem non obiurgantes comitari debemus, sed impigre atque alacriter obtemperantes.

SENECA LVCILIO SVO SALVTEN.

Vbi illa prudentia tua? ubi in dispiciendis rebus subtilitas? ubi magnitudo? Tam pusilla res te angit? Servi occupationes tuas occasionem fugae putaverunt. Si amici deciperent (habeant enim sane nomen, quod illis noster Epicurus imposuit, et vocentur), quota

Habeant enim sane nomen. Nam Stoici aliter, qui volunt solos sapientes inter se amicos esse; reliquos magis socios, et utilitate aliqua iun-

ctos, quam amicos. Lips.

Noster Epicurus. Qui amicitiam mirum in modum coluit, ideoque non solum a convis suis assecitis,

pars abesset omnibus rebus tuis? Desunt illi, qui et operam tuam conterebant, et te aliis molestum esse credebant. Nihil horum insolitum, nihil inexpectatum est. Offendi rebus istis, tam ridiculum est, quam queri, quod spargaris in publico, aut inquineris in luto. Eadem vitae conditio est, quae balnei, turbae, itineris: quaedam in te mittentur, quaedam incident. Non est delicata res, vivere. Longam viam ingressus es: et labaris oportet, et arietes, et cadas, et lusseris, et exclames: o mors! id est, mentiaris. Alio loco co-

sed a posteris quoque magni fiebat. Cf. Baylii Dicton. *Epicure*, not. D. R. — Ideo noster Seneca dicit quia ad Lucilium scribit, quem sopra etiam notabamus in secta illa fuisse. Epicurus autem amicos solo utilitate censet, et pereri vult *ὅτι τὰς χρείας*, ob usus; alicui et terram scriimus ob fructus. Laërtius; et edde supra Ep. 12. Lips.

Et vocentur. Sic Erasmus, et omnes eodd. atque eodd. At Pine. coni. et ita Voc. Robk.

Quota pars abesset. Partim Pinciani, partim Moreti hoc inventum est; In quo vereor ne mirum quantum aberraverint ab eis verbis, quae sub veterum codicum scriptura latebant. Legitur enim *quo turpius non sint*. Aut ego vehementer fallor aut non sint, quod habent libri, ineptum interpretamentum verbi *desint* erat, adeoque levi remedio sic restituendus locus: et vocentur, (scil. amici; nec opus erat ut ita vocentur corrigere Mur.) *quo turpius desint omnibus rebus tuis: desunt illi*, etc. S. — Vulgatam int. si amici illi volgares (veri non possunt) te deserant, ideo ne angere, et res tuas turbatas rationesque patet? Et quomodo nunc

angaris, quum non amici, sed servi infideles te deserant?

Et te aliis molestum esse credebant. Sic omnes libri: at Muretus *molestum reddebant*: haud male pro sensu: pro vero patem, *te aliis molestum et se reddebant*: ipsi importuni, et te faciebant, dum protrahi et commendari volunt, et spes suas te iuvante impleri. Lips.

In te mittentur. Verissima haud dobie Lipsii emendatio. Vulgo omnes *intermittentur*. Schv. — Sic Ruhk. explicat lecl. *intermittentur*. Quaedam *intermittentur*. I. quaedam te non petent, te transibunt. Ita intermissa pars a flumine, intermissa moenia, intermissus locus custodia, etc. neglectum denotant, Lexicographi Stephano et Scbellero non praetermissum. Robk.

Non est delicata. I. mollis inersque. Ruhk.

Mentiaris. Mendosam codicum nonnullorum scripturam metiaris praetulit Ruhk. S. — Rohkopius autem, *mentiaris*, inquit, pravo acutu: universam enim vitae calamitatem illa nunc reposita voce bene complectitur quum modo per partes: *exsecutus erat: oportet mentiaris*, sci-

mitem relinques, alio efferes, alio timebis. Per eius-
modi offensas emetiendum est confragosum hoc iter.
3 Mori vult? Praeparetur animus contra omnia: sciat
se venisse ubi tonat fulmen; sciat venisse se ubi

*Luctus et ultrices posuere cubilia Curae,
Pallentesque habitant Morbi, tristisque Senectus.*

In hoc contubérnio vita degenda est. Effugere ista
non potest, contemnere potes: contemnes autem, si
4 saepe cogitaveris, et futura praesumpseris. Nemo non
fortius ad id, cui se diu composuerat, accessit; et
duris quoque, si praemeditata erant, obstitit. At con-
tra imparatus, etiam levissima expavit. Id agendum
est, ne quid nobis inopinatum sit; et, quia omnia
novitate graviora sunt, hoc cogitatio assidua praesta-
bit, ut nulli sis malo tiro.

5 Servi me reliquerunt! Alium compilaverunt, alium
accusaverunt, alium occiderunt, alium prodiderunt,
alium calcaverunt, alium veneno, alium criminatione
petierunt. Quidquid dixeris, multis accidit. Deinceps,
quae multa et varia sunt, in nos diriguntur. Quae

licet viam, oportet sis in peregrina-
tione, quacum vita saepe compa-
ratur. Cui. Gatack. ad M. Autou.
II, 11, 17.

Alto efferes, Mortuom.

Mori vult? Sic recte a. a. R. A.
id est, mortem aliquis sibi optat,
qui tamen (verum si quæris) illam
horret, et fugiat adveniantem! im-
mo potius praeparetur animus, etc.
Perperam vulgo, *mori me vult. S.*
—Quod Ruhk. interpretatur: iter ad
mortem me ducit?

Praeparetur... omnia. Cf. Epist.
37th, super. Horat. Carm. II, 10,
13 et 14: *Sperat infestis, metuit ac-*

*cundis Alteram sortem bene praepa-
ratum Pectus.* Ruhk.

Sciat... fulmen. More suo ex omni-
bus periculis unum eligit, fulmen,
quo icti homines interdum interiri-
muntur. Lipsius tamen ait, se ex
hac lectione nihil concinere. Ruhk.

Luctus... Senectus. Versus sunt Vir-
gil. Aen. VI, 274, 275. Ruhk.

Hoc cogitatio. S. c. exhibet a. a.
A. Vulg. edd. praestabant haec cog. S.
Servi me. Sic a. a. R. A. non te.
Schw.

Accidit. Deinceps. Corrupta; forte
accidit, et accidet deinceps. Quam
multa et varia in nos diriguntur? vel
varia sunt, quae in nos d. Lips.

dam in nos fixa sunt, quaedam vibrant, et quum maxime veniunt; quaedam, in alios perventura, nos stringunt. Nihil miremur eorum, ad quae nati sumus; quae ideo nulli querenda, quia paria sunt omnibus. Ita dico, paria sunt; nam etiam, quod effugit aliquis, pati potuit: aequum autem ius est, non quo omnes usi sunt, sed quod omnibus latum est. Impetretur aequitas animo; et sine querela mortalitatis tributa pendamus. Hiems frigora adducit; algendum est: aestas calores refert; aestuandum est: intemperies caeli valetudinem tentat; aegrotandum est. Et si fera nobis aliquo loco occurret, et homo perniciosior feris omnibus. Aliud aqua, aliud ignis eripiet. Hanc rerum conditionem mutare non possumus: illud possumus, magnum sumere animum et viro bono dignum, quo fortiter fortuita patiamur, et naturae consentiamus. Natura autem hoc, quod vides, regnum

Quaedam in nos fixa sunt rel. Imagines arcus et sagittarum utilior: quaedam sagittae iam iubaerant nobis, quaedam in eo sunt ut nos petant, quaedam poene transvolant. Et hanc corruptelam nescio quam subodoratur Lipsius. *Ruhk.*

Nos stringunt. Libat nos leviter, sed alibi sedent et feriunt: per nostrum latus, alius laeditur. *Lips.*

Nihil miremur eorum, etc. Vides hic et seqq. doctrinam stoicam de libertate coniunctam cum illa de providentia, namque discrimine notissimo rerum, quae in nostra potestate non sunt (necessitatem naturalem vocavimus) et quae in ea sunt: τὰ μὲν ἔστιν ἐν τῷ ἄνθρωπῳ, τὰ δὲ οὐκ ἐν τῷ ἄνθρωπῳ, Epict. Eccl. I, Diss. IV, 1 et 12. Et si in ista hae sententiarum serie nunc facili deprehenduntur, quae non satis coerant et recte impu-

goentur, tamco ita istas comparatas esse agnoscat, ut tum discrimine inter hominem, quatenus e sensibus pendet, et inter rationalem animum, tum inter regnum rationis et apparitionem moodi sexualis probe ab his iam animadverso, in eodem tramite iucederent Stoici, qui conditorum Philosophiae criticae ad rectorem de libertate doctrinam perduxit. *Ruhk.*

Ita dico, paria sunt. Quatenus fieri possent possibilitate: casum exotinetur paritas. *Ruhk.*

Aequum... latum est. I. e. leges naturae omnibus hominibus latae aequali modo aequo, etiamsi non aequo modo his utatur. *Ruhk.*

Aliquo loco. Temere vulgo omissa vox prior. *Schew.*

Illud, ms. a. Volgo id possumus. Schw.

mutationibus temperat. Nubilo serena succedunt; turbantur maria, quum quieverunt; flant invicem venti; noctem dies sequitur; pars caeli consurgit, pars mergitur; contrariis rerum aeternitas constat. Ad hanc legem animus noster aptandus est: hanc sequatur, huic pareat; et, quaecumque fiunt, debuisse fieri putet, nec velit obiurgare Naturam.

- 9 Optimum est, pati quod emendare non possis; et Denm, quo auctore cuncta proveniunt, sine murmuratione comitari. Malus miles est, qui imperatorem gemens sequitur. Quare impigri atque alacres excipiamus imperia, nec deseramus hunc operis pulcherrimi cursum, cui quidquid patimur intextum est; 10 et sic alloquamur Iovem, cuius gubernaculo moles ista dirigitur, quemadmodum Cleanthes noster versibus disertissimis alloquitur; quos mihi in nostrum sermonem mutare permittitur, Ciceronis, disertissimi viri, exemplo. Si placuerint, boni consules; si displicuerint, scies me in hoc sequutum Ciceronis exemplum.

Pars caeli consurgit, pars mergitur. Vertit Lagrange: *Une partie du ciel s'élève sur notre tête, tandis qu'une autre s'abaisse sous nos pieds.* Optimum est... non possis. Iam laudavimus Horat. od. lib. I, XXI: *Sed levius fit patientia. Quidquid corrigere est nefas.*

Denm, quo auctore. Hoc enim Stoici capitale dogma habebant, et finem statuebant, naturam, id est, Deum sequi. Vide Manud. II, Diss. XIX. Lips.

Cleanthes. Auditor et amicus Zenonis, cuius egregius Hymnus notissimus est (Bruck Poët. Gnom. p. 141 sq.), cf. Fabricii Bibl. gr. III, 553. Harl. Exemplum Ciceronis imi-

latur, quem saepe graecorum poetarum versus in sermonem latinum couvertisse constat, etsi eloquentia eum in carminibus desituit, iudice M. Seneca Praef. 3 Controv. Iambi, quos convertit noster, Cleanthis exstaut apud Epictet. Enchirid. LII ubi cf. Iutpp. Saal hinc: «*Λγόν δέ μ', ὦ Ζεῦ, καὶ σὺ γ' ἡ Παρρησίην, ὅποι ποθ' ὅτιν σίμῃ διαταραχέμενος. Ὡς ἐφομαί γ' ἀνερός· ἔν δέ μὴ δεῖμα, κακὸς γινόμενος οὐδὲν ἄττον ἐφομαί.*» Rohk.

Boni consules. Notissima locutio pro approbare.

Ciceronis exemplum. Quanquam Seneca pater contendat Ciceronem in carminibus eloquentia sua fuisse

*Duc me, parens, celsique dominator poli,
Quocumque placuit: nulla parendi mora est;
Adsum impiger. Fac nolle, comitabor gemens,
Malusque patiar, quod pati licuit bono.
Ducunt volentem fata, nolentem trahunt.*

Sic vivamus, sic loquamur! paratos nos inveniat atque impigros fatum! Hic est magnus animus, qui se Deo tradidit; at contra ille pusillus et degener, qui oblectatur, et de ordine mundi male existimat, et emendare mavult Deos, quam se. Vale.

destitutum (vid. super. pag. not. 3), contra tamen Plutarchus eam suae aetatis poetam celeberrimum fuisse scripsit, et certe restant quaedam illius fragmenta non erubescenda.

Ducunt volentem fata. Non est in Graecis hic versus, et puto inusitatum esse, atque ibi lectum. *Lips.* — Duo isti versus ultimi praepostero

ordine, contra quam in mastis, positi erant in ed. Mur. et Lips. quorum exemplum miror secutos esse Bipontinos et Ruhk. quum recte versus dispositi essent iidem versus in ed. Gron. Schw.

Emendare mavult Deos, quam se. Ille enim carpit divina et providentiam; alia illa esse velit magis, quam se aliam. *Lips.*

EPISTOLA CVIII

QUOMODO AUDIENDI SINT PHILOSOPHI.

Priusquam amici quaestionem expediat, docendum putat, quomodo philosophiae operam dare optimum sit. Ac primum quidem monet, ut per partes, sensim sensimque discere atque in studium philosophiae incumbere praeferat. Ita deinde fiet, ut, quod Attalus dicebat Senecae iuveni, quotidie et sanior et sanabilior evadat ille, qui philosophiae operam suam navaverit strenue. Nam vis Philosophiae magna est. Sed hoc fieri debet non negligenter, non oblectamenti, boni temporis fallendi causa. Moventur afficiunturque quidem multi facile, quoniam quisque semen virtutis in se habet, sed pauci mente hac sic affecta utuntur tanquam norma vitae. Quare in illud vehementer incumbendum est, ut, si quando sensus tales excitati sint, eos clariores fa-

aiamus vel oarminibus, ut vehementius urguamus innemusque, ne auditores ex animo veritatem, cuius vim agnoverint, dimittant, sed exerceant agendo. Hoc ipse expertum esse narrat Seneca, quum Attalum, Sotionemque iuvenis audiret, et omnes experturos esse putat; quippe ad optima quaeque natos, modo non interdum praecipientes peccarent, qui docere maluit disputare quam vivere. Hoc illustratum dat exemplis quibusdam e Virgilio petitis atque e Cicerone, quos aliter grammaticus, aliter philosophus legit. Itaque auditio lectioque philosophorum ad propositum beatae vitae trahenda est, ut inde praecepta mutucinur, quae mox in rem transferantur.

SENECA LYCILIO SVO SALUTEM.

Id, de quo quaeris, ex his est, quae scire, tantum eo, ut scias, pertinet. Sed nihilominus, quia pertinet et properas, nec vis exspectare libros, quos quum maxime ordino, continentes totam Moralem Philosophiae partem, statim expediam. Illud tamen prius scribam, quemadmodum tibi ista cupiditas discendi, qua flagrare te video, dirigenda sit, ne ipsa se impediat.
 2 Nec passim carpenda sunt; nec avidè invadenda universa: per partes pervenitur ad totum. Aptari onus viribus debet; nec plus occupari, quam cui sufficere possimus. Non, quantum vis, sed quantum capis, hauriendum est. Bonum tantum habe animum; capies, quantum voles. Quo plus recipit animus, hoc se ma-

Id, de quo quaeris. Quaevisera, an sapiens sapienti praesit? C. Epist. sequens. Ruhk.

Quia pertinet et properas. Sic conanode ed. Ruhk. atremend. Gron. Nempe et deorat a. e. R. A. et Grut. absorptum a terminatione praecedentis verbi. Vocem pertinaciter, quam inter pertinet et properas inconanode infulciunt nonnulli, ignorant nostri libri et Grut. Schw.

Ordino. Nic. Faber a mss. libris

reposit, quum alii haberent; maxime ordina, ordinem, maximo ordine. Ruhk.

Aptari onus viribus debet. Idem praecipit Horatius de Arte Poet. 38: Sumite materiam vestris, qui scribitis, aequam Viribus; et versate diu, quid ferre recuset, Quid valeant humeri.

Possimus, a. R. Vulgo possumus. Schw.

Capies, quantum voles: quis scilicet.

gis laxat. Haec nobis praecipere Attalum memini, quum scholam eius obsideremus, et primi veniremus, et novissimi exiremus, ambulantiem quoque illum ad aliquas disputationes evocarem, non tantum paratum discentibus, sed obvium. « Idem, inquit, et docenti, et discenti debet esse propositum: ut ille prodesset velit, hic, proficere. » Qui ad Philosophum venit, quotidie aliquid secum boni ferat; aut sanior domum redeat, aut sanabilior. Redibit autem: ea enim Philosophiae vis est, ut non [solum] studentes, sed etiam conversantes iuvet. Qui in solem venit, licet non in hoc venerit, colorabitur; qui in unguentaria taberna resederunt, et paulo diutius commorati sunt, odorem secum loci ferunt; et, qui apud Philosophum fuerunt, traxerint aliquid necesse est, quod prodesset etiam negligentibus. Attende, quid dicam: *negligentibus; non repugnantibus.*

Quid ergo? non novimus quosdam, qui multis apud Philosophum annis persederint, et ne colorem quidem duxerint? — Quidni noverim? pertinacissimos quidem, et assiduos; quos ego non discipulos

si bonum habes animum, non plus haurire voles, quam capere potes.

Attalum. Sub imperat. Tiberio clarum Stoicum, qui solum vertit a Sexto circumscriptus, magnae vir eloquentiae, ex philosophis, quos nostra aetas vidit, longe et subtilissimus et facundissimus. M. Ann. Seneca in Suasoria 2. Fabrici: Bibl. gr. III, 544. *Rohk.*

Qui ad Philosophum. Hoc debuerat ms. a. in quo mendose *quia philosophum.* *Qui ad philosophiam e. A.* *Qui ad philosophorum scholas* vulgo, ex R. Schw.

Non (solum) studentes. Istud so-

lum, ab Erasmo adiectum, ignorant a. e. R. A. et rectius, ut nobis videtur, abicietur. Vide nat. ad viii, et cf. xxiv. Schw.

Qui in solem...colorabitur. Similiter Cic. de Orat. II, 14: *Quum in sole ambulem, etiamsi abasi ob causam ambulem, fieri natura tamen, ut colarer.* *Rohk.*

Qui in unguentaria...ferunt. Ibi et apud tensors commorantur saepe homines fallendi temporis causa et Romae, et Athenis *iv τῷ μύρρῳ.* Cf. Intpp. ad Aristoph. Eq. 1372. R.

Non, repugnantibus. Scilicet phil-

- philosophorum, sed inquilinos, voco. Quidam veniunt, ut audiant, non ut discant; sicut in theatrum voluptatis causa, ad delectandas aures oratione, vel voce, vel fabulis, duomur. Magnam hanc auditorum partem videbis, cui philosophi schola diversorium otii sit. Non id agunt, ut aliqua illo vitia deponant; ut aliquam legem vitae accipiant, qua mores suos exigant; sed ut oblectamento iurium perfruantur.
- Aliqui tamen et cum pugillaribus veniunt, non ut res excipiant, sed ut verba, quae tam sine profectu alieno dicant, quam sine suo audiunt. Quidam ad magnificas voces excitantur, et transeunt in affectum dicentium, alacres vultu et animo; nec aliter concitantur, quam solent Phrygii tibicinis sono semiviri, et ex imperio furentes. Rapit illos instigatque rerum pulchritudo, non verborum inanum sonitus. Si quid acriter contra mortem dictum est, si quid contra fortunam contumaciter; iuvat protinus, quae audias,

losophi conversatio non proderit illi qui doctrinam repugnat.

Inquilinos. Qui velut habitent ibi, sed in alieno domicilio: et ideo nec proficiunt, nec proficiunt. *Lips.*

Quidam veniunt, ut audiant, non etc. Haec et sequentia vereor ne haud raro a professoribus nostris de auditorum suorum magna parte dici liceat! *Ruhk.*

Diversorium, a. e. R. A. non diversorium; quod placuit Melth. S.

Illo (i. e. illuc) deponunt. Sic vet. libri: vulgo illis ex Pinciani coniectura. *Schiv.*

Qua mores, a. e. R. A. non ad quam. *Schw.*

Dicant. Sic ediderat Muretus, et reperit in ms. a. s. prima manu; idque verum est. Commodum inter-

pres Gallicus: *Qu'ils répètent sans fruit pour les autres.* Volgo dicant, quod sequenti audiunt minime apponitur. — Deinde recte audiunt a. e. A. non audiant. *Schw.*

Nec aliter... Phrygii tibicinis sono semiviri. De Matris Dese sacerdotibus, Gallis, loquitur, de quibus Lucian. To. I, p. 59. Nigra. c. 38, ubi cf. Hemsterh., sit, Lipsio vertente: *Sicut phrygiae tibicinis sonum qui audiunt, non omnes in furorem aguntur, sed qui Rheae sacra addictique sunt, illi remiscuntur eo signo affectus.* Praeiverat in simili re Plato io looe. To. IV, p. 191, 192. *hipont. Ruhkopf.*

Semiviri. Galli.

Ex imperio furentes, scilicet ar-

facere. Afficiuntur illis: et sunt quales iubentur, si illa animo forma permaneat, si non impetum insignem protinus populus, honesti dissuasor, excipiat. Pauci illam, quam conceperant, mentem domum perferre potuerunt.

Facile est, auditorem concitare ad cupidinem recti: omnibus enim natura fundamenta dedit, semenque virtutum, omnes ad omnia ista nati sumus; quum irritator accessit, tunc illa animi bona, velut sopita, excitantur. Non vides, quemadmodum theatra consonent, quoties aliqua dicta sunt, quae publice agnoscimus, et consensu vera esse testamur?

Desunt inopiae multa, avaritiae omnia.

In nullum avarus bonus est, in se pessimus.

Ad hos versus ille sordidissimus plaudit, et vitiis suis fieri convicium gaudet. Quanto magis hoc iudicas evenire, quum a Philosopho ista dicuntur; quum salutaribus praeceptis versus inseruntur, efficacius eadem illa demissuri in animum imperitorum? « Nam, ut dicebat Cleanthes, quemadmodum spiritus noster

chignalli qui signum iubet dari furentibus. *Ruhk.*

Afficiuntur illis: et sunt, etc. Pessimus edd. afficiuntur illi; et sint. S.

Quales iubentur. l. e. sunt quales eos fieri magister iubet.

Tunc illa animi bona, velut sopita, excitantur. Sic ed. Mur. Lips. Gron. Bip. et Matth. Est autem illud *sopita* ex ingenio Mureti, cogitantis puto igniculos illos, quos subiunda Cicero dicit, ubi de virtutis seminibus loquitur pectori hominum insitis. Sed verum videtur quod cum msto a. dabat R. et aliae editiones ante Moretum, *velut soluta*, nempe viuacis soluta, quibus constringebantur, im-

pedimentis soluta, quae obstabant. Cf. Epist. xcv. *Soluta* habet ms. c. et ed. A. cum Pinc. et Grut. quod (quo sensu nos videmus) adoptavit Ruhkopf. Nempe ex *soluta* corruptum istud erat. Schw.

Pessimus. Versus haud dubie sunt P. Syri, vel Laberii, quae est sententia Mitscherlichii ad Horat. Carm. III, 16, 42, To. II, p. 716. Cf. ad. Consolat. ad Marc. 9, 4. R.

Quanto... imperitorum? Fortasse cogitavit de Chrysippo, quem haec instituto, quod Noster praedicat, induisse constat. *Ruhk.*

Cleanthes. Cf. ad Ep. 107, 10: sed ubi haec occurrerint, dicere non ha-

clariorem sonum reddit, quum illum tuba, per longi canalis angustias tractum, potentiorē novissimo exitu effudit; sic sensus nostros clariores carminis "arcta necessitas efficit." Eadem negligentius audiuntur, minusque percutiunt, quamdiu soluta oratione dicuntur; ubi accessere numeri et egregium sensum adstrinxere certi pedes, eadem illa sententia, velut lacerto excussa, torquetur. De contemptu pecuniae multa dicuntur, et longissimis orationibus hoc praecipitur, ut homines in animo, non in patrimonio, putent esse divitias; eum esse locupletem, qui paupertati suae aptatus est, et parvo se divitem fecit. Magis tamen feriuntur animi, quum carmina eiusmodi dicta sunt:

*Is minimo eget mortalis, qui minimum cupit.
Quod vult habet, qui velle quod satis est potest.*

hen, quum praeter Hymnum in Iovem, omnia eius scripta petant. *Ruhkorf.*

Potentiorē novissimo. Cleanthis imago parum sibi constat in lectidne olim vulgata: nam sermo est de efficacia et potentia uti soni ad aures, ita orationis vinetas ad animum. Coniectura itaque facili ducebar, ro, ut mallet: *potentiorē novissimo*, quum firmatum postea vidi editione veteris accedit quod unus palat. apud Grueterum habet *potenti ore*: tamen *novissimo* omnes tenent. Itaque reduxi *potentiorē novissimo ex.* eliminata vulgata: *potentiorē novissime ex.* *R.* — Percommode locum istum constituit *Ruhk.* quum *potentiorē novissimo* vulgo legeretur. Et *novissime* quidem tenent libri omnes; quod servari nique non potuisse videtur, nisi voce *exitu* eiecto. *Potentiorē*

vernabat ed. *A.* *Potentiorē* ms. *e.* Alii libri in *potentiorē* fere consentiunt. *Schw.*

Arcta necessitas. Propter numeros et pedes; vinetas oratio, quae sensus continet et non tandem quasi impetu protrudit, s. velut lacerto excussos torquet, eadem ratione, qua sonus novissime potentior effunditur tuba, in cuius longo canali ita continebatur, uti sensus nostri pedibus adstringuntur metricis. *Ruhk.*

Aptatus est. Sic enim. Pine. et praestit editio vetusta, firmat Seneca usus. Alii oblati, *optatus*: vulg. *optus*. *Ruhk.* — *Aptatus* est. Ad eum se accommodata: non ultra modum viresque eius cupit aut amittit. *Lips.*

Potest. Etiam hi versus Publii Syri sunt. Similia Abdolonyme habet Curtius IV, 1, 25 ubi Raderus nostri loci meminuit. *Ruhk.*

Quum haec atque eiusmodi audimus, ad confessio-¹²
nem veritatis adducimur. Illi enim, quibus nihil satis
est, admirantur, acclamant, odium pecuniae indi-
cunt. Hunc illorum affectum quum videris, urge, hoc
preme, hoc onera, relictis ambiguitatibus, et syllo-
gismis, et cavillationibus, et caeteris acuminis irriti
ludicris. Dic in avaritiam, dic in luxuriam: quum
profecisse te videris, et animos audientium affeceris,
insta vehementius. Verisimile non est, quantum pro-¹³
ficiat talis oratio, remedio intenta, et tota in bonum
audientium versa. Facillime enim tenera concilian-
tur ingenia ad honesti rectique amorem: et adhuc docili-
bus leviterque corruptis iniicit manum Veritas, si
advocatum idoneum nacta est.

Ego certe, quum Attalum audirem, in vitia, in
errores, in mala vitae perorantem, saepe misertus
sum generis humani, et illum sublinem altioremqve
humano fastigio credidi. Ipse regem se esse dicebat: sed¹⁴
plus quam regnare mihi videbatur, cui liceret censu-
ram agere regnantium. Quum vero commendare pau-
pertatem coeperat, et ostendere, quam, quidquid
usum excederet, pondus esset supervacuum et grave
ferenti; saepe exire e schola pauperi libuit. Quum
coeperat voluptates nostras traducere, laudare castum
corpus, sobriam mensam, puram mentem, non tan-
tum ab illicitis voluptatibus, sed etiam supervacuis;

Verisimile non est. Mirum est. R.

Remedio intenta. Quae tendit ad
id, ut remedium afferat morbis ani-
mi, quae nihil aliud curat nisi au-
dientes sanentur, melioresque fiant,
perum sollicitis de verborum senten-
tiarumque apparatu.

Nota. Ms. a. ut sibi habet *nen-
sta.* Schw.

Attalum. Cf. sup. ad § 3. *Ruhk.*

Regem se esse dicebat. Vt Stoicus.
Solut enim sapiens Rex: notissimum
paradoxon stoicum. Lipsius laudat
suam *Manuduct.* III, 13. *Ruhk.*

Saepe exire e schola pauperi libuit.
Saepe ad id inducebar, ut vellem
pauper e schola exire, id est meas
sibi cedere divitias.

- ¹⁵ libebat circumscribere gulam et ventrem. Inde mihi quaedam permansere, Lucili; magno enim in omnia inceptu veneram: deinde, ad civitatis vitam reductus, ex bene coeptis pauca servavi. Inde ostreis boletisque in omnem vitam renuntiatum est: nec enim cibi, sed oblectamenta sunt, ad edendum saturos cogentia; quod gratissimum est edacibus, et se ultra, quam capiunt, farcientibus, facile descensura, facile reditura. Inde in omnem vitam unguento abstinemus; quoniam optimus odor in corpore est nullus. Inde vino carens stomachus. Inde in omnem vitam balneum fugimus; decoquere corpus, atque exinanire sudoribus, inutile simul delicatumque credidimus. Caetera proiecta redierunt; ita tamen, ut, quorum abstinentiam interrumpi, modum servem, et quidem abstinentiae proximior, nescio an difficilior; quoniam quaedam absconduntur facilius animo, quam temperantur.

Magnū ... servavi. Magnō ardore philosophiae se dedisse, ait, et praecepta illius imitatum esse, sed quum lato clavo sumpto honores, questuram v. c. (cf. Consol. ad Helv. c. 17) peteret, genus vitae austerum mitigasse. *Ruhk.*

Inceptum, non impetu a. R. A. Pal. 1, 2, 3. Col. Schw.

Nec enim cibi. Vulgo haec enim non cibi, invitis libris vett. *Schw.*

Facile descensura, facile reditura. *Veritū Lagrange:* Ils passent facilement, et font place à de nouveaux morceaux.

In corpore est nullus (ut poeta: Bene olet qui nihil olet.) *Inde vino carens* (scil. facile carens, et carens atonetus) *stomachus.* Sic prorsus ius. a. ut ex duobus codd. commendavit Pincianus: et sic edd. inde a Mur.

nisi quod ille sua auctoritate enret posuit. Misere h. l. corrupti sunt alii libri; e quibus, sua item adhibita coniectura, hanc lectionem (merito a Matth. desertam) proeudit *Ruhk.* *quoniam optimus odor in corpore est. Non luxum dat vino stomachus.* S. — *Ruhkopius* damnat *vino carens* quia hoc Seneca dicere non putat, quippe qui omnem vini usum non vetat, vinorum tam diligens fassori sed *Schw.* interpretatur *vino carens* non ut omnino careat, sed ut qui carere possit. Caeterum minime credendum est Senecam scripsisse non *luxum dat vino s. Aden barbarum est.*

Decoquere corpus... credidimus. In balneis, qualis describit *Epist. LXXXVI, 5, calidis. Ruhk.*

Credidimus, non credimus, a. R. A. Schw.

Quoniam coepi tibi exponere, quanto malori im-
petu ad philosophiam iuvenis accesserim, quam senex
pergam, non pudebit fateri, quem mihi amorem *Py-
thagorae* iniecerit *Sotion*. Dicebat, quare ille anima-
libus abstinuisset, quare postea *Sextius*. Dissimilis
utrique causa erat, sed utrique magnifica. Hic ho-
mini satis alimentorum citra sanguinem esse credebat,
et crudelitatis consuetudinem fieri, ubi in voluptatem
esset adducta laceratio. Adiciebat, contrahendam ma-
teriam esse luxuriae; colligebat, bonae valetudini
contraria esse alimenta varia, et nostris aliena cor-
poribus. At *Pythagoras* omnium inter omnia cognationem
esse dicebat, et aliorum commercium in alias
atque alias formas transeuntium. Nulla (si illi credas)
anima interit, nec cessat quidem, nisi tempore exi-
guo, dum in aliud corpus transfunditur. Videbimus,
per quas temporum vices, et quando, pererratis plu-
ribus domiciliis, in hominem revertatur. Interim sce-

Iniecerit Sotion. Est ex emend. Pinciani, quoniam omnes codd. et edd. habuerunt *iniecerit*. At s. *Ad Sotion*. Fortasse latuit huius philosophi praenomen, sive nomen eius patriae: erat autem Alexandrinus. — *Sotion*. Praeceptor Senecae, de quo cf. ad Epist. xlix, 2. Bruckeri *Histor. orit. Philos.* II, p. 95. *Rohk.*

Dicebat. veti. libri omnes; non docebat. *Schw.*

Quare ille animalibus. Exstant dissertationes duae Plutarchi *De usu Carnium*, pro *Pythagorae* sensu, sanequam argutae. In altera etiam stoicos laudit, qui quum delicias spernant et rejiciant, non item hanc cibi immunitatem. Vide, sodes. *Lips.*

Sextius. De eo vide ad 98, 13. R.

At Pythagoras rel. Praeclare de hac abstinence *Pythagorae* et *Pytha-*

gorae egit *Meiners Genh. der Wiss.* I, p. 419 sqq. ubi docet, *Pythagoram*, etiamque amicos antiquissimos non omnibus animalibus, sed quibusdam tantum generibus abstinuisse, posteriores tamen *Pythagoreos* severiores fuisse. *Rohk.*

Omnium inter omnia cog. Ob illam animarum, etiam in brutis corpora, migrationem. Coeterum et prior illa ratio, quae continentiam et valetudinem spectat, vere movit *Pythagoram*: quod in *Lucretio* aliiisque legas: *Ερεῖδεν γὰρ καὶ σώματος ὕλης, καὶ ψυχῆς ἀεὶ ὄντα περὶ γένεσθαι*: hinc enim et corporis sanitatem, et mentis sagacitatem provenire. *Lips.*

Videbimus. Sic membranae et antiquiss. codd., et sic loquitur plerumque *Seneca*. Reduxi *Gron.* auctore. Antea *Viderimus*.

leris hominibus ac parricidii metum fecit, quum possint in parentis animam inscii incurrere, et ferro morsuve violare, si in quo cognatus aliquis spiritus hospitaretur. Haec quum exposuisset Sotion, et im-
 20 plessset argumentis suis: « Non credis, inquit, animas in alia corpora atque alia describi? et migrationem esse, quod dicimus mortem? Non credis, in his pecudibus ferisve, aut aqua mersis, illum quondam hominis animum morari? Non credis, nihil perire in hoc mundo, sed mutare regionem? nec tantum caelestia per certos circuitus verti, sed animalia quoque
 21 per vicēs ire, et animos per orbem agi? Magni ista crediderunt viri! itaque iudicium quidem tuum sustine; caeterum omnia tibi integra serva. Si vera sunt ista, abstinuisse animalibus innocentia est; si falsa, frugalitas est. Quod istic *crudelitatis* tuae damnum est? Alimenta tibi leonum et vulturum eripio. »

His instinctus, abstinere animalibus coepi; et, anno peracto, non tantum facilis erat mihi consuetudo, sed
 22 dulcis. Agiliorem mihi animum esse credebam; nec

Si in quo. Perperam deerat si edd.

S. — Iut. si in quo animali.

Deseribi. Id est distribui.

Quod dicimus mortem. Sic recte a.

a. A. Quam dicimus mortem ed. R. Perperam vulgo, quam dicimus esse mortem. Schw.

Aqua mersa. I. e. piscibus; unum et iis vel maxime abstinerebant. Plutarch. l. l. Lips.

Integra serva. Poterat teneri in integro, quod habebat ed. Er. ex R. cum ms. a. Schw.

Quod istic crudelitatis tuae damnum est? Sic prorsus, ut vulgo ms. a. Sed vereror ut satis sana oratio sit: nil solum iuravit hilari. Isti habet ms.

e. Ite ed. A. Iste crudelitatis tuae ed. R. Iste crudelitatis tuae ed. Erasmi. Schw. — Saepe sunt ei dura, te indigna, quae tuae crudelitati subtraham. Multa alia restant, in quae crudelis esse potes. Nonego, ne haec caso Lipsio emendatione indigere putet, quippe sineera. Ruhn. — Sane prior pulo crudelitatis. I. e. Si Pythagoras, eiusque auctoritatem auctoritate inductus ab animalium esu abstinens, quid, quae, damni ex crudelitate patieris? Tyr.

His instinctus? His ego instinctus scribe cum a. R. His ergo instinct. e. A. Schw.

Agiliorem mihi animum. Tecum

tibi hodie affirmaverim, an fuerit. Quæris, quomodo desierim? In Tiberii Caesaris principatum iuventæ tempus inciderat: alienigena tum sacra movebantur, *sed* inter argumenta superstitionis ponebatur quorundam animalium abstinencia. Patre itaque meo rogante, qui calumniam timebat, non philosophiam oderat, ad pristinam consuetudinem redii; nec difficulter mihi, ut inciperem melius coenare, persuasit. Laudare solebat Attalus culcitam, quæ resisteret corpori: tali utor etiam senex, in qua vestigium apparere non possit.

Haec retuli, ut probarem tibi, quam vehementes haberent tirunculi impetus primos ad optima quæque, si quis exhortaretur illos, si quis impelleret. Sed aliquid præcipientium vitio peccatur, qui nos docent disputare, non vivere; aliquid discentium, qui propositum afferunt ad præceptores suos, non animum excolendi, sed ingenium. Itaque, quæ *Philosophia* 24 fuit, facta *Philologia* est. Multum autem ad rem pertinet, quo proposito ad quamque rem accedas. Qui,

sentiam; et assidua hæc *ἡρώδης* nuntis Europæis usorpata brutos facit. *Lps.*

Alienigena tum (vel tunc) sacra. Sic, ut ex Lipsii conii. Ruhkopfius edidit, legitur in ms. a. Vulgo *alienigenarum sacra*, Schw. — Iudæi autem et Aegyptii, sub Tiberio, a. V. c. 772, urbe pulsi et aliquot millia in Sardiniam ablegata. Tacit. Annal. II, 85. Agebat tum Seneca annum ætatis circiter vigesimum. *R.*

Sed inter argumenta. Pro *sed inter arg.* expectaveram et *inter arg.* sed pæo addixere libri. Schw.

Abstinencia. Vi visis apud Iudæos, Qui calumniam timebat, non philosophiam oderat. In hunc sententiam

cum fac. Lectio apud Lipsium, et cum Ruhkenio ad Vellei. To. I, pag. 314, correxi constantem quidem librorum omnium scripturam, qui non calumniam timebat, sed philosophiam oderat. Schw.

Philologia. Inde ab Erasosthene (mort. 200 ante Christ. Alexandria) studium multiplex varique doctrinæ poëticæ, grammaticæ, criticæ, historicæ, etc. tractari coepit hac voce, Ateiusque Grammaticus Romæ primus hanc appellationem assumpsit, auctore Suetonio de illustr. Grammatic. c. 10. Senecam hanc voc. de critico intellexisse patet c. § 30, 31. *R.*

Ad quamque rem. Sic Schw. Vulgo *ad quam rem.*

Grammaticus futurus, Virgilium scrutatur, non hoc animo legit illud egregium,

..... *Fugit irreparabile tempus* :

vigilandum est ! nisi properamus, relinquemur ; agit nos, agiturque velox dies, inscii rapimur ; omnia in
 25 futurum disponimus, et inter praecipitia lenti sumus : sed ut observet, quoties Virgilius de celeritate temporum dicit, hoc uti verbum illum, *fugit*.

*Optima quaeque dies miseris mortalibus aevi .
 Prima fugit : subeunt morbi, tristicque senectus ,
 Et labor ; et durae rapit inclementia mortis.*

Ille, qui ad Philosophiam spectat, haec eadem, quo debet, adducit. Nunquam Virgilius, inquit, *dies* dicit *ire*, sed *fugere*, quod currendi genus concitatissimum est ; « et optimos quosque primos rapi » : quid ergo cessamus nos ipsi concitare, ut velocitatem rapidissi-
 26 mae rei possimus aequare ? Meliora praetervolant, deteriora succedunt. Quemadmodum ex amphora primum, quod est sincerissimum, effluit, gravissimum quodque turbidumque subsidit ; sic in aetate nostra, quod optimum, in primo est. Id exhaustiri in aliis po-

Tempus. Versus Virgil. est Georg. III, 284. Ruhk.

Optima... mortis. Versus sunt Virgilii, Georg. III, 66 sq.

Adducit. Sic a. e. R. A. S. — Vulgo adducit quod optime intellig.

Quemadmodum ex amphora rel. Cf. Ep. 1. Egregii versus Antiphanis huc faciunt (ex Stob. Florileg. 118 ap. Winkleron. p. 481 et Brunk. Poët. geom. p. 186) : *Σπόδρ' ἐστὶν ἡμῶν ὁ βίος οἶνο προσπεπῆς. Ὅταν ᾗ τὸ λοιπὸν μικρόν, ὅζος γίγνεται.* Unde Epigramma sequens ex Anthol. gr. laudatum Lipsio (Anal. Brunk. III,

237) eiusdem argumenti derivatum est : « Ἄν περιλειπθῇ μικρόν ἐν ἀγγεῖον ἥδεος οἶνου εἰς ὃν τρέπεται τοῦτο τὸ λοιπόμενον, οὕτως ἀνθρώπου τὸν βίον βίον, εἰς βαθὺν δ' ἐλθόντων ἡλικίας, ὁ προσβύτης γίγνεται ὀξύχολος. Si quid de vino meliori in vase relictum est, Mox vitium ducit, et peraccescit idem ; Si qui iam vitas pervenit ad ultima, is ipse Summit acorem, et fit tristis ab ingenio. »

In primo est. Nec male in prima, inquit Lipsius. Sed melius nihil mutare, ubi non est opus. Vide quae ad Liv. X, 14. Gronov.

tius patimur, ut nobis faecem reservemus. Inhaereat istud animo, et, tamquam missum oraculo, placeat:

*Optima quaeque dies miseris mortalibus aevi
Prima fugit.*

Quare *optima*? quia, quod restat, incertum est. 27
Quare *optima*? quia iuvenes possumus discere, possumus facilem animum, et adhuc tractabilem, ad meliora convertere; quia hoc tempus idoneum est laboribus, idoneum agitandis per studia ingeniis, et exercendis per opera corporibus. Quod superest, segnius et languidius est, et propius a fine. Itaque toto hoc agamus animo, et omissis ad quae devertimur, in rem unam laboremus, ne hanc temporis perniciosissimi celeritatem, quam retinere non possumus, relictis demum intelligamus. Primus quisque, tamquam *opti-* 28
mus, dies placeat, et redigatur in nostrum. Quod fugit, occupandum est. Hoc non cogitat ille, qui Grammatici oculis carmen istud legit, ideo « optimum quemque primum esse diem, » quia subeunt morbi, quia senectus premit, et adhuc adolescentiam cogitantibus supra caput est: sed ait, Virgilium semper una ponere « morbos et senectutem. » Non, mehercules, immerito; senectus enim insanabilis morbus est. Praeterea, inquit, hoc senectuti cognomen posuit, 29
tristem illam vocat:

. *Subeunt morbi, tristisque senectus.*

Devertimur, ms. a. *Divertimur* c.
R. A. *Divertimus* vulgo edd. *Devertimus* ed. Matth. Schiv.

Relictis demum intelligamus. I. e. tum solum intelligamus cum temporis celeritatem, quam iam tempus elapsum fuerit, et nos reliquerit cum-

clantes, et frustra praeteritam vitam desiderantes.

Redigatur in nostrum. Vsurpemus et fruamur. Dies enim ita finit uestri (poeta vetus: *hinc meus est, dixere, dies*); alieni et nihil ad nos, qui clauduntur. *Lips.*

SEN. Tom. IV.

P

Non est quod mireris, ex eadem materia suis quemque studiis apta colligere. In eodem prato bos herbam quaerit, canis leporem, ciconia lacertum. Quum Ciceronis libros *de Republica* prendit hinc Philologus aliquis, hinc Grammaticus, hinc Philosophiae deditus; 30 alius alio curam suam mittit. Philosophus admiratur, « contra Iustitiam dici tam multa » potuisse. Quum ad hanc eandem lectionem Philologus accessit, hoc subnotat: « Duos Romanos Reges esse, quorum alter patrem non habet; alter matrem: » nam de Servii matre dubitatur; Anci pater nullus; Numae nepos dicitur. Praeterea notat, « eum, quem nos Dictatorem dicimus et in historiis ita nominari legimus, apud antiquos Magistrum populi vocatum. » Hodieque id exstat in Auguralibus libris; et testimonium est, quod, 31 qui ab illo nominatur, « Magister equitum » est. Aequè notat, « Romulum perisse solis defectione: provocationem ad populum etiam a regibus fuisse: » id ita in Pontificalibus libris aliqui putant, et Fene-

Ciceronis libros de Republica prendit. Sic edd. inde a Mur. *Ciceronis librum deprendit*, ms. a. *Cic. librum deprehendit* ed. R. Absurdo propterea *Ciceronis ebum deprehendit*, c. d. *Cic. librum de Republica prehendit*, ed. Er. nempe vocabulo *Republica* ex Erasmi coniect. adiecto, recte vero. Conf. p. 141, 3 sq. ubi in ms. a. pro *de Republica* compendiose sic scribitur *de re. p.* ex quo erroris origo h. l. admissi satis apparet. Schw. — *Ciceronia libron de Repub. perisse*, praeter fragmentum e libro VI, Somnium Scipionis à Macrobio conservatum et illustratum (et nonnulla super a Maio reperta), noluim. est. Quae hic philologum noluisse ait No-
bet, ex Cicero Tuscul. Qu. IV, 1

quoque memorat: cf. Middleton on the roman senate (Vol. III, p. 396, *Miscellaneous Works.*)

Anci pater nullus. Quia famae traditus non exstat. Obscuravit eum Numae claritas; utque ita *Numae nepotem* Livius et Dionysius dicunt. L.

In Auguralibus libris. Quos Appian, Ciceronis, collega, in auguratu scripsit, ut testatur Cicero. ad Div. III, 1. Ruhn.

Solis defectione. Dum sol deficeret.

Etiam a regibus fuisse. Sic alii omnes: sed ms. a. *etiam regibus fuisse* Schw.

In Pontificalibus libris. Qui et commentarii pontificum, et Fusti vocantur: initium eorum iam sub Anco

stella. Eosdem libros quum Grammaticus explicuit, primum verba prisca, *reapse* dici a Cicerone, id est, *reipsa*, in commentarium refert; nec minus *sese*, id est, *seipse*. Deinde transit ad ea, quae consuetudo saeculi mutavit; tanquam ait Cicero, « quoniam sumus ab ipsa calce eius interpellatione revocati: » hanc, quam nunc in circo *cretam* vocamus, *calcem* antiqui dicebant. Deinde Ennianos colligit versus, et in primis illos de Africano scriptos:

..... cui nemo civis neque hostis
Quivit pro factis reddere operae pretium.

Ex eo se ait intelligere, apud antiquos non tantum »

Martio factum esse Liv. I, 32 narrat: cf. IV, 3. Lips.

Aliqui putant, ut Fenestella. (Id est, in his Fenestella.) Sic, ut vulgo haec edebantur, exhibet ms. a. *Et Fenestrellam* ed. A. Miras hic turbas eient ms. c. et ed. A. quales fere Gruteri codices. S. — *Fenestella* sub Augusto vixit, suusque auctor non incelsbris. Liber qui sub eius nomine circumferretur da magistratibus sacerdotisque Rom. a Flocco (Floschi) inventa saec. XVI scriptus est. Cf. G. I. Voss. de Historic. lit. I, 19, p. 100. Ruhk.

Primum verba prisca, reapse dici a Cicerone etc. *Primum reapse* dici etc. praebant vulgatae edd. omissis duobus vocibus *verba prisca*, quae partim e libris vet. partim ex coniectura adiecit. *Primum verba expressa ab se dici a Cicerone* ms. a. *Verba expressa ab se* ms. c. cum edd. A. et R. Scilicet *reapse* olim vulgo scribebant per b litteram, non *reapse*. Schw.

Nec minus sese. Quod vulgo his

legebatur *sese*, id Muret. inventum erat, quod libri nostri omnes ignorant, perinde atque Pinciani et Gruteri codices. Schw.

Quae consuetudo saeculi mutavit. Non eadem haec sunt quae modo *prisca* dixerat; sed verba, quae adhuc quidam in usu sunt, at mutato significata. Schw.

Hanc... dicebant. Plinius 35, 17 s. 58 ait: *Creta circum praeducere solent ad victoriae notam*, i. e. explicante Lipsio, metani ea signora, ut conspicua esset: quo allusum putant ab Horat. Epist. 1, 16 fin: *Mora ultima linea rerum est*. Ruhk.

Ennianos. Ex Pinciani emendatione est: vitiosum *inanas* libros omnes occupaverat. Schw.

Africano. Scipione maiore Africano, cuius amicus et comes Eanius fuit. Ruhk.

Operae pretium. Sic, divisio vocibus, scribunt libri nostri: non *oprae pretium*, ut edd. Caeterum haec contractio apud praesicos saepe usurpabatur, ut *populus*, *postum*, *periculum*.

auxilium significasse *operam*, sed *opera*: ait enim, neminem potuisse Scipioni, neque civem, neque hostem, reddere *operae* pretium. Felicem deinde se putat, quod invenerit, unde visum sit Virgilio dicere:

..... *Quem super ingens
Porta tonat caeli*

- ³¹ Ennium hoc ait Homero subripuisse, Ennio Virgilium. Esse enim apud Ciceronem in his ipsis *de Republica* hoc Epigramma Ennii:

*Si fas endo plagas caelestium ascendere cuiquam;
Mi soli caeli maxima porta patet.*

Sed ne et ipse, dum aliud ago, in philologum aut grammaticum delabar, illud admoneo, auditionem Philosophorum lectionemque ad propositum beatæ vitæ trahendam; non ut verba prisca aut ficta captemus, et translationes improbas figurasque dicendi, sed ut profutura praecepta, et magnificas voces, et animosas, quæ mox in rem transferantur. Sic ista discamus, ut, quæ fuerunt verba, sint opera. Nullos autem peius mereri de omnibus mortalibus iudico, quam qui Philosophiam, velut aliquod artificium ve-

Non.... auxilium. Vt in comoediis soepe: *da mihi hanc operam.* Lips. *Virgilio.* Ge. III, 260 sqq. ubi cf. Heynius. *Rohk.*

Ennium hoc ait Homero subripuisse. Sic recte edd. ex Pinciani emendatione. Vett. libri omnes male, *Ennius hoc ait Homero se subrip.* Schw.

Esse enim. Non *Est enim a. c. R. A.* Schw.

Patet. Vulgarum huius epigr. lectionem ex ingenio restituit Petr. Pithoeus in *Adversar.* I, 11 ¶ in Grul. *Theos. crit.* To. 2, p. 757: *Si fas endo:* quoniam et hic et ap. *Lactant.* I, 18 va-

rient libri: *Si faciendo; si fas ascendendo.... nisi, ni faciendo... ne faciendo.* Cf. *Antholog. Lat. Tom. I,* p. 213. *Rohk.*

Delabar, a. c. R. A. non *dilabar*, ut vulgo. Schw.

Nullos autem rel. Hoc reprehendebat Socrates in Sophistis aliisque philosophis suæ ætatis, hoc postea multi alii questi sunt, et Seneca, et Lucianus, cuius libri pleni sunt satiricis philosophorum, quos Socrates carpit, descriptionibus. Utinam nostra tandem tempora talibus philosophis carerent! *Rohk.*

nale, didicerunt; qui aliter vivunt, quam vivendum esse praecipunt. Exempla enim se ipsos inutilis disciplinae circumferunt, nulli non vitio, quod insequuntur, obnoxii. Non magis mihi potest quisquam talis prodesse praeceptor, quam gubernator in tempestate nauseabundus. Tenendum est, rapiente fluctu, gubernaculum, luctandum cum ipso mari, eripienda sunt vento vela: quid me potest adiuvere rector navigii attornitus et vomitans? Quanto maiore putas vitam tempestate iactari, quam ullam ratem? Non est loquendum, sed gubernandum. Omnia quae dicunt, quae turba audiente iactant, aliena sunt. Dixit illa Plato, dixit Zenon, dixit Chrysippus, et Posidonius, et ingens agmen non [tot ac] talium. Quomodo probare possint sua esse, monstrabo: faciant, quae dixerint.

Quoniam, quae volueram ad te proferre, iam dixi; nunc desiderio tuo satisfaciam, et in alteram epistolam integrum, quod exegeras, transferam, ne ad rem spinosam, et auribus erectis curiosisque audiendam, lassus accedas. Vale.

Exempla enim se ipsos inut. disc. Int. quocumque se ipsos circumferunt, exempla praebent, quibus probetur inutilem esse disciplinam.

Talis prodesse praec. Temere omissa vox talis in ed. Bipont, et Ruhl. Schw.

Agmen non [tot ac] talium. Agmen tot ac talium edd. a Mur. ex uno cod. Pinc. Sed noster ms. a. non tot ac talium praefert: ubi quid valeant duo

media verba haud scio; adieci tamen uncis inclusa, ut cogitent docti quid sub illis latent. Interim satis videtur non talium; neque haec ego cum Pinciano pro otioso glossemate habuerim. Non tamen talium dabit ed. Er. ex R. Non tot ac talium nominis ms. c. et ed. A. Schw.

Proferre revocavi ex ed. Er. et R. Perferre, a. c. A. Perferri edd. a Mur. Schw.

EPISTOLA CIX.

AN SAPIENS SAPIENTI, ET QUOMODO, PROBIT.

Quaestioni amici in priore epistola propositae respondet: An sapiens sapienti prosit et quomodo prodesse possit? Nam quum omnia summa in sapiente sint, nullum adiectioni locum esse obicitur. Afirmat et distincte exsequitur. In fine detestatur argutias inutiles.

Pertinet haec quaestio ad illas argutias, quae disputationibus de sapiente stoico ortum suum debent. Nam facillima erat adversariorum, e. c. Peripateticorum, conclusio, sapientem mentis humanae perfectum bonum habentem (Ep. LXXXIX, 3) sapienti non amplius prodesse, ideoque omnem amicitiam tolli, quippe quam nonnisi inter bonos intercedere posse statuebant stoici. Quum Senecae virtus non esse videatur subtiles quaestiones satis feliciter tractandi, etsi nescio quo fato saepius ad eas delabatur, non expectari potest et in hac disputatione nobis omni ex parte satisfactorum esse. Caeterum nonnisi hac epistola de illa mentionem iniectionem inveni.

SENECA LYCIIUS SVO SALUTEM.

An « Sapiens Sapienti prosit » scire desideras. — Dicimus, plenum omni bono esse Sapientem et summa adeptum: quomodo prodesse aliquis possit summum habenti bonum, quaeritur. Prosunt inter se boni; exercent enim virtutes, et sapientiam in suo statu continent: desiderat uterque aliquem, cum quo conferat, cum quo quaerat. Peritos luctandi usus exercet; musicum, qui paria didicit, monet. Opus est et Sapienti agitatione virtutum: ita, quemadmodum ipse se movet, sic movetur ab alio sapiente. Quid

Cum quo conferat. Cum quo de tradat indagationi naturae et magnarum, quae in ea continentur, quaestio-
officiis, de virtutibus loquatur.

Cum quo quaerat. Cum quo se ationum.

Sapiens Sipienti proderit? impetum illi dabit, occasiones actionum honestarum commonstrabit. Praeter haec, aliquas cogitationes suas exprimet; docebit, quae invenerit. Semper enim etiam Sipienti restabit quod inveniat, et quo animus eius excurrat. Malus malo nocet; facit quoque peiorem, iram, melius incitando, tristitiae assentiendo, voluptates laudando: et tunc maxime laborant mali, ubi plurimum vitia miscuere, et in unum collata nequitia est. Ergo, ex contrario, bonus bono proderit. — Quomodo? inquis. — Gaudium illi afferet, fiduciam confirmabit, ex conspectu mutuae tranquillitatis crescet utriusque laetitia. Praeterea quarundam illi rerum scientiam tradet: non enim omnia Sapiens scit: etiam si sciret, breviores vias rerum aliquis excogitare posset, et has indicare, per quas facilius totum opus circumfertur. Proderit Sipienti Sipientis, non suis viribus, sed ipsius, quem adiuvat. Potest quidem ille, etiam relictus sibi, explicare partes suas; utetur propria velocitate: 6

Praeter habe... invenerit. Sipientia est quidem divinarum et humanorum scientia, et quae eorum sunt causae, sed quum sapiens semper in actu et opere sit, tum contemplabitur, tum aget: proderit itaque communicando quae invenerit cogitaveritque cum amicis et sapientibus. *Ruhk.*

Etiam Sipienti restabit. Etiam, quod aheral vulgo, dederunt *a. c. R. A. et Grul.* sed iidem omnes a sapientia rest. exhibent; quod quo spectet exputare non potui. *Schw.*

Facit quoque peiorem, a. c. R. A. Quoque abest vulg. *Schw.*

Plurimum, a. c. R. A. Vulgo plurimum. *Schw.*

Scientiam, a. c. A. et Gruteri omnes. Notitiam edd. *ex R. Schw.*

Possit, a. R. Possit edd. com c' A. Schw.

Per quas facilius... circumfertur. I. e. per quas totum opus suum facilius pergere possit, quae faciliore, breviori et maiore modo ad scopum ducant. *Ruhk.*

Non suis viribus. Volgo non scilicet tantum suis viribus edd. cum *a. c. R. A.* duobus verbis manifeste ex scholio intrusis, quae eisci omnino debnere. Pro scilicet tantum duo Gruteriani solum tantum habebant, uons uode tantum. Ex Senecae mora loquendi, non suis viribus, sed ipsius, etc. idem valet, sc. non solum suis viribus, sed simul viribus ipsius, etc. vel, non tam suis viribus, quam ipsius, etc. *Schw.*

sed nihilominus adiuuat etiam currentem hortator. Non prodest Sapienti Sapiens, sed sibi ipse: hoc scias. Detrahe illi vin propriam, et ille nihil agit. Vno modo dicas licet, non esse in inelle dulcedinem: nam ipse ille, qui est, debet ita aptatus lingua palatoque esse ad huiusmodi gustum, ut ille talis sapor eum capiat, non offendat: sunt enim quidam, quibus morbi vitio mel amarum videntur. Oportet utrumque talem esse, ut et ille prodesse possit, et hic profuturo idonea materia sit.

Adiuuat etiam currentem hortator. Hortatur ms. a. et ed. R. quod tenentes alii, qui currentem hortatur scripsere; nobis concinuius visum erat, si hortatur in hortator mutaretur. Schw.

Sapienti. Ms. a. et ed. R. recte noluisse dederunt non prodest sapiens sapienti, sed ipse sibi; ubi vulgo, inserio glossemate, legebatur non prodest tantum sapiens sapienti; et geminato glossemate in ms. a. et ed. A. Non scilicet tant. prodest sap. prorsus eodem modo quo supra (in praec. pag. not. postr.) S.

Hoc scias. Sic omnes codd. et edd. Obiices, quod pro hoc scias legitur in quibusd. cdd. a Mureto est. R.

Detrahe illi... et ille, id est, detrahe alteri... et alter, etc. Ruhk.

Vno modo dicas. Omnes hanc lect. codd. et edd. tenent; unde Pincianus, quem Muretus sequitur, fecit: Isto modo. — Int. uno eodemque modo. Vnus aene occurrit, ut sit synonym. totū idem. Hoc sefellit Pincianum, quum tū uno electo, isto emendaret? Et propter dicas Muretus eiecit temere et hoc scias, et iniecit Obiices, quoniam hic nulla

obiectio est. Ruhk.

Ipsae ille qui est (edit). debet... palatoque esse. Perperam librarii sedes verborum est et esse inter se permutaverant, scribentes, qui esse debet... palatoque est: alia item nonnulla in hac regione turbaverant, ex facili coniectura correct. Schw. — Tō est omissum est in omnibus codd. at in aliquot glossam sumere debet invenies. Istud est, i. edit, comedit, interdum fraudi fuit Viris doctis, e. c. Gronovio Obs. I, p. 10 in Afranii illo apud Nouium p. 486, 40 ed. Godofr.: «qui me est animi exercitus.» i. quae vexatio animi me edit: edaces autem curas occurrunt ap. Horat. Od. II, 11, 18. Ruhk.

Huiusmodi, etc. Malim eiusmodi cum a. c. A. Schw. — Et ille talis sapor sic ex Schweigh. edil. Vulgo ut ille tolli sapore caplatur, non offendatur.

Et hic profuturo idonea materia sit. Sic recte ms. a. Perperam vulgo, et hinc profuturo. Male Pincianus profuturo. S. — Int. et hic qui mel comedit, praebeat idoneam materiam melli profuturo, et is sit cui mel prodesse possit.

« In summum, inquit, perducto calorem calefieri supervacuum est; et in summum perducto bonum supervacuum est qui prosit. Numquid instructus omnibus rebus agricola, ab alio instrui quaerit? numquid armatus miles quantum in aciem exituro satis est, amplius arma desiderat? Ergo nec Sapiens: satis enim vitae instructus, satis armatus est. » — Ad haec respondeo: et, qui in summo est calore, illi opus est adiecto calore, ut summum teneat. — Sed ipse se, inquit, calor continet. — Primum multum interest inter ista, quae comparas. Calor enim unus est; prodesse varium est. Deinde calor non adiuvatur adiectione caloris, ut caleat: Sapiens non potest in habitu suae mentis stare, nisi amicos aliquos similes sui admisit, cum quibus virtutes suas communicet. Adice nunc, quod omnibus inter se virtutibus amicitia est. Itaque prodest, qui virtutes alicuius pares suis amat, amandasque invicem praestat. Similia delectant; utique ubi honesta sunt, et probare ac probari sciunt. Etiam nunc, Sapientis animum perite movere nemo alius potest, quam Sapiens; sicut hominem movere rationaliter non potest, nisi homo. Quomodo ergo ad rationem movendam ratione opus est; sic, ut mo-

In summum, inquit, adversarius. Obiectio est.

Ad haec respondeo. Sic omnes codd. et edd. Sed Muretus transposuit, et post continet collocavit *Ad haec respondeo.* Falso. Nam ex obiectione eligit Seneca quaedam, quibus respondere vult. Rubk. — Cacterum Rubk. punctam maximum posuit post respondeo, et delet sequens et.

Illi opus est adiecto calore. In exili hac et spinosa disputatione rursus multa turbant librarii, a viris doctis correctis; quae iam sigillatim

exponere non vacat. Illud enim monco, non opus est vulgo hic edi, quum negantis particulae in veteribus libris nullam compareat vestigium. S.

Sed ipse se. Poterat *Sed ipse sese* scribi ex a. et R. Aherat vulgo *Sed* particula, praeter rationem abiecta e Mur. Schw.

Virtutes alicuius pares suis. Nem stoicum dogma erat, et omnes virtutes inter se pares, et omnes item sapientes: neminem alterum excellere. Vide Manuduct. II, 19. Lips.

Etiam nunc. Iut. praeterea R.

10 veatur ratio perfecta, opus est ratione perfecta. Prodesse dicuntur et qui media nobis largiuntur; pecuniam, gratiam, incolumitatem, alia in usus vitae cara aut necessaria; in his dicetur etiam stultus prodesse Sapienti. Prodesse autem est, animum secundum naturam movere virtute sua, ut eius qui movebitur. Hoc non sine ipsius quoque, qui proderit, bono fiet: necesse est enim, alienam virtutem exercendo exercent
 11 et suam. Sed, ut removes ista, quae aut summa bona sunt, aut summorum efficientia, nihilominus prodesse inter se sapientes possunt. Invenire enim Sapientem, Sapienti per se res expetenda est: quia natura bonum omne carum est bono; et sic quisque conciliatur bono, quemadmodum sibi.

Necesse est ex hac quaestione, argumenti causa,
 12 in alteram transeam. Quaeritur enim, « an deliberaturus sit Sapiens? an in consilium aliquem advocaturus? » quod facere illi neccessarium est, quum ad haec civilia et domestica venit, et, ut ita dicam, mortalia. In his sic illi opus est alieno consilio, quomodo medico, quomodo gubernatore, quomodo advocato, et litis ordinatore. Proderit ergo Sapiens ali-

Media. Intell. quae nec bona nec mala sunt.

Ut eius qui movebitur. Sic *a. c.* *A:* Pal. 1, 2, 5, Col. Perperam vulgo aut eius, etc. Schw. — Int. ut virtute eius qui movebitur: sensus idem est ac si foret: *tum virt. sua, tum virt. ei. q. m.*

Sed, ut rem. Int. sed etiamsi rem.

Summorum efficientia. In divisionibus bonorum et haec erat, ut dicerent Stoici, bona esse vel finalia, *summa*, τελικά, ut gaudium, fiduciam, et ex virtute actiones, vel efficientia, ut prudentem virum et amicum, vel

utrumque, ut virtutes omnes. Cf. Lipsii Manud. 2, 22. Ruhk.

Expetenda) *Petenda* edd. invitiis ms. Schw.

Civilia et domestica. Res quae domesticum et mortalem hominis partem spectant, in quibus gerendis utilis est prudentia et quaedam sapientia, non illa e caelo delapsa, sed ex humana experientia desumpta.

Gubernatore... ordinatore. Recte *c. A.* Perperam gubernatori... ordinatori, edd. cum ms. *a.* et ed. *R. S.*

Litis ordinatore. I. iuriconsulto, qui respondendo, scribendo, ca-

quando Sapienti; suadebit enim. Sed in illis quoque magnis ac divinis, ut diximus, communiter honesta tractando, et animos cogitationesque miscendo, utilis erit. Praeterea secundum naturam est et amicos com-¹³ plecti, et amicorum actu, ut suo proprioque, laetari. Nam, nisi hoc fecerimus, ne virtus quidem nobis permanebit, quae exercendo se usu valet. Virtus autem suadet praesentia bene collocare, in futurum consu-
lere, deliberare et intendere animum: facilius in-
tendet explicabitque, qui aliquem sibi assumpserit. Quærit itaque aut perfectum virum, aut proficientem¹⁴ vicinumque perfecto. Proderit autem ille perfectus, si consilium communi prudentia iuverit. Aiunt homines plus in alieno negotio videre, quam in suo; hoc illis evenit, quos amor sui excaecat, quibusque dis-
spectum utilitatis timor in periculis excutit. Incipiet sapere securior, et extra metum positus. Sed nihilominus quaedam sunt, quae etiam Sapientes in alio, quam in se, diligentius vident. Praeterea illud dul-¹⁵ cissimum honestissimumque, idem velle atque idem nolle, Sapientis Sapienti præstabit: egregium opus pari iugo ducet.

veodo consentientibus præsto erant et legibus interpretandis ac formulis agendi lege præscribendis et cautionibus exhibendis. Cf. Cuiacii Obs. 18, 23. Rubk.

Quos exercendo se usu valet. Vulgo quae in exerc. sed praepositionem ignorant a. c. R. A. Tom se usu ed. Mar. Lips. et Gron. ex uno Pinciani cod. cui consentit ed. A. Alii omnes sensu, quod revocavit Rubk. prudentiam et rationem intelligens. Equidem usu laetandum putavi; sed videndum, ne aut duo verba exercendo se ex vetere scholio

irrepperint, aut exercendo et usu scriptum operlucit, aut exercendo se usuque. S.

Incipiet sapere securior. Int. qui securior erit, prudentiori utetur prospectu in regendis negotiis suis.

Praeterea illud dulcissimum honestissimumque, idem vel. Sic omnes codd. et vet. edd., quae tamen dulcissimum est h. habent, ubi tō est pro et scriptum esse apparet. Eliminari itaque tō quod post illud, et tō est post hoc, cum Gronovio. R.

Egregium opus pari iugo ducet. Metaphora e bobus desumpta quorum

Persolvi, quod exegeras, quamquam in ordine rerum erat, quas Moralis Philosophiae voluminibus complectimur. Cogita, quod soleo frequenter tibi dicere, in istis nos nihil aliud, quam acumen, exercere. Toties enim illo revertor: Quid ista me res iuvat? fortio-
 16 tiorem faciet, iustio-rem, temperatio-rem? Nondum exerceri vacat; adhuc medico mihi opus est. Quid me doces scientiam inutilem? Magna promisisti; exigua video. Dicebas intrepidum fore, etiam si circa me gladii micarent, etiam si mucro tangeret iugulum; dicebas securum fore, etiam si circa me flagrant incendia, etiam si subitus turbo toto navem meam mari raperet. Hoc mihi praesta interim, ut voluptatem, ut gloriam contemnam; postea docebis implicita solvere, ambigua distinguere, obscura perspicere: nunc doce quod necesse est. Vale.

ambo pari iugo plerumque alligantur. Vertit Lagrange? Ils travailleront en commun au plus magnifique des ouvrages.

Quamquam in ordine... complectimur. Vide ad Ep. cvi, 2. Intercederunt haec volumina tam saepe a Nostro memorata, quas Viucentius Bellosaensis (saeculo XII monachus ordin. dominic.) adhuc habuisse videtur, quum passim ex illis quaedam laudet. Rukh.

Dicebas intrepidum fore. l. Dicebas te facturum esse ut intrepidus fierem.

Hoc mihi praesta interim, ut volupt. Sic scripsi ex Gruteri coniect. Vulgo legitur: Haec mihi praesta tu, ut voluptat. ex Pinciani et Moreli ingenio. Hanc mihi praestaturum volupt. ms. a. et ed. R. Hanc mihi praesta interim volupt. Palaeii 2, 3 et Col. cum ed. Erasmi. Schw.

EPISTOLA CX.

VANA OPBARI, VANA TIMERE: REMEDIUM A PHILOSOPHIA PETENDUM.

Salus, quam amico impertit, qua iubet eum habere mentem bonam, i. e. omnes deos propitios, ansam praebebat argumenti huic epistolae serendi atque tractandi. Nam mittere iubens maiorum persuasiones de geniiis cuique datis, deos monet habere placatos et faventes, quisquis sibi se propitiavit, et nihil gravius esse votum et imprecationem in aliquem, quam ut se habeat iratum, qui tunc et deos habuerit infestos, etiamsi fortunatus esse videatur. Omnia mutabilia. Sic meminerimus, medium tenere esse beati, sive spem sive metum respicias. Nam vana sunt, quae nobis timorem iniiciunt et spe nos implent. Itaque error, qui oculis nostris offusus est, discuti debet et potest philosophia, a qua ad sordida haec et humilia animus noster abductus vitiis inservit. Contemne igitur non solum supervacua, sed necessaria. Egregia Attali oratione haec illustrat.

SENECA LUCILIO SVO SALUTEM.

Ex Nomentano meo te saluto, et iubeo habere mentem bonam; hoc est, propitios Deos omnes; quos habet placatos et faventes, quisquis sibi se propitiavit. Sepone in praesentia, quae quibusdam placent: Vnicuique nostrum paedagogum dari Deum: non quidem

Ex Nomentano. Vide not. ad Epist. civ, i. *Ruhk.*

Iubeo habere. Sic omnes codd. et sub. edd. Antes: *iubeo te habere.* R.

Quisquis sibi se propitiavit. Int. securam habet conscientiam, nec remordetur culpam stimulo. Bene vertit *Lagrange*: *Quand on est en paix avec soi-même.*

Sepone in praesentia.... unicuique... deos. Hanc opinionem in praesens exue: scil. daemones s. genios insu-

tibus masculi generis, *Iunonem* feminis invigilare. *Ovidius* Met. I, 595. Cf. ad Ep. xiz, 2, ubi *aidas*, villium ibi praeterea iurare per Genium, quod maxime *platonis* Romanis Genia sua litantibus in deliciis erat. Inde genialis vocatur ap. *Ovul.* Met. X, 95. *Lipin*,^o qui de hoc dogmate *Stoicorum* *Physiol.* *Stoic.* I, 19, diligenter epist. laudat *Menaechmi* *Comiei* versus hosce: *Ἀπὸντι δαίμων ἀνδρὶ συμπρατατὶ Εὐδὸς γενόμε,*

ordinarium, sed hunc inferioris notae, ex eorum numero quos Ovidius ait *de plebe Deos*. Ita tamen hoc seponas volo, ut memineris, maiores nostros, qui crediderunt, Stoicos fuisse; singulis enim et Genium et Lunonem dederunt. Postea videbimus, an tantum Diis vacet, ut privatorum negotia procurarent; interrim illud scito, sive assignati sumus, sive neglecti et fortunae dati, nulli te posse imprecari quidquam gravius, quam si imprecatus fueris, ut se habeat iratum. Sed non est, quare cuiquam, quem poena putaveris dignum, optes, ut infestos Deos habeat; habet, inquam, etiam si videtur eorum cura et favore produci. Adhibe diligentiam tuam, et intueri, quid sint res nostrae, non quid vocentur; et scies plura mala contingere nobis, quam accidere. Quoties enim felicitatis et causa et initium fuit, quod *calamitas* vocabatur? Quoties magna gratulatione excepta res gradum sibi struxit in praeceps, et aliquem iam eminentem allevavit etiam nunc, tanquam ibi adhuc staret, unde tuto caderet? Sed ipsum illud cadere non habet in se mali quidquam, si exitum spectes, ultra quem natura ne-

μυσταγωγός τοῦ βίου. Stoici autem hanc de genii sententiam iam apud Hesiodum al. obviam, et omni Graeciae communem non i. 198^a aspersam sunt, quam Romani plurimaeque nationes. Vide Meoag. ad Diog. Laert. VII, 151. *Rubk.*

Postea. Non hec in epistola, sed alio fortassis tempore. Simili modo occurrit Ep. XXXVI, 10. *Rubk.*

Procurarent, a. c. R. A. Ed. e. Mut. procurant. Schw.

Assignoti. Quisque suo deo. R.

Sive neglecti. Vi urmo curam nostri gerat, Providentia nos sit. L.

Contingere... accidere. Illud pro-

prie de re laeta, hoc de re maladici solet: quamquam interdum confunduntur. Putamus, ait, nulla, quae mala videantur, bona esse et quasi ex voto ac optato oobis evenire, etc. *Rubk.*

Felicitatis et causa et initium. Prius et ignorat edd. sed latebat in verbo est, quod ibi ponunt a. c. R. A. Pal. 1, 4. Col. Schw.

Tanquam ibi adhuc staret, unde tuto caderet. Malim adhuc ibi cum a. c. A. Tum caderet non mele quidem edd. ab Er. cum Pal. 1, 3 et Col. sed verum videtur, unde tuto cadunt, quod est in a. et R. et Pal.

minem deiecit. Prope est rerum omnium terminus: prope est, inquam, et illud, unde felix eiicitur, et illud, unde infelix emittitur. Nos utraque extendimus; et longa, spe ac metu, facimus.

Sed, si sapiis, omnia humana conditione metire: simul, et quod gaudes, et quod times, contrahe. Est autem tanti, nihil diu gaudere, ne quid diu timeas. — Sed quare istuc malum astringo? — Non est, quod quidquam timendum putes. Vana sunt ista, quae nos movent, quae attonitos habent. Nemo nostrum, quid veri esset, excussit; sed metum alter alteri tradidit. Nemo ausus est ad id, quo perturbabatur, accedere, et naturam ac bonum timoris sui posse. Itaque res falsa et inanis habet adhuc fidem, quia non coarguitur. Tanti putemus oculos intendere; iam apparebit,

1, 4, ex quo etiam nota vitiosam scripturam in e. et A. unde tuto cadunt. Schw. — *Tanquam ibi adhuc staret...*, *cadere*. Int. tanquam nondum eam altitudinem attingisset, ex qua sine damno cadere non posset: ideo altius fortassis eum evehit, ut ruina eius non posset esse iunonea.

Deiecit, non deiecit, o. R. Eiecit c. A. Schw.

Rerum omnium terminus. Mors scilicet ex improvise superveniens, quae eundem terminum imponit felici atque infelici vitae.

Felix eiicitur. Invitus et reluctans abis. Lips.

Infelix emittitur. A miseris liberandus. Lips.

Sed, si sapiis... contrahe. Saepe hoc ineulcat Noster. Similia occurrunt saepe apud vet. e. c. ap. Hor. I. Carm. 4, 9, 11, 3: *Aequum memento rebus in arduis Servare mentem*, etc. Rukk.

Conditions metire. Scit. tibi ipse semper obice: si licebit, si longum erit, si eveniet. Nihil tibi promitte in alterutra aorta. Lips.

Est autem tanti, nihil diu. Sic quinque Pal. et Pine. c. ed. veti. Antea: *Est tanti, diu nihil g.* Rukk. — Bene vertit hanc sententiam Lagrange: *Il vaut mieux avoir une jouissance moins longue, et des craintes plus courtes.*

Quare istuc malum astringo. Iniquum omnino delere deberem: non est ut praecipiam ne diu timeas, sed ut omni timore omnino vacuus sis. Itaque longius procedit, et nihil esse timendum docet.

Perturbatur, a. c. A. non perturbatur. Schw.

Ac bonum timoris sui nosse. Forasan sensus est: et noscere quid boni tibi ferat id quod timeas: quod confirmat praecedentia: quoniam enim... vocabatur?

quam brevia, quam incerta, quam tuta timeantur. Talis est animorum nostrorum confusio, qualis Lucretio visa est:

*Nam veluti pueri trepidant, atque omnia caecis
In tenebris metuant; ita nos in luce timemus.*

Quid ergo? Non omni puero stultiores sumus, qui in luce timemus? Sed falsum est, Lucreti, non timeamus in luce! omnia nobis fecimus tenebras; nihil videmus, nec quid noceat, nec quid expediat: tota vita incursitamus; nec ob hoc resistimus, aut circumspectius pedem ponimus. Vides autem, quam sit furiosa res, in tenebris impetus. At, mehercules, id agimus, ut longius revocandi simus; et, quum ignoremus quo feramur, velociter tamen illo, quo intendimus, ire perseveramus.

Sed lucescere, si velimus, potest. Vno autem modo potest, si quis hanc humanorum divinorumque notitiam scientiamque acceperit; si illa se non perfuderit, sed infecerit; si eadem, quamvis sciat, retra-

Lucretio. II, 54. Eandem cogitationem persecutus est Noster Epist. IV, 2 sq. Ruhl.

Incursitamus. Lagrange vertit: *Notre vie est une course continuelle*, quasi haec vox significaret: huc et illuc vagamur incerto cursu. Interpretandum est ubique offendimus, nous faisons sans cesse des faux pas, ut sequentia nec hoc ob...circumspectius intelligantur.

Furiosa res, id est digna furioso, insensu.

Id agimus, ut longius revocandi simus. Videtur subiutelligi debere, a morte, ut vertit Lagrange: *Nous voulons apparemment que la mort nous appelle de plus loin.*

Vno autem...acceperit, i. si philosophiae se dederit. Ruhl.

Notitiam scientiamque. Sic a. A. *Nude notitiamque* edd. ab Erasmo cum Pal. quart. *Notitiam scientiam* ms. a. *Notitiam scientiam* R. Scilicet alterum ex scholio (ut videtur) iunctum; ne fortasse sic scriptam oportebat, *divinorumque scientiam acceperit*. Conf. ci iuit. Schv.

Si...se non perfuderit, i. e. leviter attigerit, sed eam perhiberet, ut ait Epist. XXXVI, 4, *metaphora desumpta de purpura, qua laeta perfunditur et inficitur, ut color maneat divinatorius et nunquam elui possit.* Ruhl. ad Tim. p. 76, ed. 2. Ruhl.

claverit, et ad se saepe retulerit; si quaesierit, quae sint bona, quae mala; quibus hoc falso sit nomen adscriptum; si quaesierit de honestis, de turpibus, de providentia. Nec intra haec humani ingenii sagacitas sistitur: prospicere et ultra mundum libet, quo feratur, unde surrexerit, in quem exitum tanta rerum velocitas properet. Ab hac divina contemplatione abductum animum in sordida et humilia pertraximus, ut avaritiae serviret, ut, relicto mundo terminisque eius, et dominis cuncta versantibus, terram rimaretur, et quaereret, quid ex illa mali effoderet, non contentus oblati. Quidquid nobis bono futurum erat, Deus et parens noster in proximo posuit. Non expectavit inquisitionem nostram, sed ultro dedit: nocitura altissime pressit. Nihil nisi de nobis queri possumus: ea, quibus periremus, nolente rerum natura et abscondente, protulimus. Addiximus animum voluptati, cui indulgere initium omnium malorum est. Tradidimus ambitioni et famae, caeteris, aequae vanis et inanibus.

Quid ergo nunc te hortor ut facias? Nihil novi; nec enim novis malis remedia quaeruntur: sed hoc primum, ut tecum ipse dispicias, quid sit necessarium, quid supervacuum. Necessaria tibi ubique occurrent: supervacua et semper, et toto animo quaerenda sunt. Non est autem quod te nimis laudes, si

Nec... sistitur. Divina quoque scrutari gestit animus. *Ruhk.*

Ultra mundum. Ultra, i. e. amplius mundum caelum considerare vult, quaerens in quem locum feratur, a quibus principiis ortos sit, etc. *Ruhk.*

Dominis cuncta versantibus. Id est. Diis caelum regentibus et sidera per vacuum currentia.

Quidquid... in proximo pressit. Similis cogitantem vide Nostrum, Ep. LXXXIX, 21 sq. xc etc. *Ruhk.*

Sed ultro dedit. Sic unus Pal. tert. Deest sed edd. et abesse poterat. Et ultro dedit habent a. c. R. A. cum al. apud Grot. Schw.

Quaerenda sunt, nempe ut procul posita, nec oculis oblata: qui sensus bene convenit superioribus senten-

contempseris aureos lectos, et gemmeam supellectilem; quae est enim virtus, supervacua contemnere? Tunc te admirare, quum contempseris necessaria. Non magnam rem facis, quod vivere sine regio apparatu potes; quod non desideras milliarios apros, nec linguas phoenicopterorum, et alia portenta luxuriae, iam tota animalia fastidientis, et certa mem-
 12 bra ex singulis eligentis. Tunc te admirabor, si non contempseris etiam sordidum panem; si tibi persuaseris, herbas, ubi necesse est, non pecori tantum, sed homini nasci; si scieris, cacumina arborum explementum esse ventris; in quem sic pretiosa congerimus, tanquam recepta servantem. Sine fastidio implendus est. Quid enim ad rem pertinet, quid ac-
 13 cipiat, perditurus quidquid acceperit? Delectant te disposita, quae terra marique capiuntur; alia eo gratiora, si recentia perferuntur ad mensam; alia, si, diu pasta et coacta pinguescere, fluunt, ac vix saginam continent suam. Delectat te nitor horum, arte

tiis: toto animo quaerenda sunt, quia ad illa obtinenda sudatur, semper quaerenda sunt, quia non satiasi potest cupiditas.

Gemmeam supellectilem, ut pocula, gemmas anaglyphas et ectypas, quibus annuli aliaeque res distinguantur et ornabantur. R.

Milliarios apros, saginatos, grandes, mille librarum. In Poliorceticis de hoc luxu affatim dixi. L.

Phoenicopterorum, avium pretiosorum, at nobis parum cognitarum. Rukh.—Apicio indice, eximii saporis. Vide Martial. Epigramma LXXI, lib. XIII. Suetonium Vitellio, cap. 12. Lips.

Si saporis... ventris. Cogitasse videtur de Diogene Sinopenai, quem

ut Cynicum Staici magni fecere et ad imitandum sibi proposuerunt. Eum autem ab omnibus desertum summas foliorum extremitates manducasse narrat Aelian. V. H. 13, 26. Vetustissimum hunc fuisse cibum hominibus ante glandes repertas putat Ovid. Fast. IV, 393. Cf. de Ira III, 10, 2. Rukh.

Sine fastidio implendas est. Int. non fastidiosas esse debes in illo implendo: ut vertit Lagrange: *Il ne faut pas tant de délicatesse pour le remplir*.

Nitor. Ita multi codd. At Muretus et Pinc. mas. *nidor*: reiecit Gruter., quum non de sacrificio, sed de palato loquatur Seneca. At utrumque defendi potest: nitor special ad

quaesitus. At, mehercules, ista sollicite scrutata varietate condita, quum subierint ventrem, una atque eadem foeditas occupabit. Vis ciborum voluptatem contemnere? exitum specta.

Attalum memini cum magna admiratione omnium haec dicere: «Diu mihi, inquit, imposuere divitiae: stupebam, ubi aliquid ex illis alio atque alio loco fulserat; existimabam similia esse, quae laterent, his quae ostenderentur. Sed in quodam apparatu vidi totas opes Urbis, caelatas et auro et argento, et his quae pretium auri argentique vicerunt; exquisitos colores, et vestes, ultra non tantum nostrum, sed ultra finem hostium advectas: hinc puerorum perspicuos cultu atque forma greges, hinc feminarum; et alia, quae, res suas recognoscens, summi imperii fortuna protulerat. Quid hoc est, inquam, aliud, quam irritare cupiditates hominum per se incitatas? Quid sibi vult ista pecuniae pompa? Ad descendam avaritiam convenimus. At, mehercules, minus cupiditatis istinc effero, quam attuleram. Contempsi divitias, non, quia supervacuae, sed quia pusillae sunt. Vidi-
sti-ne, quam intra paucas horas ille ordo, quamvis lentus dispositusque, transierit? Hoc totam vitam no-

pinguedinem, nidor ad odorem. *R.*

Attalum. Vide Epistolam cxi, ubi narrat Seneca se eius philosophi frequentissimum fuisse auditorem.

Sed in quodam apparatu. De spectaculi publici pompa, e. c. epuli publici, quae memorat Cicero in Vatin. c. 13, aut triumphi intelligere malim, quam de Pompa circensi, quam Lipsius praefert. Nam in hac nunquam *feminarum* mentio iniicitur, e. c. apud Dionys. Halic. VII, p. 475 sqq. hac eam locum

esse potuit. In illa contra pompa et divitiarum copia et puerorum feminarumque servilium ordo, i. series lente incedens dispositaque conspiciebatur. *Ruhk.*

Totas opes Urbis, i. suppellectilem variam ex auro argentoque. *R.*

Caelatas et auro et arg. Sic libri vall. non ex auro. *Schew.*

Et his... vicerunt, i. gemmis, nationibus compositam et distinctam, hac enim vi laxiore *to caelare* in usu erat. Cf. Ep. *xxxv*, 10, not. *Ruhk.*

stram occupabit, quod totum diem occupare non po-
 16 tuit? Accessit illud quoque: tam supervacuae mihi visae
 sunt habentibus, quam fuerunt spectantibus. Hoc
 itaque ipse mihi dico, quoties tale aliquid praestrin-
 xerit oculos meos, quoties occurrit domus splendida,
 cohors culta servorum, lectica formosis imposita ca-
 lonibus: « Quid miraris? quid stupes? Pompa est!
 » Ostenduntur istae res, non possidentur; et, dum
 » placent, transeunt. Ad veras potius te converte di-
 » vitias; discere parvo esse contentus; et illam vocem
 » magnus atque animosus exclama: Habemus aquam,
 17 » habemus polentam; Iovi ipsi de felicitate contro-
 » versiam faciamus! » — Faciamus, oro te, etiam si
 ista defuerint! Turpe est, beatam vitam in auro et
 argento reponere: aequae turpe, in aqua et polen-
 ta. — Quid ergo faciam, si ista non fuerint? —
 Quaeris, quod sit remedium inopiae? Famem fames
 finit. Alioquin, quid interest, magna sint, an exigua,

Occupabit commode edd. a Mur. *Occupavit* quidem praefereunt vet. libri omnes; sed iidem saepius litteras *b* et *v* perperam inter se permutant. Schw.

Fuerunt, non *fuerant* a. c. R. A. *Iidemque* ead. lines *ipsae mihi*, non *ipsi mihi*. Schw.

Cohors culta servorum. Ad multitudinem respicit: et bene item *cohors*, quia militari habitu erant, ut Epist. XLVII, 5. Ruhn.

Calonibus, servis. Nam Scholiastae veteri ad Horat. Serm. I, 2, 44 *calones* notanti sunt *ministri militum, liberi homines*, nullam habeo fidem propter Festum et Nonium I, 310. Ruhn. — *Calones* a Seneca vocantur quos alio loco *lecticarios* appellat: si credimus Pignorio, ver-

bum illud *calones* illis datum quod ligna seu anteres lecticae portarent: καλόν enim lignum est, inquit Festus et Isidorus: reperis in Lucilio: *scinde puer calam*, ut etiam. Lecticae illae ferri solebant a sex et aliquando ab octo servis: inde Iuvenal. Sat. 3, v. 64: *quum iam sexta oervice feratur*.

Habemus aquam, habemus polentam. Sic Commodius ma. a. quam *habeamus*. *habeamus* edd. cum aliis. Schw. — Sunt Epicuri verba. Cf. ad Ep. xgv, 4, ubi graeca verba a Seneca h. l. in latinum sermonem conversa a Stobaeo florilag. 17, p. 343 apposui, et ea emendationis, quam Schowius ediderat. Ruhn.

Famem fames finit morte.

quae servire te cogunt? quid refert, quantum sit, quod tibi possit negare fortuna? Haec ipsa aqua et ⁴⁸ polenta in alienum arbitrium cadit; liber est autem non in quem parum licet fortunae, sed in quem nihil. Ita est! nihil desideres oportet, si vis Iovem provocare nihil desiderantem.» — Haec nobis Attalus dixit: natura dixit omnibus. Quae si voles frequenter cogitare, id ages, ut sis felix, non ut videaris; et ut tibi videaris, non aliis. Vale.

Natura dixit omnibus. Sic ed. Er. ex R. cum Pal. 1, 4. *Natura omnibus dixit, c. A.* Pal. 2, 3, et optimas cod. Pinc. idque verum erat: inde

accidit, ut tria verba omitterentur in ma. a. *Dixit abiecit* Mut. *Natura omnibus edixit* edd. a Lips. nullo suffragante vetere libro. *Schw.*

EPISTOLA CXI.

SOPHISMATIBVS VERAM OPPONIT PHILOSOPHIAM.

Monet amicum, qui quaesiverat, quid vocentur latine sophismata, ut sophismata, i. e. cavillationes devitet, quippe ad vitam nihil proficientes, tanquam vanam et humilem philosophiam, sed veram illam sequatur et in remedium suum et veram magnitudinem exerceat. Cf. Ep. XLV.

SENeca LVCILIO SVTO SALVTEN.

Quid vocentur Latine *sophismata*, quaesisti a me. — Multi tentaverunt illis nomen imponere, nullum haesit; videlicet, quia res ipsa non recipiebatur a nobis,

Sophismata. Duplici sensu haec vox in usu erat apud Graecos, quum rhetoribus significaret nimiam artis rhetoricae affectationem, adeoque molestam putidamque orationis accura-

tionem philosophia vero sive dialectica fallacias et callida concludendi artificia. Cf. Ernesti Lexicon rhet. gr. voce *Zopisquata*, et lat. voce *Cavillatio*. *Ruhk.*

nec in usu erat, nomini quoque repugnatum est. Ap-
tissimum tamen videtur mihi, quo Cicero usus est:
cavillationes vocat; quibus quisquis se tradidit, quae-
stiunculas quidem vafras nectit, caeterum ad vitam
nihil proficit, neque fortior fit, neque temperantior,
neque elatior. At ille, qui Philosophiam in remedium
suum exercuit, ingens fit animo, plenus fiduciae,
2 inexsuperabilis, et maior adeunti. Quod in magnis
evenit montibus, quorum proceritas minus apparet
longe intuentibus; quum accesseris, tunc manifestum
fit, quam in arduo summa sint: talis est, mi Lucili,
verus, et rebus, non artificiis, Philosophus. In edito
3 stat, admirabilis, celsus, magnitudinis verae. Non
exsurgit in plantas, nec summis ambulat digitis, eo-
rum more, qui mendacio staturam adiuvant, longio-
resque, quam sunt, videri volunt: contentus est ma-
gnitudine sua. Quidni contentus sit eo usque crevis-
se, quo manum fortuna non porrigit? Ergo et supra
humana est, et par sibi in omni statu rerum, sive
secundo cursu vita procedit, sive fluctuatur per ad-
4 versa ac difficilia. Hanc constantiam cavillationes istae,
de quibus paulo ante loquebar, praestare non possunt.

Cicero Acad. priorum lib. II, § 75, explicat sophismata per fallaces conclusiunculas: locus vero, ubi per *cavillationes* explicavit, intercidit. Noster in Ep. XLV, 4 sq. de his cavillationibus s. captionibus quas § 8 vocat, agit. Nominantur sophismata pleraque a Diog. Laërt. VII, 76, ubi vid. Menagius. Ruhk.

Quaestiunculas, i. captiosas, interrogatiunculas, conclusiunculas. R.

Maiores adeunti. Int. maior videtur, quum illum prope inspexeris: qui contra magni a populo vocantur, pusilli sunt, si illos introspecias.

Non exsurgit... volunt. Animo Seneca hic observata fuisse videtur Prodicii notissima descriptio virtutis et vitii inter ac certantium apud Xenophontem, Memor. Socrat. II, 1, 22. Ruhk.

Et par sibi, a. e. A. Abest et edd. ex R. Schw.

Sive secundo cursu. Est facilitas, quam noster Ep. CXI, 12 illam beatam vitam secundo fluentem cursu vocat, εὐπαιαν, εὐχολίαν. De Sapiente Stoico b. I. agi, per se patet. Ruhk.

Fluctuatur per adversa. Ed. Et. ex

Ludit istis animus, non proficit; et Philosophiam a fastigio suo deducit in planum. Nec te prohibuerim aliquando ista agere; sed tunc, quum voles nihil agere. Hoc tamen habent in se pessimum: dulcedinem quamdam sui faciunt, et animum specie subtilitatis inductum tenent ac morantur; quum tanta rerum moles vocet, quum vix tota vita sufficiat, ut hoc unum discas, vitam contemnere. — Quid regere? inquis. — Secundum opus est: nam nemo illam bene rexit, nisi qui contempserat. Vale.

R. et Schw. ex a. c. A. Pal. 1, 4, fluctuatur, et per, etc. Ac poterit et pro etiam accipi. Sed, abiecta particula, anteposenda est lectio fluctuatur, per adversa cum add. a Lips. ex Pinciani codd. et Palatinis 2, 3 et Col.

Fastigio suo. Posteriores vocam adieci ex ms. a. Schw.

Morantur, non remorantur a. c. R. A. Schw.

Voces restitui ex vet. libris, quibus invitis vacet edebatur, inde a Mur. Schw.

Quid regere? L. c. Quid dicas de regere. Nonne multo difficilius est, et maiores conatus requirit.

EPISTOLA CXII.

Desperat de quodam Lucilii amico reformando, vetere annorum et vitiorum, vitis exemplo allato.

SENeca LYCeliO SVO SALUTem.

Cupio, mehercules, amicum tuum formari, ut consideras, et institui: sed valde durus capitur; imo potius, quod est molestius, valde mollis capitur, et consuetudine mala ac diutina fractus. Volo tibi ex nostro

Falo tibi ex nostro artificio... referre. Nam ipse Seneca cultor horti

studiosus erat ut vinearum, et videre licet ex ipsius verbis, Ep. civ.

artificio exemplum referre. Non quaelibet insitionem vitis patitur: si vetus et exesa est, si infirma gracilisque, aut non recipiet surculum, aut non alet, nec applicabit sibi, nec in qualitatem eius naturamque transibit. Itaque solēmus supra terram praecidere, ut, si non responderit; tentari possit secunda fortuna, et iterum repetita infra terram inseratur. Hic, de quo scribis et mandas, non habet vires: indulsit vitis; simul et emarcuit, et induruit. Non potest recipere rationem, non potest nutrire. — At cupit ipse. — Noli credere! Non dico illum mentiri tibi, putat se cupere. Stomachum illi fecit luxuria; cito tamen cum illa redibit in gratiam. — Sed dicit se offendi vita sua. — Non negaverim: quis enim non offenditur? Homines vitam suam et amant simul, et oderunt. Tunc itaque de illo feremus sententiam, quum fidem nobis fecerit, invisam iam sibi esse luxuriam; nunc illis maleconvenit. Vale.

Nec in qualitatem...transibit. Non in se accipiet qualitatem, id est suc-
cos iusitivi rami; non eius adoptabit
naturam.

Responderit edd. ex R. *Respondit*
a, c. A. Schw.

At cupit ipse, supplet: *rationem*

recipere, etc.

Stomachum illi fecit luxuria. Iram
et fastidium illi movit.

Nunc illis maleconvenit. Iut. nunc
male se habet cum luxuria. Non il-
lam odit; cuius tantummodo mo-
menti habet cum illa iurgium.

EPISTOLA CXIII.

AN VIRTUTES SINT ANIMALIA: HAS SPERNENDAS ESSE
DISPUTATIONES.

Ad quaestionem, quam in Epistola CVI iam tractare coeperat, recurrit: an virtutes sint Animalia? Qua quidem Stoice explicata et asserta, se in alia esse sententia profitetur, et illam refutat, docetque, quantopere haec sint ridicula, et a vera virtute, atque a via quae nos ad illam adducat, abhorreant. Ita occasione oblata utitur sinceram philosophiae rationem viamque monstrandi. Cf. Argumentum Ep. CVI.

SENECA LUCILIO SVO SALUTEM.

Desideras tibi scribi a me, quid sentiam de hac quaestione iactata apud nostros: « An Iustitia, an Fortitudo, Prudentia, caeteraeque Virtutes, animalia sint? Hac subtilitate efficimus, Lucili carissime, ut exercere ingenium inter irrita videamur, et disputationibus nihil profuturis otium terere. Faciam, quod desideras; et, quid nostris videatur, exponam. Sed me in alia esse sententia profiteor. Puto quaedam esse, quae deceant phaecasiatum palliatumque. Quae sint² ergo, quae antiquos moverint, dicam.

Deceant dadas a. c. A. Vulgo docent: ex R. Schw.

Phaecas.... palliatumque. Id est, Graecum et quidem philosophum: hos enim palliatis fuisse et phaecasia, laxe et vile calcenienti genus, passasse constat. Cf. Sémac. de Bernf. VII, 21. Alias et sacerdotum fuit calcena: Appian. B. C. 5, 17. Leve genus calcei fuisse docet Plotarchi vita Anton. c. 33. Cf. Balduinus de Calceo antiquo 29, p. 170 sq.

(Ludg. B. 1711, 8.) Lipsius haec verba, quae recte sana habet, sic interpretatur: Ego aliud sentio, nec Graecis illis Stoicis assentio, quare? decore quaedam illi, homines concessu omnium arguti et scholastici, quae nos minime, Romani et graves, at serio philosophi. Lipsius itaque putat, tales argutias Graecis Stoicis condonandas esse, Romanis non item.

-Ruhk.

Quae antiquos moverint. Nil mu-

« Animum constat animal esse, quum ipse efficiat ut simus animalia, et quum ab illo animalia nomen hoc traxerint; virtus autem nihil aliud est, quam animus quodam modo se habens: ergo animal est. Deinde: Virtus agit aliquid; agi autem nihil sine impetu potest: si impetum habet, qui nulli est nisi animali, animal est.— Si animal est, inquit, virtus, habet ipsa virtutem.— Quidni habeat se ipsam? Quomodo Sapiens omnia per virtutem gerit, sic virtus per se.— Ergo, inquit, et omnes artes animalia sunt, et omnia, quae cogitamus, quaeque mente complectimur. Sequitur ut multa millia animalium habitent in his angustiis pectoris, et singuli multa simus animalia, aut multa habeamus animalia.— Quaeris, quid adversus istuc respondeatur? Vnaquaeque ex istis res animal erit, multa animalia non erunt. Quare? Dicam, si mihi accommodaveris subtilitatem et intentionem tuam. Singula animalia singulas debent habere substantias; ista omnia unum animus habent: itaque singula esse possunt, multa esse non possunt. Ego et animal sum et homo, non tamen duos esse [nos] dices. Qua-

tent libri, sed in ms. a. in ipso contextu, simul cum ista lectione, laudatur alia his verbis, *vel, quae sint quae antiqui moverint.* Schw.

Et quum ab illo... traxerint. Haec secunda causa ex etymologia desumpta parum valet. Sed Stoicos in hisce deductionibus sibi placuisse saepius vidimus. Ruhk.

Qui nulli est, nisi animali. Int. impetu quo nullum praeditum est, nisi animal.

Habet ipsa virtutem. Quidni habeat se ipsam? Sic a. c. A. Vulgo habet ipsam virtutem. Quidni? habet se ipsam edd. ex R. Schw.

Inquit. Adversarius. Quinam autem fuerint, Peripatetici, an Academici, an Epicurei, dicere non habemus: nam nonnisi e Senecae Epp. has argutias compertas habemus. R.

Adversus istuc ms. a. Istud ms. c. Istud vulgo cum ed. A. In R. prorsus corruptus locus. Schw.

Si mihi accommodaveris... tuam. Si vis uti in me sodiando omni subtilitate ingenii tui atque omni attentione tua.

Duos esse (nos) dices. Abest nos ms. c. et nui probo cod. Pinc. et aberrat editis, expunctum a Nor. nec ita male; nam videtur utique ex

re? Quia separati debent esse; ita dico, alter ab altero debet esse diductus, ut duo sint. Quidquid in uno multiplex est, sub unam naturam cadit: itaque unum est. Et animus meus animal est, et ego animal sum; duo tamen non sumus. Quare? quia animus mei pars est. Tunc aliquid per se numerabitur, quum per se stabit; ubi vero alterius membrum erit, non poterit videri aliud. Quare? Dicam: quia, quod aliud est, suum oportet esse, et proprium, et totum, et intra se absolutum.»

Ego in alia esse me sententia professus sum. Non enim tantum virtutes animalia erunt, si hoc recipitur; sed opposita quoque illis vitia et affectus, tanquam ira, timor, luctus, suspicio. Ultra res ista procedet: omnes sententiae, omnes cogitationes animalia erunt; quod nullo modo recipiendum est. Non enim, quidquid ab homine fit, homo est. — Iustitia quid est? inquit. Animus quodammodo se habens. Itaque, si animus animal est, et iustitia. — Minime! haec enim habitus animi est, et quaedam vis. Idem animus in varias figuras convertitur, et non toties animal aliud est, quoties aliud facit; nec illud, quod fit ab animo, animal est. Si iustitia animal est, si fortitudo, si caeterae virtutes; utrum desinunt animalia esse subinde, ac rursus incipiunt, an semper sunt? Desinere virtutes non possunt. Ergo multa animalia, imo innumerabilia in hoc animo versantur. — Non sunt,

scholio inductum. *Duos esse nos* dices habet ms. a. cum ed. A. et Pol. 2, 3. Col. Alii, *duos esse dices nos*, cum R. Alius rursus apud Gent. *nos dices duos*, Schw.

Quidquid in uno Sic ms. a. In unum c. R. A. *Quidquid unum* edd. • Mar. Schw.

Cadit, non cadet, a. c. R. A. Schw.

Utrum subinde. Quum animus noster fortitudinem iam non exerceat, sed quiescat, utrum illud animal quod est fortitudo desinat interire esse, ita ut animal illud renascatur, quando rursus fortitudinem exercebit animus;

inquit, multa; quia ex uno religata sunt, et partes
⁸ unius ac membra sunt. — Talem ergo faciem animi
 nobis proponimus, qualis est hydrae, multa habentis
 capita, quorum unumquodque per se pugnat, per
 se nocet. Atqui nullum ex illis capitibus animal est,
 sed animalis caput; caeterum ipsa unum animal est.
 Nemo in Chimaera leonem animal esse dixit, aut dra-
 conem: hae partes erant eius: partes autem non sunt
 animalia. Quid est, quo colligas, iustitiam animal
 esse? — Agit, inquit, aliquid, et prodest; quod au-
⁹ tem agit aliquid et prodest, impetum habet: quod
 autem impetum habet, animal est. — Verum est, si
 suum impetum habet; suum autem non habet, sed
 animi. Omne animal, donec moriatur, id est, quod
 coepit: homo, donec moriatur, homo est; equus,
 equus; canis, canis; transire in aliud non potest.
¹⁰ Iustitia, id est, animus quodammodo se habens, ani-
 mal est! Credamus. Deinde, animal est fortitudo, id
 est, animus quodammodo se habens! Quis animus!
 ille qui modo iustitia erat? Tenetur in priore ani-
 mali; in aliud animal transire ei non licet: in eo
 illi, in quo primum esse coepit, perseverandum est.
 Praeterea, unus animus duorum esse animalium non

an potius vel quando cum animus
 non exercet, semper remanet?

Hydrae. Lernaese, quam Her-
 cules, a Stoicis tantis aestimatus, pre-
 liatus est: interfecit eam. Cf. Apol-
 lod. II, 5, 2 ibique Heynius. Ruhl.

Pugnat... nocet, a. c. R. A. non
 pugnet... nocet. Schw.

Chimaera. Fabulosa bellus a Bel-
 lerophonte occisa: apud Homerum
 tricolor erat, capita leonis, media
 parte caper, cauda draco s. serpens.
 Cf. Iliad. lib. 6, 168, 9. Apollodor.

lib. II, 3, 1 ibique Heynius. Ruhl.

Partes autem. Sic a. c. A. Eius,
 pro autem, habet R. Vtrumque vulgo
 abiectum a Mur. Schw.

Equus, equus; canis, canis. Sic c.
 A. cum Plac. et Grut. quae sensus
 ac scriptura videtur. Perperam node
 equus, canis, ms. a. et ed. R. Ex quo
 sensus auctoritate Muretus fecit equus
 item et canis. Schw.

Transire in. Ita optimi eodd. Mu-
 retus iovebat nullius libri sensu:
 transire enim in. Ruhl.

potest, multo minus plurium. Si iustitia, fortitudo, temperantia, caeteraeque virtutes animalia sunt, quomodo unum animum habebunt? Singulos habeant oportet, aut non sunt animalia. Non potest unum corpus plurium animalium esse; hoc et ipsi fatentur. Iustitiae quod est corpus? animus. Quid? fortitudinis quod est corpus? idem animus. Atqui unum corpus esse duorum animalium non potest. — Sed idem animus, inquit, iustitiae habitum induit, et fortitudinis, et temperantiae. — Hoc fieri posset, si, quo tempore iustitia est, fortitudo non esset; quo tempore fortitudo est, temperantia non esset. Nunc vero omnes virtutes simul sunt. Ita quomodo singula erunt animalia, quum unus animus sit, qui plus, quam unum animal, non potest facere? Denique nullum animal pars est alterius animalis; iustitia autem pars est animi: non est ergo animal.

Videor mihi in re confessa perdere operam. Magis enim indignandum de isto, quam disputandum est. Nullum animal alterius pars est. Circumspice omnium corpora; nulli non et color proprius est, et figura sua, et magnitudo. Inter caetera, propter quae mirabile divini artificis ingenium est, hoc quoque existimo esse, quod in tanta copia rerum nunquam in

Quid? fortitudinis, etc. Sic a. et R. Abest Quid? c. A. et vulgo edd. Schw.

Quo tempore iustitia est. Sic recte ms. a. non esset, ut alii. Inde postea correxi, *quo tempore fortitudo est*, ubi perperam esset dabant omnes. Schw.

Inter caetera, propter, etc. Pulcherrima vota: et certe mira divini artificis vis et ingenium; qui tot varia, et ipsa paria disparia fecit. Inter

tot millies millenos homines, qui duo vultu vudique assimulant? tale in aliis, mirandum, stupendum, divinum. Lips. — Vides hic principium indiscernibilium, diu post a Leibnitio nostro egregie explicatum, iam a Seneca occupatum. Docuit quoque Plin. N. H. VII, 1 et alii, nisi fallor et Aristoteles. Rahl.

Existimo esse, quod in tanta, etc. Abest vulgo esse; sed in veteribus libris scribitur et quod, ubi et ex

idem incidit: etiam quae similia videntur, quum contuleris, diversa sunt. Tot fecit genera foliorum, nullum non sua proprietate signatum: tot animalia; nulli similitudo cum altero convenit, utique aliquid interest. Exegit a se, ut, quae alia erant, et dissimilia
 14 essent, et imparia. Virtutes omnes, ut dicitis, pares sunt: ergo non sunt animalia. Nullum non animal per se aliquid agit: virtus autem per se nihil agit, sed cum homine. Omnia animalia aut rationalia sunt, ut homines, ut Dii; aut irrationalia, ut ferae, ut pecora: virtutes utique rationales sunt; atqui nec homines sunt, nec Dii: ergo non sunt animalia. Omne rationale animal nihil agit, nisi primum specie alicuius rei irritatum est, deinde impetum cepit, deinde assensio confirmavit hunc impetum. Quid sit assensio,
 15 dicam. Oportet me ambulare: tunc demum ambulo, quum hoc mihi dixi, et approbavi hanc opinionem meam. Oportet me sedere; tunc demum sedeo. Haec assensio in virtute non est. Puta enim prudentiam

esse corruptum indicavi cum Pinciano. Schw.

Nulli magnitudo cum altero convenit) Nullius magnitudo magno consensu debent a. c. A. et Pinciani Gruterique codices. Quod quidem quum parum probabile sit ita scriptum a Seneca fuisse, utique repositum velim id quod vulgo editum erat, nulli similitudo, etc. quod ex ingenio quidem Erasmi erat profectum, sed haud obscure admodum latebat sub eo quod ed. R. dederat nullius multitudo, quam scripturam etiam Gruterus in non ex Palatinis invenerat. Schw.—Lipsius con. nullus imagini, puto, cum. Trillerus in Obs. crit. p. 94 emend. nullius imago tota cum. qui ad sententiam

laudat Plin. Nat. Hist. VII. 1. R.

Pt homines, ut Dii. Possis suspicari, legendum esse aut homines, aut Dii, non ut... ut: sed quum non nisi homines diuina sub hanc regulam cadant, non hoc opus est. R.

Pt ferae. Duo verba, quae decerant vulgo, ex mastis adieci. Schw.

Nisi primum specie... impetum... assensio. Stoica ex disciplina haec petita sunt: species, $\pi\rho\omega\tau\alpha\iota\alpha$: primum quancumque rei extrinseca obiectam animo speciem aequatur $\acute{\alpha}\rho\mu\eta$, motus, vel impetus primus, quo aliquid concupiscimus: deinde est $\delta\acute{\epsilon}\lambda\eta$, vel $\iota\mu\acute{\omicron}\lambda\eta\psi\iota\varsigma$, assensio; quae rem bonam vel malam esse indicat. Tiedemann System d. st. Ph.

esse; quomodo assentietur « Oportet me ambulare? ». Hoc natura non recipit: prudentia enim ei, cuius est, prospicit, non sibi. Nam nec ambulare potest, nec sedere; ergo assensionem non habet: quod assensionem non habet, rationale animal non est. Virtus si animal est, rationale est: rationale autem non est: ergo nec animal. Si virtus animal est; virtus autem bonum [omne] est: omne bonum animal est. Hoc nostri fatentur. Patrem servare, bonum est; et sententiam prudenter in senatu dicere, bonum est; et iuste decernere, bonum est: ergo et patrem servare animal est; et prudenter sententiam dicere, animal est. Eo usque res excedet, ut risum tenere non possis. Prudenter tacere, bonum est; coenare bene, bonum est: ita et tacere et coenare animal est!

III, 5 sqq. Heynius ad Epictet. I, 1. Rubk.

Putat enim prudentiam esse. Sic omnes edd. et multi codd. recte, probante Gronovio. Alii: *Putat enim prudentiam animal esse.* *Putat enim prudentiam esse* scilicet in qua exemplum tentare velimus. Ponamus prudentiam: faciamus periculum in prudentia. Gron.

Quum assent. (supple dicendo): oportet me ambulare.

Recipit. Erasmi. et tres Pal. et Pinc. et alii codd. *praecipit*: unde Lipsius conj. *hoc natura non praecipit? Hoc natura non recipit.* int. sibi non arrogat ut iubeat, sed prudentia facit hoc. Rubk. — Proorsa obscura est Rubk. interpretatio; sensus tamen patet: non naturale est prudentiam dicere oportet me ambulare; nam non sibi consulit prudentia, sed homini: non ipsa prudentia ambulatura est: non dicit ergo oportet me ambulare.

Rationale autem non est. Pugnare hoc videtur potest cum eo quod pag. sup. § 14 siebat, *virtutes aliquae rationales sunt*: et non pugnat, nam h. l. ex superiore lin. intelligitur hoc dici, *rationale animal autem non est.* Schw.

Virtus autem bonum (omne) est. Vulgo unde, *virtus autem bonum est*, edd. ex R. Quo posito, non valebit consequentia ista, *omne bonum animal est.* Multo vero magis vitiosum videtur id, quia a. e. d. habent, *virtus autem non bonum est*: et ibi non ex voce omne compendiose scripta ortum suspicatas erant, et minor propositio (quam dicunt dialectici) haec esset *virtus autem omne bonum est*; ubi subiectum (quod vocatus) propositionis intelligi debet omne bonum, praedicatum vero *virtus.* Schw.

Prudenter sententiam dicere. Temere omissa vulgo erat media vox. Schw.

- 17 Ego, mehercules, titillare non desinam, et ludos mihi ex istis subtilibus ineptiis facere. Iustitia et fortitudo, si animalia sunt, certe terrestria sunt. Omne animal terrestre alget, esurit, sitit; ergo iustitia alget, fortitudo esurit, sitit clementia. Quid porro? non interrogabo illos, quam figuram habeant ista animalia? hominis, an equi, an ferae? Si rotundam illis, qualem Deo, dederint formam, quaeram, an et avaritia, et luxuria, et dementia aequae rotundae sint? sunt enim et ipsae animalia. Si has quoque corrotundaverint, etiam nunc interrogabo, an prudens ambulatio animal sit. Necesse est confiteantur; deinde dicant, ambulationem animal esse, et quidem rotundum. Ne putes autem, me primum ex nostris, non ex praescripto loqui, sed meae sententiae esse: inter Cleanthem et discipulum eius Chrysippum, non convenit, quid sit ambulatio. Cleanthes ait, spiritum esse a principali usque in pedes permissum; Chrysippus, ipsum principale. Quid est ergo, cur non ipsius Chrysippi exemplo sibi quisque se vindicet, et ista tot animalia, quot mundus ipse non potest capere, derideat?

Non sunt, inquit, virtutes multa animalia, et tamen animalia sunt. Nam, quemadmodum aliquis et poeta est, et orator, et tamen unus; sic virtutes istae animalia sunt, sed multa non sunt. Idem est animus, et animus iustus et prudens et fortis; ad singulas vir-

Prudenter tacere, bonum est: coenare bene, bonum est. Sic. codd. Pinc. et Grut. Muretus proprio Marte fecit prudenter tacere, et coenare bene b. e. Ruhk.

Si rotundam illis, qualem Deo. Nempe Mundo, qui Stoicorum secundarius deus. Lips.

Non ex praescripto loqui. Intell. nullius sequi magistri praeccepta.

Cleanthes... principale. Laudat Lips. Seneca Ep. xcii et suam Physiolog. stoic. III, 17 et 18. Ruhk.

Et animus iustus. Repetitur h. l. vocab. animus non aderat vulgo, sed dederunt veteres libri. Schw.

tutes quodammodo se habens. — Sublata est quaestio; convenit nobis. Nam et ego interim fateor, animum²⁰ animal esse; postea visurus, quam de ista re sententiam feram; actiones eius animalia esse nego. Alioquin et omnia verba erunt animalia, et omnes versus. Nam, si prudens sermo bonum est, bonum autem omne animal est; sermo ergo animal est. Prudens versus, bonum est, bonum autem omne animal est: versus ergo animal est. Ita,

Arma virumque cano,

animal est; quod non possunt rotundum dicere, quum sex pedes habeat. — Textorium, inquis, totum²¹ mehercules istud est, quod quum maxime agitur. Dissilio risu, quum mihi propono, soloecismum animal esse, et barbarismum, et syllogismum, et aptas illis facies, tanquam pictor, assigno.

Haec disputamus, attractis superciliis, fronte rugosa. Non possum hoc loco dicere illud Caecilianum, «O tristes ineptias!» — Ridiculae sunt. Quin itaque potius aliquid utile nobis ac salutare tractamus, et quaerimus, quomodo ad virtutes venire possimus, quae nos ad illas via adducat. Doce me, non, an fortitudo animal sit; sed, nullum animal felix esse sine fortitudine, nisi contra fortuita convaluit, et omnes

Sublata est quaestio. Duo verba, est quaestio, sive ipsa ad sensum necessaria, sive his similia, desunt a. e. R. A. ab Erasmo (an coniect. an e veteri libro?) adiecta. Schw.

Ita cum me, a. scripsi. Vulgo *Itaque*. Schw.

Textorium. Quod texas, relexas, implices et solvas. Ruhk.

Caecilianum. Stat. Caecilius, comicus, Ennii amicus et libertus Caec-

cilii cuiusdam: e comordia veteri multa dramata, imprimis Menandri, vertit in latinum sermonem. Synephebi eius celeberrima comoedia erat. Omnia praeter fragmenta quaedam, interciderunt. Cf. A. Gellii N. A. IV, 20. II, 23. Cicero passim. Ruhk.

O tristes ineptias. Muretus sequentes versus laudat e Martiali: *Tuippe est difficile habere nugae, Et stultus labor est ineptiarum.* Ruhk.

casus, antequam exciperet, meditando praedomuit. Quid est fortitudo? munimentum humanae imbecillitatis inexpugnabile; quod qui circumdedit sibi, securus in hac vitae obsidione perdurat: utitur enim suis viribus, suis telis. Hoc loco tibi Posidonii nostri referre sententiam volo: « Non est, quod unquam fortunae armis putes esse te tutum: tuis pugna contra
 23 ipsam. Fortuna non armat. Itaque contra hostes instructi, contra ipsam inermes sunt. » Alexander quidem Persas, et Hyrcanos, et Indos, et quidquid gentium usque in Oceanum extendit Oriens, vastabat, fugabatque; sed ipse, modo occiso amico, modo amisso, iacebat in tenebris, alias scelus, alias desiderium suum moerens: victor tot regum atque populorum, irae tristitiaque succubuit: id enim egerat, ut
 24 omnia potius haberet in potestate, quam affectus. O quam magnis homines tenentur erroribus, qui ius dominandi trans maria cupiunt permittere; felicissimosque se iudicant, si multas per milites provincias obtinent, et novas veteribus adiungunt; ignari, quod sit illud ingens parque Diis regnum! Imperare sibi, maximum imperium est. Doceat me, quam sacra res

Fortuna non armat. Sic commode ms. a. Locum in omnibus exemplaribus corruptum se reperisse ait Pinclanus. Vulgo *Fortuita non armant* ex Mureli ingenio. S. — Int. quancumque potentiam nobis circumdet fortuna, nobis arma non praebet, nec ne timeamus prohibet: nam, ut ostendit Noster, Alexander ipso inermis erat contra tristitiam suam: arma sunt virtutes quae nos fortēs faciant in propellendis vitiis, et fortibus contemnuendis.

Modo occiso amico. Clyto, quem inter potentia clipeus gladio transfodit.

Modo amisso. Hephaestione. De lactu immenso Alexandri vide Quint. Curt. lib. X, cap. 4.

Si multas per milites provincias obtinent. Sic tacite primus (sua, puto, de coniectura) edidit Erasmus, quem secuti sunt omnes. *Pro milite* scribitur in a. e. R. A. Miror ni pariter alii libri dederint, licet e suis nil notaverit vel Pinc. vel Groterus. S.

Doceat (supple: aliquis, sapiens) communi consensu tenent multi et editi. *Doceas* unus edidit Ruhk. necessarium esse emendationem existimans, quia haud multo ante § 22,

sit iustitia, alienum bonum spectans; nihil ex se petens, nisi usum sui. Nihil sit illi cum ambitione fama-que; sibi placeat! Hoc ante omnia sibi quisque persuadeat: Me iustum esse gratis oportet! Parum est! adhuc illud persuadeat sibi: Me in hanc pulcherri-²⁵ mam virtutem ultro etiam impendere iuvet; tota cogitatio a privatis commodis quam longissime aversa sit! Non est quod spectes, quod sit iustae rei praemium maius, quam iustam esse. Illud adhuc tibi affige, quod paulo ante dicebam: Nihil ad rem pertinere, quam multi aequitatem tuam noyerint. Qui virtutem suam publicari vult, non virtuti laborat, sed gloriae. Non vis esse iustus sine gloria? At, mehercules, saepe iustus esse debebis cum infamia. Et tunc, si sapias, mala opinio bene parta delectat. Vale.

Doce dixerat anctor. At similiter hand raro variare verborum personas in huiusmodi disputationibus solat. Schw. — Haec spectant ad illud dogma stoicum celeberrimum: virtutem per se esse expetendam et exercendam, eumque ad beatitudinem sufficere, quod Noster in praecedentibus Epistolis longius dilatavit. Ruhk.

Alienum bonum spectans. Bene vertit Lagrange: Vertu qui se dévoue au bien d'autrui.

Nihil ex se petens, nisi usum sui) Lagrange: Sans désirer autre chose que d'être utile à tout le monde: quem sensum difficile ex latinis verbis elicias. Intelligendum potius: nullam mercedem petens ex beneficiis suis, nisi ut sese in virtute exercuerit.

Nihil sit illi...famaeque. No famam ex beneficiis suis expectet.

Tota cogitatio. Vulgo ut tota cogitatio. Voculam ut, temere ab Era-

smo adiectam, nullus vetos liber agnoscit. Schw.

Quam iustam esse. Sic unus eod. Pinc. Ipse tamen Pinc. quam iustam esse maluerat, quod recepit Mur. et tenere alii editores. Vitiase iniusta esse ms. e. et ed. A. nec melius iniustae est ms. a. voculam quam vera nullus codex agnoscit. Editi ante Mur. cum. ed. R. sic habent: quod sit iustae rei praemium: maius iniusto est: qua in scriptura, si recte distinguantur verba, ipsum verum inesse videtur. Scribe, quod sit iustae rei praemium maius: in iusto est. Ut dicimus in vitio est, in culpa est, et similia; sic res in iusto est idem fere valebit ac iusta est. Tum, pro brevitate quam amat Noster, nute ipsa verba, in iusto est, facile intelligitur tale quiddam, quale Satis magnum praemium hoc est. Schw.

Pertinere scripsi cum a. e. d. et quatuor Gruteri codd. Vulgo pertinet. Schw.

EPISTOLA CXIV.

ELOQVENTIAE CORRVPTELAM E CORRVPTIS MORIBVS ORTAM ESSE.

Amico quaerenti, quare quibusdam temporibus provenerit corrupta oratio, mox haec, mox illa, semper tamen abhorrens a recto iudicio et nativa simplicitate, respondet Seneca, primariam causam sitam esse in vita publica, et disciplina moribusque civitatis, ad quam oratio attemperari soleat, similis animo qui corpus imitatur, et vice versa. Ab animo ingenium magna parte formatur, et ideo oratio sumitur. Exemplo est Maecenas, cuius oratio eius mores et omnia, quae eius erant, retulit, aeque soluta, quam ipse erat, cuius animum ut nimia felicitas et luxuria corruperunt, ita in orationem quaeque nova, inaudita, antiqua, exoleta, brevi corruptionem invexere. Sic cuique aetati vitiosa, quin etiam interdum vitia placuere, et vitia virtutibus immixta sunt. Accedit, quod egregius aliquis vir etiam quum insolita oratione et compositione utatur, ab aliis imitandus sibi proponatur, qui vitiosi sunt. Exemplo est Arruntius, qui Sallustii scribendi rationem exprimere studens a recto limite desciverat. Animus igitur formetur et sanus sit, ut oratio et compositio recta via procedant; alioquin, luxuria animum corrumpente, et ingenium corrumpetur atque oratio.

Conferri meretur Dialogus de Causis corruptae Eloquentiae, auctore incerto: tribuitur ab aliis Tacito, ab aliis Plinio iuniori. Quintiliani non esse, docuit Spalding. ad Quintil. To. I, praef. p. xxxix: ad lib. II, 4, 4a. T. II, praef. p. 71. Quatenus autem Noster praecepta, quae hac epistola dedit, ipse secutus sit, vide ap. Quintil. X, 1, 125 sqq.

SENECA LVCILIO STO SALVTEM.

Quare quibusdam temporibus provenerit corrupti generis oratio, quaeris; et quomodo in quaedam vitia inclinatio ingeniorum facta sit, ut aliquando inflata

Et aliquando inflata... ducta. Ut aliquando nimia redundantiâ et tumor orationis, ut in asiaticis oratori-

bus, de quibus cf. Cic. Brut. c. 13. Quintil. XII, 10, 16 floreret; recte oppositur mollitudo et imbecillitas

explicatio vigeret, aliquando infracta, et in morem cantici ducta? quare alias sensus audaces, et fidem egressi placuerint; alias abruptae sententiae, et suspiciosae, in quibus plus intelligendum esset, quam audiendum? quare aliqua aetas fuerit, quae translationis iure uteretur inverecunde? — Hoc quod audire² vulgo soles, quod apud Graecos in proverbium cessit: «Talis hominibus fuit oratio, qualis vita.» Quemadmodum autem uniuscuiusque actio dicenti similis est, sic genus dicendi aliquando imitatur publicos mores. Si disciplina civitatis laboravit, et se in delicias dedit, argumentum est luxuriae publicae, orationis lascivia: si modo non in uno aut in altero fuit, sed approbata est et recepta. Non potest alius esse ingenio, alius animo color. Si ille sanus est, si compositus, gravis, temperans, ingenium quoque siccum ac sobrium est: illo vitiatum, hoc quoque afflatur. Non vides si animus elanguit, trahi membra, et pigre moveri pedes? si ille effeminatus est, in ipso incessu

orationis quae fluit, et cantiois, partibus dramatis uni personae assignatis, similis est. *Ruhk.*

Abruptae sententiae. Quorum sensus nun est plene expressus: quibus verba quaedam expectata deesse videntur.

Suspiciosae. Quorum sensum suspicamus magis, quam intelligimus, *Enigmatiques.*

Esset. Sic praebent a. c. A. Valgo est. *Schw.*

Hoc. Numine, i. propterea. *R.*

Talis... vita. Lipsius laudat Solonis dictum vetus ap. Diog. Laërt. I, 59 ubi est. Menag. τὸν λόγον ἁδύλον εἶναι τῶν ἔργων. Et Platonis οὗτος ὁ λόγος, τοιοῦτος ὁ τρόπος. *R.*

Actio dicenti similis est. Inl. actio-

nes similes sunt sermonibus: eo sensu, ut iisdem vitis sermo hominum inficiatur, quibus eorum mores laborant.

Si disciplina, etc. Rectius sic distinguatur oratio: imitatur publicos mores; si disciplina. in deliciis dedit. *Argumentum... lascivia; si modo etc. Schw.*

Ingenio. Facultate mentis qua re-partis acceptisque utimur cogitando, iudicando, concludendo: animo de voluntate, inclinationibus. Diverso modo Quintil. X, 2, 130: *Felles eum (sc. Senecam) suo ingenio dixisse, alieno iudicio.* Conf. Quintil. I, 3, princ. Mox ait Noster: *Quanto hoc magis... petit:* unde liquet, animum illam facultatem mentis significare, qua notiones accipiuntur for-

apparere molliem? si ille acer est et ferox, concitari gradum? si furit, aut, quod furori simile est, irascitur, turbatum esse corporis motum, nec ire, sed ferri? Quanto hoc magis accidere ingenio putas, quod totum animo permixtum est? ab illo fingitur, illi paret, inde legem petit.

- 4 Quomodo Maecenas vixerit, notius est, quam ut narrari nunc debeat: quomodo ambulaverit, quam delicatus fuerit, quam cupierit videri, quam vitia sua latere noluerit. Quid ergo? non oratio eius aequae soluta est, quam ipse discinctus? non tam insignita illius verba sunt, quam cultus, quam comitatus, quam domus, quam uxor? Magni vir ingenii fuerat, si illud egisset via rectiore, si non vitasset intelligi, si non
5 etiam in oratione diffunderet. Videbis itaque eloquentiam ebri hominis, involutam, et errantem, et licentiae plenam. [Maecenas, de Cultu suo]. Quid turpius?

menturque, tanquam materiem promodum subactam ad usum. *Ruhk.*

Ferox. Recte a. c. A. Grut. Vulgo *velox* ex R. sicut *velocis* Ep. xcu, pro *ferocia*. Schw.

Maecenas. Cf. de eo notam ad Ep. ci, 10. Defendit Maecenatem de quo egit Andreas Rivinus (denatus 1656) pluribus *Dissertat.* quibus tamen Meib. qui Maecenatem suum edidit 1653, non usus est: nec mihi usurpatae sunt. In *Elegia C. Pedonis Albinovani* vel potius ineerti auctoris in obitum Maecenatis (in *Wernsdorf. Poëtis Lat. minor.* III, p. 155 sqq.) quaedam occurrunt, quibus Maecenas defendatur, desumpta, ut mihi videtur, e commentario nunc deperdito eiusdem Lollii de Maecenate: eo enim referam versum 10, 11. Nostri tamen censuram non eognitam poëtae isti frigido fuisse puto,

etiamsi seriori saeculo iste foetus tribuendus sit. Egregie discretem de Maecenate vide *Wielandam* in prooemio ad *Horat. Ep.* I, 1.

Maecenas, de Cultu suo. Invenit vult. in *Cultu suo* edd. ante *Ruhk.* Est autem iste titulus carminis eniadam a Maecenate conscripti, quem titulum ipse Seneca (sicut alibi titulos aliorum librorum, e quibus verba quaedam citavit) *Epistulae* suas inseruit. S. — Equidem has quatuor voces a margine in contextum intrusas esse puto cum Grut. Fuisse videtur poemata Maecenatis sic inscriptum de suae vitae ratione. Conf. *Wernsdorf. P. L. M.* Tom. VI, I, p. 10. Quae sequuntur ipsi Senecae fuere obscura: quo magis nobis? An omnes sequentes versus ex illo poemate Maecenatis desumpti sint, non liquet. *Ruhk.*

Amne silvisque ripa comantibus vide ut alveum
linteribus arent, versoque vado remittant hortos. —
Quid? si quis: feminae cinno crispatae labris colum-
batur, incipitque suspirans, ut cervice lassa fanantur
nemoris tyranni. — Irremediabilis factio: rimantur
epulis, lagenaque tentant domos, et spe mortem exi-
gunt. — Genium festo vix suo testem, tenuisve cerei
fila, et crepacem molam: — focum mater aut uxor

Quid turpius? (ec. quam de cultu
suo loqui, seu quam dicere ut ee-
quitur?) Amne. Sic Schweigh. Lipala,
aliis Maecen. verba a quid turp. inci-
pere fingentibus, Muretus ex ingenio
fecerat: Quid purius. — Vide al. vi-
des ex Lipali conj. Antea vide. Li-
psiae habet hos versus pro versicu-
lis fere undecim syllabarum, metrum
tamen non attigit. — Amne... coman-
tibus, l. e. quum amnis et silvae ri-
pam continent. Camareenim ita in-
telligo, nti ap. Valer. Flacc. V, 367:
astroque comantes Tyndaridas. R.

Versoque vado. Aque reme agi-
tata, hortos post se reliquant. R.

Remittant. Plurimi codd. At Eras-
mus, remittat. L. Scaliger remigant,
laudat Virgil. Aen. VIII, 96: virides-
que secant placida aequore silvas, i.
e. navigant placido alveo fluvii inter
ripas silvis conisat. Remi iciant h.
emend. Lipsius. Ruhk.

Quid? si quis. Non Maecenatic
haec verba, sed Seneceae esse conicit
Schweigh. Supplend. diceret.

Feminae cinna crispatae labris col-
umbatur) Cinna, non cinno a. c. A-
tum crispot et labr. a. R. Crispata
(i. e. crispatae) et labr. c. A. Schw.
— Femina cinno crispot Muret. Fe-
minae cinno crispot Erasmus. Codd.
vel uni vel alteri lectioni favent. R.

Labris columbatur. Laudat Scali-

ger Ca. Mattii Mimambum ap. Aul.
Gell. XX, 9: Columbulatim labra
conserens labris. Ruhk.

Cervice lassa fanantur nemoris ty-
ranni. Sic prout me. a. et fanantur
habent etiam c. A. lassa vero a. c.
R. A. alii vulgò laxa. S. — Ruhk.
edidit: ut cervice laxa feratur nec
more. Alii, inquit, a. lassa, lapsa
sanantur, et in ora Erasmus. suavian-
tur. Lipsiae conj. sanatur i. furit
atque incenit. Pro nec mare alii ne-
mare, alii ne mori, quidam nec more:
quod ultimum praefert Lips. iungit-
que cum prioribus et de bacchanti-
bus ultra morem explicat. Recepti.

Irremediabilis factio. Ruhk. dat
Tyranni irremediabilis factio, ex-
plicatque: tertium exemplum eet sa-
per tyrannide, cuius irremediabilis
avoxerit, implacabilis, satellites in
conviviis et poculis insidiantur, et
delationibus suis exitium struunt.

Et spe. Sic me. a. Cum spe c. A.
Et saepe vulga ex R. Schw.

Tenuisve cerei fila. Sic edd. olim,
cum a. c. R. A. Tenuisve Cereris fila
ed. Ruhk. ex Scaligeri conj. S. —
Sic, inquit Ruhk. eam tuene lect.
optima loa. Scaliger in Elegiam de
obitu Maecenatis (Wernsdorf. Poët.
Lat. min. Vol. III, p. 155 sqq.) re-
etitait, quum amnes codd. et edd.
praebeant: tenuisve Cereris c. Care: i.

investiunt. » — Non statim, quum haec legeris, hoc tibi occurret, hunc esse, qui solutis tunicis in Urbe semper incesserit? (nam, etiam quum absentis Caesaris partibus fungeretur, signum a discincto petebatur) hunc esse, qui in tribunali, in rostris, in omni publico coetu, sic apparuerit, ut pallio velaretur caput, exclusis utrimque auribus, non aliter, quam in mimo *Divites*, fugitivi solent? hunc esse, cui, tunc maxime civilibus bellis strepentibus, et sollicita urbe et armata, comitatus hic fuerit in publico, spadones duo, magis tamen viri quam ipse? hunc esse, qui uxorem millies duxit, quum unam habuerit? Haec verba tam improbe structa, tam negligenter abiecta, tam contra consuetudinem omnium posita, ostendunt, mores quoque non minus novos et pravos et singulares fuisse. Maxima laus illi tribuitur mansuetudinis: pepercit gladio, sanguine abstinuit; nec

farinam in molendino per fistulam mansentem, quoniam tenuis eius ductus ut *fili*; intellig. quod attinet, *zetrā*: implent farina et mola salsa focum litandi causa propter Genium. Qui *cerei* defendunt, explicant ut Lipsius: lumen ibi tenue: cereus vix ceratus. Sed in taguriolo pauperrimo de cereo vix cogites. *Ruhk.* — Deparetem hominem describit qui nec genium genii festo placet. *Lips.*

Nam quum...ungeretur. Praefectus Urbis et Italiae. Vide Tacit. Annal. VI, 11. Elegia in obitum Maec. 27. Petronius de Mutat. Reip. rom. (ap. Wernsdorf. P. L. M. Vol. III, p. 26 sqq.) *Ruhk.*

Discincto. Parum militari: opp. occinctus, praeciuctus. Ruben. de Re Vestiar. I, 63 Ep. xcn, fin. *Ruhk.*

Hanc est...caput. Fortassis, quae est Wielandii ingeniosa coniectura,

propter perpetuam, qua laborabat, febrem. Plin. N. H. VII, 51. Alias est delicatorem. Cf. Lipsii Amphitheatr. o. 22. *Ruhk.*

Divites. Rectius forsitan *Divite* ed. *Ruhk.* ex Lipsii coniect. *Schw.*

Tunc maxime, non quum maxime, a. c. R. A. *Schw.*

Comitatus hic fuerit. Sic fiduciam, quam in populo reponeret, optima monstravit publice. Cf. Wieland. I. I. p. 15. *Ruhk.*

Quum unam habuerit. Terentiam, cum qua assidua iurgia, divortia, iterumque coniugia. Vide de Provident. 3, 9.

Maxima laus... ostendit. Tetigit haec Elegiae in obitum Maecenatis auctor 15: *Omnia quum posses tanto tam carus amico, Te sensit nemin posse nocere tamen.* Cf. Wieland. I. I. p. 7 sq. *Ruhk.*

ulla alia re, quid posset, quam licentia, ostendit. Hanc ipsam laudem suam corrumpit istis orationis portentosissimae deliciis: apparet enim mollem fuisse, non mitem. Hoc istae ambages compositionis, hoc verba transversa, hoc sensus, magni quidem saepe, sed enervati dum exeunt, cuivis manifestum facient. Motum illi felicitate nimia caput; quod vitium hominis interdum esse, interdum temporis, solet.

Vbi luxuriam late felicitas fudit, luxus primum⁹ corporum esse diligentior incipit; deinde suppellectili laboratur; deinde in ipsas domos impenditur cura, ut in laxitatem ruris excurrant, ut parietes advectis trans maria marmoribus fulgeant, ut tecta varientur auro, ut lacunaribus pavimentorum respondeat nitor; deinde ad coenas lautitia transfertur, et illic commendatio ex novitate et soliti ordinis commutatione captatur, ut ea, quae includere coenam solent, prima ponantur, ut, quae advenientibus dabantur, exeuntibus dentur. Quum assuevit animus fastidire quae ex¹⁰ more sunt, et illi pro sordidis solita sunt; etiam in oratione, quod novum est, quaerit: et modo antiqua verba atque exoleta revocat ac profert; modo fingit ignota, ac deflectit; modo id, quod nuper increbuit, pro cultu habetur, audax translatio ac frequens. Sunt, qui sensus praecidant, et hinc gratiam sperent,

Vbi luxuriam rel. Conf. Tacit. Ann. III, 53 sq. Ruhk.

Luxus. Hoc ferunt vet. libri omnes; sed blandiri utique poterat cultus, quod ex Moreti ing. vulgatum est. Schw.

Et ea, quae... ponantur. Quippe mensae, ait Plotarch. VIII Couvival. quaest. c. 9, (Tom. XI, p. 388 sq. Hall.) laudante Lipsio, quae prius

appellabantur frigidae, ostreorum, echinorum, erudorum olerum (c. c. lactocae, Martial.), ab ultimo agmine ad frontem iraductae, locum nunc obtineant primum. Ruhk.

Includere, a. c. R. A. Claudere vulgo. Schw.

Et... dentur. Munera quae apophoreta, xenia vocata sunt. Ruhk.

Fingit ignota, ac deflectit. Vulgo fingit et ignota deflectit. Schw.

- si sententia pependerit, et audienti suspicionem sui
 11 fecerit: sunt, qui illos detineant et porrigant. Sunt,
 qui non usque ad vitium accedant (necesse est enim
 hoc facere aliquid grande tentanti), sed qui ipsum
 vitium ament. Itaque, ubicumque videris orationem
 corruptam placere, ibi mores quoque a recto descivisse,
 non erit dubium. Quomodo conviviorum luxuria,
 quomodo vestium, aegrae civitatis indicia sunt:
 sic orationis licentia, si modo frequens est, ostendit
 animos quoque, a quibus verba exeunt, procidisse.
 12 Mirari quidem non debes, corrupta excipi non tantum
 a corona sordidiore, sed ab hac quoque turba cultiore;
 togis enim inter se isti, non iudiciis, distant.
 Hoc magis mirari potes, quod non tantum vitiosa,
 sed vitia laudentur. Nam illud semper factum est:
 nullum sine venia placuit ingenium. Da mihi, quemcumque
 vis, magni nominis virum; dicam, quid illi aetas
 sua ignoverit, quid in illo sciens dissimulaverit.
 13 Multos tibi dabo, quibus vitia non nocuerint; quos-

Sunt qui illos detineant et porrigant. Sex verba omissa in ed. Mai. typothetae errore. Schw. — Vertit Lagrange: D'autres contiennent et développent longuement leurs pensées.

Non usque ad vitium accedant. Intell. qui non ii sunt, ut forte in vitium incidant (quod necessario evenit cuilibet magna tentanti), sed qui ipso vitio delectentur.

Necesse est... tentanti. Hic sibi ipsi excusationem Seneca abrupti et suspiciosi, ut vocat, styli parare videtur.

A corona sordidiore. Plebe, cuius togae sordidiores, magis pallentes ac obsoletae, quam ditiorum togae fuerint elegantes et a follone niveae. Cf. Lipsius in Electis I, 14. Ruhk.

Turba cultiore. Nitida et splen-

denti: senatore et equite. Lips.

Sed vitia laudentur. Sic libri vet. praebent. Vulgo eed et vitia laudantur. Schw.

Nullum sine... ingenium. Cuicumque vitia sua fuere, quae aut incuria fudit, Aut humana parum cavit natura... Quandoque bonus dormitat Homerus. (Horat. Art. Poët. 352, 359.) Exemplo esse possunt et antiquiores et recentiores auctores, qui multum perdent, si ipsis v. c. gratam negligentiam vel incandam loquacitatem, etc. ademeris. Unde factum, ut nullus fere fuerit, qui maligne a censore suo caruerit. Ruhk. — Sine venia, int. cui nihil ignoscendum fuerit.

Multos tibi dabo. Abest tibi vulgo. Schw.

dam, quibus profuerint. Dabo, inquam, maximae famae et inter miranda propositos; quos, si quis corrigit, delet: sic enim vitia virtutibus immixta sunt, ut illas secum tractura sint. Adice nunc, quod oratio certam regulam non habet. Consuetudo illam civitatis, quae nunquam in eodem diu stetit, versat. Multi ex alieno saeculo petunt verba; duodecim Tabulas loquuntur; Gracchus illis, et Crassus, et Curio, nimis culti et recentes sunt; ad Appium usque et ad Coruncanium redeunt. Quidam contra, dum nihil nisi tritum et usitatum volunt, in sordes incidunt. Vtrumque diverso genere corruptum est, tam mehercules, quam nolle nisi splendidis uti, ac sonantibus, et poëticis; necessaria, et in usu posita, vitare: tam hunc dicam peccare, quam illum. Alter se plus iusto colit, alter plus iusto negligit; ille et crura; hic ne alas quidem, vellit.

Multi. — redeunt. Hoc vitium imprimis saeculo secundo post Christum invaluit, Antoninorum aetate, unde nobis Gellius et Appuleius conservati sunt, qui eloquentia aevi sui non contenti, relicto Cicerone et quocumque ei simillimo, *κακοχολῶν* sequercuntur, quam noster castigat. *R.*

Gracchus Tiberius. Magna floruit eloquentia quam potentiam optimatum oppugnaret: occisus est anno V. C. 621. Iam ab illius caede propinquanti anni elapsi erant, quo tempore Seneca florebat.

Crassus. Romanorum, Ciceronis indice, eloquentissimus, quem idem Cicero inducit loquentem in lib. de Oratore, florebat circiter annum 650 urbis conditae. Curio Crasso paulo posterior fuit. Vnde de his oratoribus Cic. De Clar. Orat.

Coruncanium) *Coruncanum* edd,

in *C. A.* et *R.* misere corruptum vocat. Sed in *Coruncanum*, quod habet ms. *a.* haud dubio latebat *Coruncanum*. Haud raro in hoc cod. litterae *t* et *i* inter se permutantur: sic paulo ante *prævenia*, perperam *venta* in eodem scribitur. Schw. — Coruncanus consul fuit anno urbis conditae 472.

Tam mehercules. Subintellige: tam in sordes incidere, quam nolle, etc.

Quam nolle nisi splendidis. Sic commode ms. *a.* Alii, *quam si nolent splend.* Vulgo, *quam si vellent splend.* Bene haberet, *quam si nolent nisi splend.* Vulgo, *quam si vellent splend.* Schw.

Ille et crura, quod effeminati soleant. *Hic nec alas quidem vellit,* atque ita hircum olet. Illud, Quintil. 1, 6, 44, teste, non carebat reprehensione: nec haec omisio placebat,

Ad compositionem transeamus. Quot genera tibi in
 15 hac dabo, quibus peccetur? Quidam prae fractam et
 asperam probant; disturbant de industria, si quid pla-
 cidius effluxit; nolunt sine salebra esse iuncturam;
 virilem putant et fortem, quae aurem inaequalitate
 percutiat. Quorundam non est compositio, modulatio
 est; adeo blanditur, et molliter labitur. Quid de illa
 loquar, in qua verba differuntur, et, diu expectata,
 vix ad clausulas redeunt? Quid de illa in exitu lenta,
 qualis Ciceronis est, devexa, et molliter detinens;
 nec aliter, quam solet, ad morem suum pedemque
 16 respondens? Non tantum in genere sententiarum vi-
 tium est, si aut pusillae sunt et pueriles, aut impro-
 bae, et plus ausae, quam pudore salvo licet; sed si
 floridae sunt, et nimis dulces; si in vanum exeunt, et,
 sine effectu, nihil amplius quam sonant.

Haec vitia unus aliquis inducit, sub quo tunc elo-
 quentia est: caeteri imitantur, et alter alteri tradunt.
 Sic Sallustio vigente, amputatae sententiae: et verba
 ante expectatum cadentia, et obscura brevitatis, fuere
 17 pro cultu. Arruntius, vir rarae frugalitatis, qui *Histo-*

ne gravis hircus i. c. odor hirsutis
 cubaret in alis. Vide Horat., Epod.
 xii, 5, et Doëriog., ad Catol. lxxix,
 5. Ruhl.

Quidam prae fractam... percutiat.
 Opponitur oratio aequaliter ingre-
 diens, Cic. Orat. 58, ita ut non sit
 mox lenis et fluens, mox hiulca et
 aspera. Cf. Cic. Or. 16; Quintil. 9,
 4, 142. Ruhl.

Redeunt, non redduntur, libri no-
 stri omnes cum Pincian. et Grut.
 Schw.

Detinens, iidem libri: non *desi-*
 nens, quod est ab Ernaso. Schw.

Nec aliter, quam solet. Int. eo-
 dem semper incessa procedens: saepe
 Ciceroi exprobratum fuit, quod il-
 lios compositioni deesset varietas.

Sed si floridae sunt. Dubitavi de
 particula *sed*, quam veteres libri om-
 nes ignorant, a Morcto ex coniect.
 adiecta: quam tamen, quoniam sine
 tali quadam coniunctione vix ratio
 constare videtur orationi, facile pa-
 tiar redoci. Schw.

Arruntius. Sub Augusto vixit, qui
 idem esse videtur, qui a. V. C. 732
 Consul fuit, et egregius orator. Cf.
 Voss. de Historic. lat. I, 18, p. 30
 sq. ed. fref. Ruhl.

rias belli Punici scripsit, fuit Sallustianus, et in illud genus nitens. Est apud Sallustium: «exercitum argento fecit,» id est, pecunia paravit. Hoc Arruntius amare coepit; posuit illud omnibus paginis. Dicit quodam loco: «fugam nostris fecere.» Alio loco: «Hiero, rex Syracusanorum, bellum fecit.» Et alio loco: «Quae audita Panormitanos dedere Romanis fecere.» Gustum tibi dare volui: totus his contextitur liber. Quae 18 apud Sallustium rara fuerunt, apud hunc crebra sunt et paene continua; nec sine causa: ille enim in haec incidebat, at hic illa quaerebat. Vides autem, quid sequatur, ubi alicui vitium pro exemplo est. Dixit Sallustius: «aquis hiemantibus.» Arruntius in *primo libro belli Punici* ait: «repente hiemavit tempestas.» Et alio loco, quum dicere vellet, frigidum annum fuisse, ait: «totus hiemavit annus.» Et alio loco: «Inde sexaginta onerarias, leves, praeter militem et necessarios nautarum, hiemante aquilone misit.» Non 19 desinit omnibus locis hoc verbum infulcire. Quodam loco dicit Sallustius: «Inter arma civilia aequi bonique famas petit.» Arruntius non temperavit, quominus *primo statim libro* poneret: «ingentes esse famas de Regulo.»

In illud genus nitens. I. illi generis operam datus: Horatianum illud nitimur in vetitum, efficit Grot., ne cum Mureto a niteo deducas. R.

Exercitum argento fecit. Hoc Sallustii sententiae et sequenti Cortius locum assignavit in fragmentis libri VI Hist. Ruhk.

Quae audita... fecere. Int. quae audita fecerunt, ut Panormitani se dedere Romanis.

Aquis hiemantibus. Faere qui has voces occurrere putarent Bell. Jug. c.

37, ubi tamen nunc legitur: *hiemantibus aquis*. Lipsius laudat Horat. II Serm. 2, 17: et atrum *Defendens pisces hiemat mare*. Ruhk.

Inter arma civilia. Hunc locum praetermisit Cortius, et ipsum fragmentis inserendum. Ruhk.

Aequi bonique, a. c. A. Aequi boni edd. ex R. Schw. — *Famas.* Hoc reprehendit, ut nobis videtur, Seneca, quod vix fama in plurali numero dicatur, prorsus contra linguae Latinae usum.

- Haec ergo et eiusmodi vitia, quae alicui impressit imitatio, non sunt indicia luxuriae nec animi corrupti; propria enim esse debent, et ex ipso nata; ex quibus tu aestimes alicuius affectus. Iracundi hominis iracunda oratio est; commoti nimis, incitata; delicati, 20 tenera et fluxa. Quod vides istos sequi, qui aut vel-
lunt barbam, aut intervellunt; qui labra pressius ton-
dent et abradunt, servata et submissa caetera parte;
qui lacernas coloris improbi sumunt, qui perlucen-
tem togam; qui nolunt facere quidquam, quod ho-
minum oculis transire liceat; irritant illos, et in se
advertunt; volunt vel reprehendi, dum conspici: talis
est oratio Maecenatis, omniumque aliorum, qui non
casu errant, sed scientes volentesque.
- 21 Hoc a magno animi malo oritur. Quomodo in vino
non ante lingua titubat, quam mens cessit oneri, et
inclinata vel perdita est: ita ista oratio (quid aliud
quam ebrietas?) nulli molesta est, nisi animus labat.

Istos sequi. Rulh. interpretatur: Si quando vides istos imitari etc. hi nihil aliud agunt, nisi ut irritant homines etc. Quae interpretatio nullum praebet sensum. Tota sententia a quod vides, ad talis est orat. Maec. est comparationis primum membrum. Sensus est: Quales sunt ii qui barbam vellendo, etc. natos in se advertunt, talis est oratio eorum, qui volentes peccant, ut se conspicuos faciant.

Vellunt barbam. Cf. da Brevit. vii. c. 12 init. Rulh.

Intervellunt. Passim vellunt; ita Tertullian. de cultu foem. c. 8: *Proprias praestitigas formae et hic sexus (virilis) sibi agnoscat, barbam acris aedere, intervellere.* Rulh.

Coloris improbi. Involentia: pollus in usu vulgi erat, at delicati lacernas amethystini coloris aut coccinei sumebant. Cf. Lipsius in Elect. I, 13: e Martiali I, 96. Rulh.

Perlucens togam. Sericam, aut bombycinam, foeminarum exemplo. Similia vide ap. Clement. Alex. III, 3 Paedag. Porcius Latro in Catilin. p. 1088 ed. Sallust. Cortisana. R.

Dum conspici. Sic libri vet. omnes; non dum conspiciantur, quod sua auctoritate Muretus posuit. Schv.

Vel perdita est. Amisisse enim mentem dicitur, qui eius usum; atque hoc melius quam prodita, ut male alii. Lips.

Ita ista oratio... nulli molesta est n. a. l. lat. nemo incidit in hanc molestam orationem, nisi a. l.

Ideo ille curetur: ab illo sensus, ab illo verba exeunt, ab illo nobis est habitus, vultus, incessus. Illo sano ac valente, oratio quoque robusta, fortis, virilis est: si ille procubuit, et caetera ruinam sequuntur.

..... *Rege incolumi, mens omnibus una est:*

Amisso, rupere fidem.

Rex noster est animus: hoc incolumi, caetera manent²² in officio, parent, obtemperant: quum ille paulum vacillavit, simul dubitant. Quum vero cessit voluptati, artes quoque eius, actusque marcent, et omnis ex languido fluxoque conatus est.

Quoniam hac similitudine usus sum, perseverabo. Animus noster modo rex est, modo tyrannus: rex, quum honesta intuetur, salutem commissi sibi corporis curat, et nihil illi imperat turpe, nihil sordidum; ubi vero impotens, cupidus, delicatus est, transit in nomen detestabile ac dirum, et fit tyrannus. Tunc²³ illum excipiunt affectus impotentes, et instant; qui initio quidem gaudent, ut solet populus largitione nocitura frustra plenus, et, quae non potest haurire, contrectat. Quum vero magis ac magis vires morbus

Rege... fidem. Versus Virgillii sunt Georgic. lib. IV, 212 sq. Ruhk.

Simul dubitant. Sic libri vestri cum aliis omnibus: et merito revocavit hoc Ruhk. defensum a Gronov. contra Murel. a quo nutant erat in- vectum. Titubant maluerat Lipsius. Schw. — Non male.

Nihil illi imperat. Leve est, sed non secundum: male duarum vo- cum sede scriptum volueram, et illi nihil imp. ut recte debant a. c. A. cum Gruteri cod. Deerat vulgo illi. Schw.

Et instant... gaudent. Sic libri

vett. Vulgo *instantque... gaudet*: sci- licet iuncta puterant iste, *gaudet... et contrectat.* Sed *gaudent* refertur ad *affectus*; *contrectat* autem ad *populum*: scilicet, *populus, frustra plenus largitione nocitura, ita solet gaudere; nempe, contrectat et quas* (i. e. etiam ea quas) *non potest haurire.* Schw. — Forsan alia est con- structio: sicut *populus plenus frustra* (quis licet plenus, novum satius est) *gaudet largitione nocitura, quae illi nocet, quia iam plenus est.*

Et, quae non potest haurire, con- trectat. Vertit Lagrange: *Et gâche ce qu'elle ne peut consommer.*

exedit, et in medullas nervosque descendere deliciae; conspectu eorum, quibus se nimia aviditate inutilem reddidit, laetus, pro suis voluptatibus habet spectaculum alienarum, subministrator libidinum testisque, quarum usum sibi ingerendo abstulit: nec illi tam gratum est abundare iucundis, quam acerbum, quod non omnem illum apparatus per gulam ventremque transmittit, quod non cum omni exoletorum feminarumque turba convolutatur; moeretque, quod magna pars suae felicitatis, exclusa corporis angustiiis, cessat. Numquid enim, mi Lucili, in hoc furor non est, quod nemo nostrum mortalem se cogitat? quod nemo imbecillum? imo in illo, quod nemo nostrum unum esse se cogitat? Adspice culinas nostras, et concurrentes inter tot ignes coquos: unum videri putas ventrem, cui tanto tumultu comparatur cibus? Adspice veterana nostra, et plena multorum saeculorum vindemiis horrea: unum putas videri ventrem, cui tot consulum regionumque vina cluduntur? Adspice, quot locis vertatur terra, quot millia colonorum arent,

Quibus se nimia aviditate inutilem reddidit. Bene vertit Lagrange: *Dont son avidité l'a rendu incapable de jouir.*

Quod non cum omni. Sic a. c. A. Aberat vulgo quod h. l. Schw.

In hoc furor non est. Perperam vulgo *hic furor est*: sed in hoc dedere veti. libri omnes; partientia non autem, quae deest aliis, recte adiecta erat in ed. A. et mss. Pal. 2, 3 et Col. nonnullisque Pinciani codicibus. Schw.

Imo in illo, quod, etc. Sie unus p. p. b. cod. Pinc. Nuda *imo quod* edd. inde ab Erasmus. *in illo quod* (absque *imo*): a. R. *in illo etiam quod*, Schw.

Coquos. Vulgg. edd. *coquus nostros* ex R. sed nostros recte ignorant a. c. A. Schw.

Veterana nostra, sc. horrea. Ex eod. cod. Pinc. hoc probaverat Gron. et adoptavit Ruhk. consentiente ms. a. et ed. A. Nec vero spernendum veteraria, quod habet ms. a. et olim edd. ex R. S. — Horat. III, Od. xxviii, 7: *Pareis deripere horreo Cessantem Bibuli consulis amphoram.*

Consulum regionumque vina cluduntur. Ita omnes mss. et Edl., praeterquam quod unus Pinc. cod. habebat: tot climatum r. v. conduntur, unde Muretus hausit: editio vetus praestabat: tot climatum r. v. cluduntur. Ruhk.

fodiant; unum videri putas ventrem, cui et in Sicilia, et in Africa seritur? Sani erimus, et modica concupiscemus, si unusquisque se numeret, et metiatur simul corpus, sciat quam nec multum capere, nec diu possit. Nihil tamen aequè tibi profuerit ad temperantiam omnium rerum, quam frequens cogitatio brevis aevi, et huius incerti. Quidquid facies, respice ad mortem. Vale.

Et metiatur. Sic *c. A.* Abest et edd. ex *R.* et mss. *a. Schw.*

Sciat quam, non *sciatque,* dant *a. c. A.* pro quo vitiose *sciat quem* scribiter in *R.* Denique possit non posse, *a. c. A. Schw.* — Int. *Sciat quam*

parum capere possit, et quam parvo tempore, quod cepit, servare possit.

— Lectio aut interpunctia vitio laborat; Rnhkopf. *sani erimus — se numeret; metiatur — sciatque, nec m. c. nec diu posse.*

EPISTOLA CXV.

DESCRIBIT VIRTUTIS PVLCHRITVDINEM: INDE IN AMOREM
DIVITIARVM.

Quum intellexisset, Lucilium sermonis aut stili nimis anxium esse, suadet ut illam sollicitudinem deponat, et non tam curet quemadmodum, sed quid scribat, sive potius quid sentiat, sibi que applicet. Esse illam curam anxiam signum animi minuti: cum fiducia esse scribendum loquendumque, sine quaesito ornatu. Talis nobis animus boni viri appareret, si liceret inspicere; cuius amore nemo non arderet. Perspicere tamen virtutem hanc poterimus, si aciem animi liberare impedimentis voluerimus, quae latius exsequitur commendans philosophiam, quippe quae una solidam felicitatem praestat. Ad hanc non oratio concinna perducet, nisi animus rectus adsit, beneque formatus.

SENECA LVCILIO SVO SALVTEN.

Nimis anxium esse te circa verba et compositionem, mi Lucili, nolo: habeo maiora quae cures. Quaere. quid scribas, non quemadmodum; et hoc ipsum, non

SEN. Tom. IV.

S

ut scribas, sed ut sentias: ut illa, quae senseris, magis applices tibi, et veluti signes. Cuiuscumque orationem videris sollicitam et politam, scito animum quoque non minus esse pusillis occupatum. Magnus ille remissius loquitur et securius: quaecumque dicit, plus habent fiduciae, quam curae. Nosti complures iuvenes, barba et coma nitidos, de capsula totos; nihil ab illis speraveris forte, nihil solidum. Oratio vultus animi est: si circumtonsa est, et fucata, et manufacta, ostendit illum quoque non esse sincerum, et habere aliquid facti. Non est ornamentum virile, concinnitas.

Si nobis animum boni viri liceret inspicere, o quam

Et veluti signes. Veluti signo impresso munus, ne elabantur, ne eripiantur. Metaphors a vasis, quae signare solemus custodinae caesa. *L.* — Muretus: veluti signa quaedam eorum in sinu tuo imprimas, ne deleantur. Sic et Graeci dicunt *ἐνσυνάμειν*. Equidem assentior Lipsio. *Ruhk.*

De capsula totos. Qui semper ita munditiae student compti politique, ut vestes eorum semper quasi e capsula i. arcula, in qua conduntur, recenter prolatae videntur. *R.* — Bene vertit *Lagrange*: Qui semblent sortir d'une boîte.

Oratio vultus animi est. Sic *Schw.* et *Ruhk.* *cultus*: sic, inquit, *Erasm.* et palatini quique: optime com praecedentibus cohereret. Muretus alique, *vultus*.

Si circumtonsa, etc. A cultu comae loquendi formulas desumptas esse ad nimium orationis ornatum describendum, nota res. Quis v. e. ignorat cincinnos et fucum et calamistros, quos Augustus, Seneca et

in Maecenate persecuti sunt et irrumpunt? *Suet. Aug. 86.* Auctor *Dial. de corr. Eloq. 26, p. 105* ed. *Schulz. Ruhk.*

Habere aliquid facti) *Fracti* edd. cum *a. e. R. A. Ficti* *Pol. 3.* *Fracti* aut *ficti* *Pol. 2* et *Col.* Verum iudicavi *facti*, servatum in uno *Pol. 1* quod iam olim ex coniect. commendaverat *Hent. Steph.* et nuper probavit *Matth. in Programm. Schw.*

Non est ornamentum virile, concinnitas. Quatenus nimiam orationis venustatisque accuratorem et stilisque captationem comprehendit. Alias et in laude ponitur, habetque locum in iis omnibus dicendi formulis, in quibus certa aliqua verborum vel ordinis, vel intervalli, vel magnitudinis dimensio cadit. *Conf. Ernesti Lexic. technol. 1st. rhet. vocab. Concinnitas, p. 77. Ruhk.*

Si nobis animum boni viri liceret inspicere rel. Respexit Noster haud dubie illa *Platonis* (*Phaedr. X*, tom. p. 329 d.) celeberrima, quae ad *Ep. LXXXIX, 1*, adduxi laudatis *Cicer.*

pulehram faciem, quam sanctam, quam ex magnifico placidoque fulgentem videremus; hinc iustitia, illinc fortitudine, hinc temperantia prudentiaque lucentibus! Praeter has, frugalitas, et continentia, et tolerantia, et liberalitas comitasque, et (quis credat?) in homine rarum humanitas bonum, splendorem illi suum affunderent! Tum providentia, tum elegantia, et ex istis magnanimitas eminentissima, quantum, Dii boni, decoris illi, quantum ponderis gravitatisque adderent! quanta esset cum gratia auctoritas! Nemo illam amabilem, qui non simul venerabilem, diceret. Si quis viderit hanc faciem, altiore fulgentioreque quam cerni inter humana consuevit, nonne, velut numinis occursu, obstupefactus resistat, et, ut fas sit vidisse, tacitus precetur? tum, evocante ipsa vultus benignitate, productus adoret ac supplicet; et, diu contemplatus multum exstantem, supraque mensuram solitorum inter nos aspici elatam, oculis, mite

locis hoc spectantibus. Sequentes virtutes egregia explicavit Cicero de Officiis I, 5 etc. Cf. Garve ad Cic. I, p. 60 sqq. Ruhk.

Praeter has, etc. I. e. et omnes virtutes, quae istis quatuor virtutibus cardinalibus comprehenduntur. R.

Liberalitas e quatuor pal. redoxi. Antea *libertas*. Ruhk.

Illam. Sc. faciem. Sic Pinc. et Gruteri codd. Antea *illum*. Ruhk.

Et, ut fas sit vidisse. I. e. et, si supponas permitti, etc. — Haud dubie respexit noster ad illam notam antiquitatis opinionem, ut deos invisere homines, et interdum se visui eorum subicere sua specie, idque non sine mortis periculo: hinc lucem accipiant ut tacitus precetur. Cf. Heynii Excurs. ad Virgil. Aen. I, 402

sq. R. — Apud Livium lib. I: *Proculus, conspecto Romulo, venerabundus adstitit, precibus potens, ut contra intueri fas esset*. Et L. Vitellius in Divae, quum Caligula rogasset, *Ecquid cum Luna congregientem se vidisset? abiectis in terram oculis: Nam vobis Dii, Domine, inquit, solis inter vos licet videre*. Lips.

Tum, evocante ipsa. Sic antiqua editio et nonnulli codd. ap. Gruter. Erasmus: *Tamen evocante ipsum*. Muretos: *Tum evocante ipsum*. Lipsios: *Tum advocante ipsum*, necio unde. Ruhk.

Productus. Vt bono sit animo, metu omni reiecto prodeat ad illam. Describit autem ut Deum, maiorem et ampliorum omni humana specie; uti Dii Deaeque se conspiciendos dare solerent. Cf. Heynium l. I. R.

quiddam, sed nihilominus vivido igne flagrantibus; tunc deinde illam Virgilii nostri vocem verens atque attonitus emittat:

*O! quam te memorem, virgo? namque haud tibi vultus
Mortalis, nec vox hominem sonat, O Dea certe!
Sis felix; nostrumque leves quaecumque laborem!*

6 Aderit, levabitque, si colere eam voluerimus. Colitur autem, non taurorum opimis corporibus contrucidatis, nec auro argentoque suspenso, nec in thesauros stipe infusa, sed pia et recta voluntate.

Nemo, inquam, non amore eius arderet, si nobis illam videre contingeret: nunc enim multa obstrigillant, et aciem nostram aut splendore nimio reperiunt, aut obscuritate retinent. Sed si, quemadmodum visus oculorum quibusdam medicamentis acui solet et repurgari, sic nos aciem animi liberare impedimentis voluerimus, poterimus perspicere Virtutem, etiam obrutam corpore, etiam paupertate opposita,

Mite quiddam. restitui ex vet. libris. *Mite quidem* ed. Mur. et sqq. *Miti quidem* ed. Ruhk. Schw.

Tunc deinde. Sic a. c. A. et Pal. 2, 3. Vulgo *tum demum*. Schw.

Fultus. Virgilii versus sunt Aen. I, 327 sq. Ruhk.

O Dea certe! In verso Virgilii secundo tres Palat. addunt: *O dea certe!* Omittunt plurimi et ant. edd. Sed non video, quare omiserit Seneca. Reduxi. Ruhk.

Colitur... voluntate. Eadem sententia egregie exposita est Ep. xcvi, 47 sq. Ruhk.

Suspenso. Donarii loco in formas reducto. Ruhk.

Stipe. Varro de L. L. IV, 36 p. 50 hip. *Diis, quum thesauris asses dant, stipem dant.* Cf. De Benef.

VII, c. 4; Lipsius ad Taciti Annal. XIV, 15. Ruhk.

Obstrigillant. Ita legere se tradit Pincianus: receperunt Muretus et Lipsius una cum Gronovio. Codd. et Erasmi. habent *obsigillant*: alii *obstigillant*, *obstigallant*. Turneb. Advers. 3o, 3, praetulit *obsigillant*, i. e. occludunt. Stephano et Gesner. In Thea. probant *obstrigillant*, i. e. obstant. Editio antiqua praebet *obsuggillant*. Ruhk.

Obscuritate retinent) Obscure vulgo, ex Mureti iugonio: obscuro editi. vet. et masti. Probavi coniecturam Pincianum: et opponantur ista duo, *splendore et obscuritate*. Schw.

Sed si, quemadmodum... repurgari, sic nos aciem, etc. Sic meliores libri. Vulgo *Sed quemadmodum... sic et nos aciem*. Schw."

etiam humilitate et infamia obiacentibus; cernemus, inquam, pulchritudinem illam, quamvis sordido obtectam. Rursus aequae malitiam et aerumnosi animi veterum perspicimus, quamvis multus circa divitiarum radiantium splendor impediatur, et intuentem hinc honorum, illinc magnarum potestatum falsa lux verberet. Tunc intelligere nobis licebit, quam contemnenda miremur, simillimi pueris, quibus omne ludicrum in pretio est. Parentibus quippe, nec minus fratribus, praeferunt parvo aere empta monilia. « Quid ergo inter nos et illos interest, ut Ariston ait, nisi quod nos circa tabulas et statuas insanimus, carius inepti? » Illos reperti in littore calculi leves, et aliquid habentes varietatis, delectant; nos ingentium maculae columnarum; sive ex Aegyptiis arenis, sive⁹ ex Africae solitudinibus advectae, porticum aliquam vel capacem populi coenationem ferunt. Miramur parietes tenui marmore inductos: quum sciamus, quale sit quod absconditur, oculis nostris imponimus. Et, quum auro tecta perfudimus, quid aliud quam men-

Etiam humilitate, a. a. A. et humil. cdd. ex R. Schw.

Malitiam. Aversionem a bono. R.

Aerumnosi. Malis obiecti. Moneo, ne emendationem Gronovii aeruginosi praefers. Ruhk.

Honorum. Temere bonorum ed. Bipont. et Ruhk. Schw.

Tunc intelligere, etc. Cf. Nostrum de Constant. Sapient. 12, 2, ubi similia occurrunt. Notam ibi appositam emendes, ita ut non nisi de sedificiorum Romae luxuriae extruendorum et expoliendorum ratione exponat. Ruhk.

Monilia. Ab Erasmo est. *Mobilia*

tenent massi a. c. cum ed. R. A. et Ven. Schw.

Ariston. Una editio antiqua habet *Aristoteles*. De *Aristone*, cf. ad Ep. LXXXIX, 11. Aristonem Ep. xciv egregie disputantem recordaberis his non dissimilia. Ruhk.

Carius inepti. Nihil interest, nisi quod nostrae ineptiae maiori constant pretio, quam quae pueri concupiscunt.

Quale sit quod absconditur. Scilicet villae saxa absconduntur.

Et, quum auro, etc. Laminis aureis, quibus ligna superinducebantur.

Perfudimus, a. R. Vulgo *perfundimus*, cum c. A. Schw.

dacio gaudemus? scimus enim sub illo auro foeda ligna latitare. Nec tantum parietibus aut lacunaribus ornamentum tenue praetenditur; omnium istorum, ¹⁰ quos incedere altos vides, bracteata felicitas est. Inspice, et scies, sub ista tenui membrana dignitatis, quantum mali iaceat.

Haec ipsa res, quae tot magistratus, tot iudices detinet, quae et magistratus et iudices facit, pecunia, ex quo in honore esse coepit, verus rerum honor cecidit: mercatoresque et venales invicem facti, quaerimus, non quale sit quidque, sed quanti. Ad mercedem pii sumus, ad mercedem impii. Honesta, quamdiu aliqua illis spes inest, sequimur; in contrarium transaturi, si plus scelera promittent. ¹¹ Admirationem nobis parentes auri argentique fecerunt; et teneris infusa cupiditas altius sedit, crevitque nobiscum. Deinde totus populus, in alia discors, in hoc convenit; hoc suspiciunt, hoc suis optant, hoc Diis, velut rerum humanarum maximum, quam grati videri volunt, consecrant. Denique eo mores redacti

Altos. Non probat Bentl. ad Horat. Serm. 41, 3, 163 et legi vult *latos*. Sed omnes codd. et edd. tuentur vulg. recte Ruhn.

Bracteata felicitas. Bractea est membrana, lamina: *bracteata felicitas* ergo est felicitas non solida, sed ficta. Lipsius laudat (e Stob. Floril. Serm. 47) dictum Antigoni Gonatae, qui mulierculae felicitatem suis admiranti respondit: *O mulier, si scires, quantum mali sub hoc diademate lateat, nec humi iacens tolleres.* R.

Scies, non discies, dant mss. a. o. R. A. Schw.

Quas tot magistratus. Perperam vulgo omittunt h. l. *quas*, et dein

inserunt *quae ex quo*, etc. Schw.

Tot iudices detinet. In libris cognoscendis et finiendis. Lips.

Quas et magistr. et iud. Temere omissa vulgo priori loco et particula. Schw.

Et iudices facit. Non tangit ambitum, aut quod amerint dignitatem, sed significat ex censu et opibus magistratus et iudices fieri: quod Romae obtinebat. Lips.

Ad mercedem... impii. Probi sumus si sperata merces nobis probitatem suadet; improbi, si improbitatem.

Promittent dedit ms. a. et Pal. 2. Vulgo promittunt. Schw.

sunt, ut paupertas maledicto probroque sit, contempta divitibus, invisa pauperibus. Accedunt deinde carmina Poëtarum, quae affectibus nostris facem subdant, quibus divitiae, velut unicum vitae decus ornamentumque, laudantur. Nil illis melius nec dare videntur Dii immortales posse, nec habere.

*Regia Solis erat sublimibus alta columnis,
Clara micante auro.*

Eiusdem currum aspice:

*Aureus axis erat, temo aureus, aurea summae
Curvatura rotae, radiorum argenteus ordo.*

Denique, quod optimum videri volunt saeculum, aureum appellant. Nec apud graecos Tragicos desunt, qui lucro innocentiam, salutem, opinionem bonam mutant.

*Sine me vocari pessimum, ut dives vocer. 14
An dives, omnes quaerimus: nemo, an bonus.
Non quare, et unde: quid habeas, tantum rogaht.
Vbique tanti quisque, quantum habuit, fuit.
Quid habere nobis turpe sit, quaeris? Nihil.*

Auro. Versus sunt Ovidii Metam. II, 1 et 2, 107 sq. *Ruhk.*

Graecos Tragicos. Priorem vocem, quam deerat vulgo editis, dedere a. c. A. Perpetram apud Grammaticos ed. R. Schw. — *Ruhkopf* omisit *Graecos*, quam vocem contendit non ab auctore nostro, sed a viro quodam docto aspielandi causa in marginem appictam esse, et sic in contextum irrepsisse.

Salutem. Retineo salutem, atsi libri vacillant: nam sequentia verba dicunt, etiam vitam et salutem sperni prae lucro; quid verba? res ipsa quotidie. *Lips.*

Mutant cum eiusdem a. c. A. scripti, pro vulgato mutant. Schw.

Pocer. Duodecim hos senarios ad

Bellerophonem retulit *Barnesius*, quos tanquam ex Eurip. *Bellerophonte* dederat P. *Scriverius* in *Tragic. Lat. Reliquiis* p. 184. Sed *Lipsius* subnotavit, septem priores non unius poëtae esse, sed plurium, extremos quinque autem Euripidis. Quod iudicium calculo suo confirmavit praestantissimus harum rerum arbiter, *Valckenarius* in *Diatribe* sua egregia p. 165 sq. Primos septem versus, indicat, non potuisse continuos in scena pronuntiari, sed e diversis esse sedibus, et a diversis Euripidis et Sophoclis fabulis sumptos. Graecos versus quinque ultimos habet in Eurip. fragm. XV, Tom. II, ed. *Lips.* p. 432. *Ruhk.*

Non quare et unde. Iuven. Sat.

Aut dives opto vivere, aut pauper mori.

Bene moritur, qui moritur dum lucrum facit.

45

*Pecunia ingens generis humani bonum,
Cui non voluptas matris, aut blandae potest
Par esse prolis, non sacer meritis parens.
Tam dulces si quid Veneris in vultu micat,
Merito illa amores caelitum atque hominum movet.*

Quum hi novissimi versus in tragoedia Euripidis pronuntiati essent, totus populus ad eiiciendum et actorem et carmen consurrexit uno impetu; donec Euripides in medium ipse prosiluit, et petens, ut expectarent, viderentque, quem admirator auri exitum faceret. Dabat in illa fabula poenas Bellerophon-
16 tes, quas in sua quisque dat. Nulla enim avaritia sine poena est, quamvis satis sit ipsa poenarum. O quantum lacrimarum, o quantum laborum exigit! quam

xiv, 207: *Vnde habeas quærit nemo, sed oportet habere. Lips.*

Qui moritur dum lucrum facit. Volgo, qui dum moritur, lucrum facit. Verborum ordinem, quem secuti sumus, præcavernul a. c. R. A. qui quidem omnes quisque, pro qui dabant, contra metri legem. Schw.

Pecunia ingens. Hæc ex Euripide, sive ipse, sive alius transtulit. Graeci quidem in Stobæi Ser. LXXXIX: «ὁ χρυσὸς, θεῖον καὶ λίσσον βροτῶν. ὃς οὐδὲ μητὴρ ἡδονῆς τοιαύτης ἔχει, οὐ πατρὶς ἀνθρώπων, οὐ φίλος πατήρ. Εἰ δ' ἂν Χρύσις τοιοῦτον ὀφθαλμοῖς ὀρᾷ, οὐ θαυμ' ἔρωτας μυρίους αὐτὴν τρέψειν.» Verit liberius, sed elegantissime, ut puto, ipse. Moneo, Græcos etiam in IV libro Atheusei legi, et versu uno auctiores, sed quem Seneca hic neglexit. Lips.

Blandæ. Temera blanda ed. Bipont. et Rulh. Schw.

Ut expectarent. Sic Muretus cor-

rexit. Veteres libri omnes spectarent dabant, quod tenendum iudicasse eum Grutero, nisi et alibi subiunde perperam spectare pro expectare a librariis nostris positum meminisse, veluti Epist. c. Schw.

Poenas Bellerophontes. Si poenarum est ille Bellerophontes, nescio quid illi cum auro. Ambitione an superbia caelum affectasse lego, et Pegaso iam subvolantem, excussum a Iove et occisum: de avaritia, quæ hic tangitur, quaerendum est. Lips. — *Bellerophontes.* Cf. Apollodori Bibl. II, 3 ibique Heynium. Euripides in hac tragoedia adversam Bellerophontis fortunam, quam Homar. Iliad. ζ, 200 inquit, exsecutus est; eumque pede debilem, mendicum et pannis obsitum (χρῶν, πτωχὸν καὶ βῆμα ἰνδοδύμνον) uli Sehol. ad Aristophan. Pac. 146, Acharn. 431 doceat, æque, secundum Senecam, auri amantissimam representaverat. Rulh.

misera desideratis, quam misera partis est! Adice quotidianas sollicitudines, quae pro modo habendi quemque discruciant. Maiore tormento pecunia possidetur, quam quaeritur. Quantum damnis ingemiscunt, quae et magna incidunt, et videntur maiora! Denique, ut nihil illis fortuna detrahat, quidquid non acquiritur, damnum est. — At felicem illum homines, et divitem vocant, et consequi optant, quantum ille possidet. — Fateor. Quid ergo? ut ullos esse conditionis peioris existimas, quam qui habent et miseriam et invidiam? Utinam, qui divitias optaturi essent, cum divitibus deliberarent! utinam, honores petitori, cum ambitiosis et summum adeptis dignitatis statum! profecto vota mutassent; quum interim illi nova suscipiunt, quum priora damnaverint. Nemo enim est, cui felicitas sua, etiam si curso venit, satisfaciatur. Queruntur et de consiliis, et de processibus suis; maluntque semper quae reliquerunt.

Itaque hoc tibi Philosophia praestabit, quo equidem nihil maius existimo: nunquam te poenitebit tui. Ad hanc tam solidam felicitatem, quam tempestas nulla concutiat, non perducent te apte verba contexta, et oratio fluens leniter. Eant, ut volent; dum animo compositio sua constet, dum sit magnus, et

Quam misera... est. Torquetur cupidine acquirendi, quae non habet, torquetur cura et sollicitudine servandi quae habet.

Pt nihil. Int. etiamsi nihil.

Et miseriam, et invidiam. Invidentur, quia felices creduntur, dum contra miseri sunt.

Optaturi. Sic dedere a. R. Palat. 2, 4. Col. Alii vulgo appetituri. S.

Quum priora damnaverint. Sic vet. libri omnes, uno quodam Pinciani

excepto, e quo vulgatam scripturam qui priora damnaverant adscivit Mur. Schw. — Int. vota ipsi mutarent, quum viderent illos divites et ambitiosos nova vota inchoare, postquam priora damnaverint, utpote quae speratam felicitatem minime afferrent.

Et de processibus suis. Queruntur quod bene processerint in obtinendis iis, quae optaverant; quum ea ipsa non talia fuerint qualia speraverant.

opinionum securus, et ob ipsa, quae aliis displicent, sibi placens; qui profectum suum vita aestimet, et tantum scire se iudicet, quantum non cupit, quantum non timet. Vale.

Et opinionum securus. Quid alii de illo opiueantur securus, utpote vulgi opinionem spernens. Editi tamen olim, et quidam scripti, *opinionum suarum securus*, quod plane diversum esset, signaretque firmum et certum decretorum. *Lips.*

Profectum suum vitae aestimet. Id est, agendi ratione sua, non felici-

tate: qui ac profecisse credat, non quum honores aut pecunias comparaverit, sed quum melior factus fuerit.

Et tantum scire....timet. Sc. ut iudicet quantum sciat, consideret, quantum non timeat, quantum non cupiat; quia scientia omnis in hoc est, ut nec timeas, nec cupias.

EPISTOLA CXVI.

OMNINO EXPELLENDOS ESSE AFFECTVS.

Stoicum dogma defendit contra Peripateticos, exciendos esse affectus, non temperandos. Nam voluptates vitiaque alioquin tibi imperabunt: et praestat voluptatibus imperare. Naturales esse, nihil nisi merus praetextus est: fluunt quidem affectus a quodam quasi naturali principio, sed cave nimium indulgeas, ne vitium fiat: certiore consilio iis utaris. Haec confirmavit Panaetius. Quae quidem dura videntur hominibus, qui Stoeae non assentiuntur, sed eorum molliities in causa est; non ex eo oriur quod non possint.

Cf. Lipsii Manuduct. III, 7, et Tiedemann System d. stoisch. Philos. III, p. 187 sqq.

SENECA LVCILIO SVO SALVTEN.

«**V**trum satius sit, modicos habere affectus, an nullos » saepe quaesitum est. Nostri illos expellunt. Peripatetici temperant. Ego non video, quomodo salu-

bris esse aut utilis possit nulla mediocritas morbi. Noli timere! nihil eorum, quae tibi non vis negari, eripio; facilem me indulgentemque praebebo rebus, ad quas tendis, et quas aut necessarias vitae, aut utiles, aut iucundas putas: detraham vitium. Nam quum² tibi *cupere* interdixero, *velle* permittam; ut eadem illa intrepidus facias, ut certiore consilio, ut voluptates ipsas magis sentias. Quidni ad te magis perventurae sint, si illis imperabis, quam si servies?

Sed naturale est, inquis, ut desiderio amici torquear; da ius lacrimis tam iuste cadentibus. Naturale est opiutionibus hominum tangi, et adversis contristari: quare mihi non permittas hunc tam honestum malae opinionis metum?— Nullum est vitium sine patrocinio; nulli non initium verecundum est et exorabile: sed ab hoc latius funditur. Non obtinebis, ut³ desinat, si incipere permiseris. Imbecillus est primo omnis affectus; deinde ipse se concitat, et vires, dum procedit, parat: excluditur facilius, quam expellitur. Quis negat, omnes affectus a quodam quasi naturali

Mediocritas morbi. I. e. affectus, quia Stoici morbi vocantur. Illa mediocritas, ἡ μέσότης, eo constat, ut medium traneat inter vitia duo, et canon est ethices peripateticae. R.

Putas. Recte a. c. A. vulgo putes. Schw.

Velle. Voluntas enim Stoicis bona et inter ἀγαθὰ est. Lipsii Manud. III, 5. Ruhk.

Ut voluptates ipsas magis sentias. Vides hic apathiam ita circumscriptam, ut impetu temerario excluso, certius atque securius consilium, atque ideo rationis usum adhibendum iubeatur. Ruhk. — *Ipsas.* Recte a. c. A. non illas. Schw.

Quidni ad te... sint? Sic Schw. ex

suis scriptis; ubi mihi recte edd. *Quidni? ad te... sunt.*

Sed naturale est, inquis. Ut Peripatetici solent, qui vulgares homines intellexere, quum Stoici de sapiente suo, sive ad sapientiam virtutemque enitente summis viribus loquerentur. Ruhk.

Da ius lacrymis. Sic dedimus cum Schw. Ruhk. *datus lacrymis*, id est, traditus. Sic, loquit, omnes scripti et cusi libri. Sed Muretus conj. *da tempus*, Lipsius *da ius*. At non opus est coniectura. Vulgata haec habet.

Ab hoc latius funditur. Sic recte ms. a. cum Pal. 1 et 4. Perperam vulgo ob hoc. Schw.

fluere principio? Curam nobis nostri natura mandavit; sed, huic ubi nimium indulseris, vitium est. Voluptatem natura necessariis rebus admiscuit, non ut illam peteremus, sed ut ea, sine quibus non possumus vivere, gratiora nobis illius faceret accessio: si suo veniat iure, luxuria est. Ergo intransibilibus resistamus, quia facilius, ut dixi, non recipiuntur, quam exeunt. — Aliquatenus, inquis, dolere, aliquatenus timere permitte! — Sed illud *aliquatenus* longe producit; nec, ubi vis, accipit finem. Sapienti, non sollicitate custodire se, tutum est; et lacrimas suas et voluptates, ubi volet, sistet; nobis, quia non est regredi facile, optimum est omnino non progredi. Eleganter mihi videtur Panaetius respondisse adolescentulo cui⁴ dam quaerenti: An sapiens amaturus esset? « De Sapiente, inquit, videbimus: mihi et tibi, qui adhuc a Sapiente longe absumus, non est committendum, ut incidamus in rem commotam, impotentem, alteri emancipatam, vilem sibi. Sive enim nos respicit, humanitate eius irritamur; sive contempsit, superbia

Quasi naturali.... principio? Non enim vere naturali: nam sic boni essent affectus, quia esse nimium omne naturale non potest. Zeno autem perturbationes (a. affectus) voluntarias esse putabat, opinionis iudicio suscipi, etc. Cicer. Academ. I, 10. Rohk.

Non ut illam peteremus. Tanquam summum bonum aequae ac Epicurei. Tiedemannus perperam hunc locum intellexit, III, p. 196, Syst. R.

Si suo veniat iure. Int. si veniat, non ut accessoria, sed principalis, non ut ministra, sed domina. Lips.

Ergo intransibilibus resistamus. Vide I de Ira c. 7 et 8. Lips.

Aliquatenus. Spectant haec ad Pe-

ripaticorum mediocritatem illam morborum a. affectuum. Rohk.

Sapienti.... est. Tutus est sapiens perfectus, etsi sine sollicitudine custodiat se.

Panaetius. Rhodius, iunior, celeberrimus Stoicus, quem Cicero in libro de Offic. plurimae sequitur, Scipionis minoris comes, multa scripsit, nunc deperdita. Cf. Fabricii Bibl. gr. Vol. III, p. 567 sq. Rohk.

Alteri emancip. Quia tunc servimus alterius arbitrio, quem amamus.

Respicit, non respexit, a. c. R. A. Cui non repugnat, quod deus contempsit in pract. tempore ponitur. Schw. — Int. sive nos amor benigno vultu respicit, si nobis favet.

accendimur. Æque facilitas amoris, quam difficultas nocet: facilitate capimur, cum difficultate certamus. Itaque, consciî nobis imbecillitatis nostrae, quiescamus. Nec vino infirmum animum committamus, nec formae, nec adulationi, nec ullis rebus blande trahentibus. »

Quod Panaetius de amore quaerenti respondit, hoc ego de omnibus affectibus dico. Quantum possumus nos, a lubrico recedamus; in sicco quoque parum fortiter stamus.— Occurres hoc loco mihi illa publica contra Stoicos voce: « Nimis magna promittitis, nimis dura praecipitis! Nos homunciones sumus, omnia nobis negare non possumus: dolebimus, sed parum; concupiscemus, sed temperate; irascemur, sed placabimur. »— Scis, quare non possumus ista? quia, nos posse non credimus. Imo, mehercules, aliud est in re! Vitia nostra, quia amamus, defendimus; et malumus excusare illa, quam excutere. Satis natura homini dedit roboris, si illo utamur, si vires nostras colligamus, ac totas pro nobis, certe non contra nos, concitemus. Nolle in causa est; non posse praetenditur. Vale.

De omnibus affectibus. Postremum vocab. quod desideratur in aliis, commode dedit ms. a. Schw.

Occurres hoc loco, etc. Saepius iam haec querelam de rigida Stoe secta vidimus, satis profecto convenientem

mollî et luxurioso saeculo, in quod Senecae vita inciderat, vide e. c. de Clem. II, 4. Ruhk.

Quare non possumus ista? Scilicet omnino expellere affectus, atque animum nostrum eorum motibus liberum vindicare.

EPISTOLA CXVII.

AN, QUVM SAPIENTIA BONVM SIT, ETIAM SAPERE.

Quaerenti amico, an verum sit, quod Stoicis placeat: Sapientiam bonum esse, sapere bonum non esse: primum exponit, quid Stoicis videatur. Sapientiam, quippe efficientem quid et iuvantem, et bonum corpus dicunt esse, sapere non esse, utpote incorporale et accidens alteri, i. e. sapientiae. Quibus quum instant Peripatetici alique philosophi, et consutationibus affligant, necesse est ut cavillando effugiant. Itaque secedit Seneca, et sapientiam et sapere bonum putans: at utrumque differre contendit contra Peripateticos. Sed se revocat ab huiusmodi disputationibus, aliaque proponit, de quibus quaerendum esse philosopho monet, quae quae levant animum et formant, etc.

Cf. Argumentum Epist. CVI, CXIII. Addas Lipsii Physiolog. Stoic. II, 4.

SENECA LVCILIO SVO SALVTEM.

Multum mihi negotii concinnabis, et, dum nescis, in magnam me litem ac molestiam impinges, qui mihi tales quaestiunculas ponis, in quibus ego nec dissentire a nostris, salva gratia, nec consentire, salva conscientia, possum.—Quaeris, *an verum sit*, quod Stoicis placet; «Sapientiam bonum esse, Sapere bonum non esse.»—Primum exponam, quid Stoicis videatur; deinde tunc dicere sententiam audebo. Placet nostris, quod bonum est, corpus esse, quia, quod bonum est, facit: quidquid facit, corpus est. Quod bonum est, prodest: faciat autem aliquid oportet, ut prosit: si facit, corpus est. Sapientiam bonum esse

Multum mihi negotii. Perperam volgo, et id inuitis mastis, mihi tibi. — Verbum concinnabis, quod

sequitur tenent libri nostri omnes. Schw.

Placet nostris, etc. Cf. ad Ep. CVI, 4. Rohk.

dicunt: sequitur, ut necesse sit illam corporalem quoque dicere. At sapere non putant eiusdem conditionis esse. Incorporale est, et accidens alteri, id est, sapientiae: itaque nec facit quidquam, nec prodest. — Quid ergo? inquit; non dicimus, *bonum est sapere*? — Dicimus, referentes ad id, ex quo pendet, id est, ad ipsam Sapientiam.

Adversus hos quid ab aliis respondeatur, audi, ³ antequam ego incipio secedere, et in alia parte considerare. — Isto modo, inquit, nec beate vivere bonum est. — Velint nolint, respondendum est, beatam vitam bonum esse, beate vivere bonum non esse. Etiamnunc nostris illud quoque opponitur: Vultis sapere: ergo expetenda res est, sapere: si expetenda res est, bonum est. — Coguntur nostri verba tor- ⁴ quere, et unam syllabam *expetendo* interponere, quam sermo noster inseri non sinit. Ego illam si pateris, adiungam. *Expetendum* est, inquit, quod bonum est: *expetibile* quod nobis contingit, quum bo-

Et accidens alteri. I. non existit per se, sed est quaedam modificatio sapientiae.

Quid ergo? inquit; non dicimus, bonum est sapere? Sic Schw. Ruhk. edidit: *Quid ergo? inquit: Non dicimus; Bonum est sapere: sapere, etc.* Sic plurimi codd. editioque antiqua: et nexus poscit. Antea ex Mureti lectione: *Quid ergo, inquit, non dicimus, bonum est sapere? dicimus etc.* — Quasi adiectivi loco ponunt Stoici illud *sapere*, quod nec ponere, nec dicere quemquam putant nisi referentem ad sapientiam, eamque simul cogitando. Ruhk.

Sceleris... considerare. Hae a senatu sumpta, ubi, quum Consul, Praetor, aliusque magistratus Sena-

tum cogens, de re aliqua retulisset, atque, sententiis dietis, discessionem Senatorum permisisset, ibi haece aut illam partem transierunt, qui hinc pedanei vocati suot. Res notissima vel ex Adams aliisque compeudis. Ruhk.

Inquit Peripatetici.

Coguntur... non sinit. *Expetendum* est αἰσθητόν: quod *expetibile* est, et non petitur tanquam bonum προσπιπτόν: interponens s. iacere h. l. idem valet quod adiungere. Sic Graeci τῷ αἰσθητῷ addunt s. προσπιπτέειν: quod Romani non possunt: nemo enim dixit *adexpetere*. Exprimi itaque hoc posse putavit Noster per *expetibile*. Ruhk. — Nonnullas tamen edd. s. c. Lips. et Bip. pro *expetibile* dant *adexpetendum*.

num consecuti sumus; non petitur tanquam bonum, sed petito bono accedit. — Ego non idem sentio, et nostros iudico in hoc descendere, quia iam primo vinculo tenentur, et mutare illis formulam non licet.

5 Multum dare solemus praesumptioni omnium hominum, et apud nos veritatis argumentum est, aliquid omnibus videri: tanquam, *Deos esse*, inter alia

Expetibile, quod nobis contingit, quum bonum consecuti sumus. Haec est plana atque constans veterum librorum omnium scriptura: io quum quum nihil desideraretur, Muretus tamen, pro immoderata sua novandi libidine, suo arbitratu istam inexit, et Lipsio, et Gronovio aliisque doctissimis viris probatam, et nuper in edit. Matthiae (postquam merito a Rahkophio repudiata fuisset) revocatam: *adexpetendum, quod bono contingit: quod, quum bonum consecuti sumus, non petitur*, etc. Vbi nescio quid magis mirer, intolerandam Mureti et importunam praesertim hoc loco ridiculamque licentiam, an facilitatem doctorum virorum, inventum istud sibi obtrusum tam aequo animo patientium. Nam, alia ut taceam praeter rationem b. l. mutata, io vocabulo *expetibile*, quod a se fictum Seneca proficitur, quid est quod desiderari potuerit? aut monstruosum illud *adexpetendum* unde tandem arripuit Muretus? Scilicet graecum verbum, quod hic respexisset Seneca, statuit illa fuisse *προσ-α-πτών*, et ex hoc latinum proculdubio *adexpetendum*, quod Senecae obtruderet. Atqui ipsum graecum *προσ-α-πτών* gratuito promissos sinxerat vir doctus: nec enim usquam (quod equidem noverim) graecum istud vocabulum eo, quo vult, significato occurrit, aut ab ullo homine unquam

usurpatum reperitur. Tom vero, si vel unquam a Graecorum aliquo usurpatum istud vocabulum reperiretur, non erat illud tamen id quod hic in animo habuerat Seneca. Nam disertus ipse ait, Graecum illud vocabulum ita formatum esse, ut *expetendo* (*τῷ αἰστώ*) *interponeretur una syllaba*: atqui in voc. *προσ-α-πτών* non *interposita*, sed *praeposita* est syllaba. Graeca vox, quam respexerat Seneca, haud dolis *αἰστώ* erat: cui perapte respondet latinum *expetibile*, a philosopho nostro formatum. Schw. — *Expetibile* semel tantum adhuc apud Tacitum, Annal. 16, 21, 2, occurrit, nec ibi quidem tuto, quum Ernesti *exspectabilem* praeferat. Rahk.

Praesumptioni. Praeceptae opinio-
ni, *προέψη*. Lips.

Veritatis argumentum est. Merito, ait Lipsius; nam ipsa veritas graecis dicta *ἀλήθεια*, ὡς τὸ μὴ λῆθον: quod non lateat, atque omnibus nota. — Exigui autem momenti esse hoc veritatis arguementum, quum historia dogmatum quorumcumque satis superque docet, tum philosophia subtilior probe evincit. Caeterum hoc argumentum Cicero quoque firmum vocat Tusc. I, 13, cf. de Legg. I, 8. Nat. D. I, 16: *Epicurus solus vidit, primum esse deos, quod in omnium animis eorum notitiam impressisset ipsa Natura*:...

hoc colligimus, quod omnibus insita de Diis opinio est, nec ulla gens usquam est adeo extra leges moresque proiecta, ut non aliquos Deos credat. Quum de animarum aeternitate disserimus, non leve momentum apud nos habet consensus hominum, aut timentium inferos, aut colentium. Vtor hac publica persuasione: neminem invenies, qui non putet et sapientiam bonum, et bonum sapere.

Non faciam, quod victi solent, ut provocem ad populum: nostris incipiamus armis conflagrare. Quod accidit alicui, utrum extra id, cui accidit, est, an in eo cui accidit? Si in eo est, cui accidit, tam corpus est, quam illud, cui accidit. Nihil enim accidere sine tactu potest; quod tangit, corpus est. Si extra est, posteaquam acciderat, recessit; quod recessit, motum habet; quod motum habet, corpus est. Speras me dicturum, non esse aliud cursum, aliud currere, nec aliud calorem, aliud calere; nec aliud lucem, aliud lucere. Concedo ista alia esse, sed non sortis alterius.

anticipationem quamdam deorum hanc appellat Epicurus προληψις, etc. Ruhk.

Hoc colligimus recte ms. a. et ed. A. Perperam hanc e. R. Sic collig. vulgo edd. Schw.

Colentium) Aethera adiecit Ruhk. cum nonnullis Pineiani et Grut. codicibus, quibus accedit noster c. et ed. A. Assumentum istud, merito improbatum Gntero, ignorat ms. a. cum ed. R. Schw.

Et bonum sapere. Aberat vulgo media vox. Schw.

Ut provocem ad populum. In arena et gladiatoris pugnæ, ubi qui succubuerat, populi opem et misericordiam implorabat. Lipsius in Saturnal. 2, 22. Cf. Ep. XLV, 2. R.

SEN. TOW. IV. ,

— *Provocare ad populum de his quoque dicebatur, qui a magistratu quodam demusti, ad populi sententiam confugiebant. Vid. Tit. Liv. lib. II, c. 29 sq.*

Incipiamus, non incipiemus, a. e. R. A. — Nostris, i. e. stoicis. S.

Speras me dicturum, non esse aliud, etc. Temere speres edd. Schw.

Sed non sortis alterius. Sic eiusdem sortis sunt, ut quod de uno dici potest, dici possit etiam de altero: nec videmus quomodo alio sint sapere et sapientia; nobis videtur idem variis nominibus expressum: nempe alterum alterius semper locum in sermone occupare potest, laeto forsitan sermonis usu, sed semper illacso sensu.

T

Si valetudo indifferens est, bene valere indifferens est.
 8 Si forma indifferens est, et formosum esse. Si iustitia bonum est, et iustum esse bonum est. Si turpitudine malum est, et turpem esse malum est: tam, mehercules, quam, si lippitudo malum est, lippire quoque malum est. Hoc ut scias, neutrum esse sine altero potest. Qui sapit, sapiens est; qui sapiens est, sapit. Adeo non potest dubitari, an, quale illud sit, tale hoc sit, ut quibusdam utrumque unum videatur atque idem. Sed illud libenter quaesierim: quum omnia aut bona sint, aut mala, aut indifferentia, sapere
 9 in quo numero sit? Bonum negant esse; malum utique non est; sequitur, ut medium sit. Id autem medium atque indifferens vocamus, quod tam malo contingere, quam bono, possit: tanquam pecunia, forma, nobilitas. Hoc, ut sapiat, contingere nisi bono non potest: ergo indifferens non est. Atqui ne malum quidem est, quod contingere malo non potest: ergo bonum est. Quod, nisi bonus, non habet, bonum est; sapere non nisi bonus habet: ergo bonum
 40 est. — Accidens est, inquit, sapientiae. — Hoc ergo quod vocas sapere, utrum facit sapientiam, an patitur? Sive facit illud, sive patitur, utroque modo corpus est. Nam, et quod fit, et quod facit, corpus est: si corpus est, bonum est: unum enim deerat illi, quo minus bonum esset, quod incorporale erat.

Bene valere indifferens est. Sic R. et A. Vulgo et valere, etc. Omnia isto desunt a. et v. Alia item nonnulla ex libris hic correximus; ut infra. Qui sapit... qui sapiens est, ex a. c. d. obi vulgo Quod... quod. S.

Possit ms. a. Vulgo potest. Schw.

Accidens est, inquit, Stoicus. Videt, Peripateticos imprimis has Stoicorum disputationes impugnasse. No-

his tamen nihil ex eorum consultationibus relictum est. Rahl.

Quod fit, et quod facit, corpus est. Vide Physiolog. Stoic. lib. II, Dissert. IV, Lipsius.

Dialectici veteres: intelligit sectam elepticam, in qua eucioribus Xenophone, Parmenide et Zenonis Eleate dialectica viguit, et deinde ad sectam megericam s. cristicam

Peripateticis placet, nihil interesse inter Sapien-
tiam et sapere, quum in utrolibet eorum et alterum
sit. Numquid enim quemquam existimas sapere, nisi¹¹
qui Sapien-
tiam habet? Numquid quemquam, qui sa-
piat, non putas habere Sapien-
tiam? Dialectici veteres
ista distinguunt: ab illis divisio usque ad Stoicos ve-
nit. Qualis sit haec, dicam. Aliud est ager, aliud
agrum habere: quidni? quum habere agrum ad
habentem, non ad agrum pertineat. Sic aliud est Sa-
pientia, aliud sapere. Puto concedes duo esse haec,
id quod habetur, et eum qui habet: habetur Sapien-
tia; habet, qui sapit. Sapien-
tia est mens perfecta,
vel ad summum optimumque perducta; ars enim vi-
tae est. Sapere quid est? Non possum dicere, mens¹²
perfecta; sed id, quod contingit perfectam mentem
habenti. Ita alterum est, mens bona: alterum, quasi
habere mentem bonam. Sunt, inquit, naturae corpo-
rum; tanquam, hic homo est, hic equus: has deinde
sequuntur motus animorum enuntiativi corporum. Hi
habent proprium quiddam, et a corporibus seductum:
tanquam, video Catonem ambulans; hoc sensus
ostendit, animus credit. Corpus est, quod video, cui¹³
et oculos et animum intendi. Dico deinde, *Cato am-
bulat*. Non corpus, inquit, est, quod nunc loquor;
sed enuntiativum quiddam de corpore, quod alii ef-

transiit, node ad Stoicos pervenit.
Cf. Bruckeri Hist. crit. Phil. T. I,
p. 610 sq. et Buhlium in Commen-
tatt. Soc. Reg. Sc. Gott. T. XI, p.
234 sq. R.

Dicam. Ms. a. dicamus. Schw.

Has deinde sequuntur. Int. et
praeter corpora sunt motus animi
qui enuntiant quid de corporibus
sentiat: atque hi motus non sunt
corpora.

Non corpus, inquit. Sic a. et R.
Non corpus est quidem e. A. Vulgo,
non corpus quidem est. — *Non cor-
pus.... corpore.* Hoc illud quod no-
tat Sext Empiricus lib. I, advers.
Mathemat. c. 3: *Incorporeum ali-
quid apud Stoicos dici λεγόντων* quod
Nos-
ter hic vertit *Effatum, Edictum,
Enuntiatum, Enuntiativum.* Lips. —
Abstractum vocare posses, oppositum
concreto. Hinc recte dicit noster, in-

fatum vocant, alii *enuntiatum*, alii *dictum*. Sic, quum dicimus Sapientiam, corporale quiddam intelligimus: quum dicimus *Sapit*, de corpore loquimur. Plurimum autem interest, utrum *illum* dicas, an de *illo*.

- 14 Putemus in praesentia, ista *duo* esse (nondum enim, quid mihi videatur, pronuntio) quid prohibet, quo minus *aliud* quidem sit, sed nihilo minus bonum? Dicebas paulo ante, aliud esse agrum, aliud habere agrum. Quidni? in alia enim natura est, qui habet; in alia, quod habetur: illa terra est, hic homo est. At in hoc, de quo agitur, eiusdem naturae sunt utraque, et qui habet Sapientiam, et ipsa, quae habetur.
- 15 Praeterea illic aliud est, quod habetur; alius, qui habet: hic in eodem est, et quod habetur, et qui habet. Ager iure possidetur; sapientia natura: ille abalienari potest et alteri tradi; haec non discedit a domino. Non est itaque, quod compares inter se dissimilia. Coeperam dicere, posse ista *duo* esse, et tamen utraque bona: tanquam et Sapientia, et Sapiens
- 16 *duo* sunt, et utrumque bonum esse concedis. Quomodo nihil obstat, quo minus et sapientia bonum sit, et habens sapientiam; sic nihil obstat, quo minus et sapientia bonum sit, et habere sapientiam, id est, sapere. Ego in hoc volo sapiens esse, ut sapiam. Quid ergo? non est id bonum, sine quo nec illud bonum est? Vos certe dicitis, Sapientiam, si sine usu detur,

corporale quiddam intelligimus. Seneca autem discedit in his a Stoicis: quod Lipsius non advertent. R.

Dictum. Sic ms. a. Recte; nempe graec. *ἰατρὸν*. Cf. Sext. Emp. Pyrrh. II, 84. Vulgo *edictum*. Schw.

Corporale quiddam recte a. c. R. A. (conf. Sext. l. c.). Perperam *incorporale* vulgo, inde ab ed. Tavis. Schw.

Illum dicas. Temere illud dicas vulgo edd. Schw.

At in hoc de quo... habetur. Nam sapientia est mens perfecta, vel ad summum optimumque perducta. Cf. §. 11. Rohk.

Tanquam et Sapientia, etc. Vulgo, *Sapientia et sapiens, etc.* et desunt duo priora verba. *Et sapientia, etc.* absque tanquam, habet ed. R.

accipiendam non esse. Quis est usus sapientiae? Sapere: hoc est in illa pretiosissimum; quo detracto, supervacua fit. Si tormenta mala sunt, torqueri malum est; adeo quidem, ut illa non sint mala, si, quod sequitur, detraxeris. Sapientia habitus perfectae mentis est; sapere, usus perfectae mentis. Quomodo potest usus eius bonum non esse, quae sine usu bonum non est? Interrogo te, an Sapientia expetenda sit? fateris. Interrogo, an usus sapientiae expetendus sit? fateris: negas enim te illam recepturum, si uti ea prohibearis. Quod expetendum est, bonum est.¹⁸ Sapere, sapientiae usus est; quomodo eloquentiae, eloqui; quomodo oculorum, videre: ergo sapere, Sapientiae usus est. Vsus autem sapientiae expetendus est; sapere ergo expetendum est: si expetendum est, bonum est. — Olim ipse me damno, qui illos imitor, dum accuso, et verba apertae rei impendo. Cui enim dubium potest esse, quin, si aestus malum est, et aestnare malum sit? si algor malum est, malum sit algere? si vita bonum est, et vivere bonum sit?

Omnia ista, *circa Sapientiam*, non in ipsa, sunt; ¹⁹ at nobis *in ipsa* commorandum est. Etiam, si quid evagari libet, amplius habet illa spatiososque secessus. De Deorum natura quaeramus; de siderum elementis,

Et tanquam sapientia a. c. A. Satis erat, tanquam sapientia, absque et particula. Schw.

Eloqui dedit ms. a. Vulgo loqui, ubi primam vocalem absorpserat terminatio vocis praecedentis. Schw.

Bonum sit. Perperam bonum est edd. Schw.

De siderum elementis. Sic c. R. A. et Gruteriani quatuor; quod revocavit Ruhk. quum ex probato Piniciani libro alimento edidisset Mur.

At hoc verum erat; idque ipsum tuctur noster ms. a. De alimento siderum multa quæsisse veteres, multaque delirasse, salis notum est. Schw. — *De siderum elementis.* E. g. solem esse purissimum ignem et quidem artificialem, quem Zeno vocòv, intellectu praeditum appellabat, Posidonius et plerique Stoici lunam mixtam ex igne et aëre statuunt, etc. Cf. Lipsii Physiolog. II, 13. Ruhk.

de his tam variis stellarum discursibus; an ad illarum motus nostra moveantur; an corporibus omnium animisque illinc impetus veniat; an et haec, quae fortuita dicuntur, certa lege constricta sint, nihilque in hoc mundo repentinum aut expers ordinis volutetur? ²⁰ Ista iam a formatione morum recesserunt; sed levant animum, et ad ipsarum, quas tractant, rerum magnitudinem attollunt; haec vero, de quibus paulo ante dicebam, minuunt, et deprimunt; nec, ut putas, exacuant, sed extenuant. Obsecro vos! tam necessariam curam, maioribus melioribusque debitam, ²¹ in re, nescio an falsa, certe inutili, terimus? Quid mihi profuturum est scire, an aliud sit sapientia, aliud sapere? quid mihi profuturum est scire, illud bonum esse, hoc non esse? Temere me geram, subibo huius voti aleam: tibi Sapientia, mihi sapere contingat! pares erimus. Potius id age, ut mihi viam monstres, qua ad ista perveniam. Dic, quid vitare debeam, quid

Nostra moveantur. Sic a. c. R. A. (*nostra*, i. e. res nostrae.) Vulgo *nostra moveantur corpora*, inde ab ed. Ven. Schw. — Tangit astrologiam, quam certe turpe erat sapientiam prosequenti inter philosophiae studis collocare.

Nec, ut putas. Io litteris tuis, quibus mihi has quaestiuiculas ponis et commendas. Ruhk.

Tam necessariam. Vulgo, *cur tam necess.* ex ed. Ven. contra quam dabant veltustiores libri a. c. R. A. S.

Illud bonum esse, hoc non esse? Posteriora tria verba ex coniect. adiecti Muretus: admodum probabiliter quidem: quare facile possit abiret uncinos, quos illis circumdedit. Sed et in prioribus verbis

mire variant libri: nam pro *illud*, ille habet ms. a. *illuc* ms. c. id ed. A. quod ed. R. aliud ed. Vero. Schw.

Subibo huius voti aleam. Sic edd. ab Erasmo; commode: nam hac poscere videtur id quod modo siebat, *Temere me geram.* Sed et defendi poterat *subito*, secunda verbi persona, quod dabant a. c. R. A. et revocavit Ruhk. Schw. — At prioris *subito* nullum acumen habet: nempe nulli pericula abnoxius est Lucilius cui relinquatur sapientia, quam concedunt omnes bonum esse: Seneca autem in periculo est, qui sibi viodical asperere, quod Stuei bonum esse organ: ideo *subito* necessarium est.

Dic, quid, etc., a. c. A. Vulgo *Dic mihi, quid.* Schw.

appetere; quibus animum labantem studiis firmem; quemadmodum, quae me ex transverso ferunt aguntque, procul a me repellam; quomodo par esse tot²² malis possim; quomodo istas calamitates removeam, quae ad me irruerunt; quomodo illas, ad quas ego irrupi. Doce, quomodo feram aerumnam sine gemitu meo, felicitatem sine alieno; quomodo ultimum ac necessarium vitae terminum non exspectem, sed ipsemet, quum visum erit, profugiam. Nihil mihi videtur turpius, quam optare mortem. Nam si vis vivere, quid optas mori? *sive* non vis, quid Deos²³ rogas quod tibi nascenti dederunt? Nam, ut quandoque moriaris, etiam invito positum est; ut, quum voles, in tua manu est. Alterum tibi necesse est, alterum licet. Turpissimum his diebus principium disertis mehercules viri legi: «Ita, inquit, quamprimum moriar!» Homo demens! optas rem tuam: «Ita quamprimum moriar!» Fortasse inter has voces senex factus es: alioqui, quid in mora est? nemo te tenet; evade, qua visum est! elige quamlibet rerum naturae partem²⁴, quam tibi praebere exitum iubeas! Haec nempe sunt et elementa, quibus hic mundus administratur,

Ferunt aguntque. Sic edd. ab Erasmo, cum ms. c. Sed *feriunt* a. A. R. Pinc. et Grut. quod recepit Ruhk. Mihi tamen prius istud praefereendum visum erat. Schw.—*Ferunt aguntque*, idem est ac graecum ἀγνοῦσι κίποιον.

Irruperunt.... *irrupi* tuetur editio prisca: alii *eruperunt*, *erupi*. Ruhk.—*Irruperunt*, aliunde a Deo aut Intor non accessit. *Irrupi*. Ipse mihi struxi, in quos sponta mea indui. L.

Profugiam. E vita, ipse, imponam vitae meae finem.

Sive) Ruhk. si. Fortasse si vero. T.

Quod tibi nascenti dederunt. Scilicet ut semper mori possis.

Ita, inquit. Omnes codd. et editio prisca habent *Itaque*, et mox iterum *Itaque*. Recte emendavit Pinciaups utroque loco *Ita*. Tertio tamen loco habet editio prisca: *Ita* q. m. Est enim voti formula. Ruhk.

Quam tibi praebere exitum iubeas. Sic libri vet. multo commodius quam vulgo *qua tibi praebere*, etc. Schw.

Sunt et elementa, a. c. A. Abest vulgo et. Schw.

Illa mundus. nempe inferior: et

aqua, terra, spiritus: omnia ista tam causae vivendi sunt, quam viae mortis. «Ita quamprimum moriar!» *Quamprimum* istud, quod esse vis? quem illi diem ponis? citius fieri, quam optas, potes. Imbecillae mentis ista sunt verba, et hac detestatione misericordiam captantis. Non vult mori, qui optat. Deos vitam et salutem roga; si mori placuit, hic mortis est fructus, optare desinere.

Haec, mi Lucili, tractemus; his formemus animum! Haec est sapientia, hoc est sapere; non, disputationibus inanibus subtilitatem vanissimam agitare. Tot quaestiones fortuna tibi posuit; nondum illas solvisti; iam cavillaris. Quam stultum est, quum signum pugnae acceperis, ventilare! Remove ista lusoria arma; decretoriis opus est. Dic qua ratione nulla animum tristitia, nulla formido perturbet; qua ratione hoc secretarum cupiditatum pondus effundam. Agatur aliquid! — «Sapientia bonum est, sapere non est bonum». Sic fit, [ut] negemur sapere, ut hoc totum

ideo tria tantum nominat: quartam superioris mundi s. caeli est. i. e. ignis. *Ruhk.*

Quamprimum istud, quod esse vis? Int. quando cupis evenire illud quamprimum? si vere cuperes quamprimum mori, leipse statim occideres, nec horam uturnae expectares.

Citius fieri, quam optas, potest. Quia, quum mors invocata aderit, tum mori nolis.

Detestatione. Significat hic oblationem, nec compositio minuit vim verbi simplicia, sed auct. Est enim precatio et votum. *Lips.*

Ventilare. Egrotare et brachia atque arma in speciem ventumque iactare. A theatra arenisque sum-

ptum. Cf. Lipsiam in Saturn. II, 19. Scrivere app. philol. p. 21. *Ruhk.*

Decretoriis i. seriis, quibus de vita decernitur. Cf. de Clement. I, 14, Ep. cit. 24.

Agatur aliquid. Vertit Lagrange: *Venons au fait.*

Sic fit, ut negemur sapere. Voculam *ut* ex coniect. adieci, sed uinculis notavi, qua lectionem de coniectura non nimis certa mouerem. *Sic fit, negemur sapere* dedimus. a. *Sic fit: negemur sapere* a. A. R. Hinc Erasmus ex coniect. edidit: *Sic sit. Negemus sapere.* Denique Muretus: *Sic sit: negemus sapere bonum esse.* S. — Int. sic, scilicet istis disputationibus, fit ut sapere

stadium derideatur, tanquam operatum supervacuis.

Quid, si scires etiam illud quaeri, « an bonum sit futura sapientia? » Quid enim dubii est, oro te, an 27 nec messem futuram iam sentiant horrea, nec futuram adolescentiam pueritia viribus aut ullo robore intelligat? Aegro interim nihil ventura sanitas prodest; non magis, quam currentem luctantemque post multos secuturum menses otium reficit. Quis nescit hoc ipso non esse bonum id, quod futurum est, quia futurum est? Nam, quod bonum est, utique prodest: nisi praesentia, prodesse non possunt. Si non prodest, bonum 23 non est; si prodest, iam est. Futurus sum sapiens: hoc bonum erit, quum fuero; interim non est. Prius aliquid esse debet, deinde quale esse. Quomodo, oro te, quod adhuc nihil est, iam bonum est? Quomodo autem tibi magis vis probari, non esse aliquid, quam si dixerò *futurum est*? Nondum enim venisse apparet, quod venit. Ver secuturum est; scio nunc hie- 29 mem esse: aestas secutura est; scio aestatem non esse. Maximum argumentum habeo nondum praesentis, futurum esse. Sapiam, spero; sed interim non sapio: si illud bonum haberem, iam hoc carerem malo. Fu-

negemur, nempe qui tantum impendimus studium acquirendae rei supervacuae: nempe in ea studemus ut sapiamus: atque si, *sapere* non bonum est, studemus in anpervacuis. Forsan ei verbum *supervacuis* spectat simpliciter ad futilitatem harum disputationum, quae nullum fructum ferunt.

Quid enim dubii est.... horrea. Int. certum est nullo modo posse fieri ut horrea sentiant messem futuram.

Post multos secuturum menses otium. Haud dubie vitiosum est

vulgatum, post multos secut. *sensus*, licet in hoc consentiant libri fere omnes. Magis etiam vitiosum, quod est in ms. a. *sense socium*: sed sub hoc latebat, puto, *menses otium*. Schw.

Bonum non est. Vocem utique, quam istis vulgo adiciunt, ignorat a. c. A. In ed. R. ad sequentia refertur illa vox, utique si prodest, etc. S.

Prius aliquid... esse. Int. antequam res aliqua ulla qualitates habent, oportet eam rem esse: cum nullae qualitates sine substantia sunt.

turum est, ut sapiam: ex hoc licet, nondam sapere me, intelligas. Non possum simul et in illo bono, et in hoc malo esse. Duo ista non coeunt, nec apud eundem sunt una, bonum et malum.

- 30 Transcurramus solertissimas nugas, et ad illa, quae nobis aliquam opem sunt latura, properemus. Nemo, qui obstetricem parturienti filiae sollicitus arcessit, edictum et ludorum ordinem perlegit: nemo, qui ad incendium domus suae currit, tabulam latrunculariam perspicit, ut sciat, quomodo alligatus exeat
31 calculus. At mehercules omnia tibi undique nuntiantur, et incendium domus, et periculum liberorum, et obsidium patriae, et bonorum direptio: adice istis naufragia motusque terrarum, et quidquid aliud timeri potest. Inter ista districtus, rebus, nihil aliud quam animum oblectantibus, vacas? quid inter sapientiam, et sapere intersit, inquiris? nodos nectis ac solvis, tanta mole impendente capiti tuo?
32 Non tam benignum ac liberale tempus natura nobis dedit, ut aliquid ex illo vacet perdere! Et vide, quam multa etiam diligentissimis pereant: aliud valetudo sua cuique abstulit, aliud suorum; aliud necessaria negotia, aliud publica occupaverunt; vitam

Nemo, qui obstetricem, etc. Simile est Adagium graec. quod laudat Erasmus in Adag. 1 Chil. X Cent. nr. 38: Ἀνὴρ δὲ γένυν οὐ μὲν αἰσθάνει κτλ. Ruhl.

Edictum, etc. Libelli aut isbulae, in publico proponi solitas (apud nos *affiches*) apparatus omnem ludorum; tempus, ordinem, etc. indicabant. Cf. de Beuf. VI, 1, Lipsii Saturnali: II, 18. R.— Ante ludorum pugnas, ait laretus, muris erat, ut editos libellos pro-

poneret, in quibus dies futuri muneris, item nomus et pars gladiatorum; scilicet allicienda plebi, et expectationi commovenda.

Alligatus, qui ita obsessus, circumventus erat, ut moveri sine periculo non posset Cf. Wernsdorffii Excurs. XI in Tom. IV Poët. Lat. minor. p. 413 sq. Ruhl.

Non tam benignum ac liberale tempus. Inl. tam inique et parce nobis natura tempus dedit, ut nihil vacet ex illo perdere.

nobiscum dividit somnus. Ex hoc tempore, tam angusto et rapido, et nos auferente, quid iuvat maiorem partem mittere in vanum? Adice nunc, quod³⁵ assuescit animus delectare se potius, quam sanare; et Philosophiam oblectamentum facere, quum remedium sit. Inter Sapientiam et sapere quid intersit, nescio: scio mea non interesse, sciam ista, an nesciam. Dic mihi: quum, quid inter Sapientiam et sapere intersit, didicero, sapiam? Cur ergo potius inter vocabula me sapientiae detines, quam inter opera? Fac me fortiorem, fac securiorem, fac fortunae parem, fac superiorem! Possum autem superior esse, si [isto] direxero omne quod disco. Vale.

Fac securiorem. Vulgo *fac me secur,* invitis libris nostra, Schw.

Si (isto) direxero omne quod disco. Sic a. c. Pal. 3, et Pinc. nisi quod omittant vocem *isto*, quam ex coniect. adieci. Vulgo *si fecero* ex ora Et. *Si dixero* (sic)

ed. R. *Si dixero* ed. Ven. et Erasmi. cum Pal. 1, 2, 4, Col. *Si fecero vel dixero* ed. A. S. — Editio prisca: *si fecero vel direxero.* Læptius emendat *si vixero.* Rubk. — Int. fortuna superior sum, si isto omnem disciplinam direxero, ut illi superior sum.

EPISTOLA CXVIII.

QVID SIT BONVM.

Exigenti a Seneca frequentiores epistolas amico respondet, se hoc munus defugere nolle, licet ille a promissis non steterit, et frequentiores missurum, non inanes, quales Ciceronis multae sint, sed monitorum utilium uberes, atque sua potius quam aliena tractantes. Idcirco suadet, a fortuna nihil petere, nec ab ea pendere, sed privatam facere fortunam. Nam qui a fortuna pendent, per mala nituntur in malum, ignorantia veri et boni. Quaerendum itaque est, quid sit bonum, quod alius alio modo

finiverunt et expresserunt, et quid ab honesto differat. Omne bonum secundum naturam est, nec tamen quidquid secundum naturam est bonum.

SENECA LUCILIO SVO SALVTEM.

Exigis a me frequentiores epistolas. Rationes conferamus! solvendo non eris. Convenerat quidem, ut tua priora essent; tu scriberes, ego rescriberem. Sed non ero difficilis: bene credi tibi scio; itaque in antecessum dabo. Nec faciam, quod Cicero, vir disertissimus, facere Atticum iubet, ut, etiam si rem nullam habebit, quod in buccam venerit, scribat. Nunquam potest deesse quod scribam, ut omnia illa, quae *Ciceronis* implent *Epistolas*, transeam: « quis candidatus laboret; quis alienis, quis suis viribus pugnet; quis consulatum fiducia Caesaris, quis Pompeii, quis arte petat; quam durus sit foenerator Caecilius, a quo minoris centesimis propinqui nummum movere non possint. » Sua satius est mala, quam aliena, tractare; se excutere, et videre, quam mul-

In antecessum dabo. Fori verbum aut argentarioium: valet, solvere priusquam dies cesserit. Vide de Benef. IV, esp. xxxii. Lips.—Florus dicit Cherascos Saevos et Sicambros bellum Romanis intulisse: adeo certa victoriae spe, ut praedam in antecessum pactione dividerint.

Cicero, vir disertissimus, ad Atticum pleraque ista libro I. Lips.

Quis arte petat. Sic c. A. Pal. 2, 3, Pinc. Nec aliud debuerat ms. a. in quo arce; item Pal. 4, in quo quis Crassi arte. Olim aperte edd. ex R. ab se, ed. Gron. et aeq. ex Lipsii conjectura. Schw.

Quam durus sit foenerator Caecilius, etc. Verba fere sunt Ciceronis ad Attic. Ep. 1, 12. Caecilium erat Attici avunculus. Vide Cic. Ep. ad Att. 1, 1. Ruhl.

Centesimis (intell. partibus sortis) sc. usuris: quum singuli asses in mensem solvantur pro centenis, unde sunt duodeni in annum (12 pro cent.). Cf. Ernesti Clav. Cic. sub voce *Centesimae*. Ruhl.

Possint, a. c. Alii vulgo possunt. Schw.

Multarum rerum candidatus. Externarum et innatum: quas aspernetur iudicio et ratione, etsi opinio et inclinatio eo vocat. Lips.

tarum rerum candidatus sit, et non suffragari. Hoc est, mi Lucili, egregium, hoc securum ac liberum; nihil petere, et tota fortunae comitia transire.

Quam putas esse iucundum, tribubus vocatis; quam candidati in templis suis pendeant, et alius nummos pronuntiet, alius per sequestrem agat, alius eorum manus osculis conterat, quibus designatus contingendam manum negaturus est, omnes, attoniti, vocem praeconis expectant; stare otiosum, et spectare illas nundinas, nec ementem quidquam, nec vendentem? Quanto hic maiore gaudio fruitur, qui non praetoria aut consularia comitia securus intuetur, sed magna illa, in quibus alii honores anniversarios

Et non suffragari, nihil facere, ut illarum rerum externarum et proinde inanium particeps sis. *Ruhk.*

Quum candidati in templis suis pendeant, etc. Vides hic comitiorum mentionem eadem ratione habituram, qua tempore reipubl. liberae habita sunt: nec adversatur Tacitus Annal. I, 15 comitia a campo in curiam translata: ubi de magistratibus a Senatu et non a populo creandis nonnisi novo imperatore succedente, sermo est. *Templa* intelligam de rostris s. tabernis edictioribus, ubi candidati, teste Macrobio I Saturnal. 16, p. 282 bip. consistebant, ut et conspici, et suos hortari non sine sollicitudine ac bene excipere possent, aeque ac bodieque apud Anglos in creandis senatoribus fieri solet. Cf. *Schneider. ad Farron. de Re Rust.* III, 2, 1. Flor. II, 13, ubi templum, i. e. tabernaculum occurrit. Lipsius exposuit de templis Campo Martio vicinis, ad quae candidatos divertissa et exitum comitiorum expectasse conicit. *Ruhk.*

Sequestrem, non *sequestrum*, a. e. *R. A.*, Schw.—Non pronuntiet solum et promittat, sed nummos deponat et apud alium, fidis causa, consignet. *Lips.*

Manus osculis conterat. Vile et servile. Nam illi Dominis sic solent. Vide Electa nostra, lib. II, cap. de osculis. *L.*—De candidatorum ambitu conf. Adams I, p. 158 sq. *Ruhk.*

Vocem praeconis qui creatur renuntiare. *Ruhk.*

Et spectare... vendentem. Nota est vitas cum mercatu comparatio a Pythagora iam instituta, ap. Cicero. Quæst. Tuscul. V, 3 ibiq. Davies p. 347 sq. *R.*—Nobis hæc non generaliter de vito, sed de emptione suffragiorum dicta videntur.

Sed magna illa. Totius mundi comitia, praeside Fortuna. *Ruhk.*

H. anniversarios magistratus: nam Seneca tempore magistratus honorarii e. c. consules suffecti s. minores creabantur in dies mensurae. *Anniversarii* s. ordinarii in an-

petunt, alii perpetuas potestates, alii bellorum eventus prosperos triumphosque, alii divitias, alii matrimonia ac liberos, alii salutem suam suorumque? Quanti animi res est, solum nihil petere, nulli supplicare, et dicere: « Nihil mihi tecum, Fortuna! Non facio mei tibi copiam! scio apud te Catones repelli, Vatinios fieri; nihil rogo! » Hoc est privatam facere
 5 Fortunam.—Licet ergo haec invicem scribere, et hanc integram semper egerere materiam, circumspicientibus tot milla hominum inquieta; qui, ut aliquid pestiferi consequantur, per mala nituntur in malum, petuntque mox fugienda, aut etiam fastidienda. Cui enim assecuto satis fuit, quod optanti nimium videbatur?
 6 Non est, ut existimant homines, avida felicitas, sed pusilla: itaque neminem satiat. Tu ista credis excelsa, quia longe ab illis iaces; ei vero, qui ad illa pervenit, humilia sunt. Mentior, nisi adhuc quaerit ascendere: istuc, quod tu summum putas, gradus est. Omnes autem male habet ignorantia veri. Tanquam ad bona
 7 feruntur, decepti rumoribus: deinde, mala esse, aut inania, aut minora quam speraverint, adepti ac multa

nam creati sono nomen dabant. Dio Cass. lib. XLVIII, 35. Ruhl.

P. potestates, i. e. regna, principatus; proprie muoera summa provincialia. Cf. Ernesti cl. v. Cic. voc. *Imperium*. Ruhl.

Vatinios, aequalissimos homines: cf. de Constant. 17, 3. R.—Vatinus, tribuus plebis anno V. C. 695 Caesaris partes maximo studio complexus est: legem tulit Vatiniam, qua imperium Caesari per quinque annos prorogabatur: quem ut Caesar remaneret, ambitu fecit, ut ad praeturam eveheretur, repulso Catone.

Privatam i. propriam, a fortuitis non pendentem. Ruhl.

Avida felicitas. Idem de ea ait noster Ep. xix, 6: *Et avida felicitas est, et alienae, aviditati exposita*. Nunquam, ait, satiri potest, ideoque pusilla est, etc. R.—Int. si homines semper nova petunt, ne illos ideo accuses aviditatis: nam quo primum appetiverant ut felicitatem data, tam reipsa pusilla erant, tam indigos votis hominum, ut nihil mirum sit his homines contentos non fuisse.

Istuc ms. a. quod idem valet ac vulgatum *istud*. Schw.

passi, vident; maiorque pars miratur ex intervallo fallentia, et vulgo magna pro bonis sunt.

Hoc ne nobis quoque eveniat, quaeramus, « quid sit Bonum ! » Varia eius interpretatio fuit: finivit hoc alius alio modo, alius illud aliter expressit. Quidam ita finiunt: « Bonum est, quod invitat animos, quod ad se vocat. » Huic statim opponitur: Quid, si invitat quidem, sed in perniciem? scis, quam multa mala blanda sint. Verum, et verisimile, inter se differunt. Ita, quod bonum est, vero iungitur; non est enim bonum, nisi verum est: at, quod invitat ad se et allicefacit, verisimile est: subripit, sollicitat, attrahit. — Quidam ita finierunt: « Bonum est, quod appetitio, nem sui movet; vel, quod impetum animi tendentis ad se movet. » Et huic idem opponitur: multa enim impetum animi movent, quae petuntur petentium malo. — Melius illi, qui sic finierunt: « Bonum est, quod ad se impetum animi secundum naturam movet,

Ita, quod bonum est, vero iungitur. Sic ms. a. ubi *Ita* valet *Itaque*, quod habent a. R. A. *Ita*, scil. quoniam multa sunt quae specie blando ac falsa invitant. Vulgo sic distinguebatur, *differunt ita*, *Quod bonum est*, etc. S. — *Vero iungitur.* Sequitur una cum *Stoa* Socraticam, qui hanc summam dixit esse sapientiam, bona malaque distinguere. Senec. Ep. LXXI, 7. De bono multae fuerunt definitiones inter se differentes. Cic. de Fin. III, 10. Lipsii Maunduct. II, 22. Sapiens iam huic questioni indulgit Noster, e. c. Epistol. xx, LVI, LXIV, etc. De auctoribus harum definitionum nihil aliunde constat. Ruhk.

Invitat ad se et allicefacit. Vulgo

allicit facit ed. Mar. Lips. Gron. et Matth. ex Pinciani coniect. *Allidere facit* e. A. Ven. Et. quod revocavit Ruhk. In a. sio scriptum, *adlicere facit*: unde *allicefacit* correxi, sensus Gronovii, coll. Sueton. Vitell. c. xiv. Similiter formatum verbum *expavescere* vidimus apud Nostrum, Ep. LXXXV. Eiusdem formae est *commonescere*, communi sermone tritum. Schw.

Subripit ms. a. *Surripit* alii libri velt. *Subrept* vulgo, ex Pinciani coniectura. Schw.

Bonum est... naturam movet. Cic. de Fin. III, 10: *Ego (Cato) osentior Diogeni, qui bonum definitur id, quod esset natura absolutum.* Diogenes fuit Babylonius, stoicus, quem Laelius audit. Cf. Fabric.

et ita demum petendum est. » Quum coepit esse expectandum, iam et honestum est; hoc enim est perfecte petendum. Locus ipse me admonet, ut « quid intersit inter Bonum Honestumque » dicam. Aliquid inter se habent mixtum et inseparabile: nec potest bonum esse, nisi cui aliquid honesti inest; et honestum utique bonum est. Quid ergo inter duo interest? *Honestum* est perfectum bonum, quo beata vita compleitur, cuius contactu alia quoque bona fiunt. Quod dico, tale est. Sunt quaedam neque bona, neque mala: tanquam militia, legalio, iurisdictio. Haec, quum honeste administrata sunt, bona esse incipiunt, et ex dubio in bonum transeunt. *Bonum* societate honesti fit; *honestum* per se bonum est. Bonum ex honesto fluit; honestum ex se est. Quod bonum est, malum esse potuit; quod honestum est, nisi bonum esse non potuit.

Hanc quidam finitionem reddiderunt: « Bonum est, quod secundum naturam est. » Attende quid dicam: quod bonum est, secundum naturam est; non protinus, quod secundum naturam est, etiam bonum est. Multa quidem naturae consentiunt; sed tam pu-

B. G. vol. III, p. 560. *Ruhk.*

Et ita demum petendum. Cato apud Cic. l. 1. Quum ab iis rebus, quae sunt secundum naturam, ascendit animus collatione rationis, tum ad notionem boni pervenit. *Ruhk.*

Locus ipse, etc. Nam cum bono semper honestam coniunxisse Stoicos notum est vel e Cic. de Off. 1, 5. Quum enim dicerent, bonum semper prodesse, ideoque expectandum et laetum et honestum (εὖαιον) esse, et nihil aliud in bonorum numero nisi honestum

esse vellent, illud honestum et explicare et defendere debebant. Cerni autem id docebant iustitiam, constantiam, temperantiam et scientiam. *Diog. Laert. VII, 100. Ruhk.*

Neque bona, neque mala. Ea sunt, media. *Lips.*

Secundum naturam est. Perperam vulgo, et in vitis mastis, et secundum naturam est: et deinde et bonum est, ubi etiam bonum est commodum dederunt a. c. R. Schw.

Multa quidem naturae rel. Bonum, sit, secundum naturam est, sed pervenit ad hanc suam proprietatem ipsa

silla sunt, ut non conveniat illis boni nomen. Levia enim sunt, et contemnenda; nullum est minimum contemnendum bonum. Nam quamdiu exiguum est, bonum non est; quum bonum esse coepit, non exiguum est. Vnde agnoscitur bonum? si perfecte secundum naturam est. — Fateris, inquis, quod bonum¹³ est, secundum naturam esse; haec eius proprietas est: fateris et alia secundum naturam quidem esse, sed bona non esse. Quomodo ergo illud bonum est, quum haec non sint? quomodo ad aliam proprietatem pervenit, quum utrique praecipuum illud commune sit, secundum naturam esse? — Ipsa scilicet¹⁴ magnitudine. Nec hoc novum est, quaedam crescendo mutari. Infans fuit, factus est pubes; alia eius proprietas fit: ille enim irrationalis est, hic rationalis. Quaedam incremento non tantum in maius exeunt,¹⁵ sed in aliud. — Non fit, inquit, aliud, quod maius fit: utrum lagenam an dolium impleas vino, nihil refert; in utroque proprietas vini est: exiguum mellis pondus, ex magno, sapore non differt. — Diversa ponis exempla; in istis enim eadem qualitas est; quam-

magnitudine. Dissensus, qui inter Nostrum et Cig. l. l. intercedit, ita conciliari fortasse potest: quod bonum ait Noster, crescendo ad summum pervenit, atque tum neque augeri neque minui potest: Cato contra ap. Ciceronem de summo bono loquitur, quod genere, non magnitudine cernatur. Vereor tamen, ut recte philosophantibus sententiam suam probaverit Seneca: non enim magnitudine, sed recto rationis, sine qua, ut ipse ait Ep. LXVI, 12, nullum bonum est, usu illud bonum cerui debet, si ceteros Stoae auctores audias. Ruhk.

Nullum est minimum contemnendum bonum. Sic a. c. R. A. Vulgo olim edd. nullum nec minimum; cd. Ruhk. nullum etiam minimum. S. — Ruhk. nititur uno Pinciani et Iribus palat. atque interpretatur suam lectionem: minimum contemnendum bonum est nullum; Pincianus nullum minimum; Erasmus nullum enim m. Vnde agnoscitur bonum? Vnde aliquid cognoscitur bon. edd. iuvitis manuscriptoris. Schw.

Ille enim, a. c. A. Abest vulgare enim. Schw.

Ex magno. Sic m. a. et ed. R. commode: sc. quod sumitur ex ma-

vis augeantur, manent. Quaedam, amplificata, in suo genere et in sua proprietate perdurant; quaedam, post multa incrementa, ultima demum vertit adiectio; et novam illis, aliamque, quam in qua fuerunt, conditionem imprimit. Vnus lapis fecit fornicem, ille qui latera inclinata cuneavit, et interventu suo vinxit. Summa adiectio quare plurimum facit, vel exigua? Quia non auget, sed implet. Quaedam processu priorem exuunt formam, et in novam transeunt. Vbi aliquid animus diu protulit, et magnitudinem eius sequendo, lassatus est, *infinitem* coepit vocari; quod longe aliud factum est, quam fuit, quum magnum videretur, sed finitum. Eodem modo aliquid difficulter secari cogitavimus; novissime, crescente difficultate, *insecabile* inventum est. Sic ab eo, quod vix et aegre movebatur, processimus ad *immobile*. Eadem ratione aliquid *secundum naturam* fuit; hoc in aliam proprietatem magnitudo sua transtulit, et *bonum* fecit. Vale.

gno pondere. Et magnum edd. cum c. A. cum quo parum convenit verbum differt in sing. Schw.

Et in sua proprietate, a. c. A. Perperam deest et edd. az R. Schw.

Vbi aliquid animus... *infinitem* coepit vocari. I. e. ubi animus diu aliquid in conspectum suum extulerit, ut in id inquirat, atque eius magnitudinem ultra aequi non potuerit, exemplo sit tempus, aeternitas, tunc illud *infinitem* coepit vocari. Ita, quae finita videbantur, infinita sunt, et in novam exeunt formam. Exempla haec illustrant, sed parum probant. Sed

hanc argumentationem Senecae propriam esse putaverim. Ruhk.— Hanc Senecae recentiorumque empiristarum opinionem de *infiniti* notionis origine multi philosophi impugnaverunt, in primis Kantius illiusque assecrae. Notum est nostrum *Pentton* aliosque contendisse ideam infiniti o mundo exteriori sola amplificatione finiti nunquam nobis contingere potuisse: ideam vero illam quasi divini nominis esse imaginem aliquam animo nostro impressam. Caeterom quaestionem de *infinito* penitus tractatam vide ab *Anallon*, *Essais de Philosophie*, in speciali tentamine.

EPISTOLA CXIX.

DIVITEM RESE, QVI CVPIDINIBVS IMPERAT.

Locose promittit amico, se docturum cum esse, quomodo fieri dives celerrime possit. Deinde monet, maximas esse divitias, quas a nobis ipsis petierimus, naturae nihil negantes, quae paucis contenta est, et supervacua dimittit. Tunc nobis nihil deerit, finem omnium rerum spectantibus, qui naturam non excedit; divitias desinere tunc non possunt, satis habebimus: pecunia autem neminem fecit divitem. Il contra, qui vulgo divites sunt, proprie pro pauperibus habendi sunt.

SENECA LUCILIO SVO SALUTEM.

Quoties aliquid inveni, non exspecto, donec dicas: *in commune!* — ipse mihi dico. Quid sit, quod invenerim, quaeris? sinum laxa, merum lucrum est! Docebo, quomodo fieri dives celerrime possis; quod valde cupis audire, nec immerito: ad maximas te divitias compendiaria ducam. Opus erit tamen tibi creditore; ut negotiari possis, aes alienum facias oportet: sed nolo per intercessorem mutueris, nolo proxene-

In commune. Sic Graeci de rebus inventis et casu oblatiis dicere solent, Εἰς κοινόν, notante Lipsio et Gronovio, qui Isadat Phaedri fab. V, 6, 3: *Eia*, inquit (calvus), *in commune, quodcumque est lucri.* Res nota et a multis, e. c. paroemiographis et iis, quos praeter Burmannum Iacobs amicus. ad Brunk. Anal. II, p. 269, XIII laudat, explicata. Rühl. — Phurnutius, de Mercurio: *Si quis aliquid in itinere invenerit, moris est praefari communi Mercurio, qui certe rei inventae conscius est, ut qui in vis versatur.*

Sinum. Togae similiter Horat. Sermon. II, 3, 172: *Ferre sinu laxo.* R.

Compendiaria (sc. vis) edd. cum a. R. et Pine. Conf. Ep. XXVII, nec *mala compendiario* (sc. itinere) ed. Et. cum aliis apud Pinciadum et Grut. coll. XXIII, 250, 9. Perperam *compendiario* ed. Ven. cum e. A. S.

Opus erit... creditore. Quo? ipso te, ut arguendo subdit. Lips.

Proxenetae. Graeco nomine προξενῆς, qui est velut pararius, conciliator et interpres: qui partes contracturas praedius ipse iungit. Lips.

tæ nomen tuum iactent. Paratum tibi creditorem
 2 dabo, Catonianum illum: « A te mutuum sumes. »
 Quantulumcumque est, satis erit, si quidquid deerit,
 id a nobis petierimus. Nihil enim, mi Lucili, inter-
 est, utrum non desideres, an habeas. Summa rei in
 utroque est eadem; non torqueberis. Nec illud prae-
 cipio, ut aliquid naturae neges; contumax est, non
 potest vinci, suum poscit: sed, ut quidquid naturam
 3 excedit, scias precarium esse, non necessarium. Esu-
 rio; edendum est: utrum hic panis sit plebeius, an
 siligineus, ad naturam nihil pertinet. Illa ventrem non
 delectari vult, sed impleri. Sitio; utrum haec aqua
 sit, quam ex lacu proximo excepero, an ea, quam
 multa nive clusero, ut rigore refrigeretur alieno, ad
 4 naturam, nihil pertinet. Illa hoc unum iubet, sitim
 exstingui: utrum sit aureum poculum, an crystalli-
 num, an murrheum, an Tiburtinus calix, an manus

Catonianum tenent libri omnes, nisi quod per th. scribant ms. a. et ed. A. *Heatonianum* coniecit Pinc. Schw. — *Catonianum illum*. Sc. creditorem. Nam M. Cato dixit: Quod tibi deest, a te ipso mutare. Senec. de Benefic. V, 7: Te ipsum tibi paratum creditorem dabo, illum quem Cato dare solebat. Ruhk.

Utrum hic panis... plebeius. I. farreus: far autem est genus tritici durius ac ponderosius, domesticum Italiae frumentum. Plin. 18, 7. Cf. Heynii Opuscul. academ. 1, p. 357. Schneideri Index ad Scriptt. Rer. rust. h. v. Ruhk.

Siligineus. E tritico: tener ac silig. coniungitur Ep. clxxiii, 2. Plin. 18, 8 tritici deliciae vocat. Cf. Heynii Op. sc. 1, p. 358 et Schneideri Index laud. h. v. Ruhk.

Ex lacu proximo. Propertius: Ipsa

petita lacu nunc mihi dulcis aqua est.

Clusero. Sic Erasmi editio et romana: praetulerunt Lipsius et Gronovius: conveniunt palatini codd. mas. omnes. Pinciani codd. praestant *elusero*. Editio antiqua: *thiscrove frigore*. Ruhk. — *Clusero*, a. R. *Elusero* c. A. Schw. — *Clusero*. Aqua enim in vase circumdari nive solebat. R.

Murrhenum, ms. a. quod et debuerant c. A. in quibus *murreum*. Nec male vulgo *myrrhinum* edd. vel *murrhinum*, ut ed. Ruhk. Perperam *vitreum* ed. R. S. — E murrha vasa, e. e. pocula murrha, s. murrhina, confecta esse constat, sed quidnam fuerit, non satis compertum est. V. Christii, Rezzonici (Disq. Plin. To. II, p. 213), Leblondii (*Hist. de l'Acad. des Inscr.* To. XLIII), Bruckmanni al. opiniones omittam, omnes fere in eo conveniunt, murrham ge-

concava, nihil refert. Finem omnium rerum specta, et supervacua dimittes. Fames me appellat: ad proxima quaeque porrigatur manus; ipsa mihi commendabit, quodcumque comprehendero. Nihil contemnit esuriens.

Quid sit ergo, quod me delectaverit, quaeris? — Videtur mihi egregie dictum: «Sapiens divitiarum naturalium est quaesitor acerrimus.» — Inani me, inquis, lance muneris! Quid est istud? Ego iam paraveram fiscos; circumspiciebam, in quod me mare negotiaturus immitterem; quod publicum agitare; quas arcesserem merces. Decipere est istud, docere paupertatem, quum divitias promiseris. — Ita tu pauperem iudicas, cui nihil deest? — Suo, inquis, et patientiae suae beneficio, non fortunae. — Ideo ergo

non quoddam egathi s. pseudopoli s. quas fuit b. Velthemii sententia, stetitiae sinici pretiosum fuisse. Duplex tamen species fuit, altera naturalis, quae e terra effodiebatur, altero artificiose composita, instar fluoris vitrei. Cf. Larcher, *Histoire de l'Acad. des Ins.*, To. XLIII, cui assentitur Blumenbach (*Naturgesch.* p. 599 edd. VI, sed in ed. VII anni 1803 deleuit B. istum locum, mutata forsitan sententia.) Quum crystallum tum murrham misit Oriens; ex eadem terra effodimus, ait, Plin. 37, 2, quoniamque describit. Ruhk. — Plura vide in Excursu ad lib. VII de Benef. nostrae ed. vol. II, p. 695.

Tiburinus calix. Fictilis. L. — Fictilia vasa Tibure facta esse, aliando non constat. Strabo V, 3, 11, lapicidinas memorat, sed marmoris, nunc travertino appellati; de terra s. creta sigillina tacet. Ruhk.

Porrigatur, a. e. d. Pinc. Pol. 2, 3; extendatur ed. R. et seqq. tendatur ed. Lips. et seqq. invitis mastis. S.

Quid sit ergo, etc. De quo initio dixi: in commune debet proferri. L.

Quid est istud? Sic a. o. R. A. Perperam *Quid est illud inane?* ed. Er. Mur. et Lips. Tum, *Quid est illud in commune?* ed. Gron. Bip. et Ruhk. ex levi coniecit. Lipsii. Istud inane corruptum erat ex *lanne*, quod subiciebatur olim sic, *Iam ne ego parav. vel Iam ne parav.* ego: pro quo nos ex ms. a. dedimus, *Ego iam paraveram.* Schw.

Ego iam paraveram, etc. Ut vel argentariam exercendo, vel publica c. c. vectigalia redimendo, vel mercatum faciendo dives fierem. Conf. Epist. c. init. Ruhk.

Ideo ergo... possunt. Int. eos ergo solos divites putas, quorum divitiae possunt desinere, et sunt obnoxiae casibus.

illum non iudicas divitem, quia divitiae eius desinere non possunt? Vtrum maius, habere multum, an satis? Qui multum habet, plus cupit; quod est argumentum, nondum illum satis habere: qui satis habet, consecutus est, quod nunquam divitiis contigit, finem. An has ideo non putas esse divitias, quia propter illas nemo proscriptus est? quia propter illas nulli venenum filius, nulli uxor impexit? quia in bello tutae sunt? quia in pace otiosae? quia nec habere illas periculosum est, nec operosum disponere? An parum habet, qui tantum non alget, non esurit, non sitit? Plus Iupiter non habet. Nunquam parum est, quod satis est: et nunquam multum est, quod satis non est. Post Darium et Indos pauper est Alexander Macedo: mentior; quaerit, quod suum faciat, scrutatur maria ignota, in oceanum classes mittit no-

Vtrum maius: habere multum, etc.

Sic a. c. *A. Parperam malis ed. R. unde vulgo Vtrum malis habere, etc. Schw.*

An parum habet, etc. Sic edd. cum R. et A. Sed rectius videtur *At*, quod dabat ms. c. quod ipsum etiam debuerat ms. a. in quo *Ad*, frequenti permutatione litterarum t et d. Quare sic rescriptum malim: ... *At parum habet qui tantum non alget, ... non sitit, ... Plus Iupiter non habet.* Scilicet, istud, *At parum habet, etc.* opponit alter; cui Seneca respondet, *Plus Iupiter, etc. Schw.* — *An parum habet, qui tantum non, etc.* I. qui proesus non a., qui multa alia quidem non possidet, sed tamen non alget. Ita Cicero Epist. ad Attic. 14, 5 eos tantum non laudari, sed incladi. Moneo propter Pincianum, qui huius significationis immemor legendum putabat: *qui tantum non, non alget, i.*

a. qui fore non alget. *Ruhk.*

Et nunquam multum est, Copolam et, omissem vulgo, dedere veteres libri omnes. Schw.

Post Darium et Indos. Int. postquam Darii regnum Indorumque suum fecit.

Alexander. De Alexandro conf. ad Ep. xci, 17, *Ruhk.*

Mentior. quod aberat vulgo, adiectum ex more Senecae dedit ms. a. et unus probus cod. Pinc. *Schw.*

In oceanum rel. Nearchus dux, cuius paraplum s. itinerarium expressit Arrianus in Indica egregie super illustratis a Vincentior *the voyage of Nearchus from the Indus to the Euphrates, etc. London 1797*: haec expeditio facta est anno 326 ante Christ. natum, qua Orbis nostri pars detegebatur tunc incognita: hinc mundi claustra per, et mox, post omnia lucem accipiunt. *Ruhk.*

vas, et ipsa, ut ita dicam, mundi claustra perrumpit. Quod naturae satis est, homini non est! Inventus est, qui concupisceret aliquid post omnia: tanta est caecitas mentium, et tanta initiorum suorum unicuique, quum processit, oblivio! Ille, modo ignobilis anguli, non sine controversia dominus, tacto fine terrarum per suum rediturus orbem, tristis est.

Neminem pecunia divitem fecit: immo contra, nulli non maiorem sui cupiditatem incussit. Quaeris, quae sit huius rei causa? plus incipit habere posse, qui plus habet. Ad summam, quem voles mihi ex his, quorum nomina cum Crasso Licinioque numerantur, in medium licet protrahas; afferat censum, et, quidquid habet, et quidquid sperat, simul computet: iste, si mihi credis, pauper est; si tibi, potest esse. At hic, qui se ad id, quod natura exigit, composuit, non tantum extra sensum est paupertatis, sed extra metum. Sed, ut scias, quam difficile sit, res suas ad naturalem modum coarctare; hic ipse, quem circa naturam dicimus, quem tu vocas pauperem, habet aliquid et supervacui. At excaecant populum, et in se con-

Et ipsa, ut ita dicam. Sic commoda c. A. R. Aherat vulgo ipsa. Schw.

Ille modo ignobilis anguli. Macedoniae, non sine controversia: bello enim ei gerendus fuerant cum populis quibusdam vicinis, Triballis, Getis, Illyriis, Thebanis, etc. Res nota. R.

Tacto fine terrarum. Sic recte ms. a. Perperam tanto fine terr. c. A. R. unde inepte vulgo de tanto fine, etc. ex uno cod. Pine. alius toto (pro tacto) dabit. Schw. — Lipsius ait: diviuet aliquis, detecto.

Plus incipit habere posse. Habere velle desiderasset; sed nil mutant libri. Schw.

Quorum nomina cum Crasso Licinioque numerantur. Speciosum erat quod dabit ms. a. cum Crasso Licinioque, et sic fere etiam c. A. R. Sed verum utique videtur Crasso, quod ex Pinciani codd. receptum a Mur. Tum Licinioque vulgo edd. ab eodem Mur. ex Persio et Iuvenali: sed, ut in Senecae libris, sic et apud Dionem Cassium LIV, 21 et apud Sueton. Octav. 67. Licinius vocatur ille Augusti libertus, cuius divitiae, ut olim Crassi, in proverbium abierant. Cf. Nostrum Epist. cxx Schw. — De Crasso omnia e Cicerone et Plutarchi vita nota. Ruhl. — Persius: Nunc

vertunt opes, si numerati multum ex aliqua domo
effertur, si multum auri tecto quoque eius illinitur,
si familia aut corporibus electa, aut spectabilis cultu
12 est! Omnium istorum felicitas in publicum spectat:
ille, quem nos et populo et fortunae subduximus,
beatus introrsum est. Nam, quod ad illos pertinet,
apud quos falso divitiarum nomen invasit occupata
paupertas, sic divitias habent, quomodo habere dici-
mur febrem, quum illa nos habeat. E contrario di-
cere solemus, « febris illum tenet: » eodem modo
dicendum est, « divitiae illum tenent. »

13 Nihil ergo monuisse te malim, quam hoc, quod
nemo monetur satis: ut omnia naturalibus desideriis
metiaris: quibus aut gratis satisfiat, aut parvo. Tan-
tum miscere vitia desideriis noli. Quaeris, quali men-
sa, quali argento, quam paribus ministeriis et laevi-
bus affertur cibus? Nihil, praeter cibum, natura
desiderat!

*Num tibi, quum fauces urit sitis, aurea quaeris
Pocula? num, esuriens, fastidis omnia praeter
Pavonem rhombumque?...*

14 Ambitiosa non est fames; contenta desinere est: quo

*Licini in campos, nunc Crussi mittit
in aedes. Vetus Persii scholiastes in-
servavit epigramma in Licinium a
Varrone factum: Marmoreo Licinius
tumulo iacet, at Cato parvo; Pom-
peina nullo: credimus esse Deos?*

Illinitur. De auro, quo vestes, mar-
mora etc. ornantur, tō illinire in
usu erat, termini, ut ita dicam, tech-
nici loco, quo graec. ὀψίτεν expre-
sserunt. Monco, ne Lexicis credens,
contentus causa positis haec putes.
Cf. Salmas. ad Script. Hist. Aug. T.
II, p. 351. Nic. Heinsius ad Ovid. A.
A. III, 232, quibus egregie usus est

Böttiger ad Horat., IV Carm. 9. 14.
Ruhk.

Familia servorum.

Felicitas in publicum spectat. Vulgo
videtur felix, non est.

Solemus. Sic Emser. et omnes mas.
Pincianus contra male emend. debe-
mus. Ruhk.

Quam paribus ministeriis. Servis,
qui ministrabant, aetate aut colore
paribus. De Brev. Vit. c. 12, 1. Lips.
Laevibus. Glabris, ut alibi vocat,
et sine pilis.

Rhombumque. Versas sunt Horati.
Sat. I, 2, 113 sq. Ruhk.

desinat, non nimis curat. Infelicitis luxuriae ista tormenta sunt: quaerit, quemadmodum post saturitatem quoque esuriat; quemadmodum non impleat ventrem, sed farciat; quemadmodum sitim, prima potione sedatam, revocet. Egregie itaque Horatius negat ad sitim pertinere, quo poculo aqua, aut quam eleganti manu ministretur. Nam si pertinere ad te iudicas, ⁴⁵ quam crinitus puer, et quam perlucidum tibi poculum porrigat, non sitis. Inter reliqua, hoc nobis praestitit natura praecipuum, quod necessitati fastidium excussit. Recipiunt supervacua dilectum. — Hoc parum decens; illud parum laudatum, oculos hoc meos laedit! — Id actum est ab illo mundi conditore, qui nobis vivendi iura descripsit, ut salvi essemus, non ut delicati. Ad salutem omnia parata sunt, et in prom- ⁴⁶ ptu: deliciis omnia misere ac sollicite comparantur. Utamur ergo hoc naturae beneficio, inter magna numerando; et cogitemus, nullo nomine melius illam meruisse de nobis, quam quia, quidquid ex necessitate desideratur, sine fastidio sumitur. Vale.

Crinitus puer. Qui a poculis, muliebri plerumque habitu erant, capillitio floente et longo. Imo et alii Paedagogiani fuisse pueri. Vide Martialis: *Crinitae, Lina, Paedagoge turbæ.* *Rohk.* — Horatius de tali mollicello: *Discrimen obscurum solutis Crinibus, ambiguoque vultu.* Quorum minores erant divitiae, sed luxuries, eodem habitu vestiebantur tonsosque capillos ferebant, ut videre est e Iuvenali Sat. XI, 149: *Idem habitus cunctis; tonsi rectique capilli Atque hodie tantum propter convivia pezi.*

Dilectum, non delectum, a. e. R.

A. lidemque infra laudatum, non (ut vulgo) lautum. Schw. — *Recipiunt supervacua dilectum.* In supervacuis delectum facinus. *T.*

Par. laud. His laus! Noster coenipetarum, aut comium convivarum ritus, singula fercula regis sui, quae placuissent, laudentium: quae sunt verba I. F. Gronovii in Obs. III, 14, p. 423 ed. Lips. quem videas. *Rohk.*

Id actum est... delicati. Int. hoc voluit Deus nos salvos esse, non delicias.

Inter magna. Supple: illius beneficium.

equo, et vino, et calceo nomen imponunt; tanta sit apud illos boni vilitas, et adeo in sordida usque descendit. *Honestum* putant, cui ratio recti officii constat; tanquam, pie curatam patris senectutem, adiutam amici paupertatem, fortem expeditionem, prudentem moderatamque sententiam. Ista duo quidem facimus, sed ex uno. Nihil est *Bonum*, nisi quod *honestum* est; quod *Honestum* est, utique *bonum*. Supervacuum iudico adiicere, quid inter ista discriminis sit, quum saepe dixerim. Hoc unum dicam, nihil nobis *bonum* videri, quo quis et male uti potest: vides autem, divitiis, nobilitate, viribus, quam multi male utantur.

Nunc ergo ad id revertor, de quo desideras dici: «Quomodo ad nos prima Boni Honestique notitia pervenerit.» Hoc nos natura docere non potuit: semina nobis scientia dedit, scientiam non dedit. Qui-

bonum esse, quod utile sit sive non differat ab utilitate, ἀγαθὸν ἢ ὠφέλιμον. Conf. Tiedemann III, 35 System. Ruhl.

Tanta sit apud illos boni vilitas. Sic Erasmus, editio antiq. et omnes palat. At Muretus: tanta est ap. rel. Ruhl.

In sordida usque, a. v. A. Vulgo usque ad sordida, ex R. S.

Honestum... sententiam. Ad media itaque referunt, quo officia, secundum Stoicos, pertinere constat. Enimvero Stoici aliter statuebant, quippe quos primos inter honestum et decorum distinguisse, nec bonum ab honesto separasse recte Cicero pronuntiavit. Ruhl.

Ista duo quidem facimus. Nempe nos Stoici. Lips.

Quum saepe dixerim, E. c. in Epist. cxvii. Ruhl.

Nunc ergo ad id revertor rel. Quam Stoici demonstrassent, bonum honestumque esse, et differre ab officiis eo, quod haec praescriptiones dent nonnisi in breve tempus et quasi quotidie, illud honestum vero in totam vitam, et quod officia a primis naturae oriantur, honestum autem bonumque illis adeo hodie semel adversari videantur; ista quaestio, cui hic respondet Noster, evadenda venit, de qua iam inde a Socratis tempore disputaverant philosophi, utrum sapientia a natura sit an doceri possit. Platonem in Menone et Protagora placuit *τὴν μὲν ἀρετὴν οὐδὲν* nos in hanc notitiam incidisse: Stoici tribuebant rationi. Cf. Cie. de Fin. III, 10. Quinque autem modis fieri rerum notitias dicebat Zeno apud Diogenem Laërt. lib. VII, cap. 52 sq. quae eorum, quae Noster posuit, bene conciliari possunt. Ruhl.

dam aiunt, nos in notitiam incidisse; quod est incredibile, virtutis alicui speciem casu occurrisset: nobis videtur observatio collegisse, et rerum saepe factarum inter se collatio: per *analogiam* nostri intellectum et honestum et bonum iudicant. Hoc verbum quum latini Grammatici civitate donaverint, ego damnandum non puto, nec in civitatem suam redigendum: utar ergo illo, non tantum tanquam recepto, sed tanquam usitato. Quae sit haec *analogia*, dicam. Noveramus corporis sanitatem; ex hac cogitavimus, esse aliquam et animi. Noveramus corporis vires; ex his collegimus, esse et animi robur. Aliqua benigna facta, aliqua humana, aliqua fortia, nos obstupefecerant; haec coepimus tanquam perfecta mirari. Suberant illis multa vitia, quae species conspicui alicuius facti fulgorque celabat; haec dissimulavimus. Natura iubet augere laudanda; nemo non gloriam ultra verum tulit: ex his ergo speciem ingentis boni traximus. Fabricius Pyrrhi regis aurum repulit; ma-

Per analogiam nostri intellectum et honestum et bonum iudicant (id est, Nostri Stojaei iudicant, et honestum et bonum per analogiam intellectum ab hominibus esse): sic plane et percommode a. c. R. nec aliud a suis codd. protulit Pint. et onasevliunt Gruteri codd. et ed. A. nisi quod in his perperam *intellectus* pro *intellectum* scribitur. Eadem quidem sententia, sed praeter rationem mutatis verbis ex Pinciani coniectura, in iude a Mur. sic edebatur: *per analogiam nostro intellectu et honestum et bonum iudicante*, Schw.

Civitate donaverint. Iam Cicero alique hoc verbo *Analogia* usi sunt. Cf. Stephani Thesaur. L. L. Ruhk. *Nec in civitatem suam*, l. c. graec-

com redigendum, repellendum. R.

Non tantum tanquam recepto. Vox tantum, quam libri omnes agnoscunt, temere primum omissa erat in ed. mai. Elsev. 1672 et dein in aliis. S.

Ex hac cogitavimus. Sic h. l. a. R. et cogitavimus c. A. non collegimus, ut vulgo. Schw.

Collegimus. Recte ed. Erasmi. et aeqq. cum Pal. 1, 2. Colligimus, a. c. R. A. Schw.

Suberant illis. Quae tanquam perfecta mirari coeperamus, etc. R.

Fabricius, rel. Narrat haec quoque eadem fere ratione Plutarchus in Pyrrhi vita, c. 20, 21. Livii mentio et narratio harum rerum iniuria temporis periit. Ruhk. — Entropius duo illa praecelata Fabricii narrat Histor.

iusque regno iudicavit, regias opes posse contemnere. Idem, medico Pyrrhi promittente venenum se regi daturum, monuit Pyrrhum, caveret insidias. Eiusdem animi fuit, auro non vinci, veneno non vincere. Admirati sumus ingentem virum, quem non regis, non contra regem promissa flexissent, boni exempli tenacem; quod difficillimum est, in bello innocentem; qui aliquod esse crederet etiam in hostes nefas; qui in summa paupertate, quam sibi decus fecerat, non aliter refugit divitias, quam venenum. « Vive, inquit, beneficio meo, Pyrrhe; et gaude, quod adhuc dolebas, Fabricium non posse corrumpi. » Horatius Cocles solus implevit pontis angustias; adimique a tergo sibi redditum, dummodo iter hosti auferretur, iussit; et tam diu restitit prementibus, donec revulsa ingenti ruina tigna sonuerunt. Postquam respexit, et extra periculum esse patriam periculo suo sensit :

Rom. brevior. lib. II, cap. 12 et 14: *Primum ex legatis Romanorum Fabricium sic admiratus (Pyrrhus), ut quum eum pauperem esse cognovisset, quarta parte regni promissa, sollicitare voluerit, ut ad se transiret: contemptusque a Fabricio est... Interiecto anno, contra Pyrrhum Fabricius est missus... Tum, quum vicina castra ipse et rex haberent, medicus Pyrrhi ad eum nocte venit, promittens veneno Pyrrhum occisurum, si sibi aliquid polliceretur; quem Fabricius vincum reduci iussit ad dominum, Pyrrhoque dici quae contra caput eius medicus spopondisset. Tum rex admiratus eum, dixisse fertur: Ille est Fabricius, qui difficultus ob honestate, quam se a cursu suo averti potest. A Gellius nobis servavit epistolam quam Fabricius de hoc ad Pyrrhum scripsit, plenam animi magnitudine.*

Non regis, non contra regem promissa. Int. non promissa regis regnum offerentis, non promissa medici contra regem, id est, regem se occisurum polliciti.

In hostes. Sic Erasmus, Mur. editione antiqua: Lipsius in hoste. Ruhn.

Quam. Sic omnes palatii et editione aut. Erasmus tamen quod. R.

Vive, inquit... corrumpi. Plutarchus conservavit epistolam a Fabricio et eius collega Q. Aemilio Coss. a. V. c. 474 ad Pyrrhum missam diversi argumenti: Neque amicorum videris, neque hostium esse felix iudex. Lectis, quae ad nos missae sunt, litteris, cognosces, te contra bonos et iustos viros bellum gerere, perfidis et improbis habere fidem. Neque vero haec nos, quo gratiam emereamur tuam, iudicamus tibi, sed ut cenus tuus aspergat maculam nobis, ut dolo vi-

« Veniat, si quis vult, inquit, sic euntem sequi! » deditque se in praeceps; et non minus sollicitus in illo rapido alveo fluminis, ut armatus, quam ut salvus exiret, retento armorum victricium decore, tam tutus rediit, quam si ponte venisset. Haec et huiusmodi facta imaginem nobis ostendere Virtutis.

Adiiciam, quod mirum fortasse videatur: mala interdum speciem honesti obtulerunt, et optimum ex contrario nituit. Sunt enim, ut scis, Virtutibus vitia confinia, et perditis quoque ac turpibus recti similitudo est. Sic mentitur prodigus liberalem; quum plurimum intersit, utrum quis dare sciat, an servare nesciat. Multi, inquam, sunt, Lucili, qui non donant, sed proiciunt; non voco ego liberalem, pecuniae suae iratum. Imitatur negligentia facilitatem, temeritas fortitudinem. Haec nos similitudo coëgit attendere, et distinguere specie quidem vicina, re autem plurimum inter se dissidentia. Dum observamus eos, quos insignes egregium opus fecerat, coepimus annotare, quis rem aliquam generoso animo fecisset et magno impetu. Sed semel hunc vidimus in bello fortem, in foro timidum; animose pauper-

desmur, quasi nequiverimus virtute, bellum perpetrasse. *Ruhk.*

Armatus scuto et gladio, &c. Cf. Cuperi Obs. I, p. 7, 43 ed. Lips. *Ruhk.* — *Tiberine pater*, inquit, te, sanete, precor haec arma et hunc militem propitio flumine accipias. Ita sic armatus in Tiberim destituit; multisque superincidentibus telis incolamnis ad suos tranavit, rem ausus plus fumae habituram ad posteriores, quam fidei. Tit. Liv. lib. II, 10.

Si ponte. Sic Erasmus. et codd. pars: Pincianus inde fecit, si a ponte. Tres codd. et ed. antiqua, si sponso. *Ruhk.*

— Tam into per aquam, quam si per pontem.

Sunt enim... similitudo est. Idem observat noster de Clementia I, 3, 1. Cf. Cortium ad Sallust. de B. Cat. c. XI. Propter hanc viciniam vitia interdum virtutum laudem accipiunt, imprimis apud adulatores: vide egregium hoc de re locum Platonis VII, 55 bip. Lucret. IV, 1154 sq. et quos laudet Iacobi amiciss. ad Brunk. Anst. Animadv. Vol. III, P. III, p. 54. *Ruhk.*

Sed semel hunc. Sic coniunxi haec verba, quum autem esset: impetu,

tatem ferentem, humiliter infamiam: factum laudavimus, contempsimus virum. Alium vidimus adversus amicos benignum, adversus inimicos temperatum, et publica et privata sancte ac religiose administrantem; non deesse ei in his quae toleranda erant, patientiam, in his quae agenda, prudentiam: vidimus, ubitribuendum esset, plena manu dantem; ubi laborandum, pertinacem et obnoxium, et lassitudinem corporis animo sublevantem. Praeterea idem erat semper, et in omni actu par sibi; iam non consilio bonus, sed more eo perductus, ut non tantum recte facere posset, sed, nisi recte, facere non posset. Intelleximus in illo perfectam esse Virtutem. Hanc in partes divisimus: oportebat cupiditates refracnari, metus comprimi, facienda provideri, reddenda distribui: comprehendimus temperantiam, fortitudinem, prudentiam, iustitiam; et suum cuique dedimus officium.

Ex quo ergo Virtutem intelleximus? Ostendit illam nobis ordo eius, et decor, et constantia, et omnium inter se actionum concordia, et magnitudo super omnia efferens sese. Hinc intellecta est illa beata vita,

sed semel. Hunc v. Fortasse erat: Sed simul h. v. Ruhk.

Non deesse ei in his. Vulgo ei et in his, cursusque infra et in his. Vtrobique voculam et ignorant veteres libri: in una ed. R. priore loco vocula ei perperam in et mutata erat. Solw.

Pertinacem et obnoxium. Volunt obnoxium, ego non mutem. L. — Obnoxius est qui tradit se cui rei, et saepe libero opponitur. Cf. ad III de Ira 8, 1, a. Ceterum sapientem hic delinere patet. Ruhk.

Sed more eo perductus. Quum in

habitum scientis iverat. Lips.

Ostendit... efferens sese. Virtus ad se nos traxit, sua pulchritudine, suis illecebris admirationem vel invitis fecit.

Hinc intellecta est illa beata vita (de qua exstat Senecae liberegregius) secundo defluens cursu. Cf. ad Ep. cxr, 3. Est vitae actionumque facilitas, quam Stoici uno verbo εὐπορία vocabant. Describit Noster Ep. cxiv, 19. De vita Best. c. 3 et 4. Ep. xlv, 8. Menagius ad Diog. Laërt. VII, 88. et Epictet. Dissertat. 1, 4, 1 sq. ed. Lips. ibiq. not. Ruhk.

secundo defluens cursu, arbitrii sui tota. Quomodo
 13 ergo hoc ipsum nobis apparuit? Dicam. Nunquam
 vir ille perfectus adeptusque virtutem, fortunae ma-
 ledixit; nunquam accidentia tristis excepit; civem
 esse se universi et militem credens, labores, velut
 imperatos, subiit. Quidquid inciderat, non tanquam
 malum aspernatus est, et in se casu delatum, sed
 quasi delegatum sibi. Hoc quaecumque est, inquit,
 14 meum est: asperum est, durum est; in hoc ipso na-
 vemus operam. Necessario itaque magnus apparuit,
 qui nunquam malis ingemuit, nunquam de fato suo
 questus est: fecit multis intellectum sui; et non ali-
 ter, quam in tenebris lumen, effulsit; advertitque in
 se omnium animos, quum esset placidus et lenis,
 humanis divinisque rebus pariter aequus. Habebat
 perfectum animum, ad summam sui adductus, supra
 quam nihil est, nisi mens Dei, ex qua pars et in hoc
 15 pectus mortale defluxit; quod nunquam magis divi-
 num est, quam ubi mortalitatem suam cogitat, et
 scit, in hoc natum hominem, ut vita defungeretur;
 nec domum esse hoc corpus, sed hospitium, et qui-
 dem breve hospitium, quod relinquendum est, ubi
 te gravem esse hospiti videas.

Maximum, inquam, mi Lucili, argumentum est

Civem esse se universi et militem credens, etc. Respexisse videtur Socratem, quem non Atheniensem se esse dixisse constat, sed munduuum, et se eum milite comparasse: unde haec comparatio postea ad Cynicos Stoicosque devenit. Egregie his usus est Epictetus in Dissert. I, 9, ubi cf. Npton. Ruhk.

In hoc ipso navemus operam. Pro-nomen hoc recte adiectum dedere a. R. et Grutseri cod. Schw.

Fecit multis intellectum sui. Multis virtute sua innouit et clarus factus est. Ruhk. — Scilicet eo viso multi intellexerunt quid esset virtus.

Humanis divinisque. Vulgo et humanis divinisque, contra quam a. c. R. a. Schw.

Ex qua pars et in hoc etc. Stoicorum haec est opinio, animos nostros ex illo divino delibatos esse. Vide nostram Physiol. III, Dissert. VIII. Leps.

animi ab altiore sede venientis, si haec, in quibus versatur, humilia iudicat et angusta; si exire non metuit. Scit enim, quo exiturus sit, qui, unde venerit, meminit. Non videmus, quam multa nos in-¹⁶ commoda exagitant, quam male nobis conveniat hoc corpus? Nunc de capite, nunc de ventre, nunc de pectore ac faucibus querimur; alias nervi nos, alias pedes vexant; nunc deiectio, nunc distillatio; aliquando superest sanguis, aliquando deest; hinc atque illic tentamur et expellimur. Hoc evenire solet in alieno habitantibus. At nos, corpus tam putre sortiti,¹⁷ nihilo minus aeterna proponimus; et, in quantum potest aetas humana protendi, tantum spe occupamus; nulla contenti pecunia, nulla potentia. Quid hac re fieri impudentius, quid stultius potest? Nihil satis est morituris, immo morientibus: quotidie enim propius ab ultimo stamus; et illo, unde nobis cadendum est, hora nos omnis impellit. Vide, in quanta caecitate mens nostra sit! Hoc, quod futurum dico,¹⁸ quum maxime fit; et pars eius magna iam facta est: nam, quod viximus tempus, eo loco est, quo erat, antequam viximus. Erramus autem, qui ultimum timeamus diem, quum tantumdem in mortem singuli conferant. Non ille gradus lassitudinem facit, in quo defecimus, sed ille profitetur. Ad mortem dies extremus pervenit, accedit omnis. Carpit nos illa, non corripit.

Exagitant. Perperam exagitant
edd. Schw.

Nunc de capite, nunc de ventre.
Sic a. R. Vulgo inverse, *Nunc de ventre, nunc de capite.* Schw.

Deiectio. Nempe alvi. Ruhk.

Nunc distillatio (alii desillatio)
i. e. catarrhus. Vide ad Ep. LXXVII,
1. Caeterum haec et sequentia saepe

SEN. TOM. IV.

iam a Nostro allata sunt, quippe quibus libenter immorari senex solet. Ruhk.

Nam, quod viximus. Scilicet tempus quod viximus in nihilum reversum est, in quo iacebat antequam vixissemus: tunc non erat, nunc non est: utrobique igitur est nihilum.

Carpit nos illa. Paulatim mors

X

19 Ideo magnus animus, conscius sibi melioris naturae, dat quidem operam, ut in hac statione, qua positus est, honeste se atque industrie gerat: caeterum nihil horum, quae circa sunt, suum iudicat, sed ut commodatis utitur, peregrinaus et prope-rans. Quum aliquem huius videremus¹ constantiae, quidni subiret nos species non usitatae indolis? utique, si hanc, ut dixi, magnitudinem veram esse ostendebat aequalitas. Veri tenor permanet, falsa
20 non durant. Quidam alternis Vatinii, alternis Cato-nes sunt: et modo parum illis severus est Curius, parum pauper Fabricius, parum frugi et contentus vilibus Tubero; modo Licinium divitiis, Apicium coenis, Maecenatem deliciis provocant. Maximum indicium est malae mentis, fluctuatio, et inter simulationem virtutum, amoremque vitiorum, assidua iactatio.

21 Habebat saepe ducentos,
Saepe decem servos: modo reges atque tetrarchas,
Omnia magna, loquens: modo « Sit mihi mensa tripes, et
Concha salis puri, et toga quae defendere frigus,

ad se ducit, non impetu rapit. L.

Quae circa sunt. Sic. ms. a. cum ed. R. et hoc satis erat. Conf. not. ad Ep. III (p. 57, not. 4 Edit. par.) Quas circa se sunt ms. c. et ed. A. Quae circa ipsum sunt ed. Er. et seqq. S.

(1) Rohk. viderimus.

Aequalitas? Veri tenor permanet, falsa non durant. Haec est Gronovii coniectura, quam verum lectionem habeo. Erasmus: utique si hanc, ut dixi, magnitudinem veram esse ostendebat. Qualitatis verae tenor permanet, etc. Codd. palatini sp. Greuter. Qualitas vero tenora, alius, q. a. litas vero tenet, alius: quas vero tenet, alius, qualitas vera tenor. Pa-

lat. tert. ostendebat qualitas. Versus tenor. Editio antiqua: ostendebat qualitas veritatis verus tenor perm. — Aequalitas. Cf. § 12; Ostendit illam nobis ordo eius et decor, et constantia, et omnium inter se actionum concordia, etc. Rohk.

Contentus vilibus. Sic commode a. c. R. Fictilibus ed. A. Vili ed. Er. et seqq. Schw.

Modo Licinium divitiis. Sic c. A. Pine. Pal. 3 et Col. Perperam b. l. Linum a, et R. Lucium Crassum ed. Ven. et Er. Lidum ed. Murel. et seqq. Schw.

Ducentos. Versus sunt Horatii Sermon. I, 3, 11 sq. in Marc. Tigel-

*Quamvis crassa, quæcunque — Decies centena didicisses
Huic parco, paucis contento; quinque diebus
Nil erat in loculis...*

Omnes isti tales sunt, qualem hunc describit Horatius Flaccus, nunquam eundem, ne similem quidem sibi; adeo in diversum aberrat. Multos dixi; prope est ut omnes sint. Nemo non quotidie et consilium mutat, et votum: modo uxorem vult habere, modo amicam: modo regnare vult; modo id agit, ne quis sit officiosior servus: modo dilatat se usque ad inviam; modo subsidit, et contrahitur infra humilitatem vere iacentium: nunc pecuniam spargit, nunc rapit. Sic maxime coarguitur animus imprudens; 22 alius prodit atque alius, et, quo turpius nihil iudico, impar sibi est. Magnam rem puta, unum hominem agere. Praeter sapientem autem nemo unum agit; caeteri multiformes sumus. Modo frugi tibi videbimur et graves, modo prodigi et vani. Mutamus subinde personam, et contrariam ei sumimus, quam eximus. — Hoc ergo a te exige, ut, qualem institueris praestare te, talem usque ad exitum serves. Effice ut possis laudari; si minus, ut agnosci. De aliquo, quem heri vidisti, merito dici potest: Hic qui est? Tanta mutatio est. Vale.

lium Hermogenem, musicum peritissimum et vocis eximium, Caio Iulio Caesari et Cleopatrae acceptissimum, et sibi vel maxime imparem, et inconstantem. Ruhl.

Horatius Flaccus. Posterius nomen, quod abest vulgatis edd. addiciunt veteres libri omnes: et R. quidem praeponit, reliquiantem postponunt. Schw.

Primum hominum agere. Facere, ut semper sis idem. Lipsius addit: qui finis est Leonis, vita conveniens.

Vide *Mausolus*, II, 15. Ruhl. — At Mureli uols hic opportuna. Nam quod ipso sacris de loco scribitur: fuit unus vir, id ita Hieronymus interpretatur: non permobilis et instabilis ferebatur, sed firmus atque incommotus persistens, erat vir unus in adversis et in secundis.

Quem heri vidisti. Mss. q. c. d. dant *here*, servata prisca verbi forma. Vulgo *quem vidisti heri*. Schw.

Hic qui est? Sic scripsi cum mss. a. Alii vulgo *quis*. Schw.

EPISTOLA CXXI.

OMNIA ANIMALIA HABERE INTELECTVM SVI.

Quaestionem, an esset omnibus animalibus constitutionis *sensus*, soluturus excusat conatum suum, quod tractet ea, quae non ad mores spectare videantur, exemplo Posidonii et Archidemi, qui et ea tractanda esse pronuntiant, quae licet hominem non meliorem faciant, tamen mores attingunt, quippe quos cognoscere non possis, nisi naturam hominis et quid ipsi optimum sit, antea inspexeris. Demonstrat deinde, omnibus animalibus constitutionis suae sensum esse, id est, ea sponte et natura id facere, quod debeant, et cui nata sint, non aliter quam in hoc erudita. Non ars, sed natura illis hanc partium et artuum agilitatem praestat: est spontaneus motus, non metus, dolorisve timor, nec principalis partis animi effectio, cuius sensus animalibus nec satis dilucidus, nec expressus est. Nec ratio quidquam efficit, omnia natura, quae, simulatque nascuntur, statim scientiam rerum et utilium et perniciosarum iis praestat semper aequalem et nunquam crescentem. Exempla varia hoc docent.

In quaestionem hancce incidebant Stoici ratione philosophico-historica cupientes principia Ethices explorare. Quum enim hac ratione in originem et naturam virtutis inquirerent historiam hominis et caeterorum animalium condendo, amorem sui omnium primum a natura iis inditum esse statuebant. Ea autem, quae huic amori proposita sunt, appellabant prima naturae. Placuit Stoicis, ait Cato ap. Ciceron. de Fin. III, 5 init. simulatque natum sit animal, hinc enim est ordiendum, ipsum sibi conciliari et commendari ad se conservandum et ad suum statum, et ad ea, quae conservantia sunt eius status, diligenda: alienari autem ab interitu, illisque rebus, quae interitum videantur asferre. Quae Catonis verba quin e graeco conversa sint, noli dubitare. Cf. Diog. Laërt. VII, 85 cum interpr. quum ad hunc locum, tam ad Cic. et Tiedemann Syst. III, p. 17 sqq. et Garve Vbersicht, p. 57 sq. Defendere autem coacti sunt hunc locum de conservatione sui, sive de studio cuique animali innato, suam constitutionem naturalem et notam, s. statum, *σώτατον* conservandi, una cum Platoniciis et Peripateticis contra Aristippum Epicurumque, atque eorum assecclas, quippe qui non illam constitu-

tionem ab animalibus, simulatque nata fuerint, quaeri affirmarent, sed unam voluptatem, quae sub sensus cadat. Parum subtiliter de hoc philosophorum dissensu Tiedemannum, alioquin doctissimum Stoicae philosophiae interpretem, ut saepe alias, disservisse facile est ad intelligendum: qui quum nil nisi λογισμὸν eos pugnasse, sive verbis, non re, dissensisse putaret, non advertit, tum discrimen omnino intercedere, tum a nobismet ipsis hodieque libenter statui et cuique non cupide observanti facillime occurrere. Instinctus enim ille naturalis, quem vocare solemus, hoc satis docet. Sed enim si conciliari facile potuisset illos dissidentes, modo ex utroque dogmate unum conflasset, contendisset Vir egregius, neminem, quin assentiretur, fore confido.

SENeca LVCILIO SVO SALUTEM.

Litigabis, ego video, quum tibi hodiernam quaestiunculam, in qua satis diu haesimus, exposuero: iterum enim clamabis, «Hoc quid ad mores?» Sed exclama, dum tibi primum alios opponam, cum quibus litiges, Posidonium et Archidemum (hi iudicium accipient); deinde dicam, Non quidquid morale est, 2

In quo.... haesimus. Hand scio, utrum antea de hac quaestione collocuti sint, an Seneca in Moralibus suis corrigendis in eam incideret et inquireret, atque adeo adversariorum sententias excuteret: quare solito diutius huic quaestioni immoratus esse videtur. *Ruhk.*

Sed exclama, dum. Sic Gruterus emendavit. Erasmus. *sed ad exclamandum. Tibi primum op.* cui eodd. plerique adstipulantur. Ex nro cod. Pinciani Muretus dedit: *Sed exclamanti tibi primum alios opponam.* Quum duo eodd. haberent; *Sed exclamandum tibi*, etc. Gruterus inde fecit: *Sed exclamandum tibi*, etc. Melius institutum est a Lipsio al. interpunctio post exclama. *Ruhk.*

Archidemum. Alii vocant eum Ar-

chedamum. Inter magnos Stoa auctores refertur, coaevus Carnendis; vixitque ideo circa annum 600 urbis cond. Cf. Fabric. Bibl. gr. Vol. III, pag. 540. *Ruhk.*

Hic iudicium accipient. Tanquam iudices ad sententiam ferendam. *R.* — Prorsus non hio est auctoris sensus: dicit eos iudicium accepturos, id est, sententiam tanquam fontes arbitros, quia illa quaestioncula ab illis posita et tractata fuit: si quaeres locus est, in illos veniat, hanc illi accipiant: et quum iram tuam in illos effuderis, tunc ego dicam, etc. Ideo nec Lipsium probamus qui interpretatur: non diffugient: litem tecum contestabuntur.

Non quidquid.... facit. Egerunt enim Stoici in morali Philosophiae

bonos mores facit. Aliud ad hominem alendum pertinet, aliud ad exercendum, aliud ad vestiendum, aliud ad docendum, aliud ad delectandum. Omnia tamen ad hominem pertinent, etiam si non omnia meliorem eum faciunt. Mores alia aliter attingunt. Quaedam illos corrigunt et ordinant; quaedam naturam eorum
 3 et originem scrutantur. Quum *quæro*, quare hominem natura produxerit, quare prætulit animalibus caeteris, longe me iudicas mores reliquisse? Falsum est! Quomodo enim scies, qui habendi sint, nisi, quid homini sit optimum, inveneris? nisi naturam eius inspexeris? Tunc demum intelliges, quid faciendum tibi, quid vitandum sit, quum didiceris, quid naturae tuae debeas.— Ego, inquis, volo discere,
 4 quomodo minus cupiam, minus timeam: superstitionem mihi excute; doce, leve esse vanumque hoc, quod felicitas dicitur; unam illi syllabam facillime accedere! — Desiderio tuo satisfaciam, et virtutes

parte de appetitione (ἀρετή), de bonis et malis, de affectibus s. perturbationibus (πάθος), de victute, de principio morali (τίσις), de prima aestimatione (πρὶ τῆς πρώτης ἀξιολογίας), de actibus, de officiis, de adhortationibus et dehortationibus. Cf. Diog. Laërt. VII, 84. Atqui multas fuisse in origines causasque bonorum locorum disquirendis constat: itaque non omnis haec doctrina mores bonos facere potuit. Nec totus locus, qui est de officiis, quippe strictiori sensu, eos efficit, qui in primis ad cultum victumque spectat, ideoque continet quae ad hominem alendum, etc. pertinent, et caetera quae a Stoicis inter bona non numerantur. Ruhk.

Quum *quæro*, *quare*, etc. Quum *quaeritur* quare edil. iude ab Er. et verbum *quaeritur* velh. l. vel deinde

post *produxerit* agnoscent etiam nonnulli eodd. Gruteri; at deest propterea id verbum a. c. R. A. Itaque absorptum existimavi a voce *quare*, ab eisdem litteris incipientem, sed brevius olim *quaero* (in prima persona) scriptum fuisse iudicavi; eam quo consentit, quod dein ait, *longe me iudicas*, etc. Schw.

Felicitas. Sensus Epicureorum Diog. Laërt. X, 6; Οὐ γὰρ ἔγωγε ἔχω, τί νοέω τάχα, ἀρχαῖός μὲν τὰς διὰ χυλῶν ἡδονάς, ἀρχαῖός δὲ καὶ τὰς δι' ἀρροδισίων, καὶ τὰς δι' ἀρροδισίων, καὶ τὰς διὰ μερῶν, quae sunt verba Epicuri, conversa a Cicerone Tuscul. Qu. III, 18. Ruhk.

¶ Nam illi syllabam..... accedere. Scilicet syllabam *in*, ut felicitas fiat infelicitas. Ruhk.

Et virtutes exhortabor. Sic miss

exhortabor, et vitia converberabo: licet aliquis nimium immoderatumque in hac parte me iudicet, non desistam persequi nequitiam, et affectus efferatissimos inhibere, et voluptates ituras in dolorem compescere, et votis obstrepere. Quidni? quum maxima malorum optaverimus, et ex gratulatione natum sit quidquid obloquimur. Interim permitte mihi, ea, quae paulo videntur remōtiora, excutere.

Quaerebamus, « An esset omnibus animalibus constitutionis suae sensus. » Sensum autem esse, ex eo maxime apparet, quod membra apte et expēdite movent, non aliter, quam in hoc erudita. Nulli non partium suarum agilitas est. Artifex instrumenta sua tractat ex facili; rector navis scit gubernaculum flectere; pictor colores, quos ad reddendam similitudinem multos variosque ante se posuit, celerrime de-

et edd. vett. Al Muretus a Pincinni conjectura proepus. arripuit scripsit-quet ad virtutes. Bene dici, exhortari quem quid, satis notum est. R.

Locut aliquis... iudicat. Saepius iam vidimus, a molli suo saeculo Senecam eo nomine fuisse reprehensum. Rulh.

Votis obstrepere. Vota mortulium coarguere.

Et ex gratulatione... obloquimur. Ex eo, quod votorum compotes facti, gratulationes exceperimus, quasi rebus bonis: ut malae illae erant. Lips. — Quidquid obloquimur. I. de quo querimus. Rulh. — Verlit Lagrange timide quidem et de sensu dubitans: *Puisque nous nous sommes félicités autrefois des mêmes événements qui excitent aujourd'hui nos plaintes et nos murmures. Sans sensus hic est; nisi quod ex gratulatione non designat, ut arbitramur,*

nosmetipsos nobis gratulatos esse, sed gratulationes exceperisse ab aliis. Idem interpretes notam Lipsii in hoc loco obscuritatis arguit, non immerito: nempe videtur Lipsius dicere, ea de quibus querimus nata esse ex eo quod gratulationes exceperimus, ita ut gratulationes ipsas ea peperissent de quibus nunc querimus; Seneca autem dicere vult, ea de quibus querimus nata esse ex ipsis rebus quae nobis fuerunt materia gratulationum, ea ipsa quasi inter gratulationes ortum cepisse. Inde eucise dicit ex ipsis gratulationibus nata esse.

Nulli non partium suarum agilitas est. Iut. Omnis utuntur facile et agilitate partibus corporis sui.

Pictor... comment. Coloribus celerrime utitur, eos ad pingendum eligit et sumit, et inter cerum i. pingillarem, et archetypum, quod depingere vult, facile commutat. — Li-

notat, et inter ceram opusque facili vultu ac manu com meat. Sic animal in omnem usum sui mobile. Mirari solemus saltandi peritos, quod in omnem significationem rerum et affectuum parata illorum est manus, et verborum velocitatem gestus assequitur. Quod illis ars praestat, his natura. Nemo aegre molitur artus suos, nemo in usu sui haesit; ad hoc edita protinus faciunt; cum hac scientia prodeunt, instituta nascuntur. — Ideo, inquit, partes suas animalia apte movent, quia, si aliter moverint, dolorem sensura sunt. — Ita, ut vos dicitis, coguntur; metusque illa in retum, non voluntas, movet: quod est falsum. Tarda

prius haecce notavit: Turnebus (Adversar. 24, 17) notat, ceram esse, fucum sive pictoriam: quis veteres ceris pingere solebant. Ceris dico varie coloratis. Varro (de Re rust. III, 17, 4, ibique cf. Schneider.): *Pictores locustas magnas habent areolas, ubi discolors sunt ceras*. — Turnebus itaque et Lipsius de pictura encapsta cogitant, quam deperditam restituere voluerunt Caylus, Calau, Requeno, Hackertus, Fehroni aliique, antecessu haud infelici. Cf. Salmasius ad Vopisc. Aur. c. 45. Exercitat. Plin. p. 163 sq. Durand ad Plin. p. 289 sqq. Rohk.

Saltandi peritos. Sic Gronov. de coniectura. Mas. eodd. omnes et vet. edd. praestant *satiat*; unus Erasmi, *satiat*. Vnde Turnebus Advers. 26, 20, 30, 3, legendum putabat, *saltationis peritos*. Erasmus *scenae peritos*. In hac quom recipi Gronovii emendatione utcumque acquiescere possumus, dum meliora meliores eodd. nos edocuerint. Caeterum *saltandi* propius a *satiat*, quom *scenae*, et de pantomimis solempne esse constat. — *Saltandi peritos*. I. e.

pantomims, qui sola gestulatione ad tibiam fabulam aliquam sive comice sive tragice agerent, haud ab similes illis qui nunc mimicas saltationes, quas *Ballets* vocamus, agunt. Cf. Lucianum *περὶ ὁρχήσεως* de saltatione hac. Loquaces pantomimorum manus hinc saepius laudantur. Vide Jacobs ad Anal. Brunkii, Anim. II, 2. p. 309 Cicerois autem tempore Romae haec ars vigere coepit, et tanto fuit in honore sub imperatoribus, ut tragoediae et comoediae tantum non prorsus prae his contemnerentur. Ipse Nero egit Turnum. Cf. Sueton. Ner. 54. Phaedri fab. V, 7. Loca veterum post Salmas. ad Hist. Aug. p. 496 collegit I. B. Carpius. Paradoxon stoicum, etc. p. 86 sq. Alias vocat *artifices scenae*; Benef. VIII, 20. Rohk.

Affectum. Sic recte msa. a. c. R. A. Perperam *effectum* vulgo edd. Schw.

Ideo, inquit, Epieureus, quippe cui summa rerum erant voluptas. R.

Apte movent. Recte a. c. A. Perperam *movebunt* edd. ex R. Schw.

enim sunt, quae necessitate impelluntur: agilitas sponte motis est. Adeo autem non adigit illa ad hoc⁸ doloris timor, ut in naturalem motum, etiam prohibente dolore, nitantur. Sic infans, qui stare meditatur et ferre se assuescit, simul tentare vires suas coepit, cadit; et cum fletu toties resurgit, donec se per dolorem ad id, quod natura poscit, exercuit. Animalia quaedam tergi durioris, inversa, tamdiu se torquent, ac pedes exserunt et obliquant, donec ad locum reponantur. Nullum tormentum sentit supinata⁹ testudo: inquieta est tamen desiderio naturalis status; nec ante desinit niti, quaterere se, quam in pedes constitit. Ergo omnibus constitutionis suae sensus est, et inde membrorum tam expedita tractatio: nec ullum maius indicium habemus, cum hac illa ad vivendum venire notitia, quam quod nullum animal ad usum sui rude est.

« Constitutio, inquit, est, ut vos dicitis, principale¹⁰ animi, quodam modo se habens erga corpus. » Hoc tam perplexum et subtile, et vobis quoque vix enarrabile, quomodo infans intelligit? Omnia animalia dialectica nasci oporteret, ut istam finitionem, magnae parti hominum togatorum obscuram, intelligant. — Verum erat, quod opponis, si ego ab animalibus constitutionis finitionem intelligi dicerem, non ipsam

*Agilitas sponte motis est. Sic com-
mode ms. a. Tam sponte motus per-
peram c. R. A. Denique spontaneus
motus ed. Ven. et sqq. Schw.*

*Animalia.... inversa. I. quae in-
verteris in tergum: exemplo est
testudo. Ruhk.*

*Quaterere se. Et quaterere se malle.
Schw.*

Constitutio.... intelligant. Epica-

*reorum est oppositio. Stoicorum au-
tem definitio constitutionis (συστά-
σις) exprimit animi (τοῦ ἡγεμονικοῦ)
vim ad corpus: τὸ ἡγεμονικὸν ἔχει
πρὸς τὸ σῶμα ὥς τὸ εὐνοῦν.
Ruhk.*

*Togatorum. I. e. primorum ci-
vium. Nam hoc ipso, quod togatae
dicit, tunicatae plebi opponit. Illi
autem primores (fueraut tunc) fera
docti. Lips.*

- 41 constitutionem. Facilius natura intelligitur, quam enarratur. Itaque infans ille, quid sit constitutio, non novit; constitutionem suam novit: et, quid sit animal, nescit; animal esse se sentit. Praeterea ipsam constitutionem suam crasse intelligit, et summatim, et obscure. Nos quoque, animum habere nos scimus; quid sit animus, ubi sit, qualis sit, et unde, nescimus. 42 Qualis ad nos pervenit animi nostri sensus, quamvis naturam eius ignoremus ac sedem; talis ad omnia animalia constitutionis suae sensus. Necesse est enim id sentiant, per quod alia quoque sentiant: necesse est eius sensum habeant, cui parent, a quo 43 reguntur. Nemo non ex nobis intelligit, esse aliquid, quod impetus suos moveat; quid sit illud, ignorat: et conatum sibi esse scit; quid sit, aut unde sit, nescit. Sic infantibus quoque, animalibusque, principalis partis suae sensus est, non satis dilucidus, nec expressus.
- 44 Dicitis, inquit, « omne animal primum constitutioni suae conciliari; hominis autem constitutionem

Non ipsam constitutionem. Facilius natura, etc. Sic recte a. c. A. Perpetuum vulgo, Nam ipsa constitutio facilius, etc. Schw.

Necesse est... sentiunt. Eam constitutionem, quae facit, ut alia quoque sentiant, sentire debemus; eius sibi quamvis crasse conata sint necesse est. Etiam sensum eius habeant, cui parent, i. e. principalis suae partis, τοῦ ἡγεμονικοῦ, facultatis cogitandi, s. rationis, unde rationis septem partes animi dependent Ruhl.

Sic infantibus quoque animalibusque, a. c. R. A. Vulgo. Sicut infantibus, sic quoque animalibus, edd. inde ab Erasmo. Schw.

Nec expressus, a. c. R. A. Vulgo non expressus. Schw.

Dicitis... nondum sit? Opponit Epicureus: falsam esse Stoicorum dogma hoc, quod, quum constitutio s. status s. natura constitutus hominis sit rationalis, infans huic constitutioni rationali conciliari s. commendari a natura (οὐκιστοῦσθαι) non possit, quum nondum rationalis sit. Respondet, constitutionem esse diversam secundum aetatem, quae isti statui conciliatur, opta redditur, manere tamen conciliationem semper eandem. Cf. Diog. Laërt VII, 85. Ruhl.

Primum constitutioni suae conciliari. Vertit Lagrauge: Commence

rationalem esse, et ideo conciliari hominem sibi, non tanquam animali; sed tanquam rationali: ea enim parte sibi carus est homo, qua homo est.» Quomodo ergo infans conciliari constitutioni rationali potest, quum rationalis nondum sit? — Vnicuique aetati sua constitutio est; alia infanti, alia puero, alia seni. Omnes ei constitutioni conciliantur, in qua sunt. Infans sine dentibus est; huic constitutioni suae conciliatur: enati sunt dentes; huic constitutioni conciliatur. Nam et illa herba, quae in segetem frugemque ventura est, aliam constitutionem habet, tenera, et vix eminens sulco; aliam, quum convaluit, et, molli quidem culmo, sed qui ferat onus suum, constitit; aliam, quum flavescit, et ad aream spectat, et spica eius induruit: in quamcumque constitutionem venit, eam tuetur, in eam componitur. Alia est aetas infantis, pueri, adolescentis, senis; ego tamen idem sum, qui et infans fui, et puer, et adolescens. Sic, quamvis alia atque alia cuique constitutio sit, conciliatio constitutionis suae eadem est. Non enim puerum mihi, aut iuvenem, aut senem, sed me, natura commendat. Ergo infans ei constitutioni suae conciliatur, quae tunc infanti est, non quae futura iuveni est. Neque enim, si aliquid illi maius, in quod transeat, 17

par se conformer à sa constitution. Nempe quum posuit auctor animalibus sensum esse constitutionis suae, sequitur ut animalia eo sensu ducere moventur, et constitutioni suae se accommodent.

Aliam constitutionem habet. Perpetuam alienam edd. iavitis mss. S.

Qui ferat. recta vulgo edd. Quod ferat vell. libri nostri et Gruterus. Schw.

Et ad aream spectat. Propter spi-

cam maturescentem et plenam. Turnebus lamen *Adversar.* 26, 20 de arena cogitat, quo demessa lerendi s. triturae causa deportari solent: consentit quoque Lipsius. *Rohk.*

Neque... est. Nam semper hoc maius, in quod transeat, secundum naturam est, s. a natura commendatur, aptum redditur ei. *Rohk.* — Non videtur *Rohk.* opius auctoris sensum intellexisse. Negatio neque enim iungi debet alteri negationi, non hoc

restat; non hoc quoque, in quo nascitur, secundum naturam est. Primum sibi ipsi conciliatur animal; debet enim aliquid esse, ad quod alia referantur. Voluptatem peto: qui? mihi! ergo mei curam ago. Dolorum refugio: pro quo? pro me! ergo mei curam ago. Si omnia propter curam mei facio, ante omnia est mei cura. Haec animalibus inest cunctis; nec inseritur, sed innascitur. Producit foetus suos natura, non abiicit; et, quia tutela certissima ex proximo est, sibi quisque commissus est. Itaque, ut prioribus epistolis dixi, tenera quoque animalia, ex materno utero, vel quoquo modo, effusa, quid sit infestum ipsis protinus norunt, et mortifera devitant; umbram quoque transvolantium reformidant obnoxia avibus rapto viventibus. Nullum animal ad vitam prodit sine metu mortis.

- 19 Quemadmodum, inquit, editum animal intellectum habere aut salutaris, aut mortiferae rei, potest? — Primum quaeritur, an intelligat, non quemadmodum intelligat. Esse autem illis intellectum, ex eo apparet, quod nihil amplius, si intellexerint, faciant. Quid est, quare pavonem, quare anserem gallina non refugiat, quum tanto minorem, et ne notum quidem sibi,

quoque; ol ambae negativae affirmationem significant: sensus est: etenim ideo quod infans in aliquid mains transire debet, non inde sequitur statum illum in quo nascitur, non esse secundum naturam: vel per affirmationem; quoniam infans in mains transire debet, tamen statim in quo nascitur secundum naturam est.

Primum... animal. Sc. a natura, ut se tuentur: eo omnia alia referenda sunt. Sic Chrysippus Diog. Laert. l. l.

Τὸν δὲ πρῶτον αὐτὸν παρὶ τὸ ζῶον λογικὸν ἐπὶ τὸ ἔργον αὐτοῦ εὐνοίας αὐτῷ τῆς φύσεως ἀπ' ἀρχῆς, κατὰ φύσιν ὁ Χρυσίππτος, κ. τ. λ. Cf. Cicero de Offic. i. 4. Ruhl.

Haec (cura)... nec inseritur. E. c. institutione. Ruhl.

Prioribus epistolis. Sic ms. a. In prioribus epist. c. R. A. Vulgo in prioribus (absque epistolis) edd. a Mur. Schw.

Quemadmodum, inquit. Aliud Epicureorum argumentum repellitur,

accipitrem? quare pulli selem timeant, canem non timeant? Apparet, illis inesse nocituri scientiam, non experimento collectam: nam, antequam possint experiri, cavent. Deinde, ne hoc casu existimes fieri, nec metuunt alia quam debent, nec unquam obliviscuntur huius tutelae et diligentiae: aequalis est illis a pernicioso fuga. Praeterea, non fiunt timidiora vivendo. Ex quo quidem apparet, non usu illa in hoc pervenire, sed naturali amore salutis suae. Et tardum est, et varium, quod usus docet: quidquid natura tradit, et aequale omnibus est, et statim. Si tamen 21 exis, dicam, quomodo omne animal perniciose intelligere conetur. Sentit se carne constare: itaque quum sentit, quid sit, quo secari caro, quo uri, quo obteri possit, quae sint animalia armata ad nocendum; horum speciem trahit inimicam et hostilem. Inter se

qui ideo, quod non viderunt, quomodo hoc fieri possit, colligere videantur, falsum quid a Stoicis propoi. Respondet itaque recte Seneca, animalis salutis res mortiferas res intelligere, etc. *Ruhk.*

Accipitrem. Vulgo accipitrem fugiat. Sed posterius verbum nec necessarium erat, et ignotum illud a. *R. A. Schw.*

Timeant dederunt a. c. R. A. Timeant edd. *Schw.*

Postint. Ms. a. possent. *Schw.*

Non metuunt alia quam debent. Int, non metuunt alia quam quae debent meluere. *†*

In hoc pervenire. Sic ex more Senecae, dedere a. c. *A. Vulgo ad hoc, ex R. Schw.*

Si tamen exis vel. Vereor, ut hac explicatione *†* *quemadmodum* acquirerit Epicureus: et salius fuisset, eam omissam esse. Nam quomodo

pulli, infantesque istud sentiant, quid sit quo secari caro, etc. possit, etiamsi sentiant se carnes constare? *Ruhk.*

Itaque quum sentit,.... quo obteri possit, quae sint animalia, etc. Sic recta ms. c. et ed. *A. Vulgo Itaque sentit.... quo obteri possit. Quae sunt animalia, etc.* Et sic quidem ed. *R. et quum etiam caret ms. a. sed recte idem ms. a. dein quae sint habet cum c. A. et Pal. 2. et Col. Fortasse pro itaque scribendum erat ita quum. Superest vero etiam vestigium huius particulae quum vel cum in Pal. 2, 3 et Col. in quibus consentit scribitur, quod ex cum sentit, etc. corruptum. *Schw.**

Inter se ista. *Ruhk.* explicat: Salutaris et mortifera; quae explicatio leuebris, si quae sint, excutere minime nobis videtur. Sensus est: Iste,

ista coniuncta sunt: simul enim conciliatur saluti suae quodque, et, quae iuvant, illa petit; laesura formidat. Naturales ad utilia impetus; naturales a contrariis aspernationes sunt: sine ulla cogitatione, quae hoc dictet, sine consilio fit, quidquid natura praecepit. Non vides, quanta sit subtilitas apibus ad fingenda domicilia? quanta dividui laboris obeundi
 22 concordia? Non vides, quam nulli mortalium imitabilis illa aranei textura? quanti operis sit, fila dispo-
 nere, alia in rectum immissa firmamenti loco, alia in orbem currentia ex denso rara, quam minora ani-
 23 malia, in quorum perniciem illa tenduntur, velut retibus implicata teneantur? Nascitur ars ista, non discitur. Itaque nullum est animal altero doctius. Vi-

nempe sentire quid sit quo caro secari potest, quae sint animalia armata ad nocendum, etc. et mortifera, pro inimicis habere, inter se coniuncta sunt; aliud ab alio necessario pendet.

Conciliatur soluti suae quodque, et, quae iuvant, illa petit. Haec ita ex facili collecta a nobis correcta sunt. Vulgo quidque: et quae iuvant, etc. edd. ex R. Quodque iuvat, illa petit dabant Pal. 2, 3 et Col. Mendose quid quae et iuvant ms. a. et sic fere etiam c. et A. Schw.

Naturales ad utilia impetus, naturales a contrariis, etc. Quatuor priora verba, quum deessent vulgo, dedit ms. a. Schw.

Sine ulla cogitatione, quas hoc dictet. Quum deessent olim tria postrema verba, ex Gruterianis libris Ruhkopfius adiecit quos hoc dicit, quod et habent c. A. R. sed rectius dicit dedit ms. a. Schw.

Praecepit, non praecipit, dedere vult, libi omnes. Schw.

Dividui laboris. Noli hoc ita intelligere, quasi quaeque manus apum separato operi a. moveri destinatur: sed de labore omnibus operantibus imposito et eo diverso, tempore etiam diverso copias. Primom coim omnes operantes apes simul alveum propoli circumambulant, tum favos faciunt, ut c. hne fiant, etc. Moneo, ne in eundem errorem incidas, quem errasse Bullo-nium docuit Reimarus: *Förmlichste Wahrheiten der natürlichen Religion*, p. 350 sqq. ed. IV. Ruhl.

Imitabilis illa aranei textura. Vulgo sit illa ed. ex R. sed ignorat verbum a. c. A. Aranei vero, non araneae, ut alibi, sic et h. l. dedit ms. a. rorsusque *araneorum*. Schw.

Quam minora animalia, etc. quibus malebam, sc. filis; aut quae, scil. textura, quamquam hoc vocab. longius abest. Sed quam tenent libri, quod idem valebit ac quo modo; cum quo congruit quod de-

debis araneorum pares telas, par in favis angulorum omnium foramen. Incertum est et inaequale, quidquid ars tradit; ex aequo venit, quod natura distribuit. Haec nihil magis, quam tutelam sui et eius peritiam, tradidit; ideoque etiam simul incipiunt et discere et vivere, nec est mirum, cum eo nasci illa, sine quo frustra nascerentur. Primum hoc instru-²⁴ mentum illis natura contulit ad permanendum in conciliatione et caritate sui. Non poterant salva esse, nisi vellent: nec hoc per se profuturum erat; sed sine hoc nulla res profuisset. Sed in nullo deprehendes vilitatem sui, ne negligentiam quidem. Tacitis quoque et brutis, quamvis in caetera torpeant, ad vivendum solertia est. Videbis, quae aliis inutilia sunt, sibi ipsa non deesse. Vale.

inde scribitur *teneantur*, ubi vulgo *quae*... *teneant*, commoda quidem, sed ex Erasmi ingenio. Schw. — *Par in favis*. Sic recte et percommoda edd. anta Ruhn. cum a. c. R. A. et Pal. 2, 3. *In filia* ex tribus aliis Gruterianis recepit Ruhn. quod nemo facile probaverit. Schw. — At contra Ruhn. plus: facile est, inquit, ad intelligendum praefereodam esse lectionem, quam restitimus. Nam de illo furamine severum omnium silent rerum naturalium curiosi investiga-

tores et veteres, et recentiores, quia alia omnia docent. Certo sunt, si ad aranea retuleris. Ruhn.

Nec hoc per se profuturum erat. Quia necesse erat accedere quamdam peritiam tulodi soi.

Vilitatem sui, i. e. vitae contemptum, ut vilem se habeat. Sic Noster de Clementia lib. 1, cap. 3: *Nec haec vilitas sui est aut dementia pro uno capite tot millia excipere ferrum*, etc. Ruhn.

Sibi ipsa non deesse. Ipsa consulere vitae.

EPISTOLA CXXII.

CONTRA EOS QUI NATURAM INVERTUNT.

Faecta lucifugarum et eorum, qui naturam in vita degenda relinquunt, descriptio, quae tamen acerbitate non caret; docet amicum, hos prae se sibi et omnibus aliis dissidere, propter vitae communis fastidium. Tandem monet, ut teneat viam a natura praescriptam, nec ab illa declinet.

SENECA LUCILIO SVO SALUTEM.

Detrimentum iam dies sensit: resiliuit aliquantulum; ita tamen, ut liberale adhuc spatium sit, si quis cum ipso, ut ita dicam, die surgat, officiosior meliorque, quam, si quis illum expectet, ut luce prima exeat. Turpis, qui alto sole semisomnus iacet, cuius vigilia medio die incipit: et adhuc multis hoc antelucanum est. Sunt, qui officia lucis noctisque perverterint, nec ante diducant oculos hesternae graves crapula,

Detrimentum, etc. Aestate in summum transiente scripta esse videtur haec epistola: inde *detrimentum* s. iacturam explices quom dies fecerint, quom minuti sint, et lux tardior facta sit. Ruhk.

Ita tamen.... exeat. Dies quidem minuitur, tardior lux est: tamen vel sic satis longus est dies, si quis cum luce surgat, sed melioris officii causa, quam ut salutum alios eat. Cuius? ut se curet, et saluum velit faciatque. Lips.

Quom. Quinque codd. pal. et editio antiqua non habent, et Turnebus advers. 16, 20, una cum Grut. demonstrat, Erasmus aliique tenent.

Pt luce prima exeat; Pinciano debetur coniectanti. Codd. et excusi omnes habent: et lucem primam exiit. Ruhk.

Turpis.... incipit. Quoniam vita profecto vigilia est; indice Plinio in praefat. Hist. Nat. et revera plus vigilare, plus vivere est. Ruhk.

Semisomnus, n. e. A. Vulgo *semisomnis* ex R. Schw.

Incipit) Incepit, ms. a. Schw.

Hoc antelucanum est. Int. hoc tempus medii diei nondum lux est, sed quasi crepusculum.

Perverterint, a. e. A. *Perverunt* edd. ex R. Schw.

Diducant ms. a. *Diducant*, s.

quam appetere nox coepit. Qualis illorum conditio² dicitur, quos natura, ut ait Virgilius, sedibus nostris subditos e contrario posuit,

*Nosque ubi primus equis Oriens afflavit anhelis,
Illic sera rubens accendit lumina Vesper:*

talis horum contraria omnibus, non regio, sed vita est. Sunt quidam in eadem urbe antipodes, qui, ut M. Cato ait, «nec orientem unquam viderunt; nec occidentem.» Hos tu existimas scire, quemad-³modum vivendum sit, qui nesciunt quando? Et hi mortem timent, in quam se vivi condiderunt; tam infausti, quam nocturnae aves sunt! Licet in vino unguentoque tenebras suas exigant; licet epulis, et quidem in multa fercula discretis, totum perversae vigiliae tempus educant; non convivantur, sed iusta sibi faciunt. Mortuis certe interdum parentatur. At, ⁴

A. R. Vulgo legitur *diducunt*, Schw. *Sedibus nostris* tenent veteres omnes. *Pedibus nostris* ed. Mur. et Lips. Schw.

Nosque... *Vesper*. Go. I, 250 sq. Si apud nos lucescit, illis, qui terras australes habitant, sol occidit. *R.*

M. Cato. Maior s. censor, cuius vitam descripsit Plut. et Cornel. Nep. Vbi haec dixerit ignoramus. Cicero de Fin. II, 8, de notis: *Qui solem, ut niunt, nec occidentem unquam viderint, nec orientem*. Conf. ibi Iutpp. in edit. Rutilii, quae hoc ipso anno Italiae Sax. prodit. Ruhl.

Tam infausti. Sic ms. a. *Tam infausti homines*, e. *A. R.* postremo vocab. ex scholio adiecto. Inde vulgo *tam infausti omnis* ex Mureti coniect. Schw.

In multa fercula discretis. Per-

peram *pericula* dabant vet. libri, ex quo *fercula* fecit Mur. bene. Quod admisit Schweigh. nisi quod scripsit *fericula*, proprius a veteris scripturae vestigiis, et prisca uominis forma; quales amat Noster. — *Discretis* ed. Ruhl. ex Pal. 1, 2, 3 et Col. *Discretis* ms. a. et ed. *R.* et *A. Distartus* c. et ora Col. *Districis* cod. Pinc. *Distinctus* ed. Mur. Lips. Gron. et Bipont. Schw.

Sed iusta sibi faciunt. Mortuis certe interdum parentatur) *Iusta sibi faciunt* Erasmus et unus pal. Coeteri omnes pal. et Pinc., et editio antiqua: *sed basta s. f.* Muretus dedit *parentatur*, at Er. et quinque pal. una cum ed. antiqua *parentantur*. Fortasse erat: *mortui e. i. parentantur*. Ruhl. — Noctu quidem epulae horum hominum fiebant, qui his conviviis ac ipsi

mehercules, nullus agenti dies longus est. Extendamus vitam! huius et officium et argumentum actus est: circumscribatur nox, et aliquid ex illa in diem transferatur! Aves, quae conviviis comparantur, ut immotae facile pinguescant, in obscuro continentur; ita sine ulla exercitatione iacentibus tumor pigrum corpus invadit, et sub ipsa umbra iners sagina sucrescit. Ita istorum corpora, qui se tenebris dicaverunt, foeda visuntur. Quippe suspectior illis, quam morbo pallentibus, color est: languidi et evanidi albeant, et in vivis caro morticina est. Hoc tamen minimum in illis malorum dixerim. Quanto plus tenebrarum in animo est? ille in se stupet, ille caligat, invidet caecis. Quis unquam oculos tenebrarum causa habuit?

Interrogas, quomodo haec animo pravitas fiat, aversandi diem, et totam vitam in noctem transfe-

quasi efferebant, ut adeo luce exorta, sive interdum parentatio eorum fieret, ad modum Pacuvii, de quo consulas Ep. xii, 8. Comparat itaque has epulas, quae luce prima suam cepere, cum inferiis, s. parentatibus sacris, *noxæ*, quae mortuo ferri solebant ab amicis cognatisve, quum apud Graecos, tum apud Romanos. Noctu quasi iusta sibi faciunt: sequitur parentatio. R. — Forsitan minus est difficilis senans, et sibi iusta faciunt significat eos iam defunctos esse, quoniam se quasi sepultos conduunt, quum sol orbem illustrat; eosque nocturnis conviviis nihil aliud facere quam funus suum celebrare. Eundem sensum reperies infra § 11. Isti vero mihi defunctorum loco sunt, etc. Quod seq. Mortuis c. i. parentatur, verlit *Laugraet* Ce-

pendant c'est de jour que les funeraillles devraient se célébrer.

Aves. Nam Stoicorum praeceptum fuit, quod imperabat in actu mori. Ep. viii, 4. *Rubk.*

Aves. E. c. pulli columbini, au-seres, etc. *Rubk.*

Sub ipsa umbra. Sic scripsi cum ms. Pal. 4. *Superbam umbram* ed. Ven. et Er. *Super membra* ed. Mur. et sqq. cum Pal. 3. *Superba membra* ed. *Rubk.* cum Pinc. Palat. 2 et Col. Ms. a. dat *superba umbra.* Schw.

Quippe suspectior illis. Cum Grut. et Gronov. e Pinciani exemplari, duobus palat. et edit. tarvisina dedi. Erasmus, editio antiqua et tres pal.: *Quippe non speciosior ill. q. R.*

Ille caligat, invidet caecis. Int. enim caligans non contutus est,

rendi?—Omnia vitia contra naturam pugnant; omnia ⁶ debitum ordinem deserunt: hoc est luxuriae propositum, gaudere perversis; nec tantum discedere a recto, sed quam longissime abire, deinde etiam e contrario stare. Isti non videntur tibi contra naturam vivere, qui ieiuni bibunt, qui vinum recipiunt inanibus venis, et ad cibum ebrii transeunt? Atqui frequens hoc adolescentium vitium est, qui vires excolunt, ut, in ipso paene balnei limine, inter nudos bibant, immo potent; ut sudorem, quem moverunt potionibus crebris ac ferventibus, subinde dstringant. Post prandium aut coenam bibere, vulgare est; hoc ⁷ patresfamiliae rustici faciunt, et verae voluptatis ignari. Merum illud delectat, quod non innatat cibo, quod libere penetrat ad nervos; illa ebrietas iuvat, quae in vacuum venit. Non videntur tibi contra naturam vivere, qui commutant cum feminis vestem? Non vivunt contra naturam, qui spectant, ut pue-

iovidet illa qui omnino caeci sunt: nisi forseo scorus ait: amat quae obscuro sunt.

Qui ieiuni bibunt. Noster Epistol. LXXXVIII, 15, ieiunos vomitores vocet, ubi ef. not. Ruhl. — Dignus edscribi Novstiani locus, qui et suo sevo durasse ostendit, in Epistola de cibis Judaicis: Nec desunt, qui quum sibi christiani vocem induerint, exempla praebant intemperantiae et magisteria; quorum eo usque vitia venerunt, ut et ieiuni matutino tempore bibant: non potantes christianum esse potare post cibum, nisi in vacuas et inanes adhuc venas infusa statim per (lego, post) vina descenderint. Et addit elegantissime: *Videas ergo tales novo genere adhuc ieiunos, et iam ebrios, non ad popinam currentes,*

sed popinam semper circumferentes: quorum si quisque salutat, non osculum dat, sed popinat. Lips.

Dstringant. Strigilibus, quibus sordes et sudorem defricabant et linteis deinde tergebant. Graecis est ἀποξύεσθαι. Lips.

Commutant cum feminis vestem. Qui ad molliem et loxam in esenis utuntur veste muliebri, Scricis Coisque. Cf. Lipsium ed Taciti An. III, 53. Ruhl.

Non vivunt... alieno? Intelligit, Lipsio interprete: divites, qui glabros suos ultra aetatem retinebant, et ita Epist. XLVII, 5, scripsit: *Vini minister... cum aetate luctatur.* Ita et locum interpretatur Is. Casaubon. ad Iul. Sueton. c. 47. Ruhl.

Spectant ut, etc. Sic a. c. R.

ritia splendeat tempore alieno? Quid fieri crudelius aut miserius potest? nunquam vir erit, ut diu virum pati possit? et, quum illum contumeliae sexus eripuisse debuerat, ne aetas quidem eripiet? Non vivunt contra naturam, qui hieme concupiscunt rosam? fomentosque aquarum calentium, et calorum apta imitatione, bruma lilium, florem vernum, exprimunt? Non vivunt contra naturam, qui pomaria in summis turribus serunt? quorum silvae in tectis domorum ac fastigiis nutant, inde ortis radicibus, quo improbe cacumina egissent? Non vivunt contra naturam, qui fundamenta thermarum in mari iaciunt, nec delicate natare ipsi sibi videntur, nisi calentia stagna fluctu ac tempestate feriantur? Quum instituerunt omnia contra naturae consuetudinem
 10 velle, novissime in totum ab illa desciscunt. Lucet; somni tempus est! Quies est; nunc exerceamur, nunc

A. Vulgo expectant. Schw. — *Lip- sios et Casaub.* ad Suet. Iul. 47, *expectant.* Ruhk.

Ne aetas quidem eripiet) *Eripit* ms. a. Praeterea non aetas quidem a. R. *A. Nunc aetas quidem* ms. a. sub quo quid latent non ex- puto; nisi forte nunc ne aetas quidem. Schw.

Calorum apta imitatione, bruma lilium, florem vernum, exprimunt?) *Calorum apta mutatione* a. R. et dein ed. Mor. et seqq. Sed *apta imitatione* ed. Er. cum ms. a. et ed. *A. Brumalium* autem scribunt veteres omnes, quod in *bruma li- lum* primas mutavit Muc. ex Pin- ciani context. Nondum satis ad li- quidum perductus videtur locus. Schw. — De re ipsa cf. Plin. XXI, 5. Ruhk.

Pomaria in summis turribus...

egissent? Hic mos tom reecos fuit, ut terra, super trabes sive for- nices latericioq. aggesta, in tectis aedificiorum magnificorum summis et planis nemora suspenderentur. Cf. De Ira I, cap. ult. Plin. XV, 14. Iam Sroeca pater Controvers. V, 5, ait: *Alunt in summis cul- minibus mentita nemora et navi- gabiliū piscinarum freta.* R.

Fundamenta thermarum. Quod Enii, aut illo tractu, fiebat cre- bro. L.

In mari, non in mare, a. e. R. *A.* Schw.

Lucet. Plura exempla lucifuga- rum horum exstant. Horat. I Seren. 3, 18, de Tigellio ait: *Noctes vi- gilabat ad ipsum Mane, diem to- tum stertebat.* Ruhk. — Lampridius de Heliogabalo: *Trahit et die- rnos actus noctibus, et nocturnos*

gestemur, nunc prandeamus! Iam lux propius accedit; tempus est coenae! Non oportet id facere, quod populus; res sordida est, trita ac vulgari via vivere. Dies publicus relinquatur; proprium nobis, ac peculiare mane fiat.

Isti vero mihi defunctorum loco sunt: quantum enim a funere absunt, et quidem acerbo, qui ad faeces et cereos vivunt? Hanc vitam agere eodem tempore multos meminimus, inter quos et Atilium Brutum, praetorium; cui post patrimonium ingens consumptum, Tiberius, paupertatem confitenti, « Sero, inquit, experrectus es! » Recitabat Montanus Iulius carmen, tolerabilis poeta, et amicitia Tiberii notus, et frigore. *Ortus* et *occasus* libentissime inserebat: itaque, quum indignaretur quidam, illum toto die recitasse, et negaret accedendum ad recitationes eius,

diebus, aestimans hoc inter instrumenta luxuriae; ita ut sero de somno surgaret, et salutaris inciperet, mune autem dormire inciperet. Tacitus de C. Petronio: *Illi dies per somnum, nox officiis et oblectamentis vitae transigebatur.*

Proprius. Schw. *proprius* (sc. dies) nulla allata auctoritate.

Qui ad faeces et cereos vivunt? Ad quos pueri, quum morentur, aulebant efferr. Vide de Brevit. vit. fin. et Lipsii Excurs. A. ad. Taciti Annal. III. R.—Servius in Aen. II, v. 143: *Moris Romani esse, ut impuberes noctu efferrerentur, ne funere immatura sobolis domus funestaretur; quod praecipue accidebat in eorum, qui in magistratu erant, filius. Ideo Virgilius Pallantis corpus facit excipi facibus, quia acerbum funus.* Nempe notum est verbum illud acer-

bum dici de funere immaturo eorum, qui aetatis in flore pereant, per metaphoram ductam e fructibus ante maturitatem deceptis, qui acerbi sunt. E notis *Logrange*.

Montanus Iulius. Seneca pater melius de illa sentit in *Controvers. I, 7*: *Montanus Iulius, qui comis fuit, quique egregius poeta, paullo honestius sentit. Scripsit heroicos et elegos.* Ideoque eum Ovidius lib. IV, de Ponto, 16, 11 sq. laudat. L.—Vides hic firmari iudicium Quint. Inst. Orat. X, 1, 126: *Senecam nunquam destitisse potiores incessere.* R.

Et frigora. Quem et amavit valde Tiberius, et postea fastidivit. Calor enim, amor est; frigus, remissio et neglectus. *Lips.*

Ortus...intererat. Int. descriptiones ortus et occasus.

- 12 Natta Pinarius ait: «Nunquam possum liberalius agere; paratus sum illum audire ab ortu ad occasum.»
Quum hos versus recitasset:

*Incipit ardentes Phoebus producere flammās,
Spargere se rubicunda dies, iam tristis hirundo
Argutis reditura cibos immittere nidis
Incipit, et molli partitos ore ministrat;*

- Varus, eques Romanus, M. Vinicii comes, coenarum bonarum assectator, quas improbitate linguae mere-
13 batur, exclamavit: «Incipit Buta dormire!» Deinde, quum subinde recitasset:

*Iam sua pastores stabulis armenta locarunt,
Iam dare sopitis Nox nigra silentia terris
Incipit;*

idem Varus inquit: «Quid dicit? iam nox est? ibo, et Butam salutabo?» Nihil erat notius hac eius vita in contrarium circumacta; quam, ut dixi, multi eodem tempore egerunt.

- 14 Causa autem est ita vivendi quibusdam, non quia aliquid existiment noctem ipsam habere iucundius,

Natta Pinar. Occurrit inter Sciaui clientes ap. Tacit. Ann. IV, 34. R.

Argutis...nidis. Propter pullo- rum garrulitatem, matrem cibosque expectantium. Ruhl.

M. Vinicii) L. Vinici ex uno Pinciani codice edd. a Mor. Sed cum L. Vinicii ingenio (qui nec dicere ineptias, nec ferre potuisse perhibetur) parum convenit, quod Varus iste huius comes vocatur a Seneca. Itaque M. Vinicii scripsi cum m. a. cui consentiant c. A. et Gruterianus nonnulli; alii cum ed. R. praenomen omittunt, an fortasse etiam in a. c. A. littera

m. quae ibi comparet, ad praecedentem vocem decurtatam Rom. pertinebat, non praenomen hominis significabat. Schw.—L. Pinarii aommo loco nati, cuius fratri M. neptis Tiberii nupsit. Tacit. Ann. VI, 15. Seneca pater vocat eum virum exactissimi ingenii, qui nec dicere ineptias, nec ferre poterat. Excerpt. Controv. V, 7, p. 486 ed. Gron. Augustus eleganter de eo dixit: ingenium in numero habere. Ruhl.

Salutabo. Spectat ad officia antelucana. Virgil. Ge. II: *Mane salutantum totis vomit aedibus undam.*

Eius. Scil. Botae.

sed quia nihil iuvat obvium; et gravis malae conscientiae lux est; et omnia concupiscenti aut contemnenti, prout magno aut parvo empta sunt, fastidio est lumen gratuitum. Praeterea luxuriosi vitam suam esse in sermonibus, dum vivunt, volunt: nam, si taceatur, perdere se putant operam. Itaque male habent, quoties faciunt quod excidat fama. Multi bona comedunt, multi amicas habent: ut inter istos nomen invenias, opus est non tantum luxuriosam rem, sed notabilem, facere. In tam occupata civitate, fabulas vulgaris nequitia non invenit. Pedonem Albinovanum narrantem audieramus (erat autem fabulator elegantissimus), habitasse se supra domum Sp. Papinii: is erat ex hac turba lucifugarum. «Audio, inquit, circa horam tertiam noctis, flagellorum sonos; quaero, quid faciat: dicitur *rationes accipere*. Audio, circa horam sextam noctis, clamorem concitatum; quaero, quid sit: dicitur *vocem exercere*. Quaero circa octavam horam noctis, quid sibi ille sonus rotarum vel-

Itaque male habent, quoties faciunt, quod excidat fama. Ita e duobus palet. restituit Gronov. reiecta Pinciani conjectura: quoties non faciunt, quod excidet famam. Excidere eueia, vita, uxore, i. e. carere, non obtinere, solemni nam fuisse, constat e Lexicis. Ruhk.

In tam... non invenit. De re vulgari et ea terpi non fabulantur homines. Ruhk.

Pedonem Albinovanum. Poëtam heroicum: consulas de eo Wernsdorf. Poet. Lat. min. To. III, p. 131 sq. IV, 1, p. 34 sq. Ruhk.

Papinii. Sic primus edidit Lips. ex conjectura Pinciani, cuius cod. partim *Spapinii* dubant, partim *Spanii* (ut ma. a.), partim *Spa-*

Panii. Prorsus vitiose *spatii* ed. R. *Spurii Papirii* ma. c. ed. A. Schw.

Flagellorum sonos. Nam diurna ante balneum videntur coepisse: et tum servi, qui aliquid deliquissent interdii, vapulabant. Leodati Lipsius Iuvenalem Sat. VI, 483 sq. *Longi relegit transversa diurni, Et aetulis, donec lassis cecidentibus, Exi, Intonat horrendum.* Rehk.

Rationes accipere. A serviti eorum egendi rationem iudicare, ut saevial contra negligentes.

Quid sibi ille...vellet? gestari dicitur. Sic recte a. a. A. Vulgo, quis sit ille sonus rotarum? velle gestari dicitur. Schw.

let: *gestari* dicitur. Circa lucem discurritur, pueri vocantur, cellarii, coqui tumultuantur. Quaero quid sit: dicitur mulsum et alicam poposcisse, a balneo exisse. — Excebat, inquit, coena eius diem? — Minime! valde enim frugaliter vivebat; nihil consumebat, nisi noctem. Itaque, crebro dicentibus illum quibusdam avarum et sordidum: « Vos, inquit, illum et *lychnobium* dicetis! »

Non debes admirari, si tantas invenis vitiorum proprietates: varia sunt, et innumerabiles habent facies; comprehendere eorum genera non possunt. Simplex recti cura est, multiplex pravi; et quantumvis novas declinationes capit. Idem moribus evenit: naturam sequentium faciles sunt, soluti sunt, exiguas differentias habent; hi distorti plurimum cum omnibus, et inter se, dissident. Causa tamen praecipua mihi videtur huius morbi, vitae communis fastidium. Quo-

Gestari. Essedo, sive rheda. Cf. Epist. xv, 6 et Lipsium in Epist. ad Oriel. III, XI. Ruhl.

Mulsum et alicam: haec promulsis sive gustus erat, et amebant sub ipsam cornam. Ruhl. — Iungit et Martinus haec duo: Nos alicam, mulsum poterit tibi mittere dives. Alica autem (ait Plin. XXII, 25) res Romana est, nec pridem excogitata: aliqui non pituitas potius lardus accipissent Graeci. . . . Esse autem extrema utilem nemo dubitat, sive eluta detur ex aqua mulsa, sive in sorbitiones decocta, sive in pulsem. Triplicem modum augendi notes: fuit autem optimi tritici pollen, et flos ipse. Lips. — Lagrange varit, mulsum: du vin mêlé du miel; alicam: du grain. Vnde Plinius XVIII, 27, et XXII, 25.

Excebat... diem? Num tam laute et opipare coenavit, ut diem suum, i. e. noctem, ultra lucis exortum protraheret? Inquit, sc. Pedro Albin. Ruhl.

Lychnobium, qui ad lucernam vivit. Lipsius assentitur Pinciano, allumum esse simul ad lychnobium (λυχνοβατον) quasi cupediarium et castillouem. Ruhl.

Soluti sunt. Int. liberi sunt omni sollicitudine, quippe qui vacui sunt hoc labore novas quotidie delicias inveniendi, et naturae cursum transvertendi. — *Exiguas differentias habent,* nempe in eorum vitae genere; nam sibi constant.

Hi distorti plurimum cum omnibus, et inter se, dissident. Hi distorti dedit solus ms. Col. His (puto, moribus) distorti, a R. A. His distincti ms. c. Ab his distorti ed.

modo cultu se a caeteris distinguunt, quomodo elegantia coenarum, munditiis vehiculorum; sic volunt separare etiam temporum dispositione. Nolunt solita peccare, quibus peccandi praemium infamia est. Hanc petunt omnes isti, qui, ut ita dicam, retro vivunt. Ideo, Lucili, tenenda nobis via est, quam natura praescripsit, nec ab illa declinandum. Illam sequentibus, omnia facilia et expedita sunt; contra illam nitentibus, non alia vita est, quam contra aquam remigantibus. Vale.

Mar. et sqq. ex uno cod. Pinc. Gronovius probat *his distortis*. Deia plurimum et omnibus inter se dissident ed. R. Plurimum, et omnibus et inter se ed. Er. et sqq. cum ms. a. Plurimum cum omnibus et inter se ms. c. ed. A. Rati-
us forsitan erat et cum omnibus et inter se. Schw.

Quibus peccandi... est. Qui nequitiae sane praemium in turpitudine collocant, et metam assecutos esse putant, quod sua peccata in ore hominum sunt: gaudent ipsa infamia et luctant. Sic Tacitus Ann. XI, 26 de Messalina, apud infa-

mise prodigos hanc ipsam novissimam esse voluptatem. Rahlk.

Retro v. Egregia Pinciani coniectura: codd. habent recto, sive tetto, s. conversim, s. raptor: editio aut. non v. Rahlk. — Vertit Lagrange: Ceux qui vivent à rebours.

Non alia... remigantibus. lat. Idem faciunt in vita, quam quod faciunt in flumine qui remis eymbam agunt contra cursum fluminis. Virg. Ge. I, 201: Non aliter quam qui adverso vix flumine lembum Remigiis subigit; si brachia forte remisit, Atque illum in praeceps prono rapit abveus amnis.

EPISTOLA CXXIII.

SIMPLICI VICTVI ASSVESCENDVM : SPERNENDOS VOLVPTATIS
LAVDATORES.

Exponit amico, multa nocte se pervenisse lassum in villam suam, Albanum, ibique quam frugalissime degisse. Nam necessarium esse addit parvo assuescere, et rebus oblati hilariter uti, et maximam voluptatem praebere, si subtrahi tibi patiaris, sive consuetudini tuae subito, ut experimentum animi sumas. Sic multa esse supervacua intelligimus, quae aestimare magni solemus, consuetudine exempli abducti, non ratione compositi. Sed enim vitandi sunt, qui exempla talia nobis ingerere possint, et philosophia mala persuadere soleant, et in turpem vitam illidant. Multo satius est ea iucunda habere, quae honesta sunt.

SENECA LVCILIO SVO SALVTEM.

In itinere confectus, incommodo magis quam longo, in Albanum meum multa nocte perveni. Nihil habeo paratum, nisi me. Itaque in lectulo lassitudinem pono; hanc coqui ac pistoris moram boni consulo. Mecum enim de hoc ipso loquor, quam nihil sit grave, quod leviter excipias; quam indignandum nihil, nisi quod ipse indignando adstruas. Non habet panem meus pistor: sed habet villicus, sed habet atriensis, sed habet colonus. — Malum panem, inquis. — Expecta; bonus fiet! etiam illum tenerum tibi et siligineum fames reddet. Ideo non est ante edendum, quam illa imperet. Expectabo ergo; nec

In Albanum. Villam, haud longe distantem a Roma: in qua regione Pompeius et alii villas habuere, eoque interdum accessere. Noster multas villas habuit, e. c. Notum est, Ep. civ init. Rull.

In lectulo ms. a. Vulgo in lecto. S. Nisi quod ipse. Sic v. A. Abest quod edd. Perperam duae voces nisi et quod desunt ms. a. Schw. Adstruas, augens et indignatione dignum reddas. Rull.

ante edam, quam aut bonum panem habere coepero, aut malum fastidire desiero. Necessarium est, parvo assuescere. Multae difficultates locorum, multae temporum, etiam locupletibus et instructis, a nobis optatum prohibentes, occurrent. Quidquid vult, habere nemo potest: illud potest, nolle, quod non habet; rebus oblati hilaris uti. Magna pars libertatis est bene moratus venter et contumeliae patiens. Aestimari non potest, quantam voluptatem capiam ex eo, quod lassitudo mea sibi ipsa assuescit. Non unctiones, non balneum, non ullum aliud remedium, quam temporis, quaero. Nam, quod labor contraxit, quies tollit.

Haec qualiscumque coena aditiali iucundior erit. Aliquod enim experimentum animi sumpsi subito: 4

A nobis optatum prohibentes occurrent. Sic legendum coniecit Schweighauser; nam e variis corruptis codicum lectionibus nullum sensum elici poterat. Vulgo a Diis aptantem prohibent et occurrunt ed. Lips. et seqq. ex ed. Er. T. — *Multae...* *occurrent.* Sensus huius loci impediri esse debet: tot tantasque difficultates occurrere etiam locupletibus, ut omnibus potiri nequeant, quae optent. Aunectit more suo Seneca enuntiationem universalem, neminem, quidquid velit, habere posse. *Ruhk.*

Assuescit revocavi ex a. c. R. A. *Acquiescit* ed. Er. et seqq. Schw.

Unctiones. Commode iustores ma. a. et Pal. 2, 3. Schw.

Haec qualiscumque coena aditiali iucundior erit. Sic recte edd. ante Ruhk. consentientibus a. c. R. A. nisi quod pro aditiali vitiose adiali habent a. et R. Adiali vero a, et

A. Miro vero ed. Ruhk. hoc qualiscumque coena dissolvit, quae aditiali iucundior erit. Nempe verbum dissolvit ex scholio, ad praecedens tollit spectante, alieno loco in contextu posuerant scribae codicum nonnullorum Gruterianorum. S. — At Ruhkopius: Sic, inquit, plerique codd. legendum esse indicant: differunt nonnisi in eo, quod legunt: dissolvit quae s. quam Attuli, sive, quae tuli. Etiam coena Attuli habet editio ant., et unus cod. Pinciani, cui placebat. Tò dissolvit omittit unus pal.: deest quoque tum ap. Muret. qui habet: haec qualiscumque coena aditiali iucundior erit, tum sp. Erasmi, qui habet: coena Diali, probante Lipsio, qui cepit de Iovis epulo in Capitolio §. 6. — *Coena...* adiali. Cf. ad Ep. xcix, §. 1. Ruhk.

Aliquod enim experimentum.... sumpsi subito. Perperam Aliquando

hoc enim est simplicius et verius. Nam ubi se prae-
paravit, et indixit sibi patientiam, non aequae appa-
ret, quantum habeat verae firmitatis: illa sunt cer-
tissima argumenta, quae ex tempore dedit; si non
tantum aequus molesta, sed placidus, aspexit; si non
excanduit, non litigavit; si, quod dari deberet, ipse
sibi, non desiderando, supplevit; et cogitavit, ali-
5 quid consuetudini suae, sibi nihil deesse. Multa,
quam supervacua essent, non intelleximus, nisi quum
desse coeperunt. Vtebatur enim illis, non quia de-
bebamus, sed quia habebamus. Quam multa autem
paramus, quia alii paraverunt, quia apud plerosque
sunt! Inter causas malorum nostrorum est, quod vi-
vimus ad exempla; nec ratione componitur, sed
6 consuetudine abducimur. Quod, si pauci facerent,
nollemus imitari, quum plures facere coeperunt
(quasi honestius sit, quia frequentius), sequimur;
et recti apud nos locum tenet error, ubi publicus
factus est. Omnes iam sic peregrinantur, ut illos Nu-
midarum praecurrat equitatus, ut agmen cursorum
antecedat: turpe est, nullos esse, qui occurrentes
via deiciant, ut qui, honestum hominem venire,

enim volgo: lum subito edd. com-
mode quidem, sed refragantibus a.
c. R. A. qui io subito consequnt.
Mox hoc enim est simpl. dederat
idem libri cum Grot. Abest vulgo
enim, nec id male. Schw.—Iut.
potuit esperiri animam meum su-
bito, quum non se praeparavisset
ad patiendum; atqui hoc experi-
mentum ad quod subito et imper-
rati accedimus multo varius est,
quam illud ad quos venimus prece-
denti cogitatione moviti. Inex-
spectata enim nos quales vere si-
mus probant.

Ex tempore, i. e. illico, statim
ac tempus, occasio, postulavit.

Numidarum. Nam prava ambi-
tione, scilicet, ob famam veterem
Numidici equitatus, tales io ili-
nere adesse sibi divites isti vole-
bant, et agnos ducebant. Notavi
et firmavi exemplis ad II Tacit.
Hist. Lips.—*Numidarum*. Cf. ad
Epist. LXXVII, 8. Eandem aut si-
mitem luxuriam hodieum obser-
vare licet apud homines divitiis
affluentes Aegliae, etc. R.

Turpe est... deiciant. Sibi de-
decori esse putant nobilissimi illi

magno pulvere ostendant. Omnes iam mulos habent, qui crystallina et murrhina, et caelata magnorum artificum manu, portent: turpe est, videri eas te habere sarcinas totas, quae tuto concuti possint. Omnium paedagogia oblita facie vehuntur, ne sol, neve frigus, teneram cutem laedat; turpe est, neminem esse in comitatu puerorum, cuius sana facies medicamentum desideret.

Horum omnium sermo vitandus est: hi sunt, qui vitia tradunt, et alio aliunde transferunt. Pessimum genus horum hominum videbatur, qui verba gestarent: sunt quidam, qui vitia gestant. Horum sermo

qui se solos honestos dicunt, nullos tales praecursores habere. *Ruhk.*

Pt qui, ms. a. Pinc. et ed. Er. Abest vulgo ut, abiectum a Murreto, Pinciani sustinuit. *Et qui dabant c. A. Pt quam ed. R. Schw.*

Mulos, bene habet. Pincianus tamen famulos praetulit, forsitan memor Horat. I, Serm. 6, 109.

Qui crystallina et murrhina. Cf. ad Ep. cxix, 4. Ruhk.

Caelata vasa, aures, argenteae, fortasse quaque vitreae, ut h. l. nam rō caelare propr. syn. est rō topōis, de anaglyphis, quae formantur et funduntur. Cf. Schneideri Lexic. graec. voc. topōis. Ruhk.

Sarcinas totas. Posterior vox aberrat editis, praeter rationem et in vitis libris adiecta a Mur. Multa utique inter istorum hominum sarcinas erant, quae tuto concuti potuerant, sed non omnis eius erant generis. S.

Paedagogia. Sunt pueri, qui in deliciis habebantur. Cf. ad Vit. Beat. c. xvii, 2. Ruhk.

Oblita facie, suco aut offa, sive

alio contra solem medicamento, ne tenera cutis scilicet laederetur, aut nigresceret. Lips. — Othonem panno madido se linere quotidie consuevisse, narrat Sueton. c. ix. Cf. Iuvenal. II, 107, IV, 451 sqq. cum notis Cassub. ad Sueton. et Rupertii ad Iuvenal. R.

Turpe....desideret, i. turpe iis videtur, si quisquam sit inter pueros, cui non ita delicata facies, ut obliui necesse habeat. Ruhk.

Medicamentum desideret. Ita Erasmus et boni codd. ap. Grut. et Pinc. tres psalat. m. non d. Ruhk. — Medicamentum. Sic appellat Iuven. de fumiis, VI, 472: Tot medicamentibus, coctasque siliginis offas Accipit et madidas, facies dicatur an ulcus? Tertollianus de Virgiu. velandis: Et faciem morosiolem lavacro macebant, forsitan et aliquo eam medicamento interpolant. Lips.

Genus horum hominum. Abest harum edd. et abesse poterat; sed adiectum voluere libri vet. omnes. S.

Qui verba gestarent. Columniastores, susurrones, linguaces delatores,

multum nocet: nam, etiam si non statim officit, semina in animo relinquit; sequiturque nos, etiam quum ab illis discessimus, resurrecturum postea malum. Quemadmodum, qui audierunt symphoniam, ferunt secum in auribus modulationem illam ac dulcedinem cantuum, quae cogitationes impedit, nec ad seria patitur intendi: sic adulatorum et prava laudantium sermo diutius haeret, quam auditur; nec facile est, animo dulcem sonum excutere: prosequitur, et durat, et ex intervallo recurrit. Ideo cludentae sunt aures malis vocibus, et quidem primis: nam, quum initium fecerunt admissaeque sunt, plus audent. Inde ad haec pervenitur verba: « Virtus, et philosophia, et iustitia, verborum inanum crepitus est: una felicitas est, bene vitae facere, esse, bibere, libere frui patrimonio: hoc est vivere; hoc est, se

qui verba perire non patiuntur, sed ab altero ad alterum gestut, et odia perpetuot. *Ruhk.*

Officit Muretus dedã ex uno Pinc. cod., cui accedit unus pal. At Erasmus, et tres pal. habent *proficit*. cod. Col. *perficit*, cui assentitur ed. antiqua. *Ruhk.*

Discessimus. Sic recte libri veteres; non *dimessimus*. Schw.

Quemadmodum...intendi. Notus est Platonis in Menexeno c. 2 similia et Nostro fortasse observatus locus de mortuorum laudibus, quibus Socrates ait, aures suas ita persocrare, ut vix quarto aut quinto die sui recordetur. Coof. *Ruhken.* ad Timaei Lexic. v. ἑρμυλὸς λέγος, p. 100 ed. II. R.

Cantum ms. a. Perperam *cantum* alii. *Cantus* add. Schw.

Cludentae, a. A. Vulgo *cludentae*. Schw.

Virtus...malle. Oratio Epieorica personantis digna contra Stoicos, rigidos philosophias et virtutis defensores! *Ruhk.*

Vna felicitas est, bene vitae facere, esse, bibere. Sic ms. a. cui consentiunt c. A. oisi quod in his est *edere*, pro *esse*. Tum *libere frui patrimonio* dedere c. A. sed *libere* ignorat ms. a. et *libere* pro *bibere* habet ed. R. Quare rectius abiicietor vox *libere*. Languide vulgo: *una felicitas est, bona vita* (sive, ut ed. *Ruhk.* est *bonae vitae*), *facere omnia libere, frui patrimonio*. Schw.— At *Ruhk.* defendit lectionem suam. Sic, inquit, Erasmus, et plurimi codd. Alii tamen ap. Pioe. habebant: *una felicitas est bonae vitae, facere, esse, bibere, frui p.* quibus assentitur ed. antiqua. Muretus dederat: *Vna felicitas est, bona vita*, etc. ex ingenio. Illa Sardoaspali verba doctus,

mortalem esse meminisse. Fluunt dies, et irrepara-¹⁰
bilis vita decurrit: dubitamus? Quid iuvat sapere,
et aetati, non semper voluptates recepturae, interim
dum potest, dum poscit, ingerere frugalitatem? ul-
tro mortem praecurrere, et, quidquid illa ablatura
est, iam sibi interdicere? Non amicam habes, non
puerum, qui amicae moveat invidiam; quotidie so-
brius prodis; sic coenas, tanquam ephemeridem pa-
tri approbaturus. Non est istud vivere, sed alienae
vitae interesse. Quanta dementia est, haeredis sui¹¹
res procurare, et sibi negare omnia, ut tibi ex amico
inimicum magna faciat hereditas! plus enim gaudebit
tua morte, quo plus acceperit. Istos tristes et super-
ciliosos, alienae vitae censores, suae hostes, publicos
paedagogos, assis ne feceris! nec dubitaveris, bonam
vitam, quam opinionem bonam, malle!

opior, margini alleverat, uods in
textum migrarunt.

Fluunt dies...dubitamus. Sic Ho-
ratus ad Leuconoën, Od. I, xi: Sa-
pias: vina liques, et spatio brevi
Spem longam rescies: Dum loqui-
mur, fugerit invida Aetas: carpe
diem, quam minimum credula po-
stero. Idem Od. II, viii: Fugit re-
tro Levis iuventus, et decor, arida
Pellente lascivos amores Canitie,
facilemque somnum. Non semper
idem floribus est honos Pionis, etc.

Quid iuvat sapere? Olius, *Dubi-
tamus quod iuvat sapere* edd. com.
a. et c. Vnde Muret. cum nonnullis
Pioisani codd. ediderat, *Dubitamus
quod iuvat facere.* Sed Erasmus vide
et Gruterum, Schw.

Aetati. I. iuventuti. Sic Afranius
Vopisco sp. Noctium c. 1. p. 482:
Aetas et corpus tenerum et morige-
ratio. Haec sunt venena formosarum
mulierum, Alia exempla dabit Bron-

khusius ad Propert. I, 6, 21. Rukh.

Recepturae. Ms. a. et Pinc. Vulgo
decepturae. Schw.

*Dum potest, i. e. dum nostra aetas
potest recipere voluptates.* — *Dum
poscit, suppl. voluptates.*

*Ingerere frugalitatem? ultro mor-
tem praecurrere.* Sic ms. a. et ed.
R. oisi quod pro ultro quod ex
Erasmii context. est, eo scribitur in
a. et ut eo in R. Schw.

Interdicere item Erasmo debetur;
nam vitiose *interere* scribitur in a.
in aliis *interire*. Totus locus vulgo,
ex Moreli maxime ingenio, sic con-
stitutus erat: *Dubitamus quod iuvat
facere, (sapere, reposuit Rukh.) et
aetati, non semper voluptates decer-
pturae...ingerere? Quid iuvat fruga-
litate ultro mortem praecur.* etc. S.

Ephemeridem. Diarium tuum et
rationes. Lips.

Haeredit sui res procurare. Sic
libri veti. Vulgo *haeredit suo proc.* S.

Hae voces non aliter fugiendae sunt, quam illae,
 12 quas Vlysses, nisi alligatus, praetervehi noluit. Idem
 possunt: abducunt a patria, a parentibus, ab amicis,
 a virtutibus, et in turpem vitam miseros turpius illi-
 dunt. Quanto satius est, rectum sequi limitem, et eo
 se perducere, ut ea demum sint tibi iucunda, quae
 honesta! quod assequi poterimus, si scierimus duo
 esse genera rerum, quae nos aut invitent, aut fu-
 gent. Invitant divitiae, voluptates, forina, ambitio,
 caetera blanda et arridentia: fugat labor, mors, do-
 13 lor, ignominia, victus adstrictior. Debemus itaque
 exerceri, ne haec timeamus, ne illa cupiamus. In
 contrarium pugnemus, et ab invitantibus recedamus,
 adversus petentia concitemur! Non vides, quam di-
 versus sit descendantium habitus et ascendentium?
 qui per pronum euat, resupinant corpora; qui in
 arduum, incumbunt. Nam, si descendas, pondus

Quam illae. Sirenium voces. R.

Quas....alligatus. Malo oavis,
 isonidys. Homer. Odys. 12, 178 sq.
 totam rem narret. Amicis scilicet
 aurea cera obduraverat, seque ma-
 nibus pedibusque solo alligari ius-
 serat, ne illecebris Sirenium abdu-
 cerentur in perniciem. Ruhk.

Quod assequi...fugent. Suot hae
 res mediae, quae neque bonis neque
 mala suot, ideoque adiaphora, ex-
 terna: de quibus saepe monuimus,
 l. c. Ep. LXVI, Argum. Ruhk.

Si scierimus. Sic recte Pal. 3, 4.
 Alii vulgo si fecerimus. Schw.

Invitant divitiae, et infra fugat
 labor. Vulgo, Invitant, ut divitiae...
 fugent; labor, etc. Invitant, et fu-
 gat commodè dedit ms. a. sed idem
 cum aliis tenet ut auct divitiae: nos
 nostra de coniect. abiectionis illam

particulam, tanquam ex scholio in-
 vectam. Eadem particula etiam post
 fugent inserta erat in uno ex Gr-
 uterianis. Schw.

Potentia. Sic Erasmus dedit, pro-
 bavit Gronovius, qui monuit, nihil
 vulgarius esse significatione, qua
 sumitur pro impetere, invadere.
 Codd. plurimi potentia: unde Pine.
 fecit, pr potentia, Gruterus impoten-
 tia, Lipsius impotentia. Editio an-
 tiqua clare praestat potentia. Ruhk.

Num si...est. Sicul viliosum est
 in ascensu totum corpus retrahere,
 et in descensu incumbere, quado-
 quidem in utroque casu prorsus ne-
 cesse erit; ita cum vitio consentis,
 si in voluptatem descendens te im-
 puleris, etc. Monet hoc, ne cum
 Gronovio locum pulis corruptum,
 qui est sanus.

suum in priorem partem dare: si ascendas, retro abducere; cum vitio, Lucili, consentire est. In voluptates descenditur; in aspera et dura subeundum est; hic impellamus corpora, illic refraenemus.

Hoc nunc me existimas dicere, eos tantum perniciosos esse auribus nostris, qui voluptatem laudant; qui dolores, metus, per se formidabiles res [*sive*, qui doloris metum, per se formidabilis rei] incutiunt? Illos quoque nocere nobis existimo, qui nos sub specie Stoicae sectae hortantur ad vitia. Hoc enim iactant: « Solum Sapientem et doctum esse amatorem. Solus aptus ad hanc artem, aequae combibendi et convivandi, Sapiens est peritissimus. Quaeramus, ad quam usque aetatem iuvenes amandi sint. »— Haec Graecae consuetudini data sunt; nos ad illa potius aures dirigamus: « Nemo est casu bonus; discenda virtus est. Voluptas humilis res et pusilla est, et in nullo habenda pretio, communis cum mutis animalibus, ad quam minima et contemptissima advolant.

In aspera et dura. Sic. ms. c. Pal. 2, 3 et Pinc. Perperam in *asperas et duras*, a. R. et A. Tum in *res asperas et duras* vulgo edd. Schw.

Qui dolores, metus, per se formidabiles res. Sic a. c. R. A. et al. Altera scriptura, quam uncis inclusi, vulgata erat a Mur. ex Pinciani conj. Schw. — *Qui dolores, metus, per se formidabiles res, incutiunt.* Epicureos dicit, qui docent, dolores autemque per se esse formidabiles res quas Stoici externis numerabant. Rohk.

Illos... vitia. Hinc vides, existisse ut falsos Epicureos, ita personatos Stoicos: quos utrosque Lucianum iam acerbe exagilasse constat. R.

Sapientem et doctum. Sic distulxi,

SEN. TOM. IV.

et iungi illa non velim, nam *doctus* stoica lingua est *sapiens*, et monui Maueud. II Dissert. I. Neque enim *audiu*, qui *doctum* ad *amatorem* referunt, et coniungunt. Lips.

Aequae, etc. Schweigh. *aequae* (*atque*) *combibendi*, mediam particulam exconiect. sua adiciens. Rohk. *solus apte ad h. a. aequae comb.*

Haec graecae consuetudini. Invenies amandi. Res nota. Rohk.

Nemo est. Cf. ad Epist. cxx, 3.

In nullo habenda pretio. Perperam, et invitis vet. libris omnibus, in *medio hab. pret.* ed. Lips. et sqq. S.

Volubilis, c. A. Pal. 2, 3. Pinc. Vitiose volue ms. a. cuius scriba ad finem propertius plurimum praescriptum in extremis Epistolis erravit: videntur

Z

Gloria vanum et volubile quiddam est, auraque mobilis. Paupertas nulli malum est, nisi repugnanti. Mors malum non est. Quid sit, quaeris? Sola ius aequum generis humani. Superstitio error insanus est: amandos timet: quos colit, violat. Quid enim interest, utrum Deos neges, an infames? » Haec discenda, imo ediscenda sunt: non debet excusationes vitio Philosophia suggerere. Nullam habet spem salutis aeger, quem ad intemperantiam medicus hortatur. Vale.

dam vero, ne h. l. voluere debuerit. Volatile edd. ex R. Schw.

Quid sit, quaeris. Sic ed. R. Torr. et Ven. cum Pol. 2, 3 et Pine. Quid quaeris? ed. Er. cum a. c. A. et aliis. Quid quaeris? vulgo edd. a Mur. Schw.

Ius aequum. Adiciiebant est vulgatae edd. ex ms. R. Sed verbum istud commode ignorant ms. a. c. A. Schw.

Error insan. Schweigh. in textum admiseral insanientis, quod in uotis sic corrigi: *insantis* scriptum volueram, quod ex probo cod. ms. commenderat Pincianus; non *insanientis*. *Insanus* dabant cum editis aliis ms. omnes, quo cod. a. c. accepto, in quo *insanandus*.

Quos colit, violat. De Clement. II, 5: *Religio deos colit, superstitio violat*. Ruhk.

EPISTOLA CXXIV.

VIRVM SENSU, AN INTELLECTU COMPREHENDATUR BONVM.

Laudat amicum, quod in disquisitionibus philosophicis nec subtilia contemnat, sed omnia ad profectum aliquem redigens ibi tantum offendatur, ubi vel summa subtilitate, nihil quod eo pertinet, agatur. Cavet itaque, ne timeat tale quid in quaestione, quam tractandam sibi sumpsit, utrum sensu, an intellectu comprehendatur bonum. Ibi statim Epicurei dissentiunt, sensibile iudicantes bonum, quum Stoici illud animo dent, ideoque intelligibile iudicent. In quo illi sibi ipsi adversantur, gulas ac libidini addictos reprehendentes, atque nihil virile ausuros doloris metui, qui altera ex parte sensus, obtusas illas res et hebetes, pro in-

dicibus boni ac mali habent, omnem quippe scientiam atque artem putantes, ideoque et vitam beatam, a manifestis et eo quod sub sensum cadit, fundamentum et initium capere debere aequae ac Stoici statuunt. Enimvero in eo errare Epicureos contendit Seneca: beata enim, stoico sensu, sunt secundum naturam, et statim integra apparent. Bonum itaque, quum sine ratione perfecta esse non possit, neque in infante, neque in arbore mulove aliquo animali esse potest: continetur enim verum bonum libero animo ac recto, alia subiicente sibi, se nulli. Caetera bona precario sic vocantur, quae tamen, quippe ratione carentia, non vere perfecta sunt. Exemplo sunt multa animalia, quae sensu tantum praesentia comprehendunt: perfecti temporis nullus iis usus est; ergo nec perfecta natura. Eorum natura imperfecta est et ordinem non capit, quum sine ratione sint. Haec disputatio animo profutura est, quatenus et acuit eum, et honesta occupatione tenet, qua moratur ad prava properantem. Accedit, quod haec descriptio boni exemplar est, ad quod se componere possit, ut emendatus ac purus fiat, aemulatur Deum, super humana se extollat et nihil extra se sui ponat, et infelicissimos esse intelligat felices.

SENECA LUCILIO SVO SALUTEM.

Possum multa tibi veterum praecepta referre,
Nè refugis, tenuisque piget cognoscere curas.

Non refugis autem, nec ulla te subtilitas abigit: non est elegantiae tuae, tantum magna sectari. Sicut [hoc, sic et] illud probo, quod omnia ad aliquem profectum redigis, et tunc tantum offenderis, ubi summa subtilitate nihil agitur: quod ne nunc quidem fieri

Possum... curas. Versus sunt Virgilii Georg. I, 176 sqq. Rahlk.

Elegantiae. Doctrinae, i. philosophiae, cum caeteris artibus, in quibus subtilitas et acumen est, ut Ernesti verbis utar in Clave Cic. voce Elegancia. Rahlk.

Tantum magna sectari. Sic edd.

a Mur. ex Piminni coniect. Olim tam magna sectari edd. ex R. cum aliis. Tam multa sectari e. d. et Pal. z. Schw.

Sicut (hoc, sic et) illud probo. Verba uncis inclusa inserui ex conj. Vulgo omnes nude, Sicut illud probo. An debueret Srd et illud probo, etc. Schw. — Cf. Ep. cxxi, 1.

2 laborabo. Quaeritur « Vitrum sensu, an intellectu, comprehendatur Bonum. » Huic adiunctum est « in mutis animalibus et infantibus non esse. »

Quicumque voluptatem in summo ponunt, *sensibile* iudicant Bonum : nos contra *intelligibile*, qui illud animo damus. Si de bono sensus iudicarent, nullam voluptatem reiiceremus; nulla enim non invitat, nulla non delectat; et, e contrario, nullum dolorem volentes subiremus; nullus enim non offendit sensum. 3 Praeterea non essent digni reprehensione, quibus nimium voluptas placet, quibusque summus est doloris timor. Atqui improbamus gulae ac libidini addictos; et contemnimus illos, qui nihil viriliter ausuri sunt doloris metu. Quid autem peccant, si sensibus, id est, iudicibus boni ac mali, parent? his enim tradidistis appetitionis et fugae arbitrium. Sed videlicet 4 *Ratio* isti rei praeposita est, quemadmodum debeat de vita, quemadmodum de Virtute, de Honesto, sic et de bono maloque constitui. Nam apud istos vilissimae parti datur de meliore sententia, ut de bono pronuntiet *sensus*, obtusa res et hebes, et in homine 5 quam in aliis animalibus tardior. Quid? si quis vellet, non oculis, sed tactu, minuta discernere? Subtilior

Quaeritur, utrum sensu. Est haec quaestio ioler Stoicas et Epicureos semper agitata, quandoquidem hi summum bonum voluptate, sive felicitate, atque adeo sensibus, illi una virtute ac proinde ratione, sensuum dominatione exclusa, contineri putabant. De Epicureis cf. Lucret. IV, 480. Diog. Laërt. XI, 31 sqq. R.

Hinc... non asse. A Seneca non esse profecta, sed addita a viro docto, qui haec margini codicis sui adscripserat, putaverim. Ruhn. — Non esse, supple: bonum.

Qui illud animo damus. Int. qui illud bonum in animo situm esse contendimus.

Sed videlicet. I. manifesto curam huius rei, i. iudicii de bono ac malo, gerit ratio, non sensus. Continent haec consolationem Epicureismi. R.

Si quis vellet, non velit, a. c. R. A. Schw.

Non oculis, sed tactu min. d. Acque abaurite ageret, qui ad minuta discernenda tacta praee oculis uti malit, ac isti, qui sensus rationi

ad hoc nulla acies, quam oculorum, et intentior, daret bonum malumque dignoscere. Vides in quanta ignorantia veritatis versetur, et quam humi sublimia ac divina proiecerit, apud quem de summo bono maloque indicat tactus.

« Quemadmodum, inquit, omnis scientia atque ars aliquid debet habere manifestum, sensuque comprehensum, ex quo oriatur et crescat; sic beata vita fundamentum et initium a manifestis ducit, et ab eo quod sub sensum cadit. Nam [et] vos a manifestis beatam vitam initium sui capere dicitis. » — Dicimus beata⁷ esse, quae secundum naturam sunt: quid autem secundum naturam sit, palam et protinus apparet, sicut, quid sit integrum. Sed, quod secundum naturam est, quod contigit protinus nato, non dico bonum, sed initium boni. Tu summum bonum, volu-

preferunt in bono maloque dignoscendo. R.

Daret. Recte a. R. Pinc. Grul. *Daretur* c. A. *Daretur* edd. ex Erasmi ingenio. S. — Sensus est: Nulla sensuum eciae, etiamsi subtilior et intentior ad hoc (i. e. multa discernere) quam oculorum acies esset, daret bonum malumque digu.

Quemadmodum.... capere dicitis. Continent haec argumentationem Epicureorum contra Stoicos, quibus eam idem principium originarium Ethices esse commune habere dicunt, hoc est, sensus, et quae inde asseruntur, id est manifesta. Haec Epicureorum obiectio e diversa vocis naturae significatione apud Stoae euctores menesse videtur. Cf. Tiedemanni *System* III, p. 79 sqq. Propterea explicat Noster, quid sit secundum naturam. Epistol. LXXIII, 8, cit: magna et vera bona ad unum-

quemque tota perveniunt. Cf. Epist. LXXIV. Ruhk.

Et ab eo. Aberat vulgo *ab*, mele, et contra Senecae morem in tali constructione. Adieci cum Pal. 3. S.

Nam et vos) *Nempe vos*, vulgo edd. cum a. et R. *Nam vos*, c. A. Voc. et ex coniect. inserendum putavi. Schvv.

Sed, quod secundum naturam est, quod contigit protinus nato, etc. Sic ms. a. item ms. c. (nisi quod in ms. c. *contigit* scribitur) excepta voce *Sed*, quem ignorant a. et c. Adieci *Sed* ex ms. Pal. 4, quam quidem perticulam abesse etiam nullo incommodo potuisse intelligi. Priora ista verba *Quod secundum naturam est*, temere omisso sunt in ed. R. Plura etiam desunt in ed. A. in qua verbis superioribus *palam* et *protinus* ed. ista statim transcurritur *protinus nato*, etc. Vulgo sic celebratur:

ptatem, infantiae donas; ut inde incipiat nascens, quo consummatus homo pervenit. Cacumen radice loco ponis. Si quis diceret, illum in materno utero latentem, sexus quoque incerti, tenerum, et imperfectum, et informem, iam in aliquo bono esse, aperte videretur errare. Atqui quantulum interest inter eum; qui cum maxime vitam accipit, et illum, qui maternorum viscerum latens onus est? Vterque, quantum ad intellectum boni ac mali, aequè maturus est; et non magis infans adhuc boni capax est, quam arbor, aut mutum aliquod animal. Quare autem bonum in arbore animalique muto non est? quia nec ratio. Ob hoc in infante quoque non est; nam et huic deest. Tunc ad bonum perveniet, quum ad rationem pervenerit.

Quid est secundum naturam? quod contingit et protinus nato: quam lectionem ab Erasmo ex scriptis suis restitutam esse Gruterus ait: et Erasmus defectam editionis R. scripturam tenuit, neque aliud quidquam ad hunc locum adnotavit. Scripturam istam primus commendaverat Pincinnus, et post Erasmi obitum deum in contextum recepta est. S.

Et inde, sc. a summo bono. R.

Consummatus homo, i. sapiens, bratus. Ruhl.

Incerti. Sic Erasmi ed. III, una cum editione antiqua probat Gronovius et latentem ex omnibus codicibus praetulit tunc incertam Erasmi. Vaeillae codicibus inter inceptum et incepti. Moretus ex Erasmi editionis ora, inceptum. Ruhl.

Maternorum viscerum latens onus e. r. Sic percommode, et ex certa (ut mihi videtur) conjectura edidit Erasmus. Mendose unus ius. a. Minus ed. R. Imis al. cavernis m. c. Imis

alias vermis ed. A. Et vermis, quod in superioribus connullis repererat, unice probavit Gruterus, et sic etiam in ms. v. scriptum fuisse olim videtur, ubi ovae cavernas legitur. Humor, quod ex levi conjectura proiecerat Gronovius, arripit Ruhl. et Seneca obtrosit. S. — Palatini codicibus unum est, imum est, vermis est. — Lectionem suam latens humor est Gronovius a Ruhlke citatus sic explicat: Hoc enim (homor) principium humani corporis. Hippocrates περὶ φύσεως ἀνθρώπου. Τὸ δὲ σῶμα τοῦ ἀνθρώπου ἔχει ἐν ἐαυτῷ αἷμα καὶ γάλακτα, καὶ χολήν διττήν, ἥγουν ξανθὴν τε καὶ μέλαιναν καὶ ταῦτ' ἴσται αὐτῶν ἡ φύσις τοῦ σώματος. Tertullianus de carne Christi: Per ora, age, iam spurcitia genitalium in utero elementorum humoris et sanguinis, foeda coagula carnis ex eodem coeno alendae per novam mentes. Gronov.

Nam et huic deest, i. e. imperfecta

Est aliquod irrationale animal; est aliquod nondum rationale; est rationale, sed imperfectum. In nullo horum bonum: ratio illud secum affert. Quid ergo inter ista, quae retuli, distat? In eo, quod irrationale est, nunquam erit bonum: in eo quod nondum rationale est, tunc esse bonum non potest: in eo, quod rationale est, sed imperfectum, iam potest esse bonum, sed non est. Ita dico, Lucili: Bonum non in quolibet corpore, non in qualibet aetate invenitur; et tantum abest ab infantia, quantum a primo ultimum, quantum ab initio perfectum: ergo nec in tenero, modo coalescente, corpusculo est. Quidni non sit? non magis quam in semine. Hoc si dicas: «aliquod arboris ac sati bonum novimus:» hoc non est in prima fronde, quae emissa quum maxime solum rumpit. Est aliquod bonum tritici: hoc nondum est in herba lactente, nec quum folliculo se exserit spica mollis; sed quum frumentum aestas et debita maturitas coxit. Quemadmodum omnis natura bonum suum, nisi consummata, non profert: ita hominis bonum non est in homine, nisi quum illi ratio perfecta est.

est: ut sequentis docent. R.

In eo quod irrationale est, etc. Sic a. e. A. Vulgo inverse, *Nunquam erit bonum in eo, etc.* Perperam ed. R. *Non quod erit bonum.*

In eo quod rationale est, sed imperfectum. Vulgo nule, *in imperfecto*, inde a Mureto cum e. A. et Pinc. node, *sed imperfectum* dabat ms. a. et R. Nempe in his temere omisa erant priora verba, in eo quod rationale est, quae integra servavit cod. Pal. tert. in quo etiam commodius transposita verba in hunc modum, *in eo quod est rationale.* S.

Hoc si dicas, aliquod arboris ac sati bonum novimus. Sic libri nostri

com Pinc. et Grut. Vulgo edd. *Et, si dicas aliquod arboris aut sati bonum, hoc non est, etc.* ex Mureti ing. Schw. — Sensus: si aliquid boni arbor habet, non illud bonum continetur in prima fronde.

In herba lactente est s. coniectura Pinciani, ut eodem modo hic dicatur *herba lactens*, quo Virgilio lactentia frumenta Georg. I, 315. Mss. codd. et edd. ant. habent *lateate*: unus pal. *in terra lactante.* R.

Quum illi ratio perfecta est) Illi dedit ms. e. cum ed. R. Perperam illa ms. a. et ed. A. Vulgo *in illa.* Schw.

Quod autem hoc bonum? Dicam: liber animus et erectus, alia subiiciens sibi, se nulli. Hoc bonum adeo non recipit infantia, ut pueritia non speret, adolescentia improbe speret. Bene agitur cum senectute, si ad illud longo studio intentoque pervenit. Si hoc, et bonum *intelligibile* est.

«Dixisti, inquit, aliquod bonum esse arboris, aliquod herbae: potest ergo aliquod esse et infantis.» — Verum bonum nec in arboribus, nec in mutis animalibus est: hoc, quod in illis bonum est, precario bonum dicitur. — Quod est? inquis. — Hoc, quod secundum naturam cuiusque est. Bonum quidem cadere in mutum animal nullò modo potest; felicioris meliorisque naturae est. Nisi ubi rationi locus est, bonum non est. Quatuor hae naturae sunt, arboris, animalis, hominis, Dei. Haec duo, quae rationalia sunt, eandem naturam habent; illo diversa sunt, quod alterum immortale, alterum mortale est. Ex his ergo, unius bonum natura perficit, Dei scilicet;

Quod autem hoc bonum? Sic e. a. R. A. Vulgo sit inserant, scribuntque Quod autem hoc sit bonum, dicam. Schw.

Liber animus et erectus scripsi cum e. A. Malim vero nule erectus, absque et, cum ms. a. Vulgo, Liber animus est ac rectus. Schw. — Liber animus... nulli. Cf. Epist. LXXIV, ubi de hac re multus est. Ruhk.

Hoc bonum... speret: neque infans sibi adiudicat, neque puer: adolescens vero temere potitum eo se esse sperat. R. — Nescimus an perfecte Ruhk. sensum intellexerit: pueritia non speret nobis valet: sperare non possit, non debeat; adolescentia improbe speret valet: nudum merito sperare possit: si sperat, spes illius

est improba, temeraria.

Ad illud) Illuc edd. ab Er. non male, sed ex coniect. quam nuda illud dedissit ed. R. Sed ad illud dedere a. e. A. Schw.

Si hoc, et bonum intelligibile est. Vulgo ubi hoc et bonum et intelligibile est, ex Pinciani libris. Vbi bonum ms. e. Vbi hoc bonum ed. A. Si hoc et bonum ms. a. cum ed. R. Deis omnes quidem et intelligibile: ubi et ex coniect. delendum putavi.

Dixisti, inquit, Epicureus. — Herbae: cf. §. 11. Ruhk.

Precario bonum dicitur: Epist. LXXIV, 16: caetera opinione bona sunt; et nomen quidem habet commune cum veris, etc. Ruhk.

Illo diversa sunt. Ex coniect. no-

alterius, cura hominis. Caetera tantum in sua natura perfecta sunt, non vere perfecta; a quibus abest ratio. Hoc enim demum perfectum est, quod secundum universam naturam est perfectum; universa autem natura rationalis est: caetera possunt in suo genere esse perfecta. In quo non potest beata vita¹⁶ esse, nec id potest, quo beata vita efficitur: beata autem vita bonis efficitur; in muto animali non est, quo beata vita efficitur: [ergo] in muto animali bonum non est.

Mutum animal sensu comprehendit praesentia; praeteritorum reminiscitur, quum id incidit, quo sensus admonetur: tanquam equus reminiscitur viae, quum ad initium eius admotus est; in stabulo quidem nulla illi viae, quamvis saepe calcatae, memoria est. Tertium vero tempus, id est, futurum, ad muta non¹⁷ pertinet. Quomodo ergo potest eorum videri perfecta natura, quibus usus perfecti temporis non est? Tempus enim tribus partibus constat: praeterito, prae-

stra sic scripsi; illo intelligens illa re. Vulgo omnes illa diversa sunt; ubi videndum an eodem significatu teneri illa (scil. parte) potuerit; quod mihi quidem seeus videtur. S.

Caetera tantum in sua natura perfecta sunt. Abest tantum editis, ex coniect. positum a nobis pro tam, quod dabat ius. a. et ed. R. aut pro tamen, quod habebat ed. R. eum c. et A. Schw. — Caetera relative sed non absolute perfecta sunt, sive secundum universam naturam quae rationalis est: ita et muta animalia neque beata esse, neque beata vita, sensu absolute, frui possunt, quin bono careant. Rohk.

In muto animali non est, quo beata vita efficitur. Sic edd. e Mur. ex uno

codice Pincioni cui suffragatur Noster c. Abest quo ms. a. et ed. A. In muto animali beata vita non efficitur ed. R. Veb. et Est. S.

Ergo abest a. c. R. A. Adiectum a Mur. ex uno cod. Pise. Schw.

Mutum, animal, etenim ratione, ideoque bono orbatum est; et omnia sensu comprehendit, etc. Rohk.

Comprehendit. Ms. a. pro more: comprehendit. Schw.

Praeteritorum, reminiscitur... quum ad initium eius admotus est. Sic Etiam. Muretus, etc. Codd. turbant, vel exemplum occultant, vel ponunt: tanquam quos, tanquam quosque. Sed inde cuilibet patet tō equus a manu auctoris esse. R. a

Nulla illi. Hanc lectionem vias,

sente, venturo. Animalibus tantum, quod brevissimum est in transcurso, datum, praesens; praeteriti rara memoria est, nec unquam revocatur, nisi praesentium occursum. Non potest ergo perfectae naturae bonum in imperfecta esse natura: aut, si natura alia habet hoc, habent et sata. Nec illud nego, ad ea, quae videntur secundum naturam, magnos esse multis animalibus inpetus et concitatos, sed inordinatos ac turbidos. Nunquam autem aut inordinatum est bonum, aut turbidum. — « Quid ergo? inquis: muta animalia perturbate et indisposite moventur? — Dicerem illa perturbate et indisposite moveri, si natura illorum ordinem caperet; nunc moventur secundum naturam suam. Perturbatum enim id est, quod esse aliquando et non perturbatum potest. Sollicitum est, quod potest esse securum. Nulli vitium est, nisi cui virtus potest esse. Matis animalibus talis ex natura sua motus est. Sed, ne te diu teneam, erit aliquod bonum in multo animali, erit aliqua virtus, erit ali-

e codd. plurimis redacti, quum in edd. deficiat illi. Rahlk.

Venturo ms. a. Alii vulgo, et futuro. Schw.

Aut, si natura alia habet hoc, habent et sata. Rahlkoplus dat cum Lips. aut si natura habet, hoc habet, quod habent et sata. Nec ipse, nec Schw. notam addidit ullam de contextu. Rahlk. tantum monet supplendum talis post natura, sive quo enim eius lectio intelligi difficile posset. Profecto meliorem sensum offert lectio Schw. et probari debet, etiam si libri, quibus innititur, non proferantur.

Dicerem... potest. Int. si convideres meliorem naturam, quae or-

dinem recipiat; indisposite moventur: sed, quum natura eorum ordinem non recipiat, non indisposite moventur, quae sequuntur naturam suam: quod natura vetat, ut in optimo sit ordinem, non dici debet perturbatum; nam illud solum perturbatum est, quod aliquando in ordine esse possit.

Aliquod bon. quod est in vulg. ed. ex Erasmo. coniect. patet. Equidem aliquando coniectabam: quod in parenthesi apposui. *Erit aliquando bonum*, a. c. A. Pul. et Col. *Aliquando erit bon.* ed. R. (Negativam particulam, quam habent nonnulli Palatinus, nullus nostrorum librorum agnoscit.)

quid perfectum; sed nec bonum absolute, nec virtus, nec perfectum. Haec enim rationabilibus solis contingunt, quibus datum est scire, quare, quatenus, quemadmodum. Ita Bonum in nullo est, nisi in quo Ratio.

Quo nunc pertineat ista disputatio, quaeris, et quid animo tuo profutura sit? Dico: et exerceat illum, et acuit; et, utique aliquid acturum, occupatione honesta tenet. Prodest autem etiam quod moratur ad prava properantem. Sed et illud dico: nullo modo prodesse possum magis, quam si tibi bonum tuum ostendo, si te a mutis animalibus separo, si cum Deo pono. Quid, inquam, vires corporis alis et exerceas? pecudibus istus maiores ferisque natura concessit. Quid excolis formam? quum omnia feceris, a multis animalibus decore vinceris. Quid capillum ingenti diligentia comis? Quum illum vel effuderis more Parthorum, vel Germanorum nodo vinxeris, vel, ut Scythae solent, sparseris; in quolibet equo densior iactabitur iuba, horrebit in leonum cervice

Sed nec bonum abest. Sic libel nostri omnes, cum Pine. et Grut. Vulgo sed quale? nec bonum, etc. ab Erasmo. nascio unde. Schw.

Rationabilibus. h. l. dedere a. R. A. Rationalibus ed. Lips. et aq. com nostro ms. c. et quique Gruterianis. Schw.

Prodest autem etiam quod moratur. Vulgo et quod edd. Quod (absque et) ed. R. Etiam quo a. c. A. et Pal. 1, 2, .am quod dedere Pal. 3, 4, et Col. Schw.

Sed et illud dico. Voculam et, quum abesset vulgo, necessariam h. l. putavi, et vel reclamantibus libris adliciendam. Schw. — *Sed et illud...*

pono. Sic Ep. LXVIII, 11, nisi: Solebat Sextius dicere, Iovem plus non posse, quam bonum virum. — Inter duos bonos non est melior. Iupiter quo antecedit virum bonum? diutius bonus est. Cf. ibi notum. Ruhl.

Prodesse possum, a. R. Prodesse tibi possum edd. cum c. A.

Vel Germanorum nodo. Sic Schw. nisi quod sic interpungit: vel Germanorum nodo, quasi supplendum esset more post Germanorum. Vulgo vel ut Germ. — Cauf. ad III de Ira 26, 3: add. Herodian. IV, 7. Capitolioi Verum c. 10. Tacit. Hist. 4, 61, R. — Quod de omnibus Germanis generaliter dicit Seneca, Tacitus

- 23 formosior. Quum te ad velocitatem paraveris, par lepusculo non eris. Vis tu, relictis in quibus vinci te necesse est, dum in aliena niteris, ad Bonum reverti tuum? Quod est hoc? animus scilicet emendatus ac purus, aemulator Dei, super humana se extollens, nihil extra se sui ponens. Rationale animal es! Quod
24 ergo in te bonum est? perfecta Ratio. Hanc tu ad suum finem evoca, in quantum potest plurimum crescere. Tunc beatum esse te iudica, quum tibi ex te gaudium omne nascetur, quum in his, quae homines eripiunt, optant, custodiunt, nihil inveneris, non dico, quod malis, sed quod velis. Brevem tibi formulam dabo, qua te metiaris, qua perfectum esse iam sentias. Bonum tunc habebis tuum, quum intelleges, infelicissimos esse felices. Vale.

Suevis privatim tribuit. *Insigne gentis (Suevorum) obligare erinem, nodoque substringere. Sic Suevi a caeteris Germanis; sic Suevorum ingenui a servis separantur. In aliis gentibus seu cognatione aliqua Suevorum, seu (quod saepe accidit) imitatione, rarum et intra inventas spatium; apud Suevos, usque ad canitiem, horrentem capillum retro sequuntur, ac saepe in ipso solo vertice religant: principes et ornatiorem habent: ea cura formae, sed innoxiae. Germania, cap. 38.*


Ad suum finem recte a. c. A. Ad summum finem edd. ex R. S.

Bonum tunc habebis tuum. Schw. delet bonum. Adiciunt Bonum, inquit, alii initio, ut edd. vulgo, alii post tuum, ut c. A. Sed nomen ex scholio invectionem ignorat ed. R. cum ms. a. Pal. 1, et probato Pincisni codice. — Intelliges, sed intelleges suo more scribit a.

Felices. I. e. qui felices vulgo habentur. Spectant haec ad Epicureos, quibus felicitatem summam bonum esse constat. Ruhk.

EPISTOLARVM FINIS.

FRAGMENTA
LIBRORVM L. ANN. SENECAE
QVI INTERCIDERVNT.



FRAGMENTA

L. A. SENECAE

EX VETERVM LIBRIS COLLECTA,

CVM L. LIPSII NOTIS.

• QUINTILIANS, lib. VIII, cap. III, § 31.

1. **N**ostri autem in iungendo, aut derivando paulum aliquid ausi, vix in hoc satis recipiuntur: nam meminisse iuvenis admodum inter Pomponium et Senecam etiam praefationibus esse tractatum, an *gradus eliminat* apud Attium, in tragoedia dici oportuisset.

Cap. V, eiusdem Libri, § 18.

2. Facit quasdam sententias sola geminatio; qualis est Senecae in eo scripto, quod Nero ad Senatum misit occisa matre, quum se periclitatum videri vellet: «Salvum me esse adhuc nec credo, nec gaudeo.¹»

Lib. IX, cap. II, § 42.

3. Novi vero, et praecipue declamatores, audacius, nec in hercules sine motu quodam imaginantur; ut Seneca in controversia,² cuius summa est, quod pater filium et povercam, inducente altero filio, in adulterio deprehensos occidit: «Duc: sequor, accipe

(1) *Nec credo, nec gaudeo.* Nec credo, ob magnitudinem scilicet et praesculiam, periculi: nec gaudeo, ob pietatem, quia mater exitium meum

molita est, et in eam debui insurgere ad amoliendum.

(2) *Seneca in controversia.* Dubites, ait Noster iste, an ipsius pater.

hanc senilem manum, et quocumque vis imprime.» Et paulo post: «Adspice, inquit, quod diu non credidisti. Ego vero non video, nox oboritur, et crassa caligo.» Habet haec figura manifestius aliquid: non enim narrari res, sed agi videtur.

Ibidem, § 98.

4. Nam in totum iurare, nisi ubi necesse est, gravi viro parum convenit. Et est a Seneca dictum eleganter: «Non patronorum hoc esse, sed testium.»

PLINIVS, Nat. Hist. lib. VI, cap. xxi.

5. Seneca etiam apud nos tentata Indiae commentatione, LX annes eius prodidit, gentes duodeviginti centumque. Par labor sit montes enumerare.

Lib. IX, cap. liii.

6. Aevi piscium memorandum nuper exemplum accepimus. Pausilypum villa est Campaniae, haud procul Neapoli; in ea in Caesaris piscinis a Pollione Vedio coniectum piscem, sexagesimum post annum expirasse scribit Annaeus Seneca, duobus aliis aequalibus eius ex eodem genere, etiam tunc viventibus.

SVENTONIVS, in TIBERIO, cap. lxxiii.

7. Seneca eum (*Tiberium*) scribit, intellecta defectione, exemptum annulum, quasi alicui traditurum, parumper tenuisse: dein rursus aptasse digito, etc.

A. GELLIVS, lib. XII, cap. 12, Noct. Atticarum.

8. Seneca in lib. XXII Epistolarum moralium, quas

(1). *Tentata Indiae commentatione.* historiam scripsit, ut apparet. Adde itaque regiones descripsit, aut etiam Fragmentum 7, 29, 38, et 39.

ad Lucilium composuit, deridiculos versus Q. Ennium de Cethego antiquo viro fecisse hos dicit :

..... Dictus cllis popularibus olim,
Qui tum vivebant homines, atque aevum agitabant,
Flus delibatus populi et suda medulla.

Ac deinde scribit de iisdem versibus verba haec : « Admiror eloquentissimos viros, et deditos Ennio, pro optimis ridicula laudasse. Cicero certe inter bonos eius versus et hos refert. » Atque id etiam de Cicerone dicit. « Non miror, inquit, fuisse qui hos versus scriberet, quum fuerit qui laudaret: nisi forte Cicero summus orator agebat causam suam, et volebat hos versus videri bonos. » Paulo post: « Apud ipsum quoque » inquit Seneca « Ciceronem invenies etiam in prosa oratione quaedam, ex quibus intelligas illum non perdidisse operam, quod Ennium legit. » Ponit deinde quae apud Ciceronem reprehendat, quasi Enniana, quod ita scripserit in libris de republica, ut « Menelao Laconi fuit suaviloquens iucunditas; » et quod alio in loco dixerit, « breviloquentiam in dicendo colat. » Deinde, « Non fuit » inquit Seneca « Ciceronis hoc vitium, sed temporis; necesse erat haec dici, quum illa legerentur. » Deinde adscribit, Ciceronem haec ipsa interposuisse ad effugiendam infamiam nimis lascivae orationis et nitidae. De Virgilio quoque eodem in loco verba haec ponit: « Virgilius quoque noster non ex alia causa duos quosdam versus, et enormes, et aliquid supra mensuram trahentes interposuit, quam ut Ennianus populus agnosceret in novo carmine antiquitatis aliquid. »

Addit non multo post ex Seneca :

« Quidam sunt tam magni sensus Q. Ennii, ut li-

SEN. TOM. IV.

A a

cet scripti sint inter hircosos, possint tamen inter unguentatos placere.» Et quum reprehendisset versus quos supra de Cethego posuimus: «Qui huiusmodi, inquit, versus amant, liceat sibi eosdem admirari et Soterici lectos.» Audias tamen commemorari ac referri pauca quaedam quae ipse idem Seneca bene dixerit: quale est illud quod in hominem avarum et avidum et pecuniae sitientem dixit, «Quid enim refert quantum habeas? multo illud plus est quod non habes.»

TERTULLIANVS, *de Anima*, cap. XLII.

9. Multo coactius Seneca: «Post mortem, ait, omnia finiuntur, etiam ipsa.»¹

LACTANTIUS, *Divinarum Institutionum lib. I*, cap. V.

10. Annaeus quoque Seneca, qui ex Romanis vel acerrimus Stoicus fuit, quam saepe summum Deum merita laude prosequitur! Nam quum de immatura morte dissereret, «Non intelligis, inquit, auctoritatem, ac maiestatem iudicis tui? Rector is orbis terrarum, caelique et deorum omnium Deus, a quo ista numina, quae singula adoramus et colimus, suspensa sunt!» Item in Exhortationibus: »Ilic, quum prima fundamenta molis pulcherrimae iaceret, et hoc ordiretur, quo neque maius quidquam novit natura, nec melius, ut omnia sub ducibus suis irent, quamvis ipse per totum se corpus intenderat, tamen ministros regni sui deus genuit.» Et quam multa alia de Deo nostris similia locutus est, quae nunc differo, quod aliis locis opportunitiora sunt!

(1) *Tertullianus de anima*. Citabat alium locum ex eodem, c. 20, ut Fragmentum; ubi exstat locus ille

17 De Benef. cap. 6, totidem verbis. Sed et sequens sententia alibi in Epistolis, nisi memori fallit.

Cap. VII.

11. Et est illud verum quod dixisse in Exhortationibus Senecam supra retuli, « genuisse regni sui ministros Deum. »

Eodem cap. VII.

12. Quod Seneca vir acutus in Exhortationibus suis vidit. « Nos, inquit, aliunde pendemus. Itaque ad aliquem respicimus, cui quod est optimum in nobis, debeamus. Alius nos edidit, alius instruxit: Deus ipse se fecit. »¹

Eiusdem lib. cap. XVI.

13. Non illepide Seneca, in libris moralis philosophiae, « Quid ergo est, inquit, quare apud poëtas salacissimus Iupiter desierit liberos tollere? Vtrum sexagenarius factus est, et illi lex Papia fibulam imposuit? an impetravit ius trium liberorum? an tandem illi venit in mentem, Ab alio exspectes, alteri quod feceris? et timet, ne quis sibi faciat, quod ipse Saturno? »

Lib. II, cap. II.

14. Recte igitur Seneca in libris moralibus, « Simulacra, inquit, deorum venerantur, illis supplicant genu posito, illa adorant: illis per totum adsident diem, aut adstant: illis stipem iaciunt, victimas caedunt: et quum haec tantopere suspiciant, fabros, qui illa fecere, contemnunt. »

Eiusdem lib. cap. IV.

15. Merito igitur etiam senum stultitiam Seneca

(1) *Deus ipse se fecit.* Condito nempe mundo, qui est Deus Stoicus. Aliquid pro hoc sensu in Physiolog. I, Diemerl. VII, vide, et hunc locum, sis,

adde. Lips. — Nobis vero sensus esse videtur: Dum nos ab alio, nempe Deo, pendemus, ipse a nullo pendet, et a nullo alio factus est.

deridet. « Non, inquit, bis pueri sumus, ut vulgo dicitur, sed semper. Verum hoc interest, quod maiora nos ludimus. »

CAP. VIII.

16. Melius igitur Seneca omnium Stoicorum acutissimus, qui vidit nihil aliud esse Naturam, quam Deum. « Ergo, inquit, Deum non laudabimus, cui naturalis est virtus? Nec enim illam didicit ex ullo. Immo laudabimus; quamvis enim naturalis illi sit, sibi illam dedit, quoniam Deus ipse natura est. »

Lib. III, cap. XV.

17. Eodem ductus errore Seneca (quis enim veram viam teneret, errante Cicerone?): « Philosophia, inquit, nihil aliud est, quam recta vivendi ratio; vel, honeste vivendi scientia; vel, ars recte vitae agenda. Non errabimus, si dixerimus philosophiam esse legem bene honesteque vivendi. Et qui dixerit illam regulam vitae, suum illi nomen reddiderit.

Ibidem.

18. Item Seneca in Exhortationibus, « Plerique, inquit, philosophorum tales sunt, ut sint diserti in convicium suum; quos si audias in avaritiam, in libidinem, in ambitionem perorantes, professionis indicium putes: adeo redundant ad ipsos maledicta in publicum missa; quos non aliter intueri decet, quam medicos, quorum tituli remedia habent, pyxides venena. »

Ibidem.

19. « Faciet sapiens, inquit idem Seneca, etiam quae non probabit, ut etiam ad maiora transitum inveniat: nec relinquet bonos mores, sed tempori aptabit; et quibus alii utuntur in gloriam, aut volu-

ptatē, utetur agenda rei causa.» Et paulo post : « Omnia quae luxuriosi faciunt, quaeque imperiti, faciet et sapiens, sed non eodem modo, eodemque proposito. »

CAP. XVI eundem libri.

20. Et Seneca, « Nondum sunt, inquit, mille anni, ex quo initia sapientiae nota (mota) sunt. » Multis ergo seculis humanum genus sine ratione vixit.

CAP. XXIII.

21. Fuisse Seneca inter Stoicos ait, qui deliberaret, utrumne Soli quoque suos populos daret; inepte scilicet, qui dubitaverit.

Cap. XXV.

22. Platonem quidem redemisse Anniceris quidam traditur sestertiis VIII. ¹ Itaque insectatus est conviciis redemptorem Seneca, quod parvo Platonem aestimaverit.

Lib. V, cap. IX,

23. Qui volent scire omnia, Senecae libros in manum sumant, qui *morum vitiorumque publicorum et descriptor verissimus, et accusator acerrimus* fuit.

Eiusdem libri cap. XIII.

24. Recte igitur Seneca, incongruentiam hominibus obiectans, ait : « Summa virtus illis videtur magnus animus; et iidem eum, qui contemnit mortem, ² pro furioso habent; quod est utique summae perversitatis. »

(1) Redemisse Anniceris sestertiis octo. Instissime, ut neutro genere accipias octona sestertia : id est, Philippos ducentos (circa 1,600 fr.) Sunt enim ipsae viginti minae, quibus ve-

nisse eum Laëlius scripsit; etsi alii augent ad triginta.

(2) Idem eum, qui contemnit mortem. De Peripateticis sermo, qui abhorrent mortem spontaneam.

Lib. VI, cap. XVII.

25. Item Senecae in libris moralis philosophiae dicentis: «Hic est ille homo honestus, non apice¹ purpure, non lictorum insignis ministerio, sed nulla re minor: qui quum mortem in vicinia videt, non sic perturbatur, tanquam rem novam viderit: qui, sive toto corpore tormenta patienda sunt, sive flamma ore recipienda est, sive extendendae per patibulum manus, non quaerit quid patiat, sed quam bene.» Qui autem Deum colit, haec patitur, nec timet.

Lib. VI, cap. XXIV.

26. Nec lucrari se quisquam putet, si delicti conscius non habebit; scit enim ille omnia, in cuius conspectu vivimus: nec, si universos homines celare possumus, Deum possumus, cui nihil absconditum, nihil potest esse secretum. Exhortationes suas Seneca mirabili sententia terminavit. «Magnum, inquit, nescio quid,² maiusque quam cogitari potest, numen est, cui vivendo operam damus: huic nos approbemus. Nam nihil prodest inclusam esse conscientiam: patemur Deo.» Quid verius dici potest ab eo qui Deum nosset, quam dictum est ab homine verae religionis ignaro?

Ibidem.

27. Idem in eiusdem operis primo: «Quid agis? inquit; quid machinaris? quid abscondis? Custos te tuus sequitur. Alium tibi peregrinatio subduxit, alium mors, alium valetudo: haeret hic, quo carere nunquam potes. Quid locum abditum legis, et arbitros

(1) *Non apice*, sc. sacerdotum.

(2) *Magnum nescio quid*. Mirifica sententia, et merito Lactantii laudata.

Sed nota, quod clausit Exhortationes Senecae: sicut et eandem Physiologium nostram, de Divinis.

Lips.

removes? Putas tibi contigisse, ut oculos omnium effugas? Demens! quid tibi prodest non habere conscium, habenti conscientiam?»

Eiusdem, cap. XXV.

28. Quanto melius et verius Seneca? «Vultisne vos, inquit, Deum cogitare magnum et placidum, et maiestate leni verendum? amicum, et semper in proximo? non immolationibus, et sanguine multo colendum: quae enim ex trucidatione immerentium voluptas est? sed mente pura, bono honestoque proposito? Non templa illi, congestis in altitudinem saxis extruenda sunt: in suo cuique consecrandus est pectore.»

Lib. VII, cap. XV.

29. Non inscite Seneca? Romanae urbis tempora distribuit in aetates. Primam enim dixit infantiam sub rege Romulo fuisse, a quo et genita, et quasi educata sit Roma: deinde pueritiam sub caeteris regibus, a quibus et aucta sit, et disciplinis pluribus institutisque formata: at vero Tarquinio regnante quum iam quasi adulta esse coepisset, servitium non tulisse, et, reiecto superbae dominationis iugo, maluisse legibus obtemperare, quam regibus: quumque esset adolescentia eius sine Punici belli terminata, tum denique confirmatis viribus coepisse iuvenescere. Sublata enim Carthagine, quae tam diu aemula Imperii fuit, manus suas in totum orbem terra marique

(1) *Non inscite Seneca.* Haec ad Flori historiam, quae exstat, referunt, et colligunt Senecam cognomento fuisse. Non puto hoc facere, et res inspecta dicet: quia alia in Floro divisio, aliisque finibus aetates terminantur. Confer, agnosces. Ergo ve-

rius, ipsius Senecae scriptum hoc fuisse; et Floro imitando decerpisse. Lips. — Nos de M. Seneca, L. patre, agi crediderimus. Cuius opinio rationes vide infra, Nova Fœgm. p. 412, not. 1. De utroque Seneca Fabric. Bib. Lat. t. II, p. 87.

porrexit: donec regibus cunctis et nationibus Imperio subiugatis, quum iam bellorum materia deficeret, viribus suis male uteretur, quibus se ipsa confecit. Haec fuit prima eius senectus, quum bellis lacerata civilibus, atque intestino malo pressa, rursus ad regimen singularis imperii recidit, quasi ad alteram infantiam revoluta. Amissa enim libertate, quam Bruto duce et auctore defenderat, ita consenuit, tanquam sustentare se ipsa non valeret, nisi adminiculo regentium niteretur.»

B. HIERONYMVS *adversus IOVINIANVM, libro primo.*

30. Claudia virgo Vestalis; quum in suspicionem venisset stupri, et simulacrum matris Idaeae in vado Tiberis haereret, ad comprobendam pudicitiam suam fertur cingulo duxisse navem, quam multa millia hominum trahere nequiverant. «Melius tamen, inquit Lucani poëtae patruus, cum illa esset actum, si hoc quod evenit, ornamentum potius exploratae fuisset pudicitiae, quam dubiae patrocinium.»

Eodem libro.

31. Scripserunt Aristoteles, et Plutarchus, et noster Seneca de matrimonio libros, ex quibus et superiora nonnulla sunt, et ista quae subiicimus. «Amor, formae oblivio est, et insaniae proximus, foedum minimeque conveniens animo sospiti vitium, turbat consilia, altos et generosos spiritus frangit, a magnis cogitationibus ad humillimas detrahit: querulos, iracundos, temerarios, dure imperiosos, serviliter blandos, omnibus inutiles, ipsi novissime amoris, facit. Nam quum fruendi cupiditate insatiabili flagrat, plura tempora suspicionibus, lacrimis, conquestionibus perdit, odium sui facit, et ipse novissime sibi odio est.»

Paulo infra.

32. Refert praeterea Seneca, « cognovisse se quemdam ornatum hominem, qui exiturus in publicum, fascia uxoris pectus colligabat, et ne puncto quidem horae praesentia eius carere poterat, potionemque nullam nisi alterius tactam labris, vir et uxor hauriebant: alia deinceps non minus inepta facientes, in quae improvida vis ardentis affectus erumpebat. »

In fine.

33. « Nam quid, ait Seneca, de viris pauperibus dicam? quorum in nomen mariti, ad eludendas leges quae contra caelibes sunt, pars magna conducitur. Quomodo potest regere mores, et praecipere castitatem, et mariti auctoritatem tueri, qui nupsit? »¹

B. AUGUSTINUS, de civitate Dei, lib. VI, cap. x.

34. DE SUPERSTITIONE.

Hunc locum prae aliis omnibus laudat Iustus Lipsius, utpote *acumine, prudentia, libertate* praeclarum; ita ut illum in suis *Electis*, lib. II, c. XVIII, insernerit et peculiaribus notis ornaverit, quas hic suo quasque loco apponendas curavimus. Postquam locum exscripsit, exclamat:

« En fragmenta, et quidem tota. Juvit enim describere: atque utinam plura! Nam quid non solum liberius, sed melius, acutius, prudentius potuit, in impiam illam pietatem? Et si non vagns aut vanus tibi sensus, habebis, Lector, quod huic etiam aevo serviat; quo religionum, ut sic dicam, thyrso percussae, bacchantur ac gallantur multorum mentes. Sed ut maneam in meo circo, promit haec Augustinus e libro Senecae quem contra Superstitiones scripsit. Qui, ut optima pleraque, periit: sed memoria tamen eius apud Tertullianum etiam, in

(1) *Qui nupsit.* Nempe pauperulus ille, umbratilis maritus. Qui nubere dicitur aspere, quoniam in leges et

matum venit, facturus quod iubetur, et obnoxius ut femina. Nam *nubere* proprie de femina dicitur.

Apologetico hoc velut auctoritatis firmæ telum interquentem contra Gentes. *Infrendite*, inquit, *inspumate*; *iidem tamen estis qui Senecam aliquem pluribus et maioribus de superstitione vestra perorantem reprehendistis.* (Vbi scripsisse Doctorem magnum censeo, *aliquam-pluribus*: qua forma et coniunctione in Apulcio, immo et in Ciceronis Verriis lego *aliquam multos*.) Et alludere quidem Tertullianus ad hunc titulum, *De Superstitione*, videtur. Non tamen nego, quin pluribus locis, immo libris hoc argumenti genus tractarit Annaeus, præsertim in *Exhortationibus*: quas Lactantius aliquoties nominat, et adducit sententias haud dispares istis. »

Libertas sane, inquit Augustinus, quæ huic defuit, ne istam urbanam theologiam theatricæ simillimam, aperte sicut illam reprehendere auderet, Annaeo Senecæ, quem nonnullis indiciis invenimus Apostolorum nostrorum claruisse temporibus, ¹ non quidem ex toto, verum ex aliqua parte non defuit. Aduit enim scribenti, viventi defuit. Nam in eo libro quem contra superstitiones condidit, multo copiosius ac vehementius reprehendit ipse civilem istam et urbanam theologiam, quam Varro theatricam atque fabulosam. Quum enim de simulacris ageret :

« Sacros, inquit, immortales, inviolabilesque deos in materia vilissima atque immobili dedicant. Habitus illis hominum, ferarumque, et piscium, quidam vero mixtos ex diversis corporibus induunt. ² Numina vo-

(1) *quem nonnullis indiciis. Apostolorum nostrorum claruisse temporibus.* Quibus indiciis, o Augustine? Illius Epistolarum ad Paulum (quas vide infra)? Suspiciamus id te suspicatum : sed frustra : quia cause illæ, et ab incerto impostore : et bonis sane hæmeris Hieronymus qui admisit, et habuit fidem. Tamen quid indicia opus? Aqua et æræ isto liquidius est, compæreus ætate Senecam Apo-

stolis fuisse, et vixisse Claudii ac Neronis ævo.

(2) *Quidam vero mixti etc.* Lip., in *Electis* scribit : quid *vere mixto sensu diversis corporibus induunt.* Libri veteres, inquit in nota, *mixto sexu.* Quod haud improbo, quasi e mare et foemina compositi quidam divi : ut Hermætheus, Hermæacles. *Mixto sensu* tamen præferam, ut velit deos componi et misceri ex bo-

cant, quae si spiritu accepto subito occurrerent, monstra haberentur. »

Deinde aliquanto post, quum theologiam naturalem praedicans, quorumdam philosophorum sententias digessisset, opposuit sibi quaestionem, et ait: « Hoc loco dicet aliquis: Credam ego caelum et terram deos esse, et supram lunam alios, alios infra? Ego feram aut Platonem, aut Peripateticum Stratonem, quorum alter fecit Deum sine corpore, alter sine animo? » Et ad hoc respondens, « Quid tandem? inquit: veriora tibi videntur T. Tatii, aut Romuli, aut Tulli Hostilii somnia? Cluacinam T. Tatinus dedicavit deam, Picum Tiberinumque Romulus, Hostilius Pavorem atque Pallorem, teterrimos hominum affectus: quorum alter mentis territae motus est, alter corporis, ne morbus quidem, sed color.¹ Haec numina potius credes, et caelo recipies? » De ipsis vero ritibus crudeliter turpibus, quam libere scripsit! « Ille, inquit, viriles sibi partes amputat, ille lacertos secat. Vbi iratos deos timent, qui sic propitios habere merentur?² dii autem nullo ipsi debent coli genere, si et hoc volunt. Tantus est perturbatae mentis et sedibus suis pulsae furor, ut sic dii placentur, quemadmodum ne homines quidem saeviunt. Teterrimi, et in fabulas traditae crudelitatis tyranni, laceraverunt aliquorum membra, neminem sua lacerare iusserunt.

minibus simul ferisque, et animantibus quibus diversi sensus. Quod in pictura et sictura stultissime receptum illis scimus.

(1) Quorum alter mentis territae motus est, alter corporis: ne morbus quidem, sed color. Si attendis, omnino ex subiecta sententia, utrobi-

que aut *motus* scribendum, aut *morbus*. Atque illud potius.

(2) Vbi iratos Deos timent, qui sic propitios merentur? Acute; nec aliam Quintiliani prisci illius et Attici (ita me indice audiet) declamatoris sensus, in Fanalico: *Istud si Deus cogit, iratus est.*

In regiae libidinis voluptatem castrati sunt quidam, sed nemo sibi ne vir esset, iubente domino, manus intulit.¹ Se ipsi in templis contrucidant; vulneribus suis ac sanguine supplicant. Si cui intueri vacet quae faciunt, quaeque patiuntur, inveniet tam indecora honestis, tam indigna liberis, tam dissimilia sanis, ut nemo fuerit dubitaturus furere eos, si cum paucioribus furerent: nunc sanitatis patrocinium est, insanientium turba. » Iam illa quae in ipso Capitolio fieri solere commemorat, et intrepide omnino coarquit, quis credat nisi ab iridentibus, aut furentibus fieri? Nam quum in Sacris Aegyptiis Osirim lugeri perditum, mox autem de invento magnum esse gaudium derisisset; quum perditio eius inventioque fingatur, dolor tamen ille atque laetitia, ab eis qui nihil perdiderunt, nihilque invenerunt, veraciter exprimatur: « Huic tamen, inquit, furori certum tempus est. Tolerabile est, semel in anno insanire. In Capitolium perveni: pudebit publicatae dementiae, quod sibi vanus furor attribuit, officii. Alius numina Deo subiicit,² alius horas Iovi nuntiat,³ alius lictor est,

(1) *Sed nemo sibi, ne vir esset, iubente domino, manus intulit.* Mallem, iubente animo. Nam ut a dominis quidam ad id adacti, cur pernegeamus?

(2) *Alius numina Deo subiicit.* Legebam, *lumina*. Et carpi censuram eos, qui cerens lychnosque passim elara luce accendebant in templis. Laetantius libro VI: *Mactant hostius Deo tanquam esurenti; profundunt una, tanquam sitiienti; accendunt lumina, velut in tenebris agenti.* At liber vetus et bonus, quem unctus num ex dissipata bibliotheca Batava Egmondiana, refert nomina.

Et vide num occultior ritus sit, tanquam diis adstiterint sui pomenclatores, qui salutantium sive adorantium nomina velut nesciis ingererent: ambitione videlicet et ritu qui inter proceres Romanos. Mihi hoc assidere inceptis iis videtur, quae sequuntur.

(3) *Alius horas Iovi nuntiat.* Ita enim nos passive apud alios etiam Deos. Martialis de Iside: *Nunciat octavum Pariae sua turba iuvonae.* Apuleius libro XI, de eadem: « Ac dum valvis caudentibus reductis in diversum, Deae venerabilem conspectum apprecant, et per dispositas aras

alius unctor,¹ qui vano motu brachiorum imitatur ungentem. Sunt quae Iunoni ac Minervae capillos disponant, longe a templo non tantum a simulacro stantes, digitos movent ornantium modo. Sunt quae speculum teneant,² sunt quae ad vadimonia sua deos

circumiens sacerdos rem divinam proenrat, supplicamentis solemnibus de penetrati fonte petilum spondeon libat: rebus rite consummatis, ineluctos locis salutationibus, religiosi primam nunciantes horam perstrepuot. Quo loco obiter legendum moneo, dum velae candentibus, fide scripti libri mei. Et saepe vela fuisse seimnos ante sanctiores aras statuasque (etiam apud Iudaeos) quae adduci solitum et reduci. Idem Milesius scriptor, de se initio: « Sic ad instar Solis exornato, et in vicem simulacri constituto repente velis reductis, in adspectum populi errabam. » Quis et Christianorum templis similis ornatus. Paulina Nolanus: *Aurea nunc niveis ornantur limina velis*. Et alibi in VI Natali Felieis. Ita enim et haec ex eodem meo codice emendo. Caeterum solennes salutationes has deorum, ut multa, e tenebris eruit Ios. Scaliger ootis io Tibullum: quibus apposite huncce Senecae locum addes, et alterum ex Epistula xcv, § 47: *Vetemus salutationibus matutinis fungi, et foribus consistere templorum. Humana ambitio istis officiis capitur: Deum colit, qui novit*. Vido notum.

(1) *Alius licitor est, alius unctor*. Duplicit hic licitor; scribo fictor. Id enim nomen inter officia divina. Io lapidibus legi: DISCIPULVS, FICTOR V. M. PONTIFICVM. Item: FICTOR, v. v. id est, Virginum Vestalium. Alibi: FICTORES. PONTIFICVM. Quid fuerint, Irido-

rus explicat aperte simul et ad ostram mentem apte: *Fictor, inquit, o componendo et fingendo, velut qui capillos mulierum linit et pertinet, ungit et nitidat*. Nam alias Fictor Latius, qui Graecis Plastēs, notiorum magis vulgari. Agnosceit autem haec eisdem vanitates in deorum cultu etiam Artemidorus lib. II, cap. 34. Περὶ θεῶν τιμῆς. Ait: *Εμπόστους δὲ θεῶν ἀγάλματα, ἢ καθάρματα, ἢ ἀδαίματα, ἢ σαρκοῦν τὰ πρὸ τῶν νέων καὶ τὰ πρὸ τῶν ἀγαλμάτων, ἡμαρτανέναι τὰ εἰς αὐτοὺς ἐκείνους τοὺς θεοὺς σαρκαίνει*. Sed et Vestitores amos diis fuisse, Julius Firmicus me docet lib. III: *Mercurius, inquit, cum Penere in tertio ob horoscopo loco, societ vestitores deorum*.

(2) *Sunt quae epepidum tenent*. Insignis, oec vulgo uobilis hieritus. Speculum autem diis praesertim foeminiis tenebant utendebantque, quasi ad inspiciendum explorandumque sativae cultae. Seneca ipse in Epistolis: *Petemus lintea et strigiles Iovi ferre, et speculum tenere Iunoni*. Vbi lintea et strigiles ad balnea seilient referes, quasi lotiono quoque Iuvi usus. Apuleius de hisdem speculis bene illustrat, Milesius. XI. De pompa Isidia: *Mulieres, inquit, candido splendentis omicimine, verno florentes coronamine, quae de greminio per viam, qua sacri iucedebant comitatus solum sternerant flosculis. Aliae quae, nitentibus speculis pone tergum reversis, venientibus*

advocent: ¹ sunt qui libellos offerant, et illos causam suam doceant. Doctus Archimimus, senex iam decrepitus, ² quotidie in Capitolio mimum agebat, quasi dii libenter spectarent, quem homines desierant. Omne illic artificum genus, operantium diis immortalibus, desidet. » Et paulo post, « Ii tamen, inquit, etiam si supervacuum usum, non turpem nec infamem Deo promittunt: ³ sedent quaedam in Capitolio, quae se a Iove amari putant: nec Iunonis quidem, si credere poëtis velis, iracundissimae respectu terrentur. » Hanc libertatem Varro non habuit, tantummodo poëticam theologiae reprehendere ausus est, civilem non ausus est, quam iste concidit. Sed si verum attendamus, deteriora sunt templa, ubi haec aguntur, quam theatra, ubi finguntur. Vnde in his sacris civilis theologiae has partes potius elegit Seneca sapienti, ut eas in animi religione non habeat, sed in actibus fingat. Ait enim: « Quae omnia sapiens servabit tanquam legibus iussa, non tanquam diis grata. » Et paulo post, « Quid quod et matrimonia, inquit, deorum iungimus, et ne pie quidem, fratrum scilicet et sororum? Bellonam Marti collocamus: Vulcano Venerem: Neptuno Salaciam: quosdam tamen caelibes relinquinus, quasi conditio defecerit: praesertim quum quaedam viduae sint, ut Populonia, vel Fulgora, et

deae obivum commonstrarent obsequium.

(1) *Sunt quae ad viduimonia sua Deos advocent. Immo qui.* Nec viros ab his angis excernimus: quorum vadari certe est, et haec forcia obire, non foeminarum.

(2) *Doctus Archimimus, senex iam decrepitus. Hanc Docti adiectio conuolucis Mimi? non mico acuat: pu-*

temque nomen certi hominis fuisse, et scribendum *Docimus Archimimus*, aut *Docio*. Memoria non semper mihi prompta: tamen lectum simile aliquod mimi nomen confase mihi est in mente. In iisdem etiam verbis legere *malim*, *senex*, imo *decrepita*.

(3) *Deo promittunt. Haud mutem, deo promunt. Tamen veriorem haec lect. censuo.*

diva Rumina, quibus non miror petitozem defuisse.¹ Omnem istam ignobilem deorum turbam, quam longo aëro longa superstitio congeffit, sic, inquit, adorabimus, ut meminerimus, cultum eius magis ad morem, quam ad rem pertinere.» Nec leges ergo illae, nec mos, in civili theologia id instituerunt, quod diis gratum esset, vel ad rem pertineret: sed iste, quem Philosophi quasi liberum fecerunt, tamen quia illustris populi Romani senator erat, colebat quod reprehendebat, agebat quod arguebat, quod culpabat adorabat.

Cap. XI, de eodem SENECA.

35. Hic inter alias civilis theologiae superstitiones reprehendit etiam sacramenta Iudaeorum, et maxime sabbata: inutiliter id eos facere asserens, quod per illos singulos septem interpositos dies septimam fere partem aetatis suae perdant vacando, et multa in tempore urgentia non agendo laedantur. Christianos tamen iam tunc Iudaeis inimicissimos, in neutram partem commemorare ausus est: ne vel laudaret contra suae patriae veterem consuetudinem, vel reprehenderet contra propriam forsitan voluntatem.

Ibidem.

36. De illis sane Iudaeis quum loqueretur, ait: «Quum interim usque eo sceleratissimae gentis consuetudo convaluit, ut per omnes iam terras recepta sit: victi victoribus leges dederunt.²» Mirabatur haec dicens, et quid divinitus ageretur, ignorans.

(1) *Quibus non miror petitozem defuisse.* Erige sententiam iacentem in interrogandi nota, et scribe, *miror.* Nec plura ad hos ritus: in quibus perclara imago vanitatis erroris praei; a quo quantum beneficium est, quod eripuit nos melior ille deus.

(2) *Victi victoribus leges dederunt.* Rutilius: *Atque utinam nunquam Iudaea subacta fuisset Pompeii bellis, imperioque Titi? Latius exaruit pestis contagia serpunt, Petitozemque suos natio victa premit.* Vbi elsi Iudaei nominantur, certum Christiani-

Subiecit plane sententiam, qua significaret, quid illorum sacramentorum ratione sentiret. Ait enim: « Illi tamen causas ritus sui noverunt, et maior pars populi facit, quod cur faciat, ignorat. »

Scriptor vitae P. Virgilio Maronis.

37. Seneca tradidit, Iulium Montanum poetam solitum dicere, involaturum se quaedam Virgilio, si et vocem posset, et os, et hypocrisin; eosdem enim versus, eo pronuntiante, bene sonare, sine illo, inarescere quasi mutos.

SERVIVS, in VI. Aeneid.

38. Seneca scripsit de situ et sacris ¹ Aegyptiorum, hic dicit, « circa Sienem extremam Aegypti partem esse locum, quem Philas, hoc est, Amicas vocant, ideo quod illic est placata ab Aegyptiis Isis, quibus irascebatur, quod membra mariti Osiridis non inveniebat, quem frater Typhon occiderat. Quae inventa postea quum sepelire vellet, eligit vicinae paludis tutissimum locum, quem ad transitum constat esse difficilem; limosa enim est et papyris referta. »

Idem SERVIVS, in IX Aeneid.

39. Ganges fluvius Indiae est, qui secundum Senecam, in situ Indiae, « novem alveis fluit, » secundum ² Melonem septem: qui tamen et ipse commemorat nonnullos dicere, quod tribus alveis fluat.

nos maxima intelligi: sicut et in Seneca ipso.

(1) *De situ et sacris.* An et ipsam Aegyptum ergo descripsit P nisi legis, de ritu. Tamen et statim, Frag. proximo, *de situ Indiae.*

(2) *Melonem.* Suspiciamus legendum esse *Melaen*. Omnibus enim notus est Pomponius Mela, cuius exstat liber *de situ orbis*, quum nulla illius Melonis apud veteres mentio fiat. ED. P.

PRISCIANUS, lib. VII.

40. Seneca Ovidium sequens:

Gausapa si sumpsit (1), *gausapa sumpta proba.*

CONCILIUM TYRONENSE II, Can. XV.

41. Aliqui Laici, dum diversa perpetrant adulteria, hoc quod de se sciunt, in aliis suspicantur, sicut ait Seneca, «pessimum in eo vitium esse, qui in id quo insanit, caeteros putat furere.»

(1) *Gausapa si sumpsit.* Est ipse Senecam non verum scripsisse, sed Ovidii versus, lib. II de Arte Amendi. illo exemplo *Gausapa* extulisse. Ergo vult hic Prisciani locus,

His fragmentis nonnulli addunt Orationem Senecae ad Neronem, qua philosophus noster Imperatorem, quum ad deteriora inclinare cerneret, seque variis criminationibus incesse, oravit ut sibi in otium secedere liceret. Nos vero, quum iam oratio illa in nostra Taciti editione inserta fuerit, et praeterea dubitandum sit an ipsius Senecae verba a Tacito relata essent, quippe qui (ut ipse fatetur *Annal.* XV, c. 63 fin.) aliorum verba invertere solebat, hanc orationem praeterire satius duximus, nostros lectores ad ipsum Tacitum (lib. XIV *Annal.* cap. 53, 54) remittentes.



NOVA FRAGMENTA

EX PALIMPSESTIS ERVTA.

PRAEMONITIO.

*S*equentia fragmenta ex illo libro exscripta sunt, quem V. Ill. B. G. Niebuhr, C. F., nuper cum quibusdam aliis edidit, sub hoc titulo: M. Tullii Ciceronis Orationum pro M. Fonteio et pro C. Rabirio fragmenta, T. Livii lib. XCI fragmentum plenius et emendatius, L. Senecae fragmenta, ex membranis Bibliothecae Vaticanae (Romae, 1820; Paris. apud Lenormand), paulo post quam Gaii Institutiones ipse reperisset et in lucem edidisset.

Haec Senecae, aequae ac Ciceronis et T. Livii fragmenta, ex eodem illo iam nobili Bibliothecae Vaticanae codice Palatino XXIV, Tobiae, Iudithae, Iobi atque Estheris libros continente, eruta sunt, ex quo iam antea T. Livii Historiarum insigne fragmentum exscripserant Paulus Brunsius et Vitus Iuvenatius.

Suae horum fragmentorum editioni satis amplam notitiam praemisit Niebuhr, in qua postquam nonnulla monuisset, et de pretiosi, sed misere laceri, codicis descriptione, et de rationibus quibus usus fuerit ut oblitteratas et fere perditas litteras erueret et legeret, tandem ad ipsarum schedarum notitiam accedit, et de nostris fragmentis sic loquitur, Notitiae in libri frontem praemissae p. 13:

« Prima inter illas (schedas) comparent sex folia ex duobus L. Annaei Senecae scriptis, quorum memoria penitus interciderat, petita: unum, quo initium libri de vita patris continetur; reliqua quinque de amicitia disputationem exhibent, quo tamen titulo libellum inscriptum fuisse praestare nolim. Iam vero codex ille cuius reliquiae ad hunc usum conversae sunt, eiusdem formae fuit qua libros biblicos scribi placuit, singulaeque paginae singulis respondent, ut nunc se habet codex, 10, 15, 39, 40,

43, 44, numerantur. Hae sunt quas paulo ante situs et maiore corrupta fere evanuisse indicavi, quo factum est ut partem antiquae scripturae assequi non potuerim. Scriptionis specimen, cuius indoles investigandi facultatem haud parum auget, in tabula dedi. Eam semiminusculam satis apposite nominare possumus: typorum autem qui in libris imprimendis adhibentur origo manifesto inde repetenda est. Denique titulus libri de vita patris illam refert qua in scribendo utimur: quae facile in tabellionum quoque scriptione agnoscitur, quoties, sive in chartis sive in membranarum marginibus, perspicue, non ligatis inter se ductibus, scribere placuit. Vtrumque autem scripturae genus quod in his Annaeanis conspicitur, in volumine librorum S. Hilarii de Trinitate obtinet quod in tabulario Basilicae Vaticanae asservatur; Carthagine sub Trasimundo Vandalo rege, primis sexti saeculi annis, scripto: cuius subscriptiones, de quarum antiquitate sanus nemo dubium movere poterit, eam exhibent speciem, ut obiter inspicienti facile in mentem venire possit eas ante duo vel tria saecula adscriptas esse. Itaque minime crederem huius scripturae usum saeculis intermediis omissum fuisse: quanquam haud scio an nihil illo genere exaratum ex eo aevo supersit: Petrarcae certe epistola, quae Patavii ostenditur, iis litteris scripta est quibus tunc in codicibus utebantur. Quod vero ad litteram semiminusculam attinet, volumen alterum Codicis Theodosiani inter libros manuscriptos Reginae, haud dubie ad eadem fere cum codice S. Hilarii tempora referendum, eadem illa, licet crassiore, scriptum est; idemque de fragmentis orationum Symmachi Romanis et Mediolanensibus valet.....

« Iam quod ad editionis consilium attinet, illud institutum secutus sum quod Iuvenatio et Herculanensium voluminum clarissimo editori, atque diu ante eos Fulvio Ursino et Hadbodo Schelio, aliisque praeterea praeclaris viris placuit, ut quid singulis paginis, versibusque contineatur, quam late pateant lacunae, quot seu versus seu litterae perierint vel legi non potuerint, praesertim in iis quae maioris pretii sunt, accuratissime ante oculos proponerem: ita enim viri criticae artis periti qui ad codicem accedere nequeunt, tuto sese in emendando supplendoque exercere poterunt: ii vero praecipue, qui post me hasce membranas tractabunt, hac ratione se valde adiuvari sentient. Ea est enim huius investigationis indoles, ubicumque scriptura oblitterata est, ut vix ab uno perfici possit: alius postea, deinde alius plura quam primus editor feliciter divinando assequatur, atque a con-

lecturis progressus etiam oculis agnoscat: atque haec profecto unica ad omnia paulatim in huiusmodi codicibus exculpanda via est. Ego vero, si alius ea de quibus desperavi a se perspecta esse monstrabit, sive etiam, licet magna adhibita diligentia, me nonnunquam errasse, minime me ignominia affectum esse arbitror: quin potius hoc consequar ut eisdem viros graves fidei meae testes habeam: caeterum non mea res agetur, sed communis litterarum utilitas, quae bonis omnibus semper carissima fuit, et esse debet.» (Ex notitia, p. 27.)

Hoc tamen institutum paululum immutavit in edendis his Senecae Fragmentis, quae, sane melius servata, paulo melius quam reliqua legi poterant.

« In his Fragmentis proponendis, inquit in eorum fronte, satis visum est omnia vulgato more atque interpuncta perscribere; paginas tamen codicis, et quantum quoque loco oblitteratum sit accurate indicavi.» (paginarum indicationem consulto praetermissi, otiosam fere rem arbitratus: quamquam si libuisset, haud ita facile hoc fieri potuisset. T.)

De amicitia.

I. (il) le tristior quam solebat | o...ru. ille...mi...
 si |me...in ad.. | ..a quaerentem.erm.. |
t.ni.se.. | gres.r.ac fecit.... | ter alteri
 | dit a..... | ses..... |
 plus....hi. conquesturus venit: at contra se adfuit

De amicitia. Hunc titulum praescripsi ut esset aliquis: caeterum neque in membranis adest, neque hoc modo inscriptus liber Senecae memoratur; quin fieri potuit ut, quae hic habemus, in libris Moralis philosophiae existerent, quos se elaborare ad Lucilianum Seneca scripsit, perfectosque et editos fuisse ex Lactantio patet, qui plurima inde profert. Potuit quidem Seneca, Aristotelis exemplum secutus, absoluta doctrina de moribus atque officiis, in illis de amicitia disserere.

O...ru. ille. Quicumque membranarum rescriptarum rationem tenet,

divinando tentandum gressum esse acit, ubicumque antiquior scriptura usque ad ductum excidium oblitterata, atque a superposita recentiore contexta est: comparatis deinde coniecturis cum illis quae non sine acerrima oculorum contentione apparent ductibus, rectas ut in falsae sint diiudicari. Hanc viam secutus quam in Liviano tom in his fragmentis, plurima, quae non primo solum intuitu, sed vel vicies tentata, prorsus desperanda esse videbantur, tandem assecutus sum: mauent tamen in his Annianis lacunae, pro exiguo eorum modulo magno, in quibus

et satisfaciendi satisfacit: non minus hic sollicitus fuit ne fecisse videretur iniuriam quam ille ne accepisse: aut certe nihil || resedit quod serperet, sed in medium dedit uterque offensiones suas, et alter ab altero quidquid latebat expressit. Familiare iurgium non iudicem sed arbitrum quaerit: nihil autem componitur inter absentes, nec tuto epistolis omnis querela committitur, et inexplorata fronte, per quam produntur animi, incertum est quam simpliciter detegatur ira, quam fide || liter desinat. Sic amico iudicaturus *amicus* a praesente *secundum* absentem det.

Quisquis re consulta *ri*....contrahat, plurimum operis facit: in rem praesentem perducatur *amicum*. Quemadmodum multa quorum in tenebris audacia est, luce prohibentur; ita, quae absentes irritant et concitant, ad praesentiam non ferunt. Optimum est itaque, etiam si quid neg || legentius praetermissum est*bu.an.u.* | factum ere.....*con* | putatum... *verbi*. |*in id tempus*... | *niq.o* possit....*nob.*

explandis ut alius Senecae praestare possit quod ego Livio, optandum est. Cui rei quo melius se accingant oculati et eruditi viri, a Senecae lectione recedentes, meliusque quam ego instruendi, quum hoc loco, tum aliis eiusdem naturae, quaecumque visu percipere potui, diligenter proposui, versuum fines indicavi, in quibus singulis 16 aut 17, raro plures, litteras contineri moneo; neque pro his reprehensionem metuo ubi in litteris erratum fuerit, quippe qui certo sciam, successoribus in hac opera meis plurimum adiumenti collatum esse his, quae nisi alios post me feliciter elaboraturos esse sperarem, ut inutilis abicerem. — Ex 17 uniuscuiusque paginae versibus 10 vel 11

primi superposita scriptura continentur: reliqui in versuum interstitiis comparentes, dempto tamen folio 1b, r. quod situ confectum est, facile leguntur.

Amico. Sic scripsi quia sola indica, vocabuli reliquias, duae tantum litterae oppressae sunt.

Ri....contrahat. Perfacile esset *ri-xam* supplendo scribere, neque litterarum vestigia adversarentur: at quo sensu? verbis *plurimum operis* in membram. superscriptum est *multum*.

In rem praesentem. Seneca ad Lucil. Ep. IV p. 14, ad. Bip. *Plus tibi et viva vox et convicius quam oratio proderit; in rem praesentem venias oportet.*

| le .. le re ne | pens ad .. nari .. si . prae |
 terea *sinceram* amicitiam decet ut *sine cicatrice* sanetur.

Quaeramus a venientibus quid absentes agant, debitoribus illorum instemus, creditoribus respondeamus, inimicis resistamus : si aut——

II. Quaeritis : itaque momento amicitiae vestrae exolescunt quarum mens aut animus pignus est.

Vna peregrinatio eradit animo ius omne : si vero longior haec est et longinquior, excidit notitia quoque, non tantum amicitia. Quod ne possit accidere, omni opera sistamus, et fugientem memoriam reducamus : utamur, ut in prima parte dicebam, ¶ animi velocitate, neminem a nobis amicum abesse patiamur, in animum subinde nostrum revertantur futura nobis promptu, iam ut praeterita repetamus; sic ille manus, sic ora ferebat: imago effingatur animo notabilis et vivo petita, non evanida et muta. Sic ille manus, sic ora ferebat: adiiciamus illa quae magis ad rem pertinent: sic loquebatur, sic hor ¶ tabatur, sic deterrebatur, sic erat in dando consilio expeditus, in accipiendo paratus, in mutando non pertinax: sic solebat beneficia liberaliter dare, patienter perdere, sic properabat benignitas eius, sic irascebatur, eo vultu ab amico vincebatur, quo solent vincere: ceteras virtutes pererremus, in harum usu tractatuque versemur: et, si plures eodem tempo ¶ re absunt, velut sparsa pluribus locis membra familiaritatis nostrae colligamus: nunc hic, nunc ille in ore animoque sit, ubi .. e. ius .. si .. hui. nempe nes: nulla tantum possit vetustas ut memoriam ami | citiae ... dae ... | sic nun | lum est liae es. | se interdum .. cu

fati | solet in iram est quam | valde illum amem |
conscientia ea con |

III. — (*notitia animi esse cer*)tior debet, quia vultus incertus est. Magnos humanum pectus recessus habet: quod *vultu* quo placet virtus eo fraus adumbratur, et cogitationibus pessimis facies benignissima obducitur: nec facile nisi peritus intellegas quid intersit inter animum amici et colorem.

Hoc sibi quisque proponat quo minus facile fucatis capiatur officiis: ¶ rara res est amicitia: vulgaris aut exposita ut implere totas domus possit vulgo sibi homines persuasere. An aurum ingenti opera tegi creditis, cuius ubique quaesiti vix sub aliquo monte vena deprehenditur; amicum autem ubique inveniri, sine ullo labore, sine ulla investigatione? Quid enim tam simplex apertumque est? Atqui non tam in alto latet aurum argentumque ———

Solet in iram. Quivis videt quae hic scribuntur non nisi fallacem litterarum speciem esse, quam tamen exhibere, propter rationes antea allatas, placuit. L. — Alius explicare tentet.

Hoc... officiis. Tres hosce versas tanquam Ciceronis adidit Melior p. XCIV, addens: *Non ovum ovo similis esse quam isthaec Tullianis plane gemella.*

Rara... amicitia. Hic locus apud Meliorem est fragmentum II Ciceronis.

Vulgaris... persuasere. Haec ita in membranis scripta extare omni dubio caret: non tamen eo minus mendosus est locus, qui ne miti quidem medicina sanari potest. Atque ego quidem nullum emendandi genus pe-

ius odi quam illud quod contra libros negationem sive inserit sive tollit: tamen, quum in desperatione ad ultima remedia confugere necesse sit, non video quomodo haec ad sensum aliquem revocari possint, nisi scribendo: *rara res est amicitia, non vulgaris aut exposita, ut implere totas domos possit, ut vulgo sibi homines persuasere.* Expositum enim pro re patente seu vulgari dictum esse arbitror, quae significatione apud Statium et Iuvenalem obvium est.

Amicum... investigatione. Melior, apud quem haec *prae* quantum fragmentum efficit in quo *altro loquentem sese prodere* Ciceronem existimat, pro *amicum*, erat *mecum* praebet.

Quid enim... argentumque. Apud

Incipit eiusdem | Annaei Senecae | de vita patris | felicitur: scribente | me..... die et lo(co) s(upra) s(cripto).

Si quaecumque composuit pater meus et edidit iam in manus populi emissem, ad claritatem nominis sui satis sibi ipse prospexerat: nam nisi || me decipit pietas, cuius honestus etiam error est, inter eos haberetur qui ingenio meruerunt ut puris scriptorum titulis nobiles essent. Quisquis legisset eius historias ab initio bellorum civilium, unde primum veritas

Meliorem quatuor hi versus III fragmentum sunt, aureolum illi nuncupatum, quod tamen Oedipum requirat. Idem perabsurde pro atqui, aut qui legendum esse pronuntiavit.

Scribente. Huius vocis lectionem amice mihi indicavit ill. Maius qui idem post me, Nisiano aut certe non abimile nomen agnoscere sibi videtur. Stabilis autem voce scribente, caetera (die et los as) certissima ratione explicantur: scilicet ad calcem libri qui praecedebat, cuiusque fragmenta dedimus, diem locumque subscripserat librarius.

Historias. Historiarum, quas M. Seneca pater scripserit, nulla apud auctores memoria extat, nisi quod inde petita esse suspicor, quae Suetonius tanquam a Seneca de morte Tiberii Imp. narrata, in Tiberio cap. 73 refert. Cui enim tempora attingisse, qui tamen, quum filius sub Claudio exularet, mortuus erat, ex Suasoria II certissimo argumento colligo, quod (p. 24 ad Bip.): *Corne-lii Tusei, qui Mamereum Scaurum, in quo Scurorum familia extincta*

fuerit, rem fecisset, hominis improbi animi, meminit. Scauri enim accusatio, ex qua mortem sibi ille conscivit, triennio ante exitum Tiberii accidit (Tacit. Ann. vi, c. 30), quo principe vivo eius rei mentio. cum accusatoris vituperatione coniuncta, sine manifesto periculo fieri non potuisset. Hunc locum Fabricii diligentiam effugisse miror, qui alium in eadem Suasoria animadvertit ubi de Attalo Stoico sermo est, Seiani fraude circumvento; is vero sub Tiberio scribi poterat. Ex hoc loco, quo Marc. Senecam, Nostri patrem, historias scripisse constat, facile crediderimus illi tribuendos esse historicos quosdam locos Lucio Senecae a nonnullis tributos, et qui leguntur inter eius Fragmenta (vide supra, frag. 5, 7, 29, 38, 39), de quorum vero auctore ambigitur. Ed. P.

Initium bellorum civilium. Divi Iulii adventus in Italiam est: nam do his temporibus, quorum historiam Sallustius conscripsit, dici non poterat veritatem retro abire. — Igitur, qui, nisi civilia bella eum impedissent, Ciceronem audisset (Con-

retro abiit, paene usque ad mortis suae diem, magni
aestimaret scire quibus natus esset parentibus ille qui
res Roma ¶ *nas*

trov. I prooem.) et Tiberio Imp. su-
pervixit (vide not. super.), ad ul-

timam senectutem pervenit, et fer-
me nonagenarius obiit.

L. ANNAEI SENECAE

EPIGRAMMATA

HAEC Epigrammata, quae alio in loco ab aliis ponuntur, a plerisque tamen, nec male, post Consolationem ad Polybium, ab exule quoque scriptam, locantur, inter Fragmenta et Incerta inserere satius nobis visum est. De his sic loquitur *Ruhkopf*, qui ea in suae edit. IV vol. post libros de Beneficiis edidit:

« Sequuntur in hoc volumine *Epigrammata novem*, quae quum Senecae tribuuntur, apponere non dubitavi: quauquam *Dionys.* Dideroti iudicio subscribendum censeo: neque poetam praestant qui delectet, neque infelicem qui moveat, neque philosophum qui instruat. Nec aliunde nisi a librariis scimus ea Senecae foetum esse, quorum tamen fidem in tali re haud certi momenti ad veritatem evincendam esse constat. Caeterum contuli *Burmanni Anthologiam Vet. Lat.* qui codice *Vossii* et selectis manuscriptis *Scaligeri*, una cum editionibus *Pithoei*, *Scaligeri*, etc. in usum suum conversis haec Epigrammata smplo et eo docto commentario ornavit, quo et *Wernsdorfius* beat. mem. in *Poett. Lat. Min.* Vol. V, 3, ubi n.º I, II, IX edidit, usus est. »

Vulgatum titulum, *Epigrammata super exilio*, paulum mutavimus, quum cuilibet legenti obvium sit perpauca ex illis circa exilium versari. *Ruhkopffii* notas ad Epigrammata servavimus.

I.

AD CORSICAM.

Corsica, Phocaico tellus habitata colono,
 Corsica, quae patrio nomine Cyrnus eras,

Corsica Phocaico, etc. Exstat in Burmanni Antholog. Vet. Lat. To. I. Lib. III, Epigr. XII, p. 464 et Wernsdorfi Poët. Lat. Minor. To. V, Part. III, p. 1368, ut Pitheci Scaligerique edd. omittunt. Relegatos in Insulam Corsicam auctor precatur, ut delitescere sibi licet non infelicitur. Quamquam nihil obstat, quominus L. Ann. Seneca, quem in Corsicam a Claudio relegatum esse constat, pro auctore huius epigrammatis habentur, tamen propter dubitationem quaedam nobis indicitur, quod admodum ieiunum est poematum et rhetoricum colorem praese fert indignum eo qui tantis malis immersum se queri debet. — *Phocaico*. Sic codex Salmasii, qui ad Salin. pag. 94 ed. parisiensis ex hoc libro suo antiquissimo legendum monuit, non *Phocaeo*, ut est in codice Vossiano. Scaliger inter utramque hanc lectionem fluctans videtur. Ceterum *Phocaicus*, *Phocaeus*, *Phocaeus*, *Phocaeus* et *Phocensis*, et a librariis, quin et ab auctoribus confundi, docet Burmann. ad h. l. post Duker. ad Thucyd. lib. I, esp. 13 aliosque. Attigimus ad c. 8 Consolat. ad Helv. § 1. — *Phocicam* Colonnus vero *Cyrnon* appellat, *Phocaeensem* ducem, qui sexto ant. Chr. nat. saeculo in hanc insulam commigrare. Sed vid. notam ad vs. sequentem, voc. *Cyrnus*.

Patrio. Codex vetustiss. ut Bur-

mannus ad h. l. putat, Salmasii sic praestat, Nic. Heinsius ad Ovidium probante: adstipulantur vestigia codicis Vossiani, in quo, eodem Burmanno monente, est: *patrio nomine*. Interpretor, antiquissimo, primo, popularique nomine. Conf. Spanhem. ad Callim. Hymn. in Del. vs. 19, qui Bochartum sequens a Phoenicibus insulam hanc appellatam putat propter multa promontoria: unda *Corsica*, i. e. *Sitrosa*, etiam nomen accepisse videtur, quamquam alii a *Corsa* *Babulca*, itala muliere, quae dum taurum nantem cymbula sequitur, a *Lygoriae* littoribus profecta, insulam prospexit, at popularibus nuntiavit, qui statim regionem occupavere. Vid. et cf. Rutil. Itin. 1, 438 et Isidor. Orig. 14, 6. Alii, inter quos Burmann. et Wernsd. *Graia* praefereunt, Servii verbis ad Virgil. Eclog. IX, 30: haec autem insula Graece *Cyrne* (ἡ Κύρως) dicitur a *Cyrno* Herculis filio, hanc lectionem confirmari putantes. Sed quidni et haec Servii observatio ad codicis scripturam fulciendam adhiberi possit? — *Cyrnus*, vel *Cyrnos*, *Cyrne*, Graecum est nomen quod antiquitas huic insulae contigit. Aliter tamen vocatam etiam antea quidam volunt, etc. Tercepen autem nomen antiquissimum huius insulae fuisse: dein *Cyrne* appellata est a *Cyrno* (si Graecos mythographos, unde

Corsica Sardinia brevior, porrectior Ilva,
 Corsica piscosis pervia fluminibus,
 Corsica terribilis, quum primum incanduit aestas, 5
 Saevior, ostendit quum ferus ora Canis,

Servius ana habet, aequaris), Hercolis (vel Iovis) et Cynus filio, qui idem credendus est ac illa Phocaensium heros, notus ex Herodot. I, 165, qui narrat, Phocaenses in istam insulam misisse coloniam, condita urbe Alalia; quanquam et alii sic dictam velint a Phoenicibus ob multa promontoria. Nam promontorium Phoenicum lingua Cynus fuit. Quae Strabo V, 2, 7 ed. Lips. de Corsica tradit pauca, parum eam commendat, nec Boswellus alique, qui eam descripserunt, extollunt. Burmannus laudat Pomponium Melam, *De situ orbis*, lib. II, 7, 129 ed. Ia. Vossii, et notas Delrii ad Claudiini Consul. Mallii vers. 203 (a Gesnero omissas). Ruhk.

Sardinia brevior. Sardinia insula est Interni maris, Corsicae contigua, a qua eam freti Egnii cui nomen Tapros (id est fossa) undae separant. Longior latiorque paulo quam Corsica est. — *Ilva.* Ita recte emendavit Scaliger, quum codices Salm. et Voss. haberent: *porrectior illa.* Hanc lectionem ex incertitia librarii mansisse apparet, qui insulam Ilvam ignoraret. Rectius autem esse *porrectior*, i. e. extensior, longior, quam *projectior*, notavit Burm. ad Anthol. lat. lib. I, Epigr. CLVII — *Ilva* est parvula insula adiacens Tusciae in conspectu Populoniae. Graeci vocabant Aethaliam. Hodie nuncupatur *Elbe*, omnibus in aeternum nobilis ob clarissimum exsilem. Conf. Rutil. Itiner. I, 351: *chalybum memorabilis Ilva metal-*

lis, Qua nil uberius Norica gleba tulit; Non Biturix largo potior strictura camino; Nec quae Sardos cespite massa fluit, etc. ubi vid. Poët. Lat. min. Wernsdorf. V, 1, p. 131. (Nostrae Editionis, Vol. IV, p. 127.). Caeterum ridicula porrectiorum Ilva Corsicam esse monet. Nam tanta est longitudinis latitudinisque differentia, ut comparare illas nemini nunc in mentem veniat. Sed Senecae temporibus multarum regionum ignotae figurae erant, neque tabulae geographicae, alioqui raras, veram terrae formam exhibebant.

Piscosis... fluminibus. Supra triginta flumina tabulae geographicae in ea asserunt: sed parva sunt et torrentes a montibus ruentes nive liquescente pluviisque ingruentibus. Alio itaque tempore, s. e. aestate, ne haustum quidem aqua (de quo queritur in Epigr. seq. vers. 7) reperire licet. Seneca in Consolatione ad Helviam, cap. IX, 2 consentit: *non magnis et navigabilibus fluminum alveis irrigatur*, Ruhk.

Corsica terribilis, etc. Haec descriptio a recentioribus etiam confirmatur. Gravitate ideo caeli insulae tribuit Seneca in Consolat. ad Helv. VIII, 1, atque aridam et spinosum saxum vocat. Ruhk. — Haec verba de aestu sideris, hominem axerente in Corsica, praeparant acumen quod versu ultimo sequitur: *vivorum cineri sit*, etc.

Canis. Canicula, Procyon, quod sidus quum in caelo apparet, calidissima est tempestas: nuda sae-

Parce relegatis, hoc est, iam parce sepultis:
Vivorum cineri sit tua terra levis!

II.

DE EADEM.

Barbara praeruptis inclusa est Corsica saxis,
Horrida, desertis undique vasta locis.

passime apud poëtas pro calidissima tempestate per metonymiam usurpatur.

Sepultis. Sic cod. Voss. praeferebat etiam Lipsio ad Senec. Consul. ad Helv. 1, 3 et lu. Schulting. ad Sutor. III, p. 34: quidquod idem fere hemistichium occurrit apud Virgil. Aen. III, 41: *Quid miserum, Aeneas, laceras? iam parce sepulto, etc.* Nec dubita, quin Seneca eo respuerit. Publius tamen ex vetere, ut ait, codice edidit: *iam parce solutis*, probante Burm. cum Wernsdorf. ad h. l. Sed enim, etsi haud negem, quod Burmann. bene docuit, tam *solvi* et *solutum esse* de mortuis dici, tum *sepultus* et *solutus* in codd. mss. saepe confundi, tamen tō *appulsi* glossa tua *solutis* esse h. l. Burmanno non concedam, quum imitatio loci Virg. laudati manifesta sit, nec verbum exquisitum alio et ipso exquisito interpretari glossatores soleant. Accedit, quod *sepultus* de exsule civiliter mortuo ac quasi sepulto in usu fuerit, ipso Burmanno docente. *Ruhk.*

Vivorum cineri...levis Oxymorum est. Vivunt quidem exsules, sed quum civiliter sint mortui, civis non inepte locum habet, adeoque et exclamatio illa solemnitas et vulgaris in funere amicorum, quae in tali re

saepe occurrit: *sit tua terra levis*, e. c. Tibull. II, 4, 50. Euripid. Alc. 462. Meleager in Antholog. graec. (Anst. Bruckii To. I, p. 35, CXXII, 7) *λέλοιπό μοι αὖ βάλος ἱλαρὴν*, etc. sicut inimici et improbi contra precabantur, ut terra sit gravis, e. c. Callimach. Epigram. xxviii, 3. (LXI pag. 475 Anst. Bruck. Tom. I). Wernsdorf. ad h. l. laudat Eleg. in abit. Maecenatis vers. 141 et Mart. lib. V, Epig. xxxiv, vs. 9. *Ruhk.* —Idem Mart. in ambiguitate verborum iocatus, hanc formulam sumit ut anui cuidam imprecetur, lib. IX, Epig. xxx, fin. *Sit tibi terra levis... Ne tua non possint eruere ossa canes.*

II. Burmannus recensuit in Anthol. Vet. Lat. To. I, lib. III, Epig. xiii, p. 465. Wernsdorfus in Poët. Lat. Min. V, 3 p. 1369 sq. (Paris. Edit. IV, 546.). Querela exsulis de Corsicae feritate. Nisi haec, quae de caeli inclementia et soli asperitate exponuntur, in spinosam, ubi exsul viveret, partem insulas dicta putes, vereor, ut fidem mereantur. —Male codd. Salm. et Voss. hoc epigramma praecedenti continent, quum hoc quaedam habeat priori contraria. *Ruhk.*

Barbara praeruptis...saxis. Seneca in Consolat. ad Helv. VI, 4.

Non poma Autumnus, segetes non educat Aestas:

Canaque Palladio munere Bruma caret:

Vmbrarum nullo Ver est laetabile fetu; 5

Nullaque in infausto nascitur herba solo:

Non panis, non haustus aquae, non ultimus ignis:

Hic sola haec duo sunt, exsul, et exsilium.

de Corsica simili modo loquitur: *Quid tam nudum inveniri potest, quid tam abruptum undique, quam hoc saxum? quid ad copias respicienti ieiunius? quid ad homines immanis aetius? quid ad ipsum loci situm horribilius? plures tamen hic peregrini quam cives consistunt.* — Quae ultima verba (*plures...peregr. quam civ.*), addit Burmannus, illustrant finem huius epigrammatis: *Hic sola haec duo sunt, exsul et exsilium*: quo Varro respiciet ad copiam exsulum in Corsica delitescantium urae Pithoenae editionis adscripserat Cassubonus. Quam diversa autem de hac insula prodiderint auctores, eullegit Spanhem. ad Callimach. Hymn. in Del. 19, nec a nobis praetermissa ad Consol. Senecae ad Helv. l. 1. Ruhk.

Non poma... Aestas. Fere consueva sunt, monente Wernsdorf. ad h. l. haec Ovidii de Ponto 1, 3, 57: *Non ager hic pomum, non dulces educat uvas: Non salices ripa, robora monte virent.*

Canaque... caret. Nec olivae quae Minervae inventio sunt (cf. Spanhem. ad Callim. Hy. in Pal. 26), atque hie me leguntur, in hac insula crescant. Wernsdorf. ad h. l. laudat et Virgil. Georg. II, 519: *Venit hiems; teritur Sicyonia baeza trapetis*; et Columell. XXII, 52 (nunc 50) qui ulivatem mediam, i. e. olivarum vindemiam mediam, esse initium Decembris monuit. R. — Canam vero brumam vo-

cat, sive quod saeviente hieme omnia albescant (Horat. earm. lib. I, Od. IV: *Et prata canis albicant pruinis*), sive quod brumae tempore annus videtur senescere, et pruinarum niviumque albedini canitiem senum maxime similem quisque iudicet.

Vmbrarum. Sic Pithaeus. *Vmbrarum* vitiose est in codice Voss. *Imbriferum* praestat cod. Salm. probante Burmanno: vernis enim imbribus foecundari tellurem, ut umbras aestivas arboribus proferat; laudatque ideo Virgil. Georg. I, 313, ubi *ver imbriferum* occurrit. Quae etsi per se quidem vera sunt, tamen huic carmini, quod omni foecunditate Corsicam carere praedicat, adversantur. A librario itaque inducto hanc codicis lectionem profectam esse nemo dubitaverit. *Vmbras* autem pro ramis ac foliis arborum, et deinceps pro arboribus ipsis, imprimis frondosis diei, nemo, qui poetis legerit, ignorat, doctique a Burm. ad h. l. adstructum est exemplis. *Vmbrarum fetu* haud dubie durum est, et sine exemplis. Itaque parum adest quin credamus fuisse *fructu*, i. usu. Praefero igitur cum Wernsdorf. ad h. l. *umbrarum*, nec nisi pro lusu ingenii emendationem Canegieteri ad Aviani fab. 33, p. 184 habeo: *Hic florum nullo ver est laetabile fetu.* — *Vmbrarum...* *fetu.* Ver nullas novas frondes, i. e. umbras, procreat. Ruhk.

Flammis ignis. Bart. ad Claudian,

III.

QUERELA.

Occisi iugulum quisquis scrutaris, amice,
 Tu miserum necdum me satis esse putas?
 Desere confossum! victori vulnus iniquo
 Mortiferum impressit mortua saepe manus.

p. 322 *non utilis ignis* legendum putavit, ut exprimat auctor ultimam egestatem et miseriam exsulis, cui aqua et igni interdictum fuerat, caruitatem. Sed recte Burm. ad h. l. hunc conatum retudit: de igne enim regi intelligendum esse docuit, quem passim ignem ultimam vel supremam vocari erudite docuit Burm. v. c. Lucan. VI, 358. Ovid. Amor. I, 45, 41, etc. — *Non haustus aquae*. Cf. ad Epig. 1, vs. 4 et quae ibi notavimus.

III. Summis malis obritus auctor, quem tamen exsulare eremum non declarat, rogat inimicum, ne se amplius vexet. Si de mortuo intelligamus hoc locuto ex sepulero, carmen in hominem, qui famae mortui detractum iret, directum intelligamus oportet. Nec inepte hoc fieri potest. Nam mortuos interdum a poetis fingi inimicos suos alloqui constat. Ut alios omittam, exemplo sit Epigramma ἀδίσπετος CCCLVI (Anol. Brœck. To. III, p. 248) egregie ab amicis. Iacobio asutum Animad. III, 2, p. 132 de Aiace mortuo, qui Phrygem couvicis heroem proscindentem responso suo in fugam verteret: Αἴαντος παρὰ τύμβον ἀταρβήτοιο παραστάς Φρύξ ἰπίων λαιδρῆς ἔρχεν ἐπασβελίης. Αἴας δ' οὐκ ἐτ' ἔμψυς. ὃ δ' αὐτὴν ἐγώνων ἐνερθε. Μῦθον. ὃ δ' οὐκ ἐτ' ἐπὶ ζωῆς ἀπογέμμεν. Bene tamen huc carmen etiam a Seneca

exsula, adeoque civiliter mortuo, ad invidum, qui couvicia in hominem infelicitissimum laceret, scriptum haberi potest. Sic cepit Burmannus in Anthol. Vet. Lat. To. I, lib. III, Epig. cxi, p. 597 sq. eum titulo: *Seneca Exsulis Querela in Invidum*. Ruhk.

Occisi iugulum quāvis scrutaris amice. Sic Heinaius, Scriverius, Francius et Tolhus probante Burm. scribendum putaverunt. Sed illud quisquis non patitur, ut amici retineamus. Rescribendum itaque fuisset, *amice*, o bone. Codd. Voss. *Occisum iugulum quisquis ser. unus amicus*. Sequeremur quoque *Et miserum*, etc. Sed hoc versu tē *Tu tuor*. — *Scrutaris* i. e. laceras. Haec enim exculendi et motitandi prima verbi, a *scrō* forsā derivati, via est, unde manavit altera nunc suctior quaerendi. Hinc Lucret. VI, 809: *Terrae penitus scrutantes abdita ferro*. Horat. Serm. lib. II, Sat. III, 276: *Adde errorem Stultitiae, atque ignem gladio scrutare*. Ruhk.

Desere confossum, i. e. q̄ de exsule capias, durissime iam a fato tractatum, pessima habitum. Tropice enim hoc verbo usos esse veteres multa exempla docent. Sic Seneca de Vita beata c. 27, 6: *Malis quae vos ab omni parte confodiunt*. Ruhk.

Impressit *At pressit* praestitit cod.

IV.

ITEM.

Quisquis es (et nomen dicam? dolor omnia cogit),

Qui nostrum cinerem nunc, inimice, premis:

Et non contentus tantis subitisque ruinis,

Stringis in exstinctum tela cruenta caput.

Crede mihi, vires aliquas Natura sepulcris

Voss. a prima manu. — *Mortuus* manus offendit Oudendorpiam, ut nimis dura dictum pro *moriens*. Itaque correxit: *sarpe manus moriens*. Sed quomodo *maritus* interdum sit quasi mortuus, pro mortuo habitus, et mortuus concidat, qui tamen vivit, vulgatum sermo: et si vel maxime vilis sensu careat, tamen v. c. gladium telumve mortiferum tenet, quo victos tenere irrurum interfici potest. Quare non opus est, ut, quod amico placuit, Aenigma 34 in Brunckii Anal. III, p. 326, de Nesso Centauro post mortem Herculem veste venenata interficiente, Κταυθεὶς τὸν κτείναντα κατέκτανον, etc. in partes vocemur. *Sarpe* aulem est interdum. *Ruhk.* — Quod ad sensum attinet, patet satia per se; et aliis ac multis expressus est; nulli tamen melius quam Aeschilo, in *Εκτά* ἐνὶ Θήβας, Act. V, ubi:

Ἀντιγόνη.

Παρθένος ἔπαυται.

Ἰσμήνη.

Σὺ δ' ἴθις κατέκτανόν.

Ἀντιγόνη.

Δορί δ' ἔχωνται.

Ἰσμήνη.

Δορί δ' ἴθις.

Ἀντιγόνη.

Μέλωπονος.

Ἰσμήνη.

Μέλωπονός.

SEN. TOM. IV.

IV. Recensuit Burmann. In Auth. Vet. Lat. t. I, lib. III, Epig. cxiij, p. 599 sq. *De Custodia sepulchrali* inscribitur in veteri codice Vossii et achedis mss. Scaligari. Quicquid et minae in iovi-dam, qui ne exstinctum quidem malis et conviciis afficere, quin adeo affligere desistat. Plerique ab exsule Seneca scriptam esse putant: carmen ipsam a mortuo profectum iudicant. Cuius ad carmen antecedens monuit. *Ruhk.*

Et nomen dicam? Burmann. coniecit: *an nomen dicam?* vel potius sine interrogandi nota, *Quisquis es, en nomen dicam*, ut minetur, se nomen eius non taciturnum, quod suadant sequentia *dolor omnia cogit*, ut in Epig. in Lucian. lib. II, Epig. ccxlvj, p. 436 Authul. Lat. *Nunc lacerde, nunc lacerde, si quidquam vales: Et nomen adscribo tuum*, etc. ubi Burm. iudico etiam ut legendum est. Quae bona quidem sunt, sed haudquaquam vulgato meliora. Nam sensus est: *an nomen quoque tuum dicam?* nam dolor, etc. *Ruhk.*

Qui... premis, i. e. vexas: idem fore quod mox sequitur: *noli mea tangere fata*. *Ruhk.*

Vires... sepulcris. Burmann. in Add. monuit, Io. Schraderum emendasse *sepulcris*, quia sequatur *umbra*. Sed eo ipso etiam vulgata lectio bene defenditur. — *Crede mihi... sepul-*

Cc

Attribuit: tumulos vindicat umbra suos.
 Ipsos crede Deos hoc nunc tibi dicere, Livor,
 Hoc tibi nunc Manes dicere crede meos:
 Res est sacra miser. Noli mea tangere fata.
 Sacrilegae bustis abstinuere manus.

V.

ITEM.

Carmina mortifero tua sunt suffusa veneno,

eris... suos. Spectant haec ad antiquissimam hominum ut Graec. et Roman. ita fere omnium, persuasionem de religionis sepulcrorum: qua iam primis temporibus instituta nihil sanctius fuisse constat. Cf. Cicero de Legg. II, 26. Tosa. Disp. I, 12, ubi cf. Davis. — Similiter Hor. Carm. lib. I, Od. xxxviii: *Negligis immeritis nociturum Postmodo te natis fraudem committere: forsitan Debita iura viresque superbas Te maneant ipsum, precibus non linquar inultis.*

Ipsos... meos. Simile rursus illud Martialis lib. IX, Epigram. xlii: *Ipsam crede tibi naturam dicere rerum adeo ut alterius imitatio videatur.* Ut autem hic maues non violandos obtestatur, ita in epitaphio veteri apud Pithoeum lib. III, p. 108: *Nam durae mortis sacrosos laedere manes Parcae, moment legos et levis umbra locis ut versus corruptissimos legendos esse putamus. Ruhk.*

Res est sacra miser. In ms. cod. Voss. et schedis Scalig. erat, nolante Burm. *Res est atra miser*, quod tamen ferri nequit: nam etsi dies atrus, a. nefasti vocentur, tamen res atra pro sacrosancta in usu non fuit. Recte illaque Scaligeri Scriverique emen-

dationem, quae iam apud Pithoeum legitur, Grunovius alique in textum recipere non dubitaverunt. — *Res est sacra... manus.* Burmannus de relegato et commerciis hominum exempto, tanquam da mortuo et sepulto. ut supra Epig. 1, iii, exponendos hos versus indicat: quod haud dubio vero simile est, si a Seneca haec profecta esse concedamus. Caeterum, si ad vivum haec resecare institueris, sponsionis defendi veritas non potest: refutant enim quum ei *εὐεπύχοι*, quos spoliatores mortuorum, bustis fodiendo apertis, ornamenta sepulchralia furatos esse (Chariton. III, 2, 9, p. 59 et 63, ed. Lips. cf. Hesych. h. v.) inter omnia constat, tum ipsae leges de sepulchris violatis agentes adhuc in Corp. Iust. superstites. Laudant Tac. Ann. II, 69. Phaedri fab. I, 27, etc. Ruhk.

V. Recensuit Burmannus in Anthol. Vet. Lat. To. I. lib. III. Epigr. cxi, p. 600 sq. eum titulo: *Querela in eum, qui maligne iocatur.* In vet. cod. Voss. et schedis Scaligeri titulus tamen est: *In eum, qui maligne iocatur.* Exstat ap. Pithoeum p. 44, et ap. Scaliger. p. 199. Minatur malignus iocanti, a quo nomen tutus ait,

Et sunt carminibus pectora nigra magis.
 Nemo tuos fugit, non vir, non femina, dentes;
 Haud puer, haud aetas undique tuta senis.
 Utque furens totas immittit saxa per urbes:
 In populum sic tu verba maligna incidis.
 Sed solet insanos populus compescere sanus:
 Et repetunt motum saxa remissa caput.

viadictam et aliorum poetarum et suam, nisi a carminibus malignis pangendis desistat. Ceterum nequa de aetate, neque de eo in quem factum sit poematiou, quicquam constat, nisi quod codd. Somecne adscribunt. *Ruhk.*

Mortifero... suffusa veneno. Ut lingua invidiae ap. Ovid. Met. II, 777 est suffusa i. repleta veneno; sic noster vocat haec carmina, quae Ovidius in Ibin 4, sanguinolenta, 134, verba carmina, et Trist. II, 566 iocua venenatum appellavit. Iam quom venenum serpentibus sit proprium, quorum dentes emittere illud solere constat, hinc bene *dentes* versus 3 posuisse dicendus est. Alio sensu occurrit deus invidus ap. Horat. Carm. V, 6, 15, quateous detrahit alterius laudi, deterit eius merita, ut verbis Mischeerlichij ad h. l. utar. *Ruhk.*

Et sunt carminibus. Ita cod. Voss. et schedae Scaligeri, Pithoeus et Scriverius, probantibus Lipsio, Burmanno aliisque. *Criminibus* operarum errore in Voss. et Scalig. edd. exstat. *Sunt tua carminibus* emendavit Heinsius. *Sed sunt carminibus* Burmanno. *At sunt carm.* Franelius. *At sunt carminibus pectora tetra magis* Oudeendorp. Linderbrog. em. *malis.* — *Et sunt carminibus... magis.* Neque solum carmina tua maligna sunt, sed

tu ipse gondes malis, quorum causa convicia tua sunt. *Ruhk.*

Nemo tuos fugit (pro effugit.) Sic Heins. Franc. et Burm. Sed *fugiet* cod. Voss. et schedae Scalig. non, ut Pithoeus, *fugiat*: illud magis consentaneum est rō sacis versa f.

Haud... haud Aut puer, aut aetas habet coll. Voss. et schedae Scal. solenni rōv *haud* et aut commutationem librariorum. Sed *haud... haud* praestat. *Ruhk.*

Urbes. Scaliger, Pithoeus et Scriverius, non ut poëta Gronovius, quem sequimur, post *urbes*, sed post *populum* distinxerant. Rēte observat Burmann. ad h. l. augeri ita invidiam, quod non tantum in se, sed in omnem populum maligna eum locari dicat. Sic paullo ante: *Nemo tuos fugiet* etc.

Motum. Pithoeus em. *votum* i. e. devotum, diris exsecratum. Ovidius in Ibin 470. Sed recte Heinsius Burmannusque vulgatum tuetur, *motum*, i. e. furibundum hominem. Miror tamen nemini placuisse, immo succurrisse notum. — *Et repetunt... caput.* Motum caput est, rete interpretante Burmanno, insanum, furibundum, ut nomine divino agitati moti dicantur. Glossarium Leidensis Bibliothecae ineditum: *Limphotus*, mente motus, furiosus. *Scueta* de Traug. Au. 15, 16, ait: *non potest*

In te nunc stringit nullus non carmina vates,
 Inque tuam rabiem publica Musa furit.
 Dum sua compositus nondum bene concutit arma
 Miles, ite nostra lancea torta manu.
 Bellus homo valide capitalia carmina ludis:
 Deque tuis manant atra venena iocis.

10

grande aliquid et supra caeteros in-
qui nisi nota mens. Si nota mens
pro alienata, furiosa est Ovid. Trist.
V, 6, 24, Senec. Consolat. ad Polyb.
37, 5, etc. Rukh.

In te nunc stringit, iacit, praepar-
at pangitque. Stringere gladium,
ensem, tela, l. e. vibrare in hostem
proprie dici constat. Iam quum car-
mina cum telis, ideoque poeta cum
milite, comparentur, tropus facilis
est, quo iambus apud Ovid. Remed.
Amoris 377 et carmina h. l. strin-
guntur. Omnia, ait, poetæ acingun-
tur ad carmina tua maligna liberis
aut iambis refutanda: equidem tan-
tiusper, dum illi hac in re tota sunt,
hoc in te effamen pango. Rukh.

Dum sua compositus etc. Aliud
epigramma et a praecedentibus sepa-
ratum esse censebat Lipsius, quem
sequutus est Scriver. et Gronov. in
Ed. Tragei Senecae, sed coniunxit
in ed. philosophi. Sic et cod. Voss. et
schedae Scal. connectunt. ite Bur-
recte legit: olim et e. — Compositus
est oppositus, adversarius. Componi
enim ut comparari, de iis, praeser-
tim de gladiatoribus, qui secum pa-
gnantur sunt, dici vel e Cicrone
coostat. — Miles... concutit, movet,
trahit, Sic Ovid. Metam. XII, 79,
concutiens tela.

Bellus homo velide, etc. Alii
Bellus homo et val. cap. crim. Hein-
sius deiebat rō et, quem sequutus
sunt; ludit ood. Voss. et sched. Sca-

lig. Pro crimina scribendum com
Scriverio carmina, ut paullo ante,
versu 2, Burmanno iudice, qui se-
quenti versu tetra venena com Fran-
cia praetolerit, non atra, coll. Bron-
khos ad Propert. II, 13, 70, Sumere
et in nostras tetra veneno manus, non
trita. Sed nostro loco non opus est
amendatione. — Bellus... sales. Fac-
etiosus es homo, ideoque carmina ma-
xime maligna facis, parum cogitans
de lacrimis quas nobis exprimis,
dummodo risum excites audientibus
legentibusve. Sed quum in hoc iocus
non consistat, malignum esse, ideo
tolle iucos toos tantas molestias atque
tot mala creantes, etc. Bellus est is
qui iocis dicacibus atque amaris in
alios iactis risum assensumque cap-
itat; quare venustus et dicax vocatur
Catullo, XXII; alio sensu capit et
sic definit Martial. lib. III, Epigr.
LXIII: «Bellus homo est flexos qui
digerit arvine crines, Balsama qui
semper, cinnama semper olet, Cantica
qui Nidi, qui Gaditana susurrant, Qui
movel in varias brachia valsa modos;
Inter foemineas tota qui luce cathe-
dras Desidet, atque aliqua semper la-
aure sonat; Qui legit hinc illinc mis-
sas scribitque tabellis, Pallia vicini
qui refugit cubiti, Qui scit quam quis
amet, qui per convivium currit, Il-
lupini veteres qui bene novit avos.
Quid narras? hoc est, hoc est homo,
Co-
tile, bellus! Res praetrixiosa est, Co-
tile, bellus homo.

Sed tu perque iocum dicis vinumque. Quid ad rem, ⁵
 Si plorem, risus si tuus ista facit?
 Quare tolle iocos: non est iocus, esse malignum.
 Nunquam sunt grati, qui nocuere sales.

VI.

AD AMICVM.

Crispe, meae vires, lassarumque ancora rerum,
 Crispe vel antiquo conspiciende foro:

15. *Sed tu ... ista facit?* Ita in ed. Pith. Scalig. et Scriv; et ipse Scaliger in margine correxerat. *Sed tu per* ** totum, sched. Scal. et eod. Voss. dabant. Scaliger correxerat quoque vers. seq. *quum plurem*. Heinsius, ut *plorem*, probante Burmanno. *Sed iste*, ait Burman. etiam malim pro *ista*. *P't plurem, risus si tuus iste facit*, si tuus iste risus malignus efficit, ut *plorem*. Certe *si* ale bis ponitur non admodum venuste. Burm. qui etiam a schedis Scalig. maiorem distinctiorem posuit post *vinumque*, parum abest quin legendum censet: *quid ad me?* Catulli X, 311 *Perum utrum illius, an mei, quid ad me?* comparans. Ruhk.

Tolle iocos: non est iocus, esse malignum. Sic recte editum est. Vitiose affert D'Orléans ad Tacit. p. 513: *Quare tolle iocos, non est iocus, esse malignus*. Tulle iocus eod. Voss. et schedae Scalig. et vers. ult. *grates*, uide in margine *grati* vel *gratis* correxerat. Burm.

VI. Recensuit Burmannus in Antholog. Vet. Lat. To. I, lib. III, Epigr. CLV, p. 598 sq., cum titulo: *Eiusdem ad amicum Crispum*. In

eodice Voss. et sched. mis. Scalig. titulus est: *Ad amicum optimum*. Quid ille Crispus sit, quem auctor carminis alloquitur, ad liquidum perducere nequit, quia de auctore huius epigrammatis, ideoque de tempore quo scriptum sit, nuncdum liquet. Exanlem fuisse, e carmine colligimus. Si schedas Pithoei sequamur Seueero epigramma hoc tribuentes; Crispum Passienum uratorem celebrem, Agrippinae maritum et Neronis vitricum, intelligere licet, cuius quidem Seneca de Beuf. I, cap. ult. et Quaes. nat. IV init. meminit, sed sine ulla singularis amoris nota. Cf. de hoc Crispo Passieno Lipsii excurs. A. ad Tacit. Annal. XII, 6, Opp. To. II, P. II, p. 810, sq. ed. Oberlin. Ruhk.

Crispe meae vires. Imitatio Virgilii, qui, Aen. lib. I, v. 668, *Nate, meae vires, mea magna potentia*.

Crispe vel antiquo... foro. H. e. quam etiam inter veteres oratores fama illustrasset. Nam hoc tempore iam minor ac minor in dies eloquentia obsolebat aensim, neque par quisquam aut Tullio, aut Hirtensio Crasso, Antonio et Caesarei aeri disertis viris.

Crispe potens nunquam, nisi quum prodesse volebas,
 Naufragio littus tutaque terra meo;
 Solus honor nobis, arx et tutissima nobis,
 Et nunc afflicto sola quies animo;
 Crispe, fides dulcis, placidique acerrima virtus,
 Cuius Cecropio pectora melle madent;

Crispe... volebas. Ita in cod. Voss. et schedis Scalig., et *volebas* Heinsius. *Burm.* — *Crispe... volebas.* Idem de se moriturus Pericles dixisse narratur, quom amici seiscitentibus quid in sua vita gloriosissimum arbitraretur respondit: *Quod pluribus profuerim, nemini sanguinem profuderim.* Idem de Livio dici epud Velleium Patercul. notaverat Casaubonus, respiciens sine dubio illa ex libr. II, c. 130, in fine: *quis potentiam nemo sensit, nisi aut levatione periculi, aut accessione dignitatis.* Albinovsu. de eadem in Epicedio ad Livium, vers. 47: *Nec nocuisse ulli, et fortunam habuisse nocendi, Nec quemquam nervos extimuisse tunc.* Auctor Elegiae in obitum Maceris. vs. 15: *Omnia quum posses, tanto tunc carus amico, Te sensit nemo velle nocere tamen.* Burmannus ad h. l. et in Ad-dendis. Ruhnken. ad Vellei. Pat. l. l. similem et talit locum e Senecae Consolat. ad Polyb. XXII, 3: *Nemo potentiam eius iniuria sensit, nunquam ille te fratrem ulli minus est.* R.

Solus... nobis. Sic Pith., schedae mss. atque editio Scalig.: *a nobis arx et tutissima*, cod. Vossii: *arx munitissima nobis coniecerat* Heinsius. *B.*

Crispe... placidique acerrima virtus. Versum hunc corruptum aspiciens Burmannus legendum potest: *Laetique acerrime vindex, Cuius Cecropio pectora melle madent.* Sed locus non emendatione, sed interpretatione

indiget: sensus vero hic est: in te ille, qui placidam vitam degere velit, neminemque laedet, spem suam secure collocare atque viri tui tunc oraturae, qua contra quemcumque defendatur, committere se saepe omnino potest. Si abstracta in concreta, quae dicunt, haec sic mutaveris, scous bene procedit, nec ulla cauta aubest pro corrupto hunc locum habendi cum Burmanno. *Rohk.*

Cuius Cecropio... madent. Atticam et eam suavissimum, quae madebat i. abundabat, eloquentiam ei tribuit. respiciens hand dubie ad Demosthenem. Sic in Petronii Epigr. (Anthol. vet. Lat. To. I, CXXVIII)... et ingentis quatiat Demosthenis arma, etc. Quon perbibere quis liberalia studia (Senecae Epist. xxvi, 4) diceretur et madere de iis, qui viam largius se invitaverant, in usu esset, facilis erat transitus, quo tamen graeca vox unde mado derivatur, *μαδάω* caruit, ad usum tropicum, ut alicuius pectus maderet, i. e. repletum esset, abundaret litteris, artibus, sermonibus, melle Cecropio, i. e. eloquentia attica (mel enim, cum respecta fortasse ad Ham. II, a 49, de eloquentia imprimis sollennis fuit): sic Martiel. lib. I, Epigr. xl, 3, Decianus vocatur: *Cecropiae madidus Latineque Minervae artibus.* Idem, lib. VII, Epigr. lxx, de Theophrate: *Haec est illa tibi promissa Theophrate, Cuius Cecropio pectora rore madent.*

Maxima facundo vel avo, vel gloria patri;
 Quo solo careat si quis, in exsilio est:
 An tua, qui iaceo saxis telluris adhaerens,
 Mens mecum est, nulla quae cohibetur humo?

VII.

DE QUALITATE TEMPORIS.

Omnia tempus edax depascitur, omnia carpit,

Quem locum e nostro loco haustum putat Burm. ad h. l. Non adest Locretius, qui de Rer. Nat. libr. IV: *Scilicet arte madens simulacra*. Neque Horatius, Carm. lib. III, od. XXI, v. 9, 10: *Non ille, quamquam Socraticis madet Sermonibus*. De istius vocis usu cf. Burmann, ad Antholog. lib. II, Epigram. CXXIII, 2, To. I, Anthol. Vet. Lat. et Mitscherlich, od. Horat. Carm. III, 21, 9. Ruhl.

Maxima... patri. At *secundi* erat in cod. Voss.: in sched. Scalig. mas. legitur cum lacuna: *vel avi** gloria*; sed, in margine, *vel avo, vel gloria patri* correxerunt Scaliger. — *Maxima... patri*. De Passieno certum est, patrem habuisse etiam mentorem; vid. lib. II Controv. 5: *De avo nihil scio*; De Sallustio capicendum inscripserat N. Heinsius, notante Burmanno. Ruhl.

Quo solo careat si quis, in exsilio est. Ita recte distinxerunt Pithoeus, Scaliger, Scriverius, Gronovius post Senecam Tragicum, et editio Lipsii ac Morelliana Senecae philos. sed in Gronov. utraque editioe perperam distinguitur: *Quo solo careat, si... est. Burm.*

An tua, qui iaceo saxis telluris adhaerens, Mens mecum est, nulla etc. Sic refutavit codd. vestigiis. Co-

dex anim Voss. praestitit: *An tu, qui iaceo*. Schedae mas. Scalig.: *An tu, qui iaceo*. In margine correxerunt Scaliger: *An tua*. Pithoeus edidit: *En hic qui iaceo*. Quia tamen Senecam exsulem in Corsica huius epigrammatis auctorem esse patebant viri docti, tellurisque vocem, nullo epitheto adiecto, laognere, Scaliger et Scriverius legendum censuerunt: *An tua Cyrenae saxis*. Faber: *At quia Cyrenae*. Burmannus: *At mea Cyrenae saxis... Mens tecum est*, uti quoque Gronov. in Senecae philosophi opp. edidit, qui tamen post Tragicum vitiose exhibuit: *An tua, Cyrenae... Mens tecum est*. Eiusvero cur codices, qui bonum sensum fundant, deseramus, nulla causa adest. Tellus autem apud poetas e. c. Virg. Aen. III, 73, VIII, 423, simpliciter insula est. — *An tua, qui iaceo saxis... Mens mecum est... humo*. Rogat et exquirat poeta, an Crispus etiam soi memor sit, et an eius animus, qui nullis terrarum angustiis cohiberi vel retineri possit, non secum sit iam in insula exsulante. R.

VII. Recensuit Burmannus in Antholog. Vet. Lat. Tom. I, lib. III, Epigr. xcv, p. 550 sq. cum titulo: *Senecae de qualitate temporis*. R.

Omnia... depascitur. Idem fere

Omnia sede movet; nihil sinit esse diu.
 Flumina deficiunt, profugum mare littora siccant,
 Subsident montes, et iuga celsa ruunt.
 Quid tam parva loquor? moles pulcherrima caeli
 Ardebit flammis tota repente suis.
 Omnia mors poscit. Lex est, non poena, perire.
 Hic aliquo mundus tempore nullus erit.

VIII.

VOTVM.

Sic mihi sit frater maiorque minorque superstes,

apud Nemesian., Eclog. IV, 32, (in Wernsdarf. Poët. Lat. min. Tom. II, p. 210): *Omnia tempus alit, tempus rapit, unus in arcto est.*

Profugum... siccant. Heinssius legendum censuit *siccant*. Rnhk.

Subsident montes etc. Ita Stilicon apud Clandian. Bell. Get. 526: *Quum cesserit amnis Obsequis natura meis; subsidere nostris Sub pedibus montes, aressere vidimus amnes.* Rnhk.

Moles... repente suis. Cogitabat sutor illud Ovidii lib. I Metamorph. 258: *Esse quoque in fati reminiscitur, offere tempus, Qua more, qua tellus correptaque regia caeli Ardeat, et mundi moles operosa laboret*, ubi vide Heinssii notas. Locum classicum exstrepissimus e Lucan. Pharsal. lib. I, v. 72: *Sic quum compage soluta Saecula tot mundi supremo coegerit hora, etc.* Tragicus, Thyest., act. IV, sc. ult.: *Trepidant, trepidant pectore magno Percussa metu, ne fatali Cuncta ruina quassata labent.* Iterumque *Deus* hominesque premat *Deforme chaos; iterum terras Et mare, et ignis et vaga picti sidera mundi Natura tegat. Non aeternae*

facis exorta Dux astrorum, saecula duens, Dubit aestatis brumaeque notas, etc. Albinovao., Eleg., ad Liv., vers. 365: *Omnia sub leges mors vocat atro suns. Ecce novem intentam caelo terraeque fretoque, Cosurumque triplex vaticinatur opus. Lex est... perire.* Seneca in Consol. ad Helv. XIII, 2: *Si ultimum diem non quasi poenam, sed quasi naturae legem, aspicias, etc.* Rnhk.

VIII. Recensuit Bormannos in Antholog. Vet. Lat. Tom. I, lib. III, Epigr. cxi, p. 603, sub titula: *Senecae Potum.* Sub Senecae nomine etiam apud Pith. lib. I, p. 41, et Scalig. p. 212. *De Potris filio parvulo*, inscribitur in vetesi codice Voss. el. schedis mss. Scaligeri. In fine asteriscis appositis nonnulla deesse adscripserat Heinssius, et mancum Epigrammatium votumque imperfectum esse notavit Lipsius; simile illud Ovidii, lib. II, ex Ponto, 6, 15: *Idque facis, faciasque precor, sis mater et uxor, Sic tibi sint fratres, totaque solva domus.* Rnhk.

Sic mihi... superstes. Mulor est M. Aunacus Novatus, postea dictus Lu-

Et de me doleant nihil, nisi morte mea,
 Sic illos vincam, sic vincar rursus amando:
 Mutuus inter nos sic bene certet amor.
 Sic dulci Marcus qui nunc sermone fritinnit,
 Facundo patruos provocet ore duos.

IX.

AD CORDUBAM.

Corduba, solve comas, et tristes indne vultus:

nins Gallio, ad quem scripsit libros
 da Ira et da Brevitate vitae, minor
 vero Annaeus Mela. *Ruhk.*

Et de me doleant. Burmannus cum
 Heinsio sic scribendum censuerunt,
 quos sequendos duxi. Olim *doleat.*
Ruhk.

Sic vincar.... amando. Scilicet ab
 illis.

Mutuus inter nos.... certet amor.
 Similiter Tibull. Eleg. I, 7, 82:
Mutuus absenti te mihi servet amor.
Ruhk.

Sic dulci Marcus etc. Sic Marcus,
dulci etc. editur post Senecam Tra-
 gice. Gronovii. — *Sic Marcus.* Lips.
 recte intellexit L. Annaei Senecae
 Philosophi filium, Marcum, puerum
 blandissimum, quem ita describit
 in *Consolat. ad Helv.*, XVI, 13.
 Burmannus tamen hoc versu per Mar-
 cum potius cum Heinsio intelligen-
 dum opinatur Lucanum, Iunii An-
 naei Gallionis et L. Annaei Senecae
 ex fratre eorum Annaeo Mela nepo-
 tem, ideoque per patruos Gallionem
 et Senecam: cui quidem opinioni
 Statium in *Genethliaco* Lucani lib.
 II, *Silv.* 7, 30, et *Sidoniam* Apol-
 linarem, *Carm.* IX, 230, aliosque
 favere, putat. Sed simplicior et ve-
 rior est Lipsii ratio. — *Fritinnit*

propriam esse avium parvarum, in-
 primis hirundinum, et deinde trans-
 latum esse ad iuvenes garrientes u-
 gentesque, nunc notum est. Digna
 tamen docta Burmanni nota de hoc
 verbo ad b l., quam perpendatur.
Ruhk.

IX. Recensuit Burmannus in *An-
 thol. Vet. Lat.* Tom. I, lib. III,
Epigr. XI, p. 463 sq. Sub *Senecae*
 titulo, addit *Burmannus*, tria ista
 epigrammata (quae hic leguntur sub
 numeros 1, II, IX) ad *Corsiciam* et
Corduham habentur apud *Pithoenm*
 lib. I, p. 42, et vulgatis *Senecae*
Philosophi editionibus vel praefi-
 guntur, vel inter alia *Epigrammata*
 de exilio scripta astant ante *Con-
 solationem* ad matrem eius *Helviam*,
 ut et in fine *Senecae Tragici* ex edi-
 tione Gronoviana conspiciuntur. *De*
se ad Patriam inscribit vetus *Vossii*
 codex et schedae mas. *Scaligeri*, qui
 margini *Senecae* nomen adscripserat,
 quinquam nullo auctoris nomine ap-
 posito ediderit lib. I *Catal.* p. 197,
 sed in notis *Senecae* haec tribuenda
 nonuit. Repetit *Wernsdorf.* in *poët.*
Lat. min. Ed. not. T. IV, p. 543,
 cum docta illustratione. *Ruhk.*

Corduba. Urbs uobilissima? His-
 paniae Baeticae, quam Baetis amnis

Illacrimans cineri munera mitte meo.
 Nunc longinqua tuum deplora, Corduba, vatem:
 Corduba non alio tempore moesta magis:
 Tempore non illo, quo versis viribus orbis,
 Incubuit belli tota ruina tibi;
 Quum geminis oppressa malis utrimque peribas,
 Et tibi Pompeius, Caesar et hostis erat;

(la Guadiana) interfuit, de qua Martialis lib. IX, Epig. LXVI: *In Tar-
 tessiacis domus est notissima terris,
 Qua dives placidum Corduba Baetia
 amat. Illiturgis et Mellariae pro-
 pinqua. Hinc oriundi Senecae et Lu-
 canus.* Vnde idem Martialis lib. I,
 Epig. LXII: *Duosque Senecas unum-
 que Lucanum Pacunda loquitur
 Corduba.* — *Solve comas...* meo. Lu-
 ctum indicit Cordubae patriae suae
 tanquam propter mortem suam. Ef-
 funde sine lege comas. Nam passis
 capillis in funebribus ceremoniis so-
 lebant plorare. Lucanus, Phars. lib.
 II, 38: *Nunc, ait, o miserae, con-
 tundite pectora, matres, Nunc la-
 niate comas.* Et Tragoedographus
 Latinos, in Troach, act. I, sc. 12,
 ubi omnia quas ad locum pertinent
 copiosissime describitur: *Fidae
 eius nostri comites, Solvite crinem;
 per colla fluant Maesta capilli, sep-
 tulo Troiae pulvere turpes.* Mox:
*Solvimus omnes Lacerum multo fu-
 nere crinem; Coma demissa est li-
 bera nodo.* — *Tristes induc vultus.*
Cultus placebat Heinsius. Sed illud
 exquisitius est. Rohk.

Illacrimans. Idem Heinsius lege-
 bat: *I lacrimans* etc., ut frequen-
 ter amabat voculam illam reponere,
 da quo alibi. Sed hic nihil mutò.
*Illacrimori, ulloerimari, delacri-
 mari* et similia verba ipse adserit in
 notis ad Virgil. X Aen. 528. Burman.

— *Illacrimans* etc. Lugubrem sume
 vestem vultumque, at mitte munera
 feralia, parentalia, inferias (τάφ
 γράς), i. e. floram secta, etc., ci-
 ueri meo, in sepulcrum meum. Con-
 fer Tacit. Hist. lib. II, 95; Suet. Ca-
 ligula, cap. III, 15. Sed res nota est.
 Rohk.

Non alio tempore moesto magis.
 Nobis haec et sequentia, quibus se
 auctor maximis laudibus extollit,
 probare videntur hoc Epigramma non
 ab ipso Seneca, sed ab aliquo decla-
 matore sub eius nomine scriptum
 fuisse.

Tempore non illo. At cod. Voss.
 et achedus Scaligeri, eisdemque et
 Pithoei editio, *Tempore non alio*:
 melius tamen non illo tam hic, quam
 paullo post, Pithoeus, Scribnerius et
 Heinsius, qui etiam legebat: *Quo
 versis viribus orbis.* Burm. — *Recepi
 non illo.* Versis tamen retinui. Vtram-
 que emendationem Heinsii probabat
 Wernsdorf., adducto Lucani Phars.
 lib. I, 5 verso: *Cervatum totis con-
 cussis viribus orbis.* — *Tempore non
 illo...* erat. Spectant haec ad bellum
 Iul. Caesaris cum Pompeiana gestum
 in Hispania, et finitum proelio ad
 Munda a. V. C. 709. Hoc bello Hi-
 spaniensis Iul. Caesar Cordubam op-
 pugnavit, Sexto Pompeio eam praes-
 idio tenente, multaque ipso hostili-
 ter in Cordobenses faciente. Cf.
 Appian. Bell. civil. II, 104 sq., ubi

Tempore non illo, quo ter tibi funera centum

Heu nox una dedit, quæ tibi summa fuit;

Non, Lusitanus quateret quum moenia latro,

Figeret et portas lanceo torta tuas.

Ille tuns quondam magnus, tua gloria, civis,

Insigar scopulo. Corduba, solve comas:

Schweighauser reliquos, qui hac de re egere, designavit. *Ruhk.*

Tempore non illo... fuit. Credere par est enim *Wernsdorff* ad h. l., funestam eam noctem ab aliis auctoribus non memoratam significari, quæ expugnationem Cordubæ præcessit, de qua videri possunt scripta, laudati a *Schwgh.* *Burm.* hic fortasse imitationem esse potat *Ovidii* Ep. xi, v. 114: *Hæc tibi prima dies, hæc tibi summa fuit.* *Ruhk.*

Heu nox... fuit) *Fox* vitiose in cod. *Voss.* *Ruhk.*

Non, Lusitanus... tunc. Intelligitur *Viriatrus*, Lusitanorum contra Romanos dux virque magnus, uti audit in *Epitom.* Liv. 54, ut qui ab anno V. C. 606-614 bellum feliciter gessit contra multos Romanos duces, nempe *Vetilium*, *Plautium*, *Claudium Vinumum*, *L. Laelium*, *Q. Fabium Servilianum*, *Q. Servilium Cæpionem*. Qui ultimus, quum desperavisset vincere vi adversarium, eum a servo interficiendum curavit. Cf. *Appiani* Bell. Hisp. 62 sq., 75, et *Fabrie* ad *Dion. Cass.*, Tom. I, p. 32 sq. *Valer. Maxim.* lib. VII, cap. 4; *Sil. Ital.* de Bell. P. lib. III, v. 354; *Entrop.* lib. IV, cap. 15. Romani auctores, quin etiam *Cic.* de Off. II, 16, latronem latronum vocem cum vocant, qui multos per annos, nam de annorum numero non convenit inter auctores (cf. *Schwgh.* ad *Appian.* Vol. III, p. 277),

omnia, ut cum *Floro*, II, 17, 15, a *Wernsdorff.* laud. loquar, citra utroque Iberum et Tagum igui ferroque populatus, Cordubam quoque infestare non dubitavit, præsertim quum *Quintius* (de quo cf. *Schwgh.* ad *Appian.* III, p. 281) Cordubæ inclusus *C. Marcium* in *Viriatrum* interdum emitteret.

Lancea. Lanceam dicit, erudite notante *Wernsdorff.* quia de hispanicis hostibus sermo est, et lancea vocabulum hæc hispaniensis. Vid. *A. Gell.* XV, 30. *Ruhk.*

Ille tuns... civis. Merito hæc suspecta videbantur *Helasio*, qui tentabat *Marcus*, vel magna et tibi gloria. *Burm.* — Sed quid iubet *Magnus* hic pro cognomento habere? *Magnus* Cordubæ civis vocatur *Seneca*, i. e. illustris, excellens, et fama celebratus. Atque hinc rectius vocabulum istud cum minuscula littera scribitur, ut *Gronovius* fecit. *Marcus* hic locum habere nequit, quia hic pater *Seneca* est, non auctor epigrammatis. *Wernsdorff.*

Insigar scopulo. I. e. in exiliam eiectus lænebo, apte mouente *Wernsdorff.* in asperissima et scopulosa insula, quæ, ut alter epigr. dicit, præruptis inclusa est *Corvica saxis*. Vnum scopulum dicit per contemptum, quasi parvam et ignobilem insulam, quæ indignans sit *Magnus civis*. Phrasin *insigar scopulo* petiit a *Virgilio*, qui, *Aen.* lib. I, v. 45: *Tur-*

Et gratare tibi, quod te Natura supremo
Alluit Oceano: tardius ista doles.

15

binc corripuit scopuloque inflixit acuto.
Vbi cf. Heynins. Vide Senecae Consol. ad Helv. VI, 4. R.

Natura est Deus, vis illa divina quae elementorum ordinem disposuit, et suum cuique locum assignavit, quae sunt verba Mitscherlichii amic. ad Horat. l. Cf. Senecae Consolat. ad Helv. VIII, 4. Perperam cepit Wernsdorf. de hac universa machina, qua continetur, quidquid natura creavit, quam vocis vim, ut solitus erat vir egregius, erudite exposuit ad Butil. Itin. I, 6t, et Priscian. Pe-

rieg. vers. t. Ruhl.

Supremo affluit Oceano. Hoc paulo laxius et per catarchesin accipiendum est; nam Corduba, Baeticae Hispaniae urbs, non omnino alluitur Oceano, et mari interiori aliquanto propior quam isti censeretur; sed apud veteres remotissimum mare Atlanticum habebatur, et pro quocumque distante mari poëtae ponere solent Oceanum. Vide v. c. Horat. Carm. lib. I, Od. III, v. 20: *Necquidquam Deus abscedit Prudens Oceano dissociabili Terras.*

EX L. A. SENECAE LIBRIS

EXCERPTA QVAEDAM

ET

EIDEM NONNVLLA FALSO TRIBVTA. (1)

I. DE PAUPERTATE LIBER.

Continens sententias e Senecae scriptis concinnatas in morem centonis.

Honesta, inquit Epicurus, res est, paupertas laeta. Illa vero iam paupertas non est, si laeta est. Cui cum paupertate bene convenit, dives est. Non qui parum habet, sed qui plura cupit, pauper est. Quid enim refert, quantum illi in arca, quantum in horreis lateat, quantum pascat aut foeneret, si alieno imminet, si non acquisita, sed acquirenda concupiscit? Quis sit divitiarum modus, quaeris? Primo, habere quod necesse est: secundo, quod satis est.

Nulli potest segura vitâ contingere, qui de producenda nimis cogitat. Nullum bonum iuvat habentem, nisi ad cuius amissionem praeparatus est animus. Magnae divitiae sunt, lege naturae composita paupertas. Lex autem naturae, scis quos terminos nobis statuit? Non esurire, non sitire, non algere. Vti famem sitimque depellas, non est necesse maria teptare, nec castra sequi. Parabile est quod natura desiderat,

(1) Haec excerpta libenter omissem. Senecae enim non esse, vel caeco perspicuum est. Sed veritus sum, ne quis ea, quaelibet sunt, sublata quereretur. Et ideo eis tamen multa ex vetere libro emendavimus.

et cito apponitur. Ad supervacua sudatur; illa sunt quae togam terunt, quae nos senescere cogunt, quae in aliena littora impingunt. Ad manum est, quod satis est. Si cui sua non videntur amplissima, licet totius mundi dominus sit, miser est. Miser est, qui se beatissimum non iudicat, licet toti mundo imperet. Non est beatus, qui se id non putat esse. Nihil habeamus, quod cum magno emolumento insidiantis eripi possit. Quam minimum in corpore tuo sit spoliolum. Nemo ad humanum sanguinem venit propter ipsum, vel admodum pauci. Nudum latro transmittit: etiam in obsessa via pauperi pax est. Is maxime divitiis fruitur, qui minime indiget. Si ad naturam vives, nunquam eris pauper: si ad opinionem, nunquam dives. Exiguam natura desiderat, immensum opinio. Si congeratur in te quidquid multi locupletes possederunt, si ultra privatum pecuniae modum fortuna te provehat, auro legat, purpura vestiat, eo deliciarum opumque perducatur, ut terram marmoribus abscondas, non tantum liceat habere, sed calcare divitias; accedant statuae et picturae, et quidquid ars ulla luxuriae auro et argento elaboravit; maiora cupere ab his discas.

Desideria naturalia, finita sunt: ex falsa opinione nascentia, ubi desinant, non habent. Nullus enim terminus falso est. Veritati aliquid extremum est: error immensus est. Retrahe te ergo a vanis: et quum voles scire, an naturalem, an vanam habeas cupiditatem, considera num alicubi consistat. Si longe progresso semper aliquid longius restat, scito id naturale non esse. Paupertas expedita, secunda est. Quum classicum cecinit, scit non se peti: quum aliquo conclamatione est, quomodo exeat, non quid esset, quaerit. At quum navigandum est, non strepitu portus, non

unius comitatu inquieta sunt littora. Non circumstat illum turba hominum, ad quos pascendos transmarinarum regionum optanda est fertilitas. Facile est pascere paucos ventres, et bene institutos, et nihil aliud desiderantes quam impleri. Parvo fames constat, magno fastidium. Paupertas contenta est desideriis instantibus satisfacere. Sanus dives est, qui licet habeat divitias, eas tamen ut fugientes habet. Quid ergo est, quare recuses eam contubernalem, cuius mores sanus dives imitatur? Si vis vacare animo, aut pauper sis oportet, aut pauperi similis. Non potest studium salutari fieri sine frugalitatis cura. Frugalitas, paupertas voluntaria est. Perpressi sunt multoties exercitus inopiam omnium rerum, vixerunt herbarum radicibus, et dictu foedam tulerunt famem; et haec omnia perpressi sunt pro regno, quo magis mireris, alieno.

Dubitabit aliquis ferre paupertatem, ut animum a furoribus liberet? Multis, divitias parasse, non finis miseriarum fuit, sed mutatio. Nec hoc miror. Non in rebus vitium, sed in animo ipso est. Illud quod paupertatem gravem nobis fecerat, et divitias graves faciet. Quemadmodum nihil refert, utrum aegrum in lecto ligneo, an in aureo colloces; quocumque illum transtuleris, morbum suum secum transferet: sic nihil refert, utrum aeger animus in divitiis, an in paupertate sit; malum suum illum sequitur. Ad securitatem non est opus fortuna. Quod enim necessitati sat est, dabit, licet irata. Ne imparatos nos fortunaprehendat, fiat nobis paupertas familiaris. Securius

(1) Post haec verba, in veteri libro Lugduni, apud Sulpit. Sapidum ann. D. 1543 edito, leguntur notis-

simi hi duo versus: *Rebus in adversis facile est contemnere vitum; Fortius ille fuit, qui musar esse putest.*

divites erimus, si sciemus quam non sit grave pauperes esse. Incipe cum paupertate habere contubernium.

Aude, hospes, contemnere opes, et te quoque dignum
Finge Deo. . .

Nemo alius dignus Deo est, nisi qui opes contempsit. Quare possessiones tibi non interdico, sed efficere volo, ut illas intrepide possideas; quod uno consequeris modo, si te etiam sine illis bene victurum speraveris, et si illas tanquam exituras aspexeris. Discedat quisquis non te, sed aliud in te sequebatur; ob hoc unum est amanda paupertas, quod a quibus ameris, ostendit. Multum est, non corrumpi divitiarum contubernio. Magnus ille est, qui in divitiis pauper est. Nemo nascitur dives. Quisquis exit in lucem, inssus est pane et lacte esse contentus, ab his initiis regna nos non capiant. Panem et aquam natura desiderat, nemo ad haec pauper est; intra quae si quis desiderium suum clusit, cum ipso Iove de felicitate contendat. Res inquieta felicitas est, ipsa se exagitat, movet cerebrum, non in uno genere; alios in cultum irritat, alios in potentiam, alios inflat, alios mollit. Si vis scire, quam nihil mali sit in paupertate, compara inter se vultum pauperis et divitis. Saepius pauper et fidelius ridet: nulla sollicitudine concutitur, in alto est; cura velut nubes levis transit. Horum qui felices vocantur, hilaritas ficta est: huic gravis et suprema superbia, licet non palam, tristitia est; eo quidem gravior, quod interdum non licet palam esse miseros, sed inter aerumnas cor ipsum exedentes, necesse est agere felicem. Abstrahunt a recto divitiae, honores, potentiae, et caetera: quae opinione hominum cara sunt, pretio suo vilia. Nescimus

aestimare res, de quibus non cum fama, sed cum rerum natura deliberandum est. Nihil habent ista magnificum, quod mentes nostras in se trahat, praeter hoc quod mirari illa consuevimus; non enim quia concupiscenda sunt, laudantur, sed quia concupiscuntur. Hanc praecedentem causam habent divitiae; mutant animos, superbiam et arrogantiam pariunt, invidiam trahunt; eo usque mentem alienant, ut fama pecuniae nos etiam nocitura delectet. Bona omni culpa carere decet: pura sunt, non corrumpunt animos, non sollicitant: extollunt quidem animos et delectant, sed sine tumore. Quae bona sunt, fiduciam faciunt; divitiae audaciam. Quae bona sunt, magnitudinem animi dant, divitiae insolentiam.

II. DE REMEDIIS FORTVITORVM LIBER.

Est oratio per dialogum Sensus et Rationis. (1).

Licet cunctorum poetarum carmina gremium tuum semper illustrent; aliquando deliberans, hoc tibi opusculum pro accidentibus casibus dirigere curavi, quod non praecedentes, sed posterius narrabunt. Vnde ergo primum incipimus? Si tibi videtur, a morte. Ab ultimo, inquis? Immo a maximo. Ad hoc praecipue gens humana contremittit; nec immerito tibi videtur hoc facere. Caeteri timores habent aliquem post se locum: mors omnia abscindit. Alias nos torquent: mors omnia devorat. Omnium quae horremus, ad hanc exitus spectat, aliorum quae per circuitum. Etiam qui alioqui se nihil timere iudicant, hoc timeant. Quidquid aliud extimescimus, habet aut reme-

(1) Hic titulus sequenti opusculo in ea Lugduni, a Sulpitio Sapidio praepositus in nonnullis edd. v. c. 1543 curata.

dium, aut solatium. Sic ergo te forma, ut si quis tibi palam mortem minetur, omnes terriculas eius deludas.

Morieris. Ista hominis natura est, non poena. Morieris. Hac conditione intravi, ut exirem. Morieris. Gentium ius est, quod acceperis, reddere. Morieris. Peregrinatio est vita. Multum quum deambulaveris, domum redeundum est. Morieris. Putabam te aliquid novi dicere; ad hoc veni, hoc ago, huc me singuli dies adducunt. Nascenti mihi natura protinus hunc posuit terminum. Quid habeo quod indigner? In haec verba iuravi. Morieris. Stultum est timere, quod vitare non possis; istud non effugit, etiam qui distulit. Morieris. Nunc primus, nec ultimus; multi me antecesserunt, omnes sequuntur. Morieris. Illic est humani officii finis. Quis sanus exauctorari moleste tulit? Quo transit orbis, ego transibo; ad hanc conditionem cuncta gignuntur. Quod coepit, et desinit. Morieris. Nihil grave est, quod semel est. Aes alienum meum novi; hoc quidem cum eo creditore contraxi, cui decoquere non possum. Morieris. Dii melius! Nemo hac re melius mortalibus minari potest.

Sed decollaberis. Quid interest, utrum caesim moriar, an punctim? Sed saepe ferieris, et multi in te gladii concurrent. Quid refert, quam multa sint vulnera? non potest amplius quam unum esse mortiferum.

Peregre morieris. Undecumque ad inferos una via est. Peregre morieris. Ego quod debeo,olvere paratus sum; videat foenerator, ubi me appellet. Peregre morieris. Nulla terra est aliena mortuo. Peregre morieris. Non est gravior foris quam domi somnus. Peregre morieris. Hoc est, in patriam sine viatico pervenire.

Sed iuvenis morieris. Optimum est, antequam optes, mori. Iuvenis morieris. Hoc unum est, quod aequè ad iuvenem quam ad senem pertinet. Non citamur ex censu, nec exigitur numerus annorum; et adolescentes et impuberes eadem fati necessitas ducit. Optimum est mori, quum iuvat vivere. Iuvenis morieris. Quicumque ad extremum fati sui venit, senex moritur. Non enim refert quae sit hominis aetas, sed quae sit meta. Iuvenis morieris. Fortasse alicui malo subducit me fortuna; si nulli alii, vel senectuti. Iuvenis morieris. Non refert, quot annos habeam, sed quot acceperim; si plus vivere non possum, haec est senectus mea.

Insepultus iacebis. Quid aliud respondeam, quam illud Maronis?

.....Facilis iactura sepulcri.

Si nihil sentio, non pertinet ad me iactura corporis insepulti. Si sentio, omnis sepultura tormentum est. Insepultus iacebis.

.....Caelo legitur, cui non habet urnam.

Quid interest, ignis me an fera consumat, an tellus omnium sepultura? Istud non sentienti supervacuum est, sentienti onus. Insepultus iacebis. At tu combustus, at tu obrutus, at tu inclusus, at tu putridus, at tu evisceratus et constrictus, ac traditus lapidi, qui te paulatim edat et exsiccet. Nulla est sepultura; non sepelimur, sed proicimur. Non sepelieris. Quid inter tutissima trepidas? Ultra poenarum omnium terminum iste locus est. Vitae multa debemus, morti nihil. Non defunctorum causa, sed vivorum, inventa est sepultura, ut corpora et visu et odore foeda amoverentur; alios terra obruit, alios flamma cou-

sumpsit, alios lapis ossa redditurus inclusit. Non defunctis, sed nostris oculis parcimus.

Aegroto. Venit tempus quo experimentum mei caperem. Non in mari tantum, aut in praelio, vir fortis apparet; exhibetur etiam in lectulo virtus. Aegroto. Non potest istud toto seculo fieri; aut ego febrem relinquam, aut ipsa me: semper una esse non possumus. Cum morbo mihi res est: aut vincetur, aut vincet.

Male de te loquuntur homines. Sed mali. Moverer, si de me Marcus Cato, si Laelius sapiens, si alter Cato, si duo Scipiones ista loquerentur. Nunc malis displicere, laudari est. Non potest ullam auctoritatem habere sententia, ubi qui damnandus est, damnat. Male de te loquuntur. Moverer, si iudicio hoc facerent: nunc morbo faciunt; non de me loquuntur, sed de se. Male de te loquuntur. Bene nesciunt loqui: faciunt, non quod mereor, sed quod solent; quibusdam enim canibus sic innatum est, ut non pro feritate, sed pro consuetudine latrent.

Exsulabis. Erras: quum omnia fecerim, patriam meam transire non possum. Omnium una est; extra hanc nemo proficisci potest. Exsulabis. Non patria mihi interdicitur, sed locus. In quamcumque terram venio, in meam venio. Nulla terra exilium est, altera patria est. Non eris in patria. Patria est, ubicumque bene est. Illud autem per quod bene est, in homine, non in loco est; in ipsius potestate est, quae sit illi fortuna. Si enim sapiens est, peregrinatur; si stultus, exulat. Exsulabis. Hoc dicis: alterius loci civitate donaberis.

Dolor imminet. Si exiguus est, feramus: levis est patientia. Si gravis est, feramus: non levis est glo-

ria. Dolor clamorem exprimat, dum secreta non exprimat. Non potest homo par dolori esse; nec rationi dolor. Dura res est dolor. Immo tu mollis. Pauci dolorem ferre potuerunt. Simus ex paucis. Imbecilles natura sumus. Naturam infamare nolite. Illa nos fortes genuit. Fugiamus dolorem. Quid, quod ille sequitur fugientes?

Paupertas mihi gravis est. Immo tu paupertati. Non in paupertate vitium est, sed in paupere. Illa expedita est, hilaris, tuta. Pauper sum. Nescis te opinione, non re, laborare: pauper es, quia videris. Pauper sum. Nihil deest avibus; pecora in diem vivunt: feris ad alimenta solitudo sua sufficit.

Non sum potens. Gaude; impotens non eris. Iniuriam accipere potero. Gaude; facere non poteris. Magnam pecuniam habet. Hominem illum indicas? arca est. Quis aerario, quis plenis oculis invidet? Et ipse quem dominum pecuniae existimas, locus est. Multum habet. Vtrum avarus, an prodigus est? Si avarus, non habet; si prodigus, non habebit. Iste quem beatum credis, saepe dolet, saepe suspirat. Multi illum comitantur. Mel muscae sequuntur, cadavera lupi, frumenta formicae: praedam sequitur ista turba, non hominem.

Pecuniam perdidisti. Fortasse te illa perdidisset. Pecuniam perdidisti. Sed habuisti. Pecuniam perdidisti. Sed habebis inde periculi minus. Pecunia perdidisti. O te felicem, si cum illa avaritiam perdidisti! Sed si manet illa apud te, es tamen utcumque felicior, quod tanto malo materia subducta est. Perdidisti pecuniam. Et illa quidem quam multos? Eris nunc in via expeditior, domi tutior. Non habebis; sed non timebis heredem. Exoneravit te fortuna, si intelligis,

et tutiore loco posuit. Damnum putas? remedium est. Defles, gemis, miserum te clamitas, quod opibus excussus es? Tuo vitio ista tibi iactura tam tristis est. Non tam moleste ferres, si tanquam perditurus habuisses. Perdidi pecuniam. Nempe quam ut tu haberes, alius ante perdiderat.

Oculos perdidi. Habet et nox suas voluptates. Oculos perdidi. Quam multis cupiditatibus via incisa est? quam multis rebus carebis, quas ne videres, vel eruendi erant? Non intelligis partem innocentiae esse caecitatem. Huic oculi adulterium monstrant, huic incestum, huic domum quam concupiscat, huic urbem, et mala omnia. Certe irritamenta sunt vitiorum ducesque scelerum.

Amisi liberos. Stultus es, qui desleas mortem mortalium. Quid istud aut novum, aut mirum est? Quam rara est sine isto casu domus? Quid si infelicem voces arborem, quod stante ipsa cadunt poma? et hic tuus fructus est. Nemo extra ictum vulneris positus est. Ducuntur ex plebeia domo infamata funera, ducuntur et ex regia. Non est idem ordo fati, qui et aetatis. Non quomodo quisque venit, emittitur. Quid tamen est quod indigneris? Quid contra expectationem tuam evenit? Periere perituri. Sed ego illos superstites optabam. Verum hoc nemo tibi promiserat. Perierunt liberi mei. Habebant illi cuius essent magis quam tui: apud te precario morabantur. Educandos tibi fortuna mandaverat: recepit illos, non abstulit.

Naufragium feci. Cogita non quid perdidideris, sed quod evaseris. Nudus exii. Sed existi. Omnia perdidi. Sed perire potuisti una cum omnibus.

In latrones incidi. Sed alius in accusatores, alius in fures, alius in fraudatores. Plena est insidiis via.

Noli conqueri quod incideris: gaude quod evaseris. Inimicos graves habeo. Quomodo adversus feras munimenta conquiris, quomodo adversus serpentes: sic adversus inimicos auxilia circumspecte, quibus illos aut arceas, aut compescas, aut, quod optimum est, places. Inimicos habeo. Illud est peius, quod amicos non habes.

Amicum perdidisti. Iam enim te habuisse certum est? Amicum perdidisti. Alium quaere: et ibi o[mn]em quaeras, ubi invenire possis. Quaere inter liberales artes, inter honesta et recta officia: quaere in laboribus. Ad mensam ista res non quaeritur: quaere aliquem frugi. Perdidisti amicum. Fortem animum habe, si unum: erubescere, si unicum: quid tu in tanta tempestate ad unam anchoram stabis?

Vxorem bonam amisisti. Vtrum inveneras bonam, an feceras? Si inveneras, habere adhuc te posse ex hoc intelligas licet, quod habuisti: si feceras, bene spera; res periit: salvus est artifex. Amisisti uxorem bonam. Quid in illa probabas? Pudicitiam? Quam multae diu custoditam perdidere! Decus? Quam multae inter probatas matronalis ordinis, esse coeperunt postea inter exempla mutatarum? Delectabat te fides eius? Quam multas ex optimis coniugibus pessimas videmus, ex diligentissimis solutissimas! Omnium quidem imperitorum animus, maxime tamen muliebris, in lubrico est. Si bonam uxorem habuisti, non potes affirmare in illo eam permansuram fuisse proposito. Nihil tam mobile quam seminarum voluntas; nihil tam vagum. Novimus veterum matrimoniorum repudia; et, foediores divortio, male cohaerentium rixas. Quam multae quos in adoleseptia amaverunt, in communi reliquere senectute! quoties

anile divortium risimus? quam multarum notus amor odio notiore mutatus est! Sed haec et fuit bona, et fuisset, si vixisset. Mors effecit, ut affirmare id sine periculo possis. Bonam uxorem amisi. Invenies, si nihil quaeris nisi bonam. Tu modo ne imagines proavosque respexeris, nec patrimonium, cui iam ipsa nobilitas cessit. Ista diu cum forma non repugnant. Facilius reges animum nulla vanitate tumentem. Non multum abest a contemptu viri, quae se nimis suspicit. Duc bene institutam, nec maternis inquinatam vitiis: non cuius auriculis utrimque bina patrimonia dependeant: non quam margaritae suffocent, cui minus sit in dote quam in veste: quam in patente sella circumlatam per urbem populus ab omni parte aequè ut maritus inspexerit: cuius sarcinis domus sit angusta. Hanc facile ad tuos mores rediges, quam nondum corruerunt publici. Vxorem bonam amisi. Non erubescis flere, et intolerabilem vocare iacturam? Hoc unum deest: utrum illam lugeas, an non. Quum maritum te cogitaveris, cogita et virum. Amisi uxorem bonam. Soror bona non potest recuperari, nec mater. Vxor adventitium bonum est: non est inter illa, quae semel unicuique contingunt. Amisi uxorem bonam. Multos tibi numerare possum, quibus bonam uxorem lugentibus successit melior.

Mors, exsilium, luctus, dolor, non sunt supplicia, sed tributa vivendi. Neminem illaesum fata transmittunt. Felix est non qui aliis videtur, sed qui sibi.

III. DE QVATVOR VIRTVTIBVS LIBER.

N. B. Hic libellus, quem alii *de formula honestae vitae*, alii *de quatuor virtutibus cardinalibus* inscribunt, omnes autem L. A. Senecae tribuunt, magno in honore apud mediae aetatis doctos fuisse videtur. Plurimae enim illius libri editiones, nec non cum scholiis, perpetuo commentario, et variis lectionibus, occurrunt, quarum nonnullas habet Regia Bibliotheca. Nos autem Des. Erasmi Roterod. editionem secuti sumus, varias lectt. et scholia omittentes, ut in opere nimis exigui momenti. En. P.

¶ Quod sequitur opusculum sine controversia non est Senecae, licet admixta sint permulta ex eius libris decerpta, studio hominis Christiani. Nam in ipso statim initio occurrit: « Scire debes, quia sunt. » Ac mox: « ex rebus transitoriis. » Rursum Cap. de Continentia: « a corpore ad spiritum. » Mox in eodem: « Scito quia profuit, et scito quia prodesse voluit. » Haec nimirum christianismum olent. Nec tamen eiusdem hominis videtur conscripcatio. Nam appendix de moderatione singularum virtutum ineptior est superiore parte. Capita de prudentia moderanda, deque temperantia tam erant in exemplaribus varia, ut palam esset id studio factum. Comperi totum opus mire depravatum, sed codice descripta fere omnia restitui. »

Quatuor virtutum species multorum sapientum sententiis diffinitae sunt, quibus animus humanus componi ad honestatem vitae possit. Harum prima est prudentia. Secunda magnanimitas. Tertia continentia. Quarta iustitia. Singulae tibi in his officiis quae subsunt annexae sunt, ac bene moratum virum efficiunt.

DE PRVDENTIA.

Quisquis prudentiam sequi desideras, tunc per rationem recte vives, si omnia prius existimes et perpenses, et dignitatem rebus non ex opinione multorum, sed ex earum natura constituas. Nam scire debes quia sunt quae videantur esse bona, et non

sunt. Et sunt quae videantur non bona esse, et sunt. Quaecumque autem ex rebus transitoriis possides, non mireris, nec magnum existimes quod caducum est: nec apud te quae habes tanquam aliena servabis, sed pro te tanquam tua dispenses et utaris. Si prudentiam amplecteris, ubique idem eris, et prout rerum ac temporum varietas exigit, ita te accommodes tempori, nec te in aliquibus mutes, sed potius aptes, sicut manus quae eadem est quum in palmam extenditur, et quum in pugnum adstringitur. Prudentis proprium est examinare consilia, et non cito facili credulitate ad falsa prolabi. De dubiis non diffinias, sed suspensam teneas sententiam. Nihil inexpertum affirmes, quia non omne verisimile statim verum est, sicut et saepius quod primum incredibile videtur, non continuo falsum est. Crebro siquidem faciem mendacii veritas retinet. Crebro mendacium specie veritatis occulitur. Nam sicut aliquando tristem frontem amicus, et blandam adulator ostendit, sic verisimilitudine coloratur veritas, et ut fallat, vel surrepat, coloratur. Si prudens esse cupis, in futurum prospectum intende, et quae possunt contingere animo tuo cuncta propone. Nihil tibi subitum sit, sed totum ante conspicias. Nam qui prudens est non dicit, non putavi quidem hoc fieri, quia non dubitat, sed exspectat: nec suspicatur, sed cavet. Cuiuscumque facti causam require, quum initia inveneris, exitus cogitabis. Scito te in quibusdam debere perseverare, quia coepisti, quaedam vero nec incipere, in quibus perseverare sit noxium. Prudens fallere non vult, falli non potest. Boni est viri etiam in morte neminem fallere. Opiniones tuae iudicia sint. Cogitationes vagas, et inutiles, et velut somnio similes non reci-

pies, quibus si animus tuus se oblectaverit, quum omnia disposueris, tristis remanebis: sed cogitatio tua stabilis et certa sit, sive deliberet, sive quaerat, sive contempletur, non recedat a vero. Sermo quoque tuus non sit inanis, sed aut suadeat, aut moneat, aut consoletur, aut praecipiat. Lauda parce, vitupera parcius. Nam similiter reprehensibilis est nimia laudatio, ut immoderata vituperatio. Illa siquidem adulatione, ista malignitate suspecta est, testimonium veritati, non amicitiae reddes. Cum consideratione promitte, plenius quae promiseris praesta. Si prudens est animus tuus, tribus temporibus dispensetur. Praesentia ordina, futura praevide, praeterita recordare. Nam qui nil de praeterito cogitat, perdit vitam, qui nil de futuro praemeditatur, in omnia incautus incidit. Proponas in animo tuo futura mala et bona, ut illa sustinere possis, et ista moderari. Non semper in actu sis, sed interdum animo tuo requiem dato, et requies ipsa plena sit sapientiae studiis et cogitationibus bonis. Nam prudens nunquam otio marcet. Habet autem aliquando remissum animum, nunquam solutum. Accelerat tarda, perplexa expedit, dura mollit, exaequat ardua. Scit enim quid qua via aggredi debeat, et cito singula, et distincte cuncta videt. Consilium peritorum, ex apertis obscura aestimat, ex parvulis magna, ex proximis remota, ex partibus tota. Non te moveat dicentis auctoritas, nec quis, sed quid dicat intendito. Nec quam multis, sed qualibus placeas cogita. Id quaere quod invenire possis. Id disce quod potes scire. Id opta quod optari coram bonis potest. Nec altiori te rei imponas, in qua tibi stanti tremendum, ascendenti cadendum sit. Consilia tibi salutifera advoca.

Quum tibi alludit vitae prosperitas, tunc te velut in lubrico retinebis, ac sistes, nec tibi dabis impetus liberos, sed circumspicies quo eundum sit, vel quousque.

DE MAGNANIMITATE.

Magnanimitas vero, quae et fortitudo dicitur, si insit animo tuo cum magna fiducia, vives liber, intrepidus, alacer. Magni animi hominis bonum est non vacillare, constare sibi, et finem vitae intrepidus expectare. Nil aliud magnum in rebus humanis, nisi animus magna despiciens. Si magnanimus fueris, nunquam iudicabis tibi contumeliam fieri. De inimico dices, non nocuit mihi, sed animum nocendi habuit; et quum illum in potestate tua videris, vindictam putabis vindicare potuisse. Scito enim honestum et magnum genus vindictae esse ignoscere. Neminem susurro appetas, neminem suffodias, palam aggredere; non geres conflictum, nisi indixeris; nam fraudes et doli imbecillum decent. Eris magnanimus, si pericula nec appetas, ut temerarius, nec formides, ut timidus; nam nil timidum facit animum, nisi reprehensibilis vitae conscientia. Mensura ergo magnanimitatis est, nec timidum esse hominem, nec audacem.

DE CONTINENTIA.

Continentiam vero si diligis, circumcide superflua, et in arctum desideria tua constringe. Considera tecum quantum natura poscat, et non quantum cupiditas expetat. Si continens fueris, eo usque pervenies, ut te ipso contentus sis. Nam qui sibi ipsi satis est, cum divitiis natus est. Impone concupiscentiae tuae

fraentem et modum, omniaque blandimenta quae occultam voluptatem trahunt, reiice. Ede citra crudelitatem, bibe citra ebrietatem. Observa ne in convivio, aut in qualibet vitae communitate, quos non imitaberis damnare videaris, nec praesentibus deliciis inhaerebis, nec desiderabis absentes. Victus tibi ex facili sit; nec ad voluptatem, sed ad cibum accede. Palatum tuum fames excitet, non sapor. Desideria tua parvo redime, quia hoc tantum curare debes, ut desinant, atque quasi ad exemplar compositus divinum, a corpore ad spiritum quantum potes (*al. potest*) te festina reducere. Si continentiae studes, habita non amoene, sed salubriter, nec dominum esse velis notum a domo, sed domum a domino. Non tibi adscribas quod non eris, nec quod es, nec maius quam es videri velis. Hoc maius observa, nec paupertas tibi immunda sit, nec parsimonia sordida, nec simplicitas neglecta, nec lenitas languida: et si tibi res exiguae sunt, non tamen sint angustae. Nec tua desleas, nec aliena mireris. Si continentiam diligis, turpia fugito antequam accidant, nec quemquam alium vereberis plus quam te. Omnia tolerabilia praeter turpitudinem crede. A verbis quoque turpibus abstineto, quia eorum licentia imprudentiam nutrit. Sermones utiles magis quam facetos et amabiles ama, rectos potius quam obsecundantes. Misceris interdum seriis iocos, sed temperatos, et sine detrimento dignitatis ac verecundiae. Nam reprehensibilis risus est, si immodicus, si pueriliter effusus, si muliebriter fractus. Odibilem quoque hominem facit risus, aut superbus, aut clarus, aut malignus et furtivus, aut alienis malis evocatus. Si ergo ipsos iocos exis, hoc quoque cum dignitate sapientiae gere, ut te nec gravent tanquam asperum, nec

contemnant tanquam vilem. Non erit tibi scurrilitas, sed grata urbanitas. Sales tui sint sine dente, ioci sine vilitate (*al.* utilitate), risus sine cachinno, vox sine clamore, incessus sine tumultu; quies tibi non desidia erit; et quum ab aliis luditur, tu sancti aliquid honestique tractabis. Si continens es, adulationes evita, sitque tibi tam triste laudari a turpibus, quam si lauderis ob turpiâ. Laetior esto, quoties displices malis; et malorum de te existimationes malas, veram tui laudationem adscribe. Difficillimum continentiae opus est, assentationes adulatione repellere, quarum sermones animum voluptate resolvunt. Nullius per assentationem amicitiam merearis, nec ad tuam promerendam per hanc aditum pandas. Non eris audax, nec arrogans, submitte te, non proiicies, gravitate servata. Admoneberis libenter, et reprehenderis patienter. Si merito obiurgabit aliquis, scito quia profuit; si immerito, scito quia prodesse voluit. Non acerba, sed blanda timebis verba. Esto vitiorum fugax ipse, aliorum vero neque curiosus scrutator, neque acerbus reprehensor, sed sine exprobratione correptor, ita ut admonitionem hilaritate praevenias, et errori facile veniam dato. Nec extollas quemquam, neque deicias. Dicentium esto tacitus auditor, audientium promptus receptor. Requirenti facile responde, contemnentî facile cede, nec in iurgia execrationesque discedas. Si continens es, animi tui motus corporisque observa, ne indecori sint. Nec illos ideo contemnas, quia latent: nam nil differt, si nemo videat, quum tu ipse illos videas. Mobilis esto, non levis; constans, non pertinax. Ali cuius rei scientiam habere te nec ignotum sit, nec molestum. Omnes tibi pares facies, sed inferiores superbiendo non contemnes. Superiores recte vivendo

non metuas. In reddenda officiositate, neque negligens, neque exactor appareas. Cunctis esto benignus, nemini blandus, paucis familiaris, omnibus aequus. Severior esto in iudicio quam in sermone: vita quam vultu (*al.* cultu): cultor clementiae: detestator saevitiae: bonae famae neque tuae seminator, neque alienae invidus. Rumoribus, criminibus, suspicionibus minime credulus vel malignus, sed potius his qui per speciem simplicitatis ad nocendum aliquibus subrepunt, oppositissimus. Ad iram tardus, ad misericordiam pronus, in adversis firmus, in prosperis cautus et humilis, occultator virtutum sicut alii vitiorum. Vanae gloriae contemptor, et bonorum, quibus praeditus es, non acerbus exactor. Nullius imprudentiam despicias. Rari sermonis ipse, sed loquentium patiens. Severus, non saevus, sed hilarem non aspernans. Sapientiae cupidus et docilis; quae nosti, sine arrogantia postulanti imparties; quae nescis, sine occultatione ignorantiae tibi postula impartiri. Non conturbabit sapiens mores publicos, nec populum in se vitae novitate convertet. Iustitiae post haec virtus est.

DE IUSTITIA.

Quid est iustitia, nisi naturae tacita conventio in adiutorium multorum inventa? Iustitia non nostra constitutio, sed divina lex est, et vinculum societatis humanae. In hac non est quod aestimemus quid expediat, expedit tibi quicquid illa dictaverit. Quisquis ergo hanc sectari desideras, Deum time prius et ama, ut ameris a Deo. Amabilis eris Deo, si in hoc illum imitaberis, ut velis omnibus prodesse et nulli nocere. Et tunc te iustum virum appellabunt omnes, sequentur, venerabuntur, et diligent. Iustus enim ut is-

non solum non nocebis, sed etiam nocentes prohibebis; nam nil nocere non est iustitia, sed abstinencia alieni est. Ab his ergo incipe ut non auferas, ut ad maiora proveharis, et aliis ablata restituas. Raptores quoque ipsos, ne aliis timendi sint, castiga et cohibe (*al. prohibe*). Ex nulla vocis ambiguitate controversiam nectes, sed animi qualitatem speculari. Nihil tibi intersit an firmes (*al. confirmes*), an iures. De fide et religione scias agi ubicumque de veritate tractatur: nam si iureiurando Deus invocetur, et non invocanti testis est, tamen non transibis veritatem, ne iustitiae transeas legem. Quod si aliquando coarcteris uti mendacio, utere non ad falsi, sed ad veri custodiam; et si contigerit fidelitatem mendacio redimi, non mentieris, sed potius excusaberis, quia ubi honesta causa est, iustus secreta non prodit; tacenda enim tacet, loquenda loquitur, atque illi aperta et segura tranquillitas, ut dum alii vincantur a malis, vincantur ab illo mala. Haec ergo si studere curaveris, laetus et intrepidus cursus tui finem expectabis, prospicies haec tristitia huius mundi hilaris, tumultuosa quietus, extrema securus.

DE MENSURA ET MODERATIONE PRUDENTIAE.

His ergo institutionibus observatis, quatuor virtutum species perfectum te facient virum, si mensuram rectitudinis earum aequo vivendi fine servaveris. Nam si prudentia terminos suos excedat, callida et pavida commiseris, investigator latentium et scrutator quaecumque noxarum ostenderis, notaberis timidus, speciosus, attentus; semper aliquid quaerens, semper aliquid timens, semper aliquid dubitans, et subtilissimas suspensiones tuas ad animi tui apprehensionem

impingens; monstraberis digito astutia plenus, versipellis et simplicitatis inimicus, contemplatorque culparum; et postremo uno nomine vocaberis a cunctis, malus homo. In has ergo maculas prudentia immensurata perducet, quicumque in illa mediocri lance persistit, nec obtusum in se aliquid habeat, nec versutum.

DE MODERANDA FORTITUDINE.

Magnanimitas autem si se extra modum suum extollat, faciet virum minacem, inflatum, inquietum, turbidum, et in quascumque extollentias dictorum, actorumque neglecta honestate festinum, qui momentis omnibus supercilia subrigens, et bestiarius etiam quietam excitat, alium ferit, alium fugat. Sed quamvis audax sit impugnator, tamen multa extra se valentia ferre non poterit. Sed aut miserum appetit finem, aut aerumnosam sui memoriam derelinquit. Mensura ergo magnanimitatis est nec timidum esse hominem, nec audacem.

DE MODO TEMPERANTIAE.

Continentia deinde his terminis te adstringat; cave ne parcus sis, ne suspiciosa et timide manum contrahas. Ne in minimis quoque speculum ponas. Nam talis et tam circumcisa vilis putabitur integritas. Hac ergo mediocritatis linea continentiam observabis, ut nec voluptati deditus, prodigus et luxuriosus appareas, nec avara tenacitate sordidus, aut obscurus existas.

QUALITER SIT MODERANDA IUSTITIA.

Iustitia postremo eo mediocritatis tibi itinere regenda est, ut nec ductu Iupiter levi (*al. leni*) immo-

tam semper animi rationem negligentia subsequatur. Dum neque de magnis neque de minimis errantium vitiis corrigendi curam geris, sed neque licentiam peccandi, aut alludentibus tibi blande, aut illudentibus proterve permittis, neque rursus nimia rigiditate et asperitate, nil veniae aut benignitati reservans, humanae societati durus appareas. Ita ergo iustitiae regula tenenda est, ut reverentia disciplinae eius, neque nimia negligentiae communitate despecta vilesceat, neque severiori atrocitate diuturna, gratiam humanae amabilitatis amittat.

CONCLUSIO PRAEMISSORVM.

Si quis ergo vitam suam ad utilitatem non tantum pariat, sed inulorum inculpabiliter componere desiderat, hanc praedictarum virtutum formulam pro qualitatibus temporum, locorum, personarum atque causarum sequatur, eo mediocritatis insistens, quo per abrupta altrinsecus praecipitia, aut ruentem corporis devitet insaniam, aut efficientem puniat ignam.

IV. DE MORIBVS LIBER VNVS.

« Gnomologia haec est, non ex Seneca tantum. Insunt Mimi, et Pythagorae quaedam, postremo fit mentio diaboli. Videntur quaedam decerpta ex proverbiiis Salomonis. » *Erasm.*

Sunt totidem distinctae et minime iuter se connexae sententiae. In edit. Sulpit. Sapidi supra memorata, singulae numeris distinguuntur, ita ut sint CLXI.

Omne peccatum actio est. Actio autem omnis voluntaria est, tam honesta quam turpis, ergo voluntarium est omne peccatum. Tolle excusationem,

nemo peccat invitus. Educatio et disciplina mores faciunt, et id unusquisque sapit, quod didicit. Itaque bona consuetudo excutere debet, quod mala instruxit. Nihil interest quo animo facias, quod fecisse vitiosum est, quia facta cernuntur, animus vero non videtur. Nulla autem laus est non facere, quod facere non possis. Quid homini est inimicissimum? homo. Libenter feres quod necesse est, dolor patientia vincitur. Exspecta quo nunquam poeniteas. Non quam multis placeas, sed qualibus stude. In hoc tantum incumbere, ut libentius audias, quam loquaris. Multos vitam differentes, mors iuncta praevenit. Itaque omnis dies velut ultimus iudicetur. Tristitiam si potes, ne admiseris; sin minus, ne ostenderis. Amicos secreto admone, palam autem lauda. Verba rebus, non personis aestimanda sunt. Oratorem te puta, si tibi ante omnes quod oportet persuaseris. Ut licentiosa mancipia animi imperio coërce linguam, ventrem et libidinem. Quod tacitum esse velis, nemini dixeris. Si tibi non imperasti, quomodo ab alio silentium speras? Ridiculum est aliquem, odio nocentis, innocentiam perdere. Monstro similis est avaritia sevilis. Quid enim stultius est, quod dici solet, quam via deficiente viaticum augere? Omnes infantes terra nudos excipit. Non pudet te fortius nasci quam vivere? Quid dulcius quam habere amicum, cum quo audeas, ut tecum, omnia loqui? Magnarum virium est negligere laedentem. Quid sis interest, non quid habeas. Nondum es felix, si te turba non deriserit. Si vis beatus esse, cogita hoc primum: contemnere, et contemni. Prius quam promittas, deliberes; et, quum promiseris, facias. Id agas, ne quis merito te oderit, et si nullos inimicos tibi facies iniuria, multos facit invi-

dia. Solitudinem quaerat, qui vult cum innocentibus vivere. Optimus ergo animus et pulcherrimus cultor Dei est. Abstinebis ab alieno matrimonio. Praestabis parentibus pietatem, cognatis indulgentiam, omnibus aequitatem. Devitabis crudelitatem, et ministram crudelitatis iram. Non aliter vivas in solitudine, aliter in foro. Nihil petas quod negaturus fuisti; nihil negabis quod petiturus fuisti. Pacem cum hominibus habebis, cum vitiis bellum. Hoc habet omnis affectus, ut, in quod ipse insanit, in id putet etiam caeteros furere. Maximum in eo vitium est, qui non melioribus vult placere, sed pluribus. Vis omnibus esse notus? prius effice, ut neminem noveris. Bonum est non laudari, et esse laudabilem. Stultum est timere quod vitare non potes. Male opinentur de te homines, sed mali. Malis displicere est laudari. Male de te loquuntur homines, bene autem loqui nesciunt, non quod merearis, sed quod solent ipsi. Homines de te mala loquuntur; si merito, non quod loquuntur molestum est, sed quod non mentiuntur; si immerito, innocentia mea nunc maxime gaudeo. Apparet enim illos vera obiecturos, si possent. Non es in patria tua. Patria tua est ubicumque bene es; illud enim per quod bene es, non est in loco, sed in homine. Nihil magnum, nisi magno animo despicias. Quae sunt maximae divitiae? non desiderare divitias. Quis plurimum habet? is qui minimum cupit. Quid est dare beneficium? Deum imitari. Honestius est quam iudicaveris amare, quam quam amaveris iudicare. Dissensio ab alio incipiat, a te autem reconciliatio. Succurre paupertati amicorum, immo occurre. Amicos secundae res parant, adversae certissime probant. Peiora sunt tecta odia quam aperta: itaque te minus loquax

inimicus offendit quam tacitus. Mira ratio est quae non vult praedicari, quod gaudet intelligi. Ignosci amat, qui quod odit, ostendit. Eleemosyna non tam accipientibus quam dantibus prodest. Et spes praemii solatium fit laboris. Quae est maxima egestas? avaritia. Pecuniae imperare oportet, non servire. Nullum conscium peccatorum tuorum magis timueris quam temetipsum. Alium potes effugere, te autem nunquam. Quis est pauper? qui sibi videtur. Qui a multis timetur, multos timet. Infelicem erige, submitte felicitatem. Vera felicitas innocentia est. Nequitia ipsa sui poena est. Mala conscientia saepe tuta est, secura nunquam. Libidinis initia continebit, qui exitum cogitabit. Beneficii accepti nunquam oportet oblivisci, dati protinus. Inhonesta victoria est suos vincere. Satis est poenarum potuisse puniri. Inimicitias tarde suscipe, amicitias exerce moderate. Simultates depone. Imago animi sermo est. Qualis vir, talis oratio. Magna res est vocis et silentii temperamentum. Qui aequo animo malis immiscetur, malus est. Neminem laudaveris, neminem cito accusaris, semper puta te cum diis testimonium dicere. Vitium est omnia credere, vitium nihil credere. Utendum est divitiis, non abutendum. Nullum putaveris locum sine teste. Excusationem quaerere, vitium. Fortior est qui cupiditatem vincit, quam qui hostem subiicit. Est difficilimum seipsum vincere. Inique irascitur, qui suis irascitur. Amare sic incipe, tanquam non liceat desinere. Magnarum rerum etiam si successus non fuerit, honestus est ipse conatus. Nobilitas animi est generositas sensus. Nobilitas corporis generosus animus. Honestior est quem senectus ad otium retulit, quam quem in otio invenit, et tunc incipiat laborare. Turpe specta-

culum praebet animus aeger. Nunquam sit tristis facies tibi in comodo alterius. Homo sum, quomodo devitabo secundarum rerum invidiam? Si felicitatem iactaveris, cum multis dives eris. Quomodo optime potentiam tuebor? impotentia occasionis. Locum tenet innocentiae proximum confessio. Vbi confessio, ibi remissio. Irae severitas in vitio est. Boni iudicis est dispensare, non tantum quid damnandum sit, sed quatenus. Proximus iustitiae modus severitas. Quietissimam vitam agerent homines in terris, si haec duo verba a natura omnium rerum tollerent, meum et tuum. Qui paupertatem timet, timendus est. Vires tuas amici magis sentiant beneficiis quam iniuriis. Pecunia non satiat avaritiam, sed irritat. Homo semper indigeus pecunia, scit cum eius moribus convenire. Mihi crede, non potes dives esse, et felix. Auribus frequentius quam lingua ntero. Quicquid dicturus es, antequam aliis dixeris, dicito tibi. Nihil interest inter iratum et insanum, nisi unus dies. Alter non semper irascitur, alter semper insanit. Facillime bonis fruieris, si ea vitaveris, quae vituperaveris. Quum alienos timueris, te ipsum verere; nam saepe sine aliis esse potes, sine te nunquam. Si bene te instruxeris, pudeat deteriora facere. Quod persuaseris, erit diuturnum; quod coegeris, erit in occasionem. Alteri semper ignoscito, tibi ipsi nunquam. Tantum ad virtutem adiciēs, quantum ex voluptate abstraxeris; stultum est somno delectari, et quasi mortem moliri. Bonis nocet, qui malis parcat. Multi quum aliiq maledicunt, sibi ipsis convicium faciunt. Nihil turpius quam qui obiicit alteri sibi obiiciendum. Ut licentiosa mancipia, animi imperio rege, linguam, libidinem, ventrem, cupiditatemque comprime; si non potes;

paululum remitte. Saepe ea quae sanari ratione non poterant, sanata sunt tempore. Qui propter pecuniae anioem et libidinum moritur, ostendit se nunquam sui causa vixisse. Turpia ne dixeris, paulatim enim pudor per verba disceptatur. Sic habita, ut potius laudetur dominus quam domus. Consuetudinaria res est innocentia; non damnatio, sed causa hominem turpem facit. Merito damnari poena est, damnatio immerita damnantis est calamitas. Si aliquid cogitaveris, cito apparebit conversantibus. Videri vis ab omnibus; nunquam bonae honestatis simulatio longa est. Quod de alienis tractas, ex tuis iudices. Multi sunt obligandi; pauci offendendi; nam memoria beneficiorum facilis est iniuriarum tenax. Obiurgationi semper aliquid blande admisce, facilius enim penetrant verba quae molli vadunt via, quam aspera. Nemo enim se mutat, qui mutari se desperet. Quoties scribens aliquid dicturus es, scito morum tuorum te hominibus chirographum dare. Qui in servos irascitur et crudelis est, satis ostendit potestatem adversus alienos sibi defuisse. Qui nescit tacere, nescit loqui. Facilius est pauperi contemptum effugere, quam diviti invidiam. Bonus fruitur bona conscientia. Malis hominibus tutissimum est cito fugere. Nulla pusilla domus, quae multos amicos capit. Scire uti paupertate maxima felicitas. Acuit intentio, frangit animum remissio. Nunquam scelus scelere vincendum est. Bonus vir est, qui eo perduxit affectu animum, ut non tantum peccare non velit, sed etiam non possit. Regnantibus peius multo periculum, quam his qui iudicantur; hi enim singulos timent, illi universos. Numquid fortis fortem se gloriabitur, quem corporis aegritudo efficit infirmum? Nunquid dives in opibus suis gloriabitur, cuius spem

fur vel tyrannus abruptit? Numquid nobilitas gloriabitur affecta, nonnunquam indignis et miserabilibus serviens? Diabolus aliquando se gloriabitur interfectorem tuae misericordiae, nunc inter gemiscit socios (forsan *socius*) tuae beatitudinis. Fugienda sunt omnibus modis, et abscindenda igni ac ferro, totoque artificio separanda, languor a corpore, imperitia ab animo, luxuria a mente, a civitate seditio, a domo discordia, a cunctis rebus intemperantia. Dixit quidam, amicorum omnia esse communia, et amicum seipsum esse alterum. Duorum temporum maxime habendam curam, et eorum quae acturi sumus, et eorum quae gessimus: post Deum veritatem colendam, quae sola homines Diis proximos facit.

Post haec nonnullae veteres editiones inserunt multas sententias iuxta litterarum ordinem dispositas, sub hoc titulo *Senecae Proverbia*; quarum maxima pars ex Publîi Syri Laërtii quae mimis est collecta; nonnullae vero ex L. Annaei Senecae tum philosophicis quam poeticis scriptis haustae, sed mire depravatae, videntur.

V. EPISTOLAE SENECAE ET PAULI.

PRAEMONITIO

In veteribus L. A. Senecae editionibus leguntur quatuordecim Senecae ad Paulum et Pauli ad Senecam Epistolae, quae olim pro authenticis habitae fuisse videntur, quamvis cuilibet eas vel levissime inspicienti supposititias esse pateat. Nihilominus nonnulli scriptores, nec parvi momenti, inter quos D. Hieronymus, lib. de Scriptoribus ecclesiasticis, c. 12 (1); D. Augustinus, De Civitate Dei, lib. VI, c. 10, et Epist. LIII. ad Maced., has Epistolas memorant, sine ullo de illarum veritate dubio. Immo perpetua apud priorum aetatum Christianos opinio viguit, Paulum et Senecam magna fuisse amicitia coniunctos, quod confirmet Linus Pontif. de Passione Pauli. De hac amicitia multi disceptaverunt, in primis *Fr. Ch. Gelpke*, in «Tractatiuncula de familiaritate quae Paulo apostolo cum Seneca philosopho interfuisse videtur verisimillima» *Lips.* 1813, in-4°. Quam dissertationem quum saepe quaesitam comparare non potuerimus, satis erit hio inserere quae ex illa excerpsit *Fred. Schoell*, *Histoire abrégée de la Littérature romaine*, vol. II, p. 445

« Haec opinio hand inter fabulas fortasse amandanda; plura enim adiuncta conflunt, quae verisimilem reddant. Peculiarem saltem explicat similitudinem, quam docti homines multa inter Senecae loca animadverterunt, atque Sacrorum Librorum, *D. Pauli* praesertim *Epistolarum*. Nonnulla ex hisce locis similibus afferemus, initio facto ab oratione, quam ad Athenarum Areopagum habuit Apostolus, quamque D. Lucas septimo et decimo capiti *Actuum Apostolorum* inseruit.

(1) Ipsa eius verba vide infra, p. 470, not. 3.

Divus Paulus.

Deus qui fecit mundum et omnia quae in eo sunt, hic caeli et terrae quum sit dominus, non in manibus factis templis habitat. *Act. XVII, 24.*

Nec mensibus humanis colitur indigena aliquo, quum ipse det omnibus vitam, et inspirationem, et omnia. *Ibid. 25.*

Deus... quamvis non longe sit ab unoquoque nostrum. In ipso enim vivimus, et movemur, et sumus. *Ib. 27, 28.*

Quicumque enim spiritus Dei agnunt, ii sunt filii Dei. *Ep. Rom. VIII, 14.*

Nescitis quis templum Dei estis, et spiritus Dei habitat in vobis. *I. Cor. cap. III, 16.*

Non debemus aestimare auro, aut argento, aut lapidi, sculpturae artis et cogitationis hominis, divinum esse simile. *Act. XVII, 29.*

Credere enim oportet accedentem ad Deum, quia est, et inquirentibus se remunerator sit. *Hebr. XI, 6.*

Estote ergo imitatores Dei... et ambulate in dilectione. *Eph. V, 1.*

Sicut enim corpus unum est et membra habet multa, omnia autem membra corporis quum sint multa, unum tamen corpus sunt; ita et Christus... Nunc autem multa quidem membra, unum autem corpus... Vos autem estis corpus Christi, et membra de membro. *I. Cor. cap. XII, 12, 20, 27.*

Nihil enim intalimus in hunc mundum: haud dubium quod nec sufferre quid possumus. *I. Tim. cap. VI, 7.*

Seneca.

Deo non templis congestis in altitudinem saxis extruenda sunt; in suo cuique consecrandus est pectore. *Fragm. a Lactantio all. Inst. VI.*

Totus mundus est deorum templum, solum quidem amplitudinae illorum et magnificentiae dignum. *De Benef. VII, 7.*

Deum colit qui novit... non quaerit ministros Deum; quidni? Ipse humano generi ministrat; ubique et omnibus praesto est. *Ep. 95.*

Prope est a te Deus; tecum est intus est. Sacer intra nos spiritus sedet, malorum honorumque nostrorum observator; hic, prout a nobis tractatus est, ita nos tractat. Bonus vir siue Deo nemo est... In unoquoque honorum habitat Deus, etc. *Ep. 41.*

Quocumque te flexeris, Deum videbis occurrentem tibi; nihil ab illo vacat. *De Benef. V, 8.*

Te dignum Deo finge. Finges autem non auro, non argento; non potest ex hac materia imago Dei exprimi similis. *Ep. 13.*

Primus deorum cultus est Deos credere, deinde scire illos esse... qui humani generis curam gerunt, qui castigant quosdam et coercerent.

Satis illos coluit, quisquis imitatus est. Homo sit mansuetus homini, ... erranti viam monstrat, cum esuriente panem dividat. *Ep. 95.*

Membra sumus magni corporis. *Ibid.*

Per has mortalis aevi moras illi meliori vitae longiorque praeseditur. Quemadmodum novem mensibus nos

Dion. Paulus.

Seneca.

Scimus enim quoniam si terrestribus domus nostrae huius habitationis dissolvatur, quod aedificationem ex Deo habemus, domum non manu factam, aeternam in caelis. Nam et in hoc ingemiscimus, habitationem nostram quae de caelo est, superindui cupientes: si tamen vestiti, non nudi inveniamur. Nam et qui sumus in hoc tabernaculo, ingemiscimus gravati eo quod nolumus expoliari, sed supervestiri, ut absorbeat quod mortale est a vita. *II. Ep. ad Cor. cap. V. 1-4.*

Videmus nunc per speculum in aenigmate: tunc autem facie ad faciem. Nunc cognosco ex parte, tunc autem cognoscam, sicut et cognitus sum. *I. Cor. cap. XIII. 12.*

Non enim accepistis spiritum servitutis iterum in timore, sed accepistis spiritum adoptionis filiorum in quo clamamus: Abba (Pater.) *Rom. VIII. 15.*

Non enim habemus hic manentem civitatem, sed futuram inquirimus. *Hebr. XIII. 14.*

Rom. V. Caput omne, ubi apostolus dogma profert imputationis ac punishmentis peccati.

Non est iustus quisquam. Omnes

tenet materna uterus, et praeparat non sibi, sed illi loco in quem videmur emitti iam idonei ... sic per hoc spatium, quod ab infantia patet in senectutem, in aliam maturescimus partem. Alia origo nos exspectat, alius rerum status. Proinde iutrepidas horam illam decretnam prospice; non est, animo suprema, sed corpori. Quidquid circa te iacet rerum, tamquam hospitalis loci sarcinas specto: transeundum est. Excutit redeuntem ultura, sicut intrantem. Non licet plus asserere quam iutuleris; immo etiam ex eo quod in vitam intulisti, pars magna ponenda est. Detrahetur tibi haec circumiecta, novissimum velamentum tui, cutis; detrahetur caro. Dies iste, quem tamquam extremum reformidas, aeterni natalis est. Depone annus; quid coactarius? ... pone corpus istud din inhabitatum; pereunt semper velamenta nascentium ... Veniet qui te revelet dies, et ex cantubernio foedi atque olidi ventris educat. Tunc naturae arcana tibi reteguntur ... Tunc in tenebris visisse dicet, quam totam lucem totus adspexeris, quam nunc ... obscure intueris, et tamen admiraris tam procul. *Ep. 102.*

Deus colitur et amatur. Non potest amor cum timore misceri. *Ep. 42.*

Deos nemo sanus timet, nec quisquam amat quos timet. *De Benef. IV. 19.*

Sapiens nihil eorum quae circa ipsum sunt, suum indicat, sed ut commodatis utitur peregrinis et prope-rans. *Ep. 120.*

Omnes reservamur ad mortem, in omnes constitutum est capitale supplicium, et quidem constitutione iustissima. *Quaest. nat. II. 59.*

Peccavimus omnes, alii graviors,

Dñus Paulus.

Seneca.

enim peccaverant et egent gloria Dei.
Rom. III, 10, 23.

Nemini invenitur qui se possit absolvere, et innocentem quisque se dicit, respiciens testem, non conscientiam.

Quem enim diligit Dominus, castigat: flagellat autem omnem filium quem recipit. In disciplina perseverate. Tanquam filiis vobis offert se Deus; quis enim filius, quem non corripit pater? *Hebr. XII, 6, 7.*

alii levitra, alii ex destinato, alii forte impulsu, aut aliena nequitia ablati. *De Ira, I, 14.*

Vir bonus vera progenies Dei, quem parcus ille magnificus durius educat... experitur, indurat, sibi illum praeformat. *De Provid. c. 1.*

Patrium habet Deus adversus bonos viros animum, et illis furtiliter amittit, et «uperibus, inquit, dolentibus et damnis exagitantur, ut verum colligant robur.» *Ibid. c. 2, § 4.*

Quos probat Deus, quos amittit, eos indurat, recognoscit, exercet. *Ibid. 1*

Alia multa istius generis loca afferri possent; ut nullus est Senecae lector, quem haud commoverint sensus christiani, qui in eius scriptis passim occurrunt, quique saepe iisdem verbis *novi Testamenti* efferruntur. (1) Num hoc natura insitum dices, ut vir bonus, qui humanam indolem ac similitudinem quae Deum inter atque hominem intercedit, meditatur, ad eadem, quae ad mores spectant, effata perducatur, quae in sacris litteris enunciantur? Sed cur nil simile reperitur in moralibus Aristoteliae, in Platonis dialogis, in Memorabilibus Socratis ex Xenophonte, in philosophicis Ciceronis operibus? cur potissimum in Epicteti Enchiridio, ac Marci Aurelii libro, qui ambo effata profitebantur eiusdem scholae ac Senecae, tam rara cum Christianorum praeceptis similitudo occurrat? Haud mirum id videbitur, si concedatur cognovisse Senecam Christianos, ac frequentasse, amicitiaeque vincula cum praestantissimo istorum Doctore, qui biennium Romae est commemoratus, fuisse devinctum.

Nec vero solum Christianorum effata apud Senecam inveniuntur; sed, quod admirabilius, eae locutiones occurrunt, quas non adhibent profani scriptores, eaque verba eo sensu, quo non accipiuntur nisi in *Novo Testamento*. Talis est vocis *Caro* usus, in

(1) Multa huius generis loca collegit auctor libri inscripti *Seneca Christianus*, Augustae, 1783; Posonii, 1823.

Bibbitorum sensu, quam in nullo certissimus scriptore Ethnico; (1) item vocis *Angelus*, uti ea sonat in vicesima epistola, (2) quaeque ad memoriam revocat angelum Satanac, de quo conqueritur Paulus, (3) quemque nonnulli interpretes falsum apostolum esse volunt. Talis etiam *Spiritus Sancti*, quam vocem iam attulimus; ac Dei *progenies*, ad virum probum significandum. Talis vitae comparatio cum militia. (4) Hos omnes dicendi modos nullus profanus scriptor adhibet, praeter Senecam.

« Ceterum, quae omnia novimus de D. Pauli vita, band inverisimilem reddunt hanc opinionem, fuisse enim cum nostro philosopho familiariter versatum. Eruditorum maxime criticorum computatione, vere anni 61 post Christum natum pervenit Romam Apostolus; a praetorii praefecto, cui traditus, concessum est, ut in privata domo maneret cum milite oculis eum custodiante, eique data facultas invisendorum amicorum suorum. Hic autem praetorii praefectus erat Burrhus, Senecae amicus. Congruum igitur cogitare, familiares eorum sermones in Iudaeum istum doctorem incidisse, liberum, eloquentem, qui, ob novas de religione opiniones, in Palaestina fuerat vexatus, atque ad tribunal Caesaris provocaverat; Senecam vero cupiditate flagrasse mirum illum hominem videndi et audiendi. Credibile etiam Pauli nomen Senecae cognitum fuisse ante illius Romam adventum. Idem Corinthi ad tribunal Gallionis fuerat adductus, qui Gallio sententiam ferre recusavit, quae ad opiniones de religione spectabat, intollerantis maxime ac contentissimi omnium populi. (5) At iste Achaiae proconsul idem erat ac *M. Annaeus Novatus*, is nempe Senecae frater, qui, quum adoptione in aliam transisset familiam, nomina sibi assumpserat *Iunius Annacus Gallio*. Forte proconsul, per literas, de isto doctore qui evangelium annum supra sex menses in urbe principe illius provinciae docuerat, fuera locutus.

« Haud multis immorabimur in *salutationibus fratrum*, qui de *Caesaris domo*, quae ad calcem epistolae D. Pauli ad Philipenses, Romae scriptae, reperiuntur; verba enim, *ei ex τῷ Καί-*

(1) Animo cum hac carne grave certamen est, ne abstrahatur. *De Consol. ad Marciam*, c. 24. — Animus liber habitat; nunquam me caro ista compellet ad metum. *Ep. LXV.* — Non est summa felicitatis nostrae in carue

ponenda. *Ep. LXXIV.*

(2) Necego, Epicuriam angelus, scio, etc.

(3) Ad Cor. XII, vs. 2.

(4) *Epist. II, xcvi.*

(5) *Act. XVIII, 12.*

επιστολὰς, tum principes servos, ac propteros, tum etiam ministros significant; compertumque omnibus, longo temporis intervallo, evangelium apud hominum quosque infelicissimos sectatores potissimum invenisse.

« Quereret fortasse quispiam: An si Paulum eiusque doctrinam Seneca novisset, ipsius erga Christianos studii arguments scriptis non praeboisset? At romanus philosophus, quae de hac doctrina ad Dei unitatem verumque ipsius cultum referantur, degustare quidem poterat, etsi tanquam fastidii alicuius somnium Evangelium traduceret. Fortasse hac de re eandem quoque sententiam amplectebatur, quam Athenarum philosophi Epicurei et Stoici. (1) Haud ita facile factorem sectae Seneca se profitebatur, quam alii quidem contemnebant, alii periculi plenum existimabant; Seneca, inquam, qui a pythagorea, quam iuvenis amplexatus fuerat, vita recesserat, monente patre, fieri posse ut ludaeus censeretur, quorum sectae infestum se se ostenderat Tiberius. (2)

« Gravius id posset obiici, pleraque nempe ex Senecae operibus ab ipso ante fuisse exarata, quam Paulus Romam pervenerit. At difficultas cito evanescit, si nonnullorum eruditorum supputationem amplectimur, qua colligitur fuisse Paulum Romam missum vel ab anno 56, duobus scilicet post annis, quam principatum inierit Nero. Caeterum, hisce omissis, animadvertere sat est, cum Pauli locutionibus similitudinem, aliorumque Sacrorum Scriptorum crebro haud occurrere nisi in Senecae operibus posterioribus, puta in tractatu de Vita beata, de Beneficiis, qui duo post annum 61 sunt conscripti: ac praesertim in seculibus epistolis. (3) »

Quidquid de illo sive amicitiae, sive Epistolarum, quod Paulum inter et Senecam interfuisse dicitur, commercio sentiendum sit, minime dubitandum est quin illae quae nunc servantur epistolae non eae sint quas inter se scripserunt, si quas revera scripserint. (4) Audiamus Erasmus de iis, quales nunc habemus, praefantem.

(1). Cf. Act. XVII, 18.

(2) Epist. cviii.

(3) Caeterum illius similitudinis causa esse posset quoque, quod Paulus Senecam legerit et imitatus fuerit, ut paulo post D. Iustinus aliquae

Platonem sunt secuti.

(4) I. Lipsius suspicatur alias fuisse Senecae et Pauli Epistolas, has vero in ludibrium nostrum compositas fuisse. Quem vide in Senecae Vita, cap. 10. lu. (huius edit. Vol. I, pag. xlv.)

« His epistolis non video quid fingi possit fragilius aut ineptius, et tamen quisquis fuit auctor, hoc egit, ut nobis persuaderet Senecam fuisse Christianum. Divus Hieronymus non ignarus fuci, abusus est simplicium credulitate, ut Senecae libros lectum cum primis dignos commendaret Christianis, (1) qui tamen maiore cum fructu legentur, si legantur ut hominis pagani, quem admodum initio praefati sumus. (2) Quum autem haec scribantur

(1) « Lucius Annaeus Seneca Cordubensis Photini stoici discipulus, patruus Lucani poetae, continentissimae vitae fuit. Quem non ponerem in catalogo sanctorum nisi me illae epistolae provocarent, quae leguntur a plurimis Pauli ad Senecam, et Senecae ad Paulum. In quibus quum esset Neronis magister et illis temporibus potentissimas, optare se dicit eius esse luci apud nos, cuius sit Paulus apud Christianos. Hic ante biennium quam Petrus et Paulus martyrio coronarentur, a Nerone interfectus est. »

(2) In Epistola nuncupatoria ad R. D. Petrum Episcopum Cracovicensem: « Equidem, inquit, arbitror magis in rem esse lectoris, ut Senecae libros legat, velut hominis ignari nostrae religionis. Etenim si legas illum ut pagannum, scripsit Christiane; si ut Christianum, scripsit paganne. Quum autem in illo sint plurima, quae sequitatem nostram, possint ad virtutis studium accendere, habebunt eadem acriores aculeos, si cogitemus ab ethico profecta. Apud illos enim sunt quaedam ita dicta gestave, ut iuxta Christianam quidem philosophiam vehementer sint improbanda, prae se ferunt tamen miram virtutis indolem, velut illud Socratis: *Hoc unum scio, quod nihil scio*, quum sit absurde dictum, tamen exprobrat nobis nostram arrogantiam. Et Lucretiae factum, quum sit optimo iure detestabile, nobis tamen commendat

pueritiae studium, et hoc efficacius commendat, quod exemplum ab ethica foemina profectum sit. Itaque quod ad mores attinet, maiore fructu legatur Seneca, si legatur, ut quem admodum fuit, paganus. Nam et Christiane dicta vehementius afficiunt, et secus dicta, minus laedunt. Alioqui nusquam magis discrepat a Christiana philosophia, quam quum ea tractat, quae nobis sunt praecipua. Caput enim nostrae religionis est, nosse Deum. At ille commoustrat nos nobis quid sit deus: Deus, inquit, est totum hoc quod vides et non vides, quasi totus hic mundus sit ingens animal, cuius corpus sit oculis conspicuum, anima lateat, et hoc sit deus. Iam unusus sit deus, an plures, vehementer ambigit, et tamen frequenter iterat deos deque. Rursus irridet eos, qui putant in hoc mundo nihil geri, quod hunc deum non fallat, periude quasi culicum sentint elephanta. Iam an anima supersit corpori sic disputat, quasi nihil referat, utrum credas. Alioqui, ut refert Tertullianus, pronuntiant unius finiri morte, etiam ipsam. Postremo quoties incidit in sapientem illum Stoicum, sic eum attollit, ut frequenter diis aequet, nonnunquam et anteponat. Ait sapientem universam felicitatem suam sibi uni debere, diis nihil opus esse, immo deos aliquid debere sapienti. At pietas nobis persuasit, etiam puserculus et libis deo curae esse, tum hominem nihil habere ex

clanculum inter ipsos, quam nihil est in Paulinis epistolis illo Pauli spiritu dignum, quam vix usquam audias nomen Christi, quam ille non soleat aliud crepare quam Iesum Christum! Deinde illum fortissimum Evangelii propugnatorem, quam facit in his epistolis formidolosum! Obiurgat Senecam quod Neroui indicarit epistolas ipsius, quas in hoc scripserat, ut in omnibus ecclesiis legerentur, atque adeo seipsum redarguit Apostolus, quod epistolis suis nomen suum soleat subscribere, et huc scilicet allegatur illud, omnibus esse placendum, et domino, nempe Caesari, gerendum morem. Paulus cuiquam placeret dissimulato Evangelio, quum multo ante Romanis misisset liberam ac prolixam epistolam? Aut hoc docuit Paulus celaudum Christianismum, ut placeas impio domino? Deinde Seneca nuntiat Paulo, quod Caesar inmanibus suppliciis saeviret in Christianos quasi hoc Romae cuiquam esset ignotum. Ad haec, si quid metuebant, tutius poterant ore colloqui quam epistolis. Nec Paulus amore evangelii gravatus fuisset, vel in Sallustianos hortos venire, si Seneca metnebat venire Romam. Quanta copia, quanto affectu Paulus scribit uni Philemoni de re vulgari, et Senecae tam celebri viro scribit, tam ieiune, tam frigide de amplectendo Christo, hoc est, de re omnium maxima? Quando vero sic loqueretur Paulus: «et si *sors* prospere annuerit?» Non ausus est nominare Deum, quem Seneca paganus toties nominat in scriptis suis? Illud insignitae cuiusdam stultitiae est, quod Seneca mittit Paulo librum de copia verborum, quo posthac melius scribat Romane. Atqui si Paulus nesciebat latine, poterat graece scribere, quum graece nosset Seneca. Qui convenit autem, ut quum Seneca doceat philosophi dictionem sententiarum gravem potius, quam verbis ornatam esse debere, nunc in Paulo requirat Romani sermonis copiam? Illud omnium impudentissimum quod quum faciat Senecam in apostolo desiderantem copiam et cultum sermonis, tamen in his epistolis nihilo coltius scribit Seneca quam Paulus; sed par est utriusque balbuties, et sensuum frigus atque ineptia. Saltem aliqua ex parte Senecae phrasim senulari debuerat, aliquid ex Paulinis epistolis effingere, vel vehementia et sublimitate dictionis. Scurrilis impudentia est sic facere loquentem Senecam: blasphemia est sic facere loquentem Paulum. Non dubito, quin vel mulio, vel agaso Senecae

esse boni, sed summum suae felicitatis debere munificentiae numinis.

Quantum igitur sit periculi, si illa legantur velut a Christiano prodita!

minus inepte fuerit scriptura. Paulo vero quid est minus ieiunium aut somniculosum? Et tamen in has epistolas exstant verborum commentarii. Quid his iudiciis caecius? Haec non admonerem, nisi talibus impostoris nimirum et in aliis trihuant interdum Christiani. Iam videamus quae sit illa mirabilis sententia, quae commovit Hieronymum, ut Senecam insereret catalogo sanctorum, in quo tamen commemorantur et Iudaei, et haeretici ab Ecclesiae consortio digressi. In epistola quae praecedat penultimam (XII) ita scribit: « Nam qui tuus est apud tuos locus, velim ut sit apud meos meus. » Haec Hieronymus tribuit Senecae modestiae; atqui Paulus apud Christianos erat summo in pretio, ut pote apostolus, qui plus omnibus laboravit. An Seneca optat talis esse apud suos, hoc est, ethnicos? Verum hoc qui finxit, fortassis huc alludit, quod Tacitus refert, illum invidia multorumque criminationibus iam gravatum, egisse cum Nerone, ut opes ac dignitatem liceret ipsi resignare qui dederat. Sed quid refert magnus ne sit an humilis, modo sit apud idolatras: optare potius debuit, ut sibi liceret vel inter humiles Pauli discipulos numerari. Talis vox poterat illum commendare Christianis affectibus. Postremo si verum est quod hae fiunt epistolae, quis unquam Christianus sibi fuit supplicii minister? Quis in uxore sua probavit, ut citra necessitatem sibi mortem conscisceret. Sed in balneum calidum illatus quum iam deficeret, sparavit aquam sanguine mixtam, et Socraticum quiddam referens dixit: « Hoc libo Iovi liberatori » per Iovem, ut aiunt, liberatorem, verum deum intelligens. Adeo ne moriens quidem ausus est nominare Christum (1). Sed ego nimis multa de re nibili.

(1) Addenda sunt quae, in supra laudata Epistola, idem Erasmus scripsit de eadem re: « Illis non assentior, qui certant Senecam facere Christianum Nicodemo similem, qui quum nullum haberent argumentum probabile, praeter epistolae, quas post docebimus a studioso quae iam fuisse confictae, nullum prorsus habent argumentum, nisi quod eubodem Caesare vixerunt Romae. Sed fingamus Sroecam, quo non alius de contemneuda morte scripsit unquam, vel saepius vel fortius, adeo fuisse meticalosum, ut ne in scriptis qui-

dem extrema senecta proditis osquam subindicarit suam profectioem; tam evolutum, ut nihil euholuerit Neroni, qui quum illum decrevisset e medio tollere, et ceuies commotitias praetexeret, Christianismi crimen non obiecit; illud quo colore defendemus, quod in extremis scriptis subinde loquitur deos et deam, subinde dubitat, num quid hominis superet a fanere? Ut laudiamur esse sine metu mortis dissimulare Christianum, impia certe dissimulatio est, quae pietatem impietate dissimulat. Aliud est veste profana Christum occultare, aliud

I. SENECA PAVLO SALVTEM.

Credo tibi, Paule, nuntiatum esse, quod heri cum Lucilio nostro de apocryphis et aliis rebus sermonem habuimus. Erant enim quidam disciplinarum tuarum comites nobiscum. Nam in hortos Sallustianos secesseramus, quo in loco occasione nostri alio tendentes, hi de quibus dixi, visis nobis adiuncti sunt. Certe tui praesentiam optavimus. Et hoc scias volo, libello tuo lecto, id est, quum legissemus de plurimis aliquas epistolas, quas ad aliquam civitatem, seu caput provinciae direxisti, mira exhortatione vitam mortalem continentes, usque refecti sumus. Quos sensus non puto ex te dictos, sed per te, certe aliquando ex te et per te. Tanta enim maiestas earum est rerum, tantaque generositate clarent, ut vix suffecturas putem aetates hominum, quibus institui perficique possint. Bene te valere, frater, cupio.

II. SENECAE PAVLVS SALVTEM.

Litteras tuas hilari heri accepi, ad quas rescribere statim potui, si praesentiam iuvenis, quem ad te missurus eram, habuissem. Scis enim quando, et per quem, et quo tempore, et cui quid dari committique debeat. Rogo ergo ne putes te neglectum, dum personae qualitatem respicio, sed quod litteris meis vos bene acceptos alicubi scribis, felicem me arbitror tanti viri iudicio. Neque enim hoc dicere censor, sophista,

est libris editis pugnare cum Christi dogmatibus, et aliud est sllere de Christo, aliud illo indigna loqui. Sed

quorsum attinet hoc commentum? An ut libros illius Christianis hominibus commendat? »

magister tanti principis, etiam omnium, nisi quia vere dicis. Opto te diu bene valere.

III. SENECA PAVLO SALVTEM.

Quaedam volumina ordinavi, et divisionibus suis statum eis dedi; ea quoque legere Caesari sum destinatus, et si modo sors prospere annuerit, ut novas aures afferat, eris forsitan et tu praesens. Sin alias, reddam tibi diem, ut invicem hoc opus inspiciamus, et possim non ei prius edere hanc scripturam, nisi prius tecum conferam, si modo impune hoc fieri potuisset, ut scires et te non praeteriri. Vale, Paulo carissime.

IV. SENECAE PAVLVS SALVTEM.

Quotiescumque litteras tuas audio, praesentiam tuam cogito, nec aliud existimo, quam omni tempore te nobiscum esse. Quum primum itaque venire coeperis, invicem nos de proximo videbimus. Bene te valere opto.

V. SENECA PAVLO SALVTEM.

Nimum tuo angimur secessu. Quid est, vel quae res te remotum faciunt? Si indignatio domini, quod a ritu et secta veteri recesseris, et aliorum conversus sis, erit postulandi locus, ut ratione factum, non levitate hoc existimetur. Vale.

VI. SENECAE ET LVCILIO PAVLVS SALVTEM.

De his quae mihi scripsistis, non licet harundine et atramento eloqui, quarum altera res notat et de-

signat aliquid, altera evidenter ostendit; praecipue quum sciam inter vos esse, id est, apud nos, et in vobis qui me intelligant; honor habendus est omnibus, tanto magis quanto indignandi occasionem captant: quibus si patientiam demus, omnimodo eos quaqua parte vincemus, si modo hi sunt, qui poenitentiam sui gerant. Bene valete.

VII. SENECA PAVLO ET TROPHILO SALVTEM.

Profitetur bene me acceptum in lectione litterarum tuarum, quas Galatis, Corinthiis, et Achaeis misisti. Et ita invicem vivamus, ut etiam cum honore divino eas exhibeamus. Spiritus enim sanctus in te excelsior, et sublimior et super te excelsos et sublimiores satis venerabiles sensus exprimit. Vellem itaque quum res eximias proferas, ut maiestati earum cultus sermonis non desit. Et ne quid tibi, frater, surripiam, aut conscientiae meae debeam, confiteor Augustum sensibus tuis permotum, cui lecto virtutis in te exordio ista vox fuit, Mirari eum sic posse loqui, ut qui non legitime imbutus sit, taliter sentiat. Cui ego respondi, solere deos ore innocentium effari, aut eorum qui praevaricari doctrina quidem sua possunt, et dato ei exemplo Vaticani hominis rusticuli, cui quum duo viri apparuissent in agro Reatino, qui postea Castor et Pollux sunt nominati, satis instructus videtur. Vale.

VIII. PAVLYS SENECAE SALVTEM.

Licet non ignorem Caesarem nostrum rerum admirandarum si quando deficiet amatorem esse, permittes tamen te non laedi, sed admoneri. Puto enim te gra-

viter fecisse, quod ei in notitiam perferre voluisti, quod ritu et disciplinae eius sit contrarium. Quum et ille enim gentium deos colat, quid tibi visum sit, ut hoc eum scire velles non video, nisi nimio amore meo facere te hoc existimo. Rogo te de futuro, ne id agas. Cavendum est enim ne dum me diligis, offensam domini facias. Cuius quidem offensa, nec oberit, si perseveraverit, neque si non sit, proderit. Si est regina, non indignabitur; si mulier est, offendetur. Bene vale.

IX. SENECA PAVLO SALVTEM.

Scio te non tam tui causa commotum litteris, quas ad te de editione epistolarum tuarum Caesari feci, quam natura rerum, quae ita mentes hominum ab omnibus artibus et moribus rectis revocat, ut non hodie admirer: quippe ut is, qui multis documentis hoc iam notissimum habeam. Igitur nove agamus; si quid facile in praeteritum iam factum est, veniam irrogabis. Misi tibi librum de verborum copia. Vale, Paule carissime.

X. PAVLYS SENECAE SALVTEM.

Quoties tibi scribo, et nomen meum tibi subscribo; gravem et sectae meae incongruentem rem facio. Debeo enim, ut saepe professus sum, cum omnibus omnia esse, et idem observare in tuam personam, quod lex Romana honori senatus concessit, perlecta epistola, ultimum locum eligere, ne cum aporia et dedecore cupiam efficere, quod mei arbitrii fuerit. Vale, devotissime magister. Data v. Cal. Iulii, Nerone IIII. et Messala Consulibus.

XI. SENECA PAVLO SALVTEM.

Ave, mi Paule carissime. Putas me haud contristari, et non luctuosum esse, quod de innocentia vestra subinde sumuntur supplicia. Dehinc quod tam duros, tamque obnoxios vos reatu omnis populus iudicet, putans a vobis effici, quicquid in urbe contrarium sit. Sed feramus aequo animo, et utamur foro, quod sors concessit, donec invicta felicitas finem malis imponat. Tulit et priscorum aetas Macedonem Philippi filium, et post Darium, Dionysium; nostra quoque Caium Caesarem. Quibus quicquid libuit, licuit. Incendium urbs Romana manifeste saepe unde patiatur, constat. Sed si effari humilitas humana potuisset, quid causae sit, et impune in his tenebris loqui liceret, iam omnes omnia viderent. Christiani et Iudaei quasi machinatores incendii, supplicio affici solent. Grassator iste quisquis est, cui voluptas carnificina est, et mendacium velamentum, tempori suo destinatus est, et optimus quisque unum pro multis donatum est caput. Ita et hic devotus pro omnibus igni cremabitur. Centum triginta duae domus, insulae quatuor, sex diebus arsere; septimus pausam dedit. Bene te valere, frater, opto. Data v. Calend. April. Apronio et Capitone Coss.

XII. SENECA PAVLO SALVTEM.

Ave, mi Paule carissime. Nisi mihi nominique meo vir tantus et ad id delectus omnibus modis, non dico fueris iunctus, sed necessario mixtus, actum est de Seneca tuo. Quum sis igitur vertex, et altissimorum omnium montium cacumen, noli latere; ita sim tibi proximus, ut alter similis tui deputer: haud itaque

te indignum prima facie epistolarum nominandum censeas, ne tam tentare me, quam ludere videaris; quippe quum scias civem esse te Romanum. Nam qui tuus est apud tuos locus, velim, ut apud meos sit meus. Vale, mi Paule carissime. Data x. Cal. April. Apronio et Capitone Coss.

XIII. SENECA PAVLO SALVTEM.

Ave, mi Paule carissime. Allegorice et aenigmaticè multa a te usquequaque opera conduntur, et ideo rerum tanta vis et numeri tibi tributi, non ornamento verborum, sed cultu quodam decoranda est: nec vereare quod saepius te dixisse retineo, multos qui talia affectent sensus corrumpere, rerum virtutes eviscerare. Caeterum mihi concedas velim, latinitati morem gerere, honestis vocibus speciem adhibere, ut generosi numeris concessio digne a te possit expediri. Bene vale. Data II. Nonis Iulii, Catone et Sabino Coss.

XIV. PAVLVS SENECAE SALVTEM.

Perpendenti tibi ea sunt revelata, quae paucis divinitus concessit. Certis igitur ego in agro iam fertili semen fortissimum sero, non quidem materiam quae corrumpi videtur, sed verbum stabile dei derivamentum crescentis et manentis in aeternum, quod prudentia tua assecuta est, indeficiens fore debet, Ethnicorum Israhelitarumque observationes censere vitandas. Novum te auctorem feceris, Christi Iesu praeconiis ostendendo rhetoricis irreprehensibilem sophiam, quam propemodum adeptus regi temporali, eiusque domesticis atque fidis amicis insinuabis, qui-

bus aspera et incapabilis erit persuasio, quum plerique eorum minime flectantur insinuationibus tuis, quibus vitale commodum sermo Dei instillatus, novum hominem sine corruptela, perpetuam animam parit ad Deum isthinc properantem. Vale, Seneca carissime nobis. Data Calendas August. Catone et Sabino Coss.

IVSTI LIPSII
PHYSIOLOGIAE

STOICORVM

LIBRI TERTI;

L. ANNAEI SENECAE

ALIORVMQVE VETERVM SCRIPTIS,

IN PRIMITIS

QVAESTIONIBVS NATVRALIBVS ILLVSTRANDIS.



IVSTI LIPSII
PHYSIOLOGIAE
STOICORVM

LIBER PRIMVS.

DISSERTATIO PRIMA.

*Aditus in sermonem: aliquid de ordine in docenda Philosophia,
iuxta Stoicos. Placere quibusdam, et nobis, a Physicis ordiri.*

AVNITOR. *Manuductio* tua nuper me ad stoicam philosophiam duxit; nondum in ipsam; et in aditu ac vestibulo videor hæ-
rere. Lusto animi oculis sublime, pulchrum, ædificium: ec-
quid inducis, et interiora illa das usurpare? **LIRSIVS.** *Pæne*
sequi petis: in via posui, et iure perducam. Sed et otium nunc
ac feriae: quas ubi melius utiliusque, quam in hoc studio ac
meditatione, tecum ponam? Aristotelem memini scribere (*VIR*
Polit. cap. xv.): « Fortitudine et tolerantia in negotio opus
esse, Philosophia in otio. » Pulcherrime, ubi res et opus, ex-
serenda sunt quæ Philosophia docuit, et robur animi osten-
dendum: ubi quies et cessatio, illa usurpanda, et præceptis
eius parandi atque instruendi velut ad aciem sumus. Sed tu
ecquid vacuus, et avidus? **AVD.** Vacuus? vasculum vides inane,
et optimi liquoris tamen capax. Avidus? vix somnus mihi quie-
tus, ita turbat hoc desiderium et cupido. Gratificare, exple, et
siste. **LIRS.** Sede, et sedabo hanc sitim, pro mea quidem co-
pia, et captu. Nam ardua, sed ita me Deus, pulchra, splen-
dida, augusta aggredimur: quæ autem cum Lucretio, I, 49;

Iam tibi de summa caeli ratione, denique;
Disserere incipiam, et rerum primordia pandam.

Haec enim Philosophia, et praesertim Physiologia, promittit. Scis porro et audisti, tria esse Philosophiae membra, *Logicam*, *Physicam*, *Ethicam*, ordine tractanda: sed quo, dabitur. Laërtius Stoicos ipsos dissentire inter se ait (in Zenone): « Et quosdam mixtim has Partes (alii Locos, alii Species, quidam Genera appellarunt) tradere ac docere, qui censent etiam inter se confusas mixtasque esse. Alii dividunt, inquit, et primam Logicam statuunt ac docent; dein Physicam; postremo Ethicam ipsam: quae sententia est Zenonis, Chrysippi, Archidemi. Alii autem ab Ethica incipiunt, ut Diogenes; alii hanc secundo loco constituunt, ut Apollodorus. Porro autem Panaetius et Posidonius a Physica initium sumunt. » Haec in Laërtio ita leges, parte una ambigenda, quae est de *Chrysippo*. Nam ipsa eius verba in Plutarcho habes (de Stoic. pugnis, initio), ubi *Ethicam secundo loco* tradi vult, ut Apollodorus; non autem *tertio*, ut hic Laërtio scriptum. Sed plerique tamen *Physicam* ultimo loco statuunt: et in ipsa Physica locum de *Diis* ultimum: « Ideoque, ait Chrysippus (Ibid.), et Teletas (ea vox Graecis *Finem* significat, itemque *Sacrorum initiationes, et ritus*) appellarunt, traditiones de Divinis. » Haec ita illi: nobis in dissensu, Panaetii et Posidonii, magnorum auctorum, sententia placeat, et consentiam sciscamque *Physica* primo loco tradi. Puerisoc? non mebercules: sed qui paulum maturiores ad disciplinam hanc accedunt. Voluptas in ea parte maior, idonea ad alliciendum et tenendum; dignitas etiam maior, et splendor, admirationi excitandae; denique animi praeparatio et cultus, ad *Ethicam* cum fructu audiendam. Itaque ut de *Logica* ambigere aliquis iure possit, an non praecet; sic de *Ethica*, vix debet. In *Logica* enim manifestior ratio, quod acuit animos, et ad Veri Falsique discrimen et iudicium format: imo et viam modumque Scientiae sternit. Itaque, ut verum fatear, aliqua eius notitia, sed summaria, utiliter praemittatur: caetera seponi possunt, immo et argotiae multae abiici aut deponi. « Quae dementia est, supervacua discere in tanta temporis egestate? » (Sen. Ep. XLVIII.) Nos autem eam hic insuper habemus, Auditor: quia et Aristotelem illa accurata (*Logica*) imbutam te scio; et in Stoicas spinas non lubet nunc ingredi, quum in tristitia hac temporum suavis aliquod pabulum animo conveniat, reficiendo et erigendo.

DISSERTATIO II.

*Physica laudata. Naturam communem et nostram eo ducere :
fructum etiam invitare.*

Potestne autem suavius, honestius, utilius isto *Physicorum*? Natura totum sinum suum offert, et pandit: supera, media, infera; caelum, terras, ignem, aquas, aëra; quidquid iis continetur, Deum, Genios, Homines? ad haec spectanda et noscenda iuvat. Quem enim alium, quam te, id est, Hominem? « Non habet Natura inter maxima operum suorum, quo magis gloriatur, aut cui gloriatur »: ut scitissime Seneca dixit (de Benef. IV, cap. 23). Naturam dixi, intelligo Deum. Epictetus: « Deus hominem induxit in hunc Mundum, inspectorem et arbitrum sui, atque operum suorum: nec solum inspectorem, sed enarratorem. » Ita certe. Magna haec et pulcherrima moles, tot varia et magna per eam sparsa, hominis causa condita: homo autem, ut Deum norit, tum et ista; « Ne tanta eius opera sine teste sint. » (Sen. de Vit. Beat. c. 31.) Itaque iuvat eo, ut dixi, atque adeo corpus et habitum nostrum huc direxit. « Ille certe vultus nostros erexit in caelum, et quidquid magnificentum mirumque fecerat, videri a suspicientibus voluit. » (Epist. xciv.) Ipse etiam animus eo ducit, vagus natura, et varietate ac novitate rerum laetissimus. Ille in hoc corpore, velut in custodia clausus, premitur: nisi contemplatio accedit, « Quae illum respirare rerum Naturae spectaculo iubeat, et a terrenis dimittat ad divina. Haec libertas eius, haec evagatio est: subducit interim se custodia, in qua tenetur, et caelo reficitur. » (Epist. lxxv.) Caelo, atque etiam terra: cuius incola est: et totius mundi civis, nosse patriam suam avet. Quid incola? immo advena, et ut in magnum conventum ac panegyrum qui veniunt, partim emunt, partim vendunt, honestissimi quique spectandi gratia fruantur: sic iste ingenuus, et altae originis suse memor, non emit, vendit, agellos, pecudes, aedes, magistratus; sed causas magni conventus; et quae in eo, inquit: Quis mundum huic condidit? quis administrat? quae illa mira in aëre, tonitru, fulmen, venti? qui in caelo pereuntes et lucidi ignes? Mare cur vias suas fluendi refluendique habet? in terra quid est quod eam concutit et movet? Atque in hac inquisitione deinde mulceus quaedam, et simul percellens, admiratio: quae mater, ut sic dicam, Sapientiam parit. Plato

(in Themetico.): « Valde Philosophi illa affectio est, Admirari neque alia origo et initium Philosophiae, quam ista. » Nobilis discipulus, ab eo (Aristot. I, Post. phys. cap. 11): « Propter Admirationem, homines olim, et nunc Philosophari coeperunt. » Ita est: ab illa inquirere in causas rerum coeperunt; et reperi- tis, ipsa desiit: secutusque pulcherrimus Philosophiae fructus, *Nil admirari*. Ab inquisitione enim cognitio et Veritas: « Qua nollus animo suavior est cibus. » (Lactant. I, cap. 1.) Seneca noster apposite (VI Nat. Quaest. cap. 4): « Quod erit pretium operae? quo nullum maius est, nosse naturam. Neque enim quidquam habet in se huius materiae tractatio pulchrius, quoni- multa habeat futura usui, quam quod hominem magnificentia sui detinet: nec mercede, sed miraculo colitor. » Et meher- cules in ipsa ea cognitione alii etiam fructus, ut Seneca taogit. Quid? duo praecipui, Modestia, et Magnanimitas, quos Cicero (IV de Fin.) porrigit et revelat: « Modestiam quamdam, in- quit, rerum caelestium cognitio affert iis qui vident, quanta sit etiam apud Deos moderatio, quantus ordo: et magnitudinem animi, Deorum opera et facta cernentibus. » Verissime: nec ad Modestiam solum ab illa moderatione componimur, sed etiam a comparatione nostri nostrorumque; et quam vilia, fugacia, le- via haec omnia, prae illis augustis et aeternis sint. Idem Cicero alibi (Acad. prior. II) de utroque affecto: « Erigimur, elatiore fieri videmur, homines despiciamus; cogitantesque sopra atque caelestia, haec nostra, ut exigua et minima contemnimus. » Tunc scilicet iuvat, « ioter sidera ipsa vagantem, divitum pa- vimeota ridere, et totam cum auro suo terram. » (Senec. I Quaest. Nat. Praef.) Et in ea deinde parte « terrarum orbem despicientem, angustum, et magoa ex parte mari opertum, di- cere: hoc est punctum, quod inter tot gentes ferro et igni di- viditur. » (Ibid.) Quid autem, quum homines videt varia et magna, ut potant, molientes? mercimonia, vadimonia, bella, agitantes? quid dicunt nisi

It nigrum campis agmen?

Et revera, « fornicarum iste discursus est, in angusto labo- rantium. » (Ibid.) Itaque, mi Auditor, suavitate et fructu im- pulsi, huc eamus:

..... Caelum, mare, sidera, solcum
Lunaeque globum

avidius lustramus; et totum hunc Naturæ sinum excolentes, opibus donisque piis, gaudi gratique perfruemur.

DISSERTATIO III.

Physicæ partitio; et a Principiis ordiendum videri primumque a Deo et divinis; quæ pars Theologia Naturalis dicta.

AVD. Ah! fruamur, iam induc me, et ostende. LRS. Diffusum et multiplex opus est: sed ordine et compendio contrahemus. Stoicorum partitio hæc fuit, ex Seneca (Epistola LXXXIX): « Naturalis pars Philosophiæ in duo scinditur, Corporalia et Incorporalia. Vtraque dividuntur in suos, ut ita dicam, gradus. Corporum locus in hos primum, in ea quæ faciunt, et quæ ex his Gignuntur. Gignuntur autem Elementa. » Itaque duplex erat tractatio, *Corporum* et *non-Corporum*. Ad Corpora spectant Principia, id est, Senecæ verbis, *Quæ faciunt*; et deinde *Elementa*, quæ scilicet fiunt, et *ex his Gignuntur*. Elementorum nomine ipse Mundus comprehenditur, qui quatuor his præcipuis membris constat: et reliqua minora deinde ex illis fiunt. *Non corpora* autem sunt Stoicis (postea videndum lib. II, Dissert. v) *Vacuum*, *Tempus*, *Locus*, *Categorema*, et si quid est tale. Sex ex Senecæ igitur verbis ordiri a Principiis debemus: et ratio eo ducit, a simplicibus ad composita facere gradum. Duo ea sunt, *Deus* et *Materia*, quod statim diducam: ergo a Deo ordiendum, quod faciemus cum bono ipso Deo. Hæc pars *Theologia* Græcis dicitur, interdum *Prima Philosophia*, aut simpliciter *Sapientia*, ab eminenti scilicet dignitate. Nam quid maius aut amplius, quam Deum et divina intueri, agnoscere? ipsum illum *Principem*, minores *Genios*, *Providentiam*, *Fatum*, et quæ adhaerent? Est autem ista Theologia, *Naturalis* antiquis dicta: quia vel aperit naturam istorum, vel et causas in vero, et in natura habet. Nam alioqui triplex fuit *Theologia*, Varrone apud Augustinum (VI De Civit. D. c. 5) pulchre distinguente: « Fabularis, Naturalis, Civilis. Fabularis, qua maxime utuntur Poëtæ; Naturalis qua Philosophi; Civilis, qua Populi. » Addit deinde, et partite explicat: « Primum genus quod dixi, in eo sunt multa contra dignitatem et naturam immortalium ficta. In hoc enim est, ut Deus aliquis ex capite, aliquis ex femore sit, alius ex guttis sanguinis natus: in hoc, ut Dii furati sint, ut adulteraverint, ut servierint ho-

mius. Denique in hoc omnia Diis attribuantur, quae non modo in hominem, sed etiam quae in contemptissimum hominem cadere possunt. At secundum genus est, quod demonstravi, de quo multos libros Philosophi reliquerunt. In quibus est, Dii quid sint, Vbi, Quod genus, Quale, Ex quouam tempore, an semipiterno fuerint: an ex Igne sint, ut credit Heraclitus; an ex Numeris, ut Pythagoras; an ex Atomis, ut Epicurus. Sic alia, quae facilius intra parietes in schola, quam extra in foro ferre possunt aures. Tertium genus est, quod in urbibus cives, maxime sacerdotes, nosse atque administrare debent. In quo est, quos Deos publice colere, quae sacra et sacrificia facere quemque par sit. » Et clausula eius, ac iudicium: « Prima Theologia maxime accommodata est ad theatrum; secunda ad mundum; tertia ad urbem. » Ex quibus liquet, ait Augustinus, illum palmam tribuere « Secundae, quam pertinere testatur ad Mundum, quo isti nihil excellentius optinantur in rebus. » Observa de Mundo; quidni autem ad eum pertinet *Naturalis Theologia*, quum ipse *Natura* sit rerum; mox docendum; et Dii hanc sedem habeant, ac regnum? Itemque observa, *istos excellentius opinari*: quos *istos*? Stoicos proprie, qui Mundum etiam faciunt Deum. Ecce igitur Theologiam, de qua nobis disserendum, et primo quidem: sive quia *Deus* Stoicis inter prima Principia, ut dixi; sive quia dignitas hoc postulat, et primum summumque illud rerum inter prima dici. Priorem rationem etiam Cicero expressit (De Univ.): « Qui intelligentiae Sapientiaeque se amatorem profitetur, necesse est Sapientis intelligentisque Naturae (id est, Mundi) primas causas conquirere: deinde secundas rerum earum quae necessario movent alias, quum ipsae ab aliis moventur. » Ades igitur animo, et ad alta haec atque divina mecum transcede. Non enim, ut plerique alii Philosophi, pauca et tenuia de his Stoici, sed ubertim et accurate scripserunt: et quauquam pauca exstent, tamen vel ex iis videbis et miraberis, quo mentem miserint, et quam ad ipsius Veri saepe metam. O quam deceat germanum Philosophum! qui, quantum potest, « animum deducit a corpore, et multum cum meliore ac diuina parte versatur: cum hac querula ac fragili, quantum necesse est. » (Sen. Epist. LXXVIII.) Itaque de illo vere dicitur:

Mente Deos adiit, et quae Natura negavit
Visibus humanis, oculis ea praetoris hausit.

Quidni autem adeat? illinc ortus, illuc redit: « et hoc habet

argumentum divinitatis suae, quod illum divina delectent: nec ut alienis interest, sed ut suis. » (Natur. Quaest. I, in Praef.) Atque non capiet, inquires. Conabitur, et vel vestigiis aliquid indagasse, quid assecutum esse? delectabit: Aristoteles hoc pulchre (De part. anim. I, cap. ult.): « Et si res mortales istas inferasque, quod esse propiores nobis et magis familiares sint, plenius nosse possimus: tamen res illas superas si vel leviter attingere datur, ob eas notitiae excellentiam, illa ipsa levi magis pascimur et oblectamur, quam si ista universa norimus. Non aliter quam amatoribus suavius est, amicae suae vel partem oculo delibare, quam aliarum tota membra corpusque inspicere. » Pulchre, inquam: et tantum interest inter utrasque illas notitias, quantum inter humum et caelum, hominem et Deum. Conemur igitur « alia quidem (ut cum Ocello dicam, De Natur. Universi) certis indiciis signisque ab ipsa Natura discentes; alia opinione etiam, Rationis auxilio, ad id quod probabile est intellectu ducente, assequentes. » Nam certa et plena horum scientia, uni Deo convenit: quod Plato tibi dicat (In Apolog.): « Ita est, solus Deus revera sapiens habendus: et humana omnis sapientia, in parvo, aut nullo est. » Itaque iam nunc ad Modestiam te meque voco; me disserendi aut asserendi, te censendi vel assentiendi: et cum Aristotele praescribo, « nunquam nos verecundiores esse debere, quam quum de Diis agitur. » O iure! o merito! « Si enim intramus templa compositi, si ad sacrificium accessuri vultum submittimus, togam adducimus, et in omne argumentum Modestiae fingimur, quanto hoc magis facere debemus, quum de sideribus, de stellis, de Deorum natura disputamus? ne quid temere, ne quid imprudenter aut ignoranter affirmemus: aut scientes mentiamur. » (Sen. VII Quaest. Nat. cap. 30.)

DISSERTATIO IV.

Duo rerum Principia Stoicis esse, Efficiens et Patiens: illud, Deum: hoc, Materiam.

HABES de Theologia: ordiamur, et quidem a Principiis primis. En differunt ab *Elementis*, quod clarum est: etsi Seneca etiam hac voce visus comprehendere in hisce verbis (Epist. LXXXIX): « Ipse Elementi locus, ut quidam putant, simplex est: ut quidam, in Materiam et Causam omnia moventem, et

SEN. TOM. IV.

G g

Elementa dividitur. » Itaque quidam una voce et loco utraque illa Principia comprehendebant: alii aliter, quibus Stoici, opinor, nostri accedebant. Nam Laërtius, inter Stoica: « Differre aiunt Principia et Elementa; nam illa, geniturae et corruptionis esse expertia; haec autem, in Universi conflagratione interire. Item (1) corpora sed informia esse Principia; haec autem formas suscipere (2). » Clarum est, neque aliter Plato et Aristoteles censuerunt. Elementa prius aliquid habent, et ipsa e Principiis oriuntur: at Principia ideo dicta, quia nihil iis prius, et causam ut sint praebent aliis, causam ipsa non agnoscunt. Variis varia sunt, et vix ulla in re maior, quam in hoc capite, dissensus: sed Stoici duo ea ponunt, *Agens* et *Patiens*: sive Deum, et Materiam. Laërtius: « Videtur Stoicis duo esse universorum Principia, Efficiens et Patiens. Et Patiens quidem, qualitatis exsortem essentiam, Materiam: Efficiens autem, Rationem quae in ipsa est, sive Deum. » Seneca item diffuse (Epist. LXV): « Dicunt, ut scis, Stoici nostri, duo esse in rerum natura, ex quibus omnia fiant, Causam et Materiam. Materia iacet iners, res ad omnia parata, cessatura si nemo moveat: Causa autem, id est, Ratio, Materiam format, et quocumque vult, versat: ex illa varia opera producit. Esse ergo debet aliquid Vnde fiat, deinde a Quo fiat: hoc Causa est, illud Materia. » Et statim: « Querimus quid sit Causa? Ratio faciens, id est, Deus. » Iterumque: « Nempe universa ex Materia, et ex Deo constant. » Cicero (Acad.): « Naturam dividebant in res duas, ut altera esset Efficiens, altera autem quasi huic in praebens, ex qua efficeretur aliquid. In eo quod Efficeret, Vim esse censebant: in eo quod efficeretur, Materiam quamdam: in utroque tamen utrumque. Neque enim Materiam ipsam cohaerere potuisse, si nulla Vi containeretur; neque Vim sine aliqua Materia. Nihil est enim, quod non alicubi esse cogatur. » In quo tamen opinio, si non error vetus notandus, censentium Materiam simul Deo aeternam, nec alterum sine altero fuisse. Observa etiam, *Naturam sive dividi*; quod Platonice est, itemque Stoicum: et in illorum dogmatis Apuleius (De Dogmate Plat.): « Τὰς οὐσίας, quas Essentias dicimus (sive Naturas), duas esse ait Plato, per quas cuncta gignantur, Mundusque ipse; quarum una, cogitatione sola concipitur (Deus): altera, sensibus sub-

(1) De hac lectione non sententia dico lib. II, infra, Dissert. v.

(2) Eadem Stob. in Physic. cap. 13, et Plutarch. I De Plat. cap. 11.

icii potest », quae est Materia. Itemque de eo Laertius (In Platone): « Duo rerum omnium Principia Plato statuit, Deum et Materiam; quem illum etiam Mentem appellat, et Causam. » Haec autem vetus, et ab ipso Homero (Odys. 8) est opinio, ut censent, qui « Proteum, et Eidotheam induxit allegorice; primam quidem et principem causam (ipsa vox dicit) Proteum appellans: quae autem in species vertitur Essentiam, Eidotheam. » (Empir. adv. Mathem.) Quid Thales; *Mentem* et *Aquam* Initia posuit: recta interpretatione, Deum et Materiam. Pythagoras idem: cui *Μένις*, *Ψυχο*, est Mens, sive Deus; *Δυσκ*, *Βινιο*, Materia. Simile in plerisque aliis, si lubet examinare: et veritas haec multis innotuit.

DISSERTATIO V.

Ea ipsa, Naturas appellari: sed eminenter, Deum. Itemque Mundum in hoc nomen venire.

Diximus *Essentias* sive *Naturas* duas esse: quod uberius paulo diducendum est, et mens ac sermo hic Stoicorum explicanda. Lactantius praecat (lib. VII, c. 3): « Stoici Naturam in duas dividunt partes; unam quae Efficiat; alteram, quae se ad faciendum tractabilem praestet. In illa prima esse Vim faciendi; in hac Materiam, nec alterum siue altero esse posse. Ita isti uno Naturae nomine res diversissimas comprehenderunt, Deum et Mundum, Artificem et Opus, dicuntque alterum sine altero nihil posse, tanquam Natura sit Deus Mundo permixtus. Nam interdum sic confundunt, ut sit Deus ipsa Mens mundi, et Mundus sit Corpus Dei. » Habes fere quae Cicero supra, sed paulo magis explicata: videsque et Deum *Naturam* dici, et Materiam. Sed illum maxime, quatenus tamen insertus est Mundo, et molem hanc animat, continetque. Laertii ista mens (In Zenone): « Naturam modo dicunt, eam quae Mundum continet; modo illam quae gignit producitque super terram. » Prima illa dictio, est nostra: et Cicero palam huc adspexit, immo vertit, quum scripsit (II De Natur. deor.) « Natura est igitur quae Continet Mundum omnem, eumque tuetur: atque ea quidem non sine sensu atque ratione. » Sine sensu quomodo possit, quum ipsa sit illa « sentiens et intelligens », id est, Deus? Ideam scriptor: « Mundum et eius partes Natura sentiente teneri, in qua Ratio perfecta inest, quae sit eadem sempiterna.

Quam vim animum esse dicunt Mundi, eandemque esse Mentem Sapientiamque divinam. » Vides clare, hanc Naturam, Mentem esse Dei et Rationem, uno verbo Deum: quid enim in illo, nisi nostra distinctione, distinctum? Seneca (IV De Benef. cap. 7): « Quid aliud est Natura, quam Deus, et divina Ratio, toti mundo et partibus eius inserta? » Et alibi (II Quaest. Natur. cap. 45) causam etiam appellationis adiungit: « Vis Deum et Naturam vocare? non peccabis; est enim ex quo nata sunt omnia. » Lactantius ponit hoc, et approbat (lib. II, cap. 9): « Melius igitur Stoicorum omnium acutissimus Seneca, qui vidit nihil aliud Naturam esse, quam Deum. » Ipsum hoc Plinius (lib. II, cap. 7), plurimum sane Stoicus: « Declaratur Naturae potentia, idque esse quod Deum vocamus. » Et iterum: « Hic est Deus, per quem intelligitur eadem, et parens rerum omnium et magistra, Natura. » Sed in verbis Lactantii etiam erat, « Mundum a Stoicis Naturam vocari. » Quod verum est, ut in Seneca (Consol. ad Helv. cap. 8): « Quocumque venerimus, eadem rerum Natura utendum est. » Plinio (lib. II, cap. 1): « Idemque mundus rerum Naturae opus, et rerum ipsa Natura. » Quid ita? quia Mundus et a Deo prima Natura factus est; et ipse ille insertus, facit Mundum dici Deum. Confundant igitur, ut Manilius (lib. I), obscuriusculo aliter versu:

Materiaeque datum est cogi, sed cogere Mundum:

quod est, Materiam pati; Deum agere, qui dicitur et Mundus. Atque eadem ista Natura rerum, *Communis* etiam Stoicis dicitur, ut a Particulari cuiusque rei abiungant. Sic Seneca (Consol. ad Helv. cap. 8): « Duo nos pulcherrima, quocumque movebimur, sequuntur, Natura Communis et propria Virtus. » Chrysippus apud Plutarchum: « Quod si aliqua communis Natura, et Communis etiam ipsius Naturae Ratio, nec Antipodas quidem latet. » Observa. Communis est Natura, atque etiam Ratio in ea Communis, quae omnia digerit et format. Longe enim Stoici nostri ab illis, qui brutam aliquam et sine sensu Naturam statuebant, omnia gignentem ac conservantem. Inter quos Strato Physicus nobilis, apud Lactantium (lib. De Ira Dei, cap. 10): « Habere Naturam in se vim gignendi et minuendi, sed eam nec sensum habere ullum, nec figuram. » Idem magnus ille Hippocrates videtur censuisse (VI Epidem.): « Iurecoit, inquit, ipsa sibi Natura vias non ex ratiocinatione. »

Et iterum: « Indocta est Natura, ex seipsa gnara eorum quae facere debet. » Profecto hi tales Divinitatem concutiant aut evertunt: « et quum vellent persuadere », ait Lactantius (lib. III, cap. 28), « nihil esse divini mente perfectum, Naturam dixerunt esse rerum omnium matrem: quasi dicerent, omnia sua sponte esse nata. » Et de iisdem ipsis: « Probabile est, inquit, Materiam rerum et habere et habuisse Naturam suam et vim. » Quasi igitur in ipsa Materia tale insitum quod produceret: sed brutum et sensus expers, ut Materia ipsa. Quod refellit idem egregie: « Quam vim potuit habere, nullo dante? quam Naturam, nullo generante? Si habuit vim, ab aliquo eam assumpsit: a quo autem assumere, nisi a Deo potuit? » Sed et Plato ostendit, olim sic fuisse qui desiperent plures. « Hoc multorum dogma est, inquit (In Sophista, et X De Legib.), Naturam omnia gignere sua sponte et vi, et sine Ratione aliqua producente. » Quid autem tu, Plato? Ego vero assero, inquit, « quod cum Ratione fiant, et divina scientia, et ab ipso Deo. » Iterumque alibi. (In Phileto): Naturam iuxta Rationem, et cum Ratione ac mente, cuncta adornare. »

DISSERTATIO VI.

Definitio Communis Naturae, id est, Dei. Ignem esse, et dici Stoicis, atque etiam priscis.

Sed quae est igitur Stoicis ista Natura, et quomodo definitur? Habes apud Laertium (in Zen.): « Censent ipsi Naturam esse ignem artificialem, via progredientem ad generationem, quod est, Spiritus ignis et artis similitudinem prae se ferens. » Ipsa haec definitio Zenoni tribuitur a Cicerone (II. de Natur. Deor.): « Zeno naturam definit, ignem esse artificiosum, ad gignendum progredientem via. » Quare *Ignem*? quia Stoici vim et vitam omnem Mundi, atque ipsum adeo Deum in igne ponebant, immo Deum esse. Sed ignem non quemcumque, non hunc nostrum corruptorem et corruptibilem; sed *artificiosum*; id est, artificem atque opificem, condentem ratione et velut arte, vegetantem ac servantem. Dixi *velut arte*, et Laertius bene interpretatur: simile duntaxat aliquid in eo spiritu ignis et artis esse. Cicero hoc explicat (II Nat. Deor.): « Artis enim maxime proprium esse creare et gignere: quodque in operibus nostrorum artium munus efficiant, id multo artificiosius Naturam. » Ita-

que dicitur ab iisdem « Natura, magistra artium reliquarum: » item, « provida et solers: » denique, « qua nihil potest esse callidius. » (Cic. pluribus loc.) Ideoque iidem Stoici plurimum generationi rerum *Rationem* praeficiunt, et sic loquuntur; ut Seneca (de Vit. beat. c. 32): « Quae Ratio mersa et confusa diduxerit. » Iterum: « incorporalis Ratio ingentium operum artifex. » Quia scilicet artifice hac ratione administrante Deus e confusa et rudi Materie omnia formavit. Haec igitur Natura: atque adeo haec est Deus. Semel enim et serio hoc discas, Ignem istum et *Naturam* ἐξόχως et eximie, supra Materiam, dici; eundemque Deum: et fieri omnia ab illo, atque etiam (ita locuti nostri supra, si observasti) ex illo. Nihil enim est sine mixtione hac aliqua Ignis. Itaque Stoici iidem hanc dictam definitionem trihunt etiam Deo. Plutarchus et Stobaeus aperte: « Deum Stoici dicunt εἶναι πῦρ τεχνικόν ὁδῷ βαδίζον ἐνὶ γενέσει κόσμου, ἐμπερικλυτός πάντας τοὺς σπερματικὰς λόγους, καθ' οὓς ἕκαστα καθ' εἰσπαύσαντων γίνονται: esse ignem artificiosum, via vadentem in generatione Mundi, continentem intra se omnes seminales rationes, iuxta quas singula Fato deinde fiunt. » Ait, ἐνὶ γενέσει, quod tamen in Athenagora (de Resurr.), ubi eadem haec descriptio, legitur, ἐνὶ γενέσει, in *generationibus*, quod non reficias, immo eligas pro Stoica mente, qui plures mundos, alium post alium, a conflagratione constituebant. Dicit et *Mundi*, non rerum singularium *generationem*: quia primum Dei opus illud est, et in eo, occultis Fati seminibus, singularium rerum ortus abortusque, et quod adhaeret, inclusi. Nam ignis ille *complectitur*, inquit, *in se rationes omnes seminales*: id est rerum omnium Ideas, sive exemplaria formasque, ut Plato appellat. Sed nostri *Seminarum* comparatione magis utuntur: quia inclusa in iis et occulta, quae mox produntur. Placuit et Trismegisto (cap. 14) haec imago. « Vides, inquit, agricolam, semen in terram proicientem, ibi frumentum, ibi hordeum, ibi aliud? Tale est Deus, qui in coelo quidem seminat immortalitatem, in terra mutationem, in universo motum et vitam. » Ecce seminales *Rationes*: et ipsa ea voce Damascenus noster utitur et agnoscit (de Orthodoxa fide, cap. 13): « Deus, inquit, omnium auctor est, et omnium quae sunt Rationes in se et causas iam ante habet. » Ipse, inquam, et habet et continet: ideoque bene e Stobaeo et Athenagora ἐμπερικλυτός protali, etsi in Plutarcho ἐμπερικλυτός editur, *continentis*, ut ad *Mundum* referatur. Ultimum deinde erat, « iuxta eas rationes Fato omnia

fieri, » quae est implexa series causarum, et rebus insita, locis suis et temporibus proferenda: de qua dictum alibi et dicendum. Iam haec, opinor, capis. AVD. Capió, non etiam probó; nam quis Deum ignem censeat, aut quae ratio huc duxit? LARS. Neque nimis tamen haec aliena a Ratione, immo a religione nostra cense, cui dictio ista alludit: non enim dicam, asscutit. De ratione, movit eos quod a calore aut igne omnem vigorem aut vitam viderent, ut tetigi; in ipso etiam Animo nostro scrímoniam et sensum. Itaque iamdiu autē Parmenides et Hippasus dixerant, » principium rerum Ignem esse; » quid nisi Deum? Heraclitus etiam apertius, Deum definivit: » Ambientem et circumculantem ignem aeternum, » id est astra et aethærum. Homerum etiam eo trahere possis, qui » divinum ignem » ideo dixisse videtur. Nam Hippocrates quidem apertissime (de Princip.): » Videtur mihi id quod Calidum, sive Ignem dicimus, immortale esse, et intelligere omnia, et videre, et audire, et scire omnia praesentia et futura. » Potest aliquid, autē vatos Stoicos, magis Stoicum? Tribuit enim Aeternitatem, Sensus, Intellectum, Scientiam et Praescientiam. Neque dissimilia Plinius de Deo: » Quisquis est, inquit, Deus, totus est sensus, totus visus, totus auditus, totus animae, totus animi, totus sui. » Quid mirum tota haec in eo esse, a quo sic largiter dimanant, partita omni aëro in omnes? Sed profanos ut omittam, sacri scriptores huc etiam eunt. Liceat Ter-maximum inter eos recensere, cuius philosophia valde cum Mosaica (in multis quidem) consentit. Ille passim Deum φῶς, sive Lumen; et Dei filium φωτισέν λόγον, *Lucidum verbum* appellat. Ille autem Stoicorum ignis Lux et Splendor verius est, cum calore tamen, quam densus aliquis Ignis. Eoimvero ipse Moises imaginem istam Deo donat: et apparuisse sibi scribit, in rubo ardente, Israëlitis praevisse, in columna ignis; sed et Ignis consumens alibi appellatur. Quid, quod sacer ille Spiritus in Apostolos venit et se ostendit, in Linguis igneis? Non quod ignem Deum dicamus; absit: sed quod illae » divinae proprietatis (verba Dionysii Areopagitae, cap. 15 de Divin. Nom.) inter haec quae sub oculos cadunt, plurimas imagines habeat. » Itaque Stoici hand nimis absurdi, si divinitatem illi dederunt: quod et consensu pleraeque gentes, velut natura praecunte, fecerunt, qui Vestam scilicet et ignem perpetuum coluerunt. De quo scripsimus aliquid in Syntagmate De Vesta.

DISSERTATIO VII.

Aliae definitiones Dei, in quibus, Spiritus, Animus, Mens, Ratio dicitur, et per omnia diffundi

At vero cautius etiam et veritati propius Stoici locuti, quum Deum definierunt non *Ignem*, sed *Spiritum Igneum*. Ita enim Posidonius, cuius haec verba in Stobaeo: «Deus est Spiritus intelligens et igneus, formam ipse non habens, sed in omnes se vertens, et omnibus assimilians.» Ait *Spiritum* esse, et quidem *intelligentem*: quis haec abonat? addit *Igneum*, et sensu aliquo feras, ut sit in illo puro et aethereo igne. Sic enim et Democritus: «Deum esse meutem in igne spherico.» Et Plato ap. Iustinum Martyrem, Deum locat «in ignea substantia.» Addit: «Formam non habere,» verissime et huc Lactantius adspexit, dum scripsit: «Stoici negant ullam formam habere Deum.» Sed quanquam ipse formam non habeat, non certe ullam adspectabilem, tamen omnes formas format, atque in iis se ostendit. Ipsa haec Posidonii ita Trismegistus (cap. 11): «Vnam quidem Ideam et formam Deus habet, quae propria est eius, sed quae humanis adspectibus non subiicitur, ut quae sit incorporea: et omnes tamen formas per corpora ostendit.» Itaque bene dicitur, Deum nemo vidit: et, omnes in omnibus quotidie vident. Sed redeo ad *Spiritum*, ne crassulos ita fuisse Stoicos opinemur. Idem igitur Posidonio iam ante Zeno dixerat: «Deum esse Spiritum, pertinentem per totum Mundum.» Quod tamen Cicero vertit (I de Nat. Deor.): «Rationem quamdam, per omnem naturam pertinentem:» et ipsa haec attribuit Zenoni. Nam *Rationem* aut *Spiritum* dicens, haud interest, aut leviter interest; sicut si *Animam*, *Animum*, *Mentem* (nam et sic appellant); nisi quod illa nobilior Animae pars *Animus*, *Mens*, *Ratio* magis suavit vocari. Ita enim iterum hoc ipsum aliter Cicero, sed Pythagorae adscribit (Ibidem): «Deum esse Animum, per Naturam rerum omnem intentum et comitantem.» E quo totidem verbis Minutius Felix eleganti illo Dialogo transcripsit. Est igitur haec omni a; et sic Virgilius:

Spiritus intus alit, totamque infusa per artus
Mens agitat molem.

Et Cicero (Acad. II, §. 119): Mundum esse Sapientem, et habere mentem, quae et se, et ipsum fabricata sit et omnia mo-

deretur, moveat, regat.» *Mundum*, inquit, *fabricata* est: scimus, sed quod praestit, et se *fabricatam* esse, quo sensu verum erit? Nam Mens quidem illa aeterna: nisi velit, in exustione Mundi, hanc Mentem confusam cum Materie sedem et splendorem nondum habere; fabricare ea sibi et disponere in condito iam mundo. Sed simplicius fortasse scribi: *quae et ipsum fabricata*. At his etiam nominibus Iulius Firmicus, iurissimus Stoicus, Deum describit (lib. I, Mathica.): «Mens illa divina, Animusque caelestis per omne mundi corpus, in modum circuli collocatus, et nunc intrinsecus positus, cuncta regit atque componit: et propria originis generatione conceptus, se ad creanda et conservanda omnia, ignita et sempiterna agitatione perpetuat.» Quae verba rebus foeta et graviora, aperienda et educenda leviter in lucem sunt. *In modum circuli* collocat: quia in Aethere *Principale* hoc (mox dicendum) ponunt. Addit, *intrinsecus et extrinsecus esse*, id est, in Mundo, et extra eum in Vacuo ferri: atque ut Seneca loquitur (I Natur. Quaest. in Praefat.) «Opus suum intra et extra tenere.» Deinde, *propria originis generatione conceptum*: quod sane illa Tullii affirmat, aut explicat, et iam nil mutemus. Ita enim et Seneca in *Fragm. XII*. Conceptus et genitus, sed a se dici potest: quia in Chao, ut dixi, quum in Ignem omnia versa, et ipse deinde Iguis in Aquam (infra, lib. II, explicanda) opus habet sese educere, et puritati pristinae asserere, atque ita quodam sensu, generare. Sed ut in re pergam, his ipsis vocibus Seneca afficit, et Iovem appellat «Animum ac Spiritum mundani huius operis,» et quare omnia ista? quia ire volebant et commicare per omnia, atque ut verbis illorum dicam (in *Loërtio*): «per omnia Mundi membra Mentem pertinere, ut in nobis hanc Animam.» Nota, nota; est magni huius Mundi sua quaedam Anima, ut in parvo haec nostro: atque illa rector est, et Deus. Est Academicorum vetus sententia, et ponit ita Cicero (I Acad.): «In Natura sentiente Ratio perfecta inest: quam vim Animum dicant esse Mundi»: et assignificat Stoicos tenuisse Cleanthes quidem et Oenopides ex iis, apud Stobaeum: «Deum esse mundi animum.» Et Lactantius universe: «Ita Stoici interdum confundunt, ut Deus sit ipsa Mens Mundi, et Mundus corpus sit Dei.»

DISSERTATIO VIII.

Mundum ipsum Deum etiam Stoicis dici, sed proprie tamen eius Animam.

Et sane Stoici saepe sic loquuntur, etsi parum sane; atque adeo ipsum Mundum, hoc adspectu, faciunt Deum. Manilius:

..... Vivere mundum
Et rationis agi motu: quum spiritus tuus
Per cunctas habitet partes, atque irriget orbem,
Omnis pervolitans, corpusque animale figuret.

Vult Animal esse Mundum, Ratione regi, Spiritu vegetari et irrigari. Hoc iam ante Plato: «Animal est Mundus et Rationale, et Anima praeditum.» Posidonius Stoicus: «Mundus, naturalis animatus et sentiens.» Talem igitur naturam, dicebant Deum. Iterum Manilius (lib. 1):

Qua patent Mundum divino numine verti,
Atque ipsum esse Deum.

Didymus apud Eusebium (XV de Praepar. Evang.): Stoici totum Mundum, cum partibus eius, appellant Deum. Ipsa haec noster Seneca (Epist. xciv): «Totum hoc, quo continemur, et unum est, et Deus est: et socii eius et membra sumus.» Iterumque alibi (Epist. xcvi): Totum hoc, quo divina et humana conclusa sunt, unum est: membra sumus corporis magni. Et Lactantius eos refutans (lib. VII, cap. 3): «nam si haec omnia quae videmus, Dei membra sunt, iam insensibilis ab his constituitur Deus.» Multa enim in Mundo scilicet, aut plurima, sine sensu. Tamen hanc sententiam iterum Seneca asserit (II Quaest. N. cap. 45): «Vis Deum Mundum vocare? non falleris; ipse enim est totum quod vides, totus operibus suis inditus, et se sustentans vi sua.» Ita pro hoc sensu, in parte vera Terulliani scriptis (Apolog. cap. 47): «Platonici et Stoici corporalem statuunt Deum: scilicet Mundum. Etsi Plato primam Mentem magis pro Deo agnoscit, Deo, inquam, primo. Ita Seneca in fragmento quodam, apud Augustinum (VI de Civit. c. 10): «Ego feram aut Platonem aut Peripateticum Stratonem: quorum alter (Plato) Deum sine corpore fecit, alter sine animo?» Plato enim supremam Mentem architectricem agnoscit, liberam et secretam ab omni contagione mortali; atque ut Ci-

cero loquitur, «Deum statuit *ἀσώματον*, incorporeum:» at Strato eundem sine Animo, id est, Naturam hanc rerum et Mundum, sine Mente gubernante. Haec sententia Stratonis est, quam Manilius tangit:

At neque terra patrem novit, nec flamma, nec aër,
Aut humor, faciuntque Deum per quatuor artus,
Et mundi struxere globum, prohibentque requiri
Ultra se quidquam.

Id est, siue quatuor elementa non habent antorem et originem, ipsa sunt et faciunt iuncta Deum, nec alium praeter se, aut supra se, habent. Sed ad Stoicos; quia igitur Mundus Deus, dabunt etiam ei globosam formam. Seneca (Epist. xciv): «Si rotundam illis, qualem Deo, dederint formam.» Idem in Claudium ludens: «Dic nobis, qualem Deum fieri vultis? Stoicum? quomodo potest rotundus esse, ut nit Varro, sine capite, sine praepetio?» Observa haec postrema, iocose in Epicureos dicta, qui Deum faciebant humana specie: at Stoici negabant, et animal quidem esse: «sed non humana aliqua forma.» Haec est sententia, quam neque nos, neque item Plutarchus sanam habet: et iis obiicit: «quod Deum, qui principium est, Corpus tamen intelligens et Mentem in materia faciunt; atque ita non purum, neque simplicem, neque incompositum, sed ex alio et per aliud constituunt.» Tamen Varro mitigare et ad veritatem magis flectere videtur, si bene exaudimus. Pulchra haec eius in Augustino (VII De Civit. cap. 6): «Varro de Naturali Theologia prae loquens dicit, Deum se arbitrari animam mundi; et hunc ipsum mundum esse Deum.» Sed discrimen deinde addit, quod valde velim notes. «Sicut hominem sapientem, quum sit ex Animo et Corpore, tamen ab Animo dicimus sapientem; ita Mundum Deum dici ab animo, quum sit ex Animo et Corpore.» Hoc vult, Mundum a se aut per se non esse Deum; tantum a parte meliori, id est, mente illa aeterna, quae tamen insita Mundo, ut illa aliqua in Homine. Non igitur Mundus *ἐκείνῳ* et sua natura Deus, sed *κατὰ μετέθεσιν*, ut dicunt Graeci, et quia communicat et participat illam Mentem. Tale omnino etiam Chrysippus, apud Tullium: «Vim divinam in Ratione esse positam, et universae naturae Animo atque Mente: ipsumque Mundum Deum dici, et eius animi fusionem universam. Id est, primo quidem et vere Deus est ratio sive Mens: secundario tamen et Mundus, per quem Animus ille se *fudit*, et cui infundit. Seneca eo collineat (I Quaest. N. Praefat.): «Quid est Deus?

Mens universi. Quid est Deus? totum, quod vides, et quod non vides totum.» Primo et hic Meus est Deus, secundo haec Mentis sedes et universi moles. Trismegistus etiam clarissime (cap. 8): «Secundarius Deus, Mundus et animal immortale.» Et subiicit pulcherrime: «primus enim omnium, revera est Deus ille aeternus, et ingenuus, et omnium conditor atque opifex.» Itaque et Stoici saepe sic attollunt, et a corpore Mundi isto avellunt; ut Seneca (I Quaest. in Praef.): Quid inter naturam Dei et nostram interest? nostri melior pars est Animos: in illo nulla pars extra animum.» Sed et superiora, quae attolit, eodem eunt: sequamur. Nam quod illos longius duxit, et induxit, hoc fuit, quod sociabant hunc Animum cum Mundo, ut partem et formam: at nos scimus cum Lactantio (lib. VII, cap. 6): «Divinum Spiritum esse ubique diffusum, eoque omnia contineri: nec tamen ita, ut Deus ipse, qui est incorruptus, gravibus et corruptibilibus misceatur elementis.» Continetur rebus, non confunditur; format eas, non forma; animat, etsi non anima. Bene, ut pleraque, Damascenus (cap. 16): «Deus ipse omnia pervadit, sed sine mixtione, et omnibus vim et efficaciam suam participat, sed pro cuiusque aptitudine et capto., Concludimus denique, et in parte tuemur Stoicos Plutarchi bisce verbis: «Deum Stoici dicunt et Mundum, et Stellas et Terram; sed supremum illum, mentem in aethere., (I de Placit. cap. 7). Ipsa est intima mens eorum, alia posse dici Deos, et Divinitatem communicare: sed usam, verum, summum esse *Mentem*: atque eam in *Aethere*. Non enim otiosus hoc quoque audi; quia Principale istud Animae sive Graecis *ὑπερνοῦς*, in Aethere sedem habet. Etsi cum aliquo inter eos dissensu; nam «volgo Stoici, ait Laërtius (Lib. II, cap. 6), Aetherem faciunt Mundi *ὑπερνοῦς*, at Posidonius Caelum, Cleanthes Solem. Cleanthis opinio placuit Plinio, qui scripsit: Mundi totius Solem esse Animum, ac planius mentem: hunc principale (agnosce τὸ *ὑπερνοῦς*) naturae regimen ac numen credere decet, opera eius aestimantem., Neque haec tamen ita laque capies, quasi illa ipsa sint Deos, sed, ut dixi, domus eius et sedes: ut arx ista capitis Mentem nostram (Platonicis quidem) habet. Tertullianus calumniam, liceat dicere, Zenoni struxit, quum impingit (Advers. Marc. I, cap. 13), «Aëra et Aethera deos statuuisse., Nunquam, illo quidem sensu, fecit: neque, opinor, Chrysippus, etsi Cicero etiam de illo (De Nat. Deor.

I, quod "disputarit Aethera esse eum, quem homines appellant Iovem.", Imo in aethere, et rem dixisti.

DISSERTATIO IX.

Obscura aut impenetrabilis Dei notitia: sermones ancipites; attribui tamen quaedam recte a Stoicis, et primo unitatem.

Vides Animam Mundi igitur Deum iis esse; atque illam Ignem, aut verius in Igne. Quod Philo etiam Iudaeus prorsus haud abnoit, distinguitque (de Allegoriis): "Universi animam Deum esse quodam intellectu." Quo? quia nos et omnia vivimus, et movemur, et sumus in Deo. Siquid verbis aliter dixerunt, abent; et miremur in via, et sic prope metam Veri fuisse; nec insultemus in communibus Orbis tenebris non pervenisse. Quis enim a se, et ingenii solius luce, videat et noscat illum "infinitum, immensum, et soli sibi quantus est notum?," (Minut. Felix.) Imo vero, ait Damascenus argute: "Solum hoc eius comprehendere potest, quod comprehendere non potest., Et hoc Seneca vidit, et fortiter extulit (Ep. xxxi): "Nemo novit deum. Multi de illo male existimant impune., Quin et causas alibi inquirunt, et promittunt (VII Quaest. cap. 31) "Sive illi tanta subtilitas et claritas est, quantam consequi acies humana non potest; sive in sanctiori recessu maiestas tanta delituit., Pia et bonae rationes addo et tertiam e Damasceno: "Cognitio eorum est quae Sunt; at Deus super ipsum Esse Est: ergo et supra atque extra notitiam, quis supra Essentiam., De natura itaque eius propria omittamus, nec ipsi Christiani eius gnari, nisi quatenus divinae litterae nos docuerunt, leviter et in gustum. Nam, ut iterum Damascenus: "Quod ex usu nostro scire erat, aperuerunt; quod non tale, et ferre aut capere non poteramus, tulerunt. Iis igitur missis, magis quae de ipso dici et attribui solent, lustremus: et per ea in amorem simul et admirationem eius ducamur. Enimvero sagaces in istis Stoicis, sed et veraces. Sunt autem trium fere generum, quae de illo usurpamus; primum negando, et ἐξ ἀπαρίστω, ut dicunt Graeci: sicut quum Infinitum, Immensum, Incorporatum dicimus; nihil enim adstruimus, nec esse significamus, sed aliquid non esse. Alterum, κατὰ ὄψιν, iuxta habitum, ut quum Dominum, Rectorem, Patrem appellamus: significantes tale agere, et taliter affectum esse.

Tertium denique, quod *κατὰ φύσιν*, secundum naturam dicunt: quum aliquid conamur ei insitum et amicum ostendere, ut Iustum, Bonum, Sapientem esse. Primum genus tutissimum est, et admirationi, si non notitiae, facit: alterum tenue, et non nisi a nostri, aut operum eius, adspectu ductum: tertium conatur adire, sed necetur; et aliquid circa naturam, si non ipsam, libat. Plura in his talibus sunt, Stoicis etiam tractata, sed ego eximia tria tangam, quae valide et utiliter adstruxerunt: *Vnum esse, Bonum esse, Providum esse*. De primo, praeiverant iam alii Philosophi, et pulchre Pythagoras: qui non *Vnum* proprie vult et *Solum* dici, sed *Solitam* et *Vnitatem*. Optime: non enim oportet specie accidentium de illo dicere, aut sentire: sed magis et deceat et doceat, ut substantiam efferri. Philo Iudaicus (in lib. quod Deus sit immutab.): "Substantia est quidquid de illo concipimus, et extra substantiam nihil.", Ergo Iustitia magis Deus et Sapientia est, quam Iustus et Sapiens: etsi modulo nostri captus non damnamus sic loqui. Teneamus tamen illud Arnobii: "Quidquid de Deo dixeris, quidquid tacite mentis cogitatione conceperis, in humanum transiit et corrumpitur sensum: nec habet propriae significationis notam, quod nostris verbis dicitur, atque ad negotia humana compositis.", Sed pergamus in re, et addamus: Stoicos quoque Deum noice *Vnum* sensisse, etsi nominibus pluribus affecerunt. Laërtius inter Zenoniam: "*Vnum* quid esse Deum; sed tamen Mentem, et Factum, et Iovem aliisque pluribus nomenclatura aolere efferri.", Hoc et Minutius noster Felix de iis attestatur: Zeno, inquit, et Chrysippus, et Cleanthes, sunt et ipsi multiformes, sed ad unitatem Providentiae omnes revolvuntur., Aliter alii de Deo, sed de Vno omnes loquuntur et affirmant. Multitudo autem illa nominum (non enim numinum) ortum habuit a vi aliqua et peculiari affectu vel effectu, quem volebant expressum. Seneca (IV de Benef. cap. 7.): "Quaecumque voles nomina propria Deo aptabis, vim aliquam effectumque caelestium continentia: tot appellationes eius esse possunt, quot munera.", Sed eius, et unum. Ecce (idem alibi II Quaest. cap. 45): "Vis illum Fatum vocare? non errabis; hic est ex quo suspensa sunt omnia, causa causarum. Vis illum Providentiam? Recte dicēs, est enim eius consilio hinc Mundo providetur, ut inconcussus eat, et actus suos explicet. Vis Naturam vocare? non peccabis; est enim ex quo nata sunt omnia, eius Spiritu vivimus. Vis mundum? ipse est enim totum quod vides, totus suis partibus inditus, et

se sustinens vi sua., Atque idem loco priore subiicit eundem esse *Liberum patrem* et *Herculem*, itemque *Mercurium*: et quae talia Stoici e mythica historia ad mysticos sensus referebant: et operose referebant, satis sibi in istis allegoriis, sive ut ipsi appellabant ὑπονοίας, placentes et plaudentes. Cicero (III de Nat. Deor.): "Magnam suscepit molestiam, et minime necessariam, Zeno primus, post Cleanthes, deinde Chrysippus, commentitiarum fabularum reddere rationem; et vocabulorum, cur quidque ita appellatum sit, causas explicare." Culpas et Lactantius Stoicos (I cap. 17): "quod quum non perviderint quid in vero sit, conentur fabulares Deos cum rerum naturalium ratione coniungere." Et vero tenuia haec plurimum, aut infirma, et argutiis saepe ridendis. Exemplum et gustum e Laërtio habet. "Deus pluribus nominibus appellatur, ut sunt potestates. Nam et *Dia* Graeci dicunt quod per eum sint omnia; et *Zeus*, quatenus vitae est auctor, vel quod per vitam transivit. *Athenam* etiam sive *Minervam*, quod in Aethere Principale eius sit extenans. O viri graves et serii! magis talia licebat agere. Sed in verbis Laërtii obiter moneo, quod legitur δὴ τοῦ ζῆνι παρέχον, falsum videri, scribendumque τοῦ ζῆνι. Duplex enim etymon assignant, vel a *vi*ta, vel a *fervere*: atque hoc postremum de iis Athenagoras: Ζεὺς, ἡ ζέουσιν οὐσία, κατὰ τοὺς Στωικούς. "Zeus, fervens essentia, iuxta Stoicos:., id est, Ignis.

DISSERTATIO X.

Eundem Bonum et Beneficium esse; et hanc velut propriam eius notam, et nomen.

Vnum igitur iam Deum donant: sed qualem illum? dixi, *Bonum Providumque*. Quae duo pluribus verbis, sed eodem fere spectantibus, eximie aperuit ille inter Stoicos eximius Cleanthes qui *Theogoniam*, sive *Deorum genituram*, inter alia scripsit. Versus sunt in Clemente Alexandrino (nam versibus pleraque ille usus) plane aurei, imo de Deo divini.

Εἰ τὸ ἀγαθὸν ἐρωτᾷς μ' οἶόν ἐστ', ἀκονε δῆ.
 Τεταγμένον, δίκαιον, ὅσιον, εὐσεβές,
 Κρατοῦν ἑαυτοῦ, χρησίμην, καλόν, δέον,
 Αὐστηρόν, ἀβήκαστον, αἰεὶ συμμέρον,
 Ἀρθεόν, ἀλυπον, λυσιτελές, ἀνώδυνον,

Ἀγέλιμον εὐχριστόν, θαυράλις, φίλον,
 Εὐτιμον, ὁμολογούμενον . . .
 Εὐκλείς, στυρόν, ἐπιμυλὲς, πρῶτον, σφοδρόν,
 Χρονίζόμενον, ἀμειπτόν, αἰεὶ δίκαιόν.
 Ἀνελπίδης πᾶς, ὅστις αἰς δόξαν θέλειται,
 ὡς δὴ παρ' ἐκείνης τουζῆμενος καλοῦ τινός.

Eos ita reddimus:

Si quale sit bonum rogas, ita accipe.
 Est ordinatum, iustum, et est aeternum, pius,
 Sui potens, commendatum aliis, pulchrum, decens,
 Rectum atque constans, semper autem conferens,
 Expers metu, dolore, curis omnibus,
 Inuus, benignus, stabile, amicum, amabile,
 Honore dignum, consultandum . . .
 Et gloriosum, non superbum, quod gerit
 Curam omnium, placens, et viribus valens.
 Aevi vetus, culpae inscium, semper manens.
 Ah! vilis ille, Opinionem qui adspicit,
 Tauquam duce hac venturus ad Veri scopum.

Considera, mi Auditor; sunt a profano sacri versus et sensus: ac negem aliquid tam sublime et angustum ab alio veteris aevi scriptum. Finis ipse et clausula, quam damnat non occulta receptas de Numine *opinionēs*? vana illa gentilium, et a vero longinqua? sed attributa ipsa et elogia si vides, quid uberius aut verius dici potest? Omnia autem in forma illa sermonis (observa) qua substantia notatur, ut ante attigi: “Deus bonus, utile, iustum.” Et quoniam pluscula sunt, id quoque observes, omnia fere ad duo haec capita revocari, *Bonum Providumque*. Prima est ipsa Bonitas: quam quot nominibus describit, et inculcat? *Ἀγέλιον, χρῆσιμον, συμφέρον, λυσταλὲς, ὠφελίμον, φίλον, πρῶτον*: atque ipsum Deum initio *Bonum* appellat. Recte, nam et Dionysius Areopagita consentit (de Divin. nominib. cap. 4): “primarium et peculiare hoc Dei nomen esse: ipsamque substantiam divinam, bonitatem appellari.” Trismegistus pariter (cap. 6): Bonum, inquit, in nullo nisi in Deo esse. Imo vero ipsam Bonum est Deus.” Quare? quia Natura eius Bonitas; nec potest aliter esse. Noster Seneca (de Ira II, cap. 27): “Quaedam sunt, quae nocere non possunt, nullamque vim nisi beneficam et salutarem habent: ut Dii immortales; qui nec volunt obesse, nec possunt. Natura enim illis mitis et placida est, tam longe remota ab alicuius iniuria, quam a sua. Iterumque alibi (Ep. xcvi): “Quae causa est Diis bene faciendi? Natura. Errat,

si quis illos putat nocere velle: non possunt, nec iniuriam se-
cipere queunt, nec facere., Et vis argumentum Bonitatis cer-
tius, quam quod pessimis, et in se ingratis, immo maledicis at-
que impiis, non cessant quotidie bene facere? "Ecces sceleratis
Sol oritur, et piratis patet maria., (Sen. IV de Benef. cap.
26.) Quid amplius? "Beneficia sua ignorantibus dare incipiunt,
ingratis perseverant., (VII de Benef. c. 31.) Ignorantibus?
vide pueritiam nostram, fateberis: bona percipimus, ante eo-
rum sensum. Ingratis? reliquum omne aevum. Et quotusquisque
agnoscit, immo cogitat? quam multi dubitant, disputant, ab-
nuunt? "Et nihilominus, more optimorum parentum, qui ma-
ledictis suorum infantium arrident, non cessant beneficia con-
gerere de beneficiorum auctore dubitantibus., (Ibidem.) Om-
nibus, inquam, sine discrimine: non aliter quam Sol ille in
promiscuo lucet. Neque enim hic, ut in Theatris, sparsio ali-
qua est aut missilia, in paucos et apprehensuros: est in omnes,
est in immerentes, est in abnuentes. "Aequali tenore bona sua
per gentes populosque distribuunt, nam sortiti potentiam, pro-
desse., (Ibid.) Atque hoc dogma ita proprium Stoicis, ut Ter-
tullianus ab eo errorem Marcionis derivet: "Inde, inquit, Mar-
cionis *deus melior*, de tranquillitate a Stoicis venerat., Quia
scilicet Deum semper Bonum isti statuebant, et nihil ab eo mali
manare; Ponticus ille fatue fabricandum alium statuit, eius au-
ctorem. Frustra, et longe a Stoicorum sensu.

DISSERTATIO XI.

*Denique Deum Providum et curatorem omnium esse, atque etiam
singulorum. Qui aliter, reiecti.*

Sed tertium inter Attributa erat, *Providentia*, Deo semper a
Stoicis asserta, et Cleanthis etiam illis versibus nomine *ἰμπελαὺς*
itemque *συμπεποῖτος* inserta. Asserta autem ab illis sic crebro, sic
valide, ut ludus iocusque fuerint adversariis: qui hanc, *fatidici-*
cam Anum Stoicorum appellabant. Sed ades, nostra Anus, ades,
amanda nobis super omnes Veneres, et Venerum Amores. Te
asserimus, et cum Seneca (De Provid. cap. 1): "Praeesse uni-
versis Providentiam, et interesse nobis Deum., Ita sane; go-
bernatur et praestat illud Numen; sed adest etiam et interest, et
scienter et cum inspectione nos regit. Cicero (II de Natur.

Deor.): "Providentia Del Mundum, et omnes eius partes ab initio constitutas esse, et omoi tempore admoistrari." Nota duo Provideotiae ab eo subiici, Constitutionem rerum, et Administrationem. Iungi enim haec duo debeat, et "Necesse est, ait Damascenus, eundem esse Conditorum rerum et administratorum: neque possunt, aut debeat dividi. Sic enim imbecillitati alteruter esset obnoxius; quasi aut iste Condere non posset, ille noo Admoistrare et conservare." Sicut parentis booi est, et gignere prolem, et deinde alere atque educare: ita et magoi illius nostri. Cicero igitur (III de Nat. Deor.) haec duo bene iungit, ex nostrorum sententia: "materiae universae fictricem ac moderatricem esse divioam Providentiam." Quis eoiu credit, ait Seneca (De Provid. cap. 1): "Sine custode tantum opus stare, et huc siderum cursum discursumque fortuiti impetus esse?" Quis tamen credet, haec tam pugnancia servare ordioem et statum, nisi Rector ille sit, "cuius coosilio boic Mundo providetur, ut incoocussus eat, aetiusque suos explicet?" (Sen. II Q. N. c. 45.) Sed vim huius Providentiae, et variantes etiam super ea sensus, pulcherrime Epictetus exsequitur, apud Arrianum (I Dissert. c. 12): "Quod ad Deos attinet, sunt qui negent ullum Numen esse. Sunt qui esse donent, sed ignavum, incurium, et nulli rei providere. Sunt tertii, qui et esse, et providere, sed non nisi magnis et caelestibus, terrenorum autem nulli. Quarti, et caelestibus et terrestribus; sed universis dumtaxat, non autem singulis et nnieuque seorsim. At quinti, in qua parte Vlysses et Socrates, asseruot, statuuntque, quod te, o deus, oec in mioimo motu lateam aut fallam." Ecce pulchram ascensum, et vere ascensum, a tenebris et impietate paulatim ad lucem et veritatem: quam quinta illa sententia est amplexa; id est nostra. Ita enim et Platoniei, et nostri, omoia, minima, maxima, Providentiae subiici: nec sine Ratione, quamvis subita, accidere." (Sen. de Provid. c. 1.) Nihil est a casu, ubi casus maxime apparet: sed occultum aliquid divioi consilii est, quo diriguuntur. Plato (In Epinom.) sermoni soo toti de Diis, hoc velut fundamentum praestruit: "Quod curent omoia, magna ea sint aut parva." Atque id ratione etiam scita docet elibi (Lib. X de Legib.), his fere verbis, aut sensu: "Quum Dii sint, non convenire ut otiosi degant: curare ergo res humanas. Quum autem omniseii sint, etiam minima videre et nosse censendum est, eaque igitur curare. Quid ni? procul enim ab iis ignavia et inertia: nec

minor potestas eorum in minutis, quam in magnis: nequo indigna etiam maiestate illorum haec cura. Imo eam velut gradum ad maiora illa habent., Optimo, et varia ac valida ratio in paucis verbis. Itaque apud Cicronem (III de Natur. Deor.) Stoice dicitur: "Non universo generi hominum solum, sed etiam singulis, a Diis immortalibus consuli ac provideri., Quid hominibus singulis? immo animalibus, immo animalculis et ipsectis: et iidem *Stoici* (idem Cicero II Acad.) "Dei maiestatem usquo ad apium formicarumque perfectionem deducunt., Si perfectionem, etiam curationem. Bene et hoc Damascenus: "Providentia est divina voluntas sive sententia, per quam omnia quao sunt convenientem ordinem et regimen habent., Itemque Alexandrinus illo Clemens: "Est Providentia privatim et publice, et ubique., Est et in actibus singulis singulorum, ut Lactantius (De Ira, cap. 17): "Curat humanum vitam Deus, ac singulorum actus animadvertit., Nonne ipsum hoc est, quod supra nostrae partis Epictetus, "Te, Deus, nec in minimo fallo?," Atquo haec quum ita habeant, quidam fortunae omnia transcribunt: "neque haec, ait Seneca (I Quaest. in Praef.), intra vulgum dementia est, sed Sapientiam quoque profectos contingit. Sunt enim qui putent, sibi ipsis animum esse, et quidem providum ac dispensantem singula, et sua et aliena: hoc autem Universum, in quo nos quoque sumus, exspectare esse consilii, et aut ferri temeritate quadam, aut Natura nesciente quid faciat., Errant hic profecto, mi Seneca, etiam sapientiam professi: nec Epicurus illo solum, cuius nota deliria, et qui de Beata illa Natura profatur:

Immortali aevo, summa cum pace fruatur,
Semota a nostris rebus, seiunctaque longe;

longo semota, atque adeo extra Mundum etiam proiecta. Non ille, inquam, solum: sed quod miremur, Plinius, ille in plerisque Stoicus germanus. At hic quam degenerat: "Irridentum, inquit (Lib. II, cap. 7), agere curam rerum humanarum illud, quidquid est, Summum." Et cansam addit: "An tam tristi atque multiplici ministerio non pollui credamus, dubitemusve?" Ne dubitemus quidem, Plinii, adeo non credamus. Quid enim censes, humano more quodam agere et curare, sollicitum, districtum, distractum, iratum? Erras; ille cum summa quiete, et placide agens, haec agit: "Non divisus, ait Clemens (VII Stromat.), aut distractus, non transiens e loco in

alium, sed ubique semper existens, et nusquam circumscriptus, totus mens, totus lux, totus oculus, omnia videns, omnia audiens, omnia sciens.» Et quam pronum tibi haec credere, si vel eadem his verba tua attendisses? « Quisquis est Deus (si Mundo est alius) et quacumque in parte, totus est sensus, totus visus, totus auditus.» Talem et tantum quum facias, quid metuis, cum Epicuro aliquo, pollui aut fatigari? Et tamen a Sapientia quum hoc dogma spernas, Prudentiae transcribis, et ais: « Deos curam agere rerum humanarum, credi ex usu vitae est.» Immo ex ratione est, quam, ut alios omittam, te quoque teste princeps ingeniorum, Homerus agnovit. Ille quam non saepe, sed ubique eam adstruit! Alibi (Odyss. v, v. 213), de Iove:

..... ὅστις καὶ πολλοὺς
 Ἀνθρώπους ἐφορᾷ, καὶ τίνονται ὅστις ἀμάρτη.

..... mortalia facta
 Mortalesque videt, delinquentes quoque punit.

Ecce inspectionem, ecce et animadversionem. Quin idem apud eum Iupiter effatur:

..... μέλουσ' μοι, ὀλλόμενοι περ·
 habeo curas et percunctes.

Non potuit longius penetrare in adyta Providentiae, quam ut diceret, tunc quoque quum pereunt non negligi a Deo; sed bono aliquo fine perire, aut denique se disponente. Plura in illo sublimi poeta sunt, omitto: et Stoicis hoc testimonium a Tullio attribuo, « Rationem de Providentia deorum ab illis sanctissime et providentissime esse constitutam.» (III De Natur. Deor.)

DISSERTATIO XII.

E Providentia Fatum consequi; quid illud? et quomodo libertatem Deo non tollat.

Est ita; et gradum ab hac ad *Fatum* convenienter profero; quia illud ab ista est, et valde cum ea nexum, immo innexum. Itaque ab ipsis Stoicis confugiantur haec saepe: si tamen discerni placet, sic fiet. Ut Providentia in ipso Deo sit scientia, vel aeternitas omnium; haec distinctius lex ipsa et decretum singulis datum. Itaque a Deo est istud, magis quam in ipso. Addo,

quod illa velut Proconsul est, qui decernit et statuit; istud, velut Licitor, qui sententiam illam facto promit, et omnibus propalat. Ita Apuleius, ex sententia Platonis: «Fatum esse, per quod inevitabiles cogitationes Dei atque incepta complentur.» Nota cogitationes: Ita enim *Primam Providentiam* (summi Dei) designabant Platonici, ut esset «supremi Dei cogitatio sive voluntas.» (Plut. de Fat.) *Secundam* autem volebant dici «secundorum Deorum, caelum permeantium, per quam inferiora et mortalia omnia dispensarentur, generi cuique sive speciei ipsi tuendae et servandae.» *Tertiam* denique, «quae Genios circa terram tangit, humanorum actuum arbitros et custodes.» Ita per gradus distinguebant, et ad nos derivabant: «ut prima Providentia Fatum contineret; secunda, ipsa esset Fatum; tertia, quod ex Fato esset.» Plutarchum, sodes, vide libello huic rei proprio: et Apuleio (De Dogm. Platon.), qui ista conformiter, sed brevius, lucem ab eo mutare. Nos ad Stoicos imus, tot discriminum incariosos. Ab uno Deo ista omnia; immo confundunt saepe cum Deo. Seneca (II. Quaest. Natur.): «Vis illum Fatum vocare: non errabis; hic est, ex quo suspensa sunt omnia, causa causarum.» Optime, optime; ratione tamen et intelligentia distinguimus, ut saepe dixi. *Lex* est a Deo; ut ipse Seneca (De Provid. cap. 5): «Omnia certa, et in aeternum dicta Legge decurrere.» Id est, Fato. Cicero: «Omnia aeternae Legis imperio» fieri. Plato, «Adrastiae Legem» dixit (X De Rep.). An non et Pindarus intellexit, quum *ἄμυν πάντων βασίλεια, θνατῶν τε καὶ ἀθανάτων εἶναι* «Legem omnium Reginam, mortalium immortaliumque esse,» puto, intellexit. Et certo iam Manilius (Lib. I):

Sed nihil in tota magis est mirabile mole,
Quam ratio, et certis quod legibus omnia parent.

Habes Providentiam, quae *Ratio* est; et eius prolem, Fatum, *Legum* nomine dictam. Homerus pulcherrime *βουλῇ Θεοῦ* statim initio operis:

..... Διὸς δ' ἰταίστο βουλῇ
..... Iovis est perfecta voluntas:

sive potius, *consilium* et *decretum*. Atque o divinum vatem! qui caput hoc Sapientiae humanae (ita mihi videtur) statim operi praescripsit, suae indicem vel testem. Narrabo, inquit, et canam haec atque ista: iras, bella, funera: sed iam nunc praedico et moneo, ab hominibus ista, sed ex Dei voluntate, administrata.

Neque enim quae vel fortuito putantur, ab hac lege secundimus neque incidunt ea ipsa, sed veniunt. «Causa pendet ex causa; privata ac publica longus ordo rerum trahit.» (Sen. de Provid. cap. 5.) Sophocles (Aiaee Flagell.) *μᾶλα Στοικῆς*, id est, *σικμῶς valde stoice, i. e. graviter*:

Εγὼ μὲν οὖν καὶ ταῦτα, καὶ τὰ πᾶντ' ἀεὶ
Φάσκωσι δὲ ἀνθρώποισι μηχανῶν Σεοῦς.
Ὅτω δὲ μὴ τάδ' ἔστιν ἐν γνώμῃ φίλα,
Κεῖνος τ' ἐκείνα στεργέτω κατὰ τὰδε.

Ego quidem igitur ista, et alia item omnia,
Accidere nobis censent Fato Deum.
Quod si quis haec in mente non probat sua,
Ille alia teneat et sequatur; ista ego.

Sed aiebat Seoeca (III De Benef.): «Longum ordinem rerum esse.» Quid ita? quia «causarum implexa series est,» ut idem alibi: sive ut Stoici, apud Laërtium: «αἰτία τῶν ὄντων εἰσπλεγν, causa rerum implicata» quia scilicet εἰσμός quidam est, et nexus ac catena. Id quo sensu dicant, Chrysippus apud A. Cellium (Lib. VI, cap. 2) explicet seria definitione: «Fatum esse, naturalem compositionem universorum, ab aeterno, mutuo sese consequentium immutabili et inviolabili hac complicatione.» Observa et scrutare. Est «naturalis compositio:» nempe rebus insita a Communi et prima illa Natura, id est, Deo; ideoque et *Naturam*, Fatum appellant. Sed quia (nostro intellectu) *Ratione* quaedam et discretionem Deus hoc facit, et applicat; plurimum *Rationem* (uti ipsam *Providentiam*) dicant. Ut quum definiunt (Laërt. in Zen.) «Fatum, Rationem secundum quam mundus administratur.» Itemque diffusius (In Stob. Physic.): «Rationem, per quam facta, suot facta; fiunt, quae fiunt; fiunt, quae fiunt.» Et discercentes deinde a Providentia, «Rationem eorum quae in Mundo Providentia administrantur.» Anteriorem causam hic vides, et istam ex ea natam, aut subsequenter. Sed additur in Stobaeanis: «Motat ioterim (Chrysippus) et pro ratioe supponit Veritatem, Chaosam, Naturam, Necessitatem.» Ut sit Fatum nempe *Veritas, Causa, Natura, Necessitas* eorum quae sic fiunt. Sequatur, *ab aeterno*. Ita; nam in Dei mente haec constituta, et cum Aeterno illo aeterea. De *complicatione immutabili* additur: quod ad ordinem seriemque causarum facit. Prima illa causa (Deus) alias atque alias subserit, miro et incomprehenso nobis nexu: sic, ut quae Fato eveniunt, evenire per Na-

turam et Rationem videantur. Haec est illa Sapientia inscrutabilis: «a qua est omnis modus, omnis species, omnis ordo, mensura, numerus, pondus: a qua est, quidquid naturaliter est, cuiuscumque generis est, cuiuscumque aestinationis est: a qua sunt semina formarum, formae seminum, motus seminum atque formsrum.» (August. V, De Civit. cap. 11.) Quid opus perissologia? a qua est, quidquid est: peccatum autem ab ea non est, quia nec est. Pelagus hoc, mi auditor, immo abyssus, immo chaos, si ingrederis: et sic se habere potius, quam quomodo habeat, scimus. Est igitur *series et connexio*, atque ea immutabilis, quia ab immutabili Deo: ideoque et *Necessitas* cohaeret: quae soror est, ut sic dicam, et gemella Fati. Trismegistus (Ad Ammonem): «Omnia Natura et Fato fiunt, nec est Locus vacuus a Providentia. Est autem Providentia, in se perfecta Ratio caelestis Dei, cui duae sunt cognatae facultates, Necessitas et Fatum.» Pulchre distinguit, et has ex illa deducit. Quid ergo? inquirunt. Necessario haec sic fiunt, et uero Deus mutat? nec Deus. Asper initio sermo, sed examinatus, Stoicorum etiam vero sensu mitescit. Voces quidem aspernamur, quae dicunt: «Destinatam sortem nec Deo fas effugere.» (Herodot. I.) Item:

ἄσπεροι βασιλεῖς εἰσιν, οἱ βασιλεῖς θεῶν,
Ὁ θεὸς ἀνάγκη. (Philemon.)

Sunt regibus servi, rex servus est Deo,
Deus Necessitati.

Etiam noster doctor (De Provid. cap. 5): «Eadem Necessitas et Deos alligat: irrevocabilis divina pariter atque humana cursus vehit. Ille ipse omnium conditor ac rector scripsit quidem Fata, sed sequitur. Semper praet, semel iussit.» Haec talio, parum decore ex dignitate Dei dicta; etsi, ut tetigi, interpretatione ad verum liquidumque deducas. Hoc enim volunt, semel statuta Deum non mutare.

Finxit in aeternum causas: qua cuncta coercet
Se quoque lege tenens. (Lycan. II.)

Non quia imbecillitas aliqua in Deo sit, aut Fatum dominetur: sed quia placuit ei stare Decreto. Nimirum (ut noster Seneca, Quaest. Natur. I), «imminutio maiestatis sit, et confessio erroris, mutanda fecisse. Necesse est ei eadem placere, cui uisi optima placere non possunt.» Dic mihi, nonne «vir bonus

(quatenus bonus) non potest non facere, quod facit? non enim erit bonus, nisi fecerit.» (Sen. VI De Benef. cap. 21.) Simile (siquid tamen simile) in Deo: qui ut Deus, nihil mavult, aut mutat. «Magnum hoc argumentum est firmæ voluntatis, ne mutare quidem posse.» Quod si aliunde eveniret, aut cogeretur, sane impotentia esset; at iam «non externa deos cogunt, sed sua illis in legem æterna voluntas est.» (ib. c. 21.) Itaque non possunt videri non posse, quia nec volunt. An tamen non ista servitus est? minime. Seneca egregie (I Quaest. Natur.): «Nec Deus ob hoc minus liber aut potens est: ipse enim est Necessitas aus.» Vides pinm sensum: nec fortasse aliter (apud germanos Stoicos) in tota ista re Fati fuit. Quod Augustino etiam arbitro dicam, qui reiecto *Fato Astrologorum*, infert (V De Civit. c. 8): «At qui omnium connexionem seriemque causarum, qua fit omne quod fit, Fati nomine appellant (ii sunt nostri): non multum cum eis de verbi controversia certandum atque isborsandum est: quandoquidem ipsam causarum ordinem et quandam connexionem, summi dei tribuunt voluntati.» Addit alia (Eod. lib. cap. 9), et alibi ex ipsa Seneca approbat hanc eorum mentem esse.

DISSERTATIO XIII.

Obiectiones contra Providentiam et Bonitatem Dei: quaesitumque, primo, Vnde Naturalia mala?

AVD. Attenta equidem aure ismdu hibo: sed quid si animo nonnihil resistenti a libi, aut asseusum certe retinenti? Nam sunt in istis spinæ vel aculei, qui pungunt: et das mihi operam in evellendis? LIPS. Curiosum ingenium hic sperner, ut rem dicam: et cum Damasceno moneam (Lib. II. Fid. Orth. cap. 29): «Omnia admirari, omnia laudare, omnia sine inquisitione suscipere Providentiæ opera; etiamsi multis iniusta videantur; quia scilicet ignota est, imo comprehendi nobis impotens divina Providentia.» Audin, hoc et tutius sanctiusque sic esse? Alioqui pelagus est, ut dixi: et cymbulam ingenii si immittis, fluctuabit, aut merget. AVD. Curiosam inquisitionem tecum abdieo: sed quæ prima fronte omnibus occurrunt et obturbant, quæ culpa sit me sttigisse, te reiecisce? Neque enim alio fine quæro; et favebo equidem Dei causam agentis. Dic igitur, so-

des; si a Providentia et a Deo omnia bona: unde Monstra, unde Venena, et Noxae in isto orbe sunt? Vnde in nobisipsis interna haec vere mala, et Vitia ac pestes animorum? quis genuit, quis sustinuit et servavit? Denique in ipsa gubernatione, quanta iniquitas apparet? quum boni tolluntur, aut premuntur; mali vivunt, vigent; et praemia ac poena iniusta plurimum lance pensantur. Haec quantumvis sedatum ingenium excitent, compositum turbent: utique sic in oculos sensusque incurrentia, et quotidianis exemplis prompta. Remove, obsecro, quamvis levi manu: et quod iterum testor, primum ad finem me habe et sequentem. LIPS. Vetera moves, remota pleraque aliis, et alibi (De Constant.) ipsi mihi; certe in parte. Nunc tamen ordine, quia valde vis, faciam: sed compendio, qua potest, et ut dicta non iterem, quod odi. Tria visus obicere Bonitati et Providentiae, *Naturalia* mala, *Interna*, et *Externa*. *Naturalia*, quae primo et per se a Natura videntur; eaque duplicia, *Rara* et *Vulgata*. *Rara*, quae non via solita, nec semper, sed ob causam eveniunt; ideoque *Monstra* aut *Prodigia* vocamus. Ea fere sunt, in *Excessu*, *Defectu*, *Mixtione*, *Modo*. *Excessu*, ut homo biceps, quadrimanus, tripes. *Defectu*, ut Vnipes, aut Vnimanus. *Mixtione*, ut Homo porcino capite, Vitulus humano. *Modo*, sive in magnitudine et mensura, magna nimia, sive parva: ut Gygas, ut Nanus; sive etiam in *Situ* membrorum partiumque, ut Caput in femore, Oculi in pectore; et uno verbo, quidquid extra communem ordinem legemque profertur. At *Vulgata* sunt, quae semper et sua indole talia; et facta nataque videntur in malum aut noxam, ut sunt Serpentes, Ferae quaedam, Venena, et quae eius sortis occurrunt. Haec obicis, et iam olim alii: breviter et leviter refutamus. Primum de *Raris*: fateamur ea contra, aut praeter Particularem cuiusque generis naturam esse, sed non contra Communem. Aristoteles (IV De Generat. Animal.) « Monstrum est aliquid praeter Naturam, sed non omnem, illam tantum quae solens et usitata est. Nam praeter illam Sempiternam, et quae ex Necessitate est, nihil omnino fit. » Hoc dicit, respectu cuiusque speciei, Homo aut Vitulus talis, Monstrum et Malum videtur: Communem illam si adspicias, et Deum, non est, immo velut lusus aliquis eius, aut oblectamentum. Itaque ille idem scriptor hos appellat Naturae quasdam *παραστήσεις* , exerrationes aut excessus: non aliter quam in longo magnoque cursu, extra lineam leviter, nec indecore, licet transilire. Et causas tamen haec suas habent, faciles inda-

gari: a Materie nimia, aut paucā; sive aut sic disposita; a Gignentium affectione aut habitu, in opere aut post opus. Plura sunt, non hic inquirenda: sed Universum si spectes, mala aut foeda haec negamus, immo in ornatum esse, et plenius perfectisque illis magis agoascendis. De *Vulgatis* autem, scio apud Ciceronem esse (IV Acad.) qui ioclamet: « Cur omnia nostri causā Deus quoniam fecerit, tantam vim natricum viperarumque fecit? cur mortifera multa, multa pernicioſa terra mſrique dispersit? » E Sacris nostris prompta erat responsio: te faciente, ō homo, fecit. In prima origine haec omnia sine noxa erant nobis obnoxia: in Deum surrexisti, communem cooditorem: ergo illa etiam in te, ut viudicatora, et a prima sua natura demutarunt. Sed pro communi etiam Philosophia hoc licet dicere: ista tamen diversa, tam varia, facere et requiri ad ornatum perfectionemque magis Mundi. Mundi? etiam ad Dei potentiam sapientiamque notificandam. Potes tu illas araneorum subtiles et intextas telas introeri, sine admiratione conditoris? potes viperarum colores, volumina? iudolem? potes vel molestum illum et susurroneſ culicem, sine ipso hoc cogitationis fructu? At enim, aiebat, nostri causa Deus haec fecit: contra nunc est, et nocent. Nostri? ſecundario quidem, sed primum, sua. Gloriarie eius haec ſerviant, mundo toti ſerviunt: nec ſolius hominis aspectum haberi, verecunde quidem petas. Tamen an non et ista humanis uſibus ſe praebent? Omitto, quod imperium in haec tam aſpers, et calide nocentia, exercemus, et cuncta a natura nos fugiunt: ſed vim etiam et nſum occultum habere, prior et haec aetas docuit, ſc poſtera docebit. Ne ſtulte et propeſe damna: ſed, ut Naturae quidam peritus venator, indaga magis et inquire. Auguſtinus eo vocat (XI De Civit. cap. 22): « Divina, inquit, nos admonet Providentia, non res inſipienter vituperare, ſed utilitatem rerum diligenter inquirere: et ubi noſtram ingenium vel infirmitas deficit, ibi credere occulta: ſicut alia, qua vix potuimus invenire. Atque haec ipſa aut humilitatis exercitatio eſt, aut elatiois attritio. » Pulcherrima clauſula; quid vis, ō homo? ſtuporem tuum divinae Sapientiae opponere? quid quid noo capis, carpere? Demitte et inclina te potius: et ſcito arcana haec Naturae adyta, magis illi Pontifici adeunda tantum: fortasse minoribus etiam ſacerdotibus, id eſt, Geniis, haud ſemper aperta. Quid oobis profana? caliginos, et in primam illam Cauſam fruſtra oculos immittamus.

DISSERTATIO XIV.

Secundo quaesitum, Unde Interna mala, id est, Peccata? Stoicos etiam a Fato et Deo remove: et quomodo.

Sed *Naturalia* haec in parvo sunt, nec nisi obstreperi opponant: *Interna*, id est, vere mala, magis augunt. Peccata et scelera sunt, fuerunt, et erunt: unde ea, si non ab omnium factore? Quin et Plutarchus Chrysippo obiicit, dixisse: « nullam esse intemperantiam, nullam fraudem, cuius non sit Jupiter architectus. » Sed haec vane obiici, et a parte non a iudice dici, ex ipso Chrysippo liquet. Palam ille detestatur: « et ad eos se applicat potius, ait Cicero (De Fato), qui necessitate motus animos liberatos voluit. » Apud Ciceronem, sed et A. Gellium, excerpta etiam sunt eorum, quae Chrysippus pro hac sententia scripsit: in affirmatione certa, in explicatione involuta. Cicero ait, Causas eum distinguere *Perfectas et Principales*, aliasque *Adiuvantes et proximas*. Secundum illas igitur, principium quidem motus et actionis dari; sed talis talisque motus, a causis Proximis, id est, a Voluntate et nobis. « Ut, inquit (Cic. ibid.), qui cylindrum protrusit, dedit ei principium motus, volubilitatem autem non dedit: sic visum obiectum imprimet in animo suam speciem, assensio autem erit in nostra potestate: eaque, quemadmodum in cylindro dictum est, extrinsecus pulsa, quod reliquum est, suapte vi et natura movebitur. » Sed quod in *Fato* Cicero dicit, et haeret, parum pro interiore ipsa re videtur: et credo plura addidisse, quae aevo exciderunt. A. Gellius magis accedit, aut init, nisi fallor: et Chrysippea haec sic compendio refert, bausta e libris eius *De Providentia*, qui utinam exstarent! etsi nec Laetius eorum meminit, notabili in ac parte defectu. Sic, inquam, refert (Lib. VI, cap. 2): « Quanquam ita sit, inquit Chrysippus, ut ratione quadam principali necessario coacta utque connexa Fato sint omnia; ingenia tamen ipsa mentium nostrarum proinde sunt Fato obnoxia, ut proprietas eorum est ipsa et qualitas. Nam si sint per naturam primitus salubriter utiliterque facta, omnem illam vim quae extrinsecus ingruit, inoffensius tractabilisque tramittunt. Sin vero sunt aspera, et incerta, et rudia, nullisque artium bonarum adminiculis fulta; etiamsi parvo, sive nullo, Fatalis incommodi conflictu urgeantur, sua tamen saevitate et voluntario impetu in assidua delicta et errores ruunt. Idque

ipsum, ut ea ratione fiat, naturalis illa, et necessaria, rerum consequentia efficit, quae Fatum vocatur. Est enim genere ipso quasi fatale et consequens, ut mala ingenia peccatis et erroribus non vacent. » Additque ipsum illud exemplum, sive imaginem, de cylindro. Haec si bene examinas, signate ab illo et *εὑρησ* scripta, hoc colligas: Chrysippum Fatum in causis primis constituere, ut qui talis et talis a natura et ingenio suo est, talia faciat excipiatque: qui alius, alia. Sed ipsum illud sic facere, a voluntate sit, quam tamen bonitas aut saevitas naturae hoc illuc inclinat. Vt lignum illud rotundum, sive turben, in primum labatur suoque ingenio; quadrum non item, et resistat. Et addebat amplius, non debere « ferri audiriue homines aut nequam, aut ignavos, et nocentes, et audaces, qui quum in culpa et maleficio reuicti sunt, perfrugunt ad Fati necessitatem, tanquam in aliquod asylum: et quae pessime fecerant, ea non suae temeritati, sed Fato attribuenda esse dicunt. » Haec ex illo: ipsum, uti dixi et iterum, utinam legisse fas nobis sit! Sed haec non alio (mibi quidem) videntur ire, quam per Naturam, sive Deum (quae prima causa est) homines alios aliter factos, ideoque ad bona aut mala inclinare; sed tamen causas illas primas et insitas temperari, aut flecti leviter a Voluntate posse, quae inter proximas iuvantesque censetur. Quum ergo inclinamus; aut praemium nobis iure esse, si ad Bona; aut poenam, si ad Mala. Manilius his interpres, aut assertor. Omnia, inquit (Lib. IV), Fato eveniunt:

Nec tamen haec ratio facinus defendere pergit,
Virtutemve suis fraudare in praemia doctis.
Nam neque mortiferas quisquam minus oderit herbas,
Quod non arbitrio veniunt, sed semine certo:
Gentia nec levior tribuetur dulcibus escis,
Quod natura dedit fruges, non ulla voluntas,
Sic hominum menti tanto sit gloria maior,
Quod caelo gaudente venit: rursusque nocentes
Oderimus magis in poenam culpamque creatos.

Satis aperire mihi Stoicorum mentem germanis Stoicis videtur, etsi nimis fortasse ad fatalia sua astra nos ligat. Sed heus, Chrysippe, si a Natura haec constitutio aut devergium: Deum a malo qui excusas? quomodo non ille Naturae auctor, atque ipsa Natura, malum malosque genuit, si tales fecit? Hoc caput est, et arx, ut sic dicam, causae, nunc adeunda et occupanda. Aio

Stoicos mali principium non in Deo, sed in Materia (quae tamen Deo, ut ipse alique volueront, aëre aequalis, et aeterna), in Materia, inquam, constituisse. Itaque quomodo Deus homines aliaque faceret, omnia bona et in bonum finxisse: sed repugnantem aliquam vim et malitiosam in illa fuisse, atque esse, quae alio traheret: atque hinc *Interna*, atque etiam *Externa*, mala exstitisse. Valde notabile, et vetus dogma, inter religiois etiam nostrae proceres decertatum. De Stoicis, Seneca aperte dixerit (I Quaest. Natural. in Praef.): « Vtrum Deus quod vult efficiat, an in multis rebus illum tractanda destituant: et a magoo artifice formentur prava multa, non quia cessat ars, sed quia in quo exerceor (Materia) inobsequens arti est. » Nota, *Materiam inobsequentem*, et ab ea *Prava* esse. Plato saepe haec tangit, et huc transit: ut quum dixit Materiam, aut in ea Animam, « iocompositam et mali auctorem, sive maleficam. » Iterumque: « adversariam et rebellem Beneficæ Naturæ », id est, Deo. Animam sive Virm in Materia dicit: neque enim ipsam per se vult malam, sed latens in ea aliquid, quod in generatione se exerit et promit. Immo deus « Muodi animas ab eo statim, natu iam grandiore, in Libris de Legibus; et quum diu fluctuasset, Beneficam ac Maleficam; » Plutarchus est auctor. (De Iside et Osir.) Non abit ab hoc senso etiam Trismegistos (cap. 14): « Ipsi factori Deo nullum malum aut turpe assignandum; nam hæc sunt affectiones generationis assecclae, sicut aerugo acris, sordes corporis. » Paria Tyrius etiam Maximus, inter Platonicos, Sermonem huius argumento. Verba hæc paoca eius habet (Serm. XXV): « Sicut in opificio manualium artium, aliud ipsa ars ex professo facit, intendens operis sui finem; alia consequuntur opificio, non artis opera, sed materiae effectus (ut scintillae ex incude exsilientes, ut fuligo e fornace, et aliud ex alia materia), quae necessario adherent operae, nec tamen artificis proposito: tale nimirum in his quae circa terram eveniunt, quaeque incursus humanorum maiorum vocamus. In quibus innoxiam et incolpatam artem ceosendum, sed esse hæc Fabricæ totius Vniuersi velot necessarias quasdam et consequentes naturas. » Quae ad *Externa* etiam, aut *Naturalia* mala ex meote eius ducas: sicut et Senecae ista: « Quare tamen Deus tam iniquos in distributione Fati fuit, ut bonis viris paupertatem, vulcera, et acerba funera adscriberet? Non potest artifex mutare materiam; hæc passa est. » (De Provid. cap. 5.) Itaque, ut addit, languida et ignava ingenia « inertibus necluntur

elementis; ut efficiatur vlr cum cura dicendus, fortiore fato opus est. » Neque abnuit, in principiis Fati aliquid esse, id est, in natura ipsa singularum rerum: quod hoc aut illuc ducat: sed in malum, a Materie sic affecta. Vetus, ut dixi, hoc dogma: et an non Pythagorae etiam? cuius illud traditur: « Principiorum alterum esse Unionem, id est, Deum et Bonum; alterum infinitum Binionem, id est, Daemonum, et Malum, circa quam Materialis multitudo est. » (Euseb. De praepar. lib. XIV.) Sed et prisci aliquot in Ecclesia nostra, sive extra eam, tenuerunt; ut Hermogenes, Tertulliano oppugnatus: qui (ut huius verba sunt, cap. 10 et alibi) « Materiam aeternam cum Creatore proponebat, ut Malum a Materia, non a Creatore deduceret. » Oppugnavit et Maximus libello, ut apparet, docto et arguto: cuius magna lacinia Eusebianae *vesti* (Stromat.) est inserta: et digna videri. Tangit hanc sententiam et Arnobius (De Praeparat. Evang. lib. VII, cap. ult.), eruditus ille Afer; sed parum fortiter reiecit, immo propior videtur adhaerenti. Scribit alibi (lib. I); « Quid si prima Materies, quae in quatuor rerum elementa digesta est, miseriarum causas suis continet irritationibus involutas? » (Ita enim prisca lectio, antehabenda editae, in *rotationibus*; quia significat, aliquid in ea esse occultum, quod mala provocet et irriter. Siquid tamen mutandum, in *rationibus* magis vellem.) Hoc ibi, velut assentiens; sed alibi spernit, et impugnat (Lib. II). « Mala ergo, dicitis, unde haec omnia? Ex elementis, inquirunt, et ex eorum inaequalitate, sapientes. Quod qui fieri possit, ut quae sensum et iudicium non habent, malitiosa esse perhibeantur et noxia; aut non potius ille sit malitiosus et noxius, qui res pessimas, et nocentissimas futuras, in alicuius operis assumpsit affectum; eorum est, qui asserunt, pervidere. » Bene, dico, impugnat; quomodo enim bruta et insensa materia sic prava? viditque Plato, et fugit: qui *Vim* in ea et *Animam* maleficam ponit. Tamen iterum Arnobius iudicium a se abdicat, et alibi fatetur libere, Non liquere. « Quid ergo nos? inquit (eodem libro): mala unde? Responcioni necessitas nulla est; sive enim possumus dicere, sive minus valeamus, nec possumus: utrumque apud nos parum est: nec in magnis ponderibus duximus vel ignorare istud, vel scire, unum solum posuisse contenti; Nihil a Deo principe, quod sit nocens atque exitiabile, proficisci. » Vides fluctuationem eius in Mali causa: assertionem tamen Boni semper et solum Dei.

DISSERTATIO XV.

Alia responsio nostra, et firmior, super istis. Distincta Mala Supplicii et Delicti: et quibusque suis auctor assignatus.

Quanto autem clarius haec gentilis eius, et aevo paulo anterior, Tertullianus, o magnum Ecclesiae lumen, nisi cadauca stella fuisset! Is distincte admodum obiectiunculis et Gentilium, et Haereticorum, respondet, quorum assidua ista, Vnde mala Interna, aut Externa? Et Maroion ille famosus, ut elideret, duos Deos inducebat, Bonum et Malum: et utrumque, talium auctorem. Quod sumptum a Magis Chaldaeorum aliquis dicat: quorum fuit, « Duo principia rerum esse, Bonum Daemonem, et Malum: quorum ille Jupiter, sive Oromasdes, illorum lingua; iste Pluto, sive Arimanius diceretur. (1) » Ab illis, inquam, propius et vicinius hoc sumpserit, quam a Stoicis; qui Materiam causam Mali, sed non Deum, faciebant. Sed ad rem in illum ita scribit (lib. II, cap. 14): « Mala dicuntur, et Delicta, et Supplicia. Sed adhibita distinctione utriusque fortunae, separatis malis Delicti et malis Supplicii, malis Culpae et malis poenae: suum cuique parti definitus auctorem. Malorum quidem Peccati et Culpae, Diabolum; malorum vero Supplicii et Poenae, Deum creatorem. Vt illa pars, Malitiae deputetur; ista, Iustitiae, mala condentis iudicia, adversus mala Delicti. » Optime. Mala culpae, vere mala, non sunt a Deo; mala poenae, dictione et opinione mala, sunt (audacter dicimus) ab illo. Damascenum audi (lib. IV, cap. 20), Graecum Afro congruentem: « Dupliciter malum dicitur. Natura, quod virtuti adversatur, et divinae voluntati. Opinione, quod sensu nostro tale est; ut sunt calamitates, et afflictiones. Nam haec in specie mala, re bona sunt, sapientibus conversionis et salutis causa. » Addit deinde scitum corollarium: « Sciendum, quod et bonum nos causae sinus. Nam malorum quae a voluntate sunt, haec quae contra eam, sunt proles. » Quid potest verius aptiusque? Externa mala tu accusas? te potius et interna tua, quibus haec provocasti, et (illius metaphora) procreasti. Ante saeculum virum, quam sapienter hoc magnus ille Homerus? Apud quem Jupiter.

Ω πόποι, εἶον δὴ νῦν θεοὶς βροτοὶ αἰτιάσονται.

Εἴς ἡμῶν γὰρ πασι κακ' ἔμμεναι· οἱ δὲ καὶ αὐτοὶ

ἔχουσιν ἀνασταλέσθαι ὑπὲρ μέρων ἄλλης (Odyss. α.)

(1) Vid. Plutarch. de Isid. et Osirid. Laërt. in Praefat. aliique.

Vah, quem nunc homines iniuste numius colpant!
 Ex nobis namque esse mala aiunt, at sibi ipsi
 Nequitin propria, praeter fatum, mala gignunt.

Potuisse aliquem profundum hoc Providentiae penetrare, si non a caelesti aura propectum? profecto fuit. Stulti, inquit, mortales Deum inscribunt cladibus auctorem: sese debent. Non enim ille, nisi ob proprias eorum culpas, haec immittit; nec Fato simpliciter, nisi attextu causae talis, destinavit. Punit, sed quia peccarunt. Nexa haec sunt: et ideo Zeno noster olim, servo in furto deprehenso, quum castigaret, atque ille reclamaret, « Fatale mihi erat furari: Et caedi, inquit. » Igitur non haec Mala, sed Opinione tantum, sive ut Seneca, *Specie*. Ita enim alibi (Epist. xcv): « Dii nec dant malum, nec habent: caeterum castigant quosdam, et coercent, et irrogant poenas, et aliquando specie mali puniunt. » Iam haec capis, et assentiris? AVD. Capin, assentior: nec vel ius est in hos testes refragari. Tamen explicatius, quæso, Malorum culpa da auctorem. *Diabolum*, niehas ex Tertulliano. Sed quid? an non et hunc Deus fecit? ergo malum, et mala. LIPS. Respondeo, Diabolum auctorem sui sibi mali fuisse, nostri suasorem. Quomodo? nam Deus hunc quoque bonum fecit primitus, sed liberi sui arbitrii et spontis: elegit autem malus esse. Itaque si quaeris, Unde malum? cum Damasceno dicam: « Spontaneae voluntatis Diaboli inventum. » (Lib. IV, cap. 21.) Ipse sibi, et ex se, fecit: si eo verbo in re nibili est utendum. Malum enim non est aliquid *Quod Est*; haud magis quam Tenebrae, aut Caecitas: sed duntaxat privatio et deliquium boni. Et inde aptissima voce Latini *Delictum* dicunt. Ergo non proprie dixerim *Factum*, aut *Productum*: magis, admissum et inductum: sicut luci tenebrae, Soli anx succedit. Creationem igitur non quaere: causam potes; atque ea est Voluntas. Augustinus subtiliter (XII De Civit. cap. 6), ut solet: « Mala voluntas est efficiens operis mali; malae autem Voluntatis efficiens, est nihil. » Iterumque (cap. 6): « Nemo quaerat efficientem malae Voluntatis; non enim est Efficiens, sed Deficiens: quia nec illa effectio est, sed defectio. » Tenebras nemo videt; silentium nemo audit; intelliguntur absentia contrariorum, quae sunt; ita hic, quod Malum est, non vides, neque proprie subsistit; neque omnino, ut verbo dicam, est. Ecce in exemplo. Fornicatio actus est, et malus, subsistit et est aliquid, sed ea parte non malus, quae est amor, coniunctio, actio: ea tantum, quae praeter aut contra Deum eiusque

legem exercetur. Itaque iuitium habet, Boni absentiam; auctorem, Voluntatem; incitatore, Diabolum. Iheu subtilia, et nostrae Theologiae! inquires. Sunt, et non sunt; nam et Plato, et Platonici sic adstruxerunt. Ille alibi (lib. X de Rep.), in oratione Lachesis: « Virtus dominum non habet, libera est; quam ut quisque colit, aut negligit, plus minusve ex ea habebit: Causa eligentis: Deus autem extra culpam. » In arbitrio et voluntate utrumque est nostra, Virtus Vitiumque: « Et malitiam (ait Tyrius Maximus) libertas animae et parturit, et parit. » Satis iam dedi Deum non auctorem; et cum Platone hoc claudimus: Deus, et omnia quae a Deo, semper et ubique optime habent. » (In Timaeo.)

DISSERTATIO XVI.

Tertio quaeritur de Malis Externis: et responsum. Videri etiam minima illorum a Deo esse.

AVD. Et satis accepi equidem: sed de *Externis* malis levi sermone, et ut transiens, libasti. Non tanti sunt? Atqui, Deus bone, quam culpant? Poëtae, oratores, ipsi Philosophi inclamant, et ab hoc aspectu non Providentiam tantum, sed Deum paene tollunt. Iuuevis aliquis obiit? vir bonus, et vita dignus, obiit? audi voces.

..... Ignoscite fasso,
Sollicitor nullos esse putare Deos. (OVID.)

Alterius: « Convalesce, nè optimi Senatoris longa vexatio faciat fidem, Nilil curare caelestes. » (Symmachii lib. VIII.) Quid muliercula, quae e sepulcro clamat? « Procope manus levo contra Deum, qui me innocentem cito sustulit. » Quid ergo? melius erat *nocentem*? iterum alius (Quadrigar.): « Haec maxima versatur Deorum iniquitas, quod optimum quemque non sinunt diurnare. » Iam ubi boni iacent, mali florent et vigent; quot querele?

Marmoreo Licinus tumulo iacet, at Cato parvo,
Pompeius nullo: credimus esse Deos?

Iason ad Medeam, in scelere felicem;

Testare nullos esse, qui verheris, Deos. (SEN. in Med.)

Alius Tragicus:

SEN. TOM. IV.

Ii

Τολμᾷ κατὰρξάν, μὴ ποτ' οὐκ αἰσι θεοί,
Κακὸν γὰρ εὐτυχούντες ἐκπλήττονσι πα·

Audeo profari: Suntu val regnant Dei?
Nemque improborum nec attonat felicitas.

poeta :

Quinetiam infelix Virtus, et Noxia felix;
Et male consultis pretium est, Prudentis fallit:
Nec Fortuna probat causas, acquiturque merentes:
Sed vaga per cunctos, nullo discrimine, fertur. (MANIL. IV.)

Feratur: quid deinde inferitur?

..... Iamiam neque Dii regunt,
Neque profecto Deum summus rex omnia curat.

Non sit finis eiusmodi sermonum: quos impios scio, et exspuo: sed cogitationum umbras istas quis potest statim et fortiter pellere, nisi Ratione munitus? quam a te exspecto. LIPS. Ego vero transivi, ut ais, et attigi: quid enim opus dicta mihi aut aliis iterare? Olim in *Constantia* satis ostendi causas suas et iustitiam haec omnia habere, quae in prima fronte alienissima ad ea videntur. Quid ipse noster Seneca, nonne proprio libello *Providentiam* satis assernit contra eiusmodi vellicationes, aut morsus? Et pleraeque istae Affectuum voces sunt, non Iudiciorum. Matrem tum illam audies, ut ratione loquentem, quae amisso filio,

Atque Deos, atque astra vocat crudelia?

audies, sed ut matrem. Tale in aliis, qui de immatura aliqua morte queruntur: in qua sensus et rationis compotes gratulari et gaudere debebant. Nugatoria haec sunt. At floret, et dives est aliquis malus. Magnum! habeat sibi, in curam, angorem, ruinam. Pauper, bonus. Quid mali? nisi iis qui haec sola mala autumant, quae non faciunt malos: et magis erubescunt (ab Augustino mutuo III De Civit. cap. 1) si Villam malam habeant, quam Vitam. Alibi distinctius de causis diximus: sed semel nunc et universe, in istis omnibus opinione Malis, aut Punit Deus, aut Exercet. Punit malos aut innectos malis: exercet suos et firmat. Innectos dixi; nam saepe contagione quadam, ut mali bonorum, sic boni malorum consortes fiunt, utrique ob utroque. Nec Homerus hoc nescivit, qui de Graecis afflictis causam reddit,

..... ἵνα οὕτως νοήμονες, οὕτως δίκαιοι
 Πάντες ἴσαν (Odyss. γ.)

..... quia nec sapientes, sed neque iusti
 Omnes vivebant.

Audis, omnes? ob mixtos malos, male fit igitur et probis: sed ob probum aliquem finem. Augustinus (IV De Civit. cap. 3): «Iustis quidquid malorum irrogatur, non est poena criminis, sed virtutis examen.» Stringo, etsi in lato ad cursum campo: alia nos vocant. Avn. Ego tamen leviter teneo, aut tuus Seneca: hunc audi, et te indulge. Ille vero in his *Externis* non agnoscere, aut approbare Providentiam videtur: certe non semper. Verba eius perpendenda (Epist. xov): «Deos esse, qui universa vi sua temperant, qui humani generis tutelam gerunt, interdum curiosi singulorum.» Scis eum verba bene librata dare: quid hoc est, Deos *Universa* curare; *Generis* totius humani tutelam gerere, etiam *Singulorum*, sed *Interdum*? Quid, inquam, nisi interdum negligi et seponi? Consequitur, quoquo te vertas: nec aliud in mente sensit. Est nempe hoc quod Balbus ille Stoicus apud Tullium affirmat, «Deum singulos homines curare»: sed cum exceptione, quam addit; «Nec vero hoc ita refellendum est, ut si segetibus, aut vinetis cuiuspiam tempestas nocuerit, aut si quid e vitae commodis casus abstulerit; eum, cui quid horum acciderit, aut invisum Deo, aut neglectum a Deo iudicemus. Magna dii curant, parva negligunt; magnis autem viris prospere eveniunt semper omnes res: siquidem satis a nostris (Stoicis) et a principe Philosophorum Socrate dictum est, de ubertatibus Virtutis et copiis.» (II De Natur. Deor.) Haec illuc eunt, ut Deus insuper habeat, et quasi conniveat, dentur Externa, non dentur singulis, Bona sive Mala: et satis, si Virtus adsit; in qua una Felicitas et beatae vitae summa. Et Cotta in refellendo (lib. III extr.) prorsus hoc apprehendit, *Singulos non curari* semper a Diis, ex Stoicorum sensu: in hac, dico, Externorum parte. Vbi ergo, Lipsi, Providentia tua omnium et singulorum? Lirs. Immota, nec hic Austellus turbarit. Seneca, et alii, aliquid vacillant: sed non ut nesciri ista a Deo faciant (non opinor), sed patiente eo, et velut connivente evenire. In Materia haec insita erant, ut dictum est, ideoque quadamtenus a Providentiae lege exempta: si ita accipis, ut uolis immitti ea, sed permitti: Non aliud hic video: immo illud video, Senecam toto libello *De Providentia*

huc neglectui adversum, et ex destinato omnia, et consulto, et bono etiam nostro fieri. Sed iam ad planiora et minus aspera.

DISSERTATIO XVII.

Triplex obiectio contra Fatum; ordine solvuntur singulae.

AVD. Nec nunc dimittam. In Providentia acquiesco, fluctuo etiam in Fato. Immobile dixisti: quomodo potest, triplici iata iniectione? Primum, Magia, q̄t Genii inferi vel aërii mutant, aut incidunt: naū notandum, et Lucano sibi clare scriptum. Deinde, Deus ipse mutat, qui precibus exoratur; et flectitur, atque adeo poenitet: quod ipse in Sacris de se dicit. Tercio, si pertendis omnino immutabile; Peccata ab eo non excludes, quidquid ante dixeris, et necessario evenient ex Praescientia illa divina. Has quoque nubeculas si pellis; o te meum Solem, et fato mihi quoque datum ad aimum serenandum! LIPS. De Fati serie diximus: tu quoque videris eam neectere, et catenam struere interrogationum. Solvamus tamen levi opera; nec fortasse implicata nimis, quas offera. De Magia, commemini sane Lucanum scribere, ubi Thessala illa maga ad Pompeium filium:

..... conciditur arti,
 Quam quum radiis presserunt sidera mortem,
 Inseruisse moras: et quamvis fecerit omnis
 Stella senem, medios herbis abrupimus annos. (Lib. IV.)

Hoc in singularibus fatis iactat, sed in publicis, abdicat.

Nam simul a prima descendit origine Mundi
 Causarum series, atque omnia Fata laborent,
 Si quidquam mutasse velis, unoque sub ictu
 Stat genus humanum: tunc, Thessala turba, fatemur;
 Plus Fortuna potest.

Haec poëta ille ita divisim; qui amat quidem Stoicus saepe esse: in hac tamen sententia haereo, nec temere decido. Quid vult? singularia Fata ab aeterno et a prima origine Mundi, ut loquitur, non definita apparet: aut saltem seorsim causas suas habere, nec cum aliis implexas. Itaque sollicitari et moveri, sine confusione aut turba Universi. Aliter in Publicis; quas plures tangunt, et pluribus nexa sunt, et iniuncta. Ista, dico, mens videtur: sed vana. Nani quantumvis subitum aliquid, aut inopinatum a Magia intervenit (neque enim negamus), nostro tamen

sensu id sit, Deo iam ante visum et scitum. Talis, dico, illa subita causa, inter medias est, et adiutrices illius Fati. Quod autem de Publicis ait, non mutari, id sane verum, nec magis tamen minusve, quam Privata: sed hoc singulare habent, quod noluerit minutos istos Genios hic inseri, et totum illud notabile et nobile regimen sibi, aut altioribus Geniis, asservavit. Itaque mirum satis est, omnem Genialem collatam operam nihil in Regum consilia vel arcana, nihil in indiem decreta aut poenas: addo, parum aut nihil in rem nummariam, aut thesaurus, posse. Vim illorum et subtilitatem si vides, quid facilius, quam in cubicula Principum irumpere, literas tollere, aut supponere? in arcam memi aut Crassi potius alienius penetrare, et vim pecuniae auferre, clientulis suis largiri? Non possunt: reseruat benignus, et nostri curator Deus; ne si haec talia faciant, magis ad se alliciant, et in barathrum scenae trahant. Atque hoc de Magia igitur, ex vero si vides, non refellit Fatum: si ex Lucani sensu, dubito, et ne ille quoque voluerit (supra dictum) cum patruo suo negligi interdum res, aut Fata *Singulorum*. Altera iniectio, de Preeibus, et Deum flecti ac mutari. Pro vulgo satis hic loqueris, et altius ire te volebam, et praevi. Quid? Deum tu censeres mutare sententiam? ira aut miseratione, humanum in merem, tangi? Immutabilis est: et Saera quod sic loquuntur, pro capto nostro est, et figurato duntaxat quodam sermone. Augustino hoc eredes, sic scribenti (XIV De Civit. cap. 11): « Deus etsi dicitur statuta mutare (unde *tropica* locutione in Scripturis sanctis etiam poenituisse legitur) iuxta id dicitur, quod homo speraverat, vel naturalium ordo causarum gestabat: non iuxta id, quod se omnipotens facturum esse praesceiverat. » Item alibi (XXII De Civit. 1): « Quomodo Deus mutare dicitur voluntatem, ut quibus lenis erat, verbi gratia, reddatur iratus, illi potius, quam ipse, mutantur: et eum quodammodo mutatum, in his, quae patiuntur, inveniunt. Sicut mutatur Sol oculis sauciatis, et asper quodammodo ex miti, et ex delectabili molestus efficitur, quum ipse apud seipsum maneat idem qui fuit. » Tale in Hieronymo, quum ad hanc objectionem respondet (In Ezech. cap. 33): « At praedixit aliquid Deus », addit: « Non enim praedixit, ut veniat, sed ne veniat et ideo comminatur, ut convertatur ad poenitentiam cui minatur; » et alibi (In Daniel cap. 2) planissime cum Augustino: « Ad preces Ezechiae et Ninivae Dei sententia commutata est: non vanitate iudicii, sed eorum conversione qui meruerant in-

indulgentiam. » Iam tertium quod opponebas, est a Praescientia Dei, quasi eventus alligante, et sibi adstringente. Id firmum quum primo videatur, infirmissimum est inspectum et exploratum. Qua Praescientia? nego in Deo esse. Non enim praescit proprie, sed scit; nec praevidet, sed videt. Nostrae imbecillitatis verba sunt, qui tempora partimur, nec aliter intelligimus: Deo omnia iuncta, nexa, unita, Praeteritum, Praesens, Futurum. Omnia, inquam, in praesente et in oculis habet, et Aeternitas illi est momentum. Imagine aliqua hoc discrimen Maximus Tyrinus ostendere voluit (Serm. I), comparatque « Divinam mentem Soli, qui uno intuitu, quod ubique est lustrat: hominem Viatori, qui longa mora, et temporum intervallo haec et illa videt, et non videt. » Tenuis comparatio, sed illustriorem unde sit dare? Itaque faex et sordes nostri intellectus sunt, quum argutamur de hac Praescientia: cogita autem vere Scientiam esse: et simul copies, quam nulla necessitas ab ipsa impressa. Ecce ego te in convivio potantem, saltantem, amplexantem: certo quidem video, nec fallor: numquid ergo causam praeebo, aut cogo? Negabis, et hic nega. Illud magis urgeat aliquis: An non vult igitur illa fieri? Vult, non vult: et distingo. Est Voluntas in Deo, quae Graecis Theologis *κατ' αὐθεντίαν* dicitur: id est, voluntas iuxta id quod libet, et placet: atque ea est vere et proprie voluntas. Est altera *κατὰ συγγνώμην*, ex permissione et concessu; qua habet se in modum scientis magis, quam assentientis. Illa prior in Bonis est, aut Mediis: haec altera in vere Malis, id est, Peccatis, quia videt fieri, et patitur (quid enim illa invito fiat?) sed causas medias liberas et soi iuris fecit, nec immutat. Iterum curiosulus: At potuit fecisse hominem in bono firmum, nec malo flexilem: cur non fecit? Stulte causa a causa ipsa petitur: aliquid tamen, ut homo, dicam. Liberum fecisse voluit, et decuit illum sublimem inter omnia animalia, illum Deo propinquum. Perfectus homo non erat, si liber non erat. Denique sic placuit; cui nisi optimum placere non potest: quid inquis? « Et quamquam praescierat (Tertullianus Adv. Marc. II, c. 7) hominem male institutione sua usurum: quid tam dignum Deo, quam gravitas, quam fides institutionum qualiumcumque? » Sed gradum iam refræno. Providentia et Fatum verbis satis asserta sunt, magis se ipsa quotidie factis. Teneamus utraque manu, amplectamur toto animo, omnibus et singulis haec intervenire. Homerus clamat:

... Μόρην δ' οὐτινα φημι περὶ γυναικῶν ἀνδρῶν,
Οὐ κακίον, οὐδὲ μὲν ἐσθλόν, ἴσθιν τὰ πρῶτα γίνεσθαι.

.... Fatum alio nullum vitasse virorem
Pravum, sive bonum, quum primum venit in orbem.

Quis fractus erit? Patientia, et Constantia. « Ad hanc legem animus noster aptandus est, hanc sequatur, huic pareat: et quaecumque fiunt, debuisse fieri putet, nec velit obiurgare Naturam. » (Ep. CVII.)

DISSERTATIO XVIII.

Genios etiam esse, Dei et Providentiae ministros; eorum genera, et sedes, ac de Heroibus primo, Laribusque.

Deum supremum, et divina, vidimus: ad ministeria eius imus, sive Genios, quos non auxilium (quid opus erat?) sed ornamentum, et testandae bonitati, sive magnitudini, assumpsit. Atque etiam ordinem assumpsit. Nam quom « Mundus Deorum hominumque sit civitas, » ut Stoicis placet: decorum et ordo voluit ubique eum coli; et ab iis, qui gradibus et dignitate distinguerentur. Plato et Platonici quam multa de istis; sed mihi lubet et convenit in Portico haerere: quae ita definivit (apud August. VII De Civit. c. 6) Varronis verbis: « Mundum dividi in duas partes, Caelum et Terram. Et Caelum bifariam, in Aethera et Aëra. Terram vero, in Aquam et Humum. Quas omnes quatuor partes animarum esse plenas: in Aethere et Aëre, immortalium; in Aqua et Terra, mortalium. A summo autem circuitu caeli, usque ad circulum Lunae, Aethereas animas esse, Astra ac Stellas, eosque Caelestes Deos non modo intelligi esse, sed etiam videri. Inter Lunae vero gyrum, et nimborum ac ventorum cacumina, Aëreas esse animas, sed eas animo, non oculis, videri: vocarique Heroes, Lares et Genios. », De Aqua et Humo omittit, in quibus sunt mortale genus, Homines et Bruta. Haec vero pulchra, et Varrone digna, examinemus, atque ad ea Stoicum praecipue sensum aptemus. Dividit *Caelum* in *Aethera* et *Aëra*. Ita enim nostri, nec nisi purissimum illum et caelestem ignem, non alium subtus Lunae circum agnoscunt. *Aëra* autem *Caeli* vocc comprehendunt et Hebraei passim, quod e Sacris nostris est notum. Addit mox, « Eas omnes partes Animarum esse plenas, » Plenas? Aeneas Gazaei verbis (In Theophras-

sto) hoc adstruendum est, pii et docti scriptoris. "Atqui potestatum intelligentium (id est Spirituum) plenum totum caelum, plenus aether angelorum et daemonum, plenus aër, plena terra, et mare, et omnia quae sub terra. Atque ut dixit aliquis (1) nostrorum Sapientium, nihil vacuum, ubi vel capillum in Aethera Aëraque iacias." Vera dicit; infinitae, nostro sensu, myriades myriadum sunt, Bonorum Malorumque; Deo finitae. Memini in veteri quopiam legere, "Non aëra aestate tam plenum muscis, quam Geniis esse." Addit Aeneas amplius: "Si Deus donet hunc Mundum decem millia annorum etiam stare, et homines vivere assidue ac mori; numquam tamen Angelorum Daemonumque numerum Animae superstites possint aequare." Pergamus in Varrone, qui ait: "A summo caelo ad circulum Lunae Aetheras animas esse." Paulo alia distinctio in Martiano Capella (lib. II), qui "Deos, quos ignitae substantiae flammantisque suspicimus, ab ipso Aethere sphaeraeque superioris ambitu, usque solarem circulum" deducit et locat: eosque "Deos simpliciter, itemque Caelites perhiberi et causarum arcana componere. Illic Iovem ipsam regnare. At infra Solis meatum, usque Lunarem globum, secundae beatitudinis nunnina, supparisque potentiae esse: per quae Vaticinia, somniaque, ac Prodigia componuntur." Itaque et Genios ibi locat, non in Aëre; aliter ac nostri, et Plato ipse. Vnde hanserit, non nunc quaero: ad meum redeo, qui in *Aethere Animas* ponit, *Astra ac Stellae*. Quod in parte Stoicum, atque etiam Socraticum, Sidera aut Animas, aut animata esse. Pergit: "At vero inter Lunae gyrum, et simbornum ventorumque cacumina." Observa: ergo tantum in media aut supra Aëris regione *Heroes, Lares, Genios* locat? Apparet e verbis: si tamen satis plena Augustinus caretulit, aut exscriptor dedit. Nam ego hercules ambigo, et controverto: iure. Quid? *Genii* nulli in Aëre infero, et circa terram? sunt vero, et innumeri: atque ipsi nostri omnes tutelares. Quid *Lares*, in Aëre supero? imo inferum istum colunt, atque adeo domos et focos. Denique communis opinio, qui de Geniali hac re scripserunt, totam Aëra iis assignat. Quid ergo in Varronis scripto aut sensu hio sit, plane haud dixerim: exempla videamus. *Animas* ibi esse, quae vocantur *Heroes, Lares, Genii*. Tria genera dat, situ etiam diverga; nam *Heroes* in supero Aëre, Lunae vicini; *Lares* in imo, Terrae; *Genii*, per totam cum sparsi agunt. Licet autem distinctius di-

(1) Aliquis e Patribus Christianis.

vident, *Geniorum* alios (communi nomine) *Animas* quidem esse, sed quae aliquando in corpore fuerint: uti sunt *Heroes*, et *Lares*. Alios praestantioris dignitate, qui semper a corporis compedibus ac nexibus liberi egerant: ut sunt *Genii* proprie dicti. Et qui sunt *Heroes*? Alii nobis, alii Platoni, qui eos *ἡμιθεοὺς*, *Semideos*, vocat ex *Aqua* natos (In *Epinomide*): quod scilicet crassiore quadam substantia, quam *Genios Aëreos* constare ac confici censeret. Hos ἀπὸ τοῦ ἕρως derivat (In *Cratylo*), "quod ex amore immortalis Dei in foeminam aut immortalis foeminae in virum, procreari videantur." Cuius sententiae et *Hesiodus* fuit, quum scripsit (in *Epygo*):

Ἀνδρῶν ἡρώων θεῶν γένος, οἱ καλλίστας
ἡμῖν

Divinum genus *Heroum*; quos et vocitamus
Semideos.

Alii ab ἥρας, id est, *Iunonis*, aliique ab ἑρας *Terrae* voce *Her*oas formant: quod *Heram* veteres (ait *Marcianus*) *Terram* dixerunt: quasi terrestres quosdam *Deos*. Atque ita *Prisci Latini Semones* dixerunt, velut *Semi homines*: nam *Hemionem* illi hominem efferebant. Sed *Augustino* pro *Stoico* sensu audiamus (lib. X, c. 21): "Herois nomen a *Iunone* dicitur tractum, quod Graece *Iuno ἑρα* appellatur; et ideo nescio quis filius eius *Her*os fuerit nuncupatus. Hoc videlicet, veluti mysticum, significante fabula, quod *Aër Iunoni* deputetur, ubi volunt cum *Daemonibus Heroas* habitare, quo nomine appellant alicuius meriti animas defunctorum." *Apuleius* consequenter (De *Deo Socr.*): "Deos appellant (has minores) qui ex hominum numero in ste ac prudenter vitae curriculo gubernato, pro numine postea ab hominibus praediti, (1) fanis et caeremoniis vulgo admittuntur: ut in *Boeotia* *Amphiarus*, in *Africa* *Mopsus*, in *Aegypto* *Osiris*, alius alibigentium." *Plutarchus*: *Stoici Heroas* dicunt, τὰς μεχωρισμένας ψυχὰς τῶν σωμάτων: animas a corporibus abiunctas. Nec tamen omnes: et restringit merito *Laërtius*, inter *Zenonia*: "Heroas esse, relictas animas *Sapientum*." *Lucanus* (lib. IX, v. 6 sqq.):

Quodque patet terras inter Lonsaque meatas,
Semidei manes habitant; quos ignea virtus
Inuocuos vita, patientes aetheris imi
Fecit, et aetheros animam collegit in orbis.

(1) Lego postea hominibus praebiti.

tas animatas: id est, Animae in materie similes, usu et fine distantes. (Plut. I De Plac. cap. 8.) Pythagoras ante ens: "Esse totum aëra plenum animis: easque et Daemonas, et Heroas existimare.", (Laërt.) Nam *Lares* Graeci non distinguunt, imo, cum *Heroibus* confundunt: atque ita Glossae ἥρωας, *Lares*, non semel interpretantur. Sed *Daemones* igitur illis hoc genus dieti. Quare? "aut quia sunt δαίμονες (Maerubii verba I Saturn. e. 23) id est, scientes futuri; aut (ut Posidonius scribit in libris quibus titulus est περὶ ἡρώων καὶ δαιμόνων) quia ex aetherea substantia parta (lego *partita*) atque divisa qualitas illis est; sive ἀπὸ τοῦ δαιμόνιου, id est κασιμέου, seu ἀπὸ τοῦ δαιμόνιου, h. e. πασιμέου.", Vides hominis Stoici (Posidonii) super verbo sententiam, quae fere est et Platonieorum: sed ipse ex *Aetherea substantia* fugit; isti ἀπὸ τοῦ γένος (ipse ita Plato, in Epinam.) *Aëreum genus* faciunt; non tamen ex "hac saeculenta et humida caligine conglobata corpora, sed ex illa purissimi Aëris liquido et sereno elemento coacta.", En aliquod discrimen in materie; et Stoiei consensienter reliquae suae doctrinae ex *Aethere* formant, ex qua et Animas humanas. Sed hi sunt, quos Latini *Genius* dicunt. Tertullianus (Apologet. cap. 32): "Nescitis *Genios* *Daemones* dici, et inde diminutiva voce *Daemonia*?", Laetantius (lib. II, e. 14): "Illi spiritus sibi *Geniorum* nomen assumunt: sic enim Latino sermone *Daemones* interpretantur.", Festus etymon dat, "*Genium* esse *Deum*, qui vim obtinet rerum generandarum (1).", Addit deinde: Aufustius inquit, *Genius* est *Deorum* filius et parens hominum ex qua homines gignuntur: et propterea *Genius* mens nominatur, quia me genuit. Alii *Genium* esse putant, unius cuiusque loci *Deum*., Varia miscet: accernamus, et illustremus. Quin *Genius* a *genendo*, non dubium: sive quia genuit nos, sive, ut Apuleius, "quia nobiscum genitur.", Aufustius siebat, "*Deorum filium esse*.", Quorum? immo omnium Dei, Iovis; ex ipso Festo: "Tages *Genii* filius, nepos Iovis," qui disciplinam aruspicii dedit. Igitur supremi Dei filius, et (nisi fallar) Varronis interpretatione *Mundus*. Augustinus: "Quid est *Genius*? Dens est, inquit (Varro) qui praepositus est ac vim habet omnium rerum gignendarum. Subdit Augustinus: "Quem alium hanc vim habere credunt, quam *Mundum*, cui dictum est, Iupiter omnipotens, progenitor, genitrixque? Et quum alio loco *Genium* dieit esse uniuscuiusque

(1) Ita leg. non *gerendarum*.

Animum rationalem, et ideo esse singulos singulis: talem autem Mundi animum, Deum esse: ad hoc idem utique revocat, ut tanquam Universalis genius ipse Mundi animus esse credatur. „Haud dubie in his doctissimi Varronis Stoica aliqua sententia est: et qualis? Genium duplicem esse: *Singularem*, Animum suum cuique; *Universalem*, Animum Mundi. Hic igitur Animus, sive „incorporalia Ratio (ut Seneca) ingentium operum artifex, „Genius ille est a genendo. Nec inepte *Dei filius*, quis ab eo est, et idem ipse. Itaque vides duplicem ab illa Genium statui: quod item a Capella. „Ex superiorum, inquit, Deorum arbitrio, et secundorum comitatu, et Generalis omnium praesul, et Specialis singulis mortalibus Genius admoveor, quem et Praestitem, quod praesit (1) gerendis omnibus, vocaverant. Nam et populi Genio, quum Generalis poscitur, supplicant; et unusquisque gubernatori proprio dependit obsequium. „Vbi tamen *Generalem* illum ad populos tantum singulos, provinciasque: sicut *specialem* ad homines, urbes, loca alia certa, videtur allegare. Sed Varroniana mens alia fuit: etsi apta et vera etiam haec divisio, quosdam Geniorum sub illo magno Imperatore, velat Legatos aut Tribunos, populis regionibusque corare; alios iterum quasi Centuriones, collegia, oppidis, vicisque; denique et gregales milites, singulis hominibus, locisque. Ita templum *Genii publici*, sive *Genii p. r.* scimus in Vrbe fuisse: item Colonias, suos Genios: ipsi Principi seorsim suum, grandiore aliquem grandiori. Panegyricus scriptor, „Habes profecto aliquid cum illa Mente divina, Constantine, secretum, quae, delegata nostris diis minoribus cura, uni se tibi dignatur ostendere. „Ostendere, per astitem et praestitem Genium aliquem digniorem. Nota superstitio, an adulatio vetus Romana, per Genium Principis religiose iurantium. At nobis, inquit, Dii minores sufficiunt. Vulgatissima autem haec sententia Genios, a natali die, cuique assistentium. Menander:

Ἀστυ δαίμων ὁρῶν συμπαραστάς
 Ἐνός γενέσθω, μυσταγωγός τοῦ βίου

Cuique Genius iungitur mortalium
 Statim edito, moderator ut vitae siet.

Mystagogum ille dixit, Seneca noster *Paedagogum*. „Sepone, inquit (Epist. cxi), in praesentia, quae quibusdam placent:

(1) et Graeci *ἐκχρη* Genium vertunt.

Unicuique nostrum Paedagogum dari Deum, non quidem ordinarium: sed hunc inferioris notae, ex eorum numero quos Ovidius ait, de plebe Deos., *Quibusdam* placere hoc ait: quibus? *Stoicis* suis: nam iungit: "Ita tamen hoc seponas volo, ut memineris maiores nostros, qui crediderunt hoc, Stoicos fuisse. Singulis enim et Genium et Iunonem dederunt." Genium, nempe viris, Iunonem, foeminis: id erat, marem Genium, faeminaeque, pro sexu. Plinius (lib. II, cap. 7): "Singuli ex semet ipsis totidem Deos faciunt, Genios Iunonesque adaptando sibi." Itaque vere Lactantius (lib. II, c. 15): "Adhaerent singulis hominibus, et omnes ostiatim domos occupant." Quo tamen fine? iam dicto, ut curatores quidam essent, et inspectores. Hesiodus:

Τοι μὲν δαίμονες σισὶ δαΐς μεγάλου δὲ θεοῦ βουλὰς
Ἐσθλοῖ, ἐπιχθόνιοι, φύλακες ὄντων ἀνθρώπων.

Sunt Genii, ex mente et aucto Iovis omnipotentis.
Approbi, et in terra hominum genus accurantes.

Plato hunc talem vocat: "custodem vitae, et adiutorem consummatoremque, quae quisque elegeret." In tabula Cebetis ingeniosa, *Senex* depingitur *Genius*, qui vitae adstat, Chartam una manu tepens (e qua salutaria Monita legat) et altera quidam veluti monstrans. Mandat autem ingredientibus, quid, ubi in Vitam venerint, faciendum sit, et cui vitae se committere debeant, si velint esse salvi., Est ipsum dogma Stoicum: atque audi Epictetum. "Deus, inquit (I Dissert. cap. 14), nos curat: sed nihilominus curatorem unicuique addidit suum cuiusque Genium, et custodiendum eum sibi commisit: atque eum, qui nec conniveat, aut dormiat, quique decipi non possit." Sed et Zeno fatetur: "esse Daemones quosdam, sive Genios, qui erga homines afficiuntur, suntque inspectores actionum humanarum." Inspectores? usque eo, ut etiam forma humana se misceant, et singula ignoti ipsi narrent. Homerus sapientia, qua solet:

Καὶ τὲ θεοὶ ξείνοισιν ἐκκρίνεις ἄλλοδαποῖσι,
Παντοῖοι τελέθοντες, ἐπιστρωπῶσι πόλιν,
Ἀνθρώπων ὄρεν τε καὶ εὐνομίην ἔργωντες·

Atque Dei, hospitibus peregrinis se assimilantes,
In specie diversa, urbes atque oppida oberrant,
Et malefacta hominum, simul et benefacta notantes. (Odys. p.)

Quid Plautus ille ab humili soccò, nonne luc assurgit? *Arcturum* sidus facit praefoqui (in Rudeute):

Ita sum, ut videtis, stella splendens, candida
 Hic atque in caelo: nomen Arcturo est mihi.
 Noctis sum in caelo clarus, atque inter deos:
 Inter mortales ambulo interdus.
 Qui est Imperator divum atque hominum Iupiter,
 Is nos per gentes aliam alia disparat,
 Hominum qui facta, mores, pietatem, et fidem
 Noscamus; ut quaeque adiuvet opulentia.
 Qui falsas lites falsis testimoniis
 Petunt, quique in iure abiurant pecuniam,
 Eorum referimus nomina exscripta ad Iovem:
 Quotidie ille scit, quis hic quaerat malum.

Et plusscula, quae comiter addit. Quanquam hi Genii magis alti
 et sublimes sunt, et velut exploratores quidam ab Acthere, et
 Praetorio ipso, missi. Sunt igitur Genii observatores aut adstites,
 nec sortibus tamen affectusque unius. Alii enim Bovi sunt, alii
 Mali. Atque hos Trismegistus *πονηρούς* appellat, *Pravos*: *κακοδαί-
μονας* Plutarchus, et scriptorum vulgus. Clemens Alexandrinus
 (I Strom.): "Iam etiam Phocylides, Angelos vocans *Daemones*,
 quosdam eorum Bonos, quosdam *Pravos* his versibus ostendit.
 Sicut et nos (Christiani) *Desertores* quosdam spiritus suscipi-
 mus, et notos habemus:

Ἀλλ' ἄρα δαίμονες εἰσιν ἐπ' ἄνδρατιν, ἄλλοτε ἄλλοι.
 Οἱ μὲν, ἐπερχόμενον κακὸν ἀνὴρος ἐκλύττωσθαι.

Miscentur Genii mortalibus, et diversi.
 Hi quidem, ut a nobis clades et tristia pellant.,

Quasi dicat, alii autem ut immittant adiuventque. Atque hi mali,
 culti etiam antiqui, sed ut *Vejoves*, ut *Laeva* numina, et "quos
 (Plinii verbis) placatos trepido metu cupimus:", nec ut adsiut,
 sed absistant. Homerus saepe agnoscit:

..... κακὰ μέγιστο δαίμων·
 Genius mala mentu agitabat. (Odys. μ.)

Item:

..... τίς τοι κακὸς ἔχρας δαίμων;
 Malo quo daemone est usus? (Odys. x.)

Iterumque:

Ἀπὸ μὲ δαίμονος αἶσα κακῆ, καὶ ἀδίστατος οἶνος
 Lucsit me daemon malus, et mala copia vini. (Odys. λ.)

Satis de Privatis istis sive Singulorum Geniis: de Publicis aut Passivis aliquid addamus. Avd. Immo unum requiro tactum magis, quam plene dictum, de *Animo*, qui Genius suus cuique. Lirs. Attigi, perficiam. Apuleius: "Quodam significato Animus humanus, etiam nunc in corpore situs, Daemon nuncupatur."

... Dicit hanc ardorem mentibus addunt,
Euryale, an sua cuique Deus sit dira cupido?

Igitur et Bona cupido animi Deus bonus est. Vnde nonnulli arbitrantur, *Εὐδαίμωνας* dici Beatos, (1) quorum Daemon bonus, id est, animus Virtute perfectus est. Quem nostra lingua, haud scio an bono, certe quidem meo periculo, poteris Genium vocare: quoniam is Deus, qui est Animus suus cuique, quanquam sit immortalis, tamen quodammodo cum homine genitur. Satis plene atque etiam plene istic habes. Respexit Epicharmus:

Ο ὁρῶντος ἀνθρώπου μοῖρα δαίμων ἀγαθός, οὗ δὲ καὶ κακός.

Mores homini Genius bonus est, aut e diverso malus.

Etiam Heraclitus, quum dixit: "quod Ingenium homini Genius sit.", Atque ita quidam *Socratis* illud *Daemonium* cerebro interpretantur (Plut. et Cicero): ut quoniam: "Animus illi purus, et a corpore maxime abstractus fuit, facillime audiret atque intelligeret monita Deorum." Quanquam alii vere ad Privatum Genium eius referunt, qui se ei conspicuum etiam dederit, paucis factum. Ammianus, de Constantio Imperatore (lib. XXI): "Post haec confessus est convictoribus proximis, quod, tanquam desolatus, secretum aliquod videre desierit, quod interdum squallidius adfuisse sibi aestimabat. Et putabatur Genius quidam, tutelae eius oppositus, eum reliquisse, citius digressurum. Ferunt enim Theologi, in lucem editis hominibus cunctis, salva firmitate fatali, huiusmodi quaedam, velut actus rectura Numina sociari: admodum tamen paucissimis visa, quos multiplices auxere virtutes." Dat deinde Homerum auctorem; in cuius libris Genii cum viris fortibus versantur, et loquuntur: item "Pythagoram horum adminiculis praecipuis enituisse, et Socratem, et Numam Pompilius, et superiorem Scipionem, et Marius, atque Octavianum." Sed omitto *Speciales*, sive Privatos: aliud genus est quod *Generale* diximus, et publicae atque

(1) In *Manuduct.* lib. 41, Dissert. xix.

etiam privatim multiplices usus et pericula sui praebet. "Horum de numero curant singuli, ut est cuique tributa provincia, vel Somniis confirmandis, (1) vel Extis fissiculandis, vel praeceptibus gubernandis, vel Vatibus inspirandis, Fulminibus inculandis, ceterisque adeo, per quae futura praenoscimus." (Apul.) Vno verbo, Magiam totam isti suggerunt et administrant: nostris quoque Doctoribus scriptum. Vt Tertulliano (Apolog. cap. 23): "Per hos Magi phantasmata edunt, etiam defunctorum inclamant animas, pueros in eloquium oraculi eliciunt, multa miracula circulatorii praestigiis ludunt., Vt Minutio Felici: "Magi quoque non tantum sciunt Daemones, sed quidquid miraculi ludunt, per Daemones faciunt. Illis aspirantibus et infundentibus, praestigias edunt, vel quae non sunt videri, vel quae sunt non videri., Denique vario praedictionum (saepe fallaci) genere, "aemulantur divinitatem, dum furantur divinationem." (Tertull. cap. 22.) Pythagoras hoc quoque observavit, et prodidit: "Ab his immitti hominibus somnia et signa, atque morbos etiam et sanitates: nec solum hominibus, sed pecudibus ac iumentis. Ad hos referri Lustrationes et expiationes; ad hos Divinationem totam, et omnia, et similia., Tertullianus et his addicit (cap. 22): "Corporibus et valetudines insiliunt, at aliquos casus acerbos; animae vero repentinos, et extraordinarios per vim excessus., Minutius: "Vitam turbant, omnes inquietant, irrepentes etiam corporibus occulte, ut Spiritus tenues, morbos fingunt, mentes terrent, membra distorquent., Quid dicam poma, vites, fruges praecipitari ab iis, aut laedi? quid alio traduci? quid pluvias, nimbos, ventos induci? et plurimum mala, ab his scilicet malis. Sed bona etiam a bonis, si non provenire, promoveri est confitendum. Artes praecunt, aut docent: et quaedam humano ingenio nunquam eruenda, ostendunt. In medicina, exempli causa, quis ambiget occultas multas herbarum vires ab iis proditas? Quis Chemiam novae subtilitatis artem; his non deleget? et magis, quia ambiguum, et laedere aut fascinare etiam pronam. Quis Horologia ferrata illa, cum tot ponderibus rotisque reperit? quis Magnetem ad nauticam usum suggessit? quis Typographiam? quis Bombardas? Boni isti, aut alii: sed cum Apuleii tanta admonitione, ut "cuncta haec fiant Caelestium (imo *Caelestis* unius) voluntate, et numine, et auctoritate; sed Daemouum obsequio,

(1) *Lego, confirmandis.*

et opera, atque cura. In bovis, inquam, *Voluntate et auctoritate Dei*; in aliis, permissione et concessu. Sustineo, et a vorticibus me removeo, ad ripam appello. AVD. Heus tu, neque ego auctor multa hic inquirendi: universe aliquid scire satis sit, vereri etiam totum genus aut revereri. Sed estne vitae etiam aliquis in hoc fructus? LRS. In illis de *Custodia* magnus, Epicteti verbis suggerendus. "O homines, inquit (lib. I Dissert. xiv), scitote diligenti et praestanti cuidam Custodi unumquemque nostrum esse commissos. Quum igitur fores adduxeritis, et tenebras intus feceritis, mementote nunquam dicere, quod soli sitis. Non enim estis, non: sed Deus intus est, et vester Genius intus est. Et quid lumine istis opus est, ut facta omnia vestra videant? nihil." Quid autem? vitae solum curant, aut assistant? Immo Plato autumat, non solum tunc "adesse, nemini conspicuos, omnium non modo actorum, verumetiam *cogitatorum testes*," (Apol.): sed et, "ubi vita edita, remeandum est, eundem illum, qui nobis praebitus fuit, raptare illico et trahere velut custodiam suam, ad iudicium, atque illic in causa dicendi assistere: si qua commentatur, redarguere; si qua vera dicat, asseverare; prorsus illius testimonio ferri sententiam." Quis homini hominum haec suggestit, aut potuit, Sacrorum nostrorum arcanis sic alludentia, aut vicina? Miror hoc satis.

DISSERTATIO XX.

Plurcula etiam de Geniis. De origine, de malitia, de varietate munerum: et quaedam hinc rei e Sacris.

AVD. Et ego in tota re habeo, quod mirer satis. Multa non multis (morem tuum novi) dixisti: recogitanda mihi in otio, aut ruminanda. Et pleraque hercules probasti: sed auctoritatem tamen Sacrorum nostrorum, in re hac sacra, non saepius advocari, id quoque mirabar. Nam absque ea, nec credens, ut sic dicam, credam. LRS. Ergo alibi aliquid ambigis? prome: fortasse confirmabo. AVD. Ego vero: primam in principio et conditu istorum Geniorum. Esse dixisti: sed quo auctore? qua materie, aut sine ea? et unde quibusdam haec pravitas? Divisionem deinde dixisti, et munera: quid opus istis tot generum velut Adiuvis illi omnium potenti Imperatori? Per se numquid

SEN. TOM. IV.

KL

sufficit, publice privatimque, Mens illa per omnia diffusa, omnia gubernare? Haec oratus expedi; sicubi etiam haesero, oranda. LIRS. Cymbam alligabam: solvis, et in fluctus iterum deducis. Pareatur tibi, atque etiam argumento; quod tractare quum coepimus, pertractandum est. Quaeris originem, et auctorem horum Geniorum. Auctorem? et quem, nisi illum omnium Deum? Ipse condidit: ante orbem, et omne opus; an statim ab orbe; disputant Theologi: nam Sacra silnerunt. Quod ante hominem, id consentiunt: et Graeci fere etiam, quod ante omnem creaturam: « Decebat enim primo Intellectualem substantiam condi, et tum denique Sensilem: » ut adstruit ex Gregorio Nazianzeno Damascenus. (De Fide lib. I, cap. 3.) Condidit autem sola cogitatione: atque ea opus illi fuit. De Materie deinde quaeris. Theologiam nostram, id est veram, si attendis, non habent. Spiritus et Animi sunt, incorporei. Si Platoniam, corpora sunt, et quidem Aërea. Haud longe a nubium concretionibus: nisi quod « fila corporum possident (Apuleii ascriptione) magis rara et splendida, et tennia usque adeo, ut radios omnes nostri tuoris et raritate transmittant, et splendore reverberent, et subtilitate frustrentur. » Quid Stoici nostri? etiam corpora, sed *Aetherea*, id est, ignea, assignant. Et id saepe convenientius nostris etiam Sacris. Ecce rex Hebraeus (Psal. CIII): « Qui facit Angelos suos spiritus, et ministros suos flammam ignis. » Nec semel ita nominantur, aut comparantur: et Graecorum aliqui pulchre πῦρ αἰθέρον, *Ignem Immaterialem*, eos vocat. Nam agilitatem, levitatem, fervorem, lucem si vides: cum nulla rerum melius assimilentur. Hoc fateor, Aëreum saepe aliquid circumdare et assumere; scilicet ut nobis appareant, aut aliquo vestigio se ostendant. Sed tunc quoque (notatum) quum dissolvuntur, ignis aut sulphuris odorem aliquem sive signa ostentant. Sed de apparitione, *Chaldaeorum Magi* asseriebant, « Imaginum sive, sive Daemonum, plenum esse Aëra, qui velut fluxus quidam evaporationis, acute cernentium oculis se insinuent. » (Laert. in Praef.) et Homerus ea mente alias cum ἀνέμων πνοῇ, *ventuli aura*, alias cum ἐπίχλην, *nebula tenui*, comparavit. Sed et Magi hodie fatentur, et infelices foeminae libidinis Genialis victimae, tactu frigidos plurimum esse: ab Aëre et vapore scilicet isto circumfuso. Sed et idem poeta conspicit a quibusdam, non ab aliis qui adsunt, facit: quod Magi etiam volebant:

Ὁ γὰρ πῶ πάντας θεοὶ φαίνονται ἐναργεῖς;

Nou etenim apparent Divi cunctis manifesti. (Odyss. π.)

Vbi illud mirabile, et ex Naturae sinu excussum: Telemachum, qui aderat, Minervam non vidisse; canes vidisse;

Ἀλλ' Ὀδυσσεύς τε κύνες τε ἴδον καὶ ῥ' οὐχ ὕλαόν τε,
Κρυζέμεν δ' ἔτίμων δὴ στάθμου φέροντες.

Vidit Vlysses, atque canes: hi nec latrabant,
Sed blando gannitu aliosum diffugebant.

Vides sensum numinis habuisse, et reveritos cum gannitu, non autem latratu, diffugisse. Et tale etiam hodie observatum, ad naturam sagacissimi animalis; haud frustra Hecatae, id est, Lunae, Geniorum praesidi, attributi. Sed inhibeo: de Materie satis dixi. Quaevis amplius, Vnde pravi etiam facti? Id notum tibi oportuit. Litterae sacrae nostrae tradunt, initio bonos omnes (quomodo aliter a bono Deo?) conditos: sed in libertate arbitrii, ad fastum et prava inclinasse, et Deo adversantes, deiectos e caelo, sparsosque varie per hanc machinam esse. Illud notabile, quod Damascenus ait: « Ex angelicis potestatibus, illum qui Praeses rectorque erat Terrestis ordinis, et cui Terra a Deo custodienda permissa erat: » illum, inquam, Deo rebellasse, et cum suis a caelesti felicitate in banc terram et tenebras decidisse. Tanquam ille non fuerit supremi (quod alii plerique Theologi) Ordinis angelus, sed huius inferioris: et ideo in Terram suam relegatus, quam non curat nunc, sed turbat. Athenagoras etiam, paulo altius philosophatus, et ad *Animam Materiae*, (1) malorum causam Platoni, adspiciens, etsi Christianus, ita tradit. « Angelorum, inquit, alii mansere quales a Deo facti erant, Boni, et munera sua fideliter curantes; alii, res sibi creditas proterviter habuerunt, et a Deo defecerunt: » Isti fuerunt, « Materiae et Formarum in ea Princeps ac Rector, et alii qui circa primum (2) hoc firmamentum erant. » Iterumque postea vocat, « Materiae Principem: atque illum Dei bonitati, sua procuracione et administratione, adversari. » Procedit longius, et ait: « quosdam ex istis, captos amore virginum, et libidine victos, defecisse. Ex quibus Gigantes, qui vocantur, nati sint: eorumque Gigantum animae,

(1) Supra, Dissert. De Resurrect.

(2) Terrae primum.

circa terram obversantes, motus affectionesque similes parentum suorum edant. » Immo et Latini aliqui vetustiores in hoc sensu; ut Lactantius: « Deus Angelos misit, inquit (lib. II, cap. 15), ad tutelam cultumque generis humani; sed illos, cum hominibus commorantes, dominator ille terrae fallacissimus paulatim ad vitia pellexit, et mulierum congressibus inquinavit. Tum in Caelum ob peccata, quibus se immerserant, non recepti, ceciderunt in Terram. Sic eos Diabolus ex angelis Dei suos fecit satellites ac ministros. Qui autem sunt ex his procreati, quia neque Angeli, neque homines fuerunt, sed mediam quamdam naturam gerentes, non sunt ad Inferos recepti, sicut nec in Caelum parentes ipsorum. Ita duo genera Daemonum sunt facta, unum Caeleste, alterum Terrenum. » Ipsa haec talia Iustinus Martyr, Clemens Alexandrinus, Eusebius, Tertullianus, Sulpicius Severus: e quibus Eusebius etiam Poëtarum fabulam de Gigantum rebellione petit et ducit. Horum igitur sensu, duplex Daemonum lapsus, et discretis temporibus: alter statim initio Mundi; alter iste, paullo ante Diluvium, ut narratio Moysis docet. Vides etiam istos palam genituram Geniis adscribere, et foeminis iungere, easque implere: aliis Theologis fortiter negatum. Exemplis aut testimonia etiam bodie multa illuc sunt: rationes abauunt, et Spiritus si sint, unde iis semet, et qua effundant? At corporati sunt, et Aërei, inquit Platonici. Sinto; quae mixtio aut comprehensio inter tam dispares? non magis, quam inter hominem et piscem. Tamen, ut tetigi, exempla nos turbant, et istae quotidianae Genialium libidinum victimae, infelices mulierculae, de mixtione et coetu omnes asserunt; etiam de liberis aliquae: et sunt in hac Lovanio urbe exempla. Quid dicam? pro me Plutarchus aliquid, qui iudicio videtur censuisse: « Tam Gignere, quam Gigni, alienum a Deo esse. » (Quaest. Convivial. VIII, cap. 1.) Exceptionem tamen, aut interpretationem aliquam adhibet: fieri posse, « ut vi aliqua occulta, Materiae principium foetificum infundat, a quo moveatur illa et vertatur. Neque absurdum, inquit, autumo, si non humano more Deus congregiatur foeminae et se iungat, sed aliis quibusdam contactibus, et per alia confectionibus moveat et impleat mortale corpus semine diviniore. Neque mea est istaec sententia, sed Aegyptii Apim hoc modo concipere et parere tradunt, Lunae contactu: atque adeo prorsus Deo cum mortali foemina consuetudinem donant: sed non contra, nec admittunt virum mortalem Deae foeminae

initium partus aut proliferationis praeberet; quoniam Geniorum natura in Aere, et Spiritibus, et Caloribus quibusdam, et Illuminibus consistit. » Similia quaedam idem scriptor (In Numa), ubi de celebrato congressu Numae regis, cum Egeria nympha: atque ait: « Ratio suggerit, Deum non equorum aut avium amore, sed hominum teneri: idemque iis, qui excellenter boni sunt et virtute inelyti, nihil absurdum, adesse illum, et consortio iungi. At quod corpore etiam aut forma humana fruatur, capiaturque vel Deus vel Genius, difficile hoo quidem credita est. Etsi Aegyptii videntur non improbabiler dicere, quod spiritus sive afflatus Dei mulieris partibus accedat et titillet, et principia inserat generationis; viro autem cum Dea congressum mixtionemque nullam esse. » Ista ille vir satis scite: non ultra a me scrutanda, aut protrahenda, quia aut fueda omnia, aut tenebrosa. Vnum dixero, non opinari me, ullo retro aevo, tantam copiam Satyrorum et salacium istorum Geniorum se ostendisse, quantam nunc quotidianae narrationes, et iudiciales immo sententiae, proferunt: quo infelicis saeculi fato? Sed ad ultimum quaesitum tuum venio, quod erat, Cur auxiliares istos gubernationi Deus assumeret? Respondeo, non quia egeret, sed vellet: vellet autem, quia bonus, et « non contentus (ait Damascenus) sui contemplatione, fecit etiam quibus bene faceret, et qui bonitatis suae participes essent, Angelos, Mundum, Homines. » Quid, quod decorum et ordo sic videtur postulare? Seneca rationem eam ingerit (apud Laet. I, cap. 4): « Deus, quum prima fundamenta multis pulcherrimae iaceret, ut omnia sub Ducibus suis irent, quamvis ipse per totum se corpus intenderat, tamen ministros regni sui Deos genuit. » Genuit, id est, fecit. Quid magis pie, pulchre, et vere potest? nam et agnoscit sub initium conditos, ut Theologi fere nostri. De multiplici autem divisione eorum, et munere, non turbet; turba esset, nisi esset. Immo vero Deus pulcherrimo ordine, et ut cuiusque natura aut dignitas erat, sparsit per hoc corpus Universi: « eurantes (ait Damascenus) Terrae certas partes, praefectosque Gentibus, et locis. » Saeri nostri libri hoo ostendunt: et Hieronymus aperte (In Ezech. cap. 28): « Traditae sunt Angelis ad regendum Provincias, quasi iudiciis ab Imperatore. » Rufinus (Exposit. Symbol.) « Ab initio praefectae quaedam virtutum caelestium Potestates, quibus regeretur et dispensaretur mortalium genus. » Immo et singulis assignati. Hieronymus in illud Evangelii (Matth. 28): « Angeli eorum vident

faciem Patris; » scribit: « Magna dignitas animarum, ut unaquaqueque habeat, ab ortu nativitatis, in eustodiam sui Angelum deputatum. » Immo et ante ortum; ex Tertulliano (De Anima, cap. 37), « Omnem hominis in utero serendi, struendi, fingendi paraturam aliqua utique Potestas, divinae voluntatis ministra, modulatur. » Desino: hoc admoneo, pulchra quaedam et digna legi, a *Trismegisto* super tota hac re scripta: qui Daemones tamen astris assignat, et sub eorum velut signis ordinat: mira et occulta alia, proprio libro, a *Michael Psello*, qui ante annos paullo plus quingentos *Michaelis Ducae* Imperatoris doctor et institutor fuit. Is mira et recondita, ut dixi, tradit, auctore quodam *Marco*; qui, diu et familiariter cum Geniis versatus, consultissimus talium habebatur. Si voles, vide.

DISSERTATIO XXI.

De Loco Dei obiter, qui ubique est, sed conspicua tamen sede in Caelis.

Ego me abiungo; et vos, boni malique Genii, favete, aut valete: ad Humana iam imus. AVD. Leviter me sistente, et super Dei sede et loco aliquid requirente. Genios disposuisti: hunc omittes? LIPS. Feci vero, ut condignum ipso erat: ubique disposui: qui est intra omnia, qui extra omnia, sine loco, sine motu, semper. AVD. Atqui Stoicum nempe nunc agis, et hanc doctrinam revelas. LIPS. Ago, revelo. AVD. Aliena igitur ab ea, quae dixisti, et dicis. Tertullianum audi (Apolog. cap. 47): « Stoiei Deum extra Mundum statuunt, qui figuli modo extrinsecus torqueat molem hanc: Platoniei autem intra Mundum, instar Gubernatoris in navi. » Vident' palam extra Mundum esse? LIPS. Dici, non esse: et a Tertulliano dici, atque hoc impingi Stoicis, planissime nec dictum iis nec cogitatum. Quomodo possint? toties audisti, « Mentem per omnia commeantem, diffusam, omnibus insitam: » et quae non opus iterare. Quae sane hoc solere ab aliis, non ab uno et Seneca ostendit (De Vit. Beat. cap. 31): « Dens ntrum extrinsecus operi suo circumfusus sit, an toti inditus? » atque altera haec pars, mens ipsa est Stoicorum. Planius etiam eidem expressa alibi (I Quaes. Natural. in Praef.): « Solus est omnia, opus suum intra et extra tenet. » Quid potest clarius? Atqui Tertullianus aperte; quid

ad rem? scio Patres illos parum inquisite saepe aliquid adstruere, et sectarum decreta permiscere. In exemplo alio illustri. Theophilus Antiochenus Patriarcha, Tertullianus aequo fere compar, ad Autolyceum scribit (lib. II): "Stoici, Deum esse in universum abnegant: aut si sit, asserunt eum nullius quàm sui, curam gerere. „ O improvidentiam! non enim malitiam; et potest quidquam adversus eorum menti dici? Et ne errorem verbi putes, addit, „ Haec eadem Epicurum et Chrysippum dicere. „ De Epicuro, scimus et agnoscimus; de Chrysippo, tam falsum, quam solem hunc nigrum esse. Sed ad rem praesentem; illi vero Deum ubique locant et inserunt, totum in toto, totum in partibus, partiumque partibus: usque eo ut Tatianus, vetus scriptor, Zenoni obiciat, quod eum etiam in cloacis et foetudinis constituit. Verba (Advers. Gentes): „ Et Deus iuxta Zenonem malorum factor erit, si etiam in cloacis, et vermiculis, et nefandis operibus aliis insit et versetur. „ Tua venia, Tatisne; ego non video hanc sequelam: nisi si vis nec minuta illa et sordida a Deo auctore esse. Atquin et Clemens Alexandrinus damnat; Deum istis inversari; et una nostros: „ Sed nec, inquit (in Parnetico), Stoicos praeteribo, qui Deum per omnem substantiam, etiam vilissimam pertingere aiunt: et valde Philosophiam debonestant. „ Bono sensu, non puto; immo et Theologi Deum essentis, potentia, praesentia ubique, et in omnibus ponunt. Dicimusque audacter, cum Arnobio (lib. VI): „ Proprium hoc Dei, complere omnia vi sua, non partiliter uspiam, sed ubique esse totum. „ Cum Damasceno: „ Divinum illud sine partitione, totum totaliter ubique esse, et in omnibus esse, et super omnia esse; „ iterumque (lib. I, cap. 16): „ Deum omnia implere, et super omnia esse, et omnia continere. „ Quae verba satis palam dicunt, quod et Stoici, illum „ intra et extra suum opus esse. „ Quomodo extra? in Vacuo, quod nostri ponunt, in loco dicendum. Vis magis non argute, sed vere efferam? Deus est ipse sibi locus. Ecce ante Mundum conditum, quum nihil esset, ubi Deus erat? apud se, et in se. Quid tamen? nonne etiam signate in Caelo esse dicitur, ut sua sede? Dicitur, et bono suoque sensu. Damascenus: „ Dicitur et Dei locus ubi manifestatur magis operatio eius et gratia, et gloria. „ Tale est Caelum, ubi beati illi Spiritus, ubi beatorum animae; et velut cumulus, et splendor maiestatis. Iterum Damascenus: „ Dicitur Dei locus, qui plurimum eius operationis participat et gratiae: ideoque Caelum ei sedes. „ Nec inepta

comparatione Lactantius (De Opific. Dei, cap. 15): « Videtur Meus, quae dominatum corporis tenet, in summo capite constituta, tamquam in caelo Deus. » Est enim et ipse Stoicis, Mens Mundi. Quo aspectu Statius docte:

Arcem haec aeternam, mentis sacraria nostrae. (III Theb.)

Et *Caelum* nempe sic vocat ipse Iupiter, ubi ἡγεμονικόν illud, supra dictum. Sed nihil hoc tamen (absit, absit) Providentiae eius, aut et praesentiae, in locis nostris inferis deroget: quod Aristoteles, Euripides, et tales alii videntur censuisse. Primus ille quidem aperte, in libello *De Mundo*, ubi vel maxime Providentiam debebat adstruere, sic tamen sentit: « ut Deus sit in Caelo et loco illo summo, tum proximis quibusque suum numen et vim participet, usque ad hunc locum et sedem nostram. Sed Terram et terrena, quam longissime a beneficentia eius et adminiculo abesse, ideoque ea hic ἀσθενῆ (verbo ponenda sunt) καὶ ἀκατάλληλα εἶναι, καὶ πολλὰς μετὰ ταραχάς: infirma, et male inter se haerentia aut congrua esse, ac multae perturbationis plena. », O mi sophie, ne dixeris. Deus ut hominem hunc negligat, aut minus quam caelis aut aëri intendat; cuius causa omnia fecit? Aut Deus sic angusta mentis acie sit, ut non nisi proxima videat curetque, longius sita paulatim negligat? Inscitia hoc totum, aut impietas: et prisci sane auctores obiecerunt. Plutarchus (De Placit. II, cap. 3): « Aristoteles censet, neque animatum mundum, neque providentia gubernari. », Atticus apud Eusebium: « Aristoteles usque ad Lunam Deos collocans, reliqua Mundi excludit a Providentia. », Tatianus, et alii Patrum nostrorum, culpant: etsi non aperte in libris qui exstant id scripsit; sed vel ex iis tamen haeritur. Omitto diducere: at Stoici quanto clarius hoc totum, et sanctius? quin Deum videre omnia et omnes, et curare, atque etiam cogitationibus interesse voluerunt. Quid ipsos homines? attolli ad Deum, et patrem illum, servatorem, ac quotidie beneficum, laudibus precibusque venerari. Epicteti verba, quaeso, audiamus, et stupeamus ad ea, an et rubescamus? utrumque. « Si sani simus, quid aliud nobis agendum, et publice et privatim, quam Numen celebrandum, et laudandum, et gratias persolvendum est? Nonne et inter fodiendum, et arandum, et edendum, hymnus hic cantandus est Deo? Magnus est Deus, qui nobis instrumenta haec, quibus terram colimus, dedit. Magnus Deus, qui manus dedit,

qui vim diglutiendi, qui stomachum; qui efficit, ut latentes adolescamus, ut dormientes respiremus. Haec singulis in rebus cantanda sunt; et hymnus diviniissimus cantandus, quod intellectum rerum dederit, quod vim rationemque utendi. „ (Lib. I, Dissert. CXVI.) Et mox, velut ex instinctu, proclamat: „ Si lusciniā essem, lusciniā munus fungerer; si olor, olor. Nunc, quum rationale animal sim, Dens mihi laudandus. Hoc meum munus est, hoc facio. Neque stationem hanc deseram, quoad licuerit, vosque ad eandem cantilenam hanc exhortor. Claudam Senecae brevi, sed alti-loquio: „ Magnum nescio quid, maiusque quam cogitari potest, numen est, cui vivendo operam damus. Huic nos approbemus. „ (Apud Lact. lib. VI, cap. 24.) Abi, indormi, aut invigila potius his verbis: habes quod rumineris.

IVSTI LIPSII
PHYSIOLOGIAE
STOICORVM

LIBER SECVNDVS.

DISSERTATIO PRIMA.

*Anteloquium; de Morte aliquid, et eam cogitationem utilem
ad vitam et robur animi esse.*

AVD. Ah, quam oculis et animo volupe est, meliorem commodioremque te videre! LIPS. Paulo quidem, licebat addere. Nam ne erres, amice, etsi morbus abiit, languor etiam habet, et vacuum valde virum me reliquit. AVD. Deus reddet, meo et publico voto: sed quando tu nobis reliqua sermonum, quos iucunde et utiliter serebamus? LIPS. Frontem etiam habes? et te hominem ad laborem ducere, cui severa quamvis castra dent commeatum? Laxem animum, vires instaurem, si Deo visum: et tum ludo huic, non ludo, me include. Nunc quidem aliae mihi istis cogitationes sunt, aut curae. AVD. Quae illae? LIPS. Mortuales, ut verbo te percutiam, neque nunc videor mihi bona fide ab orci limine rediisse. AVD. Haec sunt, a quibus abductum igitur te inus: pabula tui morbi, atrae illius bilis germina et foetus. Pone ista de morte aut morbo etiam, et iam vales. LIPS. Tunc dicis: Philosophiam igitur ponere me in-
bes, quam nuper definiebamus, *meditationem esse mortis*? Et vero, mi adolescens, quid hominis magis convenit, quam hanc habere in animo et oculis, quae semper imminet, et tacito

quodam pede surrepit. Pone de morte, inquis. O quam aliter sapientes! Vel Graecum illum audi (Musonius apud Stob. Seria. 1): "Non est praesentem diem recte transigere, nisi status eam quasi ultimam transigere." Quid noster Seneca? vide quam consonet (Ep. LXI): "Id ago, ut mihi instar totius vitae sit dies. Nec mehercules tanquam ultimum rapio, sed sic aspicio, tanquam esse vel ultimus possit. Hoc animo tibi hanc epistolam scribo, tanquam quum maxime scribentem mors evocatura sit." Salutaria dicta, et sensa. Surgo, possum non ire cubitum: decubui, possum non exurgere. Autverpiam eo, an domum redibo? ad hanc redii, an illam revisam? At, inquires, tristes haec cogitatio super morte, et ipsam adducit. Falleris; sapiens cum tranquillitate de ea cogitat: non aliter, quam in mari et navi, ventos et vela spectat, quibus fertur in portum: nec tamen ista cogitatio eum transfert. At haec stultitia, et omnis error noster est: in fluctibus et inter undas iactari volumus; reformidamus, quo natura et ratione ducimur, pervenire. De Natura, scimus:

Omnes eodem ducimur, omnium
Versatur una.

sed et de Ratione, quis eius compos abnegabit? Quid nisi hic iactationes, curae, miseriae, corporis atque animi dolores sunt? Ecce finem: quid reformidas? ecce portum: cur non intras? Sed revera ut ii qui in carcere sunt, elabi velint et possint, nisi custos teneat: sic in hac vita nos sistit ille velut commentariensis, Amor vitae. Pellendus est; cū ut possit, saepe cogitandum, quod semel faciendum est. "Supervacuum forsitan putas id discere, quo semel utendum est? Hoc est ipsum, quare meditari debeamus; semper discendum est, quod an sciamus experiri non possumus." (Sen. Epist. xxvi.) Animus hoc modo fortior, vita emendatior, immo et laetior; quid enim terreat aut turbet, quem

. . . . ille timorum
Maximus haud urget, leti metus? (Lycan.)

Itaque, mi Auditor, non avoca te a tam salutari meditatione: ipse potius eo veni. Iunior es, quid refert? non dinumerantur anni. Incertum est, quo te loco mors exspectet: itaque tu illam omni loco exspecta. (Sen. Ep. xxv.) Philosophia autem, ut tetigi, eo ducet, et hanc meditationem, et ab ea robor, animo tuo indet. Avd. Quin tu igitur, mi Doctor, porro me ad il-

lem? Nam ducere coepisti, sed in via etiam destitisti. LIPS. Morbus fecit, quod non ignoras: et nunc, etsi hand firmissimus, tamen coeptum spatium tecum decurram, et (Deus auctus) ad candidam calcem sistam.

DISSERTATIO II.

Materia prima, alterum Principium, descriptam; Aeternam esse, Non augeri, non minui; Non item pati.

Dicemus igitur ante sex menses (hanc comperendinationem valetudo dedit) duo esse Stoicis rerum Principia, Deum et materiam. De illo, quod licuit, diximus: haec pervidenda est, et quae ex iis fiant. Materiam ita notificat Laërtius (In Zen.), ex scitis Stoicorum: "Essentiam sive naturam, omnium quae sunt, primam statuunt materiam. Materia autem est, ex qua quidlibet conficitur. Dupliciter autem dicitur et Essentia, et Materia; nempe Omnium et Singulorum. Illa omuium, sive Universalis, neque crescit, neque decrescit: illa Particularis contra, augmenta et decrementsa habet. Corpus autem est, secundum Stoicos, atque item finita. Est et patibilis; nam si immutabilis, non ea quae fiunt, ex ea sint facta. Hinc et illud consequens, quod sectio illius in infinitum sit. At non ipsam infinitam, Chrysippus dicit. Non enim est dare infinitum, in quod sectio cadat. Est autem continua., Haec ille stricte et caliginose alibi: licet uberius clariusque nobis effari. Est, inquit, "prima essentia., Sane prima: unde alioqui Principium et aeque primam aeternamque eam faciunt, atque ipsam Deum. Zenonis verba reperio (In Stob. Physic.): "Essentiam omnium rerum primam esse Materiam: atque eam totam aeternam nec maiorem nec minorem fieri., Haec consensu fere veterum doctrina, Si enim nata factaque Materia, ex aliquo factam necessum est; atquin id ipsum Materia sit. Nam illud Democriti effatum omnes receperunt: "Nihil ex nihilo gigni, nihil in nihilum reverti., Et tamen, quod mirere, Seneca dubitat, an Deus Materiae auctor. Ita enim in Quaestionibus Naturalibus: "Quam utile existimas ista cognoscere et rebus terminos ponere? quantum Deus possit? Materiam ipse sibi formet, an data ulatur?., Dubitat ecce, quod Christianos quosdam non est pudicum contra affirmare, et cum priscis Materiam aeternare. Ii fuere Marcion et Hermogenes haeretici, quos Ma-

seriarios ideo Tertullianus appellat. Sed Seneca etiam dubitat, non tamen ut Stoicus, quorum perpetuum hoc dogma, ut fere philosophorum. Quos refutant apud Eusebium (lib. VII *Præparat. Evang.*) Dionysius, Origenes, Philo, Maximus, Tertullianus (*Advers. Hermog.* lib. II, cap. 9), et Lactantius, et Latini nostri passim. Aeternam igitur statuunt: sed illam Primam et Communem. Ita enim Laërtius eam distinguit: «Duplicem esse, omnium et Singulorum.», Illa Omnium, est haec Prima; Illa Singulorum est Secundaria, in tale ac tale corpus formata. Quia igitur illa Prima aeterna, additur: «Neque crescere, neque decrescere.», Etsi enim diffusior aut rarius fieri potest, ut in Ecpyrosi quum Vacuum omne implet: tamen ipsa non crescit, et extensio in modo est, non in essentia augmentum. Zeno (in *Stob. Phys.*): illam aeternam, neque maiorem neque minorem fieri: at partes eius non easdem manere, sed separari, et commisceri.», Separari, quum interitus; misceri, ubi generatio consideratur. Nam totum hoc nasci aut perire, quid nisi formae altius atque altius inductio est, Materia prima permanente? Philosophorum scholis haec decantata, sed et versibus poetarum. Pythagoras apud Ovidium:

Nec perit in tanta quidquam, mihi credite, mundo,
Sed variat, faciensque novat; nascique vocatur
Incipere esse aliud, quam quod fuit ante; morique,
Desinere illud idem. (XV *Metam.*)

Poëta alius:

Cedit enim rerum novitate extrusa vetustas
Semper, et ex aliis aliud reparare necessum est,
Nec quidquam in barathrum nec Tartara decedit ima. (Luca.)

Versu ultimo vult dictum, nihil perire. Addit Laërtius, «Corpus iuxta Stoicos esse.», Ita lego in Stobaeanis *Eclogis*: «Stoici corpus, Materiam dicunt.», At quomodo, nisi Forma accesserit sine qua nec latitudinem, nec altitudinem, nec longitudinem habet? sine quibus non est Corpus. Respondeo, Stoicis late Corpus esse (de quo postea) quidquid est. Deinde, Materiam eaipsa tria habere, sed non finita, nisi accedente Forma, quae circumscribit. Nec Platonicus quidem alieni ab hac sententia, inter quos Plotarchus describit (*De genitura Animae*): «Materiam aut chaos, non incorpoream, neque immobilem, neque inanimam, sed informe et inconditum illud corporeum habuisse.» Iterumque (*ibid.*): «Illud omnicapax et Materiale, magnitudi-

nem quidem habebat, et intervallum, et locum; pulchritudinem vero, et formam, et figurarum modificationem requirebat. » Universe igitur corpus erat; tale et tale, designatum aptum, non erat. Apuleius Platoni haud aliam mentem, etsi aliis verbis, attribuit. « Neque corpoream, inquit (de Dogm. Plat.), Materiam, neque sane incorpoream esse concedit. Ideo autem non putat corpus, quod omne corpus specie qualicumque non careat. Sine corpore vero esse non potest dicere, quia nihil incorporeale corpus adhibeat: sed vi et ratione sibi eam videri corpoream. » Neque Aristoteles est in alia mente, qui *Materiam substantiam esse* affirmavit (VIII Physic.): sed sensu quem Posidonius Stoicus aperit (VII Metaphys. cap. 3): differre substantiam quae existit, a Materia, ratione et intellectu tantum. » Sed pergit Laërtius, « atque item finita. » Quod verum est: mundo enim clausa. Etsi infinitam etiam Platonici asserunt, alio aspectu. Apuleius (De Dogm. Plat.): « Infinitam materiam commemorat, quod ei sit interminata magnitudo; nam quod infinitum est, indistinctum magnitudinis habet finem. » Vtrique recte. Stoici, quia finiri potest, et finitur: Platonici, quia in se considerata (exempli causa, ante mundi conditum) fines certos non habet. Sequitur, « Patibilem etiam esse. » Male enim in Graeco ἀκατάβητον legitur, id est *impatibilis*: et vel ex sequentibus falso. Illa vero afficitur; mutatur, cogitur a Deo, qua lubet.

Materiaeque datum est cogi, sed cogere Mundo,

Denique *Principium* τὸ πᾶντων, *Patiens*, a Stoicis appellatur. Plato Materiam ait « rationem habere Foeminae et Maris: » quod verum est, et concipit formas omnes, et tertium aliquid ex his parit. Amplius in Laërtio: « Sensio illius infinitum est. » Cicero (I Acad.) pro toto hoc sensu: « Materiam esse ex qua omnia expressa atque efficta sint: eoque etiam interire non in nihilum, sed in suas partes, quae infinite secari ac dividi possunt, quoniam sit nihil in rerum natura minimum, quod dividi non queat. » Et consentiunt Philosophi ac Geometrae; excipio Epicureos, quibus corpuscula quaedam sunt individua, ideo ἀτομα dicta. In ultimo, « Est autem continua. » In Graeco est ἀκατάβητος: nec scio cur *finitam* hic verterit interpres. Ego putavi enim dicere, *inlesinentem et continuam* esse: quia hoc quaerebatur a Seneca (Ibid. c. 31): « Individua sunt, per quae struitur omne id quod natum futurumque est, an continua eorum materia sit, et per totum mutabilis. » Iterumque idem:

« Continua sit omnia et plena Materia, ex qua cuncta gignuntur, an diducta, et solidis inane permixtum sit. » Vides quaesitum, et contra Epicureos a nostris assertum: quibus Materia *Individua*, itemque *Diducta*, id est, Atomī, esset.

DISSERTATIO III.

An non plura Principia? et de Ideis dictum, eaeque assertae.

Sed haec omittamus: illud magis quaerendum, satiusne pleno Principia Stoici dederint, neque alia associanda? Nam Plato *Ideam* suggerat, Aristoteles suum *Idos*: ut *Privationem* (quae Senecae *Orbatio* est) nunc seponam, nec Peripateticis satis acceptam. Sed de *Idea* aliquid videndum est; vel ad Senecae nostri lucem. Ipse ita aperit (Epist. LVIII): « Quid sit *Idea*, id est, quid Platoni esse videatur, audi. *Idea* est eorum, quae natura fiunt, exemplar aeternum. Adiciam definitioni interpretationem, quo tibi res apertior fiat. Volo imaginem tuam facere, exemplar picturae te habeo, ex quo capit aliquem habitum mens quem operi suo imponat. Ita illa quae me docet et instituit facies, a qua imitatio petitur, *Idea* est. Talia ergo exemplaria infinita habet Natura rerum (id est, Deus) hominum, piscium, arborum: ad quae quodcumque fieri ab illa debet, exprimitur. » Satis clare aperit Platonium sensum, et sincerius sane, quam discipulus eius Lyceo fecit. Ille enim *Ideas* sic accepit et prodidit, quasi extra Intellectum per se subsistentes, et agentes in Materiam, ut sigillum in ceram solet. Alii abnuunt, et Plutarchus clare ex Platonis mente describit: « *Ideas* separatas a Materia, in sensibus et cogitationibus Dei, id est, Mentis consistere. » In Deo, inquam, *Ideae*: et noster ita Seneca (Ep. LXV): « Haec exemplaria rerum omnium Deus intra se habet, numerosque universorum quae agenda sunt, et modos mente complectitur. Plenus his figuris est, quas Plato *Ideas* appellat, immortales, immutabiles, infatigabiles. Itaque homines quidem perennat, ipsa autem Humanitas, ad quam homo effingitur, permanet. » Sed dices, ergo varia ista in Deo et diversa, qui totus unitas est, et simplicissima natura? Nostro sensu varia: sed in Deo una est *Idea* et exemplar, in rebus singulis tamen disparanda. Trismegistus hoc vidit (cap. 11): « Unum habet *Ideam* Deus, quae eius est propria, quae nec oculis sub-

iacet, utpote incorporea: et omnes Ideas per corpora tamen ostendit. » Audis? In corporibus Idea varia, in Deo est una. Nec ita ut in loco sita, quod idem Termaximus amolitur (Ibid.): « Omnia sunt in Deo, non ut loco sita. » Quomodo igitur? « in cogitatione incorporea. » Consentiant sane haec cum Platone, atque adeo cum Chaldaeis, si forte ab iis hausit. Psellus: « Ideas censent, modo Partis cogitationes, modo Universi rationes naturales, animales, et intellectuales, modo etiam abstractas a rebus substantias. » Sed et cum Veritate ipsa consentiunt, probe accepta. Dionysius noster Ideas agnoscit, et definit: « praefinitiones et voluntates Dei » in rebus nempe condendis. Et certum, species in Deo rerum esse, ad quas formet. Boëthius (lib. III de Consol.):

..... tu cuncta superno
Ducis ab exemplo: pulchrum pulcherrimus ipse
Mundum mente gerens, similique in imagine formans.

Sed et Augustinus asseruit (Question. XLVI): « Sacrilegium quidem esse, existimare quod Ideae sint extra mentem divinam; si tamen Plato, inquit, in ipsa posuit, veras tum Ideas asseruisse; in Deo enim rerum omnium exemplar erat ab aeterno. Ioannis I: « Quod factum est, in ipso vita erat. » Neque sane Tertullianus damnat (cap. 18), etsi videri possit, De Anima: ubi dumtaxat Gnosticos et Valentinianos reiecit, qui *Aeones* suos, et alia deliria, e Platoniceis Ideis prave hauriebant. Sunt igitur Ideae: an et Principium? Platoni quidem; eoque *Originales rerum species* Macrobius (in Somn. I, cap. 11), *Principales formas* Claudianus Mamertus dixit (De Stat. An.); et Ausonius *Datas formas*, id est, rebus a Deo impressas. Nam eius hunc Gryphum non aliter interpreter:

In Physicis tria prima; Deus, Mundus, data Forma.

Tria Platonis principia ponit, *Deum materiam* (hanc per Mundum signat, qui ex ea est) *Ideam*. Trismegistus etiam amplius; exemplarem Formam, prius principium ipso principio interminato dixit (cap. 1): id est Materia. Ratione prius, quia in Deo est, et praevenit faciendam. Seneca quaesitum tamen hoc ostendit (Quaest. Nat. I in Praef.): Vtrum Idea Materiae prius supervenit, an Materia Ideae? Sed Mercurium illum recte decidisse arbitramur, et Ideam anteverire. Illud tamen non omitto, in Senecae eo loco quosdam libros scribere: « Ratio Materiae prius superveniat, an Materia Rationi: » quod stoicum magis

sit, et capis ex ante dictis. Sed Ideam igitur cum Seneca admittat, et agnoscat; etiamne ut Principium? Non facit, neque Stoici; nec sane est opus. Deum enim quum ponant, quid Ideas seorsim apponant, quae sunt in Deo? Neque iidem etiam *Formam* Aristotelis, sive τὸ εἶδος accensent: quamquam nec eam sane tollant. Quid sit, et ab Idea differat, operae putavit Seneca explicare (Epist. LVIII.) «Quid intersit quaeris? alteram (*Idea*) exemplar est, alteram (*Idos*) forma ab exemplari sumpta. Alteram artifex imitatur, alteram facit., Plura addit, quae non obscura sunt: eoque omittenda. Sed haec forma, quum ad rem constituendam concurrat, faciatque maxime: cur non Principium Stoicis? Quia placuit iis prima Principia dare, et ante quae nihil esset: quaeque eadem aeterna sint. At formae auctor Dens est, et nascitur assidue ac perit. Vis inter seria etiam, quod rideas? Varro ut rem magnam, ut mysticam, religiose aperit, se tria Principia apud Samothracas reperisse. «In eorum, inquit (apud Augustinum De Civ. lib. VII, c. 28), simulacris, multis indiciis collegi aliud significare caelum, aliud terram, aliud exempla rerum, quas Plato Ideas appellat. Caelum, Iovem intelligo; Terram, Iunonem; Ideas, Minervam. Caelum, a quo fiat aliquid; Terram, de qua fiat; Exemplum, secundum quod fiat., Et tibi tria Principia, etiam Romae in Capitolio consecrata. Quid si etiam in Circo? Tertullianus asserit (de Spect. cap. 8), «trias ibi aras Diis parere magnis, potentibus, valentibus. Eosdem et Samothracas existimari., Tres ibi, cum Varrone (IV de L. L.), nominat: etsi ipse Varro alibi duos tantum agnoscat, *Caelum ac Terram* pariter interpretatos. Sunt isti *Cabiri*: de quibus Dionysius, Strabo, alii.

DISSERTATIO IV.

De Corpore, quid Stoicis? late accipi, et omnem essentiam includere. Quanam etiam eorum, pro nostris scholis et sensis, nugamenta.

At Principia quum habemus, ad ea veniamus quae ex his sunt. Cicero (I Acad.): «Quod ex utroque fit (Causa et Materia) id ism Corpus, et quasi Qualitatem quamdam nominabant.» Quidquid igitur Materiam habet, est iis Corpus, stique idipsum definiunt, «Corpus esse quod in tria dividitur, longitudinem, latitudinem, altitudinem.» (Laert. in Zen.) Atque

haec sane proprie Corpora sunt, pro aliorum etiam philosophantium sensu. At Stoici (notandum est) longius laxiusque hanc vocem tendunt: et communiter, quidquid omnino est, sic appellant. Ita non Genii solum et Anima (nam haec iis materia sunt), sed Deus, et Materia, et Virtutes, Vitia, Affectus, et plura talia, Corpora dicuntur: quod Scholae hodie rideant, sed sua haec lingua iis fuit. Itaque Laetius, post eam finitionem, addit: «Atque hoc solidum etiam Corpus vocatur: quasi alia essent, extra eam agnominationem. Notare autem in Cicerone iecit, etiam *Qualitates* ea corpora appellari: quia scilicet «qualia et qualitate affecta» essent. Itaque statim «Qualitatum alias Principes facit, alias ex iis ortas Principes, elementa ipsa: ex iis ortas, animantium formas, quaeque gignantur e terra. Vbi palam est, Corpora cum Simplicia intelligere, et mixta. Etsi ab ipsis Corporibus compositis abingunt etiam *Qualitates*, et Materiam faciunt subiectam, et Formarum eas vices habere. Plutarchus adversus eos (In Contr. Stoic.): «Etsi ubique Materiam, per se inertem et immobilem, Qualitatibus subiici praedicant: Qualitates autem spiritus esse, aliqui vigores et intentiones quasdam aëreas, quae partes, quibuscumque ingenerantur, forma efficiant; et figurent.» Ecce Qualitates palam Corpora: quidni? suat enim *Spiritus*, et *aëreum* quiddam. Et vero *Qualitates* pro Formis Trismegistus etiam usurpat (cap. 8): «Affatim autem Idearum qualia Pater inseminans globo, tanquam in antro conclusit, omni qualitate exornare cupiens quod cum ipso erat quale.» Non aliud, quam varietatem Formarum acceperim, quas Mundo Deus inseruit, petitas a primis Formis, id est, Ideis. Atque et haec tales, ut dixi, corpora: quod Plutarchus dicit, et damnat. Ita enim contra istos: «Essentiam et Materiam subiici dicunt Qualitatibus: Qualitates autem rursus corpora faciunt. Implexa vero ista res; nam si Qualitates essentiam suam propriam habent ex qua dicuntur et sunt corpora: non quaerunt essentiam aliam:» et pluscula, quae adiungit. Quin et Galeni libellus hodie, contra eosdem argumento et titulo: «Quod Qualitates sint incorporeae. Nec de formis solum essentialibus accipe, sed de Virtutibus, Vitiis, Affectibus, atque aliis, quae Plutarchus enumerat item, et ridet. (Advers. Stoic.): «Absurdum autem nimis, Virtutes, Vitia, (1) Artes praeterea, omnesque Memorias, item Phantasias, et Affectus, Appetitiones, Assen-

(1) Idem Tertull. de Anim. cap. 8.

siones, corpora quæ faciunt, in nullo ea dicere posita esse ac subsistere: locum dumtaxat iis unum in corde exiguum, qui puncti instar sit, relinquere, ubi animi item Principale est. » Sunt fateor, in fronte hæc ridicula: sed subtiles illi viri, et vel maxime Dialectici, causæ aliquid habuerint sic iudicandi, nobis in scriptorum illa raritate obscuræ. Chrysippus unus extaret, in aperto res esset. Sed bene an male illi, non nunc quaeramus: res quidem et sensus eorum ponendus est. Noster Seneca ad Lucilium (Ep. cvi): « Non puto te dubitaturum, quin Affectus Corpora sint: » et enumerant subinde *Iram, Ambitionem, Tristitiam, Metum, Audaciam*. Quid? tam diversa in una illa (ut Plutarchus scripsit) « punctuali cordis sede? » Non pugnent igitur? nam et vitam, ecce habent, atque adeo *Animalia* esse affirmant. AVD. Haha, rideo: *Animalia*? LRS. Audi Senecam (Ep. cxiii): « Desideras tibi scribi a me, quid sentiam de hac questione iactata apud nostros, an Institia, Fortitudo, Prudentia, cæteræque virtutes *Animalia* sint? » Et multis deinde adstruit *Animalia* esse. AVD. Sunt, sunt: quis abnuat? Vides pictores, et id genus, Stoicis addicere, qui foeminas etiam efformant? LRS. Immo tu serium illorum argumentum nudi. « Animum constat animal esse (ait Seneca, ibid.); quam ipse efficiat ut simus animalia. Virtus autem nihil est, quam animus taliter se habens: ergo animal est. » O Achillem! cedite, fugite, Troiani. Nec satis. Vitia etiam *Animalia*, quod sequitur: etiam Artes, et Physica, et Dialectica: quid? etiam partes earum *Enunciata, et Soloecismus, et Syllogismus*. Vides « quam multa (Senecæ irridentis verba) animalium millia habitent bis angustiis pectoris? » Et de *angustiis*, e Plutarcho supra interpretare. Abiicit et elibi idem Seneca, et in vano aut levi habet. « Sunt, inquit (Epist. cvi), quæ scire magis iuvat, quam prodest, sicut hoc, de quo quaeris. An corpus bonum sit? » Respondet deinde: « Corpus esse, facit enim: quod facit, corpus est. » Vbi et axioma illud Stoicum observes, Quidquid facit, est corpus. Qua eadem illa ratione Vox corpus adstruitur, in Laertio: « Corpus est Vox, secundum Stoicos. Omne enim quod facit, Corpus est: facit autem Vox, quæ a loquentibus ad audientes accidit. » Quod tamen plenius diceretur, « Quidquid facit aut fit, est corpus: » id est, agit aut patitur. Ipse Noster ita effort alibi (Epist. cxvii), et Plutarchus inter Stoica: « Sola quæ sunt corpora appellant: quoniam id quod est, facit aliquid, aut

patitur. » Sed de Voce quod erat, etiam Epicurei sic asser-
bant, ut Lucretius :

Corpoream quoque eulm vocem constare fatendum est,
Et sonitum : quoniam possunt impellere sensus.

Plura, si quis volet, super hoc legat in Eustathio Homeri inter-
prete, ad Iliados secundum. Nos ad Senecam, qui siebat *Bonum*
corpus esse. Quid ita? ratio: « *Corporis bona, sunt corpora: cor-
pora ergo sunt et quae animi: nam et hic corpus est.* » Profecto
mira haec logica est, in nostris scholis non audita, non au-
dienda. Sed rationem omitto, rem concutio. Certe Stoici, apud
Sext. Empiricum, negant *Bonum* corpus esse, sed *Bonitatem*.
Ait enim (Advers. Mathem.): « Veritatem nonnulli opinantur,
et maxime Stoici, a Vero differre tribus modis, Essentia, Con-
stitutione, Virtute. Essentia quidem, quia Veritas est Corpus.
Verum autem incorporeum. » Amplius, « Nox, Dies, Vesper cor-
pora sunt: » et quid verba ultra facio? initio dictam repeto,
Quidquid est censent corpus.

DISSERTATIO V.

*Deum et Materiam Corpora esse Stoicis: et quatuor dumtaxat
proprie Incorporea.*

AVD. Fateor non invitum me haec audire, etsi animo obhae-
renti. Si enim omnia haec Corpora, cedo, quid igitur Incor-
poreum est? an id solum, quod non est, ut Chimaera et Cen-
taurus? LIPS. Et ego libere fateor diutile in hac inquisitione me
fuisse, et obhaesisse. Seneca quidem expedire nos debebat, et
cooperat, ubi divisionem *Corporum* et *Non-corporum* instituit:
sed deseruit, et in vado reliquit. Verba eius ista (Epist. LXXXIX):
« Naturalis pars Philosophiae in duo scinditur, Corporalia et In-
corporalia. Corporum locus dividitur in hos primum gradus,
in ea quae Faciunt, et quae ex his Gignuntur. Gignuntur autem
Elementa. Ipse Elementi locus, ut quidam putant, simplex est:
ut quidam, in Materiam et Causam omnia moventem, et Ele-
menta dividitur. Superest ut Rationalem partem Philosophiae
dividamus. » Ecce institutam divisionem, et novum caput exse-
quitur de Corporibus: alterum de Incorporeis nec verbo tangit.
Consilio aut neglectu eius omissum, an ignavia exscriptorum,
non definio: sed hoc clare haurio, ipsa prima Principia Cor-

pora esse, *Materiam et Causam*. Et de Materia quidem iam ante satis firmavimus (Dissert. II supra), ubi de ea dictum: sed Laetii etiam verba sunt, quae de utroque principio evincunt. Inter Stoica, ubi ab Elementis ea dividit: « Et corpora esse Principia, et formae expertia. » Vbi tamen viri docti fidenter rescribunt: « Et incorporea esse Principia. » Quod pro communi nostra philosophia verum fateor, abno de Stoicorum. Ipse enim *Deus* iis corpus, id est, Senecae « Causa, omnia movens. » An non Corpus sit, quum etiam Animal est? Ita enim idem Seneca dividit alibi (Epist. LIX.) « Corpus, in Animantia, et inanima; rursus Animalia aut Mortalia sunt, aut Immortalia. » Et sub hac specie Dii ac Genii continentur. Neque aliter alii: nunc modo nodus me ligat ab ipso Seneca iniectus, qui alibi primam illam Causam appellant *Incorporalem* (Consol. ad Helv. cap. 8): « Quisquis formator Universi fuit, sive ille Deus est potens omnium, sive incorporealis Ratio ingentium operum artifex, sive divinus Spiritus per omnia intensus. » Profecto haec ratio est Deus, aut Dei melior pars: et si illa incorporea, cur non Fatum, Providentia, Institutio Dei et Sapientia, et denique ipsa in nobis Ratio, pars illius? Vix opinur hoc Stoice, sed potius Platonicè dictum: aut si est, seorsim a Deo et ab Igne eam nunc aspiciet et avellit, non alibi factum. Certe Ratio *Prima Causa* est, atque ea palam Corpus illi dicta. Est et axioma Stoicis certum: « Omne quod est, esse corpus: » an non Ratio est? Laetius (lib. XV): « Corpus est iuxta ipsos Essentia. » Numenii liber citatur ab Eusebio: « Quod non sit Corpus quidquid est, iuxta Stoicos; » ubi eos scilicet refutavit. Sed et Tertullianus noster, hoc illorum dogmate imbutus, Animam, Angelos, Deum corpora facit: et alibi universe scribit (De Carne Christi), « Omne quod est, Corpus est sui generis: nihil est Incorporale, nisi quod non est. » Quo sensu Augustinus eum excusat de Deo et Angelis corporeis: quia « timebat, inquit (De Genesi ad lit. c. ult.), ne nihil essent, si Corpora non essent. » Neque Stoicorum nova haec opinio. Prisci quidam philosophorum (Platone teste in Sophista) aiebant. « Iustitiam, Prudentiam, itemque contraria, aut nihil eorum quae sunt esse, aut corpora esse. » Tam lata igitur hac significatione, quid mirere dicta a nobis omnia comprehendere? Avd. Cedo equidem, et dono: sed quod inieci equid solvis? Vbi enim incorporea, nisi in imagine? Lrs. Non hoc cense; sunt reipsa quaedam, et reperimus. Seneca palam divisit snpreum illud τὸ ὅν: « Quidquid est, aut corporale est,

aut Incorporeale.» (Epist. LVIII.) Et postea iterum ita dividit, sed exempla non donat. Ergo aliquod Ens dicimus Incorporeum: et axioma illud supra positum leviter restringendum est. Nam lego in Sexto Empirico: «Ex incorporeis Stoici enumerant quatuor species, Id quod dicitur, Vacuum, Locum, Tempus.» Primum illud Graece est (ex alio Empirici loco) τὸ λεκτόν. Senecae iude lux (Epist. CXVII): «Video Catonem ambulanti: Corpus est, quod video. Dico deinde: Cato ambulat; non Corpus quidem est quod nunc loquor, sed enunciatum de Corpore; quod alii effatum vocant, alii Enunciatum, alii Edictum.» Ecce τὸ λεκτόν varie interpretatur: et ostendit esse quid quum vere dicitur (ut, Cato ambulat, sapit, desipit) nec tamen Corpus, sed Incorporeum esse. Ab ea re apud eundem Senecam (Ibid.) quaestio, «Quum Sapientia sit Corpus, an etiam Sapere?» et disputat sic ἐκτείνων, in utramque partem: sed non est profecto, pro dicto sensu. Plura in hac re non habeo, nisi illud Plutarchi (Contra Stoic.) etiam istinc consequi, «Corpus Corporis esse locum, et Corpus penetrare per corpus:» quod verum est, si Qualitates sunt Corpora, initio dictum.

DISSERTATIO VI.

De Mundo, optimo maximoque corpore. Varia vocis significatio. Differt ab Universo: quid Totum Stoicis? itemque de Vacuo.

SED nos ad amoeniora et simul graviora pedem promoveamus. E Principiis, Elementa et Corpora: ac praestantissimum Corporum, Mundus. De cuius nominis obiter videndum est: tum et res inquirenda, et pro illorum sensu aperienda. Nomen vel Graecis, vel Latinis, ab ornatu est; nam et illi κόσμον dicunt, primo eius nomenclaturae Pythagora auctore. Id enim ita Laertius: «τὸν οὐρανὸν πρῶτον αὐτὸν ἐνομάσαι κόσμον hunc primum Coelum appellasse Mundum: quod tamen alii ad Parmenidem, Zeno noster ad Hesiodum refert. Galenus cum Laertio: «Pythagoras primus appellavit hunc rerum ambitum Mundum.» Idem de eo Plutarchus, et causam etiam addit: «ab ordine qui est in illo.» Ab ordine, inquam, sive a toto ornatu. Plinius: «Quem κόσμον Graeci nomine ornamentum appellaverunt, cum eos a perfecta absolutaque elegantia Mundum.» Nam et muliebrem mundum obtinuit dici. Trismegistus interiorem nomenclaturae

causam dat (cap. 9.): « Merito Mundus sive ornatus dicitur; ornat enim omnia varietate generationis, continuatione vitae, indefessa operatione, et ordine genitorum; » et plura quae addit. Quae ratio Mundum proprie spectat, quatenus facit aliquid, et est Deus. Isidori nova originitio est, immo vetus ex Varro: « Mundus, inquit (lib. XIII), quod in sempiterno sit motu, ut caelum, sol, luna, maria. Vnde et animalia Varroni videntur Elementa, quoniam per semetipsa, inquit, moventur. » An hinc ex Varro transcripserit, nescio: neque Elementa proprie Animalia, sed Mundum dixerit, ex Stoico et Platonico sensu. Vides ex his *Caelum* primo Mundum dictam, deinde latins vocem se fudisse. Notant autem Stoici: « Tripliciter dici Mundum. Primo ipsum Deum omnis essentiae opificem; qui incorruptibilis est et ingenuus, architectus ipsius Mundi, et post temporum aliquas periodos iterum in se absumens et veritatem omnem essentiam, iterumque ex se gignens. Secundo, ipsam astrorum ordinationem, id est, Caelum, Mundum dicunt. Tercio, quod sit ex utrisque. » (Laert. in Zen.) Quae postrema verba satis tenebrosa sunt: et ex quibus utrisque? ex Deone, et Caelo? ita textus sermonis suadet, sed re abnente. Putem magis, *Ex Deo et Essentia*, id est, Materia, eum velle dictum. Philo clarius ista extulit (De immor. Mundi.): « Primo Mundus dicitur, compositio ex caelo et astris, terram ambientibus, et animantia ac stirpes. Secundo, solum ipsum Caelum. Tertio: ut Stoicis visum, Essentia quaedam ad exstitionem perveniens duransque, sive digesta sive indigesta, cuius motus intervallum Tempus esse dicunt. » Itaque tertia haec sententia peculiaris Stoicorum est, quam ad Deum retulit Laertius, ad *Essentiam* Philo: uterque recte. Nam essentia illa tota, Deus est Stoicis: neque aliquid quam Senecae et Latinis *Rerum natura*, vel *Communis Natura*, de qua supra dixi. Ea igitur, sive in Mundum formata sit, sive indigesta, est iis Mundus. Et hoc sensu doctissime, ut solet, Ausonius *Mundum* pro *Materia* supra dixit. Sed aliud igitur Stoici κόσμος, καὶ διακόσμησις: sicut etiam τὸ πᾶν, καὶ ἔλεν. Laertius discriminat (In Zen.): « Unversum dicitur et Mundus; et alio modo, quod ex Mundo et exteriori Vacuo constat. Nam Mundus finitus est. Vacuum infinitum. » Itaque et Mundus etiam πᾶν sive *Unversum* dicitur: sed magis erat, in scholis praesertim, distingui. Plutarchus (H De Placit. c. 1): « Stoicis differunt Unversum, et Totum. Unversum enim esse, cum Vacuo infinitum, sine Vacuo Mundum. » Falsa haec au-

tem, rescribendaque: "Universum enim esse cum Vacuo infinito," et ἀπὸ τοῦτο advocanda vox ὁλοκλήρως. Recte ita Stobaeanae Eclogae: "Stoici differre dicunt Universum et Totum. Universum esse, cum Vacuo infinito; Totum sine eo, Mundum." Atque haec ita apertissime etiam Empiricus (Advers. Mathem.), ubi de Toto. Hinc illud eorum effatum est, valde Plutarcho exagitatam (Cont. Stoic.) "Universum, corpus non esse." Quidni dicerent? Inane enim complectitur: neque id sane est corpus. Itaque ipsius Plutarchi verbis hoc solvamus: "Vacuum enim infinitum exterius Mundo circumfundentes, neque Corpus Universum, neque Incorporeum affirmant." Cautè? et iure, o Plutarche: et tu hic atque alibi laud aequus arbiter eos culpas. Qua Vacuum continet, corpus non est; qua Mundum, corpus. Atque non est Vacuum. Sane quidem: "Abusque Thalete Physici (ut alibi tu scribis, I De Plac. cap. 18) ad Platonem, Vacuum ignorarunt," quod fatemur, et ipse Plato ubique adicat: sed qui Italicæ sectae fuerunt, diu ante Platonem, Leucippus, Democritus, et ab his Epicurus, posuerunt, Atque illi quidem laxè, et ubique rebus mixtum: Stoici restrictius (Ibid.): "in Mundo, nihil esse Vacui; extra, infinitum illud esse." Causa statuendi, Conflagratio sive ἐκπύρωσις, quia Mundus in illud resolvitur, post istam. Quid, quod ipse Pythagoras: "Tantum Vacui esse extra Mundum, ut respirare caelum possit, esse enim ipsum igneum." Pythagorae, inquam, hoc verius tribuetur, quam ut ab eodem Plutarcho alibi, Aristoteli ipsi. Nam ille nimium quantum abhorret. Abhorreat; nos posimus (infra Dissert. IX), et plures hodie etiam Theologorum. Quid autem id est? quod est, et non est. Nam Cleomedis Stoici verbis: "Simplicissima eius est conceptio, ut quod incorporeum sit et intactile, quod nec figuram habeat, neque figuratum sit, quod neque patiatur neque agat, tantum corpus suscipere aptum sit." Atque idem ille in *Cyclicis* suis *Theoriis*, pluribus docet, revera tale extra Mundum esse: atque id infinitum.

DISSERTATIO VII.

Definitio Mundi. Civitatem dici, itemque Templum: earque imagines explicatae.

Sed nomina Mundi vidimus: nunc ipsum; et quid est tertia significatione Mundus? Chrysippus (apud Stobaeum) definiivit:

“Mundum esse compagem e caelo et terra, et naturis quae bis continentur. Vel aliter: Compagem conventunque ex diis hominibusque, et quae horum causa sunt facta. „Vtraque haec etiam in Laertio totidem verbis, sed Posidonio adscribuntur. In Eusebio prior, paulo uberius ponitur (lib. XV): “Compages e caelo, aëre, terra, mari, naturisque contentis. „Atque ille idem alteram illam adiunxit: et causam utriusque variantis dedit: “Sicut enim, inquit, Civitas dupliciter dicitur, et ipsa sedes sive domicilium, et corpus incolarum civiumque, ita Mundus tamquam Civitas est, e diis hominibusque constituta; cuius dii quidem principatum et regimen habent, hominibus subiectis. Communionem autem inter utrosque esse, quia Ratione participant, quae natura (1) Lex est. „Sunt pulchra et dignitatem Mundi exprimunt, et nostram, itemque officium et munus. Imago est, quae valde placita Stoicis et passim usurpant; ut Seneca, ad Marciam (cap. 18): “Intratura es urbem diis hominibusque communem. „Cicero (I De Leg.): “Universus hic mundus una civitas, communis deorum hominumque, existimandus est. „Idem alibi (II de Nat. Deorum): “Est enim Mundus quasi communis deorum atque hominum domus, aut urbs utrorumque. „Iterum dico, sunt pulchra, alta, et quis non attollatur, atque idem vereatur, quum Deum et Genios circum se, et supra se, cogitat inspectores, eosdemque rectores? Et parte altera,avaritiam contemnat, viles curas exuat, quum, velut patriam et urbem, mundum sibi circumdat? Seneca (Consol. ad Helv.): “Magno animo nos non unius urbis moenibus includimus, sed in totius orbis commercium emisimus, patriamque nobis professi sumus Mundum, ut liceret latiore campam virtuti dare. „Sane *virtuti*, et maxime caritati ac curae generis humani. Omnes unius urbis cives sumus. Cicero de Stoicis (IV de Fin.): “At quanta conantur? Mundum hunc omnem oppidum esse nostrum. Incendit igitur eos, qui audiunt. Vides quantam rem agas? ut Circeiis qui habitet, hunc omnem Mundum suum municipium esse existimet. „Et vero hanc communionis rationem Pontifici Iudaeorum fuisse in animi oculis, Philo praedicat (De Monarchia II): “Quum enim, inquit, aliarum gentium sacerdotes, non nisi pro suis, et amicis, et civibus vota aut sacra faciant, summus Iudaeorum Pontifex, non solum pro toto genere humano, sed et pro naturae omnibus partibus, terra, aqua, aëre,

(1) Graece φύσις, natura. Nec male φύσις, naturae. Vtrumque verum est.

igne, preces gratesque concipit: Mundum hunc existimans (uti revera est) patriam suam esse. „ Fructum sententiae vides: et adde alterum, de Exilio; quod esse nullum potest sic animato. „ Emetiamor enim quascunque terras, nullam inveire iotra Mundum est, alienam nobis. „ (Sen. ad Helv. cap. 11.) Sic igitur de Mundo Stoici: etsi *Caelum* etiam Civitatem, et quidem proprie, si Clementi credimus, volunt dici. Ille quum caelestem civitatem in Sacris legeret, et rei suae aptaret, addit (IV Strom. in fine): „ Dicunt et Stoici Caelom proprie civitatem esse; quae autem hic in terra sunt civitates, dici quidem, at non esse. „ Quo ego Plutarchi reprehensionem spectasse arbitror, etsi verba in Graecis (meo quidem libro) corrupta aut manca sunt: „ Sed et aiunt, deorum domum (putem eorum scribendum, *θεῶν οἶκον*, pro τὸ ναὸς, quod nullum sensum praebet) esse civitatem, cives autem stellas, ad hoc etiam tribules, et magistratus; nempe Solem etiam Senatorem, et Iesperum Prytanem vel Aedilem. „ (De Commun. Not.) Nisi magis tamen est legi τὸν κόσμον αἶναι, et concionare divulsa: atque ad priorem imaginem de Mundo toto referre, cui Dii scilicet et caelites illi praesunt. Quem iterum alia imagine, et magis augusta, assimilant etiam cum Templo. Seneca (De Benef. VII, cap. 7): „ Totum Mundum deorum esse Templum, solum quidem amplitudine illorum ac magnificentia dignum. „ Et alibi (Ep. xc): „ Per quae non municipale sacrum, sed iogens omniom deorum Templum Mondus iste reseratur. „ Cicero (In Somnio): „ Homines toentor illum globum quem in Templo hoc medium vides, qui terra dicitur. „ Vbi Macrobius apposite (lib. I, cap. 14): „ Quidquid humano adspectui subiicitur, Templum eius vocavit qui sola mente concipitur; ut, qui haec veneratur ut templa, cultum tamen maximum debeat conditori: sciatque quisquis in usum templi huius inducitur, ritu sibi vivendum Sacerdotis. „ Boa, bona postrema monitio; et Plutarchus accedat (De Tranq. animi): „ Templum esse hunc Mundum, sacratissimum quidem ac religiosissimum, in quod per ortum inducimur, spectatores non signorum surdorum et manufactorum, sed Solis, Lunae, siderum. „ Et addit, haec „ veluti initia et mysteria quaedam esse, tranquillo et lacto nobis animo spectanda ac peragenda. „ Philo deuique Iudaeus claudat (De Monarch. II.) „ Templum, Dei supremum, et vere tale, existimare oportet esse totum hunc, Mundum; qui Saerarium quidem habet, purissimam rerum Naturae partem, Caelum; ornamenta, stellas, sacerdotes, administratos potentiae eius angelos, incorporeas animas. „ Imágenes

habemus, aptas, et pro splendore ac dignitate Mundi, nec supra-
 " Nihil enim omnium rerum (ait Stoicisaut Tullius II De Natur.
 deor.) melius est Mundo, nihil praestabilis, nihil pulchrius:
 nec solum nihil est, sed ne cogitari quidem quidquam melius
 potest., Vide ipsum totum, vide magnas parvasque partes:
 omnia " ita constituta sunt, ut neque ad usum meliora esse
 potuerint, neque ad speciem pulchriora. " (Ibid. infra.)

DISSERTATIO VIII.

*Factum esse Mundum a Deo, hominum causa: et breviter,
 quomodo sit factus.*

Tanti autem operis quis auctor? Nullus, aiunt quidam, et ab
 aeterno fuit, aeternumque erit. Alii qui factum statuunt, partim
 a Natura (ut Strato): partim a Forte et Casu, ut Epicurus.
 Stoici verissime, a Deo et Providentia esse. Passim ita: et
 Chrysippi, apud Lactantium (De ira Dei, cap. 10), argu-
 mentum validum sane exstat. « Si quid est, inquit Chrysippus,
 quod efficiat ea, quae homo, licet ratione praeditus, efficere
 non possit; id profecto est maius, et fortius, et sapientius ho-
 mine. Homo autem non potest facere caelestia: ergo illud, quod
 haec effecerit, superat hominem arte, consilio, prudentia, po-
 testate. Quid igitur potest esse, nisi Deus? » Nec testimonia
 congero in sententia decantata: illud addam, *Quare, Quomodo,
 Vbi, Quando, Qualem fecerit Deus?* Quare? sua, inquiunt, et
 hominum causa. Neque enim alius ei finis fuit, quam potentiae
 et bonitatis designatio, in maximo optimoque opere sic ostensa.
 Cicero (II De Nat. Deor.): « Quorum igitur causa quis dixe-
 rit effectum esse Mundum? Eorum scilicet animantium, quae
 ratione utuntur; hi sunt dii et homines, quibus profecto nihil
 est melius. » Et de altera sane parte, nostri Doctores consen-
 tiunt; ut Lactantius (De Ira Dei, cap. 13): « Vera est sen-
 tentia Stoicorum, qui aiunt nostra causa Mundum esse con-
 structum. Omnia enim quibus constat, quaeque generat ex se
 Mundus, ad utilitatem hominis accommodata sunt. » Et singu-
 latim ibi exsequitur: quod ante eum Cicero accurate, De Na-
 tura deorum (lib. II). Neque Seneca id negatum voluit (haud
 ita veri et partium transfuga) quem scribit (II De Ira cap.
 27): Non enim nos causa Mundo sumus, hiemeque aestatemque

referendi: suas ista leges habent, quibus divina exercentur. Nimis nos suspicimus, si digni nobis videmur, propter quos tanta moveantur. » Immo vero, o bone, propter nos vel maxime ista moventur: sed non solos: et hoc voluisti dictum. Dii quoque hic suas partes habent. Itaque alibi scribis (lib. IV, De Benef. cap. 23): « Dii non per negligentiam nos genuere, quibus tam multa genuerant. Cogitavit enim nos ante Natura quam fecit. » Ita est. Providentia hominem, et pleraque ista homini fecit. Sed *Quomodo* fecit, et quae compositio aut digestio molis huius fuit? Zeno apud Laërtium ita prodit: « Deum in principio, quum apud se esset, Essentiam omnem per aërem in aquam convertisse. Et ut in foetu semen continetur, ita Deum qui seminalis Ratio Mundi est, tale semen reliquisse in Humido, quod facilem aptamque operi Materiam praeberet, ad rerum deinceps generationem. Deinde progenuisse primum Elementa quatuor, ignem, aquam, aërem, terram. » Ait, in *principio*: ipsis Sacrorum nostrorum verbis. Ait, *quum apud se esset*. Pie et pulchre. Deus sua perfectio, sedes, regnum:

Cui esse sibi sufficit, efficitque cuncta:

ut vir summus nostri aevi (Iul. Scal.) in Carmine super Deo scripsit, plane divino. Deus sibi, et suum ei esse, sufficit: quidni? in ipso omnia, ipse omnia. Itaque frustra, et pro humana imbecillitate istae quaestiones, Quid faciebat, agitabat? Vel Seneca noster respondeat (Epist. ix.): Iupiter resolutio Mundo, et diis in unum confusis, paulisper cessante Natura, acquiescit sibi, cogitationibus suis traditus. » Optime; vis et ego aliquid audacter, sive argute? Idem quod nunc facit, fecit. Erras, qui in Deo tempora disparas, omnia ei sunt in praesenti. Poëta Christianus olim, Claudius Victor:

Regnabatque potens in maiestate creandi,
Et faciendae videus, gignendaeque mente capaci
Saecula dispiciens: et quidquid tempora volvunt,
Praesens semper habens; immensum mole beata
Regnum erat ipse suum.

An deerat occupatio, haec quae fuere, quae sunt, et quae instat, contemplanti? Pergit Laërtius, *Essentiam omnem vertisse*. Si de primo conditu intelligit, Materiam cape: si de reparatione Mundi post exustionem, cape Ignem reliquum et in co semina rerum. *Per Aërem*. Ergo vel Materia, vel ignis ille reliquus, Aëre tenuior. Et ita est; quoniam tradebant Stoici dif-

fundi, vel totum Vacuum illud occupare. Contrahitur igitur sed gradatim, et habilis fit corporum generationi. Primo autem in Aërem, quia facillima ea mutatio ab Igne. Deinde, ait, *In Aquam*. Haec igitur proxima facies Materiae, quum elementa genita. Ideo vetus opinio, « Aquam principium rerum esse, » Thaleti adscripta. Quid Thaleti? Homeri autem illum fuit, apud quem legas (Iliad. ξ):

..... ποταμοῖο βίβροζ
Ὠκεανοῦ, ὅστις γένεσις πάντων τέλειται

..... flumina magni
Oceani, cunctis qui rebus praebuit ortum.

Vis aliquid clarius? iteratque alibi, et vocat

Ὠκεανὸν τε θεῶν γένεσιν καὶ μητέρα τῶν
Oceanum Divis genesim, matrem et nutricem.

Dii et Genii ex illo orti (nam et hi ex Materia) atque etiam vaporisationibus eius aluntur. Postrema autem ipsa verba, de *Matre et Nutrice*, Plato in Timaeo assumpsit, et Materiae aptavit. Quin et Barbarica vetus philosophia in hac parte. « Brachmaibus apud Indos » ait Strabo « aliarum omnium rerum alia principia, Mundi autem aqua. » Sed quarum rerum alia? credo singularum rerum, quae ex Elementis; ut ad proxima principia hoc referatur. Iam et Aegyptii (Philo notat De Vita Moysis I): « Aquam eximie coluerunt, principium Universi generationis eam censescentes. » Sed pro tota Stoicorum sententia, Seneca audiendus (III Quaest. Nat. c. 13): « Aqua, ait Thales, valentissimum elementum est; hoc fuisse primum putat, ex hoc surrexisse omnia. Sed et nos quoque (Stoici) aut in eadem sententia, aut in ultima sumus. » Ultima, ex hac nempe omnia surrexisse. Quo ducere et Manilium possis, immo debeas (lib. I):

Sen liquor hoc peperit, sine quo riget arida rerum
Materies, ipsumque vocat, quo solvitur, Ignem.

Inter variantes sententias Mundi conditi, nec Stoicam omittit: et Sive, inquit, Aqua initium rebus fuit, in quam Materia se vertit: quae deinde vocat (ita legerim, non vorat) sive adhibet ipsum Ignem, qui destruit, et in varias formas mutat. Sive, qui solvit et destruit, in ἐκκρίσει. Neque aliud Stoici decantatum illud *Chaos* interpretabantur, quam hanc *aquam*: non illam Elementi. Philonem ita audi (de Immortalitate Mundi): « Qui-

dam Stoicorum Chaos existimant Aquam esse, a fusione factum nomen arbitrantes. » Sed quid iam Aqua? pergit Laërtius: *Deum qui seminalis Ratio est relinqui in humido.* De Deo enim haec verba, eiusque Ratione (etsi obscuriuscula sunt) omnino capienda. Ita enim alibi ipse Zeno (In Stob. Phys.): « Per Materiam (sic aqueam) discorrere Universi Rationem, quam aliqui Fatum appellant, tanquam in foetu semen. » Vides eandem ibi imaginem, et ipsis verbis, uti hic ponitur; significat autem, immobilem per se et inefficacem Materiam animari ab hoc Igne (illo qui Deus, et Ratio): non aliter quam semen eiusque spiritus et calor foetum formant, augent, alunt. Notanda igitur et hic λόγος vocula: qua crebro in hac Generationis re utuntur, ut Seneca (Epist. LXV): « Causa autem, id est Ratio, Materiam format. » Iterum (Consol. ad Helv. cap. VIII): « Incorporalis Ratio, ingentium operum artifex. » Ingentium, totius Mundi. Ait, *incorporalis*: quia mens ipsa Dei est, et animus, ut sic dicam, Ignis. Fatum interpretatur Zeno, alii Providentia: et utrovis sensu poeta Manilius (germanos Stoicus) saepius usurpat. Vt in ista re gignendi, Sidera et caelum, esse « Caelestis Rationis opus (lib. I). » *Tale semen reliquisse.* Ipsum Ignem, sive Calorem, qui Humido miscetur, vocat *Semen*: Ratione tamen illa semper adiuncta. Plutarchus, adversus nostros: « Mundi semen Ignem dicunt. » Alio verbo, sed eodem sensu, Aristocles apud Eusebium (I Acad.): « Elementum rerum omnium Ignem dicunt, eius principia, Deum et Materiam. » Bene Aristocles; et Deus sive ipsa Ratio, ab hoc Igne disparanda. « Zeno, apud Ciceronem (Cic. II de Nat. Deor.), statuit Ignem esse ipsam naturam, quae quidque gigneret, et mentem atque sensus. » Qualis autem hic Ignis? non ut ille noster, qui cuncta disturbat ac dissipat: sed « vitalis ac salutaris, qui omnia conservat, alit, auget, sustinet, sensuque afficit: » qualem in sideribus videmus. Plura autem super tota hac re, nbi de Exustione mundi. Ultima Laërtii: *Gigni primum elementa quatuor, ignem, aquam, aërem, terram.* Idem Laërtius postea: « Gigni Mundum, quoniam ex Igne (qui exustioni reliquus) Essentia vertitur per Aërem in Humorem; deinde crassior eius pars sit Terra; quod tenuius, Aër; reliquum magis tenue, Ignis. » Sed hic *Aquam* omittit, antea positam, et recte: neque enim Materialis illa aqua sive humor, vere elementum Aquae est, sed faciem duntaxat eius habet, multifaria alioqui mixtione. Haec igitur in brevi Stoicorum sententia, su-

super rerum conditu: cum qua valde Trismegistus ille consensit: « Ratio sancta (sive Verbum) Naturae supervenit, et Ignis purus exsiluit ex Humida natura in altum, » inquit (cap. 1). Additque mox: Movebantur autem, a Ratione spiritali, quae super ea ferebatur, ad auditum. » Est sane nostra hic *Ratio*, est *Ignis*. Quid in ipso Moyse, rerum primordiis, nonne « Spiritus Domini ferebatur super Aquas? » Quibus profecto paria et Trismegistus, et Zeno supra, « Rationem per Materiam decurrere. » Quod Tertullianus alludit, an et ridet? « Stoici volunt, Deum sic per Materiam decucurrisse, quomodo mel per favos. » Rideat: Metaphoram non indecoram, nec a Sacris longinquam, ego putem.

DISSERTATIO IX.

In Vacuo Mundum librari. Vere natum videri: et quare forma eius circiter.

Quomodo factus, quod satis sit, diximus: *Vbi* autem, et quo situ? « In medio Vacui, » ait Chrysippus apud Plutarchum (de Defect. oracul.), atque hanc causam permansionis eius esse, quod *Essentia* omnis in sui medium tendat. » Est ipsa sententia; quam damnatum it Epicurus, et ex eo Lucretius (lib. I):

Illud in his rebus longe fuge credere, Memmi,
In medium summae, quod dicunt, omnia nit:
Atque ideo Mundi Naturam stare sine ullis
Ictibus externis, neque quoquam posse resolvi
Summa atque ima, quod in medium sicut omnia uixit.

Damnat, sed parum iuste: et in Terra, quae se sustinet, et undique in se redit, eadem ratio, neque alia, valet. Plutarchus etiam, dicto loco, irridet: quia Vacuum omne spernit. Non nos hercle, et cogitanti cuicumque aliquid Vacui extra Mundum, vel invito occurrit, quod praeter ante dictos, etiam Philo Iudaeus palam adstruit, et in Scripturis *Abyssum* dici contendit. Quid Augustinus, an non « extra Mundum infinita spatia locorum » cogitari ostendit? (XI De Civ. cap. 5.) Vt Stoicorum assertio neque tam singularis sit, nec ex facili uspernando: immo Theologorum optimis etiam hodie propugnanda. Addamus, *Quando* sit factus: etsi apud Stoicos quidem nihil super ea re legi. Immo credo eos censuisse, « certum non esse

diem eius ortus: „ quod Iulius Firmicus tradidit (lib. III), certus eorum assecla et satelles. Tamen curiosa inquisitio hac quoque ivit, et Vere natum esse volunt, Sole in Aricte existente. Panegyristes ad Maximianum: „ Divinus ille vestrae maiestatis ortus ipso, quo illuxit, auspicio Veris illustrior, augustiore fulgens luminis claritate, quam quum originem mundi nascentis animavit. „ Et statim: „ O felix beatumque Ver novo partu! o tempus, quo merito omnia nata esse credantur! o Kalendarie Martiae, sicuti olim annorum volventium, ita nunc aeternorum auspices Imperatorum. „ Virgilius:

Non alios prima cresecutia origine mundi
Illuxisse dies, aliumve habuisse tenorem
Crederem. Ver illud erat, Ver magnus agebat
Orbis.

In Carmine veteri: „ Vere natus orbis est. „ Divus Ambrosius et causam addit (I Hexaem. cap. 5): „ Inde oportebat mundi exordium capi, ubi erat opportuna omnibus verna temperies, unde et nascentis mundi imaginem annus expressit, ut post hibernas glacies, atque hibernales caligines, serenior solito Verni temporis splendor eluceat. „ Damascenus item in hac parte (lib. II, cap. 7): „ Quatuor sunt a Sole anni tempora sive conversiones. Prima Vernay in qua Deus fecit universa, quod docet etiam nunc florum in ea germinatio. „ Verba Scripturae adücit: „ Germinet terra herbam virentem, et facientem semen, et lignum pomiferum. „ Et nunc probabile est amoenissimo, et maxime vegetabili tempore, cuncta coepisse? quum et animantes pleraque foetificant, et aliae naturae partes concepiunt aut parturiunt, *ἐλέγος* dicamus et ipsam totam peperisse. At sunt tamen qui fortiter abouant, Hebraeorum auctoritate confisi, quibus principium anni in Autumno fuit: ergo et Mundi. Non ultra inquiri: quum ad Saecrorum auctoritatem itur, Philosophiae fines iam res egreditur, et ad Theologiae abit: Hoc tertium potius, *Qualis conditus*, et qua forma? Rotunda. Ita Stoiei apud Laertium: et causa: „ Nam ad motum talem figuram aptissimam. „ Plures causae in Manilio (lib. I):

Haec aeterna manet, divinique simillima forma,
Cui neque principium est usquam, nec finis, in ipso
Sed similis toto remanet, perque omnia par est.

Apta scilicet ea forma ad perpetuitatem motus: denique *Divis par*, ut ait, vel quia Astra sic spectantur; vel quia principio et fine caret, ut ipse Deus. Observa autem hic *Totum*, τὸ ὅλον,

Stoico sermone, ut praedixi. In Platone ratio quoque alia (in Timaeo): "Quod a quo animante (*Mundo*) omnes reliquos contineri vellet animantes, hunc ea forma figuravit, qua una omnes reliquae formae concluduntur." Est enim capacissima, est perfectissima ea forma. Et "idcirco (ait explicans Apuleius) perfectissimo et pulcherrimo Mundo instar (1) pulchrae et perfectae sphaerae a fabricatore Deo quaesitum est, ut sit nihil indigens: sed operiens omnia coercensque contineat; pulcher et admirabilis, suique similis, sibiique respondens." Quod ipsum in capite humano Lactantius considerat: "Quod Deus, inquit (de Opific. Dei, cap. 8), orbi et globo simile formavit, quia orbis rotunditas perfectae rationis est ac figurae. Eo igitur Mens et ignis ille divinus, tamquam caelo, tegitur." Ab hac sententia Homerum fuisse argumentantur quod ἀνέπιστα γαῖαν, infinitam terram dixerit: non magnitudine, sed figura, quae finis est experta.

DISSERTATIO X.

Animal cum esse, sensu et Ratione praeditum. Partes eius libatae. Ipsam animam, Deum esse.

Et Mundum quidem talem ac tantum vides, sed in externa adhuc facie: nunc animi sensus ad interiora, id est, ad *Animam* eius mitte. Ita enim consensu Stoici, *sentientem eum, intelligentem; sapientem*, et quid te moror? *Animal rationale esse*, Avd. Hoc dicunt? repudio:

Et procul a vera hoc alio ratione repulsum.

Ires. Et ego tecum: sed quid iudicare, priusquam audire, properas? Intellige, et tunc cense. Et sententia haec non illorum primitus, ne nescias; a Socrate et Platone est, qui protulerunt. Iste in Timaeo, ut Cicero vertit: "Quapropter non est cunctandum profiteri, si modo aliquid investigari coniectura potest, hunc Mundum Animal esse idque intelligens, et divina Providentia constitutum." Et saepius iterat, et inter ἀρχαί, primaria dogmata habent sectatores. Sed, illis omissis, Stoicos audiamus: de quibus ita Laetius (in Zen): "Quod autem Animal sit Mundus et rationale et animatum, et intelligens, asserit Chrysippus; et Apollodorus, et Posidonius. Animal quidem ita, ut sit natura

(1) Id est, *imago, forma*.

*Terræ, pedes; quæ posantur in æthere puro;
Luce splendentes oculos, diæ lampada Solis.*

Mutat aliquid in illis Plutarchi: et quis non pro ingenio possit? *Terram* facit *pedes*, satis apposite: sicut Chrysippus Stoicus eandem: "fulcrum, ut in animali ossa.", (Stob. Phys.) Est enim maxime compacta et dura, sed et infimo loco, ut *Pedes*. Haec Stoici esse, etiam Io. Damascenus docet: "Stoici, inquit (de Haeresibus), Deum statuunt animum huius Universi, corpus eius ipsum Universum: oculos vero, Solem, Lunam, astra." Sed et Manillus stoicissans (lib. I):

... Flammæque micantes,
Quæ Mundi fecere oculos.

Oculos, id est, stellas. Sed ut ad Laërtium redeam, a quo me leviter abduxisti, altera in illo ratio, eum *Animal Mundus*, quod *nostra ex eo anima avulsa*. Quasi dicat: Quod Animam emittit, ipsum animatum est: talis Mundus. Verba Zenonis huic sententiae, in Empirico: "Quod emittit semen eius quod est particeps rationis, est ipsum quoque rationis particeps: Mundus autem emittit tale semen: ergo Mundus rationis particeps." Cicero etiam huc facit (IV Academia.): "Qui Stoicus est, non magis approbabit nunc lucere, quam hunc Mundum esse sapientem, habere mentem quæ et ipsam fabricata sit, et omnia moderetur, moveat, regat." Vides quam affirmate hoc nostri? Nec soll tamen, ne erres. Omitto Platonicos, Aristoteles ipse (XI Metaphys. cap. 10), sed ex aliena mente, inquit, alibi *Animal Mundum* appellat. Trismegistus planissime ex sua: "Mundus, primum animal; secundum ab illo, Homo." Et alibi "immortale animal," dicit. Sed iterum ad Laërtii verba, *Animam ea ex eo avulsam*. Quod an toto? non, sed ipsa Anima, quam Toti dabant. Et quæ illa? Ignis; quis Ignis? Deus. Hoc diversum a Platoniciis nostri habent; etsi audita sententia, non explorata, imponat. Nam utrique Animam Mundo tribuunt, et Deum faciunt: sed diverso paulum sensu. Plato Mundi animam ex Deo notam vult: nostri, Deum ipsam esse. Illi quoque Deum, sed secundarium quendam; neo primum et patrem. Pro Stoicorum mente Varro, apud Isidorum (lib. VIII): "Varro ignem Mundi animum dicit. Proinde quod in Mundo Ignis omnia gubernet, sicut animus in nobis. Quam vanissime! Qui quæm est, inquit, in nobis, vivimus; quæm exit? emorimur.", Augustinus, de eodem Varrone (IV de Civ. cap. 31): "Dicit idem auctor

acutissimus atque doctissimus, quod hi soli viderentur ei animadvertisse, quid esset Deus, qui crediderunt eum esse Animam motu ac ratione Mundum gubernantem. „Vox motu non omnino disconvenit, fateor: et verius tamen credam, *Mente*. Cicero, de Stoicis (I Acad.): „Mundum natura sentiente teneri, in qua Ratio perfecta insit, quae sit eadem sempiterna. Quam vim Animum esse dicunt Mundi eandemque esse Mentem Sapientiamque perfectam, quam Deum dicunt. „Est igitur iis Anima, est et eius *ὑπερνοῦν*, Ratio, in Mundo; sicut in homine ponimus: atque ea Ratio proprie Deus. Multa super hanc, e multis, possem: sed quod satis sit, dixi nuper, quam de ipso Deo dissertatum (lib. I, Diss. VII). Cum Philone elaudam, qui haec a Chaldaeis manasse ostendit, et damnat (*κατὰ ἀπορίαν*): „Chaldaei, inquit, super alios homines Astronomiam et Genealogicam excolentes, infera superis, caelestia terrenis adaptare et iungere nitebantur: tanquam Musicis rationibus omnia concinnare et convenire inter se aiebant, locis disiuncta, cognatione coniuncta. Idem apparentem hunc et sensibus subiectum Mundum suspicati sunt et ediderunt, aut ipsum solum esse Deum, aut quae eo continetur Universi animam. Fatum autem et Necessitatem deificantes, ut sic dicam, et consecrantes, summa impietate vitam humanam repleverunt, docentes praeter haec quae conspiciuntur, nullam esse omnium Causam. „Sunt ipsa Stoica; qui *Rationem* in hac Anima *Fatum* et *Necessitatem* etiam interpretabantur. Absurda igitur, sic accepta, sed e quibus subtilissime argumentum pro Dei unitate, contra Gentiles Arnobius ducit (lib. III): „In Philosophiae memorabiles studio, universam istam molem Mundi, Animal esse unum, sapiens, rationabile, consultum, probabili asseveratione definiunt: quorum si est vera, et fixa, certa sententia; etiam illi continuo desinent Dii esse, quos in eius portionibus constituebatis. Ut enim homo unus nequit, permanente sui corporis integritate, in homines multos scindi; neque homines raros multitudinis, iunctionis differentia conservata, in unius sensus simplicitatem conflari: ita si Mundus Animal est unum, et unius Mentis agitatione motatur, nec in plura potest numina dissipari; nec si eius partem Dii sunt, in unius animantis consistentiam eogi atque verti. „Audisti; iam tecum damnamus, etsi *probabile* hoc, cum Arnobio: quia certum, divinam illam vim per omnes Mundi partes ire, ut *Aurum*, sed non *Animam*: et hic er-

ror, quod Aeternum illud et secretum, cum peritaris impari-
que unionis nexu miscent.

DISSERTATIO XI.

*Divisio Mundi prima, et secunda. Elementa quatuor esse,
et in se invicem commutare.*

Animal igitur iis Mundus; cuius duae magnae Partes, Cae-
lum et Terra. Varro ita dividit scite, ut opinor, ex mente et
more Stoicorum. Augustinus (VII De Civ. cap. 6): «Adiun-
git (Varro) Mundum dividi in duas partes, Caelum et Terram:
et Caelum bifariam, in Aethera et Aëra; Terram vero, in
Aquam et Humum. E quibus summum esse Aethera, secundum
Aëra; tertiam Aquam, infimam Terram.», Sunt omnino Stoici;
qui primo dividebant Elementa «in Gravia, et Levia. Levia
faciunt, Ignem et Aërem. Gravia, Aquam et Terram. Leve
autem esse, quod a medio suo recedat; Grave, quod accedat.»,
(Stob. Phys.) Ovidio etiam haec tributio:

Quatuor aeternas genitalia corpora mundus
Continet, ex illis duo sunt uerose, duoque
Pondere in inferis, Tellus atque Vnda, scrutatur.
Et totidem gravitate carent nullaque premente
Alta petunt, Aër atque aëre purior ignis.

Clara ista, neque voces uideantur, haud vulgaria omnino usur-
patione in Varrone. Nam *Caelum* pro *Aëre*, olim et priscis
dictum: Hebraeis quidem, ut Sacra doceat; Latinis, ut Varro
idem alibi notat. «Caelum, inquit, dupliciter dicitur, et su-
premmum illud ubi stellæ; et hoc totum, quod complexa con-
tinet terram, » quod est scilicet Aër. Lucretius (lib. IV):

Constituantur in hoc caelo, qui dicitur Aër.

Servius illud Virgilii:

... Maria, ac terras, caelumque profundum:

pro Aëre accipit, «nam Aether, inquit, immotus.», Plinius
apertissime: «Namque et hoc Caelum appellavere maiores,
quod alio nomine Aëra.», Immo et *Aethera* Graeci, pro Aëre,
consimiliter etiam dicunt. Omitto, in re pergamus. Quatuor
igitur ista elementa sunt, *Principes Qualitates* (ita Cicero ap-
pellat I Acad.), sive corpora, huius mundi. Quare *Principes*?

quia Elemento hoc convenit, et definitio eius Stoles in Laertio: "Elementum, ex quo prius fiunt, quae sunt, et in quod extremum, resolvuntur." Finat, nempe haec minora et multiformia corpora: alioqui ex Principiis primis ipsa Elementa. Sed de Compositis accipiendum est. Elementa sunt simplicia. Quatuor ea consensu fore ponunt. Et bene Plinius: "Nec de Elementis video dubitari, quatuor ea esse." Quare sint; Platonis pulchra consideratio est, in Timaeo. "Divini decoris ratio postulabat, inquit (ex Macr. I in Summ. Scip.) talem fieri Mundum, qui et Visum pateretur, et Tactum. Constabat autem neque videri aliquid posse sine Ignis beneficio, neque tangi sine solido, et solidum nihil esse sine Terra. Vade Mundi omne corpus de Igni et Terra instituere fabricator incipiens, vidit duo convenire sine medio colligante non posse: et hoc esse optimum vinculum, quod et se pariter, et a se liganda devinciat. Inde Aërem et Aquam inter Ignem Terramque contextit: et ita per omnia una et sibi conveniens iugabilis competentia occurrit, Elementorum diversitatem ipsa differentiarum aequalitate consocians." Pluscula addit, merito a te legenda, et sine alio interprete capienda. Nam et Aristoteles, quem in scholis audimus, has Qualitatum, consentientium semper parte altera, *συζυγίας* exposuit. Et ab hoc isto ordine est, quod Ambrosius *στοιχείων* Graecia dicta censet: "quod sibi conveniant, inquit (III Hexaem. cap. 4), et concinant." Quatuor igitur: sed an non Seneca abnuat, qui de tribus affirmat? Alibi (Epist. cxvii): "Haec nempe sunt Elementa, quibus hic Mundus administratur: Aqua, Terra, Spiritus. Omnia ista tam causa vivendi sunt, quam vitae mortis." An excidisse et delinquere hic putamus vocem *Ignis*? an pro suo quodam sensu nunc hoc dixit, et de isto inferiore mundo sentit tantum? Nam sit, *hic mundus*. Et ad rem praesentem tria haec facit, quia de spontanea morte agit: quam ab illo aethereo igne non sumas. Abi, inquit, Aqua te merge, si vitae pertaesum est; Terra conde, aut ex altiore ea deice; Spiritum, id est, Aërem ne reciproca: habes vias mortis. Certo ipse alibi quatuor agnoscit, et Stoici passim ponunt. Respondent huic numero et Elementis singulis Anni tempora, si quis comparet, Ver, Aestas, Autumnus, Hiems: respondent hominis item Aetates, Puertia, Iuventus, Gravitas, Senectus. Ordo eorum, elegantibus sane versibus, in Manilio, quos, sodes, lege. Nam nobis propositum, non omnia quae ad rem exsequi, sed quae obscura aut rara, et ad Senecae proprie lucem. Pro eo

addo, Elementa haec non pura prorsus esse, et communicare inter se, atque etiam mutare. Ipse dicit (III Quæst. cap. 10.): «Omnia Elementorum alterni recursus sunt: quidquid alteri perit, in alterum transit. Et (lego *At*) Natura partes suas, velut in ponderibus constitutas, examinat: ne portionum aequitate turbata, Mundus præponderet. Omnia in omnibus sunt. Non tantum Aër in Ignem transit, sed nunquam sine Igne est. Transit Aër in Humorem, sed nihilominus non sine Humore est. Et Aëra et Aquam facit Terra, sed non magis unquam sine Aqua est, quam sine Aëre. Et ideo facilius invicem tranaitus est, quia illis in quae transcendendum est, iam mixta est.», Sunt verissima; omnia mixta sunt, et partibus (non enim totis) Elementa vertuntur: mirabili Naturae providentia, ut aequalitas et proportio servetur, necessaria tutelae Universi. Ovidius haec in parte (XV Metamorph.):

..... Omnia fiunt (1)

Ex ipsis et in ipsa cadunt, resolutaque tellus
In liquidas rarescit aquas; tenuatus in auras
Aëraque humor abit; dempto quoque pondere rufus
In superos aër tenuissimus emicat ignes.
Inde retro redeunt, idemque retextitur ordo.

Lucretius etiam, contra nostros (lib. I):

Quinetiam repetunt a caelo atque ignibus eius.
Et primum faciunt ignem se vertere in auras
Aëris, hinc imbrem gigni, terramque creari
Ex imbri, retroque a terra cuncta ferunt,
Humorem primum, post aëra, deinde calorem:
Nec cessare haec inter se mutare, mense
De caelo ad terram, de terra ad sidera mundi.

Reiicit, qua amplecti debuit, et vel sensuum testimonio fidem habere. Sane haec mutatio est, et ex mixtione generatio: in qua tamen discrimen, et alia Agunt, alia Patiuntur. Cicero, ut Stoicus (I Academ.): «Aër et Ignis moveendi vim habent, atque efficiendi: reliquae partes accipiendi, et quasi patiendi. Aquam et Terram dico.», Paria Aristoteles: et duo Elementa superiora velut Mares sunt, et Artifices; (2) reliqua ut Foeminae, et Materiae vicem habent. Aegyptii etiam ita distinguebant, in

(1) Ipsa definitio Stoicorum supra.

(2) Vide Fulgent. Mythologica, de Saturno. Lib. I.

Mares dico et Foeminas: sed aliter, et singulis dabant utramque hunc sexum. Exempli causa, « Aëra marem indicant qua ventus est; foeminam, qua nebulosus et incrus. Aquam virilem, Mare vocant; mulichrem, omnem aliam. Ignem masculinum, qua ardet flamma; foeminam, qua lucet innoxius tactu. Terram fertiorem, marem vocant, saxa cautesque; foeminae nomen assignant huic tractabili ad culturam.,, Ista Seneca alibi, subtiliora quam veriora. (III Quaest. cap. 14.) Sed iam ad singula Elementa eamus.

DISSERTATIO XII.

*De Elemento Ignis, sive Aethere. Stoicis Ignem ibi statui:
atque illum, aut in illo, Deum.*

Primum est Ignis, qui in Caelo sive Aethere locum suum habet. Caelum Graecis οὐρανός quia πᾶσιν ὁράμενος et oculos omnium pulchritudine ad se vocat. Neque alia causa Latinis Caelum, "quod haud dubie (ait Plinius) caelati argumento diximus, ut interpretatur M. Varro.,, Est enim, ait Isidorus, « stellis, velut vas, signatum. » Et Deus superum illum « Mundum (pulcherrime Cicero I De Natur. Deor.) signis et luminibus tanquam Aedilis, ornavit. » Is ornatus in Varronis hisce versibus:

Mundus, domus est maxima omnium,
Quam quinque altitonae fragmine zonae
Cingunt; per quam limbus pictus
Eis sex signis stellimicantibus
Altus in obliquo aethere, Lunae
Bigas acceptat: Posthumi cui Se-
plasia foetet.

Ideo igitur Caelum: etsi nostra quoque Terra, et vivorum regio Caelum; sed comparatione, et respectu inferorum. Ut in Virgilio:

Et falsa ad caelum mittunt insomnia menses.

Nam « sicut Dii nobis (ait Macrobius), ita nos defunctis superi habemur:,, quibus nostra regio, velint Caelum. Idem Aether Graecis, πᾶρ τὸ αἶθρ, ab ardore, et quia igne constat, ut nostri: etsi Aristoteles πᾶρ τὸ αἶθρ αἶθρ, quia perpetuo moveatur et currat, mavult dictum. Nam ipse Ignem scilicet a Caelo spernit, quod ex quinta quadam natura constituit; et sub eo de-

num Ignem locat. Res nota e scriptis eius, neque Plutarchum pro vero habeo, qui (II de Placit. cap. 11) Aristotelem statuere caelum facit e quinto Corpore Igne, e calidi et frigidi mixtione. Corrupta aut falsa ista, nec sic profecto Aristoteles. Omitto quae habemus, et exstant. Atticus etiam apud Eusebium, inter dissidia Platonis et buius refert: "Ille (Plato) ait, caelestia plerumque Ideam ex Igne habere; iste (Aristoteles) nihil participare cum eo." At nostri, ut dixi, cum Platone, Caelum et astra ignea: et quartum hoc Elementum ibi locant. Quid, cum Platone? ante eum Heraclitus, a quo nostros hausisse vult apud Tullium Cotta (III De Natur. Deor.): "Sed omnia vestri (Stoici), Balbe, solent ad igneam vim referre, Heraclitum, ut opinor, sequentes." Sed quocumque auctore, sententia certa est "quartam partem Mundi (Aetheream) et ipsam tota natura focundam esse, et caeteris naturis omnibus salutarem impertire et et vitalem calorem." (Idem II Nat.) Nam superum hunc Ignem, quem illi "purum, lucidum, tenuem, mobilem," constituerant; misceri omnibus volebant, et vitam, vegetationem, aut conservationem dare. Denique hunc esse "Mundi animam," hunc Deum; illum dico in aethere ardorem tenuem, nullaque admixtione concretum. Itaque describitur iis "Caelum extrema circumferentia, in quo sedem habet quidquid est divinum." (Ibid. Laërt. in Zenone.) Et quatenus omnis ea pars talis, tamen supra eius magis: et Cleanthes (in Tullio, I De Nat. Deor.): "quoniam ipsum Mundum esse Deum dicit, tum ultimum et altissimum atque undique circumfusum et extremum, omnia cingentem atque complexum ardorem, qui Aether nominatur, certissimum Deum iudicat." Quod Scipio etiam ita, doctore scilicet Panaetio, stoicissans apud Ciceronem (In Somn.): "Orbis caelestis ultimus, qui reliquos complectitur, Summus ipse Deus, arcens et continens caeteros." Quae talia Macrobius tamen ad Platonis dogmata trahit, Cicerone haud usquequaque volente. Ut enim a Terra gradatim tenuiora omnia et puriora fiunt Aqua, Aer, Ignis: ita in ipso Igne illi gradus, et summa eius pars purissima eoque maxime divina, et Rationis illius incorporalis sedes. Hanc Pythagorae etiam mentem adscribit Theophilus, Antiochenus Antistes: "Pythagoras, inquit (lib. III ad Autolyceum) magno labore ima et summa perscrutatos, extremam naturam, Deum autumat." Qui tamen sublimis paulo rectiusque locutus mihi legitur, in Clemente: "Deus, inquit (In Protreptico), unus, et is, non ut quidam suspicatur,

extra Mundum, sed in ipso totus, in toto circulo inspector atque arbiter omnis generationis, temperies universorum; qui semper est opifex suarum potestatum et operum omnium, in caelo lumen, et omnium pater, Mens et animatio totius circuli, omnium motio. „Sed alia, quae ad Stoicum hunc sensum, antea, quam de Deo, nobis dicta (lib. I, Dissert. VIII.) De Caelo porro exsequamur: cui et Epicurus «igneam substantiam» attribuit: et Plinius, «Ignium elementum, inquit, summum, inde tot stellarum colloccantium illi oculi.», A quo Igne videtur Stoicis petita causa orbicularis illius motus, quo caelum assidue rotatur. Nam «quomodo omnia (ait Zeno apud Stobaeum) ad medium totius ferantur: etiam corpora quae gravitatem non habent, ut Aërem et Ignem, ad medium ferri, circaque eius ambitum consistere.» Credo eum dicere: quae possint, ferri ad medium: et quauquam natura attollantur, consistere tamen circa ambitum; atque inde quasi impetum capere ad medium redeundi; sed natura vetante, moveri assidue, nec deprimi, nec attolli. Etsi ab Animis etiam Mundi peti ratio potest, cuius vita et aeternitas in motu est: nec potest motus esse aeternus, nisi ite, qui continuatione perpetui in se reditus agitur.

DISSERTATIO XIII.

Aetheris praestantissimum Solem videri: regem siderum: et esse Mundanae animae typum. De Luna additum.

Universe de Igne, sive Caelo, satis dictum; de signis, quae in eo, stellisque breviter videamus. Et in primis de duobus quae eminent, et caput inter cetera efflerunt, Sole ac Luna: siquid de iis Stoici seorsim ab aliis dicant. Solem Latini appellant, ab excellentia, et «quia tantam claritudinem solus obtinuit» (Macrob. I Sat. cap. 17): et Graeci ἥλιον quasi δῆλον litterae abiectione, quod ab eadem claritate sit omnibus manifestus et conspicuus. Stoici de eo: «Esse Solem purissimum ignem, et maiorem terrā: sed et orbiculari figura, iuxta cum Mundo; ignem quidem esse, quoniam omnis, quae Ignis, praestat. Maiorem terrā, quia omnem eam illustrat, sed et ipsum caelum.» Ait primo, Ignem esse: sed quod genus? Tetigi antea, et magis e Zenone explicemus, qui et Solem, et astra «artificialis ignis esse» scribit. «Duo enim genera Ignis. Unum

artis expertus, et convertens in se omne alimentum: alterum artificiale, quod auget res et conservat, sicut in plantis conspicitur et animalibus. Hoc autem Natura est, et Animus. Atque eius Ignis essentiam astrorum esse. „ (Stob. Phys.) Videtur hunc Ignem? Frustra igitur censeat et timeat Aristoteles (I Meteor. cap. 3): „ Si intervalla stellarum plena igne essent (ipsi orbis) et corpora earum ex igne, iam pridem quodque aliorum Elementorum absumptum evanisset. „ Pone metum; neque intervalla omnis Ignem, sed ignea dicimus: et a tali iam descripto servatore igne; quem *Artificem* Zeno dicit, et alio verbo, sensu consimili, *νοστήν* passim alii: *intellectu praeditum*; non brutum illum et exsensum. Ignem igitur Solem censent; et increpat Seneca (III De Benef. c. 3): „ qui saxum aliquod, aut fortuitorum ignium globum, et quidvis potius quam Deum appellant. „ Vbi de Saxo, ad Anaxagoram pertinet: si ve et ad Democritum, qui item dixit „ ferrum vel saxum candens. „ De *Fortuito globo*, ad Epicurum, qui tamen non purum ignem statuit; sed „ terrenum factum esse, panicis aut spongiae instar, ab igne per foramina accensum. „ Est igitur nostris aliisque Ignis aut Igneus: non Aristoteli, qui etiam calorem ab eo tollit. Damnat Ambrosius, et ad nostros inclinat (Hexaem. II, c. 3): „ Tantum autem inest illis (Philosophis talibus) impugnandae veritatis studium, ut Solem ipsum negent calidae naturae esse, eo quod albus sit, non rubescendus aut rutilus in speciem ignis. „ Etsi haec et talia satis fortasse exsequitur, et rideant hodie in Scholis. Addebat Laërtius, „ Maiorem terra esse. „ Et nunc consentiunt astrorum consulti, faciuntque „ centies sexagies sexies „ maiorem. Seneca (I Quaest. Nat. cap. 3): „ Solem, quem toto orbe terrarum maiorem probat ratio, acies nostra sic contraxit, ut sapientes viri (Epicuri) pedulem esse contenderint. „ Quod veteres tamen nostri Doctores haud ita affirmant. Damascenus: „ Sol a quibusdam dicitur multis partibus terra maior, a sanctis autem Patribus ei par. „ Quibus Anaximander olim consenserit; asserens „ Solem terra non minorem esse. „ At argumentum in Laërtio magnitudinis, quod „ terram illustret, atque etiam caelum. „ Quomodo caelum? nam de terra liquet. Credo, quod vel det stellis aliis lumen, vel auget temperetve. Seneca ad Marciam (cap. 18): „ Videbis illic (in caelo) innumerabiles stellas, miraberis uno sidere omnia impleri. „ Quae omnia, si non haec astra? Arnobius (lib. I): „ Sol siderum princeps, cuius luce omnia

vestiuntur. » Iulius Firmicus, ad Solem: « Qui ceterarum stellarum ignes flammiferarum luminis tui moderatione perpetuas. » Certe affirmat, etsi flammiferae a se sint et igneae (ita enim ipse, cum Stoicis), tamen accipere a Sole aliquid, et ab eo temperari atque aeternari. Ideo Heraclitus olim, *fontem caelestis lucis* Solem nominavit. Sed et Cicero pro hac sententia: « Sol dux et princeps et moderator luminum reliquorum. » Neque Macrobinum nimis audiam, qui interpretatur « Moderatorem, quod cursus eorum et recursus certa definitione spatii moderetur. » Quid enim hoc ad lumen? quin et hodie Astrologi in isto plerique sensu. At alii et idem ille Macrobius, solam Lunam fulgere alieno, ceteras stellas suo volunt. Sed satis haec super Sole: pergamus. AVD. Immo ad Senecae lucem aliquid, nisi grave est, addes. Indignabatur in verbis, quae recitasti, « quidlibet potius Solem, quam Deum dici. », Deum ergo habet? LIPS. Ipse et Stoici, ac magnam Deum, principem ceterorum. Firmicum audi huius sectae (lib. I): « Sol optime maxime, qui mediam caeli possides partem, mens mundi atque temperies, dux omnium princepsque. », Adde Plinium; quem qui Epicureum faciunt, viderint; ego Stoicorum sensibus comparior bona fide. Ille igitur: « Sol non temporum modo terrarumque, sed siderum ipsorum caelique rector. Hunc mundi esse totius Animam, ac planius mentem, hunc principale Naturae regimen (id est, ἡγεμονίαν), ac numen, credere decet. Vis magis angusta? et plerique e Stoicis cum Plinio sentiebant: etsi alii supremum Aethera, ut dixi, ἡγεμονίαν volebant. Sed claritate et magnitudine effectuum, tum et sua, itenique situs dignitate obtinuit, a multis supremus Deus censi, aut certe Meotis sive Rationis illius sedes. Itaque et *Cor caeli* Physici veteres nominabant. Peruani et Sineses etiam hodie animum Deum colunt: quid Aurelianus olim Princeps? (in Vopisco cap. 5): « Dii faciant, et Deus certus Sol: », quasi de uno hoc fides et certitudo. Etiam Trismegistus? Sol Deus maximus eorum qui in caelo sunt, cui cedunt omnes dii caelites tanquam principi et Regi. », Et talis Plato, etsi uterque maiorem eo alium agnoscit, ipsum ἀρμυρῶν et conditorem. De Sole quod satis ait, dixi: ad Lunam eamus; quam Laërtius, inter scita Stoica, *terream magis* scripsit: « sicut et Terrae magis vicinam. », Videlicet non tam puro liquidoque igne eam lucere, quam Solem, et terrenum aliquid ac turbidum habere. Ita Plutarchus (de Facie in orbe Lunae): « Ignis turbidus et faeculentus, ut

Stoici autamant. „ Qui idem ostendit (De Orworld defectu) dictam *terram caelestem*; sive etiam, *astrum terrestre*: ab eadem causa? Itemque Macrobius (I. In Somn.) *Aetheream terram*: in quo occultiore tamen rationem lege. Nescio an huc Cleanthi adscriptum pertineat, a Stobaeo: “Κλεάνθης ἔγραφε πυρροῦσθ τὴν σελήνην, πηλοῦσθ (1) τὸ σχῆματι Cleanthes dixit Lunam igneam esse, apparentia tamen lutosa „ Nisi quis ibi πηλοῦσθ legat, et „ pilei formam „ ei tribui censet: sicut inde Cleanthes Coni formam dat sublimioribus astris. Sed hanc, obtusum scilicet ignem, obtusius planiusque paulo surgere. Sed addit Stobaeus: “ Posidonius et plerique Stoici, mixtam ex igne et aëre statuunt, et maiorem terra, sicut et Solem: orbiculari autem figura. „ Quam mixtionem Plutarchus improbat et refellit, *De facie in orbe Lunae*. Nec plura de Luna, propria quidem Stoicis, habeo. Avd: De Terra ruminor, quod sic eam dictam notasti. Facitne, quod etiam habitatum voluerunt, ut ipsam hanc terram? Cicero (Acad. II): “ Habitari ait Xenophanes in Luna, esmque esse terram multarum urbium et montium. „ Lirs. Plutarchus et Macrobius talia: atque ille refellit, iste explicat et ad animarum sedem referre videtur. Sed “ fuisse Seneca (apud Lactantium lib. III, cap. 23) etiam inter Stoicos ait, qui deliberaret; utrumne Soli quoque suos populos daret? „ Addit irridens: “ Inepte scilicet, qui dubitaverit; quid enim perderet si dedisset? „ Ego haec talia, sic obvio et simplici sensu, dicta aut dubitata ab iis vix arbitror: sed vel ad Animas, vel ad Genios respexisse. Nisi tamen non sapientia, sed sanitas homines defecit.

DISSERTATIO XIV.

De Astris in genere. Rotunda esse, ex aethere conflata; ideoque ignea, et vaporibus pasci. Eadem futurorum conscia.

Universe de Stellis pauca etiam libanda. Laërtius: “ Videtur iis (Stoicis) et astra rotunda esse, et terram non moveri. „ Astra rotunda iis aliisque communiter: seorsum tamen Cleanthes de Coni signa sensit. Stobaeanae eclogae: “ Alii quidem sphaericæ figurae stellas, Cleanthes coni fecit. „ Movit Cleanthes,

(1) Fortasse vetius πηλοῦσθ: *multiformem*.

quod ignis semper in altum eat: atque ab imagine flammæ nostræ, a rotundo infm corpore voluit extenuari: et in altum aretari: id enim Conus: neque absque mihi ea opinatio. Sunt sane Ignes, sed densiores et compacti, ex rariore ætheris natura. Seneca super ea re (VII Quaest. cap. 1): "At mehercule non aliud quis aut magnificentius quaesierit, aut didicerit utilius, quam de Stellarum siderumque natura, atrum flamma contracta, quod et visus noster affirmat, et ipsum ab illis fluens lumen, et calor inde descendens: an non sint flammei orbes, sed solida quaedam terrenaque corpora, quæ per igneos tractus labentia, inde splendorem trahant coloremque, non de suo clara. In qua opinione magni fuisse viri, qui sidera crediderunt ex duro concreta, et ignea alienam pascentia. Nam per se, inquit, flamma diffugeret, nisi aliquid haberet quod teneret, et a quo teneretur: conglobataque, nec stabili inditam corpori profecto iam Mundus turbine suo dissipasset. „ Ecce ponit primum, de " flamma contracta: „ quæ eius, et popularium, sententia est, ut dixi. Posidonius, apud Stobæum: " Stellam esse corpus divinum, ex æthere compositum. „ Æthere, nempe densiore sive contracto. Addit, " Quod et visus affirmat. „ Argumenta Stoicorum, et nominatim Cleanthis. Cicero (II De Nat. Deor.): " Sidera esse tota ignea, duorum sensuum testimonio confirmari, Cleanthes putat, tactus et oculorum. „ Aliorum tamen sententiæ, sunt, ait, " solida terrenaque corpora. „ Quod a Thalete manavit, qui dixit: " terrena quidem, sed ignita corpora, stellæ esse. „ Sed et Anaximenei: " igneam quidem naturam astrorum, sed habere etiam terrena corpora mixta, quæ cum iis circumferantur, inaspectabilia. „ Fuerunt etiam qui saxea, aut saxa crederent; fuisse qui ferrea; quos omnes Seneca hic tangit. Ait amplius, " Ignem alienum pascere. „ Nempe æthereum, cui terra illa corpora aliena. Sed et Stoici pastum in Sideribus agnoscent, atque all vaporibus et aëre fervidam illam naturam volunt. Laërtius, " Nutrirî atque ali et hæc ignita (Solem et Lunam) et cetera astra. Solem quidem magno mari, quod sit fax et accensio quaedam intellectu prædita. Lunam autem, ex aquis dulcibus et potabilibus, quod sit aëri permixta, et vicinior terræ. „ Primum, universe dicit omnia sidera nutrirî. Et Seneca (Quaest. Natur. II, cap. 5): " Ex caelo et terra alimenta omnibus animalibus, omnibus satis, omnibus stellis dividantur. Hinc quidquid est virium singulis; hinc ipsi Mundo, tam multa poscunt, subministratur: hinc profer-

tur, quo sustineantur tot sidera, tam exercitata, tam evida, per diem noctemque, ut in opere, sic in pastu. „ Plinius iterum Stoicus (lib. II, cap. 9): „ Sidera vero haud dubie humore terreno pasci. „ Terreno tantum? immo et marino (sed utrumque elementum in uno intelligit) atque ex aliis aquis, ipso Plinio addicente (lib. II, cap. 33): „ Oceanus omnes fundens recipiensque aquas, ac sidera ipsa, tot et tantae magnitudinis, pascens. „ Panegyricus Constantino dictus: „ Iturus ad deos, genitorem illum deorum, ignea caeli astra refoventem, prospexit Oceanum. „ Cicero (I Nat. Deor.): „ Sunt autem stellae natura flammæ; quocirca terræ, maris, aquarum vaporibus aluntur iis, qui a Sole ex agris tepefactis, et ex aquis, excitantur: quibus altæ renovataeque stellæ refundunt eodem, et rursus trahunt iudidem. „ Atque ideo divina Providentia Macrobius factum putat (I in Somn.) ut sub zona torrida locaretur Oceanus: „ Vt quævis nimirum latitudo, qua Sol cum quinque vagis, et Luna, ultro citroque discurrunt, habeant subiecti humoris alimoniam. „ Quam Syrtium etiam causam Lucanus proponit (lib. IX, 313):

Quod rapidus Titan, ponto sua læmia pascens,
Aequora subduxit zonæ vicinæ pèrnestæ.

Etsi longiuscule sane Syrtes ab ea zona absunt: sed scilicet mare eo usque delinquere, et terram fieri. Plures enim eius versus vide. Iam vero idem poëta Aegyptios facit dicere (lib. X, 258):

Nec non Oceano pasci Phoebumque potamque
Credimus.

Quid facetissimus Anacreon?

Νίκα θάλασσα δ' αἶψα,
ὃ δ' ἄλως θάλασσαν

Et potat aequor sarns
Phoebusque potat aequor.

Et infert, quidni etiam nos bibamus? Levibus testibus est a magno Hippocrate pondus. «Soli, Lunae, astris, inquit (de Flatibus), via per Spiritum. Nam igni Spiritus est pabulum. Spiritu privatus ignis non possit vivere.» Ipsum Homerum, divinarum omnium inventionum fontem et originem (vero elogio a Macrobio sic dictum) idem Macrobius eo ducit; qui «sub poëtae nube figmenti, inquit, verum sapientibus dedit intelligi: quando Iovem, cum diis ceteris, id est, cum Stellis, profectum

in Oceanum, Aethioplus cum ad epulas invitantibus, scripsit; significans, hauriri de humore nutrimenta sideribus. » Consignet hanc sententiam et noster Ambrosius (II Hexaëm. cap. 3) : « Frequenter Solem videmus madidum et rorantem; in quo evidens dat indicium, quod alimentum sibi aquarum, ad temperiem sui sumpserit. » Etiam indicium sane infirmum est, et plebeio sensu nixum; at eius tamen mens apparet. Sed propius aliquid ad verba Laërtii. Aiebat distincte, « Solem e marinis aquis pasci. » Ideo Cleanthes (in Stobaeo) Solem dicebat, « Faciem intellectu praeditam, e mari accensam. » Quod ad alimentum referendum modo esse, quae inibi sequuntur docent. Chrysippus tale : « Solem esse faciem collectam et accensam, intellectualem, ex vapore maris. » Et quod mox in Laërtio sequitur de Luna, « ex aquis dulcibus : » idem Chrysippus eam dicebat : « collectam accensamque faciem, post Solem, ex aquarum potabilium vapore. » Dicas ex istis, quod Ignea quidem illorum natura, sed ardor ille sit e materia tali. Sed desino haec minuta et scruposa: nisi fortasse nihil in Philosophia parvum est,

..... praesertim rebus in illis

Quae supra caput aetheris cernuntur lu oris.

AVD. Non est, mi Lipsi; eoque resistere te etiam rogabo, et edere, quid ita Posidonius *Stellam*, *divinum corpus* definiebat? LIPS. Iam dictum aut tactum saepius, Omnis aether, et omnia aetherea, Dii sunt: quia participant, aut constant maxime ex illo Igne. Augustinus (IV de Civ. cap. 11) « Dicunt omnia sidera partes Iovis esse, et omnia vivere, atque rationales animas habere, et ideo sine controversia Deos esse. » Et apud Stobaeum Zeno ait: « Solem, Lunam, et singula astrorum aliorum, esse intelligentem, sapientem igneum ignem, tanquam arte constantem. » AVD. Hui, intelligentes, sapientes? LIPS. Vel maxime, et supra alias animantes. Cicero (II De Nat. Deor.): « Sidera aethereum locum obtinent, qui quoniam tenuissimus est, et semper agitur et viget: necesse est, quod animal in eo gignatur, idem quoque sensu acerrimo, et mobilitate celerissima esse. » AVD. Ergo et Animalia? LIPS. Quippini: et rationalis, immortalis, aut certe longaeva. Neque nimis haec rideas: est invenire inter primores illos Patrum, qui istis annuerunt. Origenes, doctrinarum culmen, « Solis, et Lunae, et Stellarum animas » agnovit: « neque eo tamen tempore, quo Mundus factus est, esse coepisse, sed antequam lucens illud et ardens

corpus iutarent: « quod Hieronymus de eo plus simplici vice testatur (Epist. LIX ad Avitum). Et Philo Iudaeus quam saepe sic Platonissat? Scribit alibi (de Opific. Mundi): «Stellas sensu praeditas, imagines divinas et puleberrimas.» Item (de Insom.): «Incorruptibiles et immortales animas.» Iterumque (de Opific. Mundi): «Animalia esse dicuntur, et animalia intelligentia. Magis autem quaeque earum Mens est, undique et omnino bona, et omnis mali incapax.» Non tamen, ut alibi fatetur (de Pietate), Dii sunt; sed «Praesides quidam, ut ita dicam, Subpraefecti omnium parentis.» Posteriores Iudaei et Rabini talia, aut deteriora; quos secutus quidam nostro aeco *Animalia coelestia* audacter asseruit, et ipsum *Mundum animatum*. Nobis modesta sententia sedeat, quae est Theologorum: qui Animas quidem aut potius Intelligentias enunietas attribuant; sed non ut *idē oὐσίᾳ*, *formas essentielles*, nec quae faciant unum corpus. Avd. Si tamen ita veteres, iam non miror Divinationem astris assignari, et ab iis peti, sic divinis. Et merito sane Astrologi Stoicis tuis sunt amici. Lips. Fateor, et quauquam Fatum et Necessitatem in ipsa Materie ponunt, quam inhaeret: tamen Astra vel movere aliquid volunt, vel certe monere. Dubitat Seneca (Epist. CXVII), «An ad stellarum motus nostra moveantur corpora, an corporibus animisque omnium illinc impetus veniat?» Et affirmare illud videtur alibi (de Provid. cap. 1): «Hanc inoffensam velocitatem (siderum) tantum rerum terrae marique gestantem, non esse materiae errantis ordinem.» Quasi ipsa sidera res habeant, gestentque inclusas. Iterumque alibi (ad Marciam cap. 18): «Ex siderum quinque (Planetarum) levissimis motibus fortunae populorum dependent, et maxima ac minima proinde formantur, prout aequum iniquumve sidus incessit.» Denique longius, ad sidera etiam fixa, vult protendi (II Quæst. Nat. cap. 32): «Quinque stellarum potestates Chaldaeorum observatio excepit. Quid tu? tot millia siderum iudicas otiosa lucere? Quid est porro aliud, quod errorem incutiat peritis natalium, quam quod paucis nos sideribus assignant: quum omnia quae supra nos sunt, partem sibi nostri vindicent?» Valde pro Genethliacis facit, quos tamen vellet non Planetarum tantum quinque, et Solis ac Lunae; sed etiam fixorum siderum potestates novisse: quae ignorantia, inquit, causa est cur a vero saepe delirent. Palam quidem haec sunt pro Astris, et easas ipsa eventuum esse, ac movere. Tamen aequius meliusque alibi ambigit, et sententiam alternat (Epist. LXXXVIII): «Sidera ef-

fectus rerum omnium aut movent, aut notant. » Bene de notatione tantum, et hoc est quod *monere* dicebatur. Significare aliquid possunt ex Fato futurum, non ipsa sunt, aut faciunt Fatum. Itaque Manilii hoc tolere:

.....conscia Fati

Sidera:

Illud nollem,

.....diversos hominum variantia casus.

Magis enim sit, « significare ista quam facere, » et Plotini modestior assertio: « Nihil vi vel potestate eorum hominibus evenire, sed ea, quae Decreti necessitas in singulos sancit, ita per horum septem (Planetarum) transitum, statione recessive monstrari; ut aves praetervolando, seu stando, futura pennis vel voce significant nescientes. » Modestior, dixi, non verior, et longa haec disputatio sit, seponatur: illud fatemur, Stoicos plusculum omni Divinationi tribuisse, ut sic quoque Divinitatem et Providentiam affirmarent.

DISSERTATIO XV.

Aër, et eius divisio, primo Frigidum Stoicis esse

Aër Ignem excipit, quae Graeca vox est, recepta tamen non, ait Cicero, a Latinis. Ipsi est *Spiritus*, sive *Anima* etiam Cicero: interdum *Coelum* et *Inane*. De eius situ Cicero (II, De Natur. Deor.): « Aër autem, ut Stoici disputant, interiectus inter mare et coelum, Iunonis nomine consecratur: quae est soror et coniux Iovis, quod ei similitudo est Aetheris, et cum eo summa coniunctio. » Soror nempe, quia tenuitate refert, aliqua facie; coniux, quia adsitus et connexus. Dividitur in tres partes Senecae, Summam, Mediam, Imam. « Summa pars, inquit (II Quaest. Natur. esp. 10) calidissima est et siccissima, et ob hoc etiam tenuissima, ob viciniam aeternorum ignium. Pars ima et vicina terris, densa et caliginosa est, quae terrenas exhalationes receptat. Media pars temperantior, si summis imisque conferas, quantum ad siccitatem tenuitatemque pertinet: ceterum utraque parte frigidior. » Plinius sic quoque dividit, et mensuras inaequalium intervallorum concipit, Posidonio Stoico (ideo libentius memoro) auctore. « Ille, inquit (Plin. lib. II,

c. 23), tradit, non minus quadraginta stadiorum a terra altitudinem esse, in qua nubila, ac venti, nubesque proveniant. Inde purum liquidumque, et imperturbatae lucis Aërem: sed a turbido ad Lannam, vicies centum millia stadiorum.» Ima ergo pars, ad quadraginta stadia attollitur; medianam non definit; ultima et liquida amplissima, ad multa millia. Seneca autem partim calidum et frigidum, pro partitione ea faciebat: sed idem postea clare: « Natura aëris gelida est.» Iterum: « Frigidus per se, et obscurus.» Atque adeo prima et eminens ea qualitas est Stoicis; contra Aristotelem, ut scimus, qui calidum ponit. Laërtius, de nostris: « Esse quatuor Elementa: Ignem, qui calidus; Aquam, quae humida; Aërem, qui frigidus; Terram, quae siccus.» Plutarchus hoc ipsum (de primo Frigido): « Stoici primum frigidum Aëri assignant, Empedocles et Strato Aquae:» uti et Stagiritis. Inde noster (Epist. xxxi): « Nihil sine Igne calidum, nihil sine Aëre frigidum:» quasi et causa ac fons sit frigoris. Idem ergo Seneca cum attentione legendus alibi (de Ira II, c. 18): « Quam quatuor elementa sint, Ignis, Aqua, Aër, Terra; potestates pares his sunt, frigida, fervida, arida, humida.» In potestatibus non servat ordinem: et *Frigidam* omnino ad Aërem referes, ex Stoeae quidem decretis. Apud Ciceronem ita Stoicus Balbus (II de Nat.): « Ipse vero aër, qui natura est maxime frigidus, minime est expers caloris.» Caloris nempe adventitii, ut subdit. Sed *frigidus* dixi, uti omnes fere libri: Lambini magna temeritas, qui *humidus* edidit, imperite. Etsi fateamur Humidum, sed non primo nostris esse. Fuit tamen nuper vir philosophus, qui ut copulas illas Aristotelis non violaret, frigidum quidem, sed tamen Siccum pronunciaret: atque ita siccitate cum igne, frigore cum aqua sociaret. Sed id sane abs re videtur: et tribus ita Elementis Siccitatem Stoici donent, Igni, Aëri, Terrae. Mala mixtio: et ad Ignis coercitionem ac temperiem, melius ac providentius Natura (ingatione illa omissa) contrarium Elementum subiunxit, materiae tamen raritate consonum et conveniens. Neque aliud Stoici hic mutant.

DISSERTATIO XVI.

Aqua, et praecipua eius pars Mare. Id terram circumst, inquit, subit, vinculum eius et irrigatio.

Aqua sequitur, Terrae mixtum elementum, et cum ea facit suum globum. Etsi quidam dividunt, et volunt Mare proprie

Elementum esse, et a terra seiunctum. Philo hoc aperte, ad verba Moysis (de Opific. Mundi): « Fons ascendebat e terra, et irrigabat omnem superficiem eius. Nam alii philosophi, inquit, universam Aquam Elementum constituunt unum e quatuor, quibus mundus componitur. At Moyses acrioribus oculis etiam dissita et obscura pervidere solitus, Elementum censet esse magnum Mare quartam rerum partem: quod alii post Moysen Oceanum appellarunt, cum quo nostra navigabilia maria si conferas, portum habere magnitudinem censeas.» Plura in hanc sententiam adtexit, et vult dulces quidem aquas Terræ partem esse, cumque ea censi: at Mare secretum, et facere orbem suum atque Elementum. Tale est, quod Fabianus ambigit, de Oceano (Suasor. I): « Vtrumne terras velut vinculum circumfluat, an in suum colligatus orbem, et in hos, per quos navigatur, sinus, quasi spiramenta quaedam magnitudinis exæstuet.» Censuerint igitur quidam suum distinctumque globum facere, et dumtaxat hæc nostra maria exiguum eius partem, et velut lacinias esse. Immo nec solem ambire, et tenebras in extremis eius, et horridum secretum habere. Declamatores apud Senecam patrem indicant, quom Alexandrum ab eo revocant: et Peto Albinovanus, in navigatione Germanici:

Iam pridem post terga diem, Solemque relictum.

Et statim:

.....ruit ipse dies, orbemque relictum
Ultima perpetuis claudit natura tenebris.

Ambrosius etiam in hac dubitatione (III Hexaem. cap. 3): « Quis scit, in quantum se illud magnum, et inausum navigantibus, atque intentatum nautis, fundat mare, quod Britannias frementi includit æquore, atque in ulteriora et ipsis fabulis inaccessa secreta se porrigit? » Immo censebant quidam, Oceanum immensum protendi: et Solem atque astra in eo cadere, et resurgere, hominibus eius resecta. Plebeia et poetarum opinio, sed viris gravibus etiam posita, aut dubitata. Tacito nostro, quod alibi notamus: et Fabiano Philosopho apud Senecam patrem (Suasor. I): « Illi, quibus ignota nulla pars mundi est, de Oceano tamen dubitant: utrumne terras, velut vinculum circumfluat, an in suum colligatus orbem, et in hos per quos navigator sinus, quasi spiramenta quaedam magnitudinis, exæstuet: ignem post se, cuius augmentum ipse sit, habent an spi-

ritum.» Ecce, alii seorsim locant a terra, et ambigunt an *Ignis*, id est *Aether*, et sidera (quae ipse pascit) eum excipiant, an *Spiritus* sive *Aër*. Sed haec olim; nobis veritas innotuit, et totus paene Oceanus, navigationibus Hispanorum, Britannorum, et iam nunc Batavorum felici audacia peragratus. Excipio ad Septemtrionem et Austrum, frigore inaccessa. Mittamus igitur immania illa de Oceano, et inania: fines suos habet, et cum Terra utiliter uno velut corpore, et orbe, Natura iunxit. Hoc Stoici quoque nostri senserunt (in Laërtio): «Mediam esse Terram (totius Univerſi): post hanc, Aquam globosam, quae idem centrum cum terra habet, ita ut Terra sit in Aqua.» Vera haec sunt, et examinemus. Ait, «Aquam globosam.» Certum est, tumet et attollitur, et altitudine sua vel montes terrae aequat. Cur non cadit? quia centrum cum terra idem habet, eoque vergit. Balbus Stoicus, apud Ciceronem (II de Nat. Deor.): «Eadem ratione mare, quum supra terram sit, medium tamen terrae locum expetens, conglobatur undique aequaliter, neque redundat umquam, neque effunditur.» Addit, «Terram in Aqua esse.» Providentia divina factum, neque debuit, aut potuit seiungi hoc elementum. Plinius (II, c. 65): «Hoc ita formasse artifex Natura (agnosce Stoeae verba) credi debet, ut quum Terra arida et sicca constare per se ac sine humore non posset; nec rursus stare Aqua, nisi sustinente Terra, mutuo complexu iungereutur: hac sinns pendente, illa vero permeante totam, intra, extra, supra venis, ut vinculis discurrentibus.» Philo Iudaeus, hoc amplius a Providentia structum, ut dulcibus aquis rigaretur undique et humesceret, non ad vinculum solum, sed frugum, stirpium, animantium alimentum. Sed de *Vinculo* etiam ipse (de Opific. Mundi): «Tanquam vinculo continetur dulcore aquarum.» Et causam eandem Plinio addit: *quod a se arida, facile dissipetur et pulverescat*: «sed, inquit, coercetur et manet, partim vi unientis spiritus, partim humore, qui per meatus et foramina varie penetrat, non sinente arefactam abire in parva maioraque fragmenta.» Nota ibi de *Variis meatibus*: quod verissimum est, et tales sub terra, acceptam ab Oceano aquam colant, mitigant, et usibus nostris exulsam reddunt. Seneca (III Quaest. Nat. c. 4): «Occulto enim itinere mare subit terras, et palam venit, secreto revertitur, colaturque in transitu mare, quod per multiplices anfractus terrarum verberatum, amaritudinem ponit, et in sinceram aquam exit.» Dicit *palam venire*; nimirum quum

flumina omnia in mare eant: sed *secreto revertitur* per subterraneos illos meatus. Immo magnam etiam copiam sub ipsis terris relinquit: quod hodie metallarii fossores dicunt, et nos, ubiqueque terra humilior, fodiendo comperimus. Nec vani omnino illi (apud Senecam, *ibid.*, c. 8), qui censent, « interiora terrarum abundare dulcibus aquis, nec minus illas stagnare, quam apud nos Oceanum, et sinus eius: immo eo latius, quo plus terra in altum patet. » Vltimis verbis, *in altum*, id est profundum. Nam maria pleraque terra sustentantur et innatant, altius illa descendit. Atque haec verissima causa est, cur maria tot fluminum accessu non crescant: « quia quod influxit, non in suum vertunt, sed protinus reduunt. » (*Ibid.* lib. VI, cap. 5.) Lueretius alias quoque causas tangit, primam, quod omnis hic influxus nihili sit ad maris totius summam. Haec parum vera est: verior secunda, quod « magnam partem Sol detrahat aestu, » itemque venti siccent, et vapores in nubes surgant. Tertiam hanc nostram, et praecipuam addit (VI, 63) et seq.):

Postremo, quoniam raro cum corpore tellus
Est, et coniectas oras maris undique cingit;
Debet, ut in mare de terris venit humor aquae,
In terras itidem manare ex aequore salso.
Percolatur enim virus, retroque remansit
Materies humoris, et ad caput amantibus omnis
Confluit.

Atque ista fontium causa et origo, « etiam in summis iugis erumpentium, quo spiritu aëta aqua, et terrae pondere expressa, siphonum modo emicat. » (*Plin.* II, cap. 65.) Addi et de altitudine maris potest, ipsa iuga montium, ut dixi, aequantis: nec mirum igitur eo pertingere, et erumpere, in certo aliquo meatu. Hanc originem princeps Sapientum tetigit Homerus, de Oceanō:

Εξ οὐπὲρ πάντες ποταμοὶ, καὶ πάντα θάλασσα,
Καὶ πάντα κρήναι, καὶ πάντα μακρὰ νῆεναι. (*Iliad.* φ)

Omnēs ex illo fluvii, omne mare, omnis et undae
Fontium, itemque lacus manant, puteique profundi.

DISSERTATIO XVII.

*Duplicem Oceanum esse, eumque Terram quadrifariam parti-
ri, ex sensu veterum, haud prorsus vano.*

Permanat igitur terram interiorum Oceanus, sed et supra dividit, ac cingit. Vinculum est simul, et discrimen. Noster Seneca (ad Marc. cap. 18): "Vinculum terrarum Oceanus, continuationem gentium triplici sinu scindens.", Verba examinanda, ne ignarum priscæ huius descriptionis fallant. Nam quomodo de *triplici* hic sinu, quum Panegyristes dicat (Ad Maximianum.): "Orbem quadrifariam duplici discretum Oceano?", Et alii de gemino tantum, non triplici, affirmant. Altius repetenda res est, et pro mente veterum globus hic totus secandus. Atque ea fuit: Terram cum Mari rotundam esse; sed ipsam duplici Oceano dividi, et velut decussari. Priorem esse, ipsum verum, magnum, originalem Oceanum: qui terram ab ortu ad occasum mediam dividit, sub ipsa zona torrida, id est, Aquatore. Alterum, qui ab illo ortus eandem terram, parte altera, mediam secat, sibi Austro in Septentriones. Itaque duplici hoc Oceano tota Terra scinditur in partes quatuor: id est, totidem insulas, e quibus unam dumtaxat nos habitamus. Hæc testimoniis firmanda, et tum ad Senecam aptanda sunt. Plinius (II, cap. 67): "Mare circumfusa undique dividuo globo, partem orbis auferunt nobis; nec inde huc, nec hinc illo pervio tractu.", Nam etsi videri possit de una et media illa orientali divisione loqui tantum: tamen quum addat "undique dividuum", potest et de altera intellexisse. Sic alibi (cap. 66): "Est igitur in toto suo globo tellus, medio ambitu, præcincta circumfluo mari.", In toto globo ait, non parte tantum. Sed eladat hæc aliquis, sicut illud Pomponii: "Huius medio terra sublimis cingitur undique mari, eademque in duo latera, quæ hemisphaeria, ab Oriente divisa ad Occasum.", Age igitur, sint hæc de primario et originali illo Oceano tantum: sed dicimus ad polos eum parte utraque se porrigere, et per eos in se redire. Clarissime et uberrime hoc exsequitur Macrobius, in illa Ciceronis (lib. II, cap. 9): "Omnis terra, quæ colitur a vobis, angusta verticibus, lateribus latior, parva quaedam est insula, circumfusa illo mari quod Atlanticum, quod Magnum, quem Oceanum vocatis.", Summa est: "Non uno, sed gemino Oceani

ambitu, terrae corpus omne circumflui. Culus primus, inquit, meatus est, qui ab indocto hominum genere nescitur; atque ea corona, per zonam terrae calidam meat, superiora terrarum et inferiora ciogens, flexum circi Aequinoctialis imitata. Ab Oriente vero duos sinus refundit, unum ad extremitatem Septentrionis, ad Australis alterum: rursusque ab Occidente duo pariter enascuntur sinus, quosque ad ambas, quas supra diximus, extremitates refusi, occurrunt ab Oriente demissis. Et dum vi summa, et impetu immaniore miscentur, invicemque se feriunt, ex ipsa squarum collisione nascitur illa famosa Oceani accessio pariter et recessio. Post pauca deinde: "Tam igitur ipse, qui Aequinoctialem, quam sinus ex eo nati, qui Horizontem circulum ambitu suae flexionis imitantur, omnem terram quadrifariam dividunt: et singulas habitationes insulas faciunt. Ideo Tullius haec volens intelligi non dixit: *Omnis terra parva quaedam est insula*; sed *Omnis terra, quae colitur a vobis*: quia et singulae de quatuor habitationibus parvae quaedam efficiuntur insulae, Oceano his eas, ut diximus, ambiente." Strabo haec confirmat (lib. I): "Quod omnis habitata tellus insula sit, primum quidem sensu et experientia docemur. Quaecumque enim versus licuit hominibus libuitque ad ultima terrae progredi, mare inventum est, quod Oceanum appellamus." Ab omni, inquit, latere Oceano claudimur: et est ergo bifaria illa divisio dicta: quam et postes ingerit, terramque, ut Macrobius, quadrifariam secat. Boethius hoc ipsum (lib. II): "Terrae quarta fere portio est, quae a nobis cognitis animantibus incolatur." A nobis cognitis? ita: quia nostro hoc quadrante, sive Strabonis τετραπλόπος, in alios accessus non est, vel ob zonam torridam, vel ob vasta maria interiecta. Ut veterum plerimi quidem censebant. Nam nostra haec aetas refutavit, docuitque et coli Torridam, et adiri; itemque alios laterales tractos. Dixi plurimos veterum; neque enim omnes censuere; et Posidonius Stoicus aperte (apud Cleomedem) disserit, «clima sub Aequidiali temperatum esse. Nam, inquit, circos Tropicos, ubi Sol diutius moratur, non sunt loci inhabitata, cur sub Aequatore essent? Deinde, quomodo nox diei aequalis sit, spatium etiam refrigerandi satis amplum est, et imbres et ventos erunt qui idem praestabunt: ergo habitabilis.»

Bene cum *Chlamyde* comparatur s. Strabone habitata haec nostra terra: et simul Senecae veriloquium, «triplici sive continuationem gentium scindi.» Triplici, inquam; pro cuiusque

quadrantis ambitu : qui duos sinus ab oriente et occasu ad polum habet : tertiumque , ab oriente ad occasum. Liqueat etiam Panegyristae sensus , « Orbem quadrifariam duplici Oceano discerni. » Haec in parte nota veteribus erant (et ad sensum Strabo appellat) : in parte non erant. Parte dico Australi : de qua coniectura idem praesumebant. Macrobius : « Nec dubium est , inquit , in illam quoque Australis generis Temperatam , mare de Oceano similiter influere : sed describi hoc nostra attestatione non debeat , cuius situs nobis incognitus perseverat. » Ita igitur prisci : quid bodie ? res non obscura est , alluisse verum , non attigisse prorsus antiquos. Neque enim sub Aequatore est statim magnus ille Oceanus , neque directo mediam terram dividit : sed infra illum obliquus , praeter Bonae Spei promontorium versus Orientem quum fluxit , limite alio Magellani fretum perumpit , et priori illi vastus occurrit. Ad polum etiam nostrum , id est , Septentrionem , maria confluere utrimque , pacis compertum est. Batavi magno animo explorarunt , pernavigare tentarunt : glacies , et monstra , et frigora repulerunt. Sed ita , ut auras hauserint Indici illius sive Orientalis maris. Atque haec , ut pleraque vera , vetus etiam opinio hausit ; vel Orphici , qui dixit :

Κύκλον ἀκαμάτου καλλιρόου Παιανίου
Ὅς γαῖαν δίνῃσι περὶ ἔχει ἀμμιέλιξας

Indefessi orbem Oceani , pulchreque fluentis ,
Vorticibus terram qui circumplectitur aequam.

vel Homeri , quem ideo *Αψάρροου Παιανίου* , *Refium Oceanum* , appellasse volunt : « tamquam in se impetu ruentem , et redeuntem , atque ita terram sibi includeotem. » (Eustath.) Haec ad Senecae mentem uberius dixi : poteram brevius , *triplicem sinum* esse , *Mediterraneum* , *Arabicum* , *Persicum*. Brevius , sed non verius ; nam et plures sinus sunt , et pro diffusionem Oceani iuauca et angusta dictio sit ; sed neque *continuationem gentium* illi sciadunt. Nonne navigantur , nonne et pedibus circumeuntur ? Ita est ; nec *Sinum* vox aliquem moveat , quam et Macrobius laterali utrique Oceano tribuit , quia videlicet magui Oceani sunt recessus not partes. Nescio an Varro non sic explicandus sit : quem Priscianus in *Orthographia* (immo *Cosmographia* , vel si ausim *Orbigraphia*) ita laudat :

Ergo inter Solis stationem , et sidera septem ,
Exporrecta inest tellus , huic extrema fluctu
Oceani , interior Neptuno cingitur ora.

Inter Tropicum, inquit, et Septemtrionem iacet terra nostra habitabilis, exterior Oceano Atlantico, interior Septemtrionali. De altero Senecae loco magis affirmem, isto (I Quaest. in Praefat.): «Haec est terra, in qua regna disponitis: minima, etiam quum illis utrimque Oceanus occurrat.» Quomodo utrimque? a latere utroque, opinor, ad occasum et ortum: ubi terra habitata latissima est, et exporrigitur: sed mari utrimque superveniente dirimitur. Omittit enim de Australi vel Septemtrionali parte, quam notum erat, Torrida et Frigida zonis claudi. Pincianus, Censor eximius, legi volebat, *undecumque Oceanus incurrit*. Non mutem contra libros: aut si, *uterque* velim.

DISSERTATIO XVIII.

De Terra. Matrem dici, et Animal; unde sustentetur firmeturque.

Terra excipit, imum atque ultimum Elementorum. Dignitate aut situ ultimum: non usu, quod ad nos attinet, immo primum. Itaque mater et parens nobis dicitur: quid si et Deorum? quid si prima condita: et ex ea deinde alia? Stoei ipsi (apud Stobaeum): «A Terra generationem Mundi coepisse, tanquam a centro; nam initium Sphaerae, centrum ipsum esse.» Itaque ex materia illa aqua, ab Igne primo expressum et secretum gravissimum elementum esse, Terram: atque hac, ut fundamento, posita, reliquum ordinem et orbem circumfusum. Ideo Statius magnifice ad eam (lib. VIII, 303 et seqq.):

..... O hominum divumque aeterna creatrix,
Quae fluvios, silvasque, animasque et semina Mundi
Cuncta, Prometheusque manus, Pyrraeque saxa
Gignis, et impostis quae prima alimenta dedisti,
Mutastique vices, quae pontum ambisque, vehisque.
..... firmum atque immobile Mundi
Robur inoccidui, te velox machina caeli
Aëre pendentem vacuo, te currus uterque
Circuit, o rerum media, indivisaque magna
Fratribus.

Ipsae Seneca: «Terra et pars est mundi, et Materia. Pars est mundi ut caelum. Ex illo deinde et ista, alimenta omnibus animabus, omnibus satis, omnibus stellis dividuntur.» Materiam igitur interpretatur, quia alit: atque adeo Trismegistus «tres

in ea naturas collocat, Ignis, Aquae, et Terrae, ab una stirpe deductas. Vnde, inquit (cap. 16), omnis materiae *promptuarium* creditor: et donat quidem atque erogat alimenta, vicissim autem superne substantiam accipit. » Eadem Senecae dicit, si pro Stoicorum mente capis. Magnifice etiam de ea Hippocrates (In Epist.): « Sacratissima terrae sedes; e qua animae, et plantae, et alimenta, et medicamenta, et fortuna atque opes ipsae gignuntur. » O magna et benigna mater! sed non libet in laudes eius ire: ad incoeptum magis redire. Nam quod de primo eius ortu dixi, non omnes consentiant: et Laertius *ultimam* videtur locare et gignere, inter Stoeae scita. Sic et Manilius:

Ultima subedit glomerato pondere tellus.

Quod autem in Trismegisto de *triplici in ea natura* erat, ratio et sensus dicunt, et mixta haec, ant seorsim insita, in penetralibus videmus. Haec causa, cur aliqui cum Corpore nostro Terram comparent, ut Seneca (Quaest. VI, cap. 14): « quia et Aquis, quae vicem sanguinis tenent, Ventis, quos nihil aliud quis quam animam vocaverit, pervia est: » atque adeo subdit fuisse, « quibus animal placeret esse terram. » An Pythagoricis? nam ipse Pythagoras, apud Ovidium (XV Metam. 34a),

Nam sive est animal Tellus, et vivit, habetque
Spiramenta, locis flammam exhalantia multis.

Terrae igitur haec dignitas: et de Situ dixi, in medio esse, sed pendulam, et in se reductam: quo sustentante? quidam aquis volunt innatare: ut Thales, de quo Seneca (Quaest. III, cap. 17): « Quae sequitur Thaletis inepta sententia est: ait enim, terrarum orbem aqua sustineri, et vehi more navigii: mobilitateque eius fluctuare, tunc quum dicitur tremere. » Eidem iterum hoc attribuit: « Thales totam terram subiecto indicat humore portari, et innatare: sive illud Oceanum voces, sive mare magnum, sive alterius naturae simplicem aquam. » Sunt qui e Sacris firmamentum petant: quia Psalmista scripsit: « Qui fundavit terram super aquas. » Sed id verissime de mari dicitur, ut Damascenus explicat (lib. II, cap. 10): undique circumfuso. Plures Aëre fulciri et attoli voluerunt. Lucanus lib. 1, 83:

..... dum terra fretum, terramque levabit
Aer.

Magnus Hippocrates (libro de Flatib.): « Spiritus Linnæe fundamentum, et terrae vehiculum » Plinius (II, cap. 5): « Aerem

per cuncta rerum meabilem, totoque confertam; huius vi suapeusam, cum quarto aquarum elemento, librari medio spatio tellurem.» Sed alibi idem et alteram, verioremq; causam, tangit (ibid. c. 70): «Mirantur pendere terram, ac non cadere nobiscum, ceu spiritus vis, mundo praesertim inclusi dubia sit; aut possit cadere, natura repugnante, et, quo cadat, negante.» Hoc optime. Natura est quae repugnat, et sistit, et tendere eam ad media sui iubet. Ad media

..... quia totus ab illa
Tantumdem refugit Mundus, fecitque cadendo
Vadique (1), ne caderet; medium totius, et imum est:

nt ingeniose Manilius scripsit, et addit (lib. I):

Nec vero tibi Naturae admiranda videri
Pendentis terrae debet, quum pendeat ipse
Mundus, et in nullo ponat vestigia fundo.

Vi igitur sua stat et naturae, nullo nixa; quod pulchre Iobus sacer vates (c. 26): «Qui terram fundavit super nihilum, ἐν ὁυδὶ.» Et ipsa paene est nihilum universi comparatione, et velut punctum. O miseri, caelum aspiciat, et in terram despicite! «Punctum est illud, in quo navigatis, in quo bellatis, in quo regna disponitis: minima, etiam quum illis utrinque Oceanus occurrit.»

DISSERTATIO XIX.

*Stabilis ea, an moveatur? itemque de Novo orbe, sive America,
an veteres gnari fuerint?*

Finivi de Elementis. AVD. Non mihi; de Terra duo sunt, quae etiam quæram, Vetus unum, ecquid stare eam Stoici censeant, an moveri? Novum alterum, An novus hic noster, cognitus iis orbis? Nam hoc ultimam ego atque alii saepe addubitamus. LIPS. Ad utrumque sic habe. Et prius quidem etiam Seneca vult excuti (VII Quaest. cap. 2): «Vtrum videlicet Caelum Mundus terra stante circumbeat, an Mundo stante terra vertatur? Fuerunt enim qui dicerent, nos esse quos rerum Natura nescientes ferat: nec caeli motu fieri ortus et occasus, sed ipsos nos oriri et oc-

(1) Nam undique in se cadit, sicut in eam imbres.

cidere. Digna res est contemplatione, ut sciamus in quo rerum statu simus: pigerrimam sortiti, an velocissimam sedem: circa nos Deus omnia, an nos agat. » Ait, « fuisse qui dicerent. » Qui illi? plures reperiō; sed « primus Philolaus Pythagoricus dixit: terram moveri in orbem. » (Laertius, in Philolao.) Addit tamen: « Alii tamen Hicetae Syracusio id tribuunt. » Et de Hiceta etiam Cicero (Acad. II): « Hicetas Syracusius, ut ait Theophrastus, caelum, Solem, Lunam, stellas, supera denique omnia stare censet: neque, praeter terram, rem ullam in Mundo moveri. Atque hoc etiam Platonem in Timaeo dicere quidam arbitrantur, sed paulo obscurius. » At de Philolao quod Laertius, universe Plutarchus *Pythagoreis* adscribit (In Numa), eosque Terram non putare immobilem, sed esse in gyrum circa ignem suspensam, » additque de Platone, ut Cicero, « eandem iam senem seuisse: » quod Theophrasto auctore in vulgus mansisse, idem alibi ostendit. Vbi et ex professo verba Timaei examinat, e quibus id colligebant, nam scripserat (In Quaest. Plat.): « Ausmas in terram, et Lunam, et quaecumque alia temporis instrumenta, dissipari. » At quomodo terra, si quiescit, temporis instrumentum? Sed respondet ipse, et bellissime solvit: tu vide. Addit ibidem, « Aristarchum idem de Terra posuisse, Seleucum affirmasse: » sed et *Cleantem Samium* alibi in hac parte ponit. Denique Leucippus seussit (de Facie in orbe Luane): « Terram vehi, circa medium assidue versam, esse autem figura tympani. » Vides deliria; quomodo Ulter appellem? aut quid in ista inquiram? etsi (tantus Paradoxorum amor est) etiam patrum aëro nobilis mathematicus haec haeresim excitavit, sed cum ipso sepultam. Nostri stare consensu affirmant: et caelis motus suos relinquunt. Alterum quod quaerebas, De novo Mundo, quem ante saeculum repertum, *Americam* ab uno inventorum appellamus, cum iniuria aliqua aliorum. Norantne vetres? inquis. Nosse non dicam proprie, sed scivisse. Quum enim Australem orbem, nostro adversum adstruxerunt, et quatuor adeo Terrae partes, sive insulas fecerunt (supra doctum), quomodo non cogitatione novum orbem comprehenderunt? necessario illum, aut nullum Cicero in Somnio: « Globum mundi duabus oris distantibus habitabilem et cultum: quarum altera, quam nos incolimus, posita sub axe ad septem stellas; altera australis, ignota nobis, quam vocant Graeci *ἀντίφορα* » Pomponius Mela: « Reliquae duae habitabiles, paria agunt anni tempora, verum non pariter. Antichthones alteram, nos alteram incolimus: illius situs

ob ardorem intercedentis plagae (Aequinoctialis) incognitus, huius diceudus est. » Non possunt constantius aut certius, dicere de altero, id est, novo orbe. Cicero ἀντίφωρον appellatam, ab opposito nobis axe dicit; Mela ἀντίφωρον, quasi adversam terram. Est et in Platone (in Timaeo et Critia) profecto vetus et vera memoria magnae *Atlantis insulae*, quam Asia et Africa ampliore scribit: atque ita describit, ut mihi videatur locus dubitationi non esse, quin Novus orbis pars sit Platonicae illius terrae. Nam primum facit locatque grandem illam insulam, ad fauces Gaditani maris; quae longe lateque introrsum scilicet pateret; « et ex qua esset gradus transitusquo ad alias insulas; iterumque ex istis ad oppositam continentem, adiacentem mari, quod vero nomine sic appellamus. » Si haec consideras et scrutaris, quid nisi dicit, magnam illam fuisse insulam statim ab Hispania, ubi nunc reliquiae (nam illuvione periit) et velut fragmenta tot illa insularum sunt? Canariarum, Fortunatarum, et quas alias tota ora Africae, et interior habet. « Ex illa autem, inquit, transitus in insulas. » Quas? eas quae nunc etiam praeiacent continenti, *Cubam, Hispaniolam, Jamaicam*, et plures. « At ex insulis in ipsam continentem. » Verissime; statim ex illis vel in Peruanum tractum, vel in vastiorem Mexicanum transitur. Et *Continentem* appellat, etsi insula est, sed ita, quomodo nostra haec pars a nobis habitata. Haec magis totum Novum orbem nobis aperiunt et asserunt, quam illa Aristotelis in Admirandis traditio? « In mari extra Herculis columnas, insulam desertam inventam fuisse, silva nemorosam, fluviiis navigabilem, fructibus uberem, multorum dierum navigatione distantem, in quam crebro Carthaginenses commearint, et multi sedes etiam fixerint: sed veritos primores, ne nimis loci illius opes convalescerent, et Carthaginis laberentur, edicto envisse, et poena capitis sanxisse, ne quis eo navigasse deinceps vellet. » Quod verum censeo de una aliqua novarum insularum? quia *multos dies* navigationi impendit; neque probabile igitur Canarias, aut alias vicinas, fuisse. Et vero de iisdem terris, quis non Aviti declamatoris (apud Senecam Suasor. I) libens illa accipient? « Fertiles in Oceano iacere terras, utraque Oceanum rursus alia littora, alium nasci orbem. » Clarus non potuit effari, aut designare. Cleuiens B. Petri discipulus in epistola quadam (Epist. ad Ephes. cap. 1): « Oceanus, et Mundi qui trans ipsum sunt. » Ita Hieronymus ex eo citat: et *Mundos* appellasse credo, magnitudinem indicantem. Quae vel in terris notis mi-

rifica: etsi tractus ille Anstraliior, et trans Fretum Magellani, nondum innotuerit, nisi a praeternavigantibus libatus. Noster Seneca (nam ille Tragoediae Medae certo auctor est) de iis ipsis praedixisse videtur, puëris iam decantatum (Medea, 375):

Venient annis saecula seris,
Quibus Oceanus vincula rerum
Laxet, et ingens pateat tellus,
Tiphysque novos detegat orbes,
Nec sit terris ultima Thule.

Quod ille tamen proprie de Britannicis insulis intellexit, et in Claudii gratiam scripsit. Magis pro nobis, quod idem timet, et timendo adstruit (V Quaest. cap. ult.): «Vnde scio, an nunc aliquis magnae gentis in abdito domus, fortunae indulgentia tumens, non contineat intra terminos arma, an pareat classes, ignota molens? Vnde scio, hic mihi, an ille ventus bellum invehet? (1)» Palam ostendit, magnos reges et gentes, ultra maria, ignotos esse. Illis ignotos, nobis noscendos: alibi etiam ab eo praedictum (VII Quaest. cap. 31): «Multa venientis aevi populus ignota nobis sciet. Multa saeculis futuris, quum memoria nostri exolverit, reservantur. Pusilla res Mundus est, nisi in illo quod quaerat omnis Mundus habeat.» At vero Virgilius vaticinatur, etiam Romano imperio terras eas (neque enim de aliis ceperim) subiicendas.

..... iacet extra sidera tellus,
Extra anni solisque vias, ubi caelifer Atlas
Axem humero torquet stellis ardentibus aptum. (VI Aen. 795.)

«Extra sidera? quid potest?» caelo certe tegitur: sed maiora sidera accipe, sicut planetas, qui intra Tropicos decurrunt. Ideo addit, velut interpretans, «Extra anni et solis vias.» Ergo ultra τὴν ἡλιουπόρην, id est Torridam, locat: nempe ἀντίτροπον illam nobis, et temperatam, ut supra dictum. Nam de Atlante quod scribitur, non de illo Africae intelliges, sed de isto quem Plato celebravit, et regnasse iis locis scribit. Eo, inquit, Augustus *Proferet imperium*. Estne factum? nungue, et mella poetica; etsi, Marinus Siculus Auctor, «reperit in novo orbe nummulum aureum veterem, cum effigie Augusti: cumque Romam ad Pontificem, fidei ergo, missum per Joannem Ruffum, Episcopum Consentinum.» O bellum impostorem aut ludionem, quisquis num-

(1) Iudis occiduis haec evenerunt, ignarissimis Hispanorum.

mum ibi abiicit! nam aliter repertum non esse, mihi quidem
 liquet, nisi si Genius hoc fecit. Illud magis mirum et fidum,
 quod Hispani scribunt, « in valle, quae Cautem dicitur, in Chili
 provincia, oppidum esse, quod Imperiale ab hac causa nomi-
 nant, quoniam in plerisque domibus et portis repperunt Aquilas
 bicipites formatas, ut hodie videmus in Romani imperii signis.
 Et auget admirationem, quod nulla in iis locis avis biceps, quam
 potuerint adumbrare. Non dissimile, quod Ammianus notat (lib.
 17) in obeliscis Aegyptiorum « sculpta conspici, volucrum fe-
 rarumque, etiam alieni mundi, genera multa. » Ignota ipsa et
 nostro huic orbi inuisa. Fuit igitur iam olim ista pars mundi,
 et auditione accepta, et ratiocinatione stabilita, etsi inspectione
 fortasse non usurpata. Non quidem ab Europaeis: de Afris am-
 bigo, et extrema ea regio huc tendit. AVD. At enim dixisti ex
 Ammiano, de « volucris et feris alieni mundi: » quae vere
 Jiversa a nostro sunt, et vix unum aliquod undique respondet.
 Quid ergo? nonne vel hoc argumentum est alicuius diversi mundi
 vere novi et postea nati? LIPS. Non autumo, neque sacrae lit-
 terae indulgeant dubitare, aut disputare. Semel creavit Deus et
 produxit terram, animalia, et quidquid in ea vides. Mixtione
 possunt aliquae dispaes species surgere, plane novae non pos-
 sunt. Vade ergo illic ea diversitas? Dic, unde in Africa? unde
 in ultima Asia? neque leones, tigres, elephantes Europa ista
 gignit, aut vulgo alit. Cuique regioni, pro caelo atque etiam
 solo et peculiari indole, sua quaedam Deus iam ab initio
 dedit et assignavit. Maior alia dubitatio; unde in haec loca sic
 dissita, post diluvium et arcam illam Noachi, vel animalia, vel
 ipsi homines advenerint? Si terra dices; facile id quidem: sed
 plerique putant (neque res adhuc aliter docuit) orbem illum
 cum nostro nusquam ad Septentriones iungi. Superest ut mari.
 At quam vasta ea navigatio est? et quis olim tentarit, aut per-
 fecerit, non magnetis nondum reperto? quis etiam animalia illa,
 et quidem noxia multa, transvexerit? Ea consideratio inclinat,
 immo pervincit, vere Platonem de Atlantide illa scripsisse: et
 finitimam Europae atque Africae fuisse, et facilem in eam trans-
 gréssum. Divulsa postea, aut mersa est: et tamen homines ibi,
 aut animalia reliqua, quae olim ab ea coniunctione illata. Sic
 censo, et ad proprie Zenonia iterum pergo.

DISSERTATIO XX.

Vnus, an plures Mundi? idem an aeternus? esse, et non esse.

Elementa vidimus, et praecipua corporis huius membra; sed ipsum Corpus an *Vnum* sit, ac item *Aeternum*, quaeramus. Varias enim philosophantiam hic secus; nostri Stoici, «*Vnum esse Mundum* posuerunt, atque eum esse totum illud corporeum.» (Stob. Phys.) Postrema sensum habent, universam Materiam in eo absorptam: nihil reliqui, nisi Vacuum illud esse. Nam Parmenides quidem *Vnum* statuebat: «sed exiguum Vniuersi partem; reliquum autem Materiam esse.» Itaque eius sensu superfluebat Materia, vel ad plures Mundos. Quos reipsa ponebat et existere volebat *infinitos in infinito*, Anaximeos, Anaximander, Archelaus, Xenophanes, Diogenes, Leueippus, Democritus, Epicurus. Atque huius discipulus Metrodorus imagine etiam utebatur ad probandum: «Absurdum esse, ut una spica in magno campo prodiceretur; et pariter, unus Mundus in infinito.» Plato etsi alibi unum statuit et firmat, tamen vacillare videtur, et quinque numero admittere. Quod etsi aliter quidam interpretantur; nimirum ut orbes appellet Mundos, «Terrae, Aquae, Aëris, Ignis, et supremi deoique Caeli;» tamen Plutarchos tueri conatur simpliciter de quinque totis integrisque Mundiis. Et disserta ei videre est, libello *De Oraculorum defectu*. Nostri veriores, et ab uno Deo unum producant; atque eum, «finitum et animal et aeternum, et Deum.» Alia alia explicata sunt: sed *Aeternum* ibi ponit Arius Didymus (ex illo enim, apud Eusebium, lib. XV, sumpsit): quomodo, si conflagratio sit, etiam interitus ab aquis? Ipse distinctione expedit: «Dupliciter enim dici Mundum, et illud quod ex toto natura existit, et illud, quod ornatum et constitutionem iam talem habet. Ideo priore significatione, Mundum, aeternum dicunt; posteriore, natum, et mutabilem, et perituum.» Philo Iudaeus paullo aliter (de Immort. Mundi): «Potest, secundum Stoicos, Mundus aliquis aeternus dici, et aliquis corruptibilis. Iste quidem, iuxta ornatum, ut nunc est; ille autem qui post exustionem iterum nascetur iterumque, certis periodis, nunquam desitoris.» Aliter, inquam, postrema dicit, res et ratio eodem eadunt. Perit hic et ille Mundus igitur: et scitum hoc Stoicum Lucretius sic expressit: «Placet his corruptibilem esse Mundum, quippe genitum ea

ratione, qua solent sensibus percepta. Cuius etiam partes corruptioni obnoxia sunt, id et totum: partes autem Mundi tales (nam invicem assidue mutantur); ergo et Mundus. Et amplius, si quid mutationem in deterius admittit, corruptibile est: facit Mundus; nam exarescit, et inundatur., Rationes adiunctas vides: primam, *Quod genitus sit*: et quidquid ortum habet, idem finem. Cui Plato (nam is immortalem constituit) sic occurrit (in Timaeo): "Vt sit mortalis quidem, qua genitus est; sed non solvetur, neque sortem mortis subibit, propter Dei voluntatem., Significat, ita factum et conditum a Deo, ut ne pereat; et, quae eo ducunt, desint. Apuleius (de Dogm. Plat.): "Ad haec attributa est ei perpetua iuventus, et inviolata valitudo: eoque nihil praeteres extrinsecus est relictum, quod corrumpere posset eius ingenium; et, si superesset, non eum laederet, quum ita apud se ex omni parte compositus atque ordinatus foret, ut adversantia, et contraria naturae disciplinaeque eius officere non possent., Trismegistus (ut saepe) hic quoque Platonissat (cap. 8): "Pater (Deus) ipse a se aeternus: Mundus autem a Patre semper vivens et immortalis est factus." Altera Stoicorum ratio, *Quod partes Mundi corruptibiles*. Ita est, elementa docent, et ipse aether: quem tamen Aristoteles voluit exemptum. Nostri minime, sed hunc quoque pasci, minui, verti et in aërem solvi. Si quatuor elementa, si ea quae ex his nata; ergo totus Mundus. Lucretius pariter concludit (lib. V, 236 et sqq.):

Principio quoniam Terrae corpus, et Humor,
Aerumque leves animae, calidique vapores,
E quibus haec rerum consistere summa videtur,
Omnia nativum ac mortali corpore constant:
Debet tota eadem Mundi natura putari.

Debet, nec Plato hoc reiiciat, nisi sento iterum assumpto a voluntate divina. Tertia ratio, *Quod Mutationem in deterius admittit*. Verissime. "Quid enim (ait Noster, Epist. LXXI) mutationis periculo exceptum? non terra, non caelum, non totus hic rerum contextus, quamvis Deo agente ducatur. Non semper tenebit hunc ordinem, sed illum ex hoc cursu aliquis dies deficiet." Sed addebat etiam Laërtius, in *deterius*, et pro exemplo, *exarescit enim et inundatur*. Apposite, duo exitia eum manent, siyo Aquae, sive Ignis: et utriusque iam nunc signa alibi, et alias, mittit. Hic aquae deficiunt, et siccitas, et sterilitas supervenit; ibi abundant, et bona terrae perdunt. Haec velut via

ad illa ducit. Plinium audi, qui scribit (lib. VII, cap. 16), multa in dies minui, "consumente ubertatem seminum Exustione, in cuius vices nunc vergat aevum., Homines atque alia minora, quare? quia Exustio paulatim appropinquat, et ubertatem seminum absumit. Idem in Aetna ignivomo notat: "Nec tantum, inquit (II, cap. 6), in illa Natura saevit, exustionem terris denunciatus: „ sunt enim plures eiusmodi montes; atque haec omnia signa, aut notae in partibus, futurae communis illius exustionis. Vides Plinium, in capitalibus dogmatibus, bona fide Stoicum esse? Seneca claudat (Epist. LXXI): "Quaecumque vides supra nos currere, et haec quibus innixi atque impositi sumus, carpentur ac desineant. Nulli non senectus sua est. „

DISSERTATIO XXI.

*Dupliciter interit, Aqua et Igne. Primum de Aqua,
sive Cataclysmo.*

Senectas, ergo et mors. Sed qua via mors? duplici, ut terti, Aquae aut Ignis; sive Diluvii vel Exustionis. Sed cum discrimine, quod illa prior animantium tantum, et frugum fructuumque sit, aut quae in terra sata; haec ultima ipsius terrae, elementorum, et Mundi. Itaque magna haec mors est, et omnium; illa minor, ea quae partes modo tangit. De utraque ista Cicero (In Somn. Scip.): "Propter eluviones exustionesque terrarum, quas accidere tempore certo necesse est, non modo non aeternam, sed ne diuturnam quidem gloriam assequi possumus. „ Quae tamen pro Platonis sensu dicta modo vult Macrobius (lib. II), ut crescens humor, sive ignis, alter alterum vincat: "sed nunquam tamen, seu eluvio, seu exustio, omnes terras, aut omne hominum genus, vel omnino operiat, vel penitus exurat. „ Plato ipse in Timaeo, Aegyptium Sacerdotem facit Solonem alloqui: "O Solon, Graeci pueri semper estis, neque ulla vobis cana scientia. Quod ideo evenit, quia multa et varia hominum exitia fuerunt, eruntque. Maxima quidem, aut ignis combustionem, aut aquae inundatione evenire necessum est; minora, aliis quibusque casibus, aut cladibus ferti. „ Et addit, Aegyptum ab his duobus immunem, ideoque antiquissimarum illic rerum monumenta servari. Propius ad sensum Stoicum Aristoteles accesserit, si tamen ex vero Censorinus hoc ei adscripsit

(De die Natall): "Est praeterea Annus, quem Aristoteles Maximam potius, quam Magnum appellat, quem Solis et Lunae vagarumque quinque stellarum orbes conficiunt; quum ad idem signum, ubi quondam simul fuerant, una revertuntur. Cuius anni hiems summa, est Cataclysmus, quam nostri diluvionem vocant; aestas autem Ecpyrosis, quod est mundi incendium. Nam his alternis temporibus mundus tum exignescere, tum exauescere videtur." Aristotelem (1) advocat: et sane tale aliquid ille vir, sed contractius, nec de Mundi mutatione, sed partium aliquot terrae diserte prodit. In Meteoris super ea re dissertatio, et damnat reiciitque eos, qui ad Universum producunt. "Ridiculum enim, inquit (lib. I, cap. ult.), ob leves parvasque mutationes, movere universum." Sed, inquit, praemendandum, "quod haec fiant temporibus fato aut natura definitis. Sicut in anni temporibus Hiems intervenit; ita in magna aliqua temporum conversione, magna Hiems accedit, et copia aquarum.,, Dicas locum esse, quem Censorinus adspexerit, etsi paulum a se auxit et ampliavit. De Hieme hic sane comparatio; quae et Senecae placita, atque usurpavit (Quaest. III, cap. 29): "Inundatio, non secus quam Hiems, quam Aestas, lege Mundi venit." In eo dissensus, quod nostri etiam totam terram hoc genere fati aut perdunt, aut novant. Seneca (Consol. ad Marc. cap. ult.): "Inundationibus, quidquid habitatur, obducet; necabitque omne animal, orbe submerso." Idem, ubi ex professo hoc tractat (Quaest. III, cap. 29): "Ergo quandoque erit terminus rebus humanis, quum partes terrae interire debuerint, abolerive funditus totae, ut de integro totae, rudes innoxiaeque generentur, nec supersit in deteriora magister." Nam hunc finem ponebant, emendare et innovare. Itaque, ut idem ait (Ibid.), "non semper ea licentia undis erit, sed peracto exitio generis humani, extinctisque pariter feris, in quarum homines ingenia transierant, iterum aquas terra sorbebit, et eiectus e nostris sedibus, in sua secreta pelletur Oceanus: antiquus ordo revocabitur. Omne animal ex integro generabitur, dabiturque terris homo iascius scelernm, et melioribus auspiciis natus." En, quam vere haec nostri: et quis non e Sacris libris haurisse putet, et eventum, et causam? Caeterum de Inundatione, et quomodo ea fiat, belle et diserte Seneca, fine libri tertii

(1) Dubitavi, an non *Aristoteles* legendum, quem ex Eusebio disco de *Conflagratione* scripsisse: lib. I, cap. ult.

Quaestionum : tu vido. Vetus autem et popularis haec opinio de Diluviis, ac plura fuisse Plato asserit, etsi illud Deucalionis decantetur tantum : sed et Novi orbis incolae a maioribus sic acceperunt. Peruviani tradunt (August. Carata) : « terras eas omnes aquis mersas latuisse, perisse homines, exceptis paucis, qui in lignea vasa se receperunt, velut naves : » ibi commeatu proviso egisse, donec aquae decreverent, et abirent; quod indicio canum collegerunt : quos foras identidem emittebant, et quum madidi a natatu redirent, sciebant aquas superesse; quum denique sicci, deesse. At Mexicani, « quinq̄ue Soles ad hoc aevi inxisse. Et primum illum aquis perisse, unaque eum eo homines, et quidquid in terris esset. » (Lupus Gomara.) Haec illi picturis et notis prodita ab antiquo habent fidem Platonici diluvii, quod in Atlantide insula, et circa evenisset. Hucus, etiam illud obiter; in Censorino legi, *exiguoscere, et exaquescere* : quae sunt ipsa Stoen verba, quae in Laërtio supra et Graeco erant *ἐξυγμῶσθαι καὶ ἐξυδάτωσθαι*.

DISSERTATIO XXII.

De Ignis interitu, qui Ecpyrosis dicta. Quando, Quomodo, Qua gratia fiat?

Minorem mortem diximus; magnam exitium videamus *ἐκρύ- ποσις* solemniter iis dictam, Latius *Conflagrationem*, sive *Exustionem*. Hanc illi eodem fine inducunt, purgandi, et effoeta omnia instaurandi. Itaque non est proprie *φθορά*, sive *Interitus*; sed *μεταβολή*, *mutatio*, ut Numenius apud Euschium scribit : « Non enim in Mundi interitu, qui secundum maximas conversiones fit, proprie interitum accipiant illi, qui in Ignem omnia resolvi docent, quam vocant Exustionem; sed pro Mutatione secundum naturam, utuntur Interitus verbo. » Itaque et in Seneca (Consol. ad Polyb. iuit.), eam vocem sic accipies, Numenii quidem monito : « Mundo quidem (Stoici) minantur interitum, et hoc universum, quod omnia divina humanaque complectitur; si fas putas credere (1), dies aliquis dissipabit, et in confusionem veterem tenebrasque demerget. » Etsi revera, quidni interitus, quum prior forma tota occidit, nec nisi materia ma-

(1) Dat hoc Polybio, qui alterius sectae fuit.

net? Sed Numenio hoc visum edicere, quia non idem, sed talis iterum Mundus gignitur, mox docendum. Ordine enim videbimus, « Quando, Quomodo, et quo finis fiat. » Quando? Seneca respondet (Quaest. III, cap. 28): « Quum Deo visum ordiri meliara, vetera finire. » Deo, id est, Fato. Nam *Leges Mundi* (ea *Fatum* est) alibi scribit (ib. c. 29) venire. Ita Aristoteles, apud Eusebium: « Per fatalia quaedam et definita tempora Mundum omnem exardere. » Quid Ovidius? (Metam. I, 256.)

Esse quoque in fatis reminiscitur affore tempus,
Quo mare, quo tellus, correptaque regia caeli
Ardeat, et mundi moles operosa laboret.

Aliqui tamen ad *Magnum annum* referebant, ut in Censorino supra vidimus: et tangit Numenius, verborum aliquo defecto, sensu tamen aliquo apparente: « decursu annorum quum sidera ad eundem locum veniant, Anastasin » id est « Eversionem rerum fieri, atque id esse Magnum annum; iterumque post eam fieri Apocatastasin, sive Redintegrationem rerum et Restitutionem. » Quis autem ille Magnus annus, et quot annorum millium, variant: in Iulio Firmico huic rei legi ista. Disputat de die Natali, sive genitura Mundi, et negat « facili posse ratione concipi, aut explicari. Nec, inquit (lib. III), eousque se intentio potuit humanae fragilitatis extendere, praesertim quum trecentorum millium annorum maior ἀποκατάστασις, hoc est, Redintegratio, per Εμπύρωσιν, aut per Καταχλυσμὸν, spatio perficiatur. His enim duobus generibus Apocatastasis fieri consuevit; namque Exustionem Diluvium sequitur. Nulla enim re alia poterant res exusta renasci, nec ulla re alia ad pristinam faciem formamque revocari, nisi admixtiones (1) atque concretus favillarum pulvis omnium genitalium seminum collectam conciperet foecunditatem. » De Magno anno illic vides (nam alia differo), sane magno, et « trecentorum millium annorum, » si lectio est recta. Equidem variant, (2) ut dixi: et Macrobius, qui *Annum Mundanum* scite hunc appellat, ut communem nostrum illum, *Solarem*; Macrobius, dico, « quindecim millibus » eum definit. Censorinus sententias plurium refert, sed duorum qui maxime argent, « Orphei, ad centum millia viginti; Cassandri, ad tricies sexies centena millia. » Bono animo sinus; ἐκτένῳσιν

(1) Fortasse admixtio esset.

(2) Aliquid et io Stobaei Physic. vide

non videbimus, istis quidem auctoribus: sed nec Firmico in quo «triginta millium» legere aliquando volui, sed desisto. Nam et in Numenio est, haec fieri, «post periodos quasdam Maximas.» In Didymo, «periodos infinitas.» Quam vacuum autem, immo ineptum, ista definire, quae nulla experientia, aut ratio affirmet, aut indaget? Tam berceles, quam quod etiam caeli statum et signa potent, quibus haec eventura. Chaldeorum ista vanitas: «et Berosus, qui Belum interpretatus est (ait Seneca, Quaest. III, cap. 29), dicit cursu ista siderum fieri, et adeo quidem affirmat, ut Conflagrationi atque Diluvio tempus assignet. Arsura enim terrena contendit, quando omnia sidera in Cancro convenient; innodationem futuram, quum eadem siderum turba in Capricornum convenerit.» Videsne? apposite, nam sunt haec aestuantia, et biemantia item signa. Seneca tamen laud plane reliquit (ibid.): «sed rationem illam, quae in conflagratione Stoicis placet, huc quoque transferendam putat. Sive animal est Mundus, sive corpus, natura gubernante, ut arbores, ut sata; ab initio eius usque ad exitum, quidquid facere, quidquid pati debeat, inclusum est. Ut in semine omnis futuri hominis ratio comprehensa est, et legem barbae, et canorum, nondum ostus infans habet; sic origo Mundi, non minus Solem et Lunam, et vices siderum atque animalium, quam quibus molarentur terrena, continuit.» Ad occultas, et ab aeterno fatales causas, revocat verecundius verioresque. Initio verborum aliquid motavi, et *Sive animal* legi, non *Anima*, ut passim edunt: res ita vult, nec quisquam tam stolidus, qui *Mundum Animam* esse dixerit, sed *Mundi*. At illud ambigitur, sitne sentiens Corpus, an Corpus tantum. Itaque in ipso Mundi conditu inclusum est, quamdiu vigeat vitalque, et in quoque animali. Sequitur, *Quomodo* haec conflagratio fiat. An ab aethereo illo igne? atqui innoxius est, et vitalis tantum. Respondeo, nec ab illo solo, nec sine illo. Sol et sidera calorem intendunt, aer exardescet, humor absumetur, et quae Natura antea temperabat, eandem exasperabit et extra legem mittet. Vis Senecam audire? (Consol. ad Marc. cap. ult.) «Quum tempus advenerit, quo se renovatorum Mundos exstinguat, viribus ista sois se caedent, et sidera sideribus incurrent, et omni flagrante materia, uno igne, quidquid nunc ex disposito lucet, ardebit.» Et statim haec fient, nec magno molimento; quia «nihil difficile est Naturae, ubi in finem sui properat. Ad originem rerum parce nititur viribus, dispensatque se incrementis fallentibus;

suddenly ad ruinam, et toto impetu venit. Quam longo tempore opus est, ut conceptus ad puerperium perducatur infans? quantis laboribus educatur, et adolescit? at quam nullo negotio solvitur? Urbes constituit aetas, hora dissolvit. Memento fit cinis, diu silva., (Sen. Quaest. III, c. 27.) Pulcherrime dicta, et capiunt me recitantem. Erga ab Igne illud exitium, cuius iudomita vis rebus est inclusa, tunc educenda. Philo Iudaicus (de Immortal. Mundi): «Stoici ceusent, Deum quidem causam auctoremque generationis Mundi esse, at non interitus; sed eam quae in rebus est insita Ignis potentiam, post longa temporum intervalla, omnia in se resolventem., Deus, inquit, non est causa. Secundaria et instrumentalis: esto. Quis ergo? Ignis inclusi rebus omnibus potentia, quae tempore se exserit et vires capit, et omnia populatur, edit, et in alimentum sui vertit. Considera: tot illa astra et caelorum orbes, ignes aut ignea; dii boni, quanto cetera elementa exsuperant? Quid in ipso mari, nonne calor et semina ignium? quid in terra, ipsis eius penetralibus, et super eam? Idem in aëre, in animantibus, stirpibus; ubique ignis: et ille, inquit Philo, paulatim augescens, omnia denique in se vertit. *In se*, optime. Ita Numenius: «Placet Stoicis omnem essentiam ac naturam in Ignem convertere, tanquam in semen.» Sed quem hanc Ignem? Aetheream et puram, observa. Mixtus est illud, qui vastabit; purus et a Materia paulatim reducendus ille, qui gignet deum et formabit. Nam Materia secretetur, ut dicemus. Aethereum dixi: mecum Numenius. «Stoicis placet omnia evanescere et perire, post longissima spatia, omnibus in aethereum ignem resolutis.» Sed omnia prius pereunt, omnia? ipsi Dii minores, Genii, Animae, et quidquid est extra unum supremum Deum, id est, Iovem. Ita Seneca, solum hanc superesse facit, «et requiescere sibi, resolato, inquit (Epist. 11) Mundo, et Diis in unum confusis.» Sane in unum, in ipsum Iovem. Plutarchus Cleanthem inducit dicentem (De Com. Notion.) «Lunam, et sidera et Solem perire, Iovem autem (desunt in Graeco quaedam, sed is sensus est) assimilare omnia sibi, et in ipsum se vertere.» Nam Iupiter scilicet est, purior ille Ignis. Cicero etiam, de interitu hoc Deorum (Acad. II): «Stellas omnes, terram, mare, deos esse: fore tamen aliquando, ut omnis hic Mundus ardore deflagret.» Sed et alius Seneca:

Caeli regia concidens
 Ortus atque obitus trahet:
 Atque omnes pariter Deos
 Perdet mors aliqua et Chaos. (Herc. Oel. 1112 et seq.)

Igitur omnia in Ignem abeunt, rursusque ex Igne surgunt. Laërtius, de Deo: "qui est incorruptibilis, et ingenitus, conditor huius Mundi, absumens in se omnem essentiam, rursusque ex se generans." Quomodo autem idem perdat, et generet, videamus. Omnia iam Ignis, ut dixi, sed turbidus, materiae mixtus, et faeculentus; tamen ignis: ideoque tenuis, et diffunditur, et totum hoc Mundi, qui fuit, spatium occupat, immo et Vacui extra eum regionem implet. Ita Stoici tradunt, et hoc etiam sine Vacuo ponunt. Plutarchus clarissime (De Commun. Not.): "Ignem semen aium Mundi; et post Exustionem, mutare Mundum e corpore minore, habentem iam tumoris et amplitudinis multum, et Vacui regionem immensam occupantem, quae ipsa angusta facta sit illo augmento: rursusque quum gignitur Mundus, sensim abire et collabi magnitudinem, subeunte scilicet, quum generatio existit, et contrahente se in seipsam Materie." Vacuo igitur iam pleno, fit paulatim (Ratione administrante) depuratio; et "vertitur omnis substantia in Aërem, deinde in Humorem (ex Laërtio ante docui): et tam Elementa et Mundus gignantur." Sed ita in Aquam omnia vertuntur, ut scire debeas excretnm illum purissimum Ignem superesse, qui agat, moveat, et Materiam per se inertem animet. Philo notat, Stoicos hoc caute monuisse, "quod post Exustionem, quum novus Mundus condi debet, omnis ignis non exstinguitur: sed aliquanta eius portio manet." Causam subdit: "Valde enim verebantur, ne omni eo interstincto, maneret materies quicta, ignava, inepta condere, quum causa motus non esset." Aqua igitur post Ignem, sed non sine reliquo igne. Hoc est, quod *καταλυσμός* sive *Diluvium* Firmicus vocare videtur, in verbis quibus alio etiam sine supra dedi. Nam palam ait: "Ecpyrosis Cataclysmus sequitur; nulla enim re alia exustae res poterant renasci, nec ulla re alia ad pristinam faciem formamque revocari, nisi admixtiones (1) atque concretus favillarum pulvis omnium genitalium seminum collectam conciperet foecunditatem." Non aliud equidem, vel e verbis, vel ex ratione addita colligō, quam conver-

(1) Legam, admixtio esset.

sionem illam in Aquam; Cataclysmum ab eo dici: atque ita dilui pulverem, et mixtione humoris ignisque foecundari. Satis de modo: tertium superest, *Quo fine?* Etsi nec id obscurum e dictis, est enim idem ille purgandi et renovandi, qui in Diluvio fuit. Tolluntur mali, et mala aut vieta: boni et innoxii creantur, et pulchra iterum ac iuvenescens facies Mundi. Plutarchos, de Stoicis (De commun. Not.): "Quum mundum isti incenderint, mali nihil usquam relinquitur, sed universum est prudens, probum, sapiens." Seneca (Quaest. III, cap. ult.): "Omne animal ex integro generabitur dahiturque terris homo inscius scelerum, et melioribus auspiciis natus. Sed illis quoque innocentia non durabit, nisi dum novi sunt: cito nequitia subrepet." Nova igitur omnia, an potius novata? Neque enim alia facies Mundi erit, quam huius fuit: et eadem omnis, immo et homines iidem redeunt in orbem. Cicero (II De Nat. Deor.): "Post inflammationem relinqui nihil praeter ignem, a quo rursum, ac de eo, renovatio Mundi fieret, idemque ornatus oriretur." Numenius apud Eusebium: "Iterumque post Ignem, Mundum constitui et perfici, qualis antea erat." De ipsis etiam hominibus, Seneca (Epist. xxxvi): "Mors, quam pertimescimus ac recusamus, intermittit vitam, non eripit. Veniet iterum, qui nos in lucem reponat dies, quem multi recusarent, nisi oblitos redneret." Vides *καταγγευσία*, sed alio quodam a Pythagoricis sensu. Atque has innovationes, iterationesque, aeternas faciebant: "talibus conversionibus, ait Numenius, periodicis ab aeterno evenientibus, indesinenter." Atque hoc est, quod Tatianus, vetus pinsque scriptor, in iis damnat (Advers. Gentes), non ipsam inflammationem: "Corpus aliquis Deum statuit? ego incorporeum. Incorruptibilem Mundum? ego corruptibilem. Exustionem per vices temporum advenire? ego semel, et in universum.", Nam et Christianis proba haec sententia, sed sic modificata.

DISSERTATIO XXIII.

Christianos etiam huius sententiae, sed divisae, esse: item Epicureos, et Heraclitum ante omnes: neque omnes tamen Stoicos.

Christianis, inquam, qui inflammandum, renovandumque Mundum agnoscunt, vel Divo Petro praecunte. "Caeli, inquit

(Ep. II, cap. 3), qui nunc sunt, et terra, igni reservati in diem iudicii. „ Iterumque: “Caeli magno impetu transibunt, elementa calore solvantur; terra autem, et quae in ipsa sunt opera, exurentur. „ Quod autem de Caelis, *transire* modo dixit: mox tamen manifesto etiam igne solvit et purgat. “Caeli, inquit, ardentes solvantur: „ etsi de superioribus caelis, sunt inter Theologos qui controvertant. Sed iam olim, ut invidiosum, obicitur Christianis in Minutio Felice, quod “caelo et astris interitum denuntiarent. „ Respondet Octavius, iampridem Philosophos hoc fecisse; et “Stoicis; inquit, constans opinio est, quod consumpto humore Mundus hic omnis ignescet. Et Epicureis de elementorum conflagratione, et Mundi ruina eadem ipsa sententia est. „ Vbi tamen, quod ait “Constantem Stoicis opinionem „ temperandum, et ad plures referendum est; nam fuerunt etiam, inter sectae principes qui abnegarent. Philo Iudaeus: “Boëthius, et Posidonius, et Panaetius, viri in Stoicis dogmatis primarii, tanquam a numine correpti, relictis Exustionibus, ad divinius dogma de immortalitate Mundi transfugerunt. Dicitur et (1) Diogenes, quum invenis esset, subscripsisse istis. „ Quatuor ipse nominat, qui dissenserint: licet quantum ex Numenio addi. “Hoc dogma, inquit, de Exustione primi et antiquissimi eius sectae tenuerunt, Zeno, Cleanthes, Chrysippos: et huius tamen discipulum, ac scholae successorem, Zennem (2) aiunt dubitasse de Universorum hac conflagratione. „ Quod autem in Philone de *Panaetio* erat, etiam in Cicerone (II De Nat. Deor.): “Eventurum nostri (Stoiei) putant id, de quo *Panaetium* addubitare dicebant, ut ad extremum omnis Mundus ignesceret. „ Itemque Stobaeo: “*Panaetius* probabiliorem censet, certe sibi magis probatam, Aeternitatem mundi quam eius in ignem commutationem. „ Idem in Laërtio Graeco, etsi aliter et contrario ab interprete versum. Erat autem in Minutio supra, etiam Epicureis hunc sensum esse; quod verum: et putant Mundos singulos (infiniti iis sunt) ut animal quoddam esse, et variis rationibus interire. Sed discrimen etiam ponebant, plane cum Stoicis, etsi aliis verbis *Summam* interire, *Summam summarum* manere aeternam. Id est *διαδόχου*, sive Mundum hunc labi, at non *κοσμῶν*, sive principia rerum, *Atomos* et *Inane*. Hoc discrimen sermonis in Lucretio aliquoties

(1) *Babylonius* cognomento

(2) *Sidonius* cognomine.

occurrit, nec satis interpretibus observatum. De interitu autem, Lucrētius (lib. II):

Sic igitur magni quoque circum moenia Mundi
Expugnata dabunt labem, putresque ruinas.

Et ex professo libro quinto poëta id probat. Ante autem omnes istos, Heraclitus id docuit: « Vnum esse Mundum, cumque ex igne factum et rursus in ignem vertendum post aliquot periodos; idque per vices, in omne ævum ita futurum. » (Laërt. in Heracl.) Sunt germana Stoica, et ipsi auctores illum sibi inscribant. Finivi, nisi placet annotare, quosdam Christianorum nimis etiam hic fuisse Stoicos, et assiduam hanc exustionem renovationemque approbasse. Origenes inter eos, qui, ut ait Hieronymus (Epist. IX), « Mundos esse innumerabiles assererat, non iuxta Epicurum uno tempore plurimos, et sui similes; sed post alterius Mundi finem alterius esse principium. Et ante hunc nostrum, aliam fuisse, aliamque: » quae talia Basilus etiam alibi ei obiectat (Homil. IV Hexaem.).

DISSERTATIO XXIV.

De Tempore adlectus; quid et quam breve, aut nihil sit: tenendum utiliter, et asserendum.

Habes pleraque, mi Auditor, quae communiter ad Mundum: nam ad minora aut partita non imus. Tria tamen etiam considerari in eo solent, *Motus, Locus, Tempus*. In duobus prioribus vix est, aut leviter, ut Stoici ab aliis discedant: et si quid talo, ad Senecam nihil facere comperior, quem his Dissertationibus illustramus. De *Tempore* dicam, quod tamen originem habet ex motu. Varro (IV de Ling. Lat.): « Status et Motus duo. Quod stat aut agitur, Corpus; ubi agitur, Locus; dum agitur, Tempus: quod est in agitata, Actio. » Et singulorum dat exempla: « Cursor, Stadium, Hora, Cursio. » Itaque plerique omnes qui Tempus definiunt, a Motu explicant, et hunc includunt; ut Aristoteles: « Mensuram esse motus, et numerum secundum prius et posterius. » Vt Stoici nostri, quibus est διάστημα τῆς τοῦ χρόνου κινήσεως; quod Varro verbatim reddidit (V de Ling. Lat.), « Intervallum mundi motus. » Is autem motus ab Solis et Lunae cursu maxime in-

notuit, divisimusque in partes: ideo (ait idem Varro) « ab eodem tenore temperato, Tempus dictum. Vtramque hanc tamen finitionem, Aristotelis dico et Stoicorum, Plutarchus, carpit an cavillatur, in Quaestionibus Platoniciis: quia haec ab « accidente tantum est, inquit, essentiam et vim temporis non promit. » Itaque Platoni magis adhaeret, qui aiebat, χρόνος εἶναι αἰώνος εἰκόνα κινήτην καὶ τὴν τοῦ οὐρανοῦ ποσὴν, ut in Laërtio legas. Et Apuleius vertit (de Dogm. Plat.), « Tempus aevi esse imaginem; siquidem tempus movetur, et perennitas fixa et immota est natura. » Et est, ut Plutarchus vult, « Tempus, non cuiuscumque motus affectus aut accidens; sed causa, via principium omnia continentis symmetriae et ordinis, qua Universi animata natura movetur: aut potius, motio illa, et ordo, et symmetria, Tempus dicitur. » Probat igitur Pythagorae dictum interrogans, Τὶ χρόνος; ἢ μέτρον ψυχῆ respondentis: « Quid Tempus? mundi anima. » Ista et plura Plutarchus, in tempore tibi videnda: nostri a re et natura magis abstrahunt, et circa eam duntaxat ponunt. Itaque Chrysippus etiam definiebat (Stob. Phys.): « mensuram celeritatis et tarditatis. » Quae definitiones sensum nostrum de Tempore magis exprimunt, quam ipsum. Immo vero non nisi in nostra ratione et ratiocinatione quidam illud ponebant, quaerebantque: An revora Tempus esset? Apud Sencam (Epist. LXXXVIII): « De Tempore uno vide quam multa quaerantur. Primum, an per se sit aliquid? deinde, an aliquid ante Tempus sit, si Tempus cum mundo coepit? An et ante mundum? quia fuerit aliquid, fuerit et Tempus? » En primam quaestionem, An per se sit Tempus? Quod Epicurus negabat, asserchatque « accidentium accidentia esse, » ut scribit Empiricus: et ipse Epicurus: « Tempus non est quaerendum, sicut nec cetera quae in Subiecto quaerimus, referentes ea ad anticipationes quasdam a nobis ipsis visas. » De quorum tamen vero sensu, idem Empiricus aliquid volenti dicet. At Stoici esse, et quidem « per se intelligi. » Tamen idem « incorporeum esse: sicut Iuane, et Locum. » Empiricus, itemque Laërtius: « Esse et Tempus incorporeum. » Et de Incorporeo, alii consentiant: in Essentia vel Existentia Temporis, aliquid etiam nostri mutant. Nam videntur nullum Tempus statuere (ait Plutarchus de Commun. Not.) quum Chrysippus, « Praeteritum et futurum non existere, sed substituisse (οὐχ ὑπάρχειν, ἀλλ' ὑπεστέλλειν); solum existere τὸ ἐσόμενόν, iustus sive praesens. Ac id ipsum mox facit et distribuit, partim praesens, partim prae-

ritum: ita nihil quod existat, relinquit. » Talia Plutarchus; ipsa verba et veri sensus in Stobaeanis exsant. » Sicut Inane infinitum est, ita et Tempus omne utrinque esse. Nam et praeteritum et futurum sine carere: praesens autem nollum integrum tempus esse. Quum enim continua in infinitum secentur, tempus quoque sectionem eandem recipere. Igitur nullum, secundum perfectionem, tempus praesens esse, sed late et crassiore modo ita dici. Sed et solum praesens tempus existere (ὡς ἔστιν), praeteritum et futurum subsistere quidem (ὡς ἔστιν), sed non existere, nisi ut praedicatum aliquid existere dicitur, merum accidens: sicut Ambulare mihi adest, et existit, quum ambulo; iacente autem et sedente, non existit. » Primum sit, « Infinitum omne tempus utrinque esse. », Quod ita quidem cum aliis verti, et est in Graeco, sic ἄπειρα: fortasse tamen verius, *ad alterutrum* reddas: id est, ante aut post infinitum esse. Exempli causa, Praeteritum, anteriore parte tale est; Futurum, posteriore: « utrumque tamen (ut recte Posidonius) Praesenti finitur. » Quod autem de ipso Praesenti est, « perfecte non existere: » laud vane; nam revera est in assiduo fluxu, et « constat ex praeterito aliquo et futuro (ut idem Posidonius), sed cum discrimine *Nunc*, quod tamen instar puncti est: Illud autem quod *Nunc* dicimus, large et laxe, non stricte et absolute intelligi. », Haec vera sunt, et extra calumniam, probe accepta: neque diversa valde Aristoteles tradit (IV Phys. cap. 10 et 11). Noster etiam Seneca (de Brevit. Vit. cap. 10): « Praesens tempus brevissimum est, adeo ut quibusdam nullum videatur. In cursu enim semper est, fluit et praecipitatur: ante desinit esse, quam venit. », Ovidius:

Ipsa quoque assiduo labantur tempora motu,
Non secus ac flumen; neque enim consistere flumen,
Nec levis hora potest.

Ita vere aliquis dixerit, non aliud esse tempus, quam *Nunc fluens*. Altera questio in Seneca, « Au aliquid ante tempus? », Ita, sed id appellatur *Aevum*. Tempus autem non nisi cum motu incipit, eoque digesto ac ordinato. Nam et ante Mundum erat motus in materia, sed indeterminatus et confusus. Ergo Tempus, cum caelo. Atque ex hac distinctione etiam tertiae questionis solutio prompta est: in qua quaeritur, « Quia aliquid fuit, an et Tempus fuerit? », Negamus, ubi sola Principia sunt, Tempus esse. Materiae hoc non convenit: Deo au-

tem Aeternitas convenit: " Quod enim (ait Damascenus) iis quae Tempori subiecta sunt est Tempus, id aeternis illis est Aevum. „ Argote etiam Tertullianus (1 Advers. Marc. cap. 8): " Non habet Tempus Aeternitas, omne enim Tempus ipsa est. „ Sed, mi Auditor, quid argutamur? quid quaerimus, sit, neene sit; et dum quaerimus, patimur elabi? O thesaurum, non ultra reperiendum! Fluit assidue, et nobis effluit: quod unum avariter habere debeamus; et nulla mercede aut pretio permutare. Illic otio, illic alea, illic conviviolo perdimos: et quantum in valetudine, aut somno? Deas bone, quum recogito: undecim lustra fui, quinque ex illis vixi? et quod vixi obi est? " Infinita est velocitas temporis, quae magis apparet respicientibus. „ (Sen. Epist. XLIX.) Modo in Iscano puer lusisse videor, modo Bruxellae primas scholas adiisse, modo Athi, Coloniae, Romae egisse: et a Batavis quam recens memoria est? " Ponetum est quod vivimus „ (Sen. Epist. LXIX): sed hoc punctum specie quadam longioris temporis divisimus, et Pueritiam, Adolescentiam, Inventutem, Senectutem fecimus; heu, ubi ista, et quam in brevi sunt? Abierunt prima, et tunc denique computamus, et damnum taxamus, quum abierunt. Ab, vel tarde, non enim sero, incipimus aestimare et amare, " cuius unius honesta avaritia est. „ (De Brevit. Vit. cap. 3). Et illius brevisitas, et nostra fragilitas nobis occurrat: bene ponamus, hoc quidque datur, " nec tunc vivere incipiamus, quum desinendum est. „ (Ibid. cap. 4.)

..... Currit mortalibus aevum,
Nec nasci his posse datur. (SULLIV.)

Fac, et ad te abi.

IVSTI LIPSII
PHYSIOLOGIAE
STOICORVM

LIVIA TERTIA.

DISSERTATIO PRIMA.

Vestibulum et ingressus. De occupationibus aliquid; et inter eas quoque philosophandum.

AVD. Mi doctor, salve. LIPS. Tibi idem; quid tam mane? Sol liucam quartam vix tangit. AVD. At tua monitio heri excitavit, et huc misit. Meministin'? aiebas Tempore utendum: labi id et fluere; nec fas lapsum unquam revocare. Pareo igitur, et uti fruique meditor, et primam quamque horam Bonae Menti consecrare. Quid scio an cras, an a meridie licebit? Quum temporis illa velocitas animo obversatur, quum iucerta haec et insidiosa mortalitas, cur non properem? quem futuri temporis praedem accipio? « Dum dilertur vita, transcurrit. » (Sen. Epist. 1.) LIPS. O vere, quid autem, dum eripitur vita, an non transcurrit? Hoc nobis fit, quos litterae, sermones, aliae curae vel actiones assidue occupant: et vix seriis tempus est dare, nisi quod relinquitur in subsecivis. « Omnium occupatorum, ait Annaeus (De Brevit. Vit. cap. 19), misera est conditio; eorum tamen miserrima, qui nec suis occupationibus laborant. » Credo eum de me scripsisse, aut iu me certe competit: qui cum Livio Druso possim exclamare, « Vui nec a puero

ferias contigisse. » Mane surrexi? Ecce litterae, responde. Feci, ad alia me verto; puer: Est nubilus vir aut adolestens e Gallia, Germania, Sarmatia: vult salutatam. Ille autem et illi, libellis suis Amicitiae symbolum iuscriptum. Vix suspiravi; en e Belgis meis aliquem, Heus! carmen aut libellum scripsi, lege. Quid etiam? cense; et emenda. Quid amplius? carmen aut elogium praescribe. Absolutum me censeo; alius: Mihi aut fratri, patri, amico epitaphium: domui aut arci, arae, inscriptionem. Quid studiosos iuvenes, et tui similes dicam, scis quam iis pateam, audire, respondere, dirigere et in via ponere, quam rectam censeo, studiorum. Huius unius operae minime inter omnes me pocnitet: et qui interest, voce an scriptione iuvem: nisi quod haec ad plures fortasse venit? sed illa si ad pauciores, efficacius et fructuosius fortasse venit. Haec fere vita mea est, et ferre inducor:

..... levius sit patientia,

. Quidquid corrigere est nefas.

Fit etiam sapientia levius, quam pro meo modulo usurpo. Seneca exemplum mihi monitumque praebuit: « Quum, inquit (Ep. LXII), me amicis dedi, non tamen mihi abduco: nec cum illis moror, quibus me tempus aliquod congregavit, aut causa ex officio nata. » Quid ergo? ad me subinde redeo, et in animo salutare aliquod, atque usui meo verso. Leviter atque obiter quidem: sed verso. Quis vetat capienti, et in theatro solitudinem, et in solitudine theatrum esse? Vtrumque tibi struxeris, animo et cogitationibus huc aut illuc missis. Aiunt apodes quasdam aves, a re dictas, esse: quae quum longum aut firmum insistere non possint (pedibus enim carent), tamen muro aut arbori affixae, aut in aëre suspensae, quod satis sit, quiescunt: imitari possumus, et agentes aliquid, aut loquentes, animo interiuungere; et scrium quiddam meditari. Cogitationibus bonis, etsi brevibus, semper est locus. Facio igitur, qua possum; sed quanto liberius atque uberius, quam vespere (morem meum nosti) licet mihi prodeambulare, et moenia illa, agros, prata calcare? Tuus mihi in pascuum meum iuissus videor, tunc vetera et nova ruminor atque agito, tunc Graeciam et Latium, philologa et philosopha lustro. Tunc, ut apud te fatear, libellos istos, et siquid a me in publicum manat, fere concipio aut dispono: et styli operam, quam domum redii, addo. Quorsum ego ista? ut tibi quoque praecam, et vel inter turbas quietum esse suadeam;

iuter occupationes feriatum. Sicut medicus inter aegros, sine sensu morbi sui, agit: sic inter nugatores serii, iuter vanos graves esse copemur. Impediant nos fortasse, non mutant. A te, inquam, non abeas; aut statim certe ad te redi; ad te, id est, ad philosophiam, et animi illum interiorem cultum. Huic vacare (nihil excuses) etiam quum non vacas, licet. At ego nunc tibi, immo mihi: communis enim res dicenda, et mihi quoque discenda est, *Quid sit homo*: in qua notitia, illa etiam Dei et Virtutis fere est inclusa. Nam de ipso Deo, tum de Mundo, ut scis, diximus: Mundi igitur praestantissimum homo sequitur, quem lustremus, et in eo nos illustremus.

DISSERTATIO II.

Hominem parvum Mundum esse: et breviter eius praestantia.

Iure autem statim a *Mundo*, quid enim aliud ipse *Homo*, quam *parvus* quidam *Mundus*? Philo Iudaeus, ut commune verbum, retulit (Quis divini action. heres): «Parvum mundum Hominem esse; magnum Hominem, Mundum.» Macrobius idem, totidem paene verbis (II in Somn. cap. 12): «Physici Mundum, magnum Hominem dixerunt; et hominem, brevem Mundum.» Quid ita? quia ut ille rectorem in se Deum habet, sic homo divinum animum. Quid amplius? omnia quae Mundus, fere habet: quatuor in se elementa; capitis quoddam caelum; in eo flammanes oculos, ut stellas: ipsam formam rotundam, vel in matris utero; vel iam liber, quin brachia et pedes expandit. Lineae enim ab extremis illis ductae, faciunt iustum fere orbem. Quid, quod omnia quae in Mundo sunt, ipse continet, et in capaci illa mente gestat? ita est: solus homo scientiam omnium et amat, et pro capto habet. Quid ei clausum est; caelos penetrat, et Deum ac divina mente adit. Manilius scite (lib. IV):

..... quid mirum, noscere Mundum

Si possunt homines, quibus est et Mundus in ipsis:

Exemplumque Dei quisque est et in imagine parva?

Itaque Trismegistus *prolem Mundi*, id est, Mundum alterum, Hominem facit. «Est Mundus quidem Dei filius; Mundi autem soboles Homo.» (Cap. 10.) Immo verum si dicimus, nos Dei filii, et velut proximi ab illo sumus. Seneca (De Benef. II,

cap. 29): « Ita est: carissimos nos habuerunt dii immortales, habentque: et qui maximus tribui honos potuit, ab ipsis proximis collocaverunt. Magna accepimus, maiora non cepimus. » O aerea verba! Proximos ab ipsis? Ita. Trismegistus (cap. 10): « Quoniampter audendam est dicere, hominem terrenum esse Deum mortalem; Deum caelestem esse hominem immortalem. » Praefatur audaciam; et siquid supra verum, non longe a vero. Idem iterum attollit (Ibid.): « Homo animal est divinum, aliisque animantibus non confertur, sed iis qui sursum in caelo dii dicuntur. Immo verum, si verum libere dicendum est, etiam super illos est is, qui vere homo est: aut certe parum iis aestimatione. » Euge, attollere, sed cum modestia, et pietatem ac Deum si colis (is vere Homo est, in Mercurio), ad beatum Genium, aut supra eorum quosdam, ascende. Colis, inquam; nam, ut recte Cicero (1 Tusc. 28), Deus fecit « hominem, quasi contemplatorem caeli ac Deorum, ipsorumque cultorem; atque hominis utilitati agros omnes et maria parentia. » Iure addit, omnia nobis parere, et servire. Quid clarius? terras habitamus, aramus, peragramus: ipsa maria, indomitum elementum, domamus; bestiis ferisque omnibus legem et imperium damus.

Quis dubitet post haec hominem coniungere caelo?
 Eximiam natura dedit linguamque, capaxque
 Ingenium, volucresque animus; quem denique in aenum
 Descendit Deus atque habitat, ipsamque requirit. (MANU. II.)

Multae hominis dotes, et praerogativae: tangit quasdam, sed extremae aut non a divini instinctu sunt? Dicit suo ille sensu, nostro verissima sunt: Deus in nobis habitat, *Templum* eius sumus: Deus hominem requirit, *Deliciae* eius sumus. Denique, ait Plato (in Minoe): « Res omnium sanctissima, vir bonus. »

DISSERTATIO III.

Nosce te ipsum, hoc fine utiliter edictum.

Sed alibi etiam de hac praestantia, quum de Animo videmus: nunc, quod praemisi, homo eminet, et Deum in parte refert, quia solus cupiens scientiarum, et capax. « In tanta animantium varietate, ait Cicero (11 Acad. in Fragu.), homini soli cupiditas ingenerata est cognitionis et scientiae. » Ideo iure perit, id

est *Lumen*, Graeci dixerunt: quia odit ignorantiae tenebras, nosce et notescere vult, scire et sciri. Atque ante omnes scientias, una ei necessaria sui. Infra ac supra scrutare;

..... ait tibi prodest

Aeris tentasse domos, animoque profundum
Percurrisse polum, hoc nisi notis.

Huc te verte, ad te, inquam. Seneca noster (Consol. ad Marc. cap. 11): «Hoc iubet illa Pythicis oraculis adscripta vox, Nosce te.» Vox merito adscripta oraculis: et quae a Deo est, aut certe non sine Deo. Ab ipso esse, iudicat Seneca: et alii item volunt, «Chiloni roganti, quod optimum esset? responsum hoc ab Apolline, *Γνώθι σεαυτόν*: Nosce te ipse.» (Porphyr.) Alii tamen *Phemonoes*, alii *Phanotheae*; quidam *Thaletis*, *Biantis*, aut *Chilonis* etiam vocem affirmant. Cuiuscumque, emisit Deus, aut immisit:

..... e Caelo descendit *γνώθι σεαυτόν*.

Et constat sane inscriptum fuisse in vestibulo atque aditu templi Delphici, ante ipsa *περίρραντήρια*, ubi ingressuri se aspergebant aut lavabant; una cum dicto altero: *Μηδὲν ἄγαν*, *ne quid nimis* (Ex Porphyr.) Conspirat enim utrumque, ait Plutarchus (Consol. ad Apollon.): et in illo hoc continetur, ac modestia praecipitur, ut iam videbis. Ad sensum enim dicti venio, magni, ardui, et quod legant sive audiant multi, non intelligant; nec qui intelligant, praestent. Nam, ut Ion poeta,

Τὸ γνῶθι σεαυτόν, τοῦτ' ἔπος μὲν οὐ μέγα,
Ἔργον δ' ὅσον Ζεὺς μόνος ἐπίσταται θεῶν.

Haec *Nosce teipsum*, quidem est brevis,
Sed tanta res, quam Iupiter solus sciat.

Ita est, fatemur: «Solut plene se novit Deus:» sed homini usque aliquo pertingere licet, et pro ingenii modulo se capere ac scire. Quis sensus igitur? a contrario Plato indagat, et assequitur. «Nam triplex est, inquit (In Philebo), sui ignorantia, in Opibus, in Corpore, in Animo:» triplex igitur, et omnia haec externa? nec tua vides; abeunt, veniunt, ludicrum, aut potius ludibrium quoddam, *Fortunae*.

ὅτι ὅτι τις ψάμαθον συνάγει παῖς ἄγχι Σαλαμῆς,
Ὅτε ἔπει οὐκ ποῖται ἀδύρματ' αὐτοκτείνων
Ἀλλ' ὅλως συνάγει περὶ καὶ χερσὶν ἀδύρματ' (HOMER.)

Ut puer audisoni ludens ad litora ponti,
Colligit in cumulum, et varie deformat arenas,
Mox manibus pedibusque ea subruit, ac confundit:

sic illa Dea struit, destruit, donat, recipit omnes has opes
Opes tantum? honores etiam: et

Summum ad gradum quum claritatis veneris,
Consistes aegre, et citius quam ascendas, decides. (LAERTIUS.)

Itaque haec nosce: et quid sequitur? non attollere in iis, sed
σπάρωναι. *Σπάρωναι*, inquam, id est, modeste age et senti: quod
quidam praecipue subiectum voluerunt huic dicto. Sed altera
scientia partem tui spectat, Corpus. Ab eo, quid est homo?
«quodlibet quassum vas, et quodlibet fragile: iactatu, non tem-
pestate magna, ut dissiperis, opus est.» (Sen. ad Marc. cap. 11)
Quid est homo? «lucerna in vento posita.» (Epictet.) Quid est
homo? qui ab ipso «lucernae odore perire potuit, a quo ple-
rumque abortus.» (Plin. VII, cap. 7.) Nosce, nosce et *σπάρωναι*.
Haec «uni animalium ambitio, uni avaritia, uni immensa videndi
cupido, uni superstitio.» (Ibid. cap. 1.) Iterum dicam, nosce
et *σπάρωναι*. At iam tertia, et praecipua scientia, Animum tangit.
Nosce te, sed a pulcherrima illa et divina tui parte. Parte?
inmo toto. «Nec enim tu is es, quem forma ista declarat:
sed Mens cuiusque is est quisque, non ea figura, quae digito
demonstrari potest.» (Cic. in Somn.) Philo Iudaeus: «Homo,
non illud biforme animal, sed pars optimae Animae, quae
Mens et Ratio dicitur.» Est profecto ita; Duplex in nobis ho-
mo, ut Termaximus ait (cap. 9), «Vnus Materialis; alter Es-
sentialis:» atque iste vere Homo est, princeps alterius, ductor,
et rector. Mancipium est, inquam, pars altera: et homo quo-
que, siquis eam colit. Diogenes ille Canis scitissime olim, quum
aliquando «Hens! homines, adeste!» dixisset, et concursus fa-
ctus esset, baculo abegit omnes, addeus: «Homines enim advo-
cavi, non purgamenta», non haec mancipia. Pars illa est, quae
eminet, quae sola ab animantibus brutisque distinguit. Nam
«corpore valet? et leones; formosus est? et pavones; velox est?
et equi: ut non dicam, in his omnibus vincitur.» (Sen.) V-
num ergo Hominis et proprium bonum, Ratio: quae noscenda,
et colenda est. Neque enim, ut Homericus ille Laertius, huius-
modi, agros, domum, omnia curabat, se neglecto: sic nos
oportet corpori et externis mancipari, animi securos. Immo vero
Te nosce. Et nimirum «hanc vim habet praeceptum Apollinis,

ait Cicero (I Tusc. 32), quo monet, ut se quisque noscat. Non enim id præcipit, ut membra nostra, aut statura figuramve noscamus: neque nos corpora sumus: neque ego tibi dicens hoc corpori tuo dico; quum igitur, Nosce te, dicit, hoc dicit, Nosce animum tuum; nam corpus quidem quasi vas est, aut aliquod animi receptaculum: ab animo tuo quidquid agitur, id agitur a te. Attende, et fac. Sed quomodo, inquires, noscam animum? illum occultum, illum sensibus subductum? Ipso animo. Sicut oculus non nisi oculus videt, sed in speculo: sic sese animus, quodam reflexu. In se igitur intueatur: « et maxime, inquit Plato (I Alcibiade), in eum locum, in quo iustitiam Virtutis Animi, Sapientia. » Is locus est, Mens sive Ratio: et quaeri illic Sapientiam vult, atque inveniri: Sapientiam, id est, Virtutem. Nam animum qui adibit et consulit, videbit et discet « aliquid se habere divinum, ingeniumque in se suum, sicut simulacrum aliquod, dedicatum putabit: tantoque munere deorum semper dignum aliquid et faciet, et sentiet. » (Cic.) Itaque ab hac notitia, contemptos aliarum rerum, aestimatio unius Virtutis sequetur: ad quam factum se sciet, per quam beatum se fore iudicabit. Deumque ad Deum per hanc ibit: ut pulchre Agapenus (Ad Justinianum): « Nam qui se novit, Deum noscet: Deum noscens, Deo assimilabitur: assimilabitur, qui Deo dignus erit; dignus erit, qui nihil Deo indignum admittit, sed cogitat quae Dei sunt, et quae cogitat loquitur, et quae loquitur, facit. » Pulchra gradatio, et ex vero deprompta. Nemo se, sine Deo, novit; et in se, Deum. Tum amor assimilandi, ad cuius imaginem facti sumus; id nisi per Virtutem non fit; hanc igitur amplectimur, et cum ea Deum et divina amamus, loquimur, operamur. Facite, o mortales, vos noscite. « Ecce ad Olympia proficiscimini, ut Phidiae statuam videatis: et non magis curae habebitis, ut a vos ipsos videatis, qui et quales sitis? » (Ex Epictet. Diss. lib. I.)

DISSERTATIO IV.

De primo Homini ortu variantes sententiae. Stoicorum approbata, explicata.

Eamus ergo ad Hominem, mi Auditor: vel quia ordo, vel quia utilitas tanta eo vocat. Et quidem totum videmus, ab ipso ortu. Vade enim primus Homo? primariae hic duae sententiae,

Non ortum esse, et ortum. Primi aeternum faciunt, cum ipso Mundo: alteri initium dant, sed alii aliud: atque ista omnia Censorini uberibus verbis commodè proponam. Ait igitur (de Die natali): «Prima⁹ et generalis quaestio, inter antiquos Sapientiae studiosos versata est, quod, quum constet homines singulos ex parentum seminibus procreatos, successione prolis multa saecula propagare: alii semper Homines fuisse, nec ubquam nisi ex hominibus natos, atque eorum generi caput exordiumque nullum exstitisse arbitrati sunt.» Haec primorum ecce sententia: quae magnos auctores habet, ut addit, Pythagoram, Ocellum Lucanum, Archytam Tarentinum, omnesque adeo Pythagoricos: sed et Platonem cum antiqua Academia: denique Aristotelem, Theophrastum, et Peripateticorum totam scholam. Idem de animalibus aliis: ideoque frustra quaeri, «nec posse reperiri, ⁹avesne ante, an Ova generata sint: quum et Ovum sine Ave, et Avis sine Ovo gigni non possit. Ita et omnium, quae in sempiterno isto Mundo semper fuerunt, futuraeque sunt, niunt Principium fuisse nullum: sed orbem esse quemdam generantium nascentiumque in quo uniuscuiusque generis initium simul et finis esse videntur.» Ista quidem Aeternitatis defensores, non sine iniuria illius Aeterni; qui, si nihil fecit aut condidit, quae dignitas, potestas, bonitas, erit? Sed neque facile cogitare est, animantes omnes aeternas; et ut fragile hoc ac mortale, nulli ortum aut initium sui inscribat. Alios igitur audiamus, et in iis Porticum nostram. «Nam qui homines aliquos primigenios, ait iterum Censorinus, divinitus, naturae fletos crederent, multi fuerunt: sed aliter atque aliter in hac existimatione versati. Nam ut omittam, quod fabulares poetarum historiae ferunt primos homines aut Promethei molli luto formatos, aut Deucalionis Pyrrhaeque duris lapidibus esse natos: quidam ex ipsis Sapientiae professoribus, nescio an magis monstrosas, certe non minus incredibiles rationum suarum proferunt opiniones. Anaximander Milesius, videri sibi ex Aqua terraeque calefactis, exortos esse sive pisces; sive piscibus similia animalia: in his homines concrevisse, foetusque ad pubertatem intus retentos; tunc demum ruptis illis, viros mulieresque, qui se iam alere possent, processisse. Empedocles autem primo membra singula ex terra quasi praegnante, passim edita, deinde coisse et effecisse solidi hominis materiam, igni simul et humori permixtam. Haec eadem opinio etiam in Parmenide vel in... Ste fait, pauculis exceptis, ab Empedocle dissensio. De-

moerito vero Abderitae ex aqua limoque, primum visum est homines procreatos. Nec longe secus Epicurus; is enim credidit, limo calefacto uteros, nescio quos, radicibus terrae cohaerentes primum increvisse, et infantibus ex se editis, ingenitum lactis humorem Naturam ministrantem praebuisse: quos ita educatos et adultos genus hominum propagasse. Zeno Cittieus, Stoicae sectae conditor, principium humano generi ex novo Mundo constitutum putavit, primosque homines ex solo adminiculo divini ignis, id est, Dei providentia, genitos. Denique etiam vulgo creditum est, quarumdam gentium principes terrogenas esse, ut in Attica, et Arcadia, Thessaliisque, eosque Autochthonas vocari. Septem sententias hic habes valde aut leviter dissonas: e quibus prima Poëtarum est, qui e luto aut lapidibus formant, idque humana opera. Fabellae potius. Altera est Anaximandri, qui ex Aqua et Limo format: haec genus haud pessime: sed quod in pisces primo, et e piscibus in homines, id monstrum aut delirium sapit. Et vero apud Plutarchum (de Plac. cap. 18) alia est Anaximandri sententia: in Humido nata prima animalia, corticibus quibusdam spineis circumdata: iisque ruptis, quum maturum esset, prodisse. Hoc colorem aliquem magis habet; et eam sententia assident, quae ex arboribus homines educit mox dicenda. Tertia Empedoclis, qui e Terra: sed, ut Censorinus ait, membratim, nec statim totos. Varronis fragmentum hac facit: "Empedocles e terra homines natos facit, ut blitum." (Nonius in Blitum). Addit Censorinus, "eam opinionem etiam in Parmenide, vel in Ste fuisse." Corruptum liquet: an facimus "vel in Zenone?" Certe Zeno Eleates censuit (Laërtius auctor): "ortum hominem e Terra esse." Posset etiam legi: "Parmenide et Veliate Zenone." Quarta sententia Democriti, ex Aqua et Limo: quae refert illam Anaximandri, sed a fronte. Lactantius super ea (lib. VII, cap. 7.): "Democritus ait homines, vermiculorum modo, effusos de terra, nulla auctore, nullaque ratione." Quinta Epicuri, qui ex Limo item, sive Terra. Lucretius (lib. II):

Haud, ut opinor, enim mortalia saecula superne

Aura de caelo demisit funis in arva.

Sed genuit tellus eodem, quae nunc alit ex se.

Sed quomodo? ex *Uteris* quibusdam terrae affixis, ait Censorinus. Quod ita etiam Lucretius (lib. V):

Crescebant uteri terrae radicibus apti:

Quos ubi tempore maturo patefecerant auras

Infantum, saepeus humorem aurasque petissens,
 Convertibat ibi Natura foramina terrae,
 Et succum venis coquebat suodere apertis
 Consimilem lactis.

Putavit ille et Vteros et Ova ante, animantes fuisse: ut esset scilicet e quo surgerent, et in quo crescerent: ad exemplum foeturae hodie ratione. Nam et de Avibus canit:

Ova reliquebant, exclusae tempore verno,
 Folliculos ut nunc teretes aestate eicadue.

Ad quam opinionem Lactantius respexit (II, cap. 12): "Aiunt certis conversiopibus, et astrorum motibus, maturitatem quandam extitisse animantium sereodorum; itaque terram novam, semen genitale retinentem, folliculos quosdam ex se, in uterorum similitudinem, protulisse." Etsi primo verba Ciceronis mutuatur et aptat, sed in alteram et Stoicorum sententiam prolata, ut dicam. Nam sexta iam Zenonis nostri, in Censorino erat, qui "solo adminiculo ignis, id est, Dei providentia, gignit." Pia et vera sententia. Deus solus auctor humani generis, conditorque. Cicero ut Stoicus (I de Leg.): "Hoc animal providum, sagax, multiplex, quem vocamus hominem, praeclara quadam conditione generatum esse a summo Deo." Et crebrum in Stoicis, Deum patrem et genitorem nostrum esse. Sed in modo tamen gignendi, aliquid absunt a libris nostris Sacris. Nam illi volunt (apud Ciceronem, ibid.): "Perpetuis cursibus, conversionibus caelestibus, extitisse quandam maturitatem sereodi generis humani: quod sparsum in terras atque satum, divino auctum sit animorum munere." Cursus illi perpetui, referendi ad periodos exustionis et innovationis mundanae: ac tum *maturitatem* (alii tamen *materiam* legunt) fuisse generis humani novi serendi. Id autem "in terras sparsum ac satum," id est, in Materia prima comprehensum; eaque iam crassiore et animationi parata, animum ab Igne advenisse, et Deo. Ovidius (I Metam.):

Sanctius his animat, mentisque capacius altae
 Decrat adhuc, et quod dominari in caetera posset:
 Natus homo est; sive huic divino semine fecit
 Ille opifex rerum, mundi melioris origo;
 Sive recens tellus, seductaque nuper ab alto
 Aethere, cognati retinebat semina caeli.

Prior sententia est Stoica, et supra abunde diximus (lib. II, Diss. VII). Ignem velut semen esse omnium, et in se continere

singulorum rationes seminales, Providentia educante. Seneca (Ep. xc): «Ad initia deinde rerum Sapiens redit, et aeternam Rationem toti (id est, Mundo) inditam, et vim omnium seminum, singula proprie figurantem.» Cicero iterum ad hanc Stoicorum rationem adspiciens, et in Cottae persona reiciens (I de Nat. Deor.): «Semina Deorum decidisse de caelo putamus in terras, et sic homines patrum (id est, Deorum) similes existisse? Vellem diceretis: Deorum cognationem agnoscerem non invitus.» Ultima sententia Vulgi, qui sponte e Terra exstitisse homines censuit, ut in Arcadia, atque alibi. Neque e Terra tantum, sed Arboribus, aut Rupibus, saxisque. Homerus adspexit, quum Penelope ad Ulysem:

Ἀλλὰ καὶ ὡς μοι εἶπε τῶν γένος ὀπποθεν ἔσσι·
Οὐ γὰρ ἀπὸ θεῶς ἐστὶ παλαιράτου, οὐδ' ἀπὸ πέτρης·

At iam tu mi effare tuum genus, atque parentes.
Nam neque fatidica quercu salus es, neque saxo.

Et uberrime Statius exequitur (lib. IV):

Arcades huic veteres, astris limaque priores,
Agmina fida dotis; nemorum quos stirpe rigenti
Fama sates, quum prima pedum vestigia tellus
Admirata tulit; nondum arva, domusque, nec urbes,
Connubique modos: Quercus Laorique ferebant
Cruda poerperia, ac populos umbrosa crepavit
Fraxinea, et foeta viridis puer excidit orno.

Vides, iam igitur originem nostri, pro aliorum, et nostro sensu. Arn. Video, aliquid tamen requiro. In ista origine Stoica, quis aluit infantem natum, quis educavit? Nec enim alius alium, quum omnes opis eiusdem indigi essent. Lips. Negamus eguisse: male hoc sumis. Rationem, sive Providentiam, nonne architectam dedimus? illa scivit perfectum hominem faciendum, aut frustra iri factum. Macrobius hoc vere (VII Saturn. cap. ult.): «Natura (id est, Deus) primum singula animalia perfecta formavit: deinde perpetuam Legem dedit, ut continuaretur procreatione successio. Perfecta autem in exordio fieri potuisse, testimonio sunt nunc quoque non pauca animantia, quae de terra et jmbre perfecta nascuntur: ut in Aegypto mures, et aliis in locis ranae, serpentesque.» Similia Plutarchus (II Quaest. Convival. cap. 11), a quo Latinus iste hausit. Frustra igitur Ovum, Vterum, et talia praestruunt: et fides iam dictis a divio Moyse etiam esto, qui Hominem et Animalia sic format.

DISSERTATIO V.

Homines primi an maiores, et paulatim deinde minores? atque obiter an Gigantes?

Sed quaeri cum causa etiam aliud potest. Primi illi homines, in primo et vegeto Mundo, an non ipsi magis vegeti, et membris corporibusque grandiores? Ratio suadere videtur; quia plena omnia tunc virium et spirituum, alimenta valida, et e corpore bene habito atque integro illi partus. Videmus in terra, quae novatur et segeti primum proscinditur: videmus in tumida virginitate, robustiora quae nascuntur. Nuper in novo orbe, quum Hispani arborescens et fruges severunt, incredibile quantum adoleverint: et poma fructusque supra communem modum tulerunt. Addo, quod vetus et passiva valde haec opinio; ac Graeci, Barbari, ipsae Sacrae litterae magnos quosdam homines, sive Gigantes adstruxerunt. Ille de animo tantum magnis, superbis, impiis interpretantur quidam, scimus: sed testimonia profecto aliorum ire, a pudore abent, qui neget. Non diffundor, neque extra Porticum meam spatior: aliquid tamen in Seneca etiam reperio, quod huc ducat. De primis illis hominibus, negat Sapientes natos (Epist. xc): « Non tamen negaverim, addit, fuisse alti spiritus viros, et, ut ita dicam, a diis recentes. Neque enim dubium est, quin meliora Mundus nondum effloctus ediderit. » *Meliora* dicit, non *maiora*: et tamen de robore etiam subdit. « Quemadmodum autem omnibus indoles fortior fuit, et ad labores paratior, ita non erant ingenia omnibus consummata. » Philo Iudaeus apertius (De Opific. Mundi): « Talis mihi primus Homo videtur factus, et corpore et animo reliquos omnes, qui vel nunc sunt, vel ante fuerunt, excelluisse. » Addit rationes duas: « Illum enim Deus condidit, nos ex hominibus gignimur; quanto autem melior maiorque auctor, tanto et opus oportuit. Deinde quidquid viget, senescente et efflocto melius est, sive animal, sive planta, sive fructus, sive aliud eorum quae in Natura sunt: Itaque par est, primum illum Hominem, robur et vigorem existisse totius nostri generis: at secutos deinde haud ita viguisse per aetates et successiones, deteriores semper forma et viribus factos. » Varro hoc ipsum: « Nisi si, ut Homerus opinatus est, vastiora prolixioraque fuerint corpora

hominum antiquorum: et nunc quasi iam aundo senescente, rerum atque hominum decrementa sunt» (in A. Gell. Noct. III, c. 10). Vbi quod de Homero est, liquet saepius ab illo usurpatum:

..... οἷα νῦν βροτοὶ εἰσι.

Qualia nunc hominum producit corpora tellus,

ut Virgilius vertit. Sed, missis poëtis, Plinius etiam censuit, «In plenum cuncto mortalium generi minorem in dies mensuram fieri, rarosque parentibus proceriores, consumente uberatam seminum Exustione, in cuius vices nunc vergat aevum.» Ad senium velut Mundi refert: quod Tremelius pariter ad Terram sterilescentem aptat, etsi Columella dissentiente. «Tremellius, inquit (cap. 1, lib. II), falso credidit, parentem omnium Terram, sicut muliebrem sexum, anili iam aetate confectam, progenerandis esse foetibus inhabilem.» Epicurei in eodem sensu. Lucretius (lib. II):

Inimque adeo affecta est aetas, effoetaque tellos
Vix animalia parva creat, quae cuncta creavit
Saecula, deditque ferarum ingentia corpora partis.

Quando dedit? olim:

*quam plana coorta,
Et maiora, nova tellure, atque aethere adalta. (Lib. V.)

Enimvero et in Hebraeorum libris est, quod firmet. Esdras (lib. IV, cap. 5): «Interroga eam quae parit, et dicet tibi. Dices enim ei, Quare quos peperisti nunc, non sunt similes his qui ante te, sed minores statura? Et dicet tibi ipsa: Alii sunt qui in iuventute virtutis nati sunt, et alii qui sub tempore connectutis, deficiente matrice, sunt nati. Considera ergo et tu, quoniam minori statura estis prae his qui ante vos: et qui post vos minori quam vos: quod senescentes creaturae, et fortitudine iuventutis praetereunt.» Quae tamen dictio et argumentatio si vera, et ab aevo in aevum Homines minores: quid causae, quin iam Pygmaei, et minus, simus? Atqui constat nos a his terque mille annis parum aut nil mutasse, et populari aliqua praesumptione illa, non veritate acripta. Ratio autem dicat, quosdam initio exuberasse: sed ad modum deinde certum venisse, a Natura praescriptum, in eoque stetisse. Sane quod ad Gigantes, fuisse aliquando, et apud varios, omnium fere gentium historiae aut traditio testantur: et reliquiae ac monu-

menta beri et nuper, in novo etiam orbe, certissime visa. Neque id ratio dicta abmutat.

DISSERTATIO VI.

E Semine Homines propagari: et illud definitum. Viri genitabile habent, non item foeminae: et de vi Spiritus.

Sed primi igitur homines a Deo et Providentia conditi: secuti, generatione propagati. Generatio autem, per Semen. Quid igitur Semen? communiter ita Stoici definiunt: « Quod potens sit generare talia, a quali et ipsum secretum ait » (Laërt. in Zenone.) id est, quod gignit similia illis, a quibus ipsum genitum et avulsu. Non est igitur ipsum simile, nisi potentia: et ideo Varro argute derivat, Semen, quod non plane id quod inde: quasi dicat a *Semi* dictum, quod aliquomodo tale, non prorsus. Et si vera, puto, derivatio erat a *Serô*, quasi *Scrimen*. Haec de omni semine: at de Humano peculiariter, ista in Zenonis scitis: « Hominis Semen, quod ipse emittit, cum Humido misceri Animae partibus, secundum inixtionem rationis progenitorum. Esse id Chrysippus ait Spiritum, quod ad essentiam; idque apparere ex seminibus in terram iactis, quae vetera non gignunt: scilicet expirata iam illa vi et facultate. A totis corporibus id defluere Sphaerus dicit: ideoque et omnes corporis partes gignere. Mulieris autem semen infœcundum esse, utpote Spiritu non intensum, et modicum item, et aquosum. » (Laërt. ih.) Haec Stoici breviter: illustremus. Ait, « cum Humido mixtum Animae partibus esse. » Omnibusque Animae partibus? non opinor, ex nostrorum sensu: non certe Rationali, quae postea, et aliunde accedit. Mox videbimus. Sed Stoici partes animae octo faciunt: reliquas licet Semini inseras, haec excepta. « Secundum inixtionem rationis progenitorum. » Obscuriuseula mihi ista, nec scio an sincera, aut plena. Numenius quidem in Eusebio, uberius profert, ut Zenonis verba: « Semen ait Zeno esse, quod vir emittit cum Humido, Animae partem et avulsionem, seminis progenitorum temperiem et mixturam occultam Animae partium. » Quae clara sunt, aut erunt e dicendis: et pergo, Ait, « Esse Spiritum. » Non solum quidem: Humor adest: sed vim et efficiam gignendi in Spiritu ponit, eumque velut Seminis essentiam ac naturam. Argumen-

taua a seminibus in terram iactis: an humanis (quia de Homine loquitur), et masturbatores foeda re et nomine intelligit? an de fragum seminibus simplicius capi, quae veterascentia pleraque sciuus non gignere, Spiritu exhausto aut vanescente. Spiritui igitur tribuunt etiam in Homine a simili. Seneca (II Quaest. cap. 6): «Consideremus quam iugentem vim per occultum agant parvula admodum semina; et quorum exilitas in commissura lapidum vix locum inueniat, in tantum conualescant ut ingentia saxa distrabant, et monumenta dissolvant. Hoc quid est aliud, quam intensio spiritus, sine qua nil validum, et contra quam nil validius est?» Hoc aspectu, credo, dicebant (quod Plutarchus miratur, et damnat, de Com. Not.): «Semen amplius et grauius esse, quam quod ex eo gignitur:» non modulo aut quantitate, sed efficacia. Quanquam et modulo in quibusdam, ut in Igne, post conflagrationem, qui est Semen mundi. Ab hac causa (Spiritu, dico) et *γενε* dicta videtur Stoicis *ἀπὸ τοῦ πνεύματος οὐρα*: «Natura, quod sit in spiritibus et inflationibus, et diffusio proportionum ac numerorum.» Est igitur semen *Spiritus*: isticipse, «corpus Zenoni (ait Plutarchus): Animae enim particulam avulsam esse.» Animae, non totius; sed eius partium, ut ante. Epicurus non dissimiliter dixerat: «Semen corporis et animae detractam partem.» Pergit Laërtius: «A totis corporibus defluere.» Et causa additur: nam et tota corpora formant, sed et vitia, aut dotes partium, saepe effingit. Trismegistus: «Quum generatio semen seponit, evenit ut ex omnibus corporis partibus essentia quaedam influat et inspiraret, divina operatione, ut in hominis sit ortu.» Inspirationem sive Spiritum etiam ibi notes; et sapienter additum, de *operatione divina*, quae profecto ortui et productioni omni inserenda est. Illa in occulto administrat pleraque, et disponit. De Semine autem a *toto corpore*, etiam Polybus in libello *περί γενέσεως*, et Hippocrates pluribus locis, consentiunt: itemque Democritus: «A totis, inquit (in Stob. Phys.), corporibus, et praecipuis partibus, genitura.» Itaque idem «Venerem (apud Plinium, lib. XXVIII, cap. 6) damnavit, ut in qua homo *illus* exiliret ex homine.» Hinc debilitas et languor ab illo coetu, etiam animi remissio, spiritibus scilicet exhaustis. Etsi Tertullianus, qui traduci Animam vult, in argumentum hoc sibi vertit. «In illo ipso, inquit (de Anima, cap. 27), ultimae voluptatis aestu, quo genitale virus expellitur, nonne aliquid de anima quoque sentimus exire, atque adeo marcescimus et devigescimus, cum

lucis detrimento?» Vertit inquam: de Rationali tamen parte, haud iuste. Porro Laërtius: «Mulieris semen infœcundum.» Quidni? Spiritu enim caret, et *ἀνδρῶν* est, ut addit. Censorinus hoc ipsum Stoicis quoque adscribit: «Illud etiam ambiguum inter auctores facit opinionem, utrumne ex Patris tantummodo semine partus nasceretur, ut Diogenes, et Hippon, Stoicique scripserunt: an et id ex Matris, quod Anaxagoræ, et Alcmaëoni, nec non Parmenidi, Empedoclique, et Epicuro visum est.» Licebit Pythagoram et Hippocratem his ultimis accensere. At Stoicis Plutarchus Aristotelem adiungit: «Aristoteles et Zeno aiunt, mulierem materiam aliquam humidam eicere, tanquam a colluctatione illa sudorem, sed non seminalem aut prolificam.» Tamen aliter iterum de Aristotele Lactantius (de Opific. cap. 12): «Varro et Aristoteles aiunt, non tantum maribus inesse semen, verum et foeminis: et inde plerumque matribus similes procreari. Sed earum semen Sanguinem esse purgatius.» Non miror distrahi: nam ipse Aristoteles videtur in scriptis vacillare. Tamen veritas est, quod ipsum Semen non habent, nec donat Aristoteles: sed eius vice menstruum puriorem Sanguinem (quod etiam in Lactantio) totum virili semini et alineuntum. Addit Laërtius: «Modieum et Aquosum.» Ita, de illo quasi sudore, ut Zeno dicebat, sive leutore, quem in lucta emittunt: non ita de sanguine in osurno. Satis de Semine, e quo foetus fit, et tempore figuratur: qua serie, aut ordine? «Empedocles, ait Censorius, quem in hoc Aristoteles secutus est, ante omnia Cor iudicavit incrementum, quod hominis vitam maximè contineat: Hippon vero caput, in quo est animi Principale: Stoici una totum infansentem figurare dixerunt, ut una nascitur aliturque.» De Aristotele, verum est: et *Cor primo* format, etsi et *Iecur* una iungat. De capite autem, Lactantius mavult, et cum Hippon seutit (III De Par. Anim. cap. 4). Stoicos nostros quis adiuvat? nescio, et vereor ut inspectu et experimenta damnent.

DISSERTATIO VII.

Semen tamen corpus modo Stoicis producere, et Animæ receptaculum parare; ipsam extrinsecus insinuari; idque post Partionem.

Semen itaque causa Hominis: an totius? an et Animam ex illo ducimus, haurimusque? Vetus quaestio, et ad nostrum

paene aevum agitata. Quid autem hic Stoici? aliunde; non ab eo petunt. Id verius certiusque, etiam pro Senecae mente, quam quod Tertullianus, pertinax traductionis et propaginis defensor, ipsum Senecam eo trahit. « Concludimus, inquit (De Anima, cap. 20), omnia naturalia Animae ut substantiva eius, ipsi inesse, et eum ipsa procedere atque proficere, ex quo ipsa censetur. Sicut et Seneca saepe noster (IV De Benef. cap. 2): *Insita sunt nobis omnia artium et aetatum semina, magisterque ex occulto Deus producit iugenia, ex seminibus scilicet insitis, et occultis per infantiam, quae sunt et intellectus.* » Sed, o magne vir, vere trahis. Seneca non dicit, ab inito insita, a concepto ingenta: sed insita a prima nativitate intelligit, cum Anima ipsa. Itaque caute et restricte etiam alibi loquitur (III Quaest. cap. 29); attende: « In Semine omnis futuri hominis ratio comprehensa est. Et legem barbae, et canorum, nondum natus infans habet: totius enim corporis et sequentis aetatis, in parvo occultoque lineamenta sunt. » Hic sane de ipso Semine: sed quid continet et includit? « legem barbae, et canorum, et totius corporis lineamenta. » De Ratione et Animo, nullum verum. Enim vero tu ipse, Stoicos alio divertisse, ostendis palam. « Sunt, inquis (c. 25 De Anima), qui praesumant, non in utero concipi Animam, nec cum carnis figuratione compingi atque produci, sed et effuso iam partu nondum vivo infanti, extrinsecus imprimi. Caeterum semen ex concubitu, muliebribus locis sequestratum, compinguescere in solam substantiam carnis: eam editam et de uteri fornace fumantem, et calore solutam, ut ferrum ignitum, et ibidem frigidae immersum, ita aëris rigore percussam et viam animalem rapere, et vocalem sonum reddere. Hoc Stoici eum Aenesidemo, et ipse interdum Plato. » Potest clarius edici de Stoico sensu? In Utero nil nisi carnem compingi, Animam extrinsecus imprimi, idque effuso iam partu: et caetera, mihi dubia aut implexa. Quid Lactantius, satis diligens talium? Lib. III, c. 18: « Pythagorici et Stoici, quum timerent argumentum illud, quo colligitur necesse esse ut occidant Animae cum corporibus, quia eum corporibus nascuntur, dixerunt non nasci Animas, sed insinuari potius in corpora. » Utitur Insinuandi voce apposita, qua aliquoties Lucretius in Stoicis refutandis; nam illos maxime intelligit, quum studiose hanc sententiam repellit. Inter alia (lib. III multis versibus):

Præterea si immortalis natura Animæ
 Constat, et in corpus nascentibus insinuat:
 Cur super anteaclam ætatem meminisse nequimus?

Iterum:

Quod si forte putas extrinsecus insinuatam
 Permanere animam nobis per membra solare,

Tertio:

Nec tamen est, ut iam perfectis insinuetur
 Corporibus.

Ex quibus liquet, dixisse acres Epicureorum hostes Stoicos, Animam aliunde advenire in corpus, nec cum eo igitur perire Plutarch. item clarissime (De Pugnâ Stic.): « Chrysippus censet foetum in utero ali, ut plantam. Quum autem in lucem editus est, frigidum ex aëre et induratum, mutare Spiritum, et fieri Animal. » Immo longius ibant, et partem Vteri faciebant foetum. Idem Plutarchus (V De Plac. cap. 15): « Plato ait Foetum in utero, Animal esse; nam et moveri ibi, et ali. Stoici, partem esse ipsius uteri, non animal; et sicut fructus arborum partes dicimus, videmusque maturos decidere: sic et foetum. » Liquet igitur de sententia, non item de veritate. Nam Tertullianus fortiter hæc refutat, atque idem Plutarchus. Quid tamen? de adventu ipso et insinuatione haud falso: et gaudeo gratulor-que hic quoque Christianis accedere: de tempore, scio controverti. Iam olim quidem; nam Hippocrates (in Stobæanis eclogis) statim a formato semine, Animam admittit: Porphyrius (quod mirere in Platonico) prorsus ut nostri, « in prima statim editione nati infantis. Alia etiam est opinio, quæ plures statuit facultates aut Naturas animæ, opportuno dein tempore, aliam alias advenire, prout corpus idoneum aptumque factum. Primum igitur Naturam (1) accipere, deinde Sentientem vim, tum Appetitum, tum Rationalem animam, denique Intellectualem. » In postrema sententia sunt qui Aristotelem velint accensere, nescio an voletem. Sed inter ipsos Theologos olim dissidium, innata anima, an ingressa. Innatam Tertullianus, ut dixi, uber- tim approbat (De Anima et Resurr.), « et in ipso, et ex ipso seri hominæ, et vivum esse a primordio Semen. » Multi cum illo Latini: exerte etiam inter Græcos Gregorius Nyssæ anti- stes. « Posteriorem esse, inquit, originem animarum, ipsasque

(1) Id est vegetationem, et vitam.

recentiores esse corporum constitutione, nemo sana mente praeditus in animum induxerit; quum manifestum sit, quod nihil ex inanibus vim in se habeat movendi, itemque crescendi. At eorum qui in utero aluntur neque augmentum et incrementum, neque de loco ad locum motus controversus est. Relinquitur ergo ut censeamus, unum et idem Animae et Corporis constitutionis principium esse. Ac quemadmodum terra si surculum a radice avulsum acceperit, arborem inde efficit, non ipsa vim augendi iniciens, sed incrementi dumtaxat materiam atque subsidium impartiens: ita dicimus etiam id quod ex homine avellitur (Semen) ad hominis rationem, ipsum quoque aliquomodo animal esse; ex animato animatum.» Plura addit, et omnes Animae facultates in Semine esse, occultas tamen, et in tempore atque ordine edocendas. Sententia erat quam tueri posses, nisi Ecclesia et puriores Theologi iam aliter credi consensissent; paresimus. AVD. Non lubet in ista velut adyta penetrare: tamen unum valide possit obici. Si traducitur Anima et propagatur, cur mea parentum melior, subtilior, felicior? referre enim eas debebat, ut surculus arborem, ut fructus semen. LIPS. Hippocrates iam olim respondit (lib. I, de Dieta), «Animam non mutari, sed corporum temperamentum:» et pro eo igitur, atque ut organa sunt, Animam magis minusve se exserere, et splendere. Tertullianus autem hoc amplius, Deum, aut ministros eius adhibet; et «omnem, inquit (cap. 27), hominis in utero secendi, struendi, fingendi, parataram aliqua utique potestas, divinae voluntatis ministra, modulatur, quamenque illam rationem agitare sortita.» Bene, bene. Deus adest, disponit, addit, demit, utenque illi visum. At contra Stoicos simile obiciatur, Quomodo liberi mores saepe, et indolem parentum referant, si in semine haec non fuerunt? Chrysippus respondit, ista quoque a temperie simili corporum provenire, quibus Anima affici aut infici possit.

DISSERTATIO VIII.

E Caelo et Aethere Animum advenire, a Stellis, ab ipso Deo: et pluscula sublimiter, ac numis, a Stoicis dicta.

Itaque advenire Animam Stoici voluerunt: et quidem sub ipsum partum. Unde autem? Haec et plura super Animo exsequi,

animus est; sed qua serie aut disposito melius, quam illo quem Seneca (ei hanc operam damus) praeivit? Nam scribit alibi (Ep. LXXXVIII): «Innumerabiles deinde quaestiones sunt de Animo. Vnde sit? Qualis sit? Quando esse incipiat? Quamdum sit? An aliunde alio transeat et domicilium mutet? Vtrum corpus sit, an non sit? Quid facturus sit, et illie nosse se incipiat, postquam de corpore abductus in sublime secessit?» Ecce tibi octo quaestiones capitales: et sub manu aliae emergent fortasse, sed ad haec velut signa revocandae et disponendae. Ingens opus: sed stringam, disputationum fere exsors, et sententiam Stoicam posuisse atque aperuisse contentus. Deus autem, et tuus favor, ille iuvabit, hic adspirabit. Certe a Deo initium: *Vnde enim Animus?* a caelo, ex aeterno illo igne e siderum natura, et sine circuitu a Deo ipso. O dignitatem nostram! sed vereor, immo scio, nihil auctam: tamen ipsos audiamus. Seneca (Ad Helv. cap. 6): «Animus, si primam eius originem inspexeris, non est terreno gravique coneretus corpore, ex illo caelesti Spiritu descendit.» Iterum (ibid.): «Animus humanus ex iisdem, quibus divina constant, seminibus.» Divina, id est, sidera et stellae. Seneca (De Vit. Beat. cap. 32): «Hominem divini Spiritus esse partem, ac veluti scintillas quasdam sacrorum in terras desiluisse, atque alieno loco haesisse.» Ait scintilla *sacrorum*: quin verius, *astrorum*? atque ita lege. Cicero (In somn. Seip.): «Hominibus Animus datus est ex illis sempiternis ignibus, quae sidera et stellas vocatis.» Plinius (II, cap. 26): «Quo nemo magis probaverit eognitionem tum homine siderum, Animasque nostras partem esse caeli.» Firmicus (lib. I): «Quare quum simus eum stellis quadam cognatione coniuncti, non debemus eas, sacrilegis disputationibus, propriis privare potestatibus.» Cognati? Ita, ex iisdem seminibus, et essentia: atque adeo pars Deorum. Epictetus (I Dissert. eup. 14): «Animae ita illigatae et coniunctae Deo sunt, ut partulae sint eius, et deerptae.» Cicero (I De Divinat.): «A natura Deorum haustos animos, et delibatos habemus.» Alibi (V Tusc. lib. II): «Humanus Animus deerptus ex Mente Divina.» Manilius:

Quis caelum posset, nisi caeli munera nosset,
Et reperire Deum, nisi qui pars ipse Deorum est?

Inde magnificae illae voces Senecae (Epist. xcii): «Quid est autem, eum non existimes in eo divini aliquid existere, qui Dei pars est?» Et magis (Epist. LXXIV): «Miraris hominem

ad Deos ire? Deus ad homines venit, immo, quod propius est, in homines venit. „ Iterumque (Epist. XL): „ Prope est a te Deus, tecum est, intus est. „ Vnde haec talia? quia persuasum iis, a Deo, id est, Mundi anima, animam hanc esse. Laërtius (In Zen.): „ Animae Vniversi partes esse animantium Animas. „ Omniumne animantium? omnium: sed aliae aliis magis participant, ut sunt corpora et iumenta. Est Socraticum: „ Mundi animam, fontem animarum omnium esse. „ (Apul. De Dogm. Plat.) Sed illam, quae Ratione uteretur, cognatam et participem, immo iam partem divinitatis esse. Plutarchus (Quaest. Platon.): „ Anima mentis et ratiocinationis consors, non opus solum Dei, sed et pars est; neque ab ipso, sed ex ipso est facta. „ Enimvero etiam aliae (hac ratione) partes Dei, id est, Mundanae animae: sed ista scilicet eximiae, et quae proxime in naturamque eius referret. AVD. Abhorreo audire haec talia. Ante didici Deum conditorem hominum esse, Animas advenire et insinuari, idque eius opera: nunc cogitata, partes, et Deum ipsum esse? iterum abhorreo. LIPS. Gaudio, et magnitudinem Dei qui libat tantum, et nostrum istud imbecillum et teone, ridebit profecto et exhibebit eam voces. Tamen corpus hoc totum Mundi communicare ita antiquis placuit, et nos velut membra eius facere ac partes. Seneca (Epist. XCII): „ Totum hoc, quo continemur, et unum est, et Deus est, et socii eius sumus, et membra. „ Nec Stoici haec tantum, aut Platonici: ecce Trismegistus (cap. 10): „ Ab una Vniversi Anima omnes Animae existunt et promanant. „ Ab ipsa, inquam, Dei essentia: et clare idem (cap. 12): „ Animus, sive Mens, non est quidem abscissus ab essentia Dei, sed quasi diffusus et extensus sicuti Solis splendor. „ Vult, sicut lumen a Sole diffunditur, sive Solis imminutione aut noxa; sic Animas ab illa magna, absque eius interimento. Diffundi autem, ut vasculum cuiusque capax et admissionale est. Ita Philo Iudaeus (Quod deter. potiori insid.): „ Mentem humanam esse divinae et beatae Animae particulam, sed indivisibilem. „ Et addit; „ Non enim revera quicquid divinum est, scinditur, sed dumtaxat protenditur ac dilatur. „ Haec ita sententia veterum, et verba fortasse supra sententiam elata ac superba: quid tamen est? Adeo divina res Anima et praestabilis, ut etiam in Christiana luce ac veritate fuerint, qui sic eam honestarint, an dehonestarint? Manichaei, Priscillianistae, Marcionitae, atque id genus erronei; „ de propria Dei substantia Animam formebant. „ Quidam Tertullianum

eo trahunt, quia scripserit, in illud Lucae (IV Advers. Marc. cap. 37): *Reddito quae sunt Dei Deo.* «Hominem igitur reddi iubet creatori, in cuius imagine, et similitudine, et nomine, et materia expressus est.», *Ecce, Nomine*: ergo Deus est? *Ecce Materia*: ergo e Deo? Sed nempe sermones hi tales, ad normam aliorum reducendi atque examinandi sunt: et aliis ali- quid, pro re nata, interdum dicunt, non capiendum ut dicunt. Ipse abdicat: «Intellige, inquit (Advers. Marc. II, cap. 9), adflatum (ad verba Geneseos adspicit) minorem Spiritu esse; etsi de Spiritu accidit: ut aurulam eius, non tamen Spiritum, nam et aura vento rarior est; etsi de vento aura, non tamen ventus aura. Caput etiam imaginem Spiritus dicere flatum.», Omnino ita est. Deus aliquid Spiritu inflavit in hominem, non ipsum; similem sibi, non se fecit. Atque ita Ambrosii etiam illa mitiganda: «Animae rationabilis substantia, divinus Spiritus est.», Minime; sed aliquid vicinum, et multum ab eo trahens. Lactantii verbis utar (lib. de Noë et arca, c. 25): «Animam nescio quid esse Deo simile.», Quem ipsum tamen calumniose, vir multa insignis, aspergit hac suspitione *ἀπονοστής, uni essen- tia*; quia scripserit: «Ficto corpore aspiravit ei animam de vitali fonte Spiritus sui, qui est perennis.», Sunt verborum cap- tendulae; iam docui: abite. Multa hic occulta aut dubia, fateor: et cum Augustino olim (Epist. ad Optat. Milevit. et adde de Civ. XIV, cap. ult.), «Sine periculo origo Animae latet: hactenus tamen, ut non eam particulam Dei esse credamus, sed creatu- ram.», Et iam vides, Stoicis *Vade sit Anima*: e caelo, a Deo, ipsam Deum. Elata et vana sunt: illa modestiora, *cognitionem nobis cum Deo esse*, et magis, *Dei filios esse*. Aliquid, inquam, divini in nobis: et facti eius instar ab illo patre, atque etiam adoptati sumus. «Ego dixi (in Sacris) Di estis et filii Excelsi omnes.», Quid Seneca? «Inter Deum ac bonum virum neces- situdo est, et similitudo.», (De Provid. cap. 1.) Itemque: «vir bonus vera eius progenies.», O utilis cogitatio! «Si quis huic doctrinae affici et inhaerere pro dignitate possit, quod facti a Deo omnes privario simus, et ille sit pater hominum simul ac Genitorum: opinor profecto, quod nihil humile aut abiectum de seipso humo cogitare aut disponere posset.», (Epictet. I Dissert. cap. 3.) Ecce enim, si Caesar aut Rex te adoptasset, quis supercilium tuum ferret? quum autem Dei sis filius, non quae Deo digna sunt cogitabis? Hoc faciamus; et ad optimum hunc finem non optime semper dicta vertamus.

DISSERTATIO IX.

Ipsum itaque Animum aethereum Ignem esse, simul etiam Spiritum.

Et primam Quaestionem iam expunximus, "Vnde esset:,, altera excipit, "Qualis sit?,, Difficilis. Nam "habere nos Animum, cuius imperio et impellimur, et revocamur, omnes fatebimur. Quid tamen si Anima ille, rector domusque nostri, non magis tibi quisquam expedit, quam Vbi sit?,, Annacum nostrum audis (Nat. Quaest. VII, cap. 24), ignorantiam profitentem? adde Tullium (I Tusc.): "Anima sit Animus, ignisne, nescio: nec me pudet, ut istos, fateri nescire, quod nesciam., Tale Heraclitus, in Laërtio: "De Anima, omittendum, quia nemo reperiet, etiamsi omnem viam inest: adeo profundam eam rationem esse., O caliginem! o miseriam! illud, quo caetera noscimus, ipsum nescimus. Quid tamen Stoicis visum, videamus. Seneca noster definit (Ep. 1): "Quid est aliud Animus, quam quodammodo se habens Spiritus?,, Quod Graece fuisse arbitror, πνεῦμα τὸ πρῶτον. Est Spiritus: et Latinis vox hoc insonat, Animae; παρὰ τὸν ἀνέμω, qui ventus est et flatus. Placuit Tertulliano hoc istud: et "Stoicos, ioquit (De Anima, cap. 5), allego, qui Spiritum dicunt Animam, paeoe nobiscum: quia proxima sunt flatus et Spiritus., Nam et Christiani e Mosaicis libris πνεῦμα, sive Spiritum affirmant: etsi πνεῦμα Augustinus haud velit, et distiuguit. (De Civit. XIV, cap. 24.) Est igitur Spiritus, sed talis. Qualis autem? clarius hoc Zeno et Posidonius, in Laërtio: "Spiritum calidum, esse Animam., In Stobaeanis: "Congenitum nobis calidum Spiritum, censent Animam., Duo igitur in ea, Spiritus et Calor: quod etiam Galenus tradit (libro, Quod animi mores sequantur corporis temperiem), et Stoicis non aliud Animam esse quam "temperiem, quum proportionem constat aërea et ignea substantia., Sane Aërem ibi esse, res iis dicebat, quia huic reciprocamus viuentes, et absque eo nec est vita. Itaque Varro definebat: "Anima est Aër conceptus ore, deservefactus in pulmone, tepefactus in corde, diffusus in corpus., (Apud Lactant. de Opific. cap. 17). Sed tamen non est is propria natura aut praecipua Animae; sed est velut vehiculum, aut corpus purioris illius Ignis, quod haec constat. Cicero (III De Natur. Deor.): "Omnia ve-

stri (Stoici), Balbe, solent ad Igneam naturam referre, Heraclitum, opinor, secuti: quoniam ipsum non omnes interpretantur uno modo. Vos autem ita dicitis, omnem vim esse Ignem; itaque et animantes quum calor defecerit, interire; et in omni natura rerum id vigere; quod caleat. „ Varro prorsus Stoice (IV De L. L.): „Animalium semen Ignis: qui Anima, et Mens, qui calor e caelo, quod hic innumerabiles, et immortales ignes.„ Itaque Epicharmus Ennii de Mente humana dicit:

Istic est de caelo sumptus ignis, isque Mentis (1) est.

Ab hac excellentia Cicero (I Tusc.): „Zenoni Stoico Animus Igis videtur; „quid Zenoni? etiam Hebraeis vox, qua *Hominem* appellant, *Ignem* notat. Est igitur iis Ignis: non tamen solus, sed cum hac Spiritus velut veste. Ita Trismegistus appellat (cap. 10), etsi subtilius, et alia quadam distinctione: „Vestem esse Mentis quidem Animam, Animae ipsum Spiritum.„ Nec plura addo, et de caelestis istius Ignis, atque intelligente, e prioribus iam clara.

DISSERTATIO X.

Animam a partu Stoicis venire: sed verius nobis a formatione foetus.

Tertia Quaestio, „Quando esse incipiat? „quam tamen opportune iam ante, de Semine, profligavi aut affeci. Stoicis quidem a partu esse incipit: nec ante Homini animalis illa vita, quam Graeci ζῆν quoque vocarunt, παρὰ τὸ ζῆν, a fervore illo Ignis. Haec docui: quid tamen Iamblichus? monstra Stoicis affugit, si vere ex eo Stobaeus (in Physic.): „Stoici dicunt, non statim Rationem inseri, verum postea a sensibus et imaginationibus colligi, circa annum decimum quartum.„ Haec parum fideliter adscribi arbitror, si de ipsa Ratione capis: si de Vsu eius perfectione, haud negem. Obscuratur enim in ipsa iuventutis, et ut sol quidam, per nubila et nubes aegre perrumpit. Germanus eorum sententia, a partu insinuari. Taugit, et spernit Lactantius: „Anima (inquit, de Opif., cap. 1, contra Varronis datam fictionem) non est aër ore conceptus, quia multo prius gignitur Anima, quam concipi Aër ore possit. Non enim

(1) Antiquae pro Mens.

post partum insinuat in corpus, ut quibusdam philosophis (nempe Stoicis) videtur, sed post conceptum protinus, quum foetum in utero necessitas divina formavit. „ Vides illam poni et reici; aliam supponi, quam probam censet, *post conceptum insinuari*: quando? quum *foetum Deus formavit*. Optime et Theologi nostri sic hodie censent, formatis principalibus membris, hepate, corde, cerebro, domicilium iam animae rationali aptum esse, et in id venire. Hieronymus (Advers. Ruff. apol. II) „ *Figurato corpore, statim creari et immitti*. „ Creari? ita a Deo: et exemplo Angelorum de nihilo. In Ruffini verbis, quem ille sanctus vir oppugnat, lego plussculas sententias, compendio recitatas (Ibid.): „ De Anima, fateor me apud quamplurimos tractatorum diversa legisse. Legi quosdam; dicentes quod pariter cum corpore, per humani corporis traducem, etiam animae diffundantur; quod puto inter Latinos Tertullianum sensisse, vel Lactantium, fortassis et nonnullos alios. Alii asserunt, quod formatis in utero corporibus, Deus quotidie faciat Animas et infundat. Alii factas iam olim, id est, tunc quum omnia creavit Deus ex nihilo, nunc eas iudicio suo nasci dispenset in corpore. Hoc sentit et Origenes, et nonnulli Graecorum. Ego vero quum haec singula legerim, Deo teste dico, quia usque ad praesens certi et definiti aliquid de hac quaestione non teneo. „ Praemittit de traduce Anima: et Lactantium ibi numerat, falso. Liquet ex loco, quem adduxi, et magis ex isto (de Opif. c. 19): „ *Vtrum anima ex patre, an ex matre, an vero ex utroque generetur?* sed ego de meo iure ab ancipiti vindico: nihil enim ex his tribus verum est. Corpus ex corporibus nasci potest, quoniam confertur aliquid ex utroque; de Animis Anima non potest, quia ex re tenui et incomprehensibili nihil potest decedere. Itaque serendarum Animarum ratio uni ac soli Deo subiacet.

Denique caelesti sumus nemini semine oriandi,
Omnibus ille idem pater est:

ut ait Lucretius, II. 990. Nam de mortalibus non potest quidquam nisi mortale generari. „ Falso igitur Lactantius accensetur: de Tertulliano, nimis verum; et licebat, Pompeium, Apollinarem, alios addere, ac verbis Hieronymi, „ *maximam partem Occidentalium*. „ Claudamus, cum eodem Laetantio: „ Non a parentibus dari Animas, sed ab uno eodemque omnium Deo

Patre, qui legem rationemque nascendi tenet solus, siquidem solus efficit.

DISSERTATIO XI.

*Eam longævam, non Aeternam iisdem; neque omnes etiam,
et trepide aut ambigue loqui.*

At nos etiam in tenebris istis pergamus, ut sic dicam, mi-
care. Quarta enim Quaestio, «Quamdiu sit?» digna quae tra-
ctetur: atque utinam Stoici in capitali ista re veraces et recti!
Tangunt tamen, et diurnas animas faciunt, si non immorta-
les. Diurnas; et ideo concepit verba Seneca, *Quamdiu sint?*
Non rogat, an semper sint post fatum; an non sint ἀπλῶς: sed
quamdiu. Hoc ita obscure Laërtius (in Zenone): Animam a
morte permanere: mortalem tamen esse. Noster Seneca am-
bigue saepe hic loquitur (Ep. LXIII), et aliquando ad aeternitatem
accedit, recedit. Accedit; ut: «Cogitemus ergo, cito nos eo
perventuros, quo illum (mortuum) pervenisse moeremus. Et
fortasse (si modo sapientum vera fama est, recipitque nos lo-
cus aliquis) quem putamus perisse, praemissus est.» Iterum:
«Dies iste, quem tamquam extremum reformidas, aeterni na-
talis est.» Alibi (Epist. cxi): «Animus aeternitatis suae me-
mor, in omne, quod fuit, futurumque est omnibus saeculis,
vadit.» Plura talia notes: sed et in quibus recedit, ut: «At ego
mortem diu expertus sum. Quando? antequam nascerer: Mora
est, non esse; id quale sit, iam scio. Hoc erit post me, quod
ante me fuit.» Palam sentit, quod Plinius (lib. VII, cap. 55):
«Omnibus a supremo die eadem, quae ante primum: nec ma-
gis a morte sensus nullus, aut corpori, aut Animae, quam ante
natalem.» Quam sunt qui hoc argumento Epicureum faciunt:
vane. Quidni enim et Seneca talis sit? Nam ille iterum (ad
Marc. cap. 19): «Mors nos in illam tranquillitatem, in qua an-
tequam nasceremur iacimus, reponit.» Euripides haec ipsa:

Τὸ μὴ γινώσκει τὸ ζῆναι ἴσον λέγω.

Non esse natum, et mortuum esse, idem puto. (Troadib.)

Denique alibi Seneca conqueritur, «Aeternitatem animorum
promitti magis a magnis viris, quam probari.» Audis dicentem,
negantem, dubitantem? Omnia tamen in eandem viam senten-

tiae veniunt, a me dictae, a Cicerone affirmandae. «Stoici, inquit (I Tusc.), usuram nobis largiuntur, tamquam cornicibus: diu mansuros aiunt Animos, semper negant.,, Quamdiu igitur? ad Ecpyrosin illam, sive Conflagrationem quum omnia resolvuntur, et ad iutia sua revertuntur. Animae igitur tunc omnes iterum ad Mundi Animam, id est ad Iovem: qua mente Aeternae aliquando dicuntur. Seneca Cordum loquentem inducit, mortuum et inter Heroas (Cons. ad Marc. cap. ult.): «Nos quoque felices Animae, et aeterna sortitae, quum Deo visum erit iterum ista moliri, labentibus cunctis, et ipsi parva ruinae ingentia accessio, in antiqua elementa vertemur.» Tale in Epicteto: «Dens, inquit (III Diss. cap. 13), quum necessaria tibi eripit, victum, vestem, sensus istos, receptui nempe canit, ianuam aperit, et venire te iubet. Quo? non ad aliquid grave, sed ad illa e quibus ortus es, ad amica et cognata, ad elementa.» Cognata illa et amica, intelligit maxime astra. Et sane rarus ipse Epictetus est, alias sublimis, in immortalitate aut et longaevitae animorum adstruenda? quid adstruenda? vix tangenda. Nimirum inter Stoicos ipsos controversa ea res, nec consensu recepta. Panaetius, apud Ciceronem (I Tusc.), *interire Animas* arbitratur: et Laërtius aliam, etiam sententiae divisionem ostendit: «Cleanthes, inquit, omnes permanere ait, usque ad conflagrationem Mundi; Chrysippus, solas Safficunt.» Et Seneca, in verbis supra, eo inclinare videtur (ad Crysippum dico), quum scribit, «felices Animas aeterna sortitas:» non igitur omnes. Tacitus apertius (in Agricola): «Si, ut sapientibus placet, non cum corpore extinguuntur magnae animae.» Nota magnas: minutae igitur et fatuae pereunt, aut non diu manent. Palam ita Numenius, in Eusebio, de nostris: «Animam natam, et mortalem esse, non statim tamen interire, sed manere apud seipsam. Sapientum quidem, usque ad conflagrationem omnium: stultorum, ad breve aliquod tempus.» Immo vero genere quodam fati extinguuntur etiam meliores: puta si pondere aut mole magna, una cum corpore obruuntur. Seneca (Epist. LVII): «Quid interest, utrum super aliquem vigiliarium ruat, aut mons in turris? Erunt tamen qui hanc ruinam magis timeant, quamvis utraque aequae mortifera sit. Nunc imputas de Stoicis dicere, qui existimant animam hominis magno pondere extriti permeare non posse, et statim spargi, quia non fuerit illi exitus liber.» Mira sententia, sed cui origo et firmitas a scito, quod anima sit corpus: itaque puti eadem,

quae corpus, et affligi, ac dissipari, solvi. Alibi super hac sententia legere haud nunc memini, nisi in Statio, qui docte (ut multa) versibus inseruit istis:

..... laetel intus, monje soloto
Obtritus, ac proitus fractum obductumque cadaver
Indignantem Animum propriis non reddidit astris. (Theb. VI.)

Loquitur de auri scrutatore, qui terras et colles subit, earumque subito lapsu obruitur: nec animam potest ad sidera emittere, pressam sic et obtritam. Veteres et novi Scholiastae silent. An non simile autem in Aquis, ubi profundo versantur? Servius dicat in Virgilium (I Aen.), quum iustante naufragio, «Ingemit Aeneas: non propter mortem, inquit, sed propter mortis genus; grave est enim, secundum Homerum, perire naufragio, quia Anima est ignea, et exstingui videtur in mari.» Quod idem Synesius uotat, et Homeri versum adducit (III Epist.):

Αἴξ δ' ἐξ ἀπολλέων, ἐπεὶ πέν ἀλκυον ὕδωρ.

Aiax disperiit, postquam bibit aquoris undam.

Quasi plane ab Anima etiam periisset: argumento tamen parum firmo. Seneca in eodem adspexisse videtur, ubi saevitiam Caji exagitat, qui moriturus os pannis conscissis farciebat: «Quae ista saevitia, inquit (II De Ira, cap. 19), est? liceat ultimum spiritum tradere (sic lego): da exiturae Animae locum. Sed populariter ea dicuntur: ipse diversum sentit, et Stoicos adeo suos hic damnat. Nam relata sententia illa, de Obtritione addit (Epist. LVII): «Qui hoc dicunt, videntur mihi errare. Quemadmodum flamma non potest opprimi: nam circa id diffugit, quo urgetur: quemadmodum aër verberare aut ictu non laeditur, nec scinditur quidem: sic Anima, qui ex tenuissimo constat, deprehendi non potest, nec intra corpus affligi: sed beneficio subtilitatis suae, per ipsa quibus affligitur, erumpit.» Haec veriora, quam priores illae ἀπρόσους, *Ineptiae, deliria*. Sed heus, incidit male omissum, ex Dionysio Halicarnassaeo: quem, vel hoc argumento, Stoeae vindicabo. Ait super eo scito, in sua persona, ubi de Marcio Coriolano infelice extincto (lib. VIII), «Si igitur soluta corpore Anima etiam interit, haud video quomodo beatos dicam, qui nullo ex Virtute fracta, ob ipsam etiam pereunt.» Tum addit membrum alterum: «Sin autem incorruptibiles in perpetuum Anima, ut

ut quidam censent: aut tempus aliquod, post solutionem corporum, permanent; longissimum quidem, bonorum virorum; brevissimum, malorum: sufficiens bonos habeatur Virtutis cultoribus.» Stoicis igitur manet sic Anima; nbi, et quid faciat, mox docebo.

DISSERTATIO XII.

De migratione Animarum in corpora. Plures ita sensisse, non tamen Stoicos.

Nam Senecae ordinem insisto, et Quaestio quinta excipit «An aliunde alio transcat, et domicilium mutet?» Si manet, inquit: an si forte, cum Pythagoricis, de corpore in corpus migrat? Eodem sensu quaerit alibi (Epist. LXV): «Ego nesciam, unde descenderim? semel haec mihi videnda sint, aut saepe?» Saepe enim; si reditus est, et ut Tertullianus appellat, «recidivatus animarum.» Et Pythagoreos, immo et Platonicos sic sensisse, decantatum est: an et Stoicos addam? Volunt aliqui veterum, ut Lactantius (lib. III, cap. 18): «Superesse Animas post mortem, Pythagorici et Stoici dixerunt: easque non nasci, sed insinuari in corpora, et de aliis in alia migrare.» Ita Damascenus (De Haeres.): «Stoici corpus occidere, animam a corpore in corpus migrare volunt.» Tamen haec assertio mihi anceps, et apud idoneos auctores tale nihil, immo contra, lego. Nam Animae illis ad caelos abeunt, et sociantur astris, mox videntum. De remigratione, nusquam verbum: nisi si hoc intelligunt, et eadem Universi Anima iterum alias Animas fieri, et sic orbe quodam immitti: immo easdem etiam, post Mundi innovationem. Sed longe haec ab illa Pythagorica μεταμύχουσι: quae est de corpore in corpus transitio, et cur non Latino *Transanimatio*? De qua et Platonici multa, vulgata aut obvia: quid veteres nostri Galli? in eodem seorsu fuerunt. An a Pythagora Druides hausserint, nescio: an potius ipse ab illis: nam auctores habeo, «Gallos eum audisse et Brachmanas.» (Clem. I Strom. lib. VI.) Gallorum quidem hoc dogma. Caesar: «Non interire Animas, sed ab aliis post mortem transire ad alios.» Lucanus ad ipsos Druidas (lib. I):

..... vobis auctoribus, umbrae
Non tacitas Erebi sedes, Ditisque profundi

Pallida regna petunt: regit idem spiritus artus
Orbe alio, longae; canitis si cognita, vitae.

Sed et Germanis adscribit Appianus (In Celtico): «Moribus feri, audacia promptissimi sunt, et mortis contemptores, ob spem secundae iterum vitae.» Iulianus Caesar, etiam Getis, quibus «Xamolxim, qui apud eos colitur, hanc opinionem in-sevisse» scribit (In Caesaribus.) Itaque iidem vitae prodigi: non mori, sed migrare se existimantes.» Simile novelli aliquot Indi. Quin Iudaei posteriores hoc errore perfusi: quod Iustinus Martyr notat (In Dialogo), et Thalmudistae profitentur. A qua causa in Sacris nostris libris opinati scribuntur, «Christum esse aut Ieremiam, aut Eliam.» Ipsi Christiani aliqui sic dementi-verunt, Carpocrates, et Origenes: etsi iste magis ad Platonicos ascensus, et descensus, ivit. Sed ne Stoica omittamus, ad illa eamus.

DISSERTATIO XIII.

Animam corpus Stoicis esse, itemque Tertulliano.

Quaerebat enim seito loco Seneca, «Virum corpus sit, an non sit?» Omnino est ipsi, et Stoicis: est enim Spiritus. Laërtius: «Animam Spiritum, ergo et corpus esse.» Sed ut Chrysippus ait (apud Plut.), «rariore et tenuiore filo»: adeo ut «prae ipsa tenuitate (Tertulliani verba, de Pugnīs) de fide corporalitatis periclitetur.» Est tamen; et ipse ille doctus Afer (in multis Stoicis) ita non sentit solum, sed prodit et propugnat. Ipsum, si vis, vide, et Stoicorum (eos nominatim allegat) exposita argumenta. Hoc ita soli Stoici et Epicurei, praeter auctores veterum sectarum, quibus incorporea visa: etiam Pythagorae, ut Plutarchus ait (Plutarch. IV de Plac. cap. 2 et 3), etsi discipuli eius, qui *Aëreum aliquid* statuebant, corpus fecerunt. Non tamen omnes: «et Sextus pater ac filius (Senecae laudati, et Italicae illius sectae) hanc super omni Anima tulere sententiam: Incorporealis, inquit, omnis est Anima, et illocalis atque indeprebensa vis quaedam, quae sine spatio capax, corpus haurit et continet.,, Ista in Claudiano Mamerto legas (lib. I, cap. 9), qui tres de Animae statū libros scripsit, dici non potest, quam eruditos, elegantes, et subtile. Veteres omnes in hoc tractatu aequat, aut vincit. Et est revera incorporea anima: ac Stoicos iam olim refutavit Plotinus, in scri-

pto: «Quod non possit corporea esse Anima:» cuius excerpta pluscula in Eusebio habes. At dices. Si corpus Stoicis, qua figura igitur aut circumscriptione? Per se quidem sphaerica, opinor, quae Mundi est, et astrorum: atque ipsa delibata ex astris. In corpore autem, figuram scilicet eius sequitur, cuius membra omnia implet. Ideo Tertullianus universe Humanam ei formam assignat: «Effigiem, inquit (De Anima, cap. 9), Animae non aliam praeter humanam; et quidem eius corporis, quod unaquaeque circumtulit.» Nota, circumtulit: ergo et post mortem talis. Causam etiam addit: «Recognita enim quum Deus sufflasset in faciem hominis flatum vitae totum ntique per faciem statim flatum illum in interiora transmissum, simulque divina aspiratione densatum, omni intus linea expressum esse, quam densatus impleverat, et velut in forma gelasse. Inde igitur et corpulentia Animae ex densatione solidata est, et effigies expressione formata.» Quod ad causam; tota est Stoica, et frigus, gelationem: densationem miscet, corporeae Animae formandae, et efformandae.

DISSERTATIO XIV.

*Vbi Anima separata? et quid agat? in Lunae orbe,
aut circa esse, ac contemplari.*

Sed illa e superioribus (lib. II, Diss. IV) lucem suam, si attendisti, habent: si non, actum non ago, et aestu isto disputationum evolvere me pergo. Erat enim septima, «Quid facturus sit Animus, quum per nos facere aliquid desiderit?» Sententia est, Quid faciet Animus, solutus et a nobis liber? Duo hic videunda: et Vbi sit, et Qua sorte aut occupatione. Vbi? quaerit hoc ipsum alibi Seneca, et avet discere (Epist. LXV): «Nesciam quo hinc iturus sim? quae sedes exspectet Animam solutam legibus servitutis humanae?» Dicam ego hoc tibi, e patris tui libris? Apud eum Arellius Fuscus (Suasor. VI): «Animus divina origine haustus, cui nec senectus ulla, nec mors, onerosi corporis vinculis exsolutus, ad sedes suas et cognata sidera recurrit., Dicam e tuis (De Tranquill. cap. 11): «Reverti eo unde veneris, quid grave est?., Atqui venimus (ante doctum) e caelo. Ideo Manilius:

An dubiam est, habitare Deum sub pectore nostro,
An caelumque redire Animas, caeloque venire?

Tamen distinctius paulo hoc dicendum est, ex Stoicorum scitis: quae Tertullianus propagavit. «Apud Platonem, inquit (De Anima, cap. 54), in aethereum sublimantur Animae sapientes; apud Arium, in Aërem; apud Stoicos, sub Lunam.» Vide. Plato altius tollit in ipsum Aetherem, et inter sidera locat: Stoici, modestius, iuxta illum, et proxime a Luna. Ego cum Ario, in Aëre, sed supremo. Iterum Tertullianus: «In Aethere dormitio nostra, cum Platone; aut circa Lunam, cum Endymionibus Stoicorum.» Ridet acite; sed etiam Cicero hanc sententiam expressit, ut Stoicam (I Tuscul.): «Necesse est Animus, quo nihil est velocius, ita feratur, ut penetret et dividat omne caelum hoc, in quo nubes, imbres ventique coguntur; quam regionem quum superavit Animus naturamque sui similem contigit, et agnovit: iuventus ex anima tenni, et ex ardore Solis temperato, ignibus insistit, et finem altius effereudi se facit. Quum enim sui similem et levitatem et calorem adeptus est, tanquam paribus examinatus ponderibus, nullam in partem movetur: eaque ei denum naturalis est sedes, quum ad sui simile penetravit; in quo nulla re egens, aletur et sustentabitur iisdem rebus, quibus astra sustentantur et aluntur.» Palam dicit, regionem turbidam Aëris permeare, in superiore sistere, quum naturae simili, id est Aetheri (cuius a Luna initium) appropinquat, aut est mixta. Lucanus pariter (lib. IX):

Quodque patet terras inter, caelique meatus,
Semidei manes habitant: quos ignea Virtus
Innocuas vita, patientes Aetheris imi
Fecit, et Aeternas Animam collegit in orbes.

In Aethere imo ponit, circa Lunam: neo omnes, sed virtute praestantes. Plinius ab hac mente (In Paneg.): «Sed et tu, pater Traiane, si non sidera, proximum tamen sideribus obtines sedem.» Adulatio Principes ipsos, sed consecratos, superiori caelo, et inter Deos, asserebat: at tu, inquit, Principis nostri pater inter Heroas agis et Sapientum animas, iuxta sidera, et in aëre illo supremo: aut et ipso Aethere, sed imo. Ab hac mente fortasse, quod Lunae populos suos quidam etiam e Stoicis dabant: de quo ante meminisse dixisse (lib. II, supra Diss. XII). Sed observa, de Sapientum animis haec dici tantum: de stultorum et rudium, alia sententia est, quam Tertulliano item scriamus acceptam. Nam quum in prioribus verbis edidisset, *Sapientes Animas* ad Lunam evehi, addit: «Quos quidem (Stoicos) miror, quod imprudentes Animas circa terram pro-

sternant, quoniam illas a Sapientibus, multo superioribus, erudiri affirmant. » Dogma igitur. Sapientum attolli, vulgariarum, versari et volvi circa terram; donec ab illis Sapientibus edoctae, et vitiis purgatae, item subvolarent. Non alibi legi; de Stoicis quidem: etsi Platonis similes ascensus et gradus scio, sed non cum hac disciplina. Quam idem ille Afer Naso suspendit: « et Vbi, inquit, erit Scholae regio, in tanta distantia diversiorum? qua ratione discipulae ad magistras conventabunt, tanto discrimine invicem abstractae? Quis autem illis posthumae eruditionis usus ac fructus, iamiam conflagratione perituris? » In Seneca nostro haec discrimina non sic reperio: unum locum, ubi leviter tangit. Ait ad Marciam (cap. 25): « Integer ille, nihilque in terris relinquens, paulumque supra nos commoratus, dum expurgat inhaerentia vitia, situmque omnis mortalis aevi excutit, deinde ad excelsa sublatus, inter felices currit Animas: excipitque illum coetus sacer, Scipiones, Catonesque. Pater tuus (Cremutius Cordus) Marcia, illic nepotem suum applicat sibi, et vicinorum siderum meatus docet. » Examina enim hic faciunt: et purgari in imo aëre (quippe adhuc adolescentem, nec plenae Sapientiae) filium ostendit: tum ascendere, et vicinorum sideribus (non inter ipsa) fieri ac ferri. Alibi non sic exacte, et Diis ipsis miscere videatur; ut in epistola quadam: « Quum venerit dies ille, qui mixtum hoc divini humanique secernat; corpus hoc ubi inveni relinquam, ipse me diis reddam. » Iterumque alibi (Ad Polyb. cap. 28), indefinite vel ambigue, quod ad locum: « Fruitur nunc (frater tuus mortuus) aperto et libero caelo: ex humili atque depresso in eum emicuit locum, quisquis ille est, qui solutus vinculis Animas beato recipit sinu: et nunc libere vagatur, et omnia rerum Naturae bona, cum summa voluptate, perspicit. » Vbi postremis etiam verbis vides, quid censuerint egisse Animas, sic in excelso sitas. Nimirum contemplatione (suavissimo pastu Animarum) se occupasse et oblectasse; ac supera ex vicino, et ima ex alto, lustrasse ac pervidisse. Itaque « in arcana Naturae penetrat (ut Seneca alibi ad Marciam, cap. 25), et scrutatur caelestium causas, et in profunda terrarum permittit aciem iuvat. » Sed ibidem profecto, « sideribus intermiscet, et in caelesti arce, » collocat, sicut et in epistola citata extrema: quod Platonium magis, quam Stoicum scito. Nam illi pandebant ipsum Aethera sapientibus: et in via adeo lactea collocabant. Sed et hi sua discrimina sedium habebant, et quaedam magis imas: non

nostro instituto nunc referendas. Plutarchus *de facie orbe Lunae*, sub finem; Macrobius in Scipionis Somnium, Stobaeanae utraeque Eclogae, et ipse Plato, ubertim suppeditabunt cupienti. Absolvi hoc Septimum spatium, pergo. Avo. Immo siste, et hoc addoce. Sapientum si in felicibus altisque locis: quid Insipientium, nihil iis poenae aut muletæ? Si superi, nulli inferi sunt? LARS. Iam dixi, purgari, et erudiri: sed de Incipientibus aut bonae spei et profectus hoc acceperim; de pessimis, quae ratio est? Pereant, aut certe vapulent. Tertullianus, de Stoicis (cap. 54): "Reliquas Animas (non eruditas, aut erudiendas) ad inferos deiiciunt.", Lactantius (lib. VII, cap. 7): "esse inferna Zeno Stoicus docuit, et sedes pinum ab impiis esse discretas: et illos quidem, quietas ac delectabiles incolere regiones; hos vero luere poenas in tenebrosis locis, atque in coeni voraginibus horrendis.", Seneca noster aliquid tangit (Epistola cxvii): "Quum de Animarum immortalitate loquimur, non leve momentum apud nos habet consensus hominum, aut timentium inferos, aut colentium. Vtor hac persuasione publica., Publica, sed non propria tamen: et ipse abdicat ac spernit. Ut ad Marciam (cap. 19): "Illa quae nobis inferos faciunt terribiles, fabula est. Nullas scimus imminere mortuis tenebras, nec carcerem, nec flagrantia igne, nec oblivionis amnem, nec tribunalia, nec reos. Luserant ista poëtae, et vanis nos agitare terroribus. Mors omnium dolorum et solutio est, et finis: ultra quam mala nostra non exeunt.", Idem Epictetus (III Dissert. cap. 13): "Nullus Orcus est, nullus Acheron, nullus Cocytus, nullus Pyriphlegethon, sed omnia plena sunt Deorum et Geniorum.", At quum isti sic negant, immo pernegant; an dissentiant a capite suo Zenone? Non arbitror: neque Zenonem aliud sensisse, quam circa terram in coeno et sordibus volutari, contrarium naturae igneae, atque hos inferos esse. Lactantii verba inspecta hoc dicent. Tamen mirum, et nobis notandum est, plerosque omnes veterum, immo plerasque omnes gentium, aliquid de Inferis scriptione, aut opinatione, libesse. Trimegistus aperte, in his quae exstant, inspersit: et de eo Tertullianus (cap. 10, et in Stobaeanis): "Mercurius Aegyptius dicit, Animam digressam a corpore, non refundi in Animam universi, sed manere determinatam, uti rationem, inquit, patri reddat eorum, quae in corpore gesserit.", Platonem omitto: res nota est Indos et Brachman. Illi addo, quos Strabo scribit eadem fere Platoni, "de immortalitate Animae, et de iudiciis

apud inferos „ sensisse (lib. XIV.) Et vere Empiricus, * De inferis, sicut de Diis, omnes homines habere communem notionem. „

DISSERTATIO XV.

De Reminiscencia Animae, aut Memoria, quum a corpore abivit.

Metam video, imo iam tango; et ultima quæstio, „ An obli-
viscat priorum, et illic oosse se incipiat, postquam de cor-
pore abductus in sublime recessit? „ Nihil hic de Reminiscencia
Platonis, quæ in terris locum habet; sed dubitatio est de su-
blimi iam Aoima: an illic memoriam priorum habeat; ac in se
adquiescat, oblita priorum? Definite super ea re nihil reperi:
in Seeca tamen, ad Marciam (cap. 25), „ agnitio aliorum „
ponitur, et quod „ coetus sacer, Scipiones, Catoesque, Cre-
ontium excipiet; ipse sum nepotem. „ Sed idem, alibi, ea-
dem omnia fore „ quæ ante Natalem „, non semel dixit: ergo
igoorantia aut oblivio vilium istarum rerum, et cura ac medi-
tatio meliorum. Testimonia igitur ambigua suot, aut deficient:
ratioem si vides, credam pro aiente parte esse, id est, remi-
nisci et scire. Si enim ab Aoima mundi huc avulsæ veneruot,
atque ea omnia; retinent lo ipso corpore notiones eas et
scintillas: atque ita Plato *παλινο ἀναμνήσκεις* haud absurde dixit:
„ Disceotias (cum Tertulliano vertam, de Aoima cap. 23) re-
miniscentias esse. „ Quidni igitur eadem divioitas et scientia
post corpus? Nec facit, si viles curas dicas: cogitant talia, non
iam curaot, et suis quæque pretiis pendunt. Ad summoam,
Stoicos non alienos ab hac sententia fuisse, Iulius Firmicus
mihi adsundet, fidus eorum assecla et satelles. „ Animus, io-
quit (lib. I Astron.), suæ originis ac seminis constantiam
retineos, omnia quæ difficilia atque ardua potaotur, facile di-
vioæ mentis iovestigatioe consequitur. Quis in caelo iter ma-
ris vidit? quis attritu lapidum scintillam, latentis ignis excussit?
quis potestates cognovit herbarum? cui se tota natura Divioi-
tatis ostendit, et prodidit, nisi Animo, qui ex caelesti est igoe
profectus? Ipse computos tradidit, ipse Solis ac Lunæ, ac
stellarum cursus, regressus, stationes, societates, augmenta,
ortus occasusque moustravit: et in fragilitate terreni corporis
coostitutus, brevi maicetatis suæ recordatioe, hæc omnia ut

traderet, non didicit, sed agnovit. „ Vides Platonica haec esse : nec ego video quid (posito illo principio originis) possit obduci. Meminisse igitur priorum cocludamus, et sine sensuum aut istrumentorum opera scire. Dionysius Halicarnassaeus etiam curare nos et nostra Animas facit, atque adeo vota suscipere pro nobis. „ Si quis locus Animas corpore solutas excipiat; non ille subterraneus aut caliginosus meam capiet, nec oblivionis qui dicitur campus, sed ille sublimis et purus Aether, in quo Deorum filios et Heroes ponunt; quibus illa pietatem tuam renunciabit, et gratiam sibi honoremque habitom, proque iis semper a Diis petet mercedem tibi et praecleara praemia. „ Quae postrema, quis abonet ad scita religionis nostrae esse? Nec ultra insisto, quia Senecae haec alibi intacta.

DISSERTATIO XVI.

Divisio Animae Varronis, et ea breviter explicata.

Finivi etiam Quaestiones super Animo, quas ipse proposuit: alia pauca, magis illustrando, dicam. Aoiinus etsi uniforme quid et simplex est, tamen *Partes* (sic Stoici et Platonici appellant); sive *Facultates* (*δυνάμεις* Aristoteli); sive, ut scite Varro (quid autem ille non scite?) *Gradus* distinctos quosdam habet. Hos alii atque alii aliter dividunt: Varro hoc modo. Digna enim verba eius dari, quae Hippodis antistes libris suis consignavit, et conservavit (de Civit. Dei VII, c. 23): „ Varro in libris, de Diis, selectis, tres esse affirmat Animae Gradus, in omni universaque Natura. Vnum, qui omnes partes corporis, quae vivunt, transit, et non habet Sensum, sed tantum ad Vivendum validudinem (potentiam). Hanc vim in nostro corpore permanere dicit ad ossa, ungues, capillos: sicut in Mundo arbores sine Sensu aluntur, et crescunt, et modo quodam suo vivunt. Secundum Gradum dicit, in quo est Sensus; hanc vim pervenire in Oculos, Aures, Nares, Os, Tactum. Tertium Gradum Animae esse summum, qui vocatur Aoiinus, in quo Intelligentia praeceminet: hoc, praeter Hominem, omnes carere mortales. In qua, quoniam homines Deo videntur esse similes; hanc partem Animae Mundi, dicit Deum, in nobis autem Genium vocari. Sic ergo et Anima Mundi, tres gradus iastituens, unam eius partem dicit esse Lapides et Ligna, et

hanc terram quam videmus, quo non permanat Sensus: ut ossa, et ungues Dei. Solem vero, Lunam, stellas, quae sentimus, quibusque ipse sentit, quae pervenit in astra, facere Deos; et per eam quod in Terram permanat, Deam Tellurem; quod autem in mare atque Oceanum, Deum esse Neptunum. » Pulchra ista, pro veteri philosophia: et quae talia merito desiderium nascuntur scriptorum Varronis, quae pessimo publico perierunt. Sed lustremus, et adeamus. *Gradus* appellat, a praestantia; et quia alia facultas aliam, quasi ascensu quoddam, excedit. *Partes* qui dicunt, parum proprie loqui videntur, quia « Pars est, quae subiecto, forma, et functione ab alia parte differt: at Facultas in eodem subiecto est, et plures esse possunt, quantitate tamen non discretas. Sicut pomi facultates omnes in uno cernuntur; partes aliae alibi existunt (Porphyr. apud Stob.). » At excusantur qui sic locuti, quia etsi « per se quidem Anima partibus careat, tamen corpori partibus constanti est indita, ac varias eius partes variis functionibus occupat, et eo respectu Partes habet. Neque enim eadem functio caput tenet, et pectus, et iecur. » (Ibid.) Sed his omissis, Varro igitur tres gradus fecit: Peripateticorum etiam ritu. Vnum *Vitae* tantum, quem *Σπάρτην* Graeci, *Alentem* Plinius, hodie *Vegetantem* dicunt. Hunc ipsum in *Mundo* (melius fortasse *Mundi*, vel *Mundano*, nempe corpore,) ponit: et arbores, plantas ac talia includit. Nam perseverat in hac comparatione Animae *Mundi*, cum Anima *Homini*, et utrobique paria ostendit. Tertius autem *Gradus* animae, inquit, « est summus, qui *Animus* vocatur. » Notemus discrimen inter Animam, et Animum, quod fere praeis Latinis fuit. Nam illa est, qua vivimus, ac sentimus: iste, quo intelligimus sapimusque. Itaque bestiis haud temere veteres dabant. Attius apud Nonium:

Sapimus Animo, fruimur Anima: sine Animo Anima est debilis.

Distinguunt et Epicurei, ac Lucretius pulchre Animum velut *pupulam oculi*, id est Animae, facit. Ipsum hoc Philo (lib. III de Opific. *Mundi*): Homini Animum eximium dedit, aliam Animae animam, et velut pupulam in oculo. » Est quod Homerus (ut Plato notat in Theaeteto) *ψυχῆς κέρας* dixit, *cor Animae*: sicut Latini *Mentem Animi* saepe, et saepissime *Mentem*, Graecum illud *Νοῦν* exprimentes. Lactantius (lib. VII): « Non est idem Mens et Anima; aliud est enim quo vivimus, aliud quo cogitamus. » Sed pergit Varro, isto Animo « omnes

carere mortales: » intellige, brutas Animantes. Amplius, hunc Animum in Mundi Anima, Deum esse et dici: in nobis, Genium. » De Genio isto in Introductione (lib. II, Dissert. XIX), si memoria tenes, adfatim a nobis dictum, et Varronis hunc locum iunge. Reliqua in Varronianis Incem a se habent.

DISSERTATIO XVII.

Alia Stoicorum divisio uberior, itemque Senecae, utraque explicata.

At vero Stoici aliter et plenius multo dividunt: quorum sententias (nam et inter se leviter differunt) quia Tertullianus summam retulit, eius verba audies, tum nostram interpretationem. Ait (de Anima, cap. 14): « Dividitur Anima in partes, nunc in duas a Platone, nunc in tres a Zenone, nunc in quinque et in sex a Panaetio, et in septem a Sorano, nunc in octo penes Chrysippum; etiam in novem penes Apollonphanem, sed et in decem apud quosdam Stoicorum, et in duas amplius apud Posidonium, qui a duobus exorsus titulis, Principali quod aiunt ὑγιαστικόν, et rationali quod aiunt λογικόν in duodecim exinde prosecuit. Ita in alias ex aliis Species dividunt Animam. Huiusmodi autem non tam partes Animae sunt, quam Vires, et efficaciae, et Operae: sicut de quibusdam (Vegetante, Sentiente, Rationali,) et Aristoteles iudicavit. » Semina vides, quae in multam et uberem messem surgant, si colere libeat et evocare. Levi mann fiat, et qua utile nobis aut opus. Primum, « dividitur a Platone in duas. » Etiam in tres celeberrime: sed Plutarchus utrumque dicet, qui fiat (IV de Placit. c. 4). « Pythagoras et Plato, summaria quadam ratione Animam statuunt bipertitam, Rationalem et Irrationalem: at pressius et accuratius, tripartitam; nam Irrationalem illam iterum dividunt in Irascentem et Concupiscentem. » Addit, « in tres a Zenone. » Doctissimus Pamelius ambigit an non a Varrone, nam Stoici, inquit, octo eas fecerunt. Quod verum est in Physica illa, ut sic dicam, et pro natura tota Animae, divisione: at ubi Moralis res praee man, tres etiam partes faciebant cum Platone, « Rationalem, Irascentem sive Animosam, et concupiscentem. » E Seneca mox videbis. Porro, « in quinque et in sex a Panaetio. » Idem Pamelius ambigit an non vox defiat, scribendumque « in

quique ab Aristotele. » Et fateor hunc interim sic divisisse: sed quis de Panaetio firmiter etiam abnuat, cuius scripta non exstant? Potuit in variis libris variasse, et modo quinque, aliquo adspectu aut causa, modo sex posuisse. De senario numero, est in Nemesii Antistitis libello De Anima (c. 15): "Zeno Stoicus, inquit, octonarum partium Animam esse censet, partiens eam in Principem facultatem (τὸ ἡγεμονικόν), in quinque Sensus, et Vocis mittendae, procreandique vim. Panaetius (male editur Panactus) philosophus edendae Vocis facultatem, motionis eius qua per se animalia cidentur, partem esse vult: et quidem rectissima. Procreatricem vero, non Animae, sed Naturae partem.," Dū ergo de octo tollit, sex relinquit. Pergit Tertullianus, "in septem a Sorano.," Nihil ultra scio, aut legi. "In octo penes Chrysippum.," Immo et Zenonem, ut supra Nemesius, et communiter omnes Stoicos. Laërtius: "Partes Animae octo dicunt, quinque Sensus, Seminalem in nobis vim, Vocalem, et Ratiocinantem.," Varro, ut solet, Stoiæ (VIII de Ling. Lat.): "Anima divisa in octo pars, quinque quibus sentimus, sextam qua cogitamus, septimam qua progengeramus, octavam qua vocem emittimus.," Cogitandi verbo in λογιστικῇ utitur: quia proprie Latinis Cogitare est plura in unum cogere et velut ratiocinari: et Cogitatio, διάνοια, non solum νόημα. Amplius, "In decem apud quosdam Stoicorum.," Quos credo addidisse, "Alendi et Movendi vim.," Denique "in duas amplius apud Posidonium.," Quae istae, nescio: suspicor tamen addidisse "Irascentem, et Concupiscentem:," atque ita ad eum numerum venisse. In Seneca nostro divisio est nulli harum consona, sed miscella. Ad Lucilium suum (Epist. xcii): "Inter me teque convenist, in Animos esse partes ministras, per quas Movemur, Alimurque, propter ipsam Principale nobis datas. In hoc Principali est aliquid Irrationale, et Rationale. Illud huic servit.," Et post pauca: "Irrationalis pars Animi duas habet partes; alteram animosam, ambitiosam, impotentem, positam in Affectionibus; alteram humilem, languidam, Voluptatibus deditam.," Ecce septem hae sunt partes, "Movendi, Alendi, Ratiocinandi; tum Rationalis, Irrationalis:," iterumque sub ista, "Irascens, Cupiensque.," Sed quid ita duas partes ministras nominat, "Movendi, et Alendi?," Non est Stoicum: atque adeo in octona illa divisione neutra harum infera. Sed credo alios, ut tetigi, fecisse: et Seneca obiter nunc, et ut in exemplum nominat, aliis omissis. Cur

item Stoici non inseruerint, puto factum, quod Naturae istas et viribus seminis tribuebant, ab Animo abiungebant. *Ministrae* autem partes bene in bonis libris scribuntur; non *mistae*; quia, ut ait, ob ipsam Principale sunt datae. Ita Stoici, apud Stoicorum: "Principale imperantis vice fungi, reliquas in ministri loco quamque ducebant. „ Est deinde in Seneca alteram partem " Affectionibus deditam: η intelligit τὸ διήμικον, *Animosum illud et Irritabile*, quod aliter τὸ παθητικόν, Graeci dicunt, *in affectionibus positum*, ut noster expressit. Facit et alteram, *Voluptatibus deditam*: τὸ ἐκδυμνητικόν, scilicet quod *Concupiscens* nominamus. Sed notae utriusque bellae: una, inquit, " animosa, impotens est; „ altera " humilis, languida. „ Philo Iudaeus scita imagine hoc illustret. " In Anima nostra (ait de Agricultura) Equi sunt, et Auriga vel Adscensor. Equi duo, Irascens et Concupiscens: ille velut mas, haec foemina. Ille gestiens, solutus et liber esse vult; iste servilis, humilis, vafritie gaudens, domi desidet et pascitur, sed et pascit devoratque. „ (Graece hoc argute, οἰκονόμος καὶ οἰκονόμος) " Auriga autem Animus est, si Prudentiam quidem et Rationem audit: si non audit, Adscensor tantum, sive ἀναδιδύς. „ Pulchre sane. Si equos hos duos regimus, et Rationis fraeno donamus, Aurigae sumus, digni hoc nomine, et per rectum viam ad optimum Finem imus: sin aliter, Adscensores tantum; sedemus in vehiculo, sed imperiti regere, et

Fertur equis auriga, neque audit currus habenas.*

DISSERTATIO XVIII.

Principale Animae Quid, et Ubi sit? in Corde Stoicis poni.

Absolvi de Partibus: nisi quod explicatus aliquid de ἡγεμονικῷ dicendum videtur, quod *Principale* Seneca vertit: Cicero autem *Principatum*. Ita enim alibi (II de Natur. Deor): "Principatum id dico, quod Graeci ἡγεμονικόν, quo nihil in quoque genere nec potest, nec debet esse praestantius. „ Prima igitur et praecipua pars est *Principale*: quam lubet et expedit Plutarchi etiam verbis (IV de Placit. c. 21), pro sensu Stoico, magis revelare. " Stoici inquit animae supremam partem, *Principale*; id quod facit imaginationes, assensiones, sensus, et appetitiones: atque id Ratiocinationem appellant. „ Addit

“ ab isto Principali septem partes reliquas Animae enatas esse ac protensas, ut e polypode (1) cirros. Ex his Visum, esse Spiritum qui a principe parte ad Oculos pertingit: Auditum, Spiritum qui ab eadem ad Aures: sic de Sensibus reliquis. Seminalem autem partem, esse Spiritum qui a Principato ad genitales meatus permeat. Vocalem, Spiritum qui ab eodem ad fances et liognam. „ In istis nota de *Spiritu* utique dici: scilicet, quia ipsa Anima *Spiritus* iis est: eoque aspectu et *Vocalem* et *Seminalem* (aliter Panaetio visum) ad Animum pertinere. Nota amplius λογισμὸν, id est *Ratiocinationem*, sive cum Varrone *cogitationem*, Principale dici: non autem ipsum λόγος, sive *Rationem*, quia illa pars et *Rationale* continet et *Irrationale*. Ascensus enim in ea et iudicia, sed non semper recta; depravante opinione et corpore, verum illud rectumque, quod a caelo habet. Est igitur λογική, sive *Rationalis*, quum recta *Ratione* utitur; est ἀλογος, sive *Irrationalis*, quum *Errore*. Ut verbo absolvam, non aliud ille Stoicorum λογισμός, quam aliorum νόος, sive *Mens* sive *Animus* cum Varrone. Vbi illi sedes? nam reliquas etiam partes in corpore vim alibi atque alibi exerere, et ibi velut incolere scimus: ubi igitur primaria, inquam, sedes? Disputant: et Stoici nostri* in *Corde* assignarunt. Laërtius: “ Principale esse primariam Animae partem, in qua imaginationes et appetitus fiunt, et unde sermo (an Ratio?) sursum mittitur. Id autem in *Corde* esse., Idem Tertullianus (cap. 15), qui “ summu[m] in Anima gradum (agnoscis Varronis verbum) Vitalem et sapientialem, quod ἡγεμονικόν appellant, certo in corporis recessu consecratum „ ait, eumque in *Corde*, quoniam et “ inspectorem Cordis Deum legimus, et *Corde* credi ad iustitiam, et corde suo unumquemque reprehendi: „ denique hoc ipsum “ Chrysippum etiam sapere „ affirmat, Nec de Chrysippo tantum Plutarchus: sed, inquit (IV de Plac. cap. 4): “ Omnes Stoici in toto *Corde*, aut in *Spiritu* eo qui circa Cor est, Principale ponunt. „ Ergo valde mirum, eundem eodem libro mox scribere (cap. 21), ubi de Stoicis: “ Ipsum Principale, sicut et in Mundo, habitat in nostro rotundo Capite. „ Profecto non est hic Stoicus, sed Platonius sensus et pro illo capiendus est loqui. Nam iterum alibi (de Com. Not.), ubi Stoicos carpit, miratur illos “ Assensiones, et Visiones, et Artes, et Memorias in Cordis puncto ponere; ubi et principem Animae partem. „ Clara sunt

(1) Piscis qui Latine *Multipes*.

et mens illorum, fontem vitae et intelligentiae in Corde esse, loco medio et dignissimo: quem ipsa Natura thorace, praecordiis, nudique munivit: quo laeso (non ita in aliis partibus) hominem illico perire necessum et extinguere. Ab eo igitur, ut e castello aquarum rivi ducuntur, reliquas Animae facultates effluere, et suis quasque locis se prodero et usibus servire. Ridet Galenus Chrysippi in hac re argumentum, quod Natura ipsa doceat, et clamet Animi vim illic esse, quoniam sponte homines, quum de se aut illo loquuntur, Manum, Cordi admovent, Feci, Dixi, Sensi, Non feci, Dixi, Sensi, pronunciantes. Rideat: cur non et Hippocratem suum, qui ita palam? (de Corde) "Cognitio enim, sive Mens hominis in sinistro^o ventriculo (Cordis) inaita est, et reliquae Animae imperat." Ausonius idem (in Monosyll.):

Mens, quae caelesti sensu rigat emeritum cor:
Cor vegetum, Mundi instar habens, Animae vigor ac vis.

Epicurei pariter, e quibus Lucretius (lib. III),

Consilium, quod nos Animum Mentemque vocamus,
Idque situm media regione in pectoris haeret,

ponunt, inquam, vel in ipso Corde, aut in Pectore circa. De Stoicis sensisse etiam Lactantium puto, quum Mentem "aut in medulla cerebri haerere," facit (de Opif. cap. 16), quod Plato; "aut in illo sanguine bipertito, qui est inclusus in corde," quod Nostri.

DISSERTATIO XIX.

Aliquid de praestantia Animi, et ad eius cultum adhortatio.

Principem iam partem, Quae sit, et Vbi, vides: o quam merito sic dictam! Animus ille est "dux atque imperator vitae mortalium:," idem "rector humani generis, agit atque habet cuncta, neque ipse habetur." (Sallust. Jugurt.) Vis praestantiam, et paene divinitatem eius videre? Omnia momento pervadit, sideribus velocior, cogitatione velocior, temporibus velocior. Quid dicam? paene ubique est. "Corpora, ait Seneca (de Benef. III, cap. 20), obnoxia sunt et adscripta dominis: mens quidem sui iuris, quae adeo libera et vaga est, ut nec ab hoc quidem carcere, cui inclusa est, teneri queat, quo minus

SEN. TOM. IV.

* R r

impetu suo utatur, et in infinitum comes caelestibus exeat. „ Quid ais, comes? immo antecessor. Tu ipse alibi (II de Benef. cap. 23): „Animo nihil non eodem, quo intendit, momento pervium est, sideribus velocior, quorum post multa saecula futuros cursus antecedit. „ Addam amplius, cogitationem ipsam antecedit: quid autem es celerius? Palcbe Homerus, de Phaeacibus:

Τῶν γὰρ ἀνδρῶν, ὡς καὶ πτερόν τι ὄρνις
Quorum sunt celeres naves, velut alitum ale,
Aut brevis in nobis senex. (Odys. II.)

Quod Claudianus imitari voluit, Rapt. Pros. II, 200:

Quantum non iaculum Parthi, non impetus Austri,
Non leve sollicitae Mentis discurrit acumen.

Denique magis dixi, et dicam, Tempora ipsa antecedit. Praesens hoc quod in lapsa est, praeteritum quod lapsum, futurum quod labetur, totum illud assiduus motus agmen Animus complectitur, et, ut Cicero ait (II de Fin.) simul trium temporum particeps est. „ Itaque vere Philo (quod deter. potiori insid.): „Sola Mens, ut omnium occisima, etiam Tempus ipsum, quo omnia fieri videntur, praecurrit et occupat, viribus occultis, sine Tempore, univsum hoc et partes eius pervagando, pertractando. „ Trismegistus haec celeritatem bene ingerit: „Dic, inquit (cap. 11), Animae tuae illo abire, et dicto citius illic erit. Praecepto Oceanum trannare; celerrime illic erit, non ut e loco in locum delata, sed tanquam iam ibi existens. Iube in caelum evolet: alis non egebit, neque ullum ei obstaculum; non Solis ardor, non aether, non caeli volutatio, non corpora astrorum: quin omnia pervadeas ad extremam Naturam pervolet. Immo et extra eam (aliquid extra eam) intueri tibi licet. „ Mira et maxima haec aestimanti sunt: quid reliquae dotes intelligentiae, inventionis, memoriae? Pelagus rerum et laudum: et vere imago ac simulacrum Dei. O attende, et „cogita in te, praeter Animum, nihil esse mirabile: cui magno nihil est magnum. „ (Sen. Epist. VII.) Quid ista vilia, et terrena, et peritura sunt? fumi. Similitudinem tuam recole, atque item originem: utraque divina est. Vt igitur „radii Solis contingunt quidem terram, sed ibi sunt unde emittuntur: sic animus ille magnus et sacer, et in hoc demissus ut propius divina nossemus; conversetur quidem nobiscum, sed haereat origini suae „ (Sen. Epist. XL.) Fiat, mi Auditor,

et hoc fine Physica ista lustremus: non ut curiosi abditorum inspectores, sed seduli animi cultores, ut dignitate eius cognita, locum ei suum decusque servemus. Quem locum? Senecae verbis (Ep. Lxv): ut «quem in hoc Mundo locum Deus obtinet, hunc in homine Animus:», id est, imperet regatque, colatur a nobis, et affectus, cupidines, omnia humana domita habeat ac subiecta. Haec via ad ultimum Finem, ad Felicitatem, quo porticus tota, et magnus eius tubicen ac tibicen Seneca noster, vocant. Huc tende, hanc et istum ama, qua amant Honesta.



TABVLA

RERV M QVAE IN HOC QVARTO VOLV MINE

CONTINENTVR.

EPIST. LXXXIX. <i>Philosophiae divisio: de luxu et avaritia suae aetatis.</i>	Pag. 5
— XC. <i>Laus philosophiae: ad illam solius animi cu- ram pertinere.</i>	16
— XCI. <i>De incendio Lugduni: inde de morte cogi- tationes.</i>	39
— XCII. <i>In Epicureos invehitur: nihil voluptatem ad beatitudinem conferre.</i>	50
— XCIII. <i>Vitam non ex spatio, sed ex actu metiendam.</i>	66
— XCIV. <i>An utilia sint specialia de officiis praecepta?</i>	71
— XCV. <i>Solis praeceptis virtutem non gigni posse: necessaria esse decreta.</i>	99
— XCVI. <i>Omnia patienter ferenda.</i>	131
— XCVII. <i>Et nunc et olim fuisse malos: de vi con- scientiae.</i>	133
— XCVIII. <i>Bonis externis non confidendum.</i>	140
— XCIX. <i>Consolatoria in morte filii: non indulgen- dum dolori.</i>	147
— C. <i>De Papirio Fabiano philosopho, eiusque scri- ptis iudicium.</i>	159
— CI. <i>De morte Senecionis.</i>	166
— CII. <i>Clarityatem post mortem bonum esse.</i>	172
— CIII. <i>Homini ab homine praecipue cavendum.</i>	184

EP197. CIV. De invaletudine sua, et caritate in se uxoris: animi mala peregrinatione non sanari: cum priscis et magnis viris vivendum.	Pag. 186
— CV. Quid vitam securam faciat.	200
— CVI. An bonum sit corpus?	204
— CVII. Firmandum esse animum contra fortuita et necessaria.	208
— CVIII. Quomodo audiendi sint philosophi.	213
— CIX. An sapiens sapienti et quomodo prosit?	230
— CX. Vana optari, vana timeri, remedium a philo- sophia petendum.	237
— CXI. Sophismatibus veram opponit philosophiam.	245
— CXII. Desperat de quodam Lucilii amico reforman- do.	247
— CXIII. An virtutes sint animalia? has spernendas esse disputationes.	249
— CXIV. Eloquentiae corruptelam e corruptis mori- bus ortam esse.	260
— CXV. Describit virtutis pulchritudinem: inde in amorem divitiarum.	273
— CXVI. Omnino expellendos esse affectus.	282
— CXVII. An, quum sapientia bonum sit, etiam sa- pere.	286
— CXVIII. Quid sit bonum?	293
— CXIX. Divitem esse, qui cupidinibus imperat.	307
— CXX. Quomodo boni honestique notitia ad nos per- venerit.	314
— CXXI. Omnia animalia habere intellectum sui.	324
— CXXII. Contra eos qui naturam invertunt.	336
— CXXIII. Simplici victui assuescendum: spernendos voluptatis laudatores.	346
— CXXIV. Vtrum sensu an intellectu comprehendatur bonum.	354
Fragmenta librorum L. Annaei Senecae qui interciderunt.	365
Fragmenta ex veterum libris collecta cum Iusti Lipsii notis.	367
— De superstitione.	377
Nova fragmenta ex Palimpsestis eruta.	387
L. Annaei Senecae Epigrammata.	395
Ex L. Annaei Senecae libris Excerpta quaedam, et ci- talem nonnulla fulso tributa.	413
I. De paupertate liber.	ib.

II. De remediis fortuitorum.	Pag. 417
III. De quatuor virtutibus.	425
IV. De moribus.	434
V. Epistolae Senecae et Pauli.	441
IRSTI LIPSI PHYSIOLOGIAE STOICORVM LIBRI III, L.	
<i>Annaei Senecae aliorumque veterum scriptis, in primis</i>	
<i>Quaestionibus Naturalibus illustrandis.</i>	457

LIBER PRIMVS

DISSERT. I. <i>Aditus in sermonem, aliquid de ordine in docenda Philosophia iuxta Stoicos. Placere quibusdam, et nobis a Physicis ordiri.</i>	459
— II. <i>Physica laudata. Naturam communem et nostram eo ducere: fructum etiam invitare.</i>	461
— III. <i>Physicae partitio; et a principiis ordiendum videri, primumque a Deo et divinis; quae pars Theologia Naturalis dicta.</i>	463
— IV. <i>Duo rerum Principia Stoicis esse, Efficiens et Patiens: illud, Deum; hoc, Materiam.</i>	465
— V. <i>Ea ipsa, Naturas appellari: sed eminenter, Deum. Itemque Mundum in hoc nomen venire</i>	467
— VI. <i>Definitio Communis Naturae, id est Dei. Ignem esse, et dici Stoicis, atque etiam priscis.</i>	469
— VII. <i>Aliae definitiones Dei, in quibus, Spiritus, Animus, Mens, Ratio dicitur, et per omnia diffundi.</i>	472
— VIII. <i>Mundum ipsum Deum etiam Stoicis dici, sed proprie tamen eius Animam.</i>	474
— IX. <i>Obscura aut impenetrabilis Dei notitia: sermones ancipites; attribui tamen quaedam recte a Stoicis et primo unitatem.</i>	477
— X. <i>Eundem Bonum et Beneficum esse; et hanc velut propriam eius notam et nomen.</i>	479
— XI. <i>Denique Deum Providum et curatorem omnium esse, atque etiam singulorum. Qui aliter, reiecti.</i>	481
— XII. <i>E Providentia Fatum consequi; quid illud? et quomodo libertatem Deo non tollat.</i>	484
— XIII. <i>Obiectiones contra Providentiam et Egnita-</i>	

	<i>tem Dei: quaesitumque primo, Vnde Naturalia mala?</i>	Pag. 488
DISSERT. XIV.	<i>Secundo quaesitum, Vnde Interna mala, id est, Peccata? Stoicos etiam a Fato et Deo remove: et quomodo.</i>	491
— XV.	<i>Alia responsio nostra, et firmior, super istis. Distincta Mala Supplicii et Delicti: et quibusque suis auctor assignatus.</i>	495
— XVI.	<i>Tertio quaesitum de Malis Externis: et responsum. Videri etiam minima illorum a Deo esse.</i>	497
— XVII.	<i>Triplex obiectio contra Fatum; ordine solvuntur singulae.</i>	500
— XVIII.	<i>Genios etiam esse, Dei et Providentiae ministros; eorum genera, et sedes, ac de Heroibus primo, Laribusque.</i>	503
— XIX.	<i>De Geniis proprie dictis, Bonis Malisque. Singulis eos esse, item locis, et regionibus: et eorum curae, aut opera.</i>	506
— XX.	<i>Pluscula etiam De Geniis. De origine, de malitia, de varietate munerum: et quaedam huic rei e Sacris.</i>	513
— XXI.	<i>De Loco Dei obiter, qui ubique est, sed conspicua tamen sede in Caelis.</i>	518

LIBER SECVNDVS.

DISSERT. I.	<i>Anteloquium; de Morte aliquid, et eam cogitationem utilem ad vitam et robur animi esse.</i>	522
— II.	<i>Materia prima, alterum Principium, descripta; Aeternam esse, Non augeri, non minui; Non item pati.</i>	524
— III.	<i>An non plura Principia? et de Ideis dictum eaeque assertae.</i>	527
— IV.	<i>De Corpore quid Stoicis? late accipi, et omnem essentiam includere. Quenam etiam eorum, pro nostris scholis, et sensis nugamenta.</i>	529
— V.	<i>Deum et Materiam Corpora esse Stoicis: et quatuor dumtaxat proprie Incorporae.</i>	532
— VI.	<i>De Mundo, optimo maximoque corpore. Varia</i>	

	vocis significatio. Differt ab <i>Vniverso</i> : quid Totum Stoicis: itemque de <i>Vacuo</i> . . . Pag.	534
DISSERT. VII.	Definitio Mundi. Civitatem dici, itemque Templum: caeque imagines explicantae. . .	536
— VIII.	Factum esse Mundum a Deo, hominum causa: et quomodo sit factus.	539
— IX.	In vacuo Mundum librari. Vere natum videri: et quare forma eius circiter.	543
— X.	Animal eum esse, sensu et Ratione praeditum. Partes eius libatae. Ipsam animam, Deum esse.	545
— XI.	Divisio Mundi prima et secunda. Elementa quatuor esse, et in se invicem commutare. . .	549
— XII.	De Elemento Ignis, sive Aethere. Stoicis Ignem ibi statui: atque illum, aut in illo, Deum. . .	552
— XIII.	Aetheris praestantissimum Solem videri: re- gem siderum; et esse Mundanae animae <i>ἡγεμονίαν</i> . De Luna additum.	554
— XIV.	De Astris in genere. Rotunda esse, ex aethere conflata; ideoque ignea, et vaporibus pas- sci. Eadem futurorum conscia.	557
XV.	Aër, et eius divisio, primo Frigidum Stoicis esse.	562
— XVI.	Aqua, et praecipua eius pars Mare. Id terram circumit, init, subit, vinculum eius et irrigatio.	563
— XVII.	Duplicem Oceanum esse, eumque Terram quadrifariam partiri, ex sensu veterum, haud prorsus vano.	567
— XVIII.	De Terra. Matrem dici, et Animal; unde sustentetur firmeturque.	570
— XIX.	Stabilis ea, an moveatur? itemque de Novo orbe, sive America, an veteres gnari fue- rint?	572
— XX.	Vnus, an plures Mundi? idem an aeternus? esse, et non esse.	577
— XXI.	Dupliciter interit, Aqua et Igno. Primum de de Aqua, sive Cataclysmo.	579
— XXII.	De Ignis interitu, qui Ecpyrosis dicta. Quando, Quomodo, Qua gratia fiat? . .	581
— XXIII.	Christianos etiam huius sententiae; sed di-	

*visae, esse: item Epicureos, et Heraclitum
ante omnes: neque omnes tamen Stoicos.* Pag. 586

DISSERT. XXIV. <i>De Tempore adtextus; quid et quam breve, aut nihil, sit: tenendum utiliter, et asse- rendum.</i>	588
--	-----

LIBER TERTIVS.

— I. <i>Vestibulum et ingressus. De occupationibus ali- quid; et inter eas quoque philosophan- dum.</i>	592
— II. <i>Hominem parvum Mundum esse: et breviter eius praestantia.</i>	594
— III. <i>Nosce teipsum, hoc fine utiliter edictum.</i>	595
— IV. <i>De primo Hominis ortu variantes sententiae. Stoicorum approbata, et explicata.</i>	598
— V. <i>Homines primi an maiores, et paulatim deinde minores? atque obiter an Gigantes?</i>	603
— VI. <i>E semine Homines propagari: et illud defi- nitum. Viri genitabile habent, non item foeminae: et de vi Spiritus.</i>	605
— VII. <i>Semen tamen corpus modo Stoicis producere, et Animae receptaculum parare; ipsam ex- trinsecus insinuari; idque post Partionem.</i>	607
— VIII. <i>E Caelo et Aethere Animum advenire, a Stellis, ab ipso Deo: et pluscula sublimi- ter, ac nimis, a Stoicis dicta.</i>	610
— IX. <i>Ipsam itaque Animum aethereum Ignem esse, simul etiam Spiritum.</i>	614
— X. <i>Animam a partu Stoicis venire: sed verius no- bis a formatione foetus.</i>	615
— XI. <i>Eam longaevam, non Aeternam iisdem; ne- que omnes etiam, et trepide aut ambigue loqui.</i>	617
— XII. <i>De migratione Animarum in corpora. Plures ita sensisse, non tamen Stoicos.</i>	620
— XIII. <i>Animam corpus Stoicis esse, itemque Ter- tulliano.</i>	621
— XIV. <i>Vbi Anima separata? et quid agat? In Lunae orbe, aut circa eam, ac contemplari.</i>	622

DISSERT. XV. <i>De Reminiscentia Animae, aut Memoria, quum a corpore abiit.</i>	Pag. 626
— XVI. <i>Divisio Animae Varronis, et ea breviter explicata.</i>	627
— XVII. <i>Alia Stoicorum divisio uberior, itemque Senecae, utraque explicata.</i>	629
— XVIII. <i>Principale Animae Quid, et Vbi sit? in Corde Stoicis poni.</i>	631
— XIX. <i>Aliquid de praestantia Animi, et ad eius cultum adhortatio.</i>	633

FINIS QVARTI VOLVMINIS

Facultate obtenta.

57C090

